

《續修四庫全書》編纂委員會編

續修四庫全書



上海古籍出版社

五三六・史部・傳記類

本朝分省人物考一百十六卷（卷一百一至卷一百十五）〔明〕過庭訓撰……………一

雒陽源流錄十九卷〔清〕張夏撰……………三五

2670/06

人物考目錄卷之一百一

山西 潞安府 遼州 大同府

栗恕 杜敦

李狝 趙泰

劉昭 李之瀚

李昱 趙偉

李紀 劉龍

溫景葵 任寰

盧學禮 李鐸

李文輔 李達

李濬 王文

阮勤 劉潔

楊能 韓錦

李昇 白聚良

李新芳 薛朝胤

仇時濟

大同府

石瑁 劉文

孫祥 郝杰

郭容 林椿



本朝分省人物考 卷之一百一目錄

劉伏玘 孫逢吉

宋經 李從正

張汝舟

遼州

高魏 王雲鳳

王佐

澤州

楊砥 茹太素

張昂 侯璉

楊繼宗 田鐸

張璉 王玳

孟陽 郭璠

郭鑿 游居敬

劉虞夔 常倫

劉東星 王璉

原傑 宋甫

常軌 宋鑑

吳茂 李振民

張黻 王翔鳳

張段 申良

張銓 何廷魁

本朝分省人物考 卷之二百一目錄

本朝京省人物考卷之一百一

山西 潞安府 附澤州 遼州 大同府

栗恕

栗恕潞安府長子縣人洪武七年以縣學生起貢入國子監授刑科給事中十五年廷臣薦其才特試戶部右侍郎十七年陞試戶部尚書八月定各處鹽工本鈔十八年七月奉 命行兩浙京畿官田收稅糧鈔其天下有司官俸米每鈔二貫三百文准米一石其酒醋諸色課若有布帛米穀等項俱折金銀錢鈔除量存各司府州縣祭祀所用餘各令該司局等官

本朝分省人物考 卷一百一

山西三 范王

親齋具奏有司帶辦者差吏管解俱以次年正月起程又令各該有司復設糧長以民力稍多者充當其各賦役必驗丁糧多寡產業厚薄以均其力至是又命有司第民戶上中下三等為賦役冊貯於廳事凡遇徭役取驗以革吏弊時以農桑起科大重百姓艱難今後以定數為額聽從種植不必起科以甦其力恕宣勞于國屢見推任未幾上疏求罷歸里

杜敷

杜敷潞州壺關人年十五善屬文勤慎好學精通易書詩三經元末省院屢辟不起入國朝洪武十三年

以尚書范敏薦其學行特 勅徵之比至京陛見

上諭曰昔有耕莘者為政社稷永安築巖者在朝君

仁民康斯二賢登出於殷商致君六百年之大業是

賢者雖處同出異其忠君濟民之道則一朕政未施

訪近臣而求士召爾等來朝命為四輔官兼太子賓

客位列公侯都府之次必欲均調四時德合人天卿

等慎之同安盛世及蒞任 上又諭曰受斯重任朕

與卿等民生係焉可不重乎且卿等昨為庶民今輔

朕以掌民命出類拔萃以顯父母豈不天人交慶哉

未幾命敷司夏季三月皆上旬十日每人見賜坐講

論治道 上嘗幸第及屢賜珍饌襲衣又嘗賜遊東

苑 上親與賡詩後以老病告歸卒于家

李 翀

李翀壺關人洪武初由薦舉擢典籍十五年十一月

陞為侍講學士 上賜之勅曰昔有唐天下歲和時

豐無乃弘文館之設有方任館內之事者內相協贊

以致遐邇來庭外戶不閉今特命爾翀居是任尚期

文同韓柳勳比房杜以昌治化十七年 上與翀等

論武事翀曰用兵重在任將 上曰任將之道固重

然必任之專信之篤而後可以成功若唐憲宗用魚

本朝分省人物考 卷一百一

山西三 范王

朝恩肅宗用吐突承璀爲監軍諸將掣肘以致敗事者
是任將不專信之不篤故也狎曰惟 陛下聖明深知其弊
上曰將必擇有識有謀有仁有勇者有識能察幾於未形
有謀能制勝於未動有仁能得士心有勇能摧堅破銳兼是
四者而後可以成功然亦在人君任之何如爾十八年出爲
浙江右布政使尋以老致仕

趙 泰

趙泰字熙和潞城人登永樂癸卯鄉舉明年試禮部中乙榜當授
教官願入太學肄業尋歷政憲臺擢常州府同知廉以持已惠以
及民勤以蒞事凡利民之務必爲之開孟賈得勝二河作魏村閘
及郡城外東西二橋功成而民不勞歲旱齋沐禱於城隍大雨霑
足蝗飛至郡焚香告天悉飛去夜夢城隍祠神指一女人云當
辯其冤迨旦一婦人訴被誣當死泰以其事可疑乃廣詢博察得
其情實事遂白婦得不死奏減常官田重租修學舍課諸生進學
其善政甚多秩滿奏最天曹會河決東昌特陞都水郎中往塞河
既興功時尚書周公爲侍郎巡撫南畿總蘇松諸郡糧賦以賦重
大薦泰協同都運詔從之泰任事以勤勞

本朝分省人物考 卷一百一

三

山西三 范五

率民徵輸有法不侵其下吏民仰賴無何以疾卒春秋五十
有二泰爲政公恕平易不尚刻覈所至有聲稱焉時同事周
公深加悼惜

劉 昭

劉昭字克明號約禮潞城人穎敏秀拔登宣德間進士第觀政
刑部練達治體爲大司寇所器重正統辛酉擢給事中於南京
封駁章疏一乘至公糾舉六卿不避權要時宦官監收倉糧民
被其害昭卽上疏陳言弊用以革皇城門闌出無禁劾奏嚴
其稽察直聲琅琅重于兩京正統戊辰用大臣薦陞知臨洮
下車之初學官之頽敝者重工修葺以勵人才田野之未闢
者令民開墾以重農事郡治舊缺鐘鼓二樓捐俸市材增創之
不越月而成民不告勞蓋其興廢補遺靡不類此初郡科目乏
人蒞事以來恒加獎勵故自庚午至丙子士領鄉薦者彬彬輩
出景泰壬申歲大旱民缺食流亡者衆百方撫綏旣設法勸借
以賑之復割俸煮粥以濟之時濱死而賴以復蘇者不可數計
屬邑民訟不能決者一言折之不情者往往羞赧自服故刑獄
多所平反民以不冤郡有歌之者曰野有饑民惟侯活之我有
田疇惟侯闢之古人謹獄惟

本朝分省人物考 卷一百一

四

山西三 范五

侯平之有此三惠孰不懷之聞者以為實錄云敏官七年不赫赫以立威不皎皎以沽名惟砥礪名節勤恤民隱曰吾惟求盡其在我者而已故其没于官也環千里內外無間軍民皆悼惜之曰安得撫我復有如吾劉公者耶春秋六十

李之瀚

李之瀚屯留人宣德乙卯鄉薦成進士出知華亭歲惡民流加意招撫漸以復業還貴戚所侵民田徵拜御史按陝劾賊吏汰宿奸郡邑吏望風惜伏擒巨猾之肆毒一方者寘于法扼鎮守貴璫不得恣其惡縛

本朝分省人物考

卷一百一

五

山西三

終南山妖僧市斬不以稱亂故株連無辜陞江西副使遷按察使歷布政使擢副都御史董漕政淮南守結逆璫貪悞虐民劾罷之會藩王由運河之國恐其妨運奏令各船分行兩河得以不擾徵入為左副都御史晉南戶書時外守備縱家人私攬歲課不以輸官收繫獄宿逋始完尋致仕歸

李昱

李昱字文昭號慎齋世為潞州人天性剛毅篤於為義慷慨自許動以古人為法領宣德乙卯鄉薦卒業太學謁選授光祿寺署丞正統己巳扈從北征陷于

虜庭虜人欲用之不屈臨之以刃乃曰主辱臣死今日顧吾死所也遂遇害景泰初進階徵仕郎廕一子入太學褒以勅命子淳歷揚州推官高堂同知孫堂以鄉薦令遵化為死馬寺丞

趙偉

趙偉字士奇號愚菴潞城人正統戊午鄉試高第丁卯入選銓曹拜河南開封府同知綽有政聲時少保于公撫臨其地嘗奏保衛輝懷慶知府未及行景泰辛未接丁內外艱至乙亥服闋復改山東萊州府如前職萊民間知咸舉手加額私相謂曰今得賢父母

本朝分省人物考

卷一百一

木

山西

矣偉蒞政如在開封而心益勞功益著聲益宏甫二期用廷臣薦陞青州府知府已卯夏旱飛蝗入境率屬虔禱於八蜡之神已而甘雨大澍蝗種盡斃歲大熟越辛巳政通人和公視府第及廟學壇壝多傾圮乃設法措置拓而新之官不知費民不知勞青民有一家坐三人以死者憐其絕後活一人以延其嗣忽一夕夢其父祖匍匐而至謝曰延吾之後公之惠也吾亦惟祝公之後繼續而益大之耳在治八載罔倦於勤成化丙戌適當朝會之期自上疏乞歸既得請優游桑梓日以教子耕讀為事每歲時自鄉飲外未

嘗一至公府見里中有貧乏者賙給之婚喪有未舉者資助之如是者幾十載一疾奄逝時成化乙巳享年七十有六

李紀

李紀字朝振潞州人中成化乙酉省試授故城知縣故城俗昏娶論財家貧男女或壯老無一匹者紀至盡召諸里耆而立之約自今昏娶論財者法弗貸于是貧家皆得匹縣故有官地占于豪官莫能奪紀按文責地豪即出之還官乃歲以地出給貧民緩其征秩滿擢錦衣衛經歷六年擢臨洮府知府臨洮雜番

本朝分省人物考

卷一百一

七

山西三

李文

桀難治紀曰不操法令無以遠惡也乃治其豪侮法令者益尚嚴明吏民人人無不惴恐無敢冒文者其後人人乃得自緩不至陷害郡大治守日與僚張宴坐花行酒吹笙竽時與衛官擁旌旄伐金鼓出城行射較獵然人人亦喜觀曰太守甚樂孔武弗擾也洮水將壞城洶洶不可渡守登城指某山石可隄某山木可梁乃築石隄水去城三里伐木爲八舟梁之在郡剛方自持不能恭事上官上官多畏害之都御史有親故過府販綿葛求守令于民爲倍利焉守曰此何以令民吾爲民守終不能爲都御史親故販而

董利漁民將報之其人懼而遁潛于都御史都御史彈守降爲長蘆運司同知或勸之曰運司財利府也人無有望身名陞者公又貧獨自爲計邪弗聽益峻自潔嘗赴京諸大商賈人張具于路遮馬留食徑策馬趨過之叱曰吾食汝邪于是御史嘉之上其名曰居可貪而弗污者今見有李同知爾居嘗曰寧死不污寧貧不貪故爲孝廉時以能却金不爲人干請蓋其方廉志性不移如此由長蘆擢福建運使一年乞致仕歸曰吾何以弗已邪世之見用者不附勢率通滑爾方者貶廉者塞吾無用矣吾何以弗已邪別號

本朝分省人物考

卷一百一

八

山西三

李文

默菴晚又號漳東主人好吟咏著有默菴集既疾會其親族子弟曰吾年止今日吾平生儉人以爲嗇吾無人以爲有夫誰知予者遂出篋筭開使共視之惟圖書衣幘而已

劉龍

劉龍字舜卿號紫巖襄垣人祖浙江副使父鳳儀以進士爲刑部郎中嘗晝寢夢一紫衣人以朱盤捧書排戶而入曰上帝以此賜汝翌日龍生幼穎秀不凡十歲號能文筆鋒警銳弘治乙卯舉山西第二人己未中式禮部廷對擢一甲第三人授編修充經筵

講官與修 孝廟實錄正德丙寅丁外艱歸起復
職時逆瑾用事改授兵部主事尋改吏部考功司員
外瑾誅詔復原官陞左春坊領司經局修玉牒講官
如故癸酉主順天鄉試陞侍講學士與弟給舍夔同
列華階嘉靖改元命教庶吉士與修 武宗實錄再
主順天鄉試陞禮部右侍郎賜織金羅段紗絹衣一
襲冠帶靴履副之值母喪加賜祭葬服除陞左侍郎
日講如故久之陞南京禮部尚書廕一子國子生尋
陞南吏部尚書壬辰內察悉心訪覈去留號為精當
改南京兵部尚書叅贊機務濟川諸衛快船工料諸

本朝分省人物考 卷一百一

九

山西三 履若

潘司率不時給歲請勅印差官經理錦衣衛沙洲湖
塘之利乾沒不貲奏遣其屬偕督屯使者勾稽如法
黃船軍役頗多富室巧相影匿不歸伍者千餘人所
耗月糧歲且萬石乃躬為編定往返率以三月為限
歸塢還營各有定期勞逸既均而疾病亦除矣江北
飛熊等衛屯所地曠人稀鹽徒肆行鈔暴奏選三衛
屯軍舍餘列營操備以都指揮一人領之而盜賊衰
息他如修兵政以肅軍令崇武學以通將材罷龍江
五關守把之中官稽橫海五衛欺隱之蓄謀凡有裨
機務者無不畢力為之有旨召還北京請罷益力

上允致仕賜驛以歸歸則時與親知觴咏紫巖山水
之間意殊樂之節鎮巡臺交章論薦詮部擬起用而
竟不果出嘉靖癸丑以病卒初邑人見大星隕城北
赤氣亘天祖塋草木皆悴咸為龍危至是果驗然年
已七十有八矣

溫景葵

溫景葵字汝陽大同舉人也其文行為鄉表以嘉靖
壬辰進士令長山擢御史守蘇州並有治績嘉靖庚
申邊事孔棘兵道初設乃自霸州道移任制運籌
詳審精密任四年政兼百善事愜人心功垂世軌如

本朝分省人物考 卷一百一

十

山西三

穀殘傷農立為糴貯法因軍餉對支掠害商人立為
入倉法因將士重冒行糧濫費立為稽查法因後府
催殘徭坑衛職疏准為徑解惜薪司法修建昌營劉
家營石門寨半壁山等城為邊疆保障未再閱月新
郡城樓七座處置有方財不費而居民不擾為重鎮
偉觀遴選庠士館之孤竹書院聘師豐稟嚴程課如
親子弟然故一時登巍科者皆出其門約軍衛而寬
嚴並用遇士夫而恩禮兼隆疆圉肅清小民安堵加
叅政俸癸亥之變總兵陳沒督撫重譴朝議難其人
科道交薦特擢都御史巡撫順天其惠澤及人者尤

深居三載告病歸里以疾卒于家

任 寰

任寰字應乾號復菴潞安人嘉靖甲辰進士知廣平調劇沙河丁父憂起復滑縣沙河當南北之衝疲于役甚首爲省厨傳罷誅求以次釋冤獄毀淫祠凡所興革必視民所便其治滑如治沙兩邑皆祠祀之陞同知蘇州府時倭夷寇東南所至民與吏輒奔以潰寰獨訓練所統民兵與之力戰而躬介冑策馬以先之自書其姓名於腹背手足曰死戰吾責也茲用以識庶得收葬焉聞者感泣又與其兵同寢食或連日

本朝分省人物考

卷一百一

十一

山西三

徐仁

夜粒米不入口或露宿草莽植立泥淖中所得俸值及諸上官之牢醴悉分與其兵由是兵益日奮敗賊于上海之八團方戰時寇拔劍直趨擊寰賴庖人以身蔽之獲免而猶身被三創既而守太倉以積勞疽發于背其子爾孝請還郡就醫叱曰吾誓不與賊俱生幸吾疾愈而賊滅當與若共享太平之福否則有臣死忠妻死節子死孝而已歸以是語爾母會報賊至遂裹瘡出海擊之怒濤如山南人習舟者皆震眩失色寰意氣彌厲手劍麾舟師擣之賊大敗俘斬百餘未幾又敗之陰沙敗之保山敗之南沙捷聞擢山

東僉事備兵蘇松賊又犯蘇民爭走入城聚保門鎗不得入哭聲震野寰曰城池視百姓重等耳奈何棄之亟命啟門曰賊入者某請任其責明日賊至敗之葑門復至復大敗之賊遁論功進副使賜白金文綺廕一子潞州衛正千戶世襲丁母憂部使者及諸士民連疏乞起詔責以大義而特贈其母以慰之不得已受命明年倭平疏乞終制詔報可陞山東參政以旌其功竟以前勞積瘁疾作遽卒享年僅四十人莫不悼惜之

盧學禮

本朝分省人物考

卷一百一

十二

山西三

徐仁

盧學禮字立夫號趨庭潞城人少負異資嶷然魁岸爲博士家言敏捷有法度博聞強志名稱超然隆慶丁卯舉京兆第再上春官萬曆甲戌將復詣試而值母恭人病或勸盍且趣裝愀然謝曰安有親臥牀簣而千里赴名有如闕于一訣何以爲子竟止不行頃之遂丁內艱丁丑北上成進士第筮仕南召令踰年聲績大起天官偉其才望未幾以外艱去職服除補東阿陝歲召爲兵部武選司主事再遷車駕郎中擢兗州府知府已復丁繼母憂服除補守襄陽會播州兵興供億徵輸多所勞瘁又以權使暴征爭不能下

方有歸圖旋晉陝西副使兵備洮岷聞命欲謝不往所知咸敦迫之爲一持節蒞鎮又與勅使爲忤竟拂衣歸歸不數月輒病病不踰歲竟卒學禮寬然長者也貌樸而偉坦夷無城府接人辭色雍雅情義藹然凝重不佻口若鈍于辭然于世故民情談說娓娓曲中肯綮雖竟日夜不倦居職廉儉無所紛華取簡靜寬和爲理挈綱疎目耻言苛細而比讞精詳綜理縝密猾胥不能欺也事使之際不爲崖異而動有執持亦無能撓其法者蓋純然古循良吏矣南召僻小邑然在山谷陜塞中多礦盜日夜拊循小民樽節裁省與之休息因以嚴飭烽燧盜不得發境內無虞東阿治當孔道其衝倍于他邑不滿朞月政通人和誦聲交作赫然最魯中充爲東方大府方制二千餘里介在兩都之中稱望郡以治邑之政移之于守風聲所樹二十七城罔不蒸蒸庇在宇下兩臺諸使以疏言治狀且十餘上天官考其治績表爲憲副候命未下遂以憂歸故再補而後遷位雖尊顯于資地稱淹久矣猶以不能爲容拂衣而老仕林惜之而里人當其卒識與不識皆爲嘆息泣下至空市走弔則忠心誠信所感深矣

本朝分省人物考 卷一百一

十三

山西三 劉奎

李鐸

李鐸潞安人才識通敏以國子生任江西僉事有任剛果不阿得風憲體

李文輔

李文輔潞安人以國子生歷任山東濟南府知府在郡多善政以才幹馳聲

李達

李達屯留人洪武中貢士任福建道監察御史秉公執法立朝稜稜有風望出按外省軍民咸服

李濬

李濬襄垣人永樂進士拜兵部主事陞保定知府尋調河間所至有善政休歸鄉里以詩酒自適高枕柴門怡然自足所著有雲谿稿瀛海集

本朝分省人物考 卷一百一

十四

山西三

王文

王文潞州衛人少砥礪行履端潔正統間舉人知邠州舉無稅政以績最陞漳州府知府調河南平涼兩府所至皆上德輕刑民立碑頌之後陞浙江鹽運使致仕

阮勤

阮勤長子縣人性嚴毅篤學研精經史景泰間進士

授大理寺評事遷寺副陞知台州府單車至郡滌穢
弊導美利在任九年蒞民煦煦如子民亦愛之如父
母既去立碑識思轉山東叅政歷左布政使治行爲
諸藩最拜都察院右副都御史奉 勅巡撫陝西軍
民稱便無何召入爲兵部左侍郎尋改南京刑部秩
滿赴京上章乞休 詔進榮祿大夫平生清介自持
跋歷中外幾四十年始終一節士論重之

劉潔

劉潔襄垣人景泰間鄉舉擢監察御史數上封事多
見採納從征荆襄有功擢浙江按察司副使卒於官
本朝分省人物考 卷一百一 山西三 十五
所著有一菴集子鳳儀孝友純篤舉進士補高密令
有惠政官至刑部員外郎

楊能

楊能壺關人姿儀瓌秀有才識天順間鄉舉同知東
昌府事在任廉明譽徹上下時有妖言連逮十餘人
皆抵死能力爲之辯得釋尋陞本府知府子奇歷拜
戶部郎中有才名官至浙江叅政

韓錦 李昇

韓錦李昇俱潞城人六世同居家庭雍穆成化六年
並旌其門

白聚良

白聚良潞城人朴魯不知書母卒廬墓六年始終無
少懈其孝誠殆天性云弘治六年有司以孝聞

李新芳

李新芳潞州人嘉靖初進士任揚州保定二府推官
清白自將鞠獄明允民不稱冤擢主事改監察御史
致仕時年已越艾猶講學不輟躬德履義士人翕然
宗之

薛朝胤

薛朝胤潞州衛指揮嘉靖六年青羊山土賊陳卿倚
險爲藪日久勢猖朝胤率兵征勦自晨至午斬獲甚
多賊走三角山復突至賊營連射殺十三名賊分路
衝擊後陣官兵潰散遂遇害

仇時濟

仇時濟潞安人爲宿州吏目五世同居闔門百有餘
口歡然無間嘗與弟時茂作仇氏家範以爲世守復
與鄉人舉行藍田呂氏鄉約河內何塘稱其門有義
讓之風云

山西

大同府

石瑁

石瑁大同府應州人領宣德己酉鄉舉庚戌入國監
 登癸丑進士觀政戶部收通州倉糧草去宿弊正統
 初授禮科給事中擢知金華府鄰郡括蒼盜起出兵
 擊之掠酒食殺人於郭外瑁執斬以徇始帖然就部
 伍以去民避盜來者老稚扶携千百為羣皆乏食非
 開官庾莫能濟上官疑莫敢曰彼迫于殍死則亦為
 盜矣擅開庾與迫民為盜罪孰重我就其輕者得譴
 無悔也開以濟之歡聲雷動蘭谿吏徐世揚浦江卒
 王猛烈皆為其邑患苦置之法眾以寧謐母憂去任
 本朝分省人物考卷一百一十七 山西三

劉文

劉文字宗華大同縣人以鄉貢士選習夷字舉正統
 元年進士授中書舍人仍譯字十四年扈從北征還
 陳邊務數事 景皇帝召入便殿面問之尋命提督
 四夷館丁母憂詔奪情任事陞吏部郎中天順初以
 迎駕陞右通政成化五年再陞右通政九年命偕都
 督李文撫安西番三年而後歸因乞休致至家卒計
 聞命有司致祭文在夷館最久熟知夷情屢有建請
 多所採納云

孫祥

本朝分省人物考卷一百一十八 山西三
 孫祥大同府大同縣人正統乙丑進士擢兵科給事
 中十四年土木之變超拜都察院右僉都御史鎮守
 紫荆關北虜犯順被賊射死

郝杰

郝杰字彥輔號少泉蔚州人父銘為監察御史按滇
 南有能聲杰以嘉靖丙辰進士授行人選御史按貴
 州丁父憂歸服除補河南道按順天入掌京畿道會
 新鄭高公拱再相杰嘗露章斥其器量不堪端揆出
 為陝西副使遷江西叅政改山東丁母憂歸服除陞
 浙江按察使尋轉左右轄拜右僉都御史巡撫遼東
 得年六十有四

其年虜十餘萬入寧前督輕騎擊走之明年春虜悉
衆犯遼陽督諸將追出塞斬首虜三百八十餘級鹵
獲器畜以千計捷聞詔賜白金文綺廕一子國子生
其冬虜二十萬騎入河東分遣諸將禦之斬首虜百
奪所掠人畜以還辛卯春虜約東西部謀大入先其
未發合諸將兵出鎮虜臺掩擊之斬獲甚衆虜謀以
寢在遼三年繕塞修城扞防之備甚設前後條議邊
事以十數詔晉兵部右侍郎兼僉都御史總督薊遼
無何晉右都御史入理戎政陞南京工部尚書尋改
兵部參贊機務以萬曆庚子卒于官得壽七十有一

本朝分省人物考

卷一百一

十九

山西三

陶洋

杰夙負志槩始進盟心期不爲勢賄移兩使親藩餽
遺一無所受按部關輔值歲大稔痛裁供億檄郡吏
各以方略佐賑饑民用甦中璫採免寶坻踐稼擾民
疏陳其害罷去楊忠愍繼盛以擊相嵩死爲請建祠
祀之得賜額曰旌忠出爲監司浙營兵以減餉譟羣
擁撫臺吳公於軍中刃脇之杰聞變疾馳而前諭以
利害悍卒斂戢吳公獲全無何杭民以火甲偏累控
狀直指不得伸構惡少夜縱火燔掠公署及貴豪家
一邑洶洶杰于兵燹中走衛直指而陰勒營卒捕爲
亂者收繫獄明日僇其魁衆乃戢其鎮遼務遠斥堠

虜近塞輒先謀知其情部署諸將宿勁兵以待虜入
互爲犄角動應指揮靡不以全收勝者遼之績蓋獨
偉焉訃聞賜祭葬贈太子少保廕一子國子生

郭容

郭容字子仁大同渾源州人成化乙酉登鄉書屢試
春官不售僑寓京師友天下士銳意樹功名其魁壘
之氣鬱無所施則相與縱論天下事抵掌高談緩據
古今出入經史霏霏如屑或論不合則面折之人雖
不堪不少假盡言乃已然直諒素著人亦不甚怨焉
癸卯夏天子召見便殿訪以黃白之術容謝不知

本朝分省人物考

卷一百一

二十

山西三

是歲冬除山東寧海知州單車以赴民有豪猾恣爲
奸利前守莫能制鄉人畏戒縛而杖之餘黨解散州
濱海陋無禮教婚嫁爭財女不時歸定爲條約赤貧
者足帛罇酒官給焉每得亂吏治者俾輸本自贖民
死不能葬者資以棺具養濟院布粟以時頒暇則按
視問以疾苦嘗謂守令之責實兼教養於是條具利
民化俗十有六事請於監司行之識者知其志非小
就者也甲辰冬中貴人奉命祀海神因欲稅金以媚
於上郡邑將從之容逆諸境上言境內往歲雖產麩
金日漸微渺得之甚艱置稅則朝廷未必得分毫之

利而百姓受無窮之害况後課額不足又將取足於民或有他虞亦今日啓事者之責也或以餽金獻斥之復以危言動其左右之人中貴猶豫且心憚稅卒不行乙巳督餉宣府感暑疾還至京師寓舍卒得年五十有二

林椿

林椿字永年號南山大同衛人襲右衛指揮僉事尋擢把總統部衆遏敵斬獲賊首陞指揮使由此韜畧益開聲望益著維意所向目無勁敵推陞右衛城守備甫歲值大廟灣之變身披重創不克視事乃乞休

本朝分省人物考 卷一百一

十一

山西三

尋愈守備朔州維時虜衆南下岢嵐係腹裏劇郡乃特選改其任至則極力經營百廢具修歸然壯於邊陲值夜分宴坐吏人懷金投帳下無語而出椿速招之入叱令持去旦日集諸吏白其事且誓之曰爲官暮夜受金爲貧耳比與爾爲軍輩貧且奈何哉由是無不感泣二十三年拜協守大同副總兵年纔三十餘壯懷忠志益肆激發每讀岳武穆詞至食肉飲血處憤惋嘆曰人臣懷仁義以事其君豈容旦夕忘此與人接談必以捐軀殉國自許居家遇祀事則齋戒獨宿臨事戒懼每用占卜尤精靈棋經稽驗不爽性

好修合醫藥歲每捐俸濟人多所全活凡軍中嬰疾者卽僕僕視脉施藥用是軍深德之管修塞垣與士卒同苦卽飲食莫之或辨防秋夜遇雨雪端坐營帳子姪輩或勸飲遣懷止之曰士衆且凍餒直衛吾尚敢他縱乎丁卯秋提兵右衛夢與賊戰叱咤之聲雖寤猶壯烈每提兵出必拜別老母若永訣意卒之前日虜勢劇寇邊猶衷甲將躍馬重與母氏叩首不覺泣下戀戀然意屬後事於子觀者駭異率寡弱至桃坡墩猝與賊遇自己至申鏖戰虜勢小却乃傳聞張總兵官罹所不虞頓足大聲誓不與賊俱生轉戰而

本朝分省人物考 卷一百一

十一

山西三

西維時賊衆併力四集重圍夾門矢盡勢孤遂爲流矢額傷卽氣微幾絕而目尚瞋裂齒尚咋切其潰賊合餘威懾襲猶交相駭愕而不敢近者久之

劉伏玘

劉伏玘大同衛軍舍也大同有叛卒王三者驍勇絕倫且多智諳嘗鼓衆殺主將竄投虜中初虜疑之謂必殺其妻子以示信遂歸鳩母及妻火其居爲不返計於是虜尊禮之俾統健卒鈔掠邊地庚子迫太原辛丑深入榆次以及文水岢石之間無歲不罹荼毒所至無敢觸其鋒者甲辰秋突入紫荆直抵完縣京

師戒嚴 天子震怒詔械督府鎮巡官而下論罪有
差職方郎韓勛廷杖且死懸賞格能生捕致闕下者
予千金官五級世襲玘向與三善兼有力技乃挺身
而出曰戮此妖醜非伏玘不能留三子于家贍養父
母自携其妻女與所善三人毅然就道直抵關口以
釀酒爲業居將一年三忽執戈佩纛單騎挾四小虜
按轡關下問戍卒釀者爲誰卒指玘名以對速令趨
會玘携壺盃出伏道傍三下馬執玘手曰弟何爲在
此玘泣曰貧甚聊寓此糊朝夕耳曰我在弟何憂貧
富貴可立致也玘斂泣酌酒爲壽傾數盞欣然樂之
本朝分省人物考 卷一百一 二十三 山西三 徐仕

補遺

日吾欲至爾旅舍玘辭陘陘不能爲款曲固請以行
至其舍相勞苦備至且請見其妻女曰今日當與弟
盡傾家釀以極醉爲期顧小虜出數金遺之其妻亦
繆爲恭謹跪獻數巨觥而復出禮其小虜俾之盡醉
日將夕三與小虜俱偃卧舍中數試之不覺玘乃與
同事三卒以大椎椎其兩臂縛以巨繩載至總戎所
覆覈無僞檻詣京師傳首九邊以懾諸虜完縣酋衆
聞之星夜解圍而去加賞格于玘千金官正千戶同
事三卒各百金官百戶邊患甫寧

孫逢吉

孫逢吉渾源人正統間鄉舉初知陝西延長縣擢御
史所至肅然其在四川舉掩骼埋胔之典復清刑獄
辯其數年寬抑者其雨大注歷陞陝西布政使始終
官陝歲四十年秦人熟習政教老稱知其姓名

宋經

宋經蔚州人父弼爲翰林庶吉士官至戶部員外郎
經成化間進士任行人擢御史轉大理寺丞左遷安
州知州居官剛正不阿以故貶子璵通判青州陞濟
南同知廉勤公謹卒於官囊無寸蓄妻子幾不能存

本朝分省人物考 卷一百一

十四

山西三

李從正

李從正蔚州人成化中鄉舉任吏部司務歷陞禮部
郎中出知九江府剛介明敏政教兼舉因自陳陞擢
布政司參政致仕民爲之立碑頌德

張汝舟

張汝舟渾源州人正德初由萬全經歷陞順天大城
尹時劇賊劉六輩突至汝舟以孤力守危城悉力保
障誓不與賊同生既而賊大合來攻城陷巷戰而死
其子策以護父并遇害事聞贈光祿寺寺丞廕一子
入監

山西遼州

高 巍

高巍遼州人。事母蕭至孝。洪武十五年，應貢入太學。十七年，以孝行旌，尋授前軍督府試左斷事。十八年，上疏欲墾河南、山東、北平兵後荒田，及抑末技，慎選舉，惜名器數事。上嘉納之。後坐斷事不稱旨，謫戍貴州關索嶺。建文初，知州王欽應詔辟，巍赴銓。曹上書論政事，其一曰：太祖分茅胙土，先據形勢。陝西、百二山河，其人悍勇，西隣土番，故以秦府王之。山西表裏山河，地產良馬，其人剛壯，北近胡虜，故以晉府王之。燕國坦平，肥沃貢賦，饒衍雖沙漠，不毛廣蓄馬羊，其人不耕不蠶，皮衣肉食，弓馬是務。遼金殘元，籍之興業，故以燕府王之。四川雖曰西南，一隅山河阻深，玄德武侯，虎視吳魏，故以蜀府王之。其餘楚、湘、齊、兗、谷、代、遼、慶、星、羅、棋、布，比之古制，雖分封過當，然莫不欲其護中國而屏四夷也。今親王驕逸，不法違犯，朝制不削則紀綱不立，削之則傷親親之恩。以臣愚見，莫聽晁錯削奪之策。當下主父，偃推恩之令，秦、晉、燕、蜀四府子弟，分王於吳、楚、湘、潭，如是類比，而分王之少，其力而減，其地賢如河間、東平者，下詔褒賞，驕

卷一百一

十五

山西三

逸不法如淮南、濟北者，初容之，再赦之，三則合諸親

王告于太廟，削其地而廢處之，豈有不順服者哉？疏上，建文奇之，會靖難兵起，命從李景隆出師，參贊軍務。巍復上書言：臣願使燕、曉以大義，遂遣往燕。巍自稱國朝處士，臣某上書燕國大王，其畧曰：太祖升遐，遺詔內外臣民同心輔政，天子嗣位，誕布維新之政，朝野皆曰：內有聖明君王，外有骨肉藩翰，帝王之治，可待不意。大王與朝廷有隙，張皇三軍，抗禦六師，竟不知其意何出。朝廷諸臣執言仗義，以順討逆，臣以為謀動干戈，孰若和解，使帝者復帝，王者復王，君臣之義，大明骨肉之親，愈厚釋猜忌之疑，塞讒間之口，慮不及此而欲效漢七國之謀，家必自毀，然後人毀之。萬一奸雄豪傑因時乘釁，率數萬眾突起而橫擊之，萬一有失，大王獲罪先帝矣。今大王據北平，取密雲，下永平，襲雄縣，掩真定，易若建瓴，然自興兵以來，經今數月，尚不能出叢爾一隅之地，較以天下十五，而未有一焉。大王將士殆亦疲矣。天下無限之師，大王以一國之眾，應之計，大王同心之士，大約三十萬，大王與我天子義則君臣，親則骨肉，尚生離間之疑，况三十萬異姓之士，可保終身困阨而死於殿下

卷一百一

十六

山西三

乎卽幸而兵勝得成後世公論謂何倘有蹉跌取譏萬世於斯時也追復臣言其可得乎魏蒙 太祖教養無能補報洪武十七年旌表愚臣孝行臣竊自負既爲孝子當爲忠臣死忠孝臣至願也書上不報景隆兵敗魏自板南歸建文二年遇鐵鉉於臨邑相持慟哭共誓效死遂趨濟南城守拒退靖難兵作賦志喜京師破魏縊死驛舍中

王雲鳳

王雲鳳字應韶居山西和順之虎谷因號焉父南京戶部尚書雲鳳成化癸卯鄉舉明年舉進士除禮部主客司主事清忠劾官獨立不懼足不躡公卿門不赴無名飲宴或謗其矯激不顧也成化弗豫禮部沿舊典舉禮部雲鳳言于禮部尚書周洪範曰祈禱固臣子至情第行于佛老官非禮若干壇于南郊隙地大臣率屬禱于天三日可也乃不克用弘治庚戌疏却貢獅子疏入得允天下傳爲盛事陞祠祭司員外郎尚書倪岳因災異倡府部院疏弊政用雲鳳四事草一懲邪惡二禁給度三停減齋醮四議處宗室言甚剴切陞郎中朝廷欲度僧乃疏列千餘言三上皆不報僧道通中貴者謀欲普度撼以危語不動 命

本朝分省人物考

卷一百一

五十七

山西三

下度僧不多而逃軍囚匠不與時人皆喜其有回天之力神樂觀道士多賭博或姦盜教坊司或買良爲娼錦衣衛校尉獲賊又誣娼巧取其資漸以成風雲鳳皆疏題禁絕之又奏准天下郡縣皆立名宦鄉賢兩祠爲後人式竝祠薛文清於鄉而斥韓王徵鑿之道號禁吉府土木之科擾 上皆嘉納由此知名丁巳京城風霾踰旬各處天鳴地震雲鳳陳修德弭災之道大意納忠言罷左道齋醮傳辦傳奉諸事 上

遂下 詔求直言雲鳳又代部尚書及諸大臣條二

十一事李廣表裏通惡人莫敢言雲鳳又獨上疏乞

本朝分省人物考

卷一百一

五十八

山西三

斬廣泄神人憤以弭災變廣怒令道士設醮呪死術以舒恨乃令校尉數伺其出入月朔 聖駕郊天看牲回誣以駕後騎馬下錦衣獄謫知河南陝州比至問民疾苦與利祿害惟恐後州城高阜井深二百尺民難於水乃勸通廣濟渠水入城民皆踴躍日受百狀皆與別白日訊手判仍應他務人以爲有劉穆之之風已未李廣漸疎於 上懼誅飲毒死得陞陝西按察司僉事尋陞副使整飭洮河岷州邊備乃申孝弟革宿弊所按部賊污官吏有望風而遁者軍法嚴明邊卒悅畏條疏八事皆可常行復改提學正德丁

卯陞山東按察司使丁母憂歸服闋陞國子監祭酒始被 命欲堅辭父大司徒公曰吾老矣汝置我何處死乎不得已泣而就道素見憎劉瑾至是復無所餽瑾怒欲中以禍竟不能得時國學教廢朝夕講說約束太嚴誹謗四出雲鳳欲更六堂名曰主敬窮理修身修道教諸生讀小書以上達瑾聞怒曰王雲鳳亂成法欲代邢讓死邪雲鳳以道不行快快求去會瑾下獄遂上疏乞致仕時相有忌之者乃改南京右通政復上疏乞養病御史楊邦禎等交薦其賢又閑於韜畧 上命巡撫宣府地方又上疏以疾辭不允

本朝名臣考 卷一百一 二九 山西三

乃上楊太宰書其畧云山中屢聞忠讜之言近者留王昂一疏尤為人所傳頌未聞唐介初貶時潞公有此也執事於是加人一等矣然介雖貶未幾而復其殿中侍御史今王昂既不獲還之青瑣則推薦超陞在執事筆端焉耳他日秉史筆者書此一行豈不足以照耀千古哉每恨李文達近稱賢相然惡羅倫淪落以死擯斥岳正坎珂終身極貪之陸布政反得超擢今文達之富貴安在哉一時快意可畧也前輩影樣之多後人是非之公可畏也一人私情可畧也天下指視之嚴史氏紀載之實可畏也一身極榮極富

極貴可畧也每日光陰之易過去者不可復補百年歲月之無多來者未必可追可畏也且用舍之間士風所繫扶持正人則善類慶而士風以振進獎邪人則善類沮而士風以頹唯鳳與執事可以此言進故不復忌諱況今兩耳皆聾調治不瘥只當耕田納稅為畝畝之閑民養親讀書忘歲月之不貸豈有夢寐更著冠束帶耶伏望周旋其間以必得遁藏為幸縱猿鹿於林莽之外投魚蝦於沮澤之中某未死之年皆執事之賜也稿傳京師人爭錄誦雲鳳再欲辭避尚書迫之行不獲已之鎮以便益從事將官犯法依律重輕罰米至萬餘石用足軍食自參將以下頗指氣使莫或敢喘息練習軍士率有紀律日戒諭防衛如賊在目前虜不敢輕入北門鎖鑰時論歸之兩閣月丁父喪服闋除職如故清理浙江鹽法上疏乞致仕 上不允准病痊起用雲鳳曰吾志遂矣遂歸不復出人士想見其丰采焉

王佐

王佐字廷輔和順縣人幼敏慧光祿君初丞譚城驛有中貴宿驛久人厭苦之佐夜密令人取庭樹巢鷦墨身朱喙而縱之中貴見而驚熟視之故鶴也詰詰

本朝名臣考 卷一百一 三十一 山西三

館人皆驚以爲不祥遂去之弱冠爲縣學生二十六
舉鄉試成化戊戌登進士佐試政吏部太宰尹公嘉
其器識數召與語兼咨訪人才辛丑除文選主事尋
丁外艱去甲辰服闋補考功司丁未當朝覲之期例
覈天下諸司官博采輿論必求其當凡貪酷吏雖親
故不曲庇貴勢請託一無所撓或本廉吏而爲致者
所中傷則力爲伸雪之遷驗封員外郎弘治庚戌進
郎中有土官承襲例當駁覈屬一京宦餽白金若干
祈免卻而逐之其人愧恚自是不復敢見太宰三原
端毅王公知其亮直調考功司又值覲期黜貪濁斥
庸懦拒請託視前加嚴焉山西提學僉事楊文卿每
憾佐不薦已比遷山東副使以公務至京見少宰曲
陽周公謂之曰王郎中數稱君賢楊乃嘆服甲寅遷
太常少卿提督四夷館尋丁內艱去服闋至京師留
逾年不得調相知者諷以具禮幣往謁執政應曰諾
實未嘗往又趣之行且令一隸施從所之明日過執
政門不入而去相知者佯問曰執政云何曰執政意
無他也因具言其狀爲之一笑改順天府丞轍下事
繁動涉權要處之裕如乙丑遷光祿寺卿節縮供應
所省甚多正德丙寅遷戶部右侍郎奉勅勸功臣

本朝分省人物考

卷一百一

三十一

山西三

地主於常州丁卯轉左侍郎時劉瑾用事凡大臣科
道使外還者皆有厚餽不然立見罪黜公獨無所餽
瑾常語人曰世言山西人各果然自是銜之屬時遣
使稽覈各邊糧芻先後撫巡憲臣多坐累繫獄一日
同尚書顧公輩見瑾瑾言及茲事曰朝廷必誅戮一
逮人乃懼耳佐曰本朝未嘗輒戮大臣恐不可開端
有致吏部尚書許公進者瑾信之語諸大臣曰許某
奸邪若某尚書可爲吏部佐曰某與某尚書素厚與
許交淺然許素有時望某尚書恐不如毀許者因譖
曰王某實黨進瑾益怒遂遷南京戶部尚書欲姑遣
之去而徐圖之耳比至南京以戶部廣東司失金幣
冊建先尚書韓公輩詰問遂翻佐下詔獄以爲罪
令致仕歸又中以他事罰粟千石歸家行李蕭然圖
書數卷閉戶披閱子弟親識非有故不得見越四年
卒性孤介寡合鄉鄰無當意者惟善李昂一人謂其
有篤行娶其女爲子婦至白首恒念之在仕途所交
不過數人所敬服者二三人而已慈惠逮下使人若
恐傷之尤善記憶凡所涉歷終身不忘有文集數卷

本朝分省人物考

卷一百一

三十一

山西一

山西澤州

楊砥

楊砥字大用澤州人洪武甲戌進士授行人司右司副上疏言漢楊雄仕莽為大夫劇秦美新之論取譏萬世董仲舒三策及正諄明道之言足以扶翼世教今孔子廟從祀有雄而無仲舒臣愚以為退雄進仲舒庶合萬世公論 太祖皇帝從之陞湖廣左叅議建文時遣李景隆等攻圍北平城砥上言帝堯之德始於親九族今當務惇睦不宜加兵自剪其附枝附枝盡而根本蹙矣為齊黃輩所忌斥罷之 成祖即位起為鴻臚寺卿喪父廬墓側者三年服闋陞禮部左侍郎坐巡河渠失職降工部主事改禮部永樂十年命簡閱北京郡縣馬陞太僕寺卿明年兼死馬寺卿砥率勵僚屬凡孳牧之法與民之利病悉條奏行之馬大蕃息母喪賜鈔千錠命護喪歸葬哀毀致病未至家而卒上悼惜之遣官致祭砥剛介勤敏居官有操守其孝行尤為人所稱云

茹太素

茹太素澤州人洪武初由舉人除監察御史陞四川僉事改刑部主事因災異以五事上言甚多至萬餘字將罪之因察其言可行遂著建言格式累官刑部侍郎都察院都御史以事摘翰林院檢討尋陞戶部

尚書抗直不屈屢瀕於罪 太祖悉宥之一日宴便殿賜之酒曰金杯同汝飲白刃不相饒太素叩首曰臣一心思報國不避帝心焦 上惻然者久之尋以事降御史出為江西叅議

張 昂

張昂澤州人國初舉人材建文時遷至禮部侍郎會諸藩不靖廷臣建議凡藩國所在悉更置守臣以素負重望者居之乃以昂為北平左布政使比至潛察燕有異謀遂與都指揮謝貴以在城七衛及屯田軍士防守九門飛章奏聞有掾吏李友直者智譎人也

本朝分省人物考

卷一百一

三十四

山西三

昂以腹心寄之友直乃竊其章密獻 成祖會朝廷遣內官建護衛官僚 成祖逼使召昂入至端禮門為燕山副千戶譚淵所執昂與貴皆不屈而死昂得尸還葬 成祖登極其疎戚及同里人咸分遣戍邊後 上屢夢昂等披髮為厲命出其屍焚而棄之昂面如生一子逃去不知所終洪熙改元詔昂戚屬戍邊者家籍一人餘縱之還里正德庚辰知州馬汝驥立祠祀之

侯 璉

侯璉字廷玉澤州人永樂癸卯山西鄉試第一宣德

丁未進士爲行人以善辭令而剛果能斷得名四川雲南廣西諸土官有爭地累年不決者朝廷以命璉至則按圖考志召諸耆老開誠布公智力貨賂不可移由是皆服而罷 上以爲能交趾黎麟請命璉輔禮部侍郎章敞往錫封至其境關門低且隘先驅者言當偃伏璉止之曰此中國所謂狗竇也於土人出入則宜今天命下臨不可由此度迂者驚懼爲撤關乃度由是蠻夷益謹禮不敢肆旣歸毫髮無所受人以此益賢之遷兵部主事虜寇阿台朵兒只伯犯邊與會川伯趙安尚書柴車等自梁州分兵出鐵門關

本朝分省人物考

卷一百一

三十五

山西三

攻敗之與有勞績以外艱歸居憂盡禮而哀戚加焉服除陞郎中麓川思任發反詔尚書王驥帥師討之璉輔行往來督戰視將校用命不用命者定賞罰賊攻天侯州以偏帥往援令於衆曰吾視賊氣驕有輕我心宜掩其不備卽麾衆薄之呼聲動天地斬殺無算賊大潰我師益奮與叅將冉保等遂破石甸等十餘寨聞大將軍至麓川賊阻截不得通復與保等由高黎貢山晝夜兼程進與大將軍合擣其巢穴賊遂平凱旋陞禮部右侍郎賜白金鈔幣且賜誥命以寵之尋奉 勅出鎮雲南得便宜從事雲南饑乃發倉

廩及募富民出粟以賑之全活甚衆會再討麓川餘黨璉引偏師由平崖南甸進破賊子思機發所居寨獲其妻孥輜畜捷聞陞左侍郎賜白金綵幣遷兵部左侍郎復鎮雲南騰衝城置軍衛馬時議以賊子思機發在孟養復命靖遠伯王驥以兵往勦之璉與都督張軌分軍抵金沙江造船先濟奪賊地爲營於是大軍畢渡燬其柵而進賊奪孟養度不可支各鳥獸散去窮追至孟糯海子等處不可得乃班師諸夷酋長皆驚駭曰古漢人無渡金沙江者今大將軍至此真天威也南夷無復反矣還鎮雲南 景皇帝卽位

本朝分省人物考

卷一百一

三十六

山西三

遣使齎 勅嘉勞賜白金綵幣值貴州饑苗叛攻圍新添諸衛道梗弗通城中食盡命總督軍務往征之時普定圍急乃自雲南選善射者爲前鋒自將至普定及戰矢下如雨賊大敗圍解遂趨貴州副總兵田禮等以兵來會克龍里甕城諸路新添平越等諸圍俱解由興隆而下抵鎮遠皆平定事聞 上嘉其功陞兵部尚書又進克安莊西堡長官司時暑雨方盛瘴癘大作璉得疾昇普定醫弗效諸將問疾惟戒以勿輕此賊合整兵進勦無貽患生民未嘗一語及私時年五十有三 上聞嗟悼遣官致祭命歸其柩於

澤州有司治墳以葬

楊繼宗

楊繼宗字承芳陽城縣人天順元年進士授刑部主事陞嘉興府知府九載秩滿超拜浙江按察使以母喪服闋起為右僉都御史整飭薊州等處邊備兼巡撫順天等府為治中陳翼訐奏左遷雲南按察司副使進湖廣按察使未幾復擢右僉都御史巡撫雲南卒訃聞遣官致祭宗廉介峭直人莫敢犯而為政恒便於民其在刑部時憫獄囚多瘦死者每時其飲食令三日一櫛沐全活甚眾在嘉興惟一蒼頭自隨

本朝分省人物考

卷一百一

三十七

山西三

有富民懷姓者坐侵盜官絹繫獄御史張敷按臨日即入獄點囚指問曰是無失主繼宗曰朝廷即失主又曰無原告繼宗曰知府即原告御史慙而退布按司官行部者事畢即去不敢久留其境既去民懷其善政為立去思碑在浙江憲度甚肅初藩臬諸司所用多取辦于民官鎮守者日費供億萬錢繼宗一切革去以憂解任時悉取廳舍中器物即付有司篋中惟書數卷衣數件而已及為都御史畿內多權貴庄田有侵占民間者奪而還之其風力如此歷官中外所至有聲其行事未免過當然節氣有足尚者晚年

嘗望不無少減云

田鐸

田鐸字振之號西麓澤州人生而資稟英特成化戊子領山西鄉薦戊戌登進士授戶部主事陞員外郎中弘治二年四川饑奉 勅督糧五萬往賑之事竣復 命以誤遣 勅中語調蓬州知州時方經賊前為守者里設巡視鄉正與老人若機兵吏下鄉訶事名曰安民而實病之鐸下車一切罷去民用以安是歲六月不雨蒞政甫三日即齋沐禱於社引咎自歸是日大雨如注遂以有年出好吏六人民稱快而寇

本朝分省人物考

卷一百一

三十八

山西三

盜猖獗甚至入州城行劫鐸設法緝獲巨盜又增築壘堞申嚴門禁盜遂屏絕州濱江溪民多病涉乃建大小二十四橋三溪山高而無路乃鑿里許為途民無病陟者州東南江有洲八十餘頃居民樵採牧養所資豪右侵以為業奪而復之民流他方遣人招懷諭以免役三年仍令恣耕山地不增糧額民復業者甚眾間取前賢行實切於葵倫者圖注懸旌善亭朔望令教讀聚童誦習以時講於州俾父老聽之監司行部訝無投牒者審知其然甚嗟重之每謁文廟畢必與諸生講論經史辨疑導滯通暢而後已廟廡傾

壞重爲修營務堅朴可久不事華飾在州八載吏畏民懷政聲彰徹都御史及御史薦章六上陞廣東僉憲在廣存大體略細故所治清遠廣海二衛弊以清革其爲政如此

張璉

張璉字伯純澤州人登弘治丙戌進士出知尉氏改宜陽課農興學旌良懲頑流亡者還律訟者息入內臺爲御史逆瑾銜其直罔以罪卒無驗止晉河南僉憲提督學政閹奴廖鵬陷之改陝西河外收糧都御史張甚貪而復璉與御史成文裁以法制某不堪誣本朝分省人物考卷一百一 璉於總制總制聞於朝有旨覈驗某卽實以 上再命官鞠之某大用賄下于詔獄凡三年臺臣數論列誣乃明是時內閣素嫉天下名士輕已翻右某坐以不遜除名嘉靖初起用屈滯值有讐者在當路沮之成公再起爲副都御史矣璉屏居山中讀書談道考訂古義得失自六經四書程朱氏外不屑師焉所著有程朱心印若干卷藏于家

王玘

王玘字邦器號西溪澤州陽城人自幼聰穎過人一時儒者咸推讓之累試不售志益篤弘治戊午以書

經領山西鄉薦己未登進士丁父憂守制服除授戶部主事屢承差委臨清德州居庸通太等倉監督所至夙弊一清司農鄉鄆城侶公洪洞韓公咸以廉靜稱之丁卯母太安人卒于宦邸扶柩回葬服闋陞刑部員外郎中時逆瑾擅權專務苛比玘獨持正不阿法署咸以平恕明允稱之遷陝西僉憲已調河南分巡汝寧道值巨盜劉六等擁衆數萬雲擾中州逼近汝城人皆震懼玘力爲捍禦之計集衆誓曰賊勢雖熾逆天必亡不足懼也我奉命守城死生禍福與爾輩共之衆心始定因密疏具奏遣將命師互相犄角

本朝分省人物考卷一百一

四十

山西三

屢致克捷廉知賊黨趙秀爲汝人其母久禁獄中立釋糈養之秀感泣圖報適賊首趙璠與劉六等會兵秀急報玘督率部兵追襲一舍地殲之時紀功者招權納賄玘不爲禮大銜之悉削其功不錄事平僅蒙鎡金文綺之賜循資陞山東副使備兵密雲永平等處薊州歲稔出廩粟賑之濟活甚衆時虜寇把兒孫犯邊殺傷叅將等官抄掠甚毒同撫鎮率兵討平之再賜鎡幣進山東叅政時海西夷人進貢道經開原守將誣執爲盜以撲殺報功 天子遣官按 玘承勸據實回奏撫鎮俱得罪而玘亦因以犯衆忌矣遂

解組以歸享年七十有五而卒

孟陽

孟陽字子乾右僉都御史公春子也世為澤之太陽人領正德丁卯鄉薦第三甲戌舉進士授行人司行人恒欲以名節自表初使宣府犒軍即與監督軍務中官抗禮中官不敢忤而禮益恭比行總鎮餽遺一無所取再使韓府亦御其餽王乃製詩卷贈之為行人凡四載不遷或欲一見當道不宜坐自淹沮者謾應之退而私自語曰君子立身當如白玉少有瑕玷終身之恥吾豈以官而易吾身邪且行人清秩何必

本朝分省人物考

卷一百一

四十一

山西三

科道哉正德已卯春 毅皇帝北巡榆林回命下復南巡人情騰沸臺省部院等官咸有言不報陽慘然與諸寮友一十九人抗疏極諫歷數權姦欺君誤國之罪疏入 毅皇帝震怒命杖之午門權姦監之知必死仰天嘆曰嗟乎天乎吾得死所矣越一日卒于京邸距其生僅三十有四卒之日諸親友候之有問者但言曰當死當死殊無一言及家事平居孝友謙抑若無知者遇事則萬夫莫奪嘗與其父議有不合輒諍之既悟則跪膝前謝罪幼為祖母鍾愛後乃迎養京邸比祖母卒哀毀骨立尤嚴于好惡區別淑慝

不少假明年辛巳 毅皇帝升遐 世宗入嗣大統首詔贈監察御史錄其子一人為太學生

郭鑿

郭鑿字允重號一泉高平人正德已卯甫弱冠以春秋魁三晉問學燁然聲動士林嘉靖壬辰復以春秋魁天下文出四方士爭傳誦之授行人奉使韓府舉循規制乙未選工科給事中歷禮科刑科左右給事中己亥陞戶科都給事中悉心効忠累疏建白不茹不激切中時艱常遊簡扈 聖母梓宮塋顯陵都御史怠緩即論劾罷之復命 上嘉賞賜內緞錦綺

本朝分省人物考

卷一百一

四十二

山西三

何工部尚書有講張者抗疏論其舉人咸為懼已得俞旨落尚書職念天下戶口徒存版籍殊耗實數欲重邦本宜行攢造法章入 上是其言之嘗語人曰言官貴識大體糾官邪先急要可也若恣已意摘人細隱煩更張吾弗為矣用是朝端推服一時公議歸之壬寅陟太常少卿提督四夷館館舍久圯捐俸葺之豎題名石率教師訓譯生勤習藝業法令大行會丁母憂陳情蒙諭祭戊申制闕復任四品三載考績已酉擢南光祿卿尋轉京兆尹時胡虜犯近郊都城戒嚴下令堅壁清野慎加防禦畿輔以安庚戌進

南大廷尉明年召還棘寺明飭法律雖忤權璫弗顧
壬子陞工部右侍郎奉勅總理蘆溝橋是歲以三
品考最進階通議大夫賜恩三世廕一子入太學甲
寅轉左侍郎督修京師外城籌畫先勞務圖堅久而
材力一無靡費工竣加尚書俸丙辰奉旨致仕邑
志缺有司請纂修則加意攷正二三閱月志成爲園
于南郭與親黨賢士大夫遊詠爲文雄健精暢深得
左氏體詩有唐韋劉超曠之趣著作多散逸有一泉
稿藏于家年六十有六

郭 鑿

卷之七

聖主

山西三

郭鑿字允新號三泉高平人嘉靖辛卯薦于鄉乙未
舉進士是年上親賜諸進士及第復御文華試選
二十八人讀書中秘鑿被選益肆力于學望日起辛
丑授檢討尋丁父憂起考九年滿陞修撰已又奉
命修大明會典壬寅陞司經局洗馬兼修撰丙辰陞
國子監祭酒丁巳陞南京工部右侍郎戊戌春分考
會試壬子秋上命偕官允尹公主應天試論者咸
稱得人任祭酒端模範飾訓典本經術造士而尤以
德行爲先故一時及門之士彬彬循循習爲一變待
人恕而自檢實密日勞公務夜分校文執以是疲疾

作會又值其女喪鬱鬱不自平竟卒距生得年六十
上聞爲遣祭縉紳士無不悼惜者作文有典則詩沉
着自成一家類其爲人有翰林詩稿國學文集家居
集若干卷藏于家

游居敬

游居敬字行簡號可齋世居高平登嘉靖壬辰進士
選庶吉士讀中秘書改授監察御史以澄清自任不
爲媵姍巡視蘆溝清商人匿稅語侵司農竦然見憚
巡按應天墨吏望風解綬徽有疑獄屢歲不決燭而
釋之有池守執政姻也倚勢爲奸利廉其贓劾去之

卷之七

聖主

山西三

戊戌出爲浙江僉事精覈吏治畫民便利事禁湖游
戢戒壇杭俗爲之一變辛丑擢廣東副使歲饑設法
賑貸民賴以活者甚衆晉參楚藩適有事安南從中
調度咸得機宜撫督重臣嘉之遂晉浙長憲已酉鄉
試多得士旋丁內艱服闋復補浙藩時倭寇猖獗征
調主客兵以數萬計事起倉卒庫無贏餘軍需皆倚
辦焉經畫無後期議者欲練土著沃客兵客兵鼓噪
當事者莫知所爲徐以數語諭之噪者還拜解散李
太宰眷屬過浙衆爭致款第以常禮待之太宰謂疎
已三年不調以外艱歸庫內羨餘悉上之撫院充餉

毫釐無染及闕起補山東戊午鄉試總裁校士無何奉 璽書巡撫雲南時鎮守沐朝弼方以奪嫡事為其寡嫂陳氏訴訟朝命屢下切責對狀朝弼負固賄遺執政者益狡焉侵奪所屬民田以自封乃以分義裁之歸其所侵騰越州莊田朝弼陽順而陰銜之切骨東川逆酋阿堂謀篡東川強奪府印擅立作亂奔烏撒致與宣尉安萬銓霑益州土官安九鼎治兵相攻十餘年不解也至是侵及羅雄州逼危會城奮袂起曰堂堂 天朝寧容此么麼弄兵震動我三省芟夷我農工傾覆我疆邑無休息時耶上疏請誅之下三省會議撫勦從便宜第事屬各省多首鼠多方招之不服乃乘其不意督兵進勦阿堂就戮三省以平會南京戶部缺侍郎推補而朝弼以歸騰越州莊田銜之謬謂輔軒使曰阿堂事奉 旨會勘十餘年柰何游某專征之且宴然以軍門自處擅興師旅一切兵餉不關鎮臣其如祖宗二百年職業何因與部使交構共謀以輕舉大眾蹈不測以徼必不可成之功疏奏遂被逮時金吾使者逮于行間離會城五百餘里次子於廣年甫十六自以年踰志學父以忠直被逮既解臧獲豈忍父獨行毅然冒寒凍侵霧露奔走

本朝分省人物考 卷一百一 四十五 山西三

本朝分省人物考 卷一百一 四十五 山西三
 論致任歸越四月卒廷議重之遣官諭祭營葬如故事性狷介雖百折不回學務邇其先世言必歸實踐居身攻苦茹淡居家泊如日一食猶糲也一衣猶敝也一席共年漆椀櫛匣皆青衿時物雖貴不易也按江南疏越驕擾傳食者而辟除之又捕奸黨王冠真於潯敷歷各省所至不軌法豪猾屏息滇南一整旅平於餘年之叛逆匪此舉主省不得寧也使他臣而於此儻當受延賞之典不錄也爾而獲罪在戍貧窶發瘞者莫能堪有以居間請者叱曰我為清白吏今醜首矣節饑死瘴鄉不失清白鬼也其刻厲如此

本朝分省人物考 卷一百一 四十五 山西三

劉虞夔

劉虞夔別號和宇澤州高平人年十六魁省闈弱冠登辛未進士選讀中秘書詩若文力追古作兩擅其長癸酉授翰林編修明年使秦藩尋充大明會典纂修官教習內書館壬午考九載績轉侍讀是歲分纂起居章奏兼理誥勅踰年充經筵講官丙戌擢左春坊左諭德兼翰林院侍讀掌坊事已簡充日講官兼清武職黃會典成晉左庶子兼侍讀戊子以太常寺少卿兼翰林院侍讀學士掌院事明年晉詹事府詹事兼經筵日講忽母安人之訃至一號幾絕已彊起具疏言臣不孝死罪臣母就木而臣不及視含殮也歸何以見臣父惟上哀憐之俾臣得徼恩於母而請罪於父以修於宗死且不憾上特允之詔封父官母贈淑人予之祭葬朕除詔起正史副總裁忌者摭浮言中之是時父春秋高以得侍左右為幸無幾丁父艱扶病號踊益毀瘠不勝喪竟委頓苦次卒距其生年僅四十有五天性恭謹又自以英齡擢上第驟踐清華宜求不負其職益務挹損遂有以自下遇詞林先達於朝偃僕却立牽其臂乃肯前與之揖磨折欲盡與之語訥然若不出諸口也朝下蹙蹙策

本朝分省人物考卷一頁一

馬歸健一室攤書盈几搜奇抉隱率夜分始就寢發為文章泉溢全涌而彌好深湛之思其典制必考義選詞字雕句琢無片語不工麗乃已自餘應酬諸作徵文者填戶亦必遲之累旬月躊躇滿志而後出之即一尺蹠非再四點竄不發也侍上講幄依經演義就事陳規每斬於感悟嘗說詩夜如何章反覆發明人主憂勤之念上為動容嘉其稱職庚辰癸未再分校禮闈士鑒別精審雖退然若不勝衣而外飭中凝卓有定執非其義一然諾不肯輕一色笑不肯苟一造謁不肯失足也尤嚴取於官邸資用常仰給家儲諸問饋常儀槩謝弗內內之報必倍人以是盡諒其廉掌詹時儲議未決奮袂起曰茲寧異人任乎趣草疏勸上蚤定大計不報比廬居議益譁復草一疏馳奏當塗阻之遂不果上草今藏于家曰漆室葵忱云

本朝分省人物考卷一頁一

常倫

常倫字明卿沁水人父賜陝西按察司副使倫生而狀貌瓌奇七歲能文其語恠譎下筆輒滿紙舉進士授大理評事志氣傲鷲凌駕儕輩大為時所仇疾被州判官又大為監司凌虐棄官歸轉寧羌州

知州不起家居是馬馳騁學射射輒中的學畫學詞
學字作校正字法一編然皆不逮詩而小詞獨盛傳
澤沁間甚其被之管絃久亦不廢曰常評事詞也每
耽意聲妓有妓則酣唱大酌或累日夕不醉而作詩
警敏則又若搆會彌日者嘗曰豈有旋翻故紙而後
文乎人或謂倫寡讀書而益勝自負倫家居已久忽
欲入京補官道經潞安晨起不告人跨生馬出馳城
南馬渴赴水倫墮水死無知戚在側者時年三十有
七竟無後人咸為惜之倫性磊砢耻言家計自入仕
至罷不以俸貲自入田隴所取寄之諸叔姪為出納

本朝分省人物考

卷一百一

四九

山西三

且喜談仙曰仙人好樓居因號樓居子燒煉黃白無
驗家益貧既歿朝邑韓花洛那奇時為山西按察副
使為經紀其喪歸葬沁州而開州王溱哀梓其稿河
中劉成德撰表其墓溱與成德皆倫友俱有時名云

劉東星

劉東星字子明號晉川沁水人隆慶戊辰進士選庶
吉士讀書內館庚午改授兵科給事中時新鄭復相
宵人附麗政多失平將偕同官露章彈之或泄其語
相懼因請大汰言官謫蒲城丞久之徙知盧氏萬曆
改元召為刑部主事署中有所比讞不當其辜為力

自其冤可寇以獄有左驗何據而出東星曰雖有左
驗情實未明亦何據而當之死司寇竟傳爰書磔死
已而事白可寇及他即皆奉譙旨鑄官而東星名藉
藉起矣陞河南僉事轉陝西叅議以學行推浙江提
學副使公于秉衡嚴絕干謁而評隲進斥之間不苛
不濫人稱得體壬午移山東叅政丁內艱歸起補河
南旋進山東按察使歷湖廣左右布政壬辰拜右僉
都御史巡撫保定其時倭寇朝鮮王師出討宿重兵
于天津羽書狎至歲又大侵東星外畫東征便宜內
理荒政條上改折蠲停差次又請臨德漕粟數十萬

本朝分省人物考

卷一百一

五十

山西三

斛立法平糴官不失直而民贍給是歲也西輔饑而
不害博陵盜起聚且千人吏請發兵勦捕東星曰此
潢池弄兵可尺檄下耳職其魁若干餘貫不問乃解
散已轉左副都御史尋遷吏部右侍郎以清正廉平
佐其臺長政本肅然丁父艱歸戊戌河決單之黃垆
運道告壅適服除即家拜工部尚書兼右僉都御史
并河漕之政總馬蒞淮行河請濬趙渠故道明年告
成任一子官生庚子渠邵伯之湖明年辛丑議開泇
河以病卒于濟年六十有四病而詠曰人能常清淨
萬物悉皈依靜泊不亂衣衾晏如冥然而逝

王 璣補

王璣高平人宣德舉人為京師南城兵馬繼為陝西苑馬監正統九年書最陞太僕寺丞以勤恪著又九年致仕歸初在兵馬時連丁二艱凡六年廬於墓側不如域市有司奏請詔旌表之學士劉定之有序父起孝亦嘗以孝行蒙旌表君子謂璣之賢有所自云

原 傑

原傑陽城人正統進士初任御史按江西俗素健訟經其斷者罔不帖服以薦超擢按察使剔宿弊興廢政扶善良鋤貪暴列郡肅然陞山東左布政使寬而制深得方岳體後進副都御史巡撫山東賑饑招下甚有惠政陞戶部侍郎 勅往河南考察官吏首黜不職輿情稱快荆襄之亂海內洶洶傑奉 命往諭以恩信兵不血刃而大難甫平且建設州衛處分田糧公私俱便俾數千年中原心腹之患一旦祛却功亦偉矣

宋 甫

宋甫澤州人領成化甲午鄉舉天性至孝清修苦節居父喪築廬哀思三載如一日感芝草瑞鳥之異有奇奏聞旌表弘治間知忠州幾九載政教兼舉民有

思 馬

常 軌

常軌沁水人成化間進士授大理寺評事陞右寺副獄多所平反陞河南僉事行部至密縣有平民被拷自誣伏為盜者至西平及裕州有鄉曲豪民為公私巨蠹者他官避嫌且怵於勢莫敢問軌乃置盜之寃正豪之罪而一道肅然無何卒於官篋無餘資諸孤權厝其柩於汴者四年始克歸葬於沁

宋 鑑

宋鑑陽城人成化間進士少有大志精力過人讀書通宵不寐人謂之宋鐵眼初尹舞陽剛廉嚴正吏民膽落尤加意學校尋擢御史執法不避權勢出守廬州除大奸去宿弊法不徇人斷不畱獄每行州縣日孜孜焉問民疾苦而刻剔之在任七年治績為天下最性尤孝友常與弟同寢食視姪猶子鄉評重之

吳 茂

吳茂陽城人天性孝友母死水漿不入口者三日廬于墓所食粥啖葷繼絕鹽醋土厚苦無水掘地得泉水湧盈尺母性嗜瓜種於廬側二蒂並生人以為孝感所致楊繼宗詩曰地湧一泉呈孝至瓜生二蒂著

本朝分省人物考 卷一百一

五一

山西三

本朝分省人物考 卷一百一

五十二

山西三

心淳復爲序以紀之

李振民

李振民高平人有孝行父卒哀痛幾絕既葬結廬墓側朝夕奠不其滋味不衣絮帛會早霜秋禾盡枯惟周遭四十餘畝不爲災有一莖雙穗者人以爲孝感所致事聞成化間旌表

張徽

張徽陽城人成化間進士初尹靈壽清直簡默終日不見言笑色及臨事正法無一毫假借於人擢御史按陝西後陞副使卒于官所至皆以清白見稱

本朝增人物考

卷一百一

五十四

山西

王翔鳳

王翔鳳澤州沁水人由鄉薦知臨安縣廉而有爲剛而不劇積歲逋稅甚多乃寬爲期限不以胥役擾之民相戒畢輸無後期者豪猾素持官吏短長至是咸屏迹焉崇重文治鼎新廟學歷官數官清介不汙後偶以冤獄力白當道數請不從竟投劾而去

段豸

段豸澤州人弘治壬戌進士由御史出宰棗強時流賊攻城戰死加贈太常寺少卿

申良

申良高平人由舉人弘治末授山東招遠令抗巨寇以全孤城訓士重農荒田墾闢者萬畝丁憂補良鄉力拒權貴之侵暴民力賴以稍蘇歷常州府同知以廉敏著尋陞戶部員外郎

張銓

張銓號見平澤州沁水縣人登萬曆甲辰進士授保定府推官能聲藉甚拜監察御史振肅風裁議論屹然中立無所依着出按江西聞虜騎充斥遼左漸危疏上方畧甚悉當事重其才改遼東巡按履任未幾遼陽失守虜薄城下猶勤兵督戰而賊竟以內應入

本朝增人物考

卷一百一

五十四

城群虜擁銓見其長銓挺立不爲屈賊迫之降銓大罵曰我豈降賊者耶何不速殺我賊猶憚之不敢加刃仍用輿擁至院署銓南向再拜自刎而死忠烈不忝古名臣矣

人物考卷之一百二目錄

山西汾州府

梁下

張俟

曹興

楊智

任義

李穎

周儀

文瑞

溫廉

任良才

張翼

賈璇

田籽

任良弼

劉仲原

石瓚

本朝分省人物考 卷一百二目錄

嚴泰

賈繼之

劉尚義

沁州

龐清

趙彝

何冲霄

竇明

張尚忠

本朝京省人物考卷之一百二

山西汾州

梁下

梁下介休人梁舉子洪武中由通經儒士授本縣學訓導施教有方尤諳治體辛彥博器之薦擢御史病卒

張俟

張俟平遙人洪武丙子領鄉薦除磁州判官陞左春坊司直郎輔東宮勤於勸學防範甚嚴上聞賜以荆杖後謝政屢召不起

本朝分省人物考 卷一百二

曹興

曹興介休人永樂進士授行人讀書過目不忘博通諸史名重天下後養病歸正騎一驢行李蕭然

楊智

楊智介休人少喪父鹽醬不入口者二年人未嘗見其嬉笑後喪母廬墓三年哀毀骨立有數免馴擾於墓前人以爲孝感所致有司以聞正統十一年旌表孝子

任義

任義平遙人景泰元年舉人孝思純篤執喪廬墓三

年如真寧鞏一縣操持端潔教民勤稼煦之如子民立遺愛碑

李穎

李穎平遙人天順舉人授兗州府判清介自持祈禱輒應民作清泉詩以歌之祭酒王雲鳳亦服其廉謂有太古之風

周儀

周儀孝義人成化中舉人任鄆縣教諭與諸生約雞鳴背誦書史乃雞未鳴時起衣冠而待俗作會聲妓繁豔觀者塞途諸生無一敢延佇者則其教可知矣

本朝分省人物考

卷一百一

二

山西

陞保定府教授篤於訓迪一如鄆縣時事著陝西通志

文瑞

文瑞介休人成化進士授行人擢監察御史有廉聲按畿甸有中貴侵民田直而歸之又巡山東宣滯理枉得風憲體時齊魯亢旱親出祈禱即降大雨官舍有妖瑞至妖滅人皆異之後陞山東按察副使節操愈勵卒于官囊笥蕭然遠近哀之

溫廉

溫廉介休人成化舉人授山東濟南府同知歷任九

年以廉能稱陞雲南尋甸軍民徵江守以禮匡俗政聲益著徵江素無城郭凡衙門公署城池皆創建焉

任良才

任良才平遙人成化進士初尹江陰陞高郵守歷任清介及謝政孝心至老不衰母病親為嘗糞父病願以身代其教人媿媿不倦賢愚皆獲其益

張翼

張翼介休人德性耿介幼擅文名成化進士初授刑部主事歷陞甘肅巡撫時北虜匪茹翼區處有法虜遠遁西北賴以寧靜

本朝分省人物考

卷一百一

三

山西

賈璇

賈璇汾州人弘治進士初任戶部主事歷員外郎中嘗督鈔揚州羨餘盡歸之官行賑江北調度有方民獲沾實惠所全活甚眾正德初守闕乞誅逆宦劉瑾等不報出補陝西右叅議未幾為瑾所陷而歸及瑾伏誅朝廷將大用之以目疾辭時論惜焉

田籽

田籽汾州人弘治己酉舉人知長清縣事居官鯁直一介不取其事親孝養誠至及親沒廬於墓所哀思骨立嘗有早霜殺禾獨近墓禾不傷君子以為孝感

之應與辛彥博立為忠孝祠祀之

任良弼

任良弼平遙人良才弟弘治進士初授翰林庶吉士選刑科左給事中轉吏科都給事中議論風采彈劾不避權貴陞通政抗逆瑾矯詔下獄謫戍遼陽持節自如瑾誅復任通政名重朝野居官三十年家積琴書而已

劉仲原

劉仲原汾州人歲貢生喪母郭氏廬墓晝夜悲號有盜常夜叩廬求火仲原與之其盜化而為善牧童樵子皆識其墓為孝子墳云

石瓚

石瓚介休人弘治舉人授河南羅山縣令時遇流賊作亂瓚孤城獨守鏖戰月餘殺賊有功招集流民時使薄斂府太守謂羅民曰汝等天堂上百姓耶後陞山東萊州府通判以養親歸

嚴泰

嚴泰汾州人弘治進士初任戶部主事整峻狷潔有治才不妄取予督鈔蘇州疏食飲水而已鈔關故有便民小閘後併征稅泰至罷之吳人謠曰澣野灘頭

無濁水蘇州關上有青天後歷登州知府時入覲考治行廉平為東郡最然嘗以介直忤時或有造飛語中之者泰嘆曰是尚可仕耶即抗疏歸杜門躬耕罕所交接服母之喪終其身不除

賈繼之

賈繼之汾州人璇子正德九年進士初任戶部主事歷員外至郎中為人寬厚廉謹有儀度未第時省父楊州有遺千金求通關節者不納便告歸父曰既來定省何遽歸耶曰恐在此多事或負大人清訓耳及為郎料理錢穀一無所私以疾卒于官

本朝分省人物考 卷一百一

四

劉尚義

劉尚義汾州人嘉靖初進士由行人選御史在朝稜稜有威望尋調判秦州尹朝邑兩遷松江同知督糧餉制其用不私其贏署府事革堂食費吏屬畏其介陞南京刑部郎出補四川僉事備兵西蜀兼督松茂邊餉蜀人苦空運尚義至則設法收給軍民兩便又釐宿弊肅兵威綿上民作八頌以咏之轉陝西叅議河南副使卒于官家無餘蓄為人純朴簡淡好讀書著栢山集四卷詩五言駸駸漢魏焉

山西

沁州

龐清

龐清武鄉人登洪武乙丑進士任監察御史嘗被召遲赴詰之對曰送父還鄉上趣使召之至則楮鏹幾貫蒜一連而已 御注惟清後陞揚州府知府

趙葵

趙葵沁州人洪武中由太學生擢鴻臚寺序班尋陞兵部郎中練達政務焯有才名官至通政使

何冲霄

何冲霄沁州人從父征土賊父陷於賊冲霄與其屬劉玉力戰擒其酋長殺賊衆三十餘人父獲免歸竟以援兵不至為賊所害聞者哀之

賈明

賈明武鄉人正德進士任給事中首疏時政四事及京營軍弊晉地荒糧諸疏俱見嘉納後出知裕州擢鳳翔府累陞陝西右布政使所至俱有政聲

張尚忠

張尚忠沁州人少失母為祖母王氏撫育長事祖母甚謹及卒廬於墓側日夜悲號而死鄉人莫不矜念焉

終

人物考卷之一百三目錄

陝西西安府一

丘玄清

康汝楫

張統

李昶

程濟

韓永

高翔

高士文

李暹

張賢

周或

林嵩

李錫

段信

楊鼎

王恕

本朝分省人物考卷一百三目錄

邢簡

姚顯

宋欽

趙謚

李錦

東思忠

張鼎

韓紹宗

雍泰

張曉

李崙

楊時暢

張鸞

劉璣

屈直

康海

馬應祥

薛敬之

張潛

尚衡



郭桂

王納誨

張璉

王承祿

徐璉

李紀

東郊

郭田

朱騁

本朝分省人物考 卷一百三目錄

二

本朝京省人物考卷之一百三

南直督學御史西浙過庭訓纂集

門人蘇松備兵副使南郡熊 膏恭閱

男 過銘盤

過銘孟

過銘簞

寧國府學生員嚴弘志全訂正

陝西西安府

丘玄清

丘玄清西安富平人洪武初遊武當常見張三丰授

本朝分省人物考 卷一百三

陝西

以飛舉之術有司以賢才薦於朝授監察御史賜之

室力辭弗受轉太常卿每遇大祀天地時 上宿齋

宮詔以雨暘之事玄清奏對歷歷有驗 上深敬焉

公餘黃庭道德不輟於口閑則凝神坐忘一夕謂其

徒曰明日乃吾全歸之辰至期端坐而逝壽六十七

朝廷遣禮部侍郎張智諭祭還葬五龍宮黑虎澗之

上

康汝楫

康汝楫字濟川武功人洪武初以明經任縣學訓導

辟為 燕王府長史出知安岳縣靖難後拜左侍郎

皇太子克盡其職卒洪熙初贈工部尚書

張統

張統字昭季富平人自少勤學勵行初以明經舉為東宮侍書才敏識博懿文太子甚器重之洪武十二年陞通政司左叅議尋為雲南右叅政進左布政使統在雲南最久夷民心孚遠近安之凡土地貢賦法令條格祀神壇祠公署廨宇與夫上下典儀公用程度皆出統裁定是時雲南多中國衣冠流徙統與諸名士王景董倫輩定交而厚卹之其他在管内者不問識與不識皆若親舊以故遷謫至者如歸二十

本朝分省人物考卷一百三

二

陝西一

三年入覲上嘉其能賜以璽書且勞之曰張統來朝不待考而朕知其功出天下十二牧之首復賜宴及道里費令還治旋拜吏部尚書去官之日滇人思慕如失父母建文初年旁求四方隱逸鱗集闕下悉委統臨試之統識鑒精明振抑拔淹量才授任各適其宜大著時譽會修太祖實錄被旨試翰林之與編纂者考第高下時楊士奇以教官徵入統讀其試策獨喜曰明達時務材堪大任不但文詞之工也以爲第一奏授王府審理士奇由是著名壬午六月靖難兵至京討奸黨統與焉太宗以統久事皇

考習知典故釋不問統自經于部院之後堂所著有鵝庵集

李昶

李昶字文燁涇陽人自少敦厚穎敏刻志問學洪武丙子由鄉薦入太學擢左軍都事有能聲尋陞戶部郎中績用茂著永樂初肇建北京以薦特陞行部右侍郎昶協心經畫事無廢弛壬寅轉戶部侍郎凡國之儲蓄民之貢輸以至賦稅損增金帛出納皆調度有方規畫有法及扈從北征董運糧餉士馬足用而無匱乏之虞宣德五年陞戶部尚書賜以寶帶且命

本朝分省人物考卷一百三

三

陝西一

程濟

程濟朝邑人有法術洪武末以明經為四川岳池縣教諭岳池去朝邑數千里濟寢食俱在朝邑而日治岳池學事不廢革除間上書言某月某日西北方兵起朝廷以為非所宜言繫至京召入將殺之叩頭曰陛下幸納臣至期而無兵臣死未晚也遂詔繫獄已而兵果起乃赦出尋以為軍師護諸將北行戰於徐州大捷會曹國公師退文皇帝至江上濟逃去不知所終始徐州捷時諸將樹碑載戰伐次第及統軍

者姓名濟一夜往祭其碑人莫測其故後 文皇帝
過徐州望見碑顧左右曰碑者何也或以狀對 上
大怒趣左右毀碑一再擊遽曰止爲我錄碑文來乃
按碑族誅諸無得脫者濟姓名正在擊處得免向者
之祭蓋禳之也

韓 永

韓永西安人建文間爲兵科給事中永豐軀幹美鬚
髯音吐弘朗每慷慨論兵事建文君喜之壬午六月
北師克都城永與陳迪卓敬戴德彝等同以奸黨逮
至欲官永對曰吾王蠲耳奚以官爲不屈死之

本朝分省人物考

卷一百三

四

陝西一

高 翔

高翔朝邑人有文學節行洪武中以明經徵爲監察
御史 高皇帝甚眷注之所論奏無不關國家機事
當上心者 成祖在燕邸宿聞翔名及卽位召將大
用之翔持喪服入見慟哭聲震於殿陛語多不遜乃
殺之沒入其產令諸高氏產皆倍其稅曰使世世詬
罵高御史也其親戚悉配爲軍又發其先墓雜犬馬
骨焚灰揚之而以其地爲漏澤園

高士文

高士文咸陽人質直剛果善騎射洪武末從平內難

出入戰陣累陞前軍都督僉事征交趾多効勞勩取
廣源州與賊力戰而死追封建平伯

李 暹

李暹字賓暘長安人生而豐偉成童端重如成人及
就外傳卽知嚮學守禮祁寒甚暑未嘗求便居近闕
闕未嘗入茶酒肆甫冠入鄉校祇事先生長者日留
心經史洪武己卯領鄉薦入太學友天下英杰日詣
高明永樂癸未授北京行部戶曹主事十年以事左
遷苑馬寺清河監副以薦使西域凡五往返不辱國
命每回朝輒蒙恩賜宣德初大臣以公正廉能薦提

本朝分省人物考

卷一百三

五

陝西一

督京倉正統初擢通政使母憂去任以孝聞服闋還
職兼理通州直沽倉及象馬草芻歷陞侍郎筮仕戶
曹及調戶部文移精核會稽明白受知於大司徒嘗
稱其公勤明慎以勵司屬在清河監上言更牧地爲
法司所核嚴法鞫之終不易辭卒如所言孳牧有效
提督京倉夙夜在公未嘗以風雪寒暑少懈嚴以制
下不容請託官屬敬憚不敢爲欺弊於是輸粟者無
留難受廩者皆精完蒙其惠者以得瞻威望爲喜年
七十方欲請老章未上會陝右討議軍儲屯田久無
實效特命之經理受命之日躍然自喜促期而行忽

遊疾遂不救疾革連呼曰糧儲糧儲無一言及家事
計聞詔遣禮官論祭命有司管葬

張賢

張賢鄆縣人永樂中鄉舉授吏部司務遷驗封司郎
中起拜山西右布政使致仕性鯁直居官應物一以
誠篤為本其清苦尤人所難

周彧

周彧朝邑人永樂中以明經徵為給事中陞通政使
彧剛直敢言有論劾必着緋衣諸大臣每早使人候
彧長安門外見彧緋衣各令取素衣角帶為待罪具

本朝分省人物考卷一百三

六

陝西一
徐要

當視朝果有論糾者必得罪久之貴近多忌彧有
譖或貪者 上怒彧下獄死命籍其家惟襲布斗粟
而已召彧妻問曰縱或廉無俸金耶妻曰彧俸金寄
通政司庫已而司上彧庫金 上悟立誅譖者以金
給彧家命喪所過致祭復其官

林嵩

林嵩邠州人國子生任監察御史 成祖渡江言寧
忤旨謫戍廣西交趾叛以嵩往征之事平授交州府
同知秩滿改河間府陞戶部郎中江西叅政入見乞
致仕許之未幾交人復叛有詔起用比至卒

李錫

李錫字天祿咸寧人永樂戊子中陝西解首明年會
試禮部中乙榜授蒲州學正己亥九載滿獻績來朝
陞行在吏科給事中壬寅丁父憂洪熙改元冬制終
轉禮科宣德辛亥遷右通議乙卯陞右通政正統癸
亥轉左通政甲子陞通政使景泰壬申加太子少保
癸酉以風疾休政歸錫自幼穎敏過人見者奇之既
長為弟子員苦志勤力昕夕匪懈不事浮華不近聲
色為學正時毅然以師道自居凡教人立心制行皆
以身先之故出其門者成器而足用為黃門時整飭

本朝分省人物考卷一百三

七

陝西一
中

典雅小心縝密得近臣體在通政時封駁章奏通達
下情雖倥傯繁劇而井井有條無壅滯之弊又不以
苛察為明卓有大臣德量以至閑家應世無一不得
其宜入官四十餘年歷事五朝初無小過可紀身榮
存歿令德考終福祚亦云醇備矣

段信

段信字宗貫三原人穎悟有氣節正統丙辰進士歷
任監察御史尋陞右僉都御史守紫荆關北虜入寇
落職移守倒馬關極力捍禦邊境賴寧 上嘉其功
陞大理左寺丞卒于官

楊鼎

楊鼎字宗器咸寧縣人正統己未會試第一廷試進士及第授翰林院編修詔簡講讀以下有才器者十人進學東閣鼎居其一修五倫書預校勘十四年北虜犯順命慎選諸司有治才者分守要地鼎改御史蒞兗州振勵有法事平復舊職陞侍讀兼左春坊左中允同考禮部會試尋陞戶部右侍郎天順改元陞左侍郎中贊牛玉諭旨欲轉江南折糧銀入實內帑而以他物充武職俸鼎從容開諭乃已牛馬羊房草缺議欲徵什二鼎俱以民艱沮之成化戊子陞尚書

本朝分省人物考卷一百三

八

陝西一

楊鼎

翰林院檢討時敷領鄉薦為兵部司務

王恕

王恕字宗貫三原縣人生而魁偉高岸音吐如鐘見者異之正統壬戌登進士選為庶吉士授大理寺評事歷左寺副操履剛正人不敢干以私於奏當之成原情比律犁然當人心未幾陞揚州府知府屢辯疑獄歲饑發廩不俟報且給醫藥多所全活作資政書院教郡子弟科不乏人天順間遷江西右布政使比至磊落洞達遇事敢為苟有便於民者毅然主之無少顧忌而操履矚然不入義外一錢久之轉河南左布政使成化元年陞右副都御史撫治南陽時南陽豪爭礦殺人恕獲其渠魁餘悉解散以內艱去會襄陽盜起詔恕起復會兵搗其巢走之及劉千斤輩作亂恕亦會王師平之遂勅巡撫河南進左副都御史風采凜凜有所興革兵民甚宜丁憂起刑部左侍郎總理河道恕躬視上下僉稽衆論具奏揚州一帶河道南臨大江北抵長淮別無泉源止藉高郵邵伯等湖所積雨水接濟湖面而河身比之湖身頗高每遇乾旱則河輒淺澁不能行舟若將河身濬深三尺遇旱亦可不阻又於高郵湖自杭家嘴至張家溝

本朝分省人物考卷一百三

九

陝西一

王恕

南北三十餘里濬深三尺濶十二丈取以為外堤就將內堤原有減水閘三座改作通水橋洞接引湖水以內行船仍於外堤造減水閘三座以接水利雖遇風濤亦無覆溺疏入允行之九年改南京戶部左侍郎十二年會雲南夷獠為梗改左副都御史巡撫其地時鎮守內官私市外夷誅求無厭恕劾之其下郭英懼而自盡沒其寶石於官并械送數人於京且勸上不寶異物凡花木禽獸寶玩宜一切拒絕有駕帖下郎中鍾蕃所恕言舊例駕帖下諸司司禮監印刑科號 皇門諸司關防今皆無之何以為信設駕帖有 賜死者其人將何如又言昔交趾鎮守非人致一方陷沒騰衝啓釁致麓賊叛逆今日之事殆有甚焉在雲南九閱月疏二十上由是直聲動天下進都察院右都御史十三年改南京都察院叅贊軍務進兵部尚書同事者忌之改巡撫南直恕以近年貢獻太多所在騷擾中官王敬乘傳東南搜索奇玩所至驚懼恕言當此凶歲謂宜遣使賑濟爾乃橫求玩好令其失人心損國體傷和氣而召災沴乎 上詔械敬下獄同惡王臣斬於市中外稱快謂恕有回天之力壬寅松江大饑斗米百錢恕出粟減價以糶全

本朝人物考 卷一百一

十

陝西一 姚仲文

活甚眾仍轉南京兵部尚書叅贊機務刑部員外郎林俊以諫下獄經歷張敬之亦下獄恕言二人志在進忠而得罪恐人自此以言為諱設有奸邪誤國誰復為 朝廷言者俄有 旨令致仕恕怡然就道會星變庶吉士鄒智等抗論萬安劉吉天下之小人王恕彭韶天下之君子乞黜萬安劉吉而用王恕彭韶疏入不報時 孝宗在東宮素聞恕名及即位太監懷恩以忠直起自謫所首奏恕於 上言官又交章首薦遂 召為吏部尚書劉吉深銜之及恕在吏部兼抑僥倖褒獎名節甄拔淹滯中貴無敢以私干者代萬安專政每有所軒輊恕亦備備不撓守備蔣琮與南京科道相訐秦吉票給事中方向等貶謫殆盡琮自如恕言官中府中俱為一體陟罰臧否不宜異同壽州知州劉槩考滿來京與御史楊彙議時政槩與彙言夢一人騎牛背上陷澤中公左手把五色石子右手提牛角引入正路其人謝而去蓋人騎牛背正我朝姓名惟五色石子不可曉意者公首抗疏論時政為彈之第一義耶彙嘗劾內閣附內閣者發其事下獄彙以受槩餽遺誹謗朝政發衛充軍槩比擬造妖言者律罪至死恕上言槩之書詞固為狂妄

本朝人物考 卷一百一

十一

陝西一 陳周

其夢有無亦未可知然初無惑眾亂民之心今使繫死於獄中豈不大傷天和也哉卒得減死又徵王乞陞鈞州爲府與夫工完乞恩濫賞內官監力論止之兩廣都御史秦紘奏安遠侯柳景不法事坐致仕怨極言柳景當追賊 聖恩免之矣而恩不及於秦紘是爲地方軍民之害者可恕而除地方軍民之害者不可用其何將以服人心而勵將來乃起爲戶部尚

書同 昔以通政司經歷高祿爲本司參議上言祿

出自科目自可遠到越次超陞恐非所以愛之唯勿

以親戚妨公議事乃止時有建白多謂業已行矣恕

意天下事設未得其當雖十易之不爲害若謂已行

無及則古之納諫如流豈皆未行乎遇事輒言有不

合卽引疾求退 上每溫詔留之但執政擠忌日深

明示沮抑恕以不得其職屢疏辯明求退及吉去位

執政立濬又不悅之恕不自安求去益力始准致仕

言者譁然屢奏起之不果恕歸優游山林著述不輟

以正德二年卒贈太師謚端毅子承裕爲戶部侍郎

邢簡

邢簡字居敬咸寧縣人少力學有志尚登正統壬戌進士第授刑部主事擢真定 中府真定畿內劇郡

番漢官軍雜處動成豪右占據民田讎訟紛沓簡處之有道上下安之以薦陞浙江左叅政尋轉順天府府尹京邑供億繁重簡力爲裁省十去五六陞南京大理寺卿尋徵拜戶部侍郎端午侍 駕閱武于萬歲山之陽忽疾作急扶歸抵家而卒簡爲人廉介有守蒞政疆明與人交坦然無矯言飾行卒之日囊無餘資惜之者無間言

姚顯

姚顯字微之咸陽人正統甲子鄉舉卒業太學時上

疏言王振竭生民膏血修大興隆寺極爲壯麗車駕

不時臨幸夫佛本夷狄之人信之得禍若梁武帝者

足爲前轍之鑒請自後內臣修葺寺院悉行拆毀以

備倉廩之用勿復興作爲萬世法不報後至太僕丞

宋欽

宋欽字克敬乾州人正統十年進士授大理寺評事

歷陞福建按察司僉事四川副使征大坭賊有功受

織衣銀牌之賜轉河南按察使尋擢右僉都御史巡

撫貴州陞南京大理寺卿累疏乞致仕許之加資政

大夫尋卒贈刑部尚書賜祭葬如例欽居官以廉慎

稱精于法比乞休疏凡十餘上始終之際有可觀者

趙 謚

趙謚字子安號真齋涇陽人正統甲子鄉舉第一人景泰辛未進士授南京戶部主事陞員外郎母服闋轉兵部未幾有江西之擢在戶部時兵儲告乏勅謚往督至則飛章劾少司徒及中貴人專恣罪不少徇又徽州積有逋租官嚴刑莫能徵往諭以禮法民立輸無敢後者在江西守法奉公行郡縣不憚寒暑險途未嘗敢以私謁性甚孝友母太安人王氏計聞號海鏡絕慮慕側淡食草寢者八載旦夕哭奠哀如初喪嘗有慈烏飛遶其傍不去盜既得其家貨後因感

本朝分省人物考

卷一百三

十四

陝西一 張忠

悟悉歸之且皆改行焉有司以聞詔旌異之曰員外郎趙謚孝行之門兄弟以父母俱棄圖分異謚泣止之不能則盡以所遺貲產讓之從兄子二人貧不能為室代為之聘歲薦饑鄉多婚葬失時者竭力濟之無慮四五十人封治母墓側荒塚亦十七八所成化六年卒壽五十有八官凜貞介里播仁聲卓然盛世之名人云

李 錦

李錦字在中號介庵咸寧人九歲失恃依安成舅氏為擇師教之端坐終日不逐羣兒嬉戲讀書已知大

義還為諸生受易於董生益肆力於學後遇秦州周廷芳講學得聞周程張朱為學之要遂棄記誦辭章之習專以主教窮理為事又與西郭姚氏渭南薛氏麗澤講習善則相告過則相規知行並進久之踐履益醇關中學者咸敬服如宋人之於橫渠云登天順

壬午鄉舉入太學為邢祭酒讓所重令諸子受學諸子稍不恭輒遣去後邢坐事下獄錦率眾抗章明其無罪事親色養執喪盡禮不作佛事士大夫家至今遵行風俗為之一變所居僅蔽風雨茹淡服疏至於屢空臨財終無苟取周先生嘗難之曰有人親病劇思食一梨求諸市不得隣人有種者非竊不獲將竊之乎錦曰辱身以及其親非孝也周歎曰在中可謂立身頗揚者矣其解經極平正通達不為鑿說且善誘後學諄諄忘倦出其門者多名士及任松江府同知職親戎牒奸無所售有脫役四十載者即令補伍乃為官守所拘不究厥施卒於官骸骨不能歸其僚友賻之乃得歸云

本朝分省人物考

卷一百三

十五

陝西一 張忠

東 思 忠

東思忠字廷伯華州人少岐嶷少而穎悟十二遊太學每祀則齋潔入廟凡俎豆樂舞之屬莫不備問

而具識之退而曰禮云樂云固如此其所用心豈尋常能測哉讀書爲文雖長老莫不畏避弱冠遴爲州學生中天順壬午鄉試成化丙戌登進士拜刑部河南司主事剖斷明決不避權要尋轉雲南司員外郎郎中被命審錄畿內刑獄平反爲多惡有所畏寬有所白居刑部以端正自居因情亮事曾未一用慘酷刑具而犯者自不能不以隱曲備對嘗曰獄有微旨非敲朴所能致也每於招稿面題曰得情勿喜及據案正法則又曰罪疑惟輕一時危疑之獄皆就決焉兩擢府丞不報遂轉四川按察司副使整飭松潘兵備壘書凡一切番賊出沒軍民利病悉聽從便處置至則立約束謹烽燧內修政事外樹兵威諸番部落畏威懷德不敢侵邊然松潘孤寓萬山而諸番部曲環列蝟蟻中留一綫之路爲轉輸往來斗米之價每至數金方辨故輒數倍他邊而主藏之吏多伸縮監司又因循罔稽由是吏奸民苦日甚一日於是苦心勞慮滌弊正法倉庾之積陳陳相因矣又嚴減尅之禁正私鬻之罰茶馬有序瑕釁不生士有飽食官息科斂兵士駸駸生氣焉又於大石佛嘴鑿山開路以便轉輸人至今宜之成化甲辰惡族逆命出軍勦

本朝分省人物考

卷一百三

十六

陝西一

之直抵巢穴斬首四十餘級上賜白金綵幣乙巳小寨番竊發又出軍勦之斬首三十餘級所獲軍器頭畜無算曰此士卒之功也悉以賞之捷聞又賜如前於是軍威大振諸部矢心歸順其酋長及朔望輒來稟受約束蜀中士民倚爲西北長城矣是歲十一月以疾卒於官享年纔四十五爾惜哉

張鼎

張鼎字大器咸寧人成化二年進士授刑部主事歷員外郎知太原府山西叅政河南按察使都察院右僉都御史巡撫保定等府召爲戶部右侍郎以疾乞

本朝分省人物考

卷一百三

十七

陝西一

歸卒計聞賜祭葬如例鼎幼受業於河東薛文清公有理學名知太原有惠政民懷之至巡撫保定則令各府沿路築墻以禦盜賊衝突修繕煩勞民頗怨謗然至今旅人賴之爲永利焉

韓紹宗

韓紹宗字裕後號蓮峰西安府朝邑縣人成化五年進士授刑部主事歷員外郎中九年持法惟謹一無所徇都指揮王章守備真定橫甚御史柯忠劾奏章章亦誣奏御史詔往勘而章有內援請託紛至竟按其罪免官大璫石巖鎮守大同與都御史許進相

許泰命給事同紹宗往勘紹宗廉其實力直都御史
巖深嫉之奏言紹宗黨都御史 天子震怒逮繫獄
久之事白得釋宗師有僧善中貴梁昉稱曰門僧一
日出而衝定襄伯前導市撻之僧倚昉奏誣定襄下
于獄自匿昉所紹宗竟追捕冥于法一時京師有不
畏科道而畏韓郎中者以紹宗之剛正無怨故也遷
福建副使凡七年郡邑吏以法問罷及所聽斷平反
者不可殫紀會以內艱歸遂卒

雍 泰

雍泰字世隆咸寧人成化五年進士授吳縣知縣吳

本朝分省人物考卷一百三十一

十一

陝西一

濱湖湖漲淪田千頃作堤障之民受其利稱雍公堤
吳民有妾亡者妾父訟其夫密殺吾女兩月匿屍湖
中石下召訊夫夫曰妾逃兩月踪跡不可得妾父脅
財始知死所使人視其屍乃訊父曰夫密殺汝女汝
安知匿於石下此又豈兩月屍耶此必非汝女汝殺
他人女冀得賂耳一訊而服十年召為監察御史吳
人富而好饋行泰不受一錢巡鹽兩淮准竈丁貧而
鰥者幾二千人巡滿俱與完室歷陞浙江右布政使
時勢家鬻販私鹽鄉人效尤幾至千輩盜竊橫行乃
先收勢家人抵罪於是羣盜悉平為都御史巡撫宣

府叅將李稽不法部下狀其惡具草且聞稽跪堂下
乞受責圖自新泰曰此亦軍法也縛下杖之三軍股
栗稽乃譖之於朝稽為時相李東陽姪也言官遂劾
泰以擅辱將官罷退居章曲別墅不涉城市正德二
年給事中潘鐸薦泰有敢死之節克亂之才詔起左
副都御史操江固辭弗允未幾陞南京戶部尚書時
逆瑾用事以泰鄉人欲親暱之卒不應遂斥去仍罰
米千石輸宣府而諸所嘗薦者鈞陽靈寶皆獲罪歸
復居章曲日焚香讀書與鄉人論穡事不與上官相
見族黨有犯必告有司曰某是某非幸無以泰故屈
本朝分省人物考卷一百三十一

十一

陝西一

法年八十卒

張 曉

張曉字光曙三原人成化己丑進士知襄垣縣政平
訟理召拜監察御史上書論萬貴妃事同列讀其辭
皆縮舌 上笞而釋之出為湖廣僉事施州夷亂諸
僚莫敢往曉請行曰此不可以兵加當以義動至則
宣朝廷威德諸夷感服陞河南副使時河決黃陵岡
泛汴宋曉奉命督役導河幾千里俾復故道工竣勞
以幣鑑進按察使陳州有告歐死少年者三年莫能
決曉閱屍圖驚曰安有少年而缺其齒乎訊之果捕

得少年其屍乃一乞嫗也事遂白人稱神明尋以歸

李 崙

李崙字世瞻別號靜庵臨潼人生有穎資年十八補郡庠生大為郡守余肅敏公所重嘗贈以詩有曾向關中試白眉之句中成化乙酉鄉試已丑進士初除山西屯留知縣屯留難治在積滑舞文弄法上欺官府下虐良善十數年來獄訟錢糧皆出其手至則先按其奸弊得十餘人悉捶死之而縣治始清法令不擾強良畏如神明良善親如父母在縣三年一毫不

本朝分省人物考

卷一百一

千

陝西

取廉名四振至興學校修禮樂正風俗時婚娶治行為天下第一陞戶部河南司主事轉山西司員外郎郎中在部十二年除積弊革奸猾錢穀出納一毫不爽一時居部者無出其右名動京師陞廬州府知府治廬州如治屯留而法令稍寬詞訟兵甲錢穀無不克舉賑荒救饑所活萬餘人民不憂旱蝗不入境立俵馬之法定鹽鈔之價創河橋以免民溺廣積穀以備賑貸撫按交薦聲譽赫然陞河南左叅政去任之日百姓遮道泣留立碑頌德甲寅丁外艱服闋除山東右叅政未及任丁繼母憂服闋將起而病作不起

矣崙貌不踰中人至判大事決大疑嶽峙峽流沛乎有一介不取之廉萬方無敵之勇朝野之人咸想望其丰采焉

楊時暢

楊時暢字知休咸寧縣人尚書鼎之子也成化戊戌進士改翰林院庶吉士授檢討弘治初與修憲廟實錄書成陞修撰未幾充經筵講官同考禮部會試詔選東宮官屬吏部尚書馬文升以時暢薦改右春坊右贊善秩滿陞左春坊左諭德典成再遷侍講學士正德改元以東宮講讀恩陞太常寺少卿仍兼侍講學士尋卒時暢美風儀善談論居家以孝友聞為大臣子多識國朝典故及前輩遺事有幹濟才未及用而卒

張 鸞

張鸞字應祥咸寧人也舉成化戊子鄉試辛丑舉進士為大名知縣是時縣中百物俱廢倉廩空虛奸豪侮法又衛河每漲而瀕水諸田盡為之沒百姓患苦之至則修墜補敝誅鋤豪強積穀備凶幾萬石築堤捍水不害耕作詞訟清理遠近稱為廉平時寧山衛胡指揮者妾妬甚家人疾之胡死其子誣其妾毒之

獄成驚訊得其情妾以無死先是都御史侶鍾調鸞
令南樂大名民伏闕奏留得不調至是銓部竟調之
而南樂歲旱民饑流亾過半乃請于都御史得二千
金請于大名府得六百元又請于賑濟郎中得穀若
千石設法賑貸民以獲蘇矣而後崇道興化培養茂
異綜理其馬政馬政修舉三載考績徵拜山西道御
史權稅通州尋視茂陵役徒丁繼母喪歸復其官巡
視居庸諸關從容言便宜事謂軍士糧餉于他處守
支不便而傳警缺馬皆非養士禦患之宜條議部置
咸當事機疏上隨下戶兵二部議報可及代復督稅

本朝分省人物考

卷一百一

十一

陝西一

通濟白河無何出按四川務持大體不矯激立名簡
廉貪而激揚之人人當于功實而又裁省浮費飭理
兵戎修繕城池興作序序表章忠節推舉隱逸先後
奏議以松潘諸處及成都諸郡縣何地宜添設何員
宜裁革卓然皆為經遠之績焉歸而總憲屠公瀟委
以掌諸道奏事戊午冬清寧宮災奏上八事其一曰
法司修纂條例宜早完輯以省刑罰二曰言事諸臣
宜優容以開廣言路三曰巡撫都御史宜量材授任
邊陲與內郡異未可一槩推予四曰濫放俸金五曰
優恤小民六曰明慎用刑七曰行取差官八曰量減

抽分 敬皇帝為罷行之陞浙江按察副使巡視海
道經畫六年百務具舉倭寇遠遁海道肅清超遷大
理寺右少卿時鎮守河南劉太監與周王訐奏諸不
法事奉 詔案問具得其事以報犒寶鈔羊酒尋轉
左少卿陞左僉都御史理院事御史王公時中巡按
大同忤權貴人怒欲置之死力解救之巨璫張璿掠
奪民產反奏言豐潤皇莊累苦百姓侵漁往勘事得
直田產還之民轉右副都御史仍理院事尋復拜大
理寺卿得侍經筵與修資治通鑑成得賜 御製寫
懷迴文諸詩復轉刑部左侍郎曩在大理時會案牘

本朝分省人物考

卷一百一

十一

陝西一

委積一切皆自理積勞傷目至是疾愈甚竟以失明
乞骸骨歸田不許久之以事忤瑾得致仕歸既歸而
瑾怒不止罰米二百石輸于邊于是杜門蔬食以儉
為師晚好杜甫詩命兒子吟誦其側日聽以自娛辛
未秋病目復明又九年而已卯夏終于正寢詎生壽
七十有四訃聞 天子諭祭命有司營葬事

劉璣

劉璣字用齊號近山咸寧人為兒時游鄉塾即端重
不嬉戲塾師異之曰是兒骨相不凡後當名世戴恭
簡公督學見其文特器之以補諸生成化庚子舉鄉

試第二人明年登進士授山西曲沃知縣至則砥苦節敦古道期年邑人向化曲沃產棗視事多以棗贖罪遂儲棗數萬計後歲大侵賑粟不繼卽繼以棗民賴不饑民有共貲而措利者訟于邑璣曰汝聞管鮑分金事乎訟者慚乃委金願輸官爲平遣之其專務德化不尚法令類此他若疏夢泉均景水寬刑罰平差遣廣儲蓄恤笄獨諸善政不可縷紀是時曲沃治行爲天下最入爲戶部主事未幾督餉大同道過曲沃人聞其來扶老攜幼迎謁道左留邑數日而去戊午陞江西瑞州府知府瑞故曠郡無城郭依山聚居

本朝分省人物考 卷一百一十五 三十四 陝西一

復除湖廣衡州府知府衡薦饑適疫作下車禱神修祀施藥賑食孜孜若不及民賴以存時過石鼓書院爲諸生談說經史及性理諸書衡士喜曰我輩今日復從朱張游矣正德丁卯雍王薨於衡 朝廷遣太監護喪還京師時劉瑾用事閹人怙勢掠賄至衡見璣首以禍言恐動繼卽大需供億時時戒曰王樞某日行舟及楫師挽夫諸所供給其宿具且無煩民否則罪不貸璣唯唯至期舟備篙師良挽夫健且溢其數人各負米鹽槁魚備需於湘澣吏人唱名執役無煩呼促中貴黃異之以問役人對曰府官聞貴人來業已先三月儲之矣黃曰幹事愛民若此耶真賢太守也戒僕從毋需索黃至京覲劉瑾首以璣治衡善政對時瑾用人多以賄遷臺諫恒以爲言旣聞黃之言乃獨用璣以塞羣議遂擢太僕寺少卿去衡衡人德之樹棹楔表遺愛云明年戊辰陞太常寺卿提督四夷館無何陞戶部左侍郎卽又陞尚書屢疏懇辭曰臣由知府轉少卿已爲殊遷由少卿數月而陞卿由卿而累遷尚書 祖宗任官確有定式今若此是使成憲由臣而毀 陛下縱眷臣其如祖宗之法何臣死不敢就疏屢上不允乃赴部視事尋以例侍經

本朝分省人物考 卷一百一十五 三十五 陝西一

進賜楮錠千貫尋又賜玉帶并御製諸詩十六幅貞
觀政要六部瑾方擢用時意必德已及璣至素節自
守意稍悔之然以人望所屬必欲引以自飾而乃益
自韜晦每朝退署部畢即閉門縱飲酣卧不醒瑾欲
延問率醉不能起他日瑾勝氣詰之曰氣弱非酒不
能支且嗜睡不睡則病由是益疎遠矣璣性好紛更
璣於部事遵舊不易瑾殊不悅嘗力論時宜變更璣
曰祖宗立法盡美盡善行之萬世無弊亦惟不愆
不忘率由舊章而已是時瑾急賄自封巧宦者多重
輦以通致璣從容語瑾曰飲食以養生過則傷生貨

本朝分省人物考 卷一百一 三六 陝西一

財亦然是故貨也者禍也古人戒積藏畏其禍也瑾
積憤不附已欲改南京禮部又欲援國初例出為布
政使尋事敗不果瑾敗璣乃上疏自劾曰臣與劉瑾
實同鄉里誤被引用驟遷顯官今瑾事敗臣罪當誅
戮上雅知廉靜方直不為瑾用特准致仕既歸里
無華屋野無腴田囊無羨金緼袍脫粟泊然一布衣
也居鄉二十餘年耕讀自樂與人接油油然惟恐有
傷而中操介削屹不可移雖不謝絕公府然卒無所
干預故人益敬重之晚年恬放自適多從鄉人飲飲
輒盡量醉為歌詩皆發性情有淵明之遺意焉卒之

日雷風晦冥聞者慟悼訃聞遣官諭祭二壇有司管
葬璣為戶部時尚未製緋袍冬月朝會公卿皆緋紵
璣獨服紗至部視事過午堂食止市餅四枚茶一盃
耳時劉瑾行賄天下諸司當朝覲入京多賚重寶以
賄當路璣獨漠然一日有人扣門謁玉珮帶適璣當
門怪問其何由以至謁者大驚踉蹌趨去曰我以為
吏部劉宅是戶部劉宅邪又當時諸公卿過瑾所率
庭然璣獨以禮自持不少貶屈數事至今尚為人所
稱說焉

屈直

本朝分省人物考 卷一百一 三七 陝西一

屈直字道伸別號西溪華陰人初生之夕父夢日出
大如輪紅光異常流入于懷驚覺而生天性聰敏過
人七歲時口授以詩歌及大小學即記憶不忘稍長
就師手不釋卷成化乙未充邑庠生浮梁戴恭簡公
深加獎譽秋遂中試甲辰登進士秋丁內艱適歲大
饑絕糧直謁推官乞賑推官以囚二人將論邊戍居
間可得厚貲直曰在使君高義則可直則進身之初
當清白自勵賑公道可受賂援罪人則不可矧又傷
使君之公哉推官嘆服丁未授刑部主事員外郎郎
中故部獄卒往往厚索要囚稍不如意輒縊殺之直

點獄事卒白鑑縊殺一囚是夜夢囚訴卒明旦根治得狀白于尚書曰要囚也姑置之直持不可卒論如法自是卒無敢殺囚者錦衣奸人依憑權勢郡縣上賦至輒局誘代納號稱攬頭往往負苦解人多令破產有數攬頭發覺直白尚書按治尚書不許直固請及逮繫攬頭權勢人果邀奪之尚書聞之且以直爲歛怨生事直入朝言於錦衣曰錦衣朝廷爪牙乃不容刑官守法耶錦衣懼竟出諸犯徵其賦俱抵之罪尚書復大喜遣東巡撫與武定伯交惡直奉詔勘問直巡撫而抵武定以法權貴人憚之歛不敢恣丙辰

本朝分省人物考

卷一百三

三六

陝西一

永城縣楊姓者爲豪族誣告得狀治豪族罪楊氏莖伸正德丁卯陞浙江按察使鞫問糾治一以至公處之非約自持門無私謁法無枉縱一方澄清司禮監巨璫劉籍故都御史錢公鉞家未至直已陞河南布政將之任劉璫至怒甚衆懼莫知所爲直笑而言曰朝廷之下衙門最大者內府司禮監天子之下內臣最尊者蟒衣玉帶太監我輩豈敢不敬第不知見怒得何罪也劉璫即改容曰憲長奸人援直手揖衆入坐衆謂既不激劉怒又不瀆甚得不惡而嚴之方初至浙巡按欲懲司吏直曰事不集大抵皆官也乞寬

本朝分省人物考

卷一百三

三九

陝西一

縣餽銀器一卓曰舊例也直曰是何憲綱所載責知縣叱出初當道與藍田南氏有故怨直連姻南氏又為按察時某御史為歸安令民告其科斂至萬金按治之令懷白金三百餽求解叱却之按治益急而直陞河南令事得解及令為御史起復赴京至淮安謁于漕府執屬官禮甚恭直喜宴談及浙事偶忘其為某御史也因言平生未嘗苟取如浙屬一知縣餽金求解當時叱出及今猶耿耿不知其人何如也某御史色沮愈恭直怪之及罷會諦思之則某御史也遂肆意傾擠直屢疏致仕以歸直毅而有謀剛而不虐

本朝分省人物考 卷一百一十五 陝西一 劉光

才敏而力足以行之故宦迹所至皆有聲與人言侃侃無隱亦以此得罪於人里居以來二十年耕讀不倦省身親農事手披載籍為子弟式雖官至大臣非慶賀大賓客未嘗衣錦於人無貴賤謙謙致禮無少慢事樸庵年九十卒直年七十哀毀皆如禮直弟泰寓京感時疾直親視湯藥家人以傳染諫曰兄弟至親豈得相避忌哉時有名醫然難致跪於門醫感而至謝禮亦不受曰公為友愛人某獨不得為義人耶

嘉靖丁亥奉詔進階總制尚書王公疏薦起用不果年七十四一疾不起訃聞 上遣官諭祭營葬

康海

康海字德涵武功人弘治初舉進士第一議者謂其廷試策為本朝第一本朝文章至成化末益庸靡海既有俊才遂與何李邊王輩興起為古文扶衰拔溺有力焉然性豪放不閑小禮恃才凌駕人人多忌之會劉瑾惡李夢陽海與夢陽善因往說瑾以脫夢陽及瑾敗人遂指海為瑾黨罷去不復用海益縱聲妓恣游山水讀書為文立名于時故海雖廢而名益著彭亨庵嘗欲薦之海答書以見意曰僕自庚午蒙詔之後即放蕩形志雖飲酒不多而日與酩酊為伍人間百事一切置之蓋素性疎懶偶因官秩羈繫數年若招豚繫鷹而一旦得此中心之快實有人所不知而已獨知之者自東方多事以來聞其驕傲無狀如彼即或奮然有攘臂之意隨復自笑以為狂奴猶爾即又飲酒散髮箕踞林麓此其性習之已成雖三公之貴刀鋸之辱不可奪也况數石之粟半幅之紙乎僕自幼支謾無狀性好是古以非今始仕時望見先皇帝寬仁大度即自私擬以為臯夔稷契之業可以復見于今而狂放易言略不修飾至 今上嗣位之後又見其英毅果斷益喜自負以為鄙志當究于

本朝分省人物考 卷一百一十五 陝西一 劉光

此一時交與之士反覆輕易不檢惟僕言是狗故謾論譏說略無忌畏日就月將幾踵奇禍幸免殺身而歸而二三者又補砌所無以爲真有使僕含垢于有罪者之籍與不肖之人同被驅放上辱兩朝作養之恩下累先人蠲介之業生平微志付之穢塗情苦心局不復自愛暇日偶讀皇甫規避梁冀之事與蔡雖却九錫之書喟然嘆曰彼何獨不得含垢冒汚而成致美節如此也又偶讀柳宗元傳曰卽宗元有不同于叔文然親與之交而受其職任矣夫身有規離之操而迹厠宗元與九錫之間仁人志士宜于此何如

本朝分省人物考卷一 三十一

陝西一

也今僕所憂者在忽有犬馬之疾死丘壑之下不得伸其夙心原惊耳而區區官秩之事非所念慮也瑾之用事也蓋嘗數以崇秩誘我矣當是時持數千金壽瑣者不能得一級而彼自區區于我我固能談笑而卻之使饗虺巖嶮之人卒不加于我此其心與事亦雄且甚矣當朝大臣蓋皆耳聞目見而孰知其然方臺諫論列之際出于一時倉卒未暇差別而今則又數年矣夫伊尹之輔商也一夫之不獲則曰時予之辜僕卽非賢者然豈少于商之一夫哉大臣者乃忍使之雜于孫聰曹元輩間耶故鄙人之心至此益

波益懶披髮嘯歌至于終身而不敢悔此非甘心爲長沮桀溺之徒也公之義曰古人內舉不避親時之可舉不可舉非僕所知也而僕之污穢亦非公應舉之人觀近臣者以其所爲主于此使識者苟爲之言則所係于公者豈細哉今僕之不可于當世者有五而甚不宜出就官秩者有二性喜嫉惡而不能加詳聞人之惡輒大罵不已今諸公者皆喜明遜而陰譏此一不可翰林雖皆北面事君而勤渠閣老門下者以爲賢能僕懶放畏出歲不能一造其戶此二不可人皆好修飾文詐僞恭假直而僕喜面訐人未有不怒者此三不可士大夫不務修身立政而俱呻吟詩文以爲高業見其詩若文不能不怒故見輒有言而彼牙望我以爲美也我以言加之此四不可與相好者接必因其職事加勉戒之詞多忤其所好彼或未從卽拒而絕之以此親疎多怨苟復見其所愛者又不忍不告或又告之彼卽又不從而僕又絕之此五不可執德不宏不能信之于人雖頗自好而當世談論之士多加詆謗自入有罪者之籍污穢終身莫能自潔使平日所立之志局閉淪落智高萬物之上而名陷九淵之下于中夜竊自嘆悔不當輕易效慕世

本朝分省人物考卷一 三十一

陝西一

俗科舉徇外構此兇溺今又不做而欲仕乎此甚不宜出者一時同黜之人固不幸而被汚者然罪大惡極羞談于婦人女子之口尚十之九彼莫不覬幸僕出以為先容之地而當時宰執又率崇私愛而乏分別苟欲引其私人必援僕為喻是所以用僕者非必實知其為人而真明其有誣也如此則是以賢者之身而為不肖者之資矣語有曰君子非其招不往以不賢人之招招賢人如之何其可往哉今眾人雖以不肖謂僕而僕未嘗一日不以賢君子自謂已如此自謂而人以彼謂已蓋所謂嘽爾而與乞人不屑者也此甚不宜出者二明公之意特出于一時愛念之篤偶未詳究及此然言出乎口通乎心明有日月幽有鬼神此區區平素之惻可一鑒而盡者公如覺之則信其為肝膈之實慨然憐我體我矣海年八十餘以壽終子粟字子寬亦有異才能詩詞不第早卒

馬應祥

馬應祥字公順西安咸寧人自幼穎異弘治己酉舉鄉試第二人丙辰登進士觀政戶部其年秋擢金甘肅有以羨餘言者叱去秋毫無所苟明年丁巳授河內知縣河內素稱難治庶事一切頽廢租賦至數年

本朝人物考卷一百一十五 三四 陝西一

不完至則加意撫循之不率教者治之不妄咎一人具攷戶數則躬為編次奸吏滑胥無隙可進自是租賦完徭役均百廢興詞訟希少豪民斂跡暇則課諸生手校其課菽公庭之上吏縮首重足立視其室服食器用泊如也明年以母喪歸百姓走送涕泣竟日乃始別去喪畢改任徽郡歙縣郡考亭故里雖稱文獻然俗好氣健訟好交結貴人爭地數尺起訟連年費千百金求勝不勝不止又豪家大族搖動禍福至則持之以靜事求其可不枉道以徇人久乃自定民有據險不輸賦者且五十年出榜招之日不輸賦者坐以重役示罰于是諸租賦無敢後期至郡有殺人者久不可得先期齋戒禱越國汪公祠下日神許我得其情則雨是夜果雨翌日啓死者棺事中諸人羅跪乃一鼠自棺出鑽跪者一人衣底尋忽不見私念曰此神示也乃指其人曰殺人者汝其人色動推究果服又郊外殺一人未絕命移之縣大門內許人縱觀之乃一人嗟歎其側者久之因扼腕遂絕乃執而抵于法蓋絕人利其財不絕恐或出語故復來扼吭耳於是縣中稱為神胡歌頌之召拜使節主事下卯謝文選是時權貴用事既無干謁亦不矯激

本朝人物考卷一百一十五 三五 陝西一

惟徑然自守既乃厭棄求歸尚書許公勸留乃止尋陞稽勳署員外郎與尚書忤陞湖廣按察僉事督學庚午涖湖廣會當鄉試而湖山闊遠兼之卑濕於是校定諸士不能徧歷或合數處羣試之場屋事竣方施教約明年辛未言者以簡出為辭遂改督屯河南然鑒別之精予奪之公諸士實心服焉于其去也感惜之至河南數日復以母喪歸服闋改兵備陳睢在陳唯一年積贖罪米粟千石及數百金儲諸府庫立之卷籍以為官需至于黜貪污之吏革濫稅之關威令赫然行矣乃乙亥秋有詔罷陳睢兵備帶銜河南

本朝分省人物考

卷一百一

三十六

陝西一

聽用於是浩然而歸吏部檄屯河南尋丁父喪起改山西督屯是時屯田子粒負欠三四年併徵實難謀諸撫按許他物相準即以給諸士卒甫三月完者十之六七尋擢山西按察副使既至未久入賀即上疏乞休歸里與朋好日游城東飲酒賦詩搜奇抉巧不驚人不已故平生文章詩所得不多然類非世俗所能也風流慷慨儵然物表以上壽考終

薛敬之

薛敬之字顯思渭南人居止端嚴動稱古道成化初應貢入太學值外內艱皆跣行奔訃尺雪不避諸生

咸服其行誼後謁選授應州知州勸農桑崇學校除盜賊奏課第一陞金華府同知撰金華鄉賢志二年致仕歸

張潛

張潛字用昭號東谷華州人而穎秀甫八歲日記數千言口占詩對答應如流稍長弄筆為文輒吐奇語侍郎公送之學士西涯李公所從受尚書李公奇之甚嘗語人曰韓退之驚怪張童子不易得也乃今復有之成化丙午秋十有五歲矣西赴鄉試不偶益淬礪自負弘治壬子遂庵楊公督學關中徧試諸生謂關中有三才子蓋慶陽李獻吉洵陽張光世其一潛也是秋三人同舉再試禮部丙辰春自禮部入對太廷俱在高第授戶部山西司主事出納錢穀關節不通剔抉弊蠹祁寒暑雨無少懈情部尚書稱其廉能擢員外郎丁外艱服闋改禮部儀制司員外郎未幾擢精膳司郎中凡朝廷大宴會及宴勞四夷經畫節制禮無廢闕費絕侵漁是時劉瑾用事深用避匿蹤踪不通或曰公鄉人也不往且有禍笑而不答其卓立如此已巳冬擢廣平府知府廣平附畿內三四年來權奸肆虐民不堪命盜起流劫郡邑不可撲

本朝分省人物考

卷一百三

三十七

陝西一

減多方捍禦郡中賴以無事既乃按行屬邑撫循安輯之省其財力均其徭賦黜舞文之吏清久滯之獄申庠序之教興禮讓之俗郡邑熙然治矣逾五年癸酉起擢山東左叅政是時工部尚書無錫秦公為布政使相得甚歡凡旬宣督餉之務相與諮議而後行人方冀其大有為也乃明年遭誣中以察典浩然西歸曰自求無歉而已潛風流蘊籍善吟咏工書華州山水佳勝足以自娛又常往來武功與康先生游對客命酒談論古今時出雅謔聽者灑然如臨皓月沐清風鄙吝頓消弗自覺也

尚衡

尚衡字一中同州人也四歲能誦古詩十七授尚書為州學弟子二十而孤三十八舉於鄉後舉進士拜工科給事中嘗出關山海關諸路邊餉邊人誦焉乾清宮災上封事十二條 敬皇帝下詔求直言乃復上四事尋又奉詔陳四事其後 天子作延壽宮又釐兩宮又上封事其辭曰臣聞大德必壽建塔延壽無是理也陛下初即位誅戮妖僧罷法王去佛子此盛德也臣愚以為事既惡於昔必不好於今定有左右之人希恩信怪妄傳神異誑惑 聖聽故至此覽

本朝分省人物考卷一百三十一

三八

陝西一

奏為罷其役戶部尚書侶鍾其子受賕寧覺乃劾鍾遷吏科右給事中未幾遷戶科左給事中出閱大同諸路邊餉是時虜大舉入寇 上命保國公朱輔都御史史琳率眾數千人擊之師久無功於是劾奏焉以忤當路遷浙江左叅議浙俗健訟日受數百牒剖汰如流連歲大饑賑貸活數千人嘗入賀萬壽聖節會劉瑾瑾惡人高憤或勸其勿高憤者不聽其自立類如此遷浙江左叅政復改山西分蒞河東道居平陽平陽多藩邸其下多馮藉以攘取民下車禁止盜王常聚眾西山設計擒殺常散其餘黨後乃移守冀寧道道在省城財殫事倍又遊民蕩子侮法敗風會流賊入寇河東薄太原甚急當是時城中官軍先已守備澤潞諸寮城守人當一門衡獨在南門南門者盜衝也乃移檄指揮賈彪設伏盤馱坂下賊由是懼走入冀南跨馬欲追擊之然無兵不果會官軍歸自澤潞受臺檄即往追賊賊聞乃自壺關遁去巡按御史素不善劾以玩盜宜寘於理衡亦奏書訟寃然竟左遷漢陽至漢陽旬日疽發背卒

郭桂

郭桂字時芳咸寧縣人二十六舉鄉試三十三舉進

本朝分省人物考卷一百三十一

三九

陝西

士爲知縣安丘安丘民王愷者富而橫令至啖之以利既乃鉗制不得動令心內忿然無可奈何至是愷使人逆桂以利啖之拒不可怒斥之去至縣而愷自來謁乃發其事鞭笞之愷懼謀陰中以禍以罪擒殺之有訟其子盜金者且罵母桂知其後母也而謂翁曰亟歸發媪衣笥中可得金果得之于是翁大感悟知其媪爲之也乃復愛其子嘗趨郡謁郡大夫縣中囚乘隙反獄走匿不可得攝縣者懼追告之途曰當在其地古墳坎窞中果然其他政事明斷多類此遷湖州府通判督糧儲往未有能自拔超遷去者蓋多

本朝分省人物考

卷一百三

罕

陝西一

以賄敗而桂獨以廉又綜理周密能祛其宿弊人莫敢犯之儲運輒先期完稱爲能遷爲泰州知州州有三虎曰鄧仁蘇容祁清桂至而鄧仁祁清以姦事發覺死蘇容獨存有以爲言者曰姑待其自至一日姦事發覺至州門曰死矣曰死瘞州門下瘞之三日出屍出屍乃死然其初實詐不死也其待惡戾民如此至于民則惟恐其或傷之于是州中遠近歌頌相戒不敢爲惡恐犯教如三虎死居無何轉鎮江府同知始人見其理戎務也老吏猾胥斂手縮項弊端塞絕然不知其他嘗攝郡事理詞訟決疑獄而人乃更屈

服翕然稱之惟恐不爲郡守其後遷爲開封郡守鎮江之人無不咨嗟嘆息惜其去欲挽留之不可得也至開封旬日會母喪以歸歸未久而父亦卒喪畢起復爲平陽平陽山西大郡轄州縣多而是時海內多事盜賊起百姓凋弊又多藩邸下人桂至多方撫輯百姓安堵久之而衣食足歌頌興焉于是新堯廟增修舜禹廟煥然改觀戶部尚書韓公文洪洞人也年八十餘家居賓客非其人不與見也乃安車入平陽謁謝而曰老人無所求強爲百姓一行未久擢叅政去以無病而卒得年五十九歲

本朝分省人物考

卷一百三

罕

陝西一

王納誨

王納誨字獻可別號蒙谿其先幽人後徙長安爲長安人生有殊質父司教延津誨從侍肄學不擇昏且凡諸經史子籍無不遍覽掇要不爲世俗學也學成歸試補弟子員弘治壬子中鄉試三試禮部不第乃遊國學友名流談古道博綜羣籍旁達世故一時無出其前者壬戌登進士宰相素知其人臨清河渠爲天下要衝而挽夫舟人叢集爲姦公私病之故授工部主事行部治閘事既治閘乃爲立條章嚴約束時啓閉謹蓄泄閘事井井無不頌其便正德丙寅秩滿

獻績調吏部考功司主事戊辰晉員外郎己巳再晉
驗封司郎中於是翻閱往牘悉復舊章自侯伯以下
皆令庭叅而考課覈驗特嚴以公倖路塞絕請託抑
沮諸以事至部者咸嚴憚之由是釁積於人庚午竟
以時宰之故波及左謫易州同知在易奮勵自樹不
以外內奪志時巨盜流劫畿輔間畿輔郡縣城郭多
不完總制都御史幸庵彭公檄督修匝月以完報又
令料理軍實軍實乃充壬申晉河南按察司僉事理
屯河南寇亂之後屯多荒蕪乃為反侵占給牛種時
征斂減加耗杜侵漁二年屯政底績時郡有豪黠附

本朝分省人物考

卷一百三

四二

陝西一

權武斷析人肢體官司坐視三年莫能執執豪伏法
郡獄繫囚多至于數按牒剖決不三日獄幾空虛河
南民凡有獄訟咸願赴之為語曰神明神明云乙亥
丁丑父母後先卒凡居憂五年己卯復除河南僉事
兵滿信陽會革不果行改四川按察司僉事兵備敘
瀘敘瀘邇夷務以懷遠固封宣威敷澤為首務人人
稱父母嘉靖壬午晉副使分司川西川北其巡兩川
也風裁肅然貪墨解紱接踵去乃遇事直身當擔有
不便民者悉罷除之雖拂巨室怒長官忤察吏皆不
之忌人或謂曰盍自圖笑不應事事如故其區處兩

川事宜凡數百為書凡十帙舉切時政無長冗言于
是兩川為改觀也復中黃言遠移雲南兵備臨安治
臨安猶治敘瀘乙酉量移山西尋晉山西布政司右
叅政由滇之晉道出故里遂卧病而卒性剛大不阿
而心獨誠厚事父母極其歡心居喪盡禮其處宗黨
恩禮次序秩秩如也志在天下毅然不遜有古人負
荷之勇且魁岸獨峙不伍塵俗乃又好面折人人不
合輒麾去不與語故庸人或少之而達士尊焉至其
奮迅防禦之才堅固不渝之操洞朗旁達之識邃古
玄秘之學固一時之鮮匹也

本朝分省人物考

卷一百三

四三

陝西一

張璉

張璉耀州人不畏強禦巡按湖廣時有貴臣子橫於
鄉守臣不敢問璉奏論如法 武廟駐蹕大原有儀
賓坐殺人繫獄者賂江彬丐免彬矯詔赦之璉曰
天顏咫尺憲臣不親奉詔旨孰敢信儀賓竟不免人
以是多之歷官戶部侍郎卒於官賜祭葬如例

王承裕

王承裕西安府人弘治癸丑進士選授兵科給事中
歷吏科都給事中以言事觸逆瑾罰粟輸邊尋以父
喪去位服闋除原官累陞戶部右侍郎提督倉場南

戶部尚書致仕卒承裕潔廉好學孝友端慎卓有父風士林重之

徐璉

徐璉字宗獻朝邑縣人弘治己未進士授戶部管倉監稅摠理遼東儲特所蒞有能聲出守袁州正德中宸濠構逆刃劫守臣稱兵趨留都以窺神器大中丞陽明王公首倡義師璉聞變謁王公於吉郡歸聚得兵五千人從下豫章破之濠攻皖城不下諜知豫章破即返旆遇兵黃家渡邢擊其左璉與戴出其右賊衆奔散濠就擒江土以寧方戰不食者二日不解甲

本朝分省人物考

卷一百三

四十四

陝西一

者四日獲賊級一千二十八名穎疏功與伍邢戴爲第一逾年僅晉左叅無何叙功議陞二級爲左使歸候缺又逾年而致政之命下矣退居善自韜晦絕口不言功日吟詠爲樂文典繹詩調高古不作濃艷語所著有玉峰集十五卷編群書纂要一百九十六卷享年七十有七

李紀

李紀字維之興平縣人弘治十一年舉人由祥符知縣選雲南道御史以劾劉瑾謫陳留知縣八年陞寧州知州累陞山東僉事致仕

東郊

東郊字希宋華州人正德六年進士由平陽府推官選浙江道御史巡按蘇松以劾江彬降潞州判官後以原官致仕

郭田

郭田字汝耕長安人正德九年進士知嘉善性簡直政令畫一堅持冰蘖操人有饋遺輒峻拒每見解銀指謂左右曰此阿堵物能亡身敗家爾等毋爲所汙時有生員朱愚上書陳其過即榜之縣門引以自罪後歷陞布政司叅議致仕今猶頌其廉明云

本朝分省人物考

卷一百三

四十五

陝西一

朱騁

朱騁字安國三原縣人進士由行人選浙江道御史巡倉丁憂復除本道建言廷杖降丹徒知縣陞南戶部主事累陞四川副使致仕

人物考卷之一百四目錄

陝西西安府二

馬理

嚴天祥

東野

韓邦靖

韓邦奇

呂枏

楊淳

李崇光

王元正

南大吉

東漢

張緯

李宗樞

盧紳

閻溥

康河

本朝分省人物考 卷一百四目錄

周吉

王縉

楊爵

呂應祥

王維楨

喬世寧

魏學曾

李世達

南逢吉

杜崇

張原

劉琦

張治道

胡侍

王懋

裴紹宗

許宗魯

杜鸞

周尚文

楊宏

補遺

郭文

劉昭

鄒應龍

孫丕揚

溫純

趙應元

馬自強

雒于仁

李伸

本朝分省人物考 卷一百四目錄

二

本朝京省人物考卷之一百四

陝西西安府二

馬理

馬理字伯循三原人學者稱為谿田先生初以春秋中弘治戊午鄉試再試禮闈未第游太學與呂涇野崔後渠諸公相切劘而文章德義名震都下高麗使人亦知慕之錄其文以歸乙丑喪生母庚午又喪父祥禪中會檢三禮編集成書安南貢使問禮部主事黃清曰關中馬理先生何尚未登仕籍其名重外夷若是至甲戌科復上春官公卿以下咸欲識面四方

本朝京省人物考

卷一百四

陝西二

周性

學者至聚觀之乃以詩中式廷試二甲授稽勳主事改文選與郎中不合引疾告歸者三年戊寅復任值武廟將南巡理與黃鞏諸同志伏闕極諫雖受廷杖 篤亦遂止未幾送母劉淑人還鄉乃設教于武安王祠藩臬諸君為建嗟峨精舍以居生徒劉卒後尋起轉考功郎中丙戌例當考察外官時內閣冢宰各挾私忿欲去廣東河南陝西三省提學理乃昌言曰魏校蕭鳴鳳唐龍今有數人物若欲去此三人請先去理由是獲免其保全善類如此丁亥陞南通政赴任過河池見驛丞貌類黃鞏問之乃其弟肇叔開

也泫然淚下厚禮之既乃作詩贈之有六年復觀先生面為過河池見叔開之句戊子引疾告歸辛卯陞

光祿卿至則釐革宿弊裁省冗員癸巳疏病歸林下者十年癸卯復起南光祿而年七十一矣引例陳乞乃得賜歸即隱於商山書院諸生問道者遠近踵集山中野服鶴髮童顏望而即之飄然仙風道氣也如是者又十餘年而始告終每出不一二年即歸歸必十數年而後起綽綽然于進退之間雖欲磨涅者亦未如之何也

嚴天祥

本朝京省人物考

卷一百四

七

陝西二

周性

嚴天祥字叔善號雙洲朝邑人也生而靈異穎悟過人八歲能熟誦大學論語即通其大義十二入縣學歲試兩魁諸生僉憲開州劉君珂有精鑒得其卷曰嚴生國士也於是遠近無不推嚴先生者庚子中陝西鄉試第六刻經義為士程甲辰登進士授絳縣知縣期年而絳治人知向化野無盜賊案無停牘積獄幾空有兇犯毆傷人股致死者累檢無傷祥取二股骨察其形色長短新舊不同訊之兇犯具服蓋吏件受犯賄潛以他人枯骨易之寡母告子不孝祥廉得母與僧姦狀憐而釋之亦不治母曰子母之際難言

也撫按有疑獄輒以付之克明克允其治絳也不以刑罰為威而以廉故豪猾畏不以賑費為惠而以靖故民衆懷不以戒令為期而以信故庶績熙而又敏達勤慎時環三晉而郡縣者七十餘絳縣治行第一戊申徵拜四川道監察御史未幾疾作彌留卒得年三十有六祥性孝友五六歲時每遇美果食必先奉母既長朝夕惟以承歡父母為念母病泣跪進食呼天而禱父落一齒持之泣累日嘗因事諫父父怒以履踏其面笑而受之父乃感悟絳平陽富邑祥三年間俸薪外分毫無取去絳時僚屬士民爭以饋進皆不受曰取予士人之太節豈以去絳而遷其守乎其居身之珍治絳之美實兩無所歉云

本朝分省人物考 卷一百四

三

陝西二

東野

東野華州人三歲喪父五歲讀書學禮十五從師而受尚書二十舉於鄉明年舉進士又明年為陳留知縣陳留去藩服近民多健訟訟輒赴臺省不干縣吏縣吏顧無可奈何野至為聽其大者劇者而於細事以義退之無留滯焉於是皆仰戴之呼為神明而於大且劇者不復赴臺省惟赴愬於縣其一切細故輒相解釋無敢以煩瀆者河溢於縣北害于耕稼野乃

謀請治河者築堤拒河河之舊博於是為桑麻之地百里焉流亾之民皆復來歸賑貸之各有生業蓋戶口增以千計邏卒趙獻者有仇讐夜入刺獻死匿去弗可得眾以為弗得也乃竟得之縣故多盜於是盡散去為農無復敢為盜者陳州俠劉某者都指揮之子也嘗懷千金為俠俠嘗殺典史善賂自脫事故久不決事下野法當往閱死者因與期月某日當往乃謬謂有他不往矣蓋是時指揮已伏百人劫俠聞不往即散後竟往得窮其事殺俠於是河朔數百里之間又皆仰戴之呼為神明皆欲赴愬陳留向者學舍諸生惟知有科舉書不復知有古文遺書諸史子集也於是購得之俾誦習焉而又設小學擇師傳教童子親為校閱勤懇甚備也開封轄縣三十先是言破敵者必於陳留至是沃野綿亘耒耜相望風雨之會又適其時年穀屢登盜賊稀少歌誦之聲徧于鄉東西行過是縣者罔不改視易聽而撫按交章論薦問勞之使結轍於道正德丁卯秋吏部以御史起野引年不當為御史乃為刑部福建清吏司主事云其年冬視獄獄中夜三四起視獄未久疾作猶視獄獄中既代出旬日乃遂不起年僅二十有六

本朝分省人物考 卷一百四

四

陝西二

韓邦靖

韓邦靖字汝慶朝邑縣人自稱曰五泉子母夢五色雲中奏成韶之音已而玉女十餘持蓋擁一童子入室覺而生生而靈異三歲而能誦古詩百餘首四歲而能通孝經五歲而讀論語文王至德篇掩卷若有思者父問之對曰即如武王非矣八歲而通舉子業十四而舉于鄉二十一而舉正德戊辰進士已巳拜工部主事奉部檄十庫監收庫宦官不為禮邦靖自坐前席宦官怒給曰部尚書至因起撤坐邦靖詰之答曰公無與庫事者止一飯耳邦靖曰然則吾當

本朝分省人物考

卷一百四

五

陝西二

去矣答曰當署案邦靖曰豈有署案不與庫事者乎竟前席坐署案尋又兼收黑窑廠主廠者宦官厚燕接殷勤之歡邦靖不顧自起視秤分毫無所假宦官雖怒甚然無可奈何未幾抽分浙江先是抽分部使者往往避嫌乃重取於商為羨餘以自白邦靖乃下令曰非巨木若竹木成器者不稅稅課舊領府幕官乃奏議寄布政司不與府幕官以部使者侵漁而府幕者易與耳又奏抽分司刑獄宜下按察司以防出入詔皆可故事抽分司覬鎮守太監歲千金是時鎮守劉太監者又谷大用之黨邦靖固不與金劉太監

怒後知其為人愈益敬之會宦者從京師來倚其近

俸索抽分錢甚急劉太監從旁勸曰幸無求韓主事我當有以贈公也及代人奏乃課不足部尚書及工科給事中皆以法劾邦靖亦自劾求罷會國老有知其故者賴以無事壬申春南北畿內山東河南諸郡盜起天子命將征勦工部官例一人前除當前除者數人皆懼不敢往言之部尚書有泣下者次不及邦靖部尚書知邦靖素勇可使數目邦靖邦靖毅然請行後亦有天幸不害北歸還負外郎奉部檄清查直隸山陝諸路歷年班匠銀兩既見其民貧乃奏議

本朝分省人物考

卷一百四

六

陝西二

罷徵是時急於用財不許後以乾清宮災竟罷之以災異訪求直言邦靖上疏極言即位以來朝政不修經延罔御盤遊無節狎近羣儉推折骨鯁之臣閉塞諫諍之路百度乖違庶事叢挫府庫空竭閭閻流散盜賊災異薦至迭興危亾之形已成社稷之憂將大疏上 天子震怒下錦衣衛獄給事中李君鐸率眾論救之乃奪官為民 世宗即位起為山西左叅議分守大同革奸平獄權豪斂跡是時 天子脩定策功封爵太濫而高山陽和諸衛軍士奉例開墾草場數千餘頃皆為豪家占種前後上疏論列皆不報未

幾大同歲饑人相食又奏議請發內帑賑濟不許為之憮然泣下輟食復抗疏論列累千餘言不報乃上疏乞歸都御史張公文錦奏留之而歸志已決復上疏報未下即行西歸之日軍民遮留道上以萬計號泣不忍舍去至家稱觴壽母與諸兄弟燕會終日甚樂也乃未幾病卒年三十有六

韓邦奇

韓邦奇字汝節陝西朝邑人正德戊辰進士仕至南京兵部尚書卒贈太子少保謚恭簡性剛直尚節槩初舉進士值劉瑾亂政朝士奪氣同年多往謁之邦

本朝分省人物考

卷一百四

七

陝西 周性

奇卒不往為時所重為浙江按察僉事分巡杭嚴獨持風裁凡鎮守并織造中官有所求為率裁抑之積忤既久後因富陽縣產茶與鱒魚進貢採取時民不勝其勞擾目擊其患作歌曰富陽山之茶富陽江之魚茶香破我家魚肥賣我兒採茶婦捕魚夫官府拷掠無完膚皇天本至仁此地何辜魚兮不出別縣茶今不出別都富陽山何日頹富陽江何日枯山頹茶亦死江枯魚亦無山不頹江不枯吾民何以甦後被鎮守奏以作歌怨謫阻絕進貢逮至京下錦衣獄褫其官初被逮時杭府縣贈錦衣官校金祈途中寬挺

斥之曰死則死耳何以金為及府縣贈以路費揮之挺挺不屈真烈丈夫也已得釋陞山西叅議分守冀北弟邦靖嘗以是官威行惠懷甚得士民心既下車鴈門士民父老園告曰先使君之治誠善願使君守而勿失感慕咨嗟有泣下者後所行一無改于舊民甚安之擢都御史巡撫山西政益嚴肅守益儉朴間日以廩米易肉一斤有司供餽悉拒不受廳事惟二小青衣侍立三司官入揖議事數語而決公庭如水不聞履聲諸王府總兵武衛官俱相戒不敢犯陞左右侍郎久之陞南京兵部尚書廉簡鎮靜寡交接雖

本朝分省人物考

卷一百四

八

陝西 周性

六卿同列亦罕往返每拜表 聖誕令節赴禮部禮畢孑然獨行內外守備議事外一不他及威望聳然性好學老不釋卷尤精於律數所著有律呂直解并樂書數十卷性極孝友與弟邦靖同舉進士交相砥礪事父蓮峰先生及閭恭人終身不違顏色愛靖切至疾于廬幾一載汗惡之氣人咸不堪靖侍側未嘗少離飲食必親奉湯藥必分飲鄉士大夫立孝弟碑為鄉間式後靖病亟日慟泣不解衣不滋味者三月餘形且瘠靖譬曉之泣曰吾弟憶東坡詩乎來生之因尚當同兄弟也及靖卒屢廢寢食哭絕衰絰蔬食祥

而弗懈嘗謂其友樊恕夫曰世安有司馬遷關漢卿之筆能寫吾思弟痛弟之情吾當以此身報之故樊恕夫碑曰自有兄弟以來中間道德之高功業相映亦多矣至相愛之深相信之篤所見之同如公兄弟可謂曠世少有矣

呂 柟

呂柟字仲木號涇野高陵人生而穎敏特異未總州輒有志聖賢之道夏居矮屋衣冠危坐雖炎暑燥金不越戶限至冬月祁寒則履藉麥草誦恒達曙年十四應試臨潼貧不能假館宿新豐空舍夜夢老人自

本朝分省人物考

卷一百四

九

陝西二

驪山而下謂曰爾力學後當魁天下既試補廩膳生母宋卒哀毀骨立所居寺中一日聞父疾走還叅政熊公命驛馬追送弗受父疾尋愈乃居雲槐精舍多士景從更歷五禩踐履篤實粹益外著戊辰廷試遂擢第一人漠然不動若固有之在官二年安西亂疏請 上出宮御經筵親政事時中官惡其言欲嗾殺之乞養病得歸抵家數月而中官伏誅居家杜門謝客糲食草茹若將終身以薦起用入朝上勸學疏略 上嘉納時乾清宮災應詔陳言一曰逐日臨朝聽政二曰還處宮寢預圖儲貳三曰郊社禘嘗祇肅欽

承四曰日朝兩宮承顏順志五曰遣去義子番僧邊軍令各寧業六曰各處鎮守中官貪婪取回別用又累進講勸上舉直錯枉疏後引疾乞歸時西安秋旱禾槁有司槩征租言於當道獲薄征張仲修爲御史築河東書院成請定三晉應祀名賢既論定其祀又答以書謂今定祀惟取大義不論文辭俾學者知所趨向父涇陽公病侍湯藥晝夜衣不解帶履恒無聲如是一年鬚鬢變白丙子父卒哀毀咯血時陝西鎮守中官廖氏覬以金幣諸物卻之有客托交遊以三百金求書曰人心如青天白日不意視如鳥獸也其

本朝分省人物考

卷一百四

十

陝西二

人慚而退 世宗登極起復館職纂脩 武廟實錄進講虞書適值 仁祖淳皇后忌辰柁口奏存祿服之禮罷酒飯之賜癸未克會試同考試官所取士二十餘人皆名士嘗上疏請溫尋聖學曰學貴知要而力行故慎獨克己上對天心親賢遠讒下通民志甲申奉旨修省以十有三事自劾疏上出山西解州判官至解首恤無告及諸貧困以木綿米肉給之見解之丁差倍徙他邑乃懇告當路會議分派槩省而解民始獲蘇復即廢寺建解梁書院選民間俊秀子弟俾習小學之節歌陶風之詩又令諸耆德俊民朔望

講讀會典諸禮及行藍田呂氏鄉約凡冠婚喪祭俾皆尊聞行知察諸孝子義士節婦咸尊奉詔旨題表其門復求子夏之後令其入學建溫公之祀而考序其集築隄以護鹽池疏渠以興水利桑麻以導蠶績於是士民率由風俗丕變屬縣亦觀感而化陞南京吏部考功司郎中四方從學士及州人皆冒雨送至河干既去解人思之不忘豎碑以識遺愛至留都日親交牘忘其煩勞陞南京尚寶司卿乃復授學驚峰禪寺東南之士及門者益眾壬辰冬陞南京大常寺少卿迎繼母侯就養又禁道士俗教每月令演樂者

本朝分省人物考 卷一百四 十一 陝西二

再南京 太廟災例上疏自陳乞罷黜不許時閣大臣再斥再起九卿皆遣人候之塗有約與俱往者曰生平無一面識不敢輒通刺禮也乙未陞國子監祭酒首發明監規教人以正心為本忠孝為先取儀禮及為詩樂圖譜俾諸生講肄諸生皆以德行道義相先而禮樂并行聲容俱美諸公侯子弟皆率教樂學諸觀政進士及歷事舉人數就而問業中官沈東亦時至聽講陞南京禮部右侍郎九卿謁 孝陵着祿淡衣同僚曰盍着緋公曰上陵望墓生哀服祿為是眾從之有蔡生請鹽商墓志不獲同僚為之請曰生

與相有舊可勿拒曰一書生而遨遊權貴之門得志則下陵可知終拒之署南京吏部印疏薦時賢備任用又薦將材數人尋進表朝賀畢見閣大臣閣臣曰某匪人曰愚與居未知其非祇見其才耳公合天下之才以事 聖主可也閣臣不悅返留都累疏乞停止親視山陵及慎重大禮 上悉納五月復進聖節表道過河南見餓殍盈途語所在郡縣堙之抵京值奉元殿災例自陳 上允其致仕歸事繼母侯孝養備至疾病頭風畏寒親為艾禱進乃安侯卒哀毀殯殮如禮壬寅七月卒享年六十四卒之日食時復有大星流光震墮之變遠邇弔者以千計大夫士及門人悲痛如私親巷哭為罷市三日解梁及四方弟子聞訃皆為位哭著述甚富學士家咸珍襲之

本朝分省人物考 卷一百四 十一 陝西二

楊淳 淳字重夫號繡嶺臨潼人垂髫時恬靜寡言雅有志向酷嗜詩書既登進士後觀政兵部授江西道御史時宦官劉瑾索求科道瑕疵適決大辟眾皆推避無肯行者淳毅然請行大中丞屠公喜其勇敢能任事也而瑾惡其同鄉不附已諷當道改淳工部主事庚午安化王叛王師于征為之先事前行幸未被差

荆州抽分竹木時川中多盜商販十減四五兼以禁
要請託齟齬芴午一切遏抑不行遷本部營繕司員
外郎管臺基等廠尋差遼東查盤軍器甲戌陞都水
司郎中管理通州南班河道浚決潢汚築復隄防一
時糧道稱便京儲頓增時中官方橫舳艫往來陵輓
州司需索無算聞淳咸退避無敢恣者時中貴使西
域取佛船百艘所費萬計聲勢赫熾沿河州司懼不
敢文淳移檄擒治其黨衆斂迹而去國初工部尚書
宋公禮治河有大功爲修葺其祠宇復纂王端毅公
之奏議丘文莊公之詩刊爲漕河紀事以永宋公之
本朝分省人物考 卷之十四 十四 陝西二 李商

使奉 勅管理鳳門等關兵備便道歸家適丁父憂
服除改湖廣郴桂兵備郴桂楚之南徼也地雜苗夷
俗多寇盜有禪光眼者聚衆數千肆行劫奪皆捕平
之行蒙賞賚嘉靖辛卯陞四川叅政次年陞本省按
察使次年陞本省右轄尋陞左在蜀日威茂諸邊將
常因番夷入寇多殺無辜以邀賞賚累檄諭以禍福
勸戒切至諸將感悟在臬司蜀藩贈兼金一百撫臺
贈金八十皆不受貯之庫其爲叅政時嘗視象當放
支銀五萬或曰此可得羨餘終不肯放支平生以清
忠自勵慕趙清獻之爲人俸祿之外一毫無私子弟
本朝分省人物考 卷之十四 十四 陝西二 李商

李崇光

李崇光字宗顯陝西高陵人少爲邑學生貢入太學
正德庚午授南京國子監典籍事父母能色養得其
歡心父疾親嘗湯藥侍臥其側晝夜不解帶旣殯猶

寢苦顏色枯槁其事母疾猶事父也嘗作瑩域築堵環之種樹百章羅列成行又嘗代諸兄構屋及爲典籍又以其俸贖作服具昇諸兄國朝典籍書板多在南監縉紳置籍者印千紙例輸白銀伍分於典籍以爲常崇光辭勿受祭酒司業咸嘉之以疾卒於官

王元正

王元正字舜卿盩厔人正德辛未進士改翰林院庶吉士授檢討武宗幸宣大述五子之歌以諷後以議大禮謫戍茂州卒隆慶初贈翰林修撰

南大吉

南大吉字元善渭南人正德辛未進士歷官戶部主事員外郎中紹興府知府守紹興時政修廢舉肇造晦翁稽山書院萃屬邑髦士教之成者什九科目由此更盛有學士侵王右軍謝太傅故地悉割歸其主由是罷歸紹興士民垂涕如失父母歸構酒水書院以教四方來學之士出其門者多位至方岳文行名世弟逢吉姪軒皆其所教成立者著有瑞泉集紹興志渭南志諸書

東漢

東漢字希節別號渭川華州人生之夕母夢樂聲洋洋自空中下導一綠衣婦盤捧嬰兒降于寢所而漢

生天性孝友靈穎非常年十一父任按察卒于官扶柩悲號自蜀及家間關數千里不替比長窮覽墳典刻厲有志嘗夜不就榻晝自炊食惡衣蔬飭意澹性恬若不自知爲貴公子者爲學官弟子遂有名戊午中鄉試高等五試南官不第正德辛未始就選吏部授池州府同知語人曰吾母老矣矣必第能養吾懼薤露之先晞也至池州會造黃冊立法祛弊招亾附籍戶口增于往昔者二萬有奇劇賊劉七起攻陷劫掠流掠江湖吳楚間勢甚熾莫之敢禦乃點選民兵

本朝分省人物考 卷二百四

得壯丁數千人陣于永豐鎮關壠口山等處晝操夜守斷絕賊路賊以是不犯又石埭章仁者起兵謀叛患且不測計殲渠魁餘黨悉散又胡天龍者連結王浩聚衆行劫衝突無前乃分兵于大洪嶺莊嶺赤嶺羊棧嶺並通夥祁等處凡數十戰賊敗屛遁三月遂平有程文寶者劫殺人而匿胡三隆所捕者至文寶買捕者顧誣指三隆爲劫縛于官文寶獲賞漢察三隆有冤色鞠之文寶吐實三隆得釋人服其神甲戌改鎮江府同知治鎮江一如治池大抵察民隱剔政蠹戢豪右斥姦宄故所至咸仰戴云丙子陞南京戶

部員外郎庚辰陞本部郎中寧藩之變部議齋令兵諸當行者輒辭不往漢獨請行已又返其羨金大司馬喬公聞之歎曰毅哉東負外不可能也既爲郎中奉檄清查江西錢糧得五百萬石宿弊一洗勞費心神遂以疾乞歸而侍養于家嘉靖甲申陞江西九江知府九江三年修葺文廟辦海賊之誣毀淫祠以正俗殄渠寇以靖難丁亥改南昌南昌視九江倍劇優優理之一如無事時有鎮守黎太監者怙勢張威誅索無忌獨不能干知府見之傲不爲禮遂拂衣出會錦衣使者至意有所干黎璫聞之曰固且止東太

本朝分省人物考

卷一百四

十七

陝西二周性

守剛直不可犯也歲大饑出粟賑之他郡悉來就食不爲禁曰均吾民奈何分彼此邪活者數萬遷九江兵備副使會當塗弗悅不報戊子陞長蘆鹽運司運使一年釐弊通商人人戴之爲勒石頌德庚寅上疏乞致仕侍親上許之歸一年而太恭人卒哀哭骨立臥土草于柩側大冬嚴雪未嘗之避

張緯

張緯字文之咸陽人也自稱曰渭涯子少從學許時勉舉子業時勉大奇之呼爲小友父歿一哭幾死自是愈益勵學補學官弟子試輒高等弘治辛酉中鄉

試累舉進士不第其兄勸之仕不肯乃就城北僧舍誦習甚苦閱二十年而正德辛巳舉進士第明年嘉靖壬午擢拜江西道監察御史是時天子新卽位有以佛老進者緯乃抗疏上諫謂新政之始不宜自入于邪導人以非僻之學目左右儉人朝夕窺伺此隙一開其勢漸盛履霜堅冰不可不慎其微疏留中不報江南民鄧愈唐者逆彬用事時爲仇家誣執繫獄數年不決無辜死者若干人緯立剖得其情在廷諸老多譽之者甲申巡視居庸諸關峻崖絕澗靡不經涉所至練武脩備發奸摘伏邊人頌焉大同有變

本朝分省人物考

卷一百四

十八

陝西二周性

緯建議以爲恩浮于威無以示戒宜有震動以彰天討事下兵部集議多見采納比代有所舉劾鮮不核實乙酉奉命巡按遼東前此已抱病而是時遼東多事衆方冀其大有爲緯亦自奮欲往會病不果竟以是年卒于京師舍中貧不能具棺殮其友谿田馬伯循武功楊用甫率其嘗與游者棺殮歸其喪

李宗樞

李宗樞字子西富平人嘉靖癸未進士授諸城知縣徵拜監察御史劾都御史汪鋐不法狀出爲河南事累遷巡撫右僉都御史以疾卒宗樞有經濟才不

竟所施論者惜之

盧紳

盧紳字汝佩書庵別號也咸寧人少而穎敏潛心問學博覽典墳為邑弟子自選入正學書院纂修雍大記諸書多所撰述壬午舉於鄉明年舉進士授四川遂寧縣令廉勤自勵治教大行邑人戴之宛若慈母邑瀕大河曩有洚水之患築以魏堤植以密柳水害永消民受其利會蜀連年青災飛蝗滿野獨不入縣境眾咸咤歎焉六載之間折獄明允無橫罹刑辟者庶幾畫像之風歲早大雪素衣徒步禱於羣祠輒有甘澍之霈人胥頌之戊子入拜工部主事治水呂梁有功癸巳往督杭州竹木廠立法寬平商民感德進貢外郎督造臨清等處輓料兼理衛河提舉時大工孔亟磚用數倍常額經理維勤蠲省費百工若商便之運不稽留事有攸濟 上嘉悅游錫銀幣有差進郎中管理 九廟 慈寧兩宮勞績懋著 廟工成加俸一級 兩宮工成陞二級辛丑擢湖廣按察司副使撫治荆南加意救寧鎮靜不擾豪猾巨奸廉致於法一道肅然撫屬界連川貴諸夷構兵連歲不解 天子怒下守臣委紳會兩省勘議紳首宣言於

眾曰夷性犬羊先王以不治治之若繩制太嚴恐生他虞不若開諭利害俾罷兵息民足矣眾從之諸夷帖服癸卯總理工務有白金綵幣之錫甲辰擢江西布政司叅政分守湖東瑞州寇起單車往諭解散其黨歲侵民饑賑恤有條全活者眾丁未擢貴州按察使清平衛指揮某者暴虐貪婪激變軍士連結諸苗為亂驅車入城執首惡以泄羣怒申國典以示更生梗化之徒感泣紀綱肅然戊申擢山西右布政使庚戌改山東左布政使 宗藩歲祿之供邊關兵馬之餉諸務旁午紳調停區畫咸麗厥宜辛亥進擢順天府尹時有勳貴人權傾中外倚勢欲奪畿內民田數百頃者關說京兆紳力拒不顧人以爲難壬子擢戶部右侍郎申寅改左總督倉場兼理西苑農事申明舊章釐革宿蠹清查積貯附餘米十餘萬石以裕國儲然持法過嚴同事有銜之者矣三載考績錄一子洪先為太學生居太倉三年游蒙銀幣鈔錠羊酒之賜丙辰起拜南京戶部尚書定立章程約束悉鑿鑿可行丁巳循例自陳致仕 上賜允歸鑿池畜魚栽花藝竹興至則與二三知友飲酒彈碁論文話舊日以自適紳儉樸冲澹為人誠恪簡夷於世味泊然絕

本朝分省人物考

卷一百四

十九

陝西二

本朝分省人物考

卷一百四

二十

陝西二

無所好雖囊無餘資廩無餘粟而散財喜施不貴償報嘗謂人寧負我毋我負人寧我容人毋人容我立朝正色直諒侃侃不阿一時交口誦之而沮之者亦力家居孝弟肫肫事父竹軒公先意承志罔有所違伯仲二兄蚤世撫其遺孤授以恒業教之誨之不啻已子關中人士稱之謂為不可及云

閻溥

閻溥字克周興平人也弱冠受知於學使虎谷王先生正德丁卯中鄉試嘉靖癸未登進士授刑部主事已丑晉員外郎郎中辛卯陞直隸保定府知府甲午

本朝分省人物考

卷一百四

二十一

陝西二周性

陞浙江按察司副使明年乙未被論罷歸溥初舉於鄉年才二十又四後屢困南宮復值家替方其居太學時闖人劉瑾竊政溥為同邑人或勸為速化計厲色揮謝退益淬礪講學授徒處貧而樂後卒取上第其在北部研精律例鞫訊不苟原情附律不苛不縱人稱平焉是時光祿崔卿子忿殺鄰婦其子故宰相甥也時宰曲為請釋謝不往見迫之見復謝曰僕與相公均有法守光祿子罪抵死相公欲生之宰相易法亂道也僕守死不敢易嗣有富室袁氏姻聯鉅璫事下法曹朝貴半為請託且賂以鉅萬竟置於法朝

論翕然歸之謂為真法吏其守保定郡為右輔路當八衝兵衛雜糅錢穀獄訟應接不暇盜賊鋒起豪右戚畹武斷漁獵凡人有不堪者處之裕如若其抵徐某之罪而攘奪之害革發魏東之姦而府庾之弊釐塞唐水之泛而沮沒之患熄程邊運之役而轉輸之勞均嚴課試之方而科第之才盛獎廉勤之吏而郡邑之政修慎鄉飲之選而禮讓之風醇表節孝之門而習俗之頽振古稱循良不翅過之癸巳秋大同構變朝命宗伯黃公敷撫黃請於上遴溥與俱溥乃揚威布澤持法行權元惡就刑反側向化豎績為多既

本朝分省人物考

卷一百四

二十一

陝西二周性

乃晉副浙臺適臺負闕乃兼攝數事浙人素欽其譽吏慄慄不自存民則熙熙自慰也先時臺中申飭憲度率由舊章謂郡牧臺史先時接見有制凡庭參止長揖不屈膝今靡靡不自振矣今宜復故一時列郡觀望可否溥曰是何疑哉臺史郡牧均人臣也憲度具在余惟執禮以遇越分媚人吾恥為之徑揖不顧臺史陽加獎善陰排於同列羣議煽沸鬱而未揚乃闕其去郡攜撫絲髮交闕擊攻乃擲不校浩然賦歸一切仕進棄不置念讀書教子彈碁賦詩飲酒自放漠然於世不相關也卒之日鄉評士論皆惜其闕擴

之才而尚其長厚之風云

康河

康河字德清武功人少質秀發長嗣家學與其從兄修撰海兄負外浩皆以科第後先興起治詩能得詩人旨奧發為詞章婉麗溫厚正則平達觀聽者感懲革化風被為多論者謂其得詩教焉故以之飾吏則司儲司稅以及典郡培本抑末通商裕賦植善布惠木賢之稱播於郎署著於郡國顯奕宏肆駕出流等古云不罷居之無忝焉然性爽介與人不瓦合方其居業與同業者平第文翰銓秩人物時出其見以折

李朝分省人物考

卷一百四

二十三

陝西二 業洪

人務奪其氣乃已比其入官乃益殫才効職不畏難不辭勞不避嫌不規利故由之馳聲亦以之賈怨然其心則自負無悔也至其解仕而歸脫棄塵俗放情丘壑期反天真一切世務蠲屏無遺奄然歸盡略無嬰繫按河中嘉靖壬午鄉試癸未進士歷官戶部主事晉負外郎再晉郎中出守兗州移守廣西內徙贛州病歸而卒年止五十有五

周吉

周吉字應貞號一川西安左衛人舉嘉靖乙酉鄉試再應進士舉不第壬辰就中牟學諭學諭累八年始

遷沁水令前一年調蘭陽蘭陽又一年即罷歸性剛鯁負奇氣與人無戲狎平生守經自信力斥陰陽釋老師巫與諸外家者言始受易副使君副使君大奇之于是以明經著聲士率來受經門下遇門下士特嚴重門下士即年長宦成者猶敬憚如童子時其教中牟士愈益嚴皆憚而遠之久乃知其方正長者乃更益服習敬焉督學吳仕聘長大梁書院庚子聘江西考試官故事考試官率伏聽御史不得自取士獨以掌故與御史力爭不屈御史亦折節從之是年冬遷沁水會虜警有令多募民兵力請裁其半歲旱虔

李朝分省人物考

卷一百四

三十四

陝西二 業洪

禱輒得雨又賑濟善民不重困以死顧數以事忤上官上官數不善踰年遂調蘭陽是時儀封郭備毆妻死獄久不成陳州孔某以負債久繫一訊咸抵罪立決貴勢者數為言已又行賄盡置不理人大稱快焉尚書周用知其能檄令修河未幾河即就功會御史與縣丞有故以丞有間言于御史御史乃面折之吉亦執對種種有狀人以是目為周戇然自以峭直不容數乞休歸作得失吟以見志因自號宜休子居官過清苦或勸稍為子孫計輒大笑不應歸有東郭下田百畝即為園日讀書其中著讀易初筮一川野稿

已又自作像贊自經紀其終事其達生若此先是中
牟訓導何漢清者卒于官無子厚賻歸其喪新鄭令
洪勳以百金託遺中貴侍膳者無何勳逮詔獄撫其
妻子還之金人尤服其高義云

王 縉

王縉字朝儀其先廬陵著姓高祖用曾祖頻竝西安
後衛百戶祖璧考鎮竝副千戶遂世襲關中鎮忠勇
邁倫致命朔堃縉以曼倩學劍之年承勾踐納官之
典爛其熊繡突而鷹揚嘉靖六年歲在丁亥馘虜白
羊嶺稍遷正千戶戊子慶青沙峴庚寅破箬籠嶺竝

本朝分省人物考

卷一百四

三五

陝西二

捷進指揮僉事甲午戰清水河丁酉援柳樹營積功
遷固原守備旋進都指揮僉事克右叅將分守延綏
巳亥伏涼水灣庚子攻孟家塔破高松砦換神木山
殊庸疊懋擢副總兵協守延綏辛丑承本兵檄批山
西虜掣風燥電不陣而馳東絕大河逆虜授首摧堅
擊瑕斬鹵越等獻捷音於在泮錫金繒於轅門壬寅
再戰介休功與前埒唱凱言旋假握帥印扞威武堡
搏定邊營虜憊威稜喙息而駭便蕃再賁閩外益光
癸卯進右軍都督府署都督僉事鎮守陝西地方露
布屢聞太常載紀於是實授都督僉事丁未拜征西

將軍總兵官鎮守寧夏方冀永典巨鎮鬱爲長城而
以義渠之劬坐剔虎鈕角巾私第不怨不尤時宜嘉
賓優游宴喜歲庚戌疾卒享年五十有九縉雅操寬
中識局朗濟衽金浴鐵逾四十年北禦狼裔西拒犬
戎大戰十數小戰數十獲虜之馘至于二百牛馬器
甲益無算焉進律登壇計功而得匪冒濫也一值債
蹟遂從吏議爲法受惡口絕辯言豈不悃悃君子哉

楊 爵

楊爵富平人也以進士爲侍御史抗直不阿嘉靖中
上疏請慰人心以隆治道曰天下之患莫大于以危

本朝分省人物考

卷一百四

三十六

陝西二

爲安以災爲利以可憂爲太平法家拂士日遠而快
意肆情之事無敢齟齬于其間此積弊而蠱所以爲
不可救藥之病也往年夏秋恒暘不雨畿輔千里無
禾歷冬無雪暖氣如春元旦僅雪卽止民失所望洵
洵無聊此正 陛下撤樂減膳率羣下祈惠祐之時
也而大學士夏言數人者方以爲靈瑞而稱頌之不
幾于安危利災以大可憂者爲樂耶大臣之職當輔
君當道志仁先天下以爲憂無忠亮體國之心而居
人臣之極位是所謂小人乘君子之器者也翊國公
郭勛中外皆知其爲天下之惡 朝廷之蠹也迹其

舉動亦豈能有逃于 聖鑒哉顧 聖德優容不忍
 卽罪神謀遠慮自有所處臣愚以爲奸不可近惡不
 可長若止之于微遏之于漸則 朝廷優禮大臣體
 貌未失而武勳餘裔亦得以善其終或使稔惡肆毒
 潛干政柄羣邪趨附善類退處于天下國家之禍必
 深矣治道去其太甚此其失人心而致危亂者一也
 臣近巡南城兩月中凍餒死者八十一人此南城一
 郭耳其諸五城尚未知有幾也千里之遠耳目之所
 不及又不知其有幾也此皆 陛下之赤子望豆蔬
 延須臾之生而不得正 陛下憂民惜財與天下休
 息之時也而土木之功累年未止工部屬官添設至
 數十員又以一方士之故差官萬里遠修雷壇浚民
 膏血而不知卹窮民之財盡民之力其無乃自蹙其
 根本也乎今北虜跳梁內寇竊發加以頻年災異上
 下空百計取之愈爲不足而興作未已以結怨于
 天下此其足以失人心而致危亂者二也 陛下卽
 位之初勵精有爲不遑寧處嘗以敬一箴頒天下于
 堯舜三王之道蓋心得而服行之矣數年以來朝儀
 間闕經筵輟講大小臣庶朝參辭謝未嘗得一覩
 聖容敷奏未嘗得一聆 天語今庶官入覲遠自萬

本朝考卷一百四

二十七

陝西二

里孰不欲一望 天顏以慰快覩之心而咫尺闕庭
 不得一見臣恐人心日益怠惰中外日益抗敵非隆
 古君臣同寅協恭以臻太平之氣象也此其足以失
 人心而致危亂者三也聖王之世執左道以惑人者
 必誅而保傅之職坐而論道古所謂官不必備惟其
 人者也今舉名器之重而昇諸迂恠之徒異言異服
 列于廷苑金章赤綬延及方外而名器之濫極于此
 矣 陛下以天縱 聖資爲上天元后遠宗帝王之
 道近守 祖宗之法細旃廣厦與公卿賢士講論治
 道則心正身修與天地合德日月合明和氣致祥罔
 有災災山川鬼神莫不擁護安用假此妖誕邪妄之
 術列諸法禁而藉之爲 聖躬之福耶甚非天子所
 以崇正遠邪平平蕩蕩奉三無私以化天下之道也
 臣恐風聲所及人趨異教貽四方之笑取百世之譏
 于 聖德國政所損不細此其足以失人心而致禍
 亂者四也 陛下臨御之初延訪忠諒虛懷納諫狂
 直敢言之士往往矜有故一時臣工恃 陛下能容
 敢以直言干冒 夫聽言過激切而不獲罪者亦多
 有之比年以來震之以 天威加之以危禍如往年
 太僕寺卿楊最言出而身立死近日左贊善羅洪先

本朝考卷一百四

二十八

陝西二

等皆以言為罪而加之屏斥自今以後雖懷忠義之心非灰心仕進甘退丘園亦必深自晦藏為保身之計孰敢發口論天下之事以取死亾哉忠蓋杜口則謫諛交進上德不達下情不通堂陛之近遠千萬里此其足以失人心而致禍亂者五也疏上下詔獄械繫者數年雖處憂抑中端凝正直卽獄卒咸敬信之久之得釋而會尚書浹有陳論 上大憲曰我固知釋爵諸妄言歸過者立至矣命卽與給事中周怡郎中劉魁俱就逮爵時抵家方一日忽錦衣校至曰若復來乎校素敬爵慰之曰吾欲有他往特一省公爵笑曰吾知之與校同飯飯糲食校不能堪爵啗茹自若也食已曰行乎校曰宜一入為別爵立屏前曰朝廷有 旨見逮吾行矣卽攬袂行復再踰年乃出

呂應祥

呂應祥字子和號涇陽西安人少警敏絕人日記數百千言督學浚谿朱公補為諸生愛其文奇之稍長學日益博談諸儒理性上下古今疊疊不竭同學生每聚論環坐傾聽罔不嘉歎以去皆自以為不及也正德己卯魁省試登嘉靖壬辰進士授行人選吏科給事中既為給事以敢諫直言自任無顧忌心曰朝

本朝分省人物考

卷一百四

三十九

陝西

廷以言官為耳目也苟顧忌卽蔽明塞聰忍緘默不為朝廷所平會京師地震卽偕同科者上書言汰冗賑貧倡勇恤誠節賞五事已奉命監二十四草場疏發司場太監通商減芻奸狀已又諫止入道士度牒金佐內工已奉命同黃御史覆宣大邊饟參伍稽察盡得其登耗出入之實劾都御史以下若干人人服其風力已又條塞下便宜十事上之擇將帥重總督恤將士精器械修城堡嚴烽燧增年例明戰守慎賞罰振紀綱累數千言皆切事實可施行 上嘉納焉

上幸承天

皇太后顯陵應祥以禮科都給事

本朝分省人物考

卷一百四

三十

陝西

中從議禮多所匡言還詔賜特優是年內閣與吏部議選官僚多賂進者於是憤然抗疏略曰臣聞太子國儲副師友必於天下英俊自三王暨我列聖未有不慎其選者也頃 陛下詔旨謂不必備負正欲惟其入耳而選者率以賂聞此豈聖世所宜有安望其成令德也 陛下不聞里人之愛其子者乎當出就外傳必慎擇所以為傅者太子天下本而輔導之官顧可不擇令若是濫哉臣見臺省負闕必會官推舉舉多當名實官僚關係不在臺省下獨奈何不會推臣願罷諸賂進者用會推例推一時英俊以聞疏上

觸執事者怒奪官為民越五年會恩詔復其冠帶致仕自罷歸日奉母媿孝養備至媿性嚴善怒應祥在側則常權平居不設城府常葛巾徒步里巷中接人雖貧賤均禮與故舊更款洽多所周急未第時有狂悖隣人加之以橫逆後其人悔懼數獻恭直與之渾相忘如未嘗卻也初立家廟補四代主歲時率子弟奉祭畢燕坐訓之家政當道薦起用者以十數應祥聞之特扁其堂曰知止積圖書其中日披玩四方從學者甚眾皆相繼成名去當道以渭南地震甚約暫借涇陽郵館顧久不還涇民苦之應祥率諸大夫數言上官卒還之洪堰水利寢弊寢微乃親為指授方略著書示久遠此皆非已事而挺然樂為之雖他亦皆類此使久於位其濟世及物功澤詎可量哉卒年七十三

王維楨

王維楨字允寧陝西華州人舉嘉靖乙未進士改翰林庶吉士授編脩歷官至南京國子祭酒便道過家會關中大震殞于家維楨性亢急於世少所推讓獨與餘媿孫陞游陞與維楨同舉進士為史官日聚著作退朝輒相與就舍持文墨議論終夜不輟以為常

本朝分省人物考 卷三百四

三十一

陝西 張忠

有故則走豎子挾策進之務相攻錯瑕瑜不掩以是二人甚油油然久相好也維楨為文法司馬子長詩法漢魏近體法盛唐九宗杜氏居常好深沉之思務引于繩墨必結構中度而後修辭否則歷月經歲筆不直下也維楨歿陞官禮部尚書為之哀次得詩文若干卷曰存笥稿刊于關中再刻于蘇州陞叙之曰余觀作者之林其長短較異即能屬書摘辭而聲詩不振抑或近體取重古體紉焉尺有所短寸有所長非虛語也獨崆峒先生得其具體王子與之後先入室皆得擅場即關中多才賢此兩人者豈易得哉

本朝分省人物考 卷三百四

三十一

陝西 張忠

喬世寧

喬世寧字景叔耀州人也生有異稟日記數千言又強學不倦雖至老未嘗一日不學古詩法漢魏近體法唐文法秦漢融貫於古自初榘矔一時作者斂紳歎服咸稱不及遂卓然為名家今所傳丘隅集是手自芟裁者也初為諸生督學使秦公文何公景明唐公龍皆目為國士嘉靖乙酉舉于鄉果第一戊戌進

士授南京戶部主事凡再擢至郎中稽紳學士莫不
交好各枕籍書求通其願未幾擢四川僉事分按
川南地川南控引越雋牂牁諸戎號難治盡取故牘
察事所緩急重輕卽連引數十年悉酌以法理決遣
罷之時時巡行郡縣獎吏民之良與罰其怙惡者素
彊執不阿比執政者欲叙其文因蜀之寮案致言於
世寧置之不爲理有蒲人告嘉州人不償貸州答之
死讎蒲人者謂蒲人毆之死乃爲白其冤瀘人黃蒿
豪猾官府不能制捕得之御史欲重諸法以數問訊
無左驗罪止徙蒿得不死諸所平反多類是於是川

本朝分省人物考

卷一百四

三十三

陝西二
張忠

以南無冤民及爲湖廣督學使湖地綿邈試士歲必
遍罔所遺逸士所擢拔無愧顏其所厭抑無紉辭人
人爭自濯勵文教大典又敦本樹標因質成善湖之
士莫不以名檢德行相爲引重故士之以文藝舉以
才誼著者一一皆所滋植故今雖去楚幾千年士人
感奮不啻一日謂善教之得人心者非耶歲庚戌虜
犯京師上遣近臣募兵河南議緒紛拏世寧適以
叅政蒞任獨選丁男壯者從軍裁損供費後諸應募
惡少多道亾且鹵掠獨大梁部署兵全無不法者尋
督餉小灘小灘故監兌於主事第主事多聽商賈聞

糴計使轉餉者無階輸官因翔其值得倚藉爲利因
令轉餉者分糴附近邑奪商賈利而坐失主事陰所
操縱民便之河南至今遵爲法成自河南擢四川按
察使以憂歸在官十五年歸十年自讀書外絕無嗜
好聯親戚同姓以恩義周其窘乏敬老撫孤嘗作糾
宗碑族譜急鄉里之患不責其報司馬楊博中丞殷
學御史崔棟交疏薦之竟不肯起未幾卒世寧行足
世師鬱爲儒宗其所建造率鑿鑿副名實抱奇不售
自靳其用迺後人咸克世家業雖不當世後必有達
乃其所歎

本朝分省人物考

卷一百四

三十四

陝西二

魏學會

魏學會字惟貫別號確菴涇陽人十四爲諸生嘉靖
癸丑登進士授戶部主事歷兵部尚書兼副都御史
學會以南大司農謝政家居適虜寇西北羽書匆匆
奉詔督陝西三邊軍務屢辭不獲則移書政府罷款
議戰執政報書如指始就道比至固原虜酋明莊二
部各擁衆數萬擾邊三戰三北之斬明安走莊酋獲
其部落五百餘級上嘉其勛晉太子少保蔭一子
世襲錦衣千戶賜金綺有方方計圖火酋而有寧夏
之變呼拜父子故降夷宿有叛志會撫臣以事推折

之遂殺撫道據城以叛人心洶洶至則發二檄偽撫以緩之旋移檄各鎮徵兵餉而自統大軍駐靈州以偏師駐花馬鳴沙諸處扼賊要害使不得渡河窺陣又分兵收服四十七城堡以孤賊勢賊果大括城中金帛婦女賄虜時時與虜出入則多發敢死士夜銜枚擣虜巢牽其反顧兵餉四集則進師薄城下圍焉城堅不可拔計惟決水可灌灌城恐多傷士民且促之從賊不便乃築堤障水實土塞圍水圍城如帶漲七八尺城浸且圯城中懼且謀曰此可以行間矣乃射書城中疑賊黨使自相圖居民亦多受計為內應未幾時氏果與其黨自相殺八月甲子夜城南門啓我師鼓噪入時氏闔室自焚死寧夏以平先是言官急欲攻城有議以逗遛者詔逮曾問狀既行去城破之日月餘耳何得言逗遛縉紳為上書白冤章滿公車終不一言自明而上感悟還官歸里亦不錄功廷議惜之學曾魁岍偉杰平生慷慨多安攘大略明習邊事而士大夫所嚴事則其操履端方議論不阿閭閻侃侃郎計部時有權璫為商人居間欲冒支芻糧銀鉅萬大司農業許之矣趨而前曰豈其以百姓脂膏國家府庫為此輩潤囊橐耶執弗與大司農亦

陝西二 卷一百四 五

無以難之嘉靖中分宜相欲改郎吏部需一見始決謝不見亦不果改蒲坂楊公總督薊遼欲假事推轂不肯受事再強之則曰度支郎殿最有主者不敢當督府也未幾楊公入為大司馬又欲得為屬固遜亦不果改其生平不干進類如此督餉宣府時立交兌法吏不得緣為奸適虜騎薄城中守者不知所出遽攝戎衣乘城指授方略虜遁去邊人大喜謂折衝禦侮乃不在秉鉞在主計耶頃之擢光祿寺少卿松江輸白糧不鑿當輸者罪其鄉人執政者以為言不可再言再不可於執政門人也而守官不執法如此尋拜都察院右僉都御史巡撫遼東遼有叛卒黃勇者數勾虜為邊患 朝廷懸重賞購之不能得至固不問或以為言則曰勇本吾人向處置失宜故外通耳我且撫而用之何購為語傳虜中勇以為信然襟市夷入城偵知虜在速酋帳下乃閉之獲城中而執之虜患以寧會當事者以修怨故抑其功止晉俸兩級尋以棒棰厓等大捷晉右副都御史巡撫如故尋以疾告庚午起為兵部右侍郎改吏部轉左時新鄭高公以閣臣攝部事閣務繁重部事一切倚重焉為立年格杜請謁新鄭勁直難下人獨禮重之每事未嘗

陝西二 卷一百四 五

不稱善萬曆初元新鄭與江陵同在政府各以才雄
一世顧皆倚重學會二相失歡而江陵欲得爲助
心知與高公至篤也乃設事嘗之是時有疏論高公
者矣正色語曰二公皆當時名賢同心爲國卽有失
不難盡言江陵爲改容謝焉何高公策免廷臣失
色獨大言曰上踐阼甫數日首逐一顧命大臣豈
正始事且此詔出何人手草不可不明示百官衆爲
凜然朝罷更要九卿諸公詣江陵所諸公有至有不
至而江陵稱病謝罷客高公遂行當是時江陵公以
師保朝委裘與馮瑞表裏用曾獨斷斷如也天下聞
本朝分省人物考卷一百四 三十七 陝西 張忠
而壯之未幾晉南都察院右都御史未行而有列白
簡者有 詔褫新命以侍郎還里里居又數年爲歲
癸未江陵公敗乃起爲戶部侍郎未任改右都御史
督倉場有所不合尋陞南京戶部尚書其時言路大
闢有羣擊執政冢宰者 上意頗動諸府部大臣合
疏保留次及南都九列曾曰大臣進退取自上裁國
是乎人情乎諸公心服其言顧重違宰執意相視首
鼠奮然曰此自出魏某不可不以相累也諸公乃不
復言保留事後月餘果有言之者其履方守正不詭
隨如此遂再疏乞骸骨後又數年而起大司馬有臨

洮與寧夏之役嘗著四禮儀式爲鄉人祭酒每事爲
綿最以行及居兩尊人喪先後六載不酒不肉不涉
足中門事兄如父視族黨如其手足視鄉人饑溺由
已輕重賑之無不滿意去而自處甚約蓋秦俗以商
販爲業卽士類不諱持籌獨有拔葵斷織之風焉歿
之日里人皆家臨巷哭尸祝於社其內行醇備又如
此所學主誠信不欺文宗司馬子長書宗晉俱得其
逸趣所著涇陽志遼陽奏議詩文若干卷

李世達

李世達字子成號漸菴晚更號廓菴關中涇陽人生
本朝分省人物考卷一百四 三十八 陝西
而穎異日誦千言自其髫年卽具博大之器卓犖之
識一時薦紳先生咸器之年十二督學使者殷公置
高等補博士弟子員尋爲方伯楊恪愍公所知識所
崇禮備至西安守石州胡公甫下車見而奇之與爲
忘年之交當是時已瑩精大道孔孟根宗伊周事業
日在寤寐中嘗夢謁 高皇帝授明珠一命曰善自
珍之異日當爲國寶也年十九登嘉靖壬子賢書丙
辰成進士授戶部主事癸亥調吏部考功司主事已
調文選以養病歸隆慶改元起陞稽勳員外郎未幾
調考功戊辰陞本司郎中調文選丁曾大父憂三年

起陞騰黃通政給假回起陞南太僕卿 神宗馭極
 陞右僉都御史巡撫山東陞右副都御史總理河道
 戊寅以原官巡撫浙江旋告病復以原官起總督漕
 運兼巡撫鳳陽甲申陞南兵部右侍郎改戶部是歲
 陞吏部左侍郎丙戌陞南吏部尚書改南兵部尚書
 叅贊機務名爲刑部尚書改都察院左都御史掌院
 事壬辰以六年滿加太子少保癸巳乞骸骨歸奉
 旨馳驛養病已亥卒年六十有七計聞 上震悼久
 之賜諭祭謚敏肅始在戶部監兌湖湘巨幕竭心計
 佐度支之急前後入銓司佐黜陟品藻人羣百不失
 一會大計當事者拱手聽裁卽見斥者無不心服以
 去時徐文貞在柄地而秉銓者爲嚴文靖時世達與
 陸莊簡同爲司屬得以摻揚側陋薦進之往往從田
 間躋華臚列卿貳銓局之公流聞宇內前後所未有
 也其開府山東議班操蠲積逋減馬價著爲絜令時
 蔣范儒以明經舉安廷璞李遐齡以知印權楊果趙
 蛟以都吏進而白東阿朱萊陽一桂吏議又力昭雪
 之不以身格爲軒輊也膠河議起身履其地相土宜
 權經費所爲條析利害甚具東土不至勞民傷財爲
 大役累其功居多戊寅改撫浙江不數月疏辭疾引

不朝分省人物考

卷二百四

三十九

陝西二 高尚武

退八年起督漕河念寶應湖險惡歲漂舳艫無算爲
 請開越河殺水勢列五款以上綱領節目犁然畢具
 暮年而竣比原估料價省費一萬有奇晉南太宰與
 剛峰海公意氣相期擔荷國事所甄叙羣品如矚眉
 睫大察汰遣數百人下逮輿臺無不悅服者入爲大
 司寇章數十上無非平允詳慎務廣 上好生之德
 時 上惡邊臣僞增首功怒至不可解乃劑量于輕
 重之間以定厥罪而比附重辟執不奉 詔卒出其
 人于必死之地真回天力也會密遣廠校偵部事慮
 弊實不可長屢疏明非體乞亟罷去 上乃已權璫
 憑藉威靈勢張甚在事諸臣莫敢誰何具疏先革其
 禁近供奉徐正罪以杜禍源是又發宮闈所未發之
 奸而開廷臣所不敢開之口已御史職雄俊所抨擊
 無與抗者往臺長不甚有所甄別世達謂吏治日衰
 民主寡遂皆職此之繇乃以考察例行之斥韓介劉
 瑜黃正色輩五六人臺中始悚然改觀易慮壹以奉
 公爲急且申明憲典傳布天下俾撫巡無得以問覲
 相加遺所薦下吏亦無得執贄及門違者論如法于
 時道路風清苞苴弊絕嗚呼盛矣生平正以褻躬忠
 以狗國不難以一人排羣議觸忌諱侃侃然貞而不

不朝分省人物考

卷二百四

四十一

陝西二 高尚武

激通而不隨宏而不疎細而不忼獨斷于是非襟選之中抗色于傾側危疑之際國事既濟身名亦全誠可謂臣主相遭千載一時也所著有奏議八卷

南逢吉

南逢吉字元真渭南人生而穎慧不倫九歲通小戴氏大義後舉於鄉第三人時大復何公試其文歎曰奇才也計當魁已果然已會試不第師事陽明陽明曰關中自橫渠後有所振發興起而進於道德聖賢者將必自吾元善昆季始已舉進士授禮部儀制主事仰贊太廟明堂諸大禮以備一代獨偉之典而當

本朝分省人物考

卷二百四

四十一

陝西二

屬草多出其手在禮部七年出知保寧保寧公私冗奸不可詰振偷刷蠹祛故張新與之更始暇則課諸生萃諸校之雋而督教之一時得人爲盛舉人傳太者有隱操上官率不爲禮獨式其廬而問焉請驛傳徭役里甲民兵悉有定畫義民史俊輩以補盜誣論死者十一人寃十餘年莫雪者一訊雪之萬口歸明在保寧四年獨用嚴治巨室銜者造飛語中之陞雲南督學副使命獨以守入覲會有佐前銜者遂改知歸德府歸德以州陞又新造當三省之交其難倍保寧治歸德如治保寧陞副使備兵鴈門晉之阨塞巨

鎮也在兵備以督撫總兵在日惟飾具需遷慨然曰陣法不習匪我制虜虜實制我今之邊弊有甚於此者乎於是諭三關將士如令甲習之又按志盡復其

演武場爲豪家據者當是時三關未分部也獨數巡行三關外軍聲大振一日山下有牧虜數十騎望見于旄來知有備輒遁去其爲虜憚如此又嘗條上備邊便宜五事詞多觸忌諱執政不之喜格弗上乃考察用前飛語罷時長子軒舉進士爲翰林吉士後秦銓部主事績上書詔許以原官致仕事父母孝師事瑞泉公竟其世無異財哀產則盡以父兄所貽讓孀

本朝分省人物考

卷二百四

四十一

陝西二

媿遺孤嘗損地十數畝爲義倉輸粟以振族之乏者石疊李中丞故憲友也嘗約婚不果及李卒復議婚曰夙有言余可幽明負耶遂許之乙卯關中地大震兇徒乘之鷓張四掠勢如燎原乃糾邑壯士得數百人激以太義諸壯士無不人人奮也是日擒殺倡亂者四境以寧已巳邑不歲焚者數十又輸粟數百石於官賑全活者衆鄉人德之骨氣鋒稜峻潔而剛明果斷故其行誼種種合道至臨事變屹不爲動升沉等之浮漚爲兵備時有窺當塗意勸之通間者曰出處有命吾惟信心俟之可枉已徇人爲耶風神軒軒

若霞舉 穆廟嗣服進階中憲大夫贊治尹詩文希
盛唐兩漢所著有姜泉集越中紀傳若干卷藏於家
註解會稽三賦刻在會稽郡中享年八十一

杜棠

杜棠字善政三原人儀貌豐偉剛毅寡合獨與靖川
處士馬尚賓為友博物洽聞經明行修尤善星遁風
角之術由鄉舉任真定通判調彰德時靖遠伯王公
驥征麓川舉棠為望運籌為眾耳目賊平 上賜
美女一人仍陞 咸方司郎中叅贊戎政復調南
京戶部所在人以識大體稱南部堂後樹忽冬花衆
本朝分省人物考 卷一百四 四三 陝西二 李朝
譽其長曰此堂尊之瑞也棠正色曰冬花春秋書異
何瑞之有其剛正類此性至孝母喪廬於墓側時友
人馬尚賓刲股和羹養親愈疾涇陽處士師維學亦
執喪廬墓遠近稱三孝焉後陞雲南知府政績著聞
以老乞致仕詔進三品階通議大夫卒年八十一

張原

張原字士元三原人正德甲戌進士授吏科給事中
上書言十二事忤旨謫貴州新添驛丞嘉靖初召復
兵科尋擢右戶科原感知遇益以諫諍為已任再逾
年所上四十餘章言皆剴切至論國家大計及進賢

退不肖詞嚴色正凜然風生 上亦多嘉納之後以
議大禮廷杖卒隆慶初贈光祿少卿

劉琦

劉琦字廷珍別號北郭洛川縣人也舉正德甲戌進
士授行人司行人嘉靖乙酉擢兵科給事中時值
聖上新政即陳六事 上嘉納焉嘗被旨差放冬衣
布花因極言侵漁十一弊且日詣衛衙支放雖經寒
暑遇風雨亦不廢僚長嘗推其勤勵不可及錦衣衛
多權右乃愈振風采有玩慢者即疏治其罪騰驥衛
所統力士又率內豎廝養人也慣以私債冒領官銀
以取利廉得其情俱寘于法是年冬當述職期多有
假稱緝紡嚇詐人財者琦上封事請旨下金吾捕治
併上親賢遠佞疏他如峻宮牆之禁嚴宿衛之舖一
劾而中官逮罪者四十人皆人所不敢言者一時京
邑為之肅然嘗存恤軍士嚴督五城及諸衛司勿得
匿情其假克軍妻者皆察治之衛司謂給事真神明
也未幾奉命清軍條舉三十事切中時弊咸下司馬
勸行凡比試襲廕同事諸大臣中官多請囑以從寬
貸竟劾治之雖事干勳戚權貴亦不顧也是時京師
大饑請行煮糜開倉之政饑民存活殆億萬計盜賊

尋以屏息河南關司都司相通為奸以庶易嫡發其罪俱罷官若乃衛卒病發誤入宮門極力請救以從輕典妖人有犯繫晉獄當事者惕於權勢莫任其咎乃抗疏陳其顛末 上命山西鞠訊得旨依擬發落然妖人者又為權貴所庇遂發其隱過謫戍遼東瀋陽衛厥後 上曰劉琦者是嘗進讜言者也因東宮大赦天下得還原籍抵家五年疾作而卒琦自童孺以及患難顯微之際咸以忠孝自砥雖遭誣謫人皆惜之

張治道

本朝分省人物考 卷一百四

四十五

陝西二 李郁

張治道字孟獨長安人兒戲時即能督約羣兒嘗從大父觀碁數次即從旁指畫勝負率奇中人即大異之稍長父命之商顧好書不好商乃就鄉校師學書始授讀即穎異絕人為諸生其文辭率試高等又嫻於詩賦議論如懸河而性剛氣豪慕義尚奇節一時諸生咸推先畏服之正德癸酉舉於鄉甲戌登進士第授長垣令三年以治行徵入會都御史怒不面辭輒論以任情操法過嚴僅授刑部主事於是與部僚薛蕙劉儲秀胡侍約為詩會並以詩名都下都下稱西翰林然意不樂於官矣會又夢其母病乃即上疏

引疾歸歸二年當考察期御史又拾掇都御史言論落職自是以志業不伸遂棄官不就乃一意讀書為文章尤好杜工部詩與秦漢人文其始詩學杜擬為之久之句意體裁無弗杜者文復氣雄語質當於事實即不定擬秦漢何人然唐以下無師焉與王檢討康修撰一見語合乃數與縱論詩文又數與遨遊終南鄠杜間遇山水勝處輒命酒歌吟賦詩立就或語及古今天人之際至浩渺闕肆時人莫測也時薛蕙在吏部望其就官為書固謝之已而侍郎霍韜御史郭登庸又皆欲薦起又固止竟不復出往在長垣時

本朝分省人物考 卷一百四

四十六

陝西二 李郁

諸上官令不便者輒請更令或上官重更令輒抗議執請不顧避邑故多豪強為民害者乃按捕諸大豪論死者十餘人已又修長垣城修孔廟增學舍改佛寺為子路祠至其條馬政事與止塞黃河決口未盡施用後利害卒如所指陳人至今稱焉始去長垣人為立去思碑後九年又就爛柯臺祠祀之以其才識使得究所施即古將相之業奚足道哉顧獨以才高語直為時大忌又自負不能下人年甫三十餘而歸比卒時年七十歲矣家居者幾四十年所著太薇前集後集嘉靖集少陵志長垣志凡數十卷始在祔時

一僧持綵筆授之及誕夕又夢僧以綵筆贈占曰文明之兆也後果驗云

胡侍

胡侍字承之咸寧人正德丁丑進士授刑部主事歷鴻臚少卿時追尊 獻帝議者力辯兩考之非侍上言 祖訓兄終弟及蓋嚴嫡庶防覬覦爾魯嬰齊不受命歸父漢病已不受命昭帝何以受命為哉唐睿宗不當兄中宗宋太宗不當兄菟祖以其為君也不當稱兄則不當稱伯明矣 上怒其狂妄出為潞州判官

本朝各省人物考 卷一百四

四十七

陝西一

王懋

王懋字昭大咸寧人正德丁丑進士授行人以諫止南巡廷杖左遷國子學正嘉靖初詔復行人陞俸一級尋拜監察御史時廷臣議禮不合相繼去位有杖死者懋上疏論救謫高縣典史數遷至懷慶知府以疾乞休卒於家

裴紹宗

裴紹宗字伯修渭南人正德丁丑進士除海門知縣武宗南巡受檄署江都事貴幸憚之不敢干以私比駕旋省費數萬緡尋擢兵科給事中朝政以闕輒直

言無諱後以議大禮廷杖卒隆慶初贈光祿少卿

許宗魯

許宗魯字東侯號少華陝之咸寧人也正德丁丑舉進士選翰林庶吉士己卯授雲南道御史嘉靖壬午按宣大癸未陞僉事湖廣提學三年陞副使兵備霸州丁亥復改湖廣提學己丑陞太僕少卿壬辰陞大理未幾陞僉都御史巡撫保定自保定歸十七年而當庚戌之冬復僉都御史駐昌平己又陞副都御史巡撫遼東壬子乃致仕歸始為御史也即劾論侍郎巡撫兩人會宸濠事起又言上親王護衛宜隸之守

本朝各省人物考 卷一百四

四十八

陝西二

臣其刷卷蘇徽盡按諸大猾置之法所入銀穀至百數十餘萬 世宗御極又首上封事中有勤視朝罷傳奉絕貢獻惜爵賞重邊備寬徵歛尤關切時弊者已又言常湯鄧劉之後議當復其封爵大同將卒素驕悍難制立罪其尤甚者一二人於是將卒帖然先是太監劉祥乾沒邊餉以萬計然罪止罷鎮復請下祥於獄祥大懼即如數抵償而御史曹嘉論諸大臣也有給事中希諸大臣意論謫御史宗魯力奏御史無罪至其劾武定侯郭勛太監蕭敬兩疏關利害尤大後以地震上疏又言羣小竊政柄官壺議外事國

是以定而復易罪人方獲而遽釋益猶指助敬輩也
一時以爲危言宣大故有大邊正德初以地遠棄去
不守然邊勢日蹙矣宗魯行邊顧歎曰大邊急宜復
者乃遂條畫狀聞而當事者難之因補築近邊踰月
工完 上賜以銀幣疏謝且辭因請 上無忽重地
後宜大日益難守人始思其先見云湖廣以屬地曠
遠往學臣數歲不一至宗魯歲試輒過所至以行義
倡士風楚自是益多名士既去霸州士日益思之乃
爲具白撫按於是復改督學楚中其繫時望若此是
時又以救楚府二閣與御史力諍不屈二閣得不死
本朝分省人物考 卷二百四 四十九 陝西二

撫遼東至卽議處鹽課課大增諸軍占種民地
令悉歸之民遼東故與三衛諸夷互市羣議北虜亦
開市遼東上疏駁論不可者十事遂寢遼人甚賴之
力求致仕歸別構草堂積圖書其中日召故所與遊
者置酒賦詩亦時時作金元人詞曲爲樂所著少華
集續集與遼海歸田諸集數十卷其詩足繼唐音文
復精典有漢魏風而作字又精詣古法諸行草大小
楷書雜置法帖中人莫能辨至老猶能作小楷字當
其得意時一揮輒數十紙不倦得其詩翰者咸珍玩
藏之謂當代二絕云
本朝分省人物考 卷二百四 五十一 陝西二

杜鸞

杜鸞咸寧人正德辛巳進士授大理評事李福達之
獄郭助居間席書亦助之鸞上疏劾助及書乞將二
人先正國法徐命多官集議福達之罪不報及獄反
鸞遂治刑籍

周尚文

周尚文陝西西安人多謀善騎射讀諸書通大義清
約愛士飲食同甘苦能得士死力善用間諜悉知虜
中委曲故戰輒勝其總兵涼州時築東牆募力士伏
渡口殺套虜悉中肯綮自壬寅以後虜數入宣大山

西無寧歲邊將望風奔潰惟尚文數當虜有功沙城
慄來二捷績尤奇絕蓋近時名將也辛年七十有五
後十餘年始贈太傅謚英驥賜祭葬如例

楊宏

楊宏西安左衛指揮使廉勇過人博覽羣史初守備
固原虜人掠撫臣欲稍減奏報之數宏曰不可失事
罪小欺君罪大坐是罷歸以薦陞都指揮仍守固原
楊一清為總督宏請築紅古城募眾屯田扼虜人寇
之路掌陝西都司事平漢南盜斬首八百餘級陞總
兵鎮松潘番酋久為亂宏至集將吏斬以徇百姓大

本朝分省人物考卷一百四

五十一

陝西二
張垣

悅平大盜鄆本恕廖林子等斬首數百級降者二萬
人以功累陞南京都督 武廟儲位尚虛宏疏宜早
定以係天下之望不報召入後府時番亦不刺據西
海入河套駐牧邊患孔棘宏曰兵少敵眾宜通貢哈
密專意虜虜出套乃以河西改鎮守淮揚總督漕運
剔蠹清逋增制淺船詔回南京中府淮父老傾城攀
留泣榷路為生祠累疏乞歸許之卒賜祭葬如例

補遺

郭文

郭文字博道陝西渭南縣人洪武十七年舉人除江

西道御史建言謫戍遼東起四川什邡知縣致仕

劉昭

劉昭字克明陝西邠州人景泰二年進士授兵科給
事中天順元年陞通政司右叅議左通政成化九年
陞工部右侍郎十五年陞尚書二十年加太子少保
改戶部尚書尋致仕卒計聞賜祭葬昭美姿儀善談
論通政務敷奏甚稱英廟意嘗值端午節 駕幸廣
寒殿大臣俱從 上問劉叅議安在左右以昭秩五
品不得與對命特以一品服賜之其寵如此然其才
幹亦有過人者故所至皆有能官之譽在部最久所
本朝分省人物考卷一百四 五十二 陝西二
言動中事幾故往往見聽陰有節省之益其致仕落
職益為時要嗾言官所論以其子錦衣千戶綺之事
及之云

鄒應龍

鄒應龍字雲卿陝西長安縣人嘉靖三十五年進士
由行人選廣西道御史劾嚴分宜父子陞通政司右
叅議累陞僉都巡撫雲南

孫丕揚

孫丕揚字叔孝陝西富平縣人嘉靖三十五年進士
由行人選浙江道御史巡視兩關四十五年巡按順

天四十四年巡按淮揚隆慶元年養病四年復除本道五年刷卷京畿本年陞大理寺丞劾大學士高拱曠科臣程文誣論回籍六年仍復原官累陞吏部尚書加太子少保萬曆己酉再起原官管內外察典尋歸卒

溫純

溫純號抑齋陝西三原人嘉靖乙丑進士歷官兵部右侍郎兼都察院右僉都御史巡撫浙江時值兵民兩變又水旱為災純悉心撫字嚴肅下吏不動聲色而凜然自不可犯尋轉戶部歷左都管內外察典人

本朝分省人物考 卷一百四

五十三 陝西

言侵及遂拂衣以去公論惜之

趙應元

趙應元字文宗陝西涇陽縣人嘉靖四十四年進士由邠縣知縣選浙江道御史巡按遼東丁憂復除河南道巡按湖廣以劾張居正事為民復補河南道陞南京大理寺丞卒

馬自強

馬自強字體乾號乾菴西安同州人嘉靖癸丑進士選庶常授檢討久之充經筵講官纂脩 肅宗實錄陞國子祭酒時科條久弛漸失教學初意毅然以振

飭自任首按士習為姦利者取累朝訓典申明之絕請託抑躁競日以正學迪諸生成均中咸爽然易觀聽焉 神宗在東宮為講讀官凡所進講不為微文奧義務取目前易省事款款曉譬冀有所感動 上聞而甚悅 上登極擢禮部右侍郎充日講官丁內艱歸 上嘗與元輔張少師言自強所講解易省又問問服將闕否服除陞禮部尚書仍充經筵講官宗藩繁衍諸請名封婚祿歲以千計中多詭冒垂越而先後條例亦自相牴牾以故王府科宿習其穴竇交結諸藩役役出入為奸莫可究詰一一清其源本

本朝分省人物考 卷一百四

五十四

陝西

協于情法盡汰諸積胥之無良者凡王府章疏至親為裁決隨榜之部門明示行止由是諸篆隸無所索公宇肅然丁丑知貢舉 世廟實錄成加太子少保戊寅進太子太保文淵閣大學士入辦閣務甫月餘而一疾竟不起矣計聞贈少保謚文莊遣行人護柩歸

維子仁

維子仁號少涇三原縣人萬曆癸未進士授直隸肥鄉知縣丁亥調繁清豐縣戊子陞大理評事己丑建言酒色財氣四箴最為激切 上怒特甚賴時相寬

假得免廷杖竟落職為民

李伸

李伸字道甫三原人進士為監察御史按江西能預防宸濠奸權守嘉興以道自重言笑不苟對吏民不怒而威有大豪侵官錢事覺在繫奸利益甚伸廉得之令併收其子子聞膽破嘔綠汁死有殺兄謀奪其官者不具輪狀伸一訊服於是奸惡束手無敢撓者每從學士弟子講學相詰難至忘等威及遇事不假毫髮舉措因民不干聲譽中和之政獨推伸焉伸去郡久士民誦思如一日

本朝分省人物考

卷一百四

五十五

陝西

人物考卷之一百五目錄

陝西鳳翔府

王 邕

霍 瑄

田 濟

閻仲實

張 撫

李 善

李 璽

楊 武

補遺

閻 价

虎 臣

王 億

閻 欽

漢中府

本朝分省人物考

卷一百五目錄

王 信

張 羽

張鳳翔

平涼府

巨 敬

趙時春

林廷玉

鞏昌府

門克新

張 翼

張 錦

閻仲宇

宋 琮

蘇 民

范 鏞

胡纘宗

陳

庚辰

馬昊

王璠

侯一元

暢華

周蕙

本朝分省人物考

卷一百五目錄

二

本朝京省人物考卷之一百五

陝西鳳翔府 漢中府 平涼府 鞏昌府

王 沓

王沓郡縣人自太學生授蘇州府同知歷應天府治
中山西右叅政山東左布政使所至有惠政及民正
統中陞行在工部左侍郎尋進尚書居工部八年營
建宮殿百工政令沓贊畫之功居多正統末請老致
仕歸家十五年以疾卒遣官諭祭沓篤實廉慎而才
亦精敏歷官四朝有譽無過老益狷介不阿是時王
振用事沓數被侵侮故未衰即引年而退

本朝分省人物考

卷一百五

一

陝西三五

霍 瑄

霍瑄鳳翔縣人發身鄉舉授山西大同通判久之以
薦陞知府正統十四年 英廟北狩逆酋也先擁衆
奉 車駕至城下守城者戒嚴不敢啓瑄感慨奮不
顧身從水竇匍匐出謁叩馬嗚咽進膳羞靴袍百物
悉出府藏金帛以犒虜衆 英廟深致嘉嘆秩滿遷
山西左叅政食正三品祿仍掌府事 英廟復郡召
陞工部右侍郎未幾轉左明年賜二品服帶成化初
因言其屬司郎中何經被經訐其不法事以聞 朝
廷雖不之罪然瑄由是鬱鬱不自安尋以老乞致仕

居京師久之不歸至是卒瑄質樸少文勤於幹理大
同一節尤出一時忠愛惻怛之誠故寵遇始終時不
以為過也

田濟

田濟麟遊縣人成化六年由進士守大名改守真定
下車初裁吏弊治民隱興學勸士鋤強扶弱明年夏
秋瘟瘧交作遂施藥以療疾苦死無依及屍暴露者
給棺瘞之歲災荒斗粟百錢餓孳盈途濟不待上報
開倉賑濟分糶官粟三萬餘石募其市價每米一斗
銀五分絕多糶販糶之徒又巡歷州縣賑過糧米二
十七萬有奇全活者不可勝數性剛直不屈勢要定
國公弟徐永宜殺佃民濟即奏聞問擬充軍平山民
常清武強民解琪等十數人被誣強盜獄成至即釋
之其軍衛詞訟剖析均平不待拘執而自來成化六
七年間旱澇相仍會禮部派猪羊雞鶩皮張等項以
十分為率乃具奏減免五分永為定例戶部派豆萬
石設法措銀九十餘兩差人納之及八年九年飢饉
洵臻將戶口食鹽糧鈔具奏折收米豆存留各驛支
用又因站牛載運貢物不前累及小民乃奏以驢代
之甚為民便曲陽產有砮土歲起車搬運赴京民

本朝分省人物考 卷一百五 陝西三 五

不勝勞奏令各站轉運以蘇民困本府該買馬三千
二百餘匹奏准通行各處俱免數萬餘匹蒞政八年
境內大治民賴以寧

閻仲實

閻仲實字光甫隴州人生六七歲讀書日數千言過
目輒成誦十五善屬文隨父靜樂君任岳陽屬邊報
方殷所司承部檄選官民子弟習兵法武藝以備非
常仲實與焉未幾盡通諸兵法尤善騎射而獨專力
於學比游京師謁明儒學益進景奏丙子舉陝西鄉
試第一成化己丑第進士既仕有官守猶不廢學益
大肆力於經籍汎觀約會充然有得發為詩文質而
不俚根極理致有葵菴集藏于家所儲書至萬餘卷
為書院建崇經閣貯之增建堂齋延師擇徒慨然以
作人善俗為己任為考功隨人才器鑒別精當公論
倚以為重尤嚴馭下吏莫敢為奸時宰好任耳目廉
視幽隱時摘發之以為明羣情慄慄仲實曰為宰相
當如泰山喬嶽察察非大體廉者以告一日謂之曰
外人議我察察有諸曰有之得之何人曰公為大臣
第視其言當否以自修飾不為無補不必求其人時
宰素重然終以是忤未幾有河南之遷值歲凶人相

本朝分省人物考 卷一百五 陝西三 五

全通歷所部存省賑貸暑雨祁寒未嘗告勞賴以全
活者甚衆奔母氏喪扶櫬徒跣三千餘里居父喪哀
慟過毀治葬祭一遵晦菴家禮與人交敬雖久不衰
遇貧與喪者樂爲賻助國子生華陰周某卒于京爲
置棺斂歸其喪驛丞李廣客死子流落京師貧無以
謀食驚其孫爲贖還之給道里費以歸其爲德于鄉
如此初謝事每謂人曰吾事畢矣歲月將不我延未
屬續之前忽謂諸子曰吾某日將往先塋是日果卒
亦異已

張撫

本朝分省人物考

卷一百五

四

陝西三

張撫字世安寶雞縣人幼敏慧異常初治尚書不舉
景泰庚午春治禮記其年秋乃舉後又改治周易舉
成化壬辰進士乙未授刑部主事歷員外郎中性剛
決不畏強禦在刑部如都督同知王義劉寧廣寧侯
劉銓及山西鎮守少監石巖各有罪衆莫敢決立訊
決之是時浙江按察司副使張蕙罪惡彰聞矣使者
畏其口莫敢誰何往治之隨服其罪進四川按察副
使弘治戊申蜀大饑出俸金易米三百斛賑之民賴
不孳踰四年陞湖廣按察使湖廣盜劇病民下令城
中曰獲盜者予俸金時有獲盜者如數予之盜由是

息久之進雲南右布政使轉貴州左俱以績著十四
年進南京太僕寺卿性資簡潔攻苦茹淡留務多暇
手羣經終日誦讀靜中多所自得不入義外一錢無
何進左副都御史督儲南京居逾年督完每詣闕奏
議 孝宗多俞行之乞致仕不允尋進南京刑部左
侍郎明年復乞老命乘傳歸其鄉撫精於吏事所在
以廉明稱其質厚少緣飾蓋出于天性云

李善

本朝分省人物考

卷一百五

五

陝西三

李善字宗元隴州人舉成化丁酉鄉試明年戊戌舉
進士授行人司行人出使慶府王以金幣贖不受三
年選南京廣西道監察御史是時太監梁芳怙寵市
權而南京太監郭鏞亦橫擅入後湖乃與同官繆樗
等上疏極言尋出清理江北諸郡尺籍刮弊剔蠹以
影射出者八百人有奇弘治戊申以父喪歸終制改
浙江道巡按遼東是時總兵官羅雄偷安弛備太監
韋郎縱其舍人侵漁軍餉奪人妻孥聞善至卽懼不
敢復爲都督王鎧孫貴皆以不職劾罷及代歸而壽
寧侯張鶴齡方負勢莫敢誰何族子舍人下上運河
沮擾貿易拷掠無辜謗怨載途至是有訟者善曰教
授侯門之鈴束弗嚴故至此矣於是叅其教授姚倫

就問教授懼走匿侯所不出於是劾侯出教授就問而侯家以罪發戍者若干人京師遠邇譁然皆知有李御史也然侯實不堪復求疵撫拾善訴之 天子震怒欲置於理是時在司禮監若陳寬一二人皆識體苦為諫止無事遂擬河南按察司僉事去而都指揮李賢者守備河盧濫受民詞納賄無厭會善分巡河南道乃劾罷去是時河決張湫都御史劉大夏與太監平江伯偕來督修乃求綜理其事者潘臬以善應善為相度水勢開修賈魯河四十八里改河南注築塞黃陵缺口百十餘丈斷水東流功垂成復決僅以身免乃更修數月功乃成詔陞俸一級未幾太孺人卒乃歸十一年復除湖廣分巡有河淮者與其徒五百人僭號稱王攻陷城池劫掠鄉聚居民大驚恐不可撲滅呂高者襄陽衛指揮也善捕賊乃以委高而身自微服出入賊窖中覘賊以計擒獲之事平詔陞俸一級其後王景陽者亦荆襄人以左道惑眾其黨能彥和以子妻兩人皆稱王謀入襄陽內亂未發而善覘知之亟遣呂高往捕得彥和等及其妖書解送京師餘脅從五百人有姓名籍記焚其籍不問十三年推山東按察使副使兵備臨清一日報錦衣衛

本朝分省人物考 卷一百五

六

陝西三 范西王

衛千戶劉海與一校尉同乘舟至聲勢甚大見而疑之執劉海下拷問對曰我京師人曾貴也校尉僕曾喜耳曰劉海詐也聞者咸以為神十七年擢山西按察使是時晉王寵宦者門副劉茂倚以為奸凡府中金貨輒匿眾無敢言茂與府中人李成有隙詐以王命逼成幾死成訴之巡按下問於是捕劉茂茂急附王王為之請不從竟捕劉茂處死其後劉瑾用事欲為茂復讐然竟亦不能害也正德丙寅擢四川布政使未幾轉左四川番夷久肆標掠百姓患苦之巡撫都御史鎮守太監具奏出師征之乃請於鎮巡曰當用兵幾何曰非十萬人不可善曰民力殫矣番聞我師至必懼不若因而移檄宣布 朝廷威德讐服其心從而撫降之亦萬全之策也于是檄番果降誓死願為良民而不敢復叛捷聞賜襲衣白金三年拜南京都察院右副都御史會同吏部考察南京庶官甚平乃自引乞休不許慰留之本年轉南京刑部右侍郎會尚書缺員獨理部事獄死囚三人將行刑善以未經覆奏止之明日邸報至三人者移江西巡按御史勘問眾皆嘆服庚午陞南京工部尚書會修 孝陵及懿文諸寢殿皆會計甚悉未久疾作罷歸辛巳

本朝分省人物考 卷一百五

七

陝西三 徐云

世廟卽位 覃恩臣下於是有所問勞具羊酒綵幣
尋又奉詔進階光祿大夫卒年八十有二

李 璽

李璽字朝信鳳翔府人幼醇不戲在羣兒中嶄然頭
角里中共奇之父曰家世爲農不識毛錐何物恐讀
亦無益尋遣從里學究受讀卽日記千言十二善文
章二十舉成化甲午鄉試第一屢上南宮不第於是
讀書城北僧舍自炊食者數年乃第弘治丙辰進士
授荊州府推官決獄平無冤又捕巨盜數百郡中稱
之當道交章論薦起爲監察御史嘗出按河南山東

本朝分省人物考

卷一百五

八

陝西三

後按直隸諸郡縣會劉瑾用事事多掣肘璽一切任
法無所假貸獨立不附由此忤瑾矯旨逮獄踰月出
左遷鄧州判官踰半歲又降貴州平溪驛丞在平溪
一年乃陞襄陽知縣復超拜兵部員外郎主教武學
一時勲貴子弟仰德服量俛首傾心靡然向化矣居
無何復超拜河南按察司副使折獄聽政務持大體
不苛察細故以爲明會大旱傷禾禾且枯萎民磬罄
無策乃授以桔槔制教之厚水灌禾竟以有秋正德
乙亥以疾乞歸進秩按察使致仕旣歸五年乃卒年
六十有七爲人厚外樸中與人語吐實不欺不言人

過雖酣後或餽之言輒一大笑而止親愛者愈衆門
外多長者車轍自起家至按察使家徒四壁立朝夕
餬口無餘貲爲子孫地爲御史時邸舍瀕水乃種樹
當屋種蔬當肉種葦當竹結茅其中日與鄉士觴咏
甚樂也赴襄陽過洞庭羣盜操刃入舟旣見無何有
相與嗟嘆羅拜以斛米饋謝無狀笑遣去比屬續僅
能具棺殮

楊 武

楊武字宗文岐山縣人姪時母夢月墮其懷生而神
骨特異早失怙恃笑然子立丙辰舉進士丁巳出知

本朝分省人物考

卷一百五

九

陝西三

淄川縣是時縣治久廢武下車鋤惡弭盜修繕城池
疏理冤滯勸課耕織積粟待拯拓學規崇賢祠興詩
書賑貧乏之科且百年一時得雋者數人彬彬與名
邑敵有盜市人稷米者求之不得攝其鄰居數十人
跪于庭而漫理他事不問已忽厲聲曰吾得盜米者
矣其一人色動良久復厲聲言之其人愈益色動指
之曰第幾行第幾人是盜米者其人遂服又盜田園
瓜瓠者是夜大風雨根蔓俱盡乃令印取夜盜者足
跡布灰於庭攝村中之丁壯者令履其上而曰合其
跡者卽盜也具最後一人展轉有難色且氣促甚執

而訊之果讐家而盜者也瓜瓠宛然在焉又一行路者於路傍枕石睡熟囊中千錢為人盜去令昇其石於庭鞭之數十而許人縱觀不與禁乃潛使人於門外候之有窺覘不入者即擒之果得一人盜錢者也聞鞭石事甚奇不能不來入則又不敢求其錢費十文爾餘以還枕石者此數事素嘖嘖人口典史陳瓚

者黃巖老吏也嘗肆言侮慢怒鞭之於庭瓚急誣奏而淄川民千輩走闕下為訟冤嘗出視淄河謂可溉田指示疏鑿處皆直故渠祝蝗蝗滅禱雨雨澍竟以有年召拜監察御史乙丑清理河南軍務及查盤軍

本朝各省人物考 卷一百五

十

陝西三

器前後凡三年尺籍器物罔不精審而風裁凜然正德丁卯代歸刷卷京畿道明年戊辰出按順天諸郡縣時劉瑾用事事多牽制不可行蕩然無所迴避罰米百餘石輸邊至於救任丘邊氏中傷之禍辨密雲李順殺人之誣即劉瑾亦稱其為真御史也已巳擢大理寺左寺丞受勅勘視大同邊務若屯田不均軍役耗損諸弊政釐正裁革彈劾不少避邊人頌焉明年庚午起拜左僉都御史巡撫宣府罷歸乃於城外置墅構寶橋堂藝植花竹必成行列一器一物罔不精好性不喜酒而風致甚高遜與親故舉觴以為樂

天順甲申以疾卒享年六十九歲

閻 价

閻价字允德陝西隴州人成化二十年進士由庶吉士授浙江道御史弘治五年查盤松茂邊儲巡按河南值劉瑾亂政力奏之罰米五百石稱貸納之家為一空陞四川叅議疏請致仕

虎 臣

虎臣鳳翔府麟遊縣人自幼慷慨直躬與人寡合廉有氣節不規貨利成化末以歲貢士入太學時 憲宗於萬歲山起棕棚登眺臣具疏極諫祭酒懼禍以

本朝各省人物考 卷一百五

十一

陝西三

銀鑄繫臣堂樹上俄有官校宣臣至左順門中官傳溫旨勞曰爾言是棕棚即拆去所上疏畱中不出毋用該部復奏也祭酒聞而大慚自是臣名遂聞天下先是陝西巡撫鄭時具疏請賑難齋疏人臣請往至京既上疏詣吏部戶部泣而言情辭懇至諸大臣咸動色遂大獲賑焉其語甚壯至今人猶傳之諫棕棚時有旨許選授七品正官後選雲南楚雄府鄂嘉縣知縣卒於官人甚惜之

王 億

王億字本一號立菴陝西鳳翔府人弘治乙丑進士

正德丙寅授閩鄉令閩鄉故衝罷邑也又多中
貴人往來百姓患苦之力爲裁抑中貴人無敢橫者
縣稱大治憂歸服除補濬縣甫數月濬又治陞刑部
主事歷員外郎陞山東按察司僉事始至值武廟
南巡都御史檄以迎駕臨清事多倚賴焉明年分巡
遼東是時太監于喜鎮守遼東往僉事見太監禮與
都御史等而喜又怙寵諂謾者億輒踊道入上坐抗
禮喜始怒已知其清直卒讓之嘉靖甲申陞河南布
政司叅議丙戌督餉京師有張舉者太監忠之弟
武廟時故都督也嘉靖初以倖陞革罷而驕縱豪奪
本朝分省人物考卷一百五 十二 陝西三
如故先是舉令人攬河南歲餉侵沒至數萬金億曰
不發舉奸狀窮治之卽租無完期也乃召諸吏卒束
舉廷下杖訊之舉惶恐以首觸地謝無狀死罪乞寬
假益大怒復杖訊之辭驗伏罪乃復榜笞數十餘狀
其罪刑部未具獄而舉死獄中於是太監忠與武定
侯郭勛主令舉家訐奏上大怒下詔獄給事中張
達上書白叅議無罪及言刑部不正其獄刑部尚書
趙鑑意有觀望宜罪之於是罪刑部各罰俸有差竟
以中旨謫億戍海南衛終身縉紳中談風力氣節者
皆稱王叅議云明年刑部侍郎胡世寧爲上言請

所以彰直節不報居海南五年而當嘉靖辛卯
始赦歸鄉里億受經按察使李木菴先生木菴質任
簡默而億負氣剛毅然于鳳翔均稱賢大夫卒年八
十有四

閻欽

閻欽字子明隴州人正德戊辰進士選吏科給事中
欽在吏科前後凡七年不肯阿附孽寺嘗抗疏勸
毅皇帝視朝諸凡封駁不避權貴而同列彈劾諸疏
多出其手其中有漏言者當道忌之乃遷河南兵備
蓋嘗推演武侯八陣圖爲九曲新書刊布以訓戰士
本朝分省人物考卷一百五 十三 陝西三
募義勇斥老弱脩城塹謹烽堠遠近恃以爲安汝寧
南陽護衛官軍橫甚擾民殆不可制欽請入操而其
患遂息汝寧民兄弟爭田各誣其子不法而其子皆
習舉業者法當黜欽以數語決之而兄弟感悟不爭
而退羅山勢豪張輔者殺其妾之母死妾母之族訟
諸縣吏輔又誣以他事陷獄死乃以病告知其狀執
輔抵死信陽貧富兩民爭田里中二惡少素怨富民
乃誘貧者殺之而自殺貧者以滅口誑其守曰自相
殺耳按之曰一人先死後死者殺之誰也具得惡少
斬之以徇劉學恒者汝寧大盜也陰養死士肆行劫

掠無敢言者通賄郡吏伺動止屢捕不獲乃假以公
事過其地執而論之死其黨解敢數百人於是遠近
駭嘆明歲嘗大旱禱雨即大雨浹境遂以有年中州
之墟盜息民安風教大行撫按前後凡六論薦超拜
可跂乃蒙妻菲之謗以歸用不究其才識者以是為
歎云

本朝分省人物考

卷二百五

十四

陝西三

漢中府

王信

王信字君實南鄭人正統中世官寬河千戶父忠北
征戰歿母岳氏生甫半歲持節不改朝旌其門為忠
臣節婦已巳虜犯京師信拒戰西直門功陞指揮僉
事景泰六年從征五開諸蠻遷指揮同知天順五年
破曹賊東市遷指揮使成化初守通州改正倒馬關
移守荆襄二年石和尚劉千斤反荆襄進據房陸民
兵不滿千人賊四千餘眾突至圍信主帥逗遛不援
信多張旗舉火晝夜不息歷四旬餘間以死士出城

本朝分省人物考

卷二百五

十五

陝西三

五六里舉火砲賊以為援兵至驚走追斬有功陞都
指揮同知鎮臨清兼管倉糧移鎮湖廣條陳八事又
條上慎專任實倉儲修兵衛禁科罰四事十七年疏
言湖廣蠻夷雖腹中之蠹實無能為但我軍奸黠之
徒剽其竊發可以邀功今但選精銳常加隄防勿蹈
前非其患自息荆襄流連本意逃避徭役長子老孫
已成家業濫加誅殺恐傷和氣南畝之農無所蓄積
收穫未竟餽糧已空機杼纒停布縷何在乞選公正
仁惠守令大加存恤濫陞官員無慮千百無一矢之
勞冒崇階之賞乞查勘削奪三司方面所以折衝禦

傳承宣激揚當公以格物廉以律已所部指揮劉斌
張全智勇過人力薦于朝且云英俊之子處心剛正
寧肯抑心低首奔走媚求若不由加攬訪則賢才多
隱志士沈匿陞都督同知總理漕運即日上海常語
人曰荷國厚恩未能稱報此行當以江水洗滌肺腑
少盡區區信沈毅簡重被服儒素出入省騶從歷鎮
大邦不營私產平居默坐展玩經史寬袍緩帶糲飯
蔬羹故人婚喪傾心賑恤出鎮三十年筭無華衣廐
無肥馬鈴閣之下寂無人聲子繼善從善皆舉進士
有名

本朝分省人物考

卷一百五

十六

陝西三
栢五

張羽

張羽字伯翔號中梁漢中南鄭人也爲諸生時好學
不問寒暑弘治辛酉領鄉薦乙丑登進士第以憂歸
服闋授行人奉西蜀却其餽金一無所受先時受業
師陳添福成遠東羽恒念之一日有遼差隆冬險地
人苦不欲去羽自請行且言有師在彼欲往候當途
義之乃卒全師以歸是時冢宰啣羽疎闊兩選不與
人以勸羽羽曰窮達有命耳正德初宦瑾用事執正
不近瑾敗諸趨附者皆被禍羽始授御史遭流賊猖
厥經略內外日夜戒嚴事平賚衣一襲巡按淮揚山

東刺舉無私比回所部吏以金餽正色拒之時宰以
故人門生屬善視之至部按之則山東號三大害其
中有二焉首劾去之會中官導 上游獵錫予頗濫
羽上疏力諫寢不報舉朝皆壯其奏然終以得罪時
宰出守廣平至則選賢良退貪殘施行條教胥吏舞
文者痛繩以法吏卒畏懾莫敢仰視雖隆寒盛夏漏
下五鼓必起視事夜分乃寢訪獲積年民害充發配
所餘悉以次徒遣而又和易近民視之如子加惠于
鰥寡時賜之以衣食居處因刻羅氏論屬文以勵僚
屬創建漳川書院羣漳士高等者游業其中躬自督

本朝分省人物考

卷一百五

十七

陝西三

課漳士日嚮于學彬彬著于科目若乃郡中賢士大
夫里居者不問崇卑往候其家問民疾苦舉行之遂
建閘通水開田千畝以資困農奏表趙氏以勵婦節
嚴禁縣官阿稱以一士風置木牌令得自白以達民
情處方藥以劑貧病收積市利以蘇里甲當是時旁
郡之訟咸願質成廣平視諸旁郡若大府焉吏有不
法者率望風解組去順德囚母與僧通子已壯不改
惡其子之言也乃入井死會當決羽曰母無行負夫
與僧私通顧可殺子絕夫嗣乎因遂得釋鉅鹿有告
婦秦一要宦暴殺其夫吏受委咸憚莫能決乃按而

諸法要宦懼厚賂朱寧誣奏下獄吏民爭斂錢贖
 寧為羽未解曰吾寧失官不敢失志若等愛吾幸無
 枉吾志也大理直其誣乃還郡自後民益相信斷獄
 大省為八郡最會調守河間士民泣而送之擁輿不
 能行去之日民有遺思懸像而尸祝之者河間郡中
 無賴數十恃豪橫干鄉曲則召地方當甲者謂曰若
 為甲不緝捕奸俠顧令橫苦小民守姑貸若罪其密
 報以來於是武斷之豪悉斂迹改行郡中以清尼寺
 數十濁亂民俗乃廢其寺歸少尼于民之無家者即
 其地立社學教郡中子弟又收恤廢孤子養濟院舊
 本朝分省人物考 卷二百五 十八 陝西三

僚通判周禮素清苦死而妻子貧甚負貸莫能償諸
 貸家日督之羽乃延諸貸家以酒食曰若與周有鄉
 里分周故善吏也忍窘其妻子乎於是諸貸家多感
 動出券不復取乃擇僚地居周妻子親為文祭于墓
 武宗皇帝南狩有司供帳吏緣為姦率陽散官錢陰
 斂富室惟河間據郡中錢治具軍民不擾供帳以辦
 河間廣平京師股肱郡素稱浩穰難治聲名籍甚
 世宗即位擢用良吏遷山西叅政分守大同改守冀
 寧道首捕妖賊下之臬獄晉人稱快尋轉江西憲使
 羽雖抱質敦厚生平不喜造請權貴當道嫌之乃左

遷貴州至則出納慎防吏不敢私一日吏白羨金舊
 不報羽盡以登籍久之晉南京大理寺卿多所平反
 有疾乞休 上溫旨勉留未幾轉南京工部侍郎展
 修國學號舍數百間窮治假印吏除姦惡數十輩又
 部主事王度嘗捕京猾滕氏不法事王憂歸會內察
 滕說之于吏部欲黜王羽曰滕之暴橫京師誰弗知
 者王既發其奸顧肯納其賄耶王得不黜尋再疏乞
 休會被推本兵時黠虜入寇三鎮告急乃不復敢言
 去頃之考績還以疾卒于淮上年六十有四初七歲
 時母病頭虱甚為苦默取吞之乃不復生少受學於
 本朝分省人物考 卷二百五 十九 陝西三

陳生甚嚴時密歸省陳初怪之後知其為母也益加
 愛重繼母楊淑人年少事之甚謹家貧好學雖羣輩
 嬉戲手不釋卷性謙抑寡言衣服居處喜儉素平居
 未嘗言人過亦不喜虛美人處家教子嚴而以正居
 平恂恂若無所能而見義必為萬折不回手錄先賢
 要語帖置左右以自警切雖年逾六十位至九卿見
 僕吏鄉人未有情容按淮揚時泗州察院有妖劉御
 史至夜驚不能寢羽居數日妖不復聞後劉至不敢
 入名問守者云張公住時止見一鬼甚大捧藥跪牀
 下耳人相語以為正能勝邪云

張鳳翔

張鳳翔字光世號伎陵子洵陽人生而異質殊才目
羞日短眇然暗處則反明燈月之下猶晝也故其書
窻晝必遮障而後親字左手橫書之興到筆飛瞬息
滿紙與李夢陽同舉于鄉先是西崖公遺提學石淙
公書曰今年榜張潛冠乎石淙公荅之曰設無李張
二生潛不後矣及見試錄名第西崖公嘆且服曰遂
老知人是時光世角尚非業已夢寐屈宋步追班馬
小視褒雄馳騁騷賦落筆千萬言奇字爛錯綺文輝
奕觀者咸謂子安再生文考復出既至京師王公大
人翰卿唵客訪造其門求其識面者日殆無虛晷也
于是聲名出李上然光世不以自居未始不兄事李
而讓其精也及舉進士與李同部見其面黃憂焉居
無幾睛亦黃察其身又黃問曰光世不病疽乎光世
乃于是告休沐臥西山巖菴中居無何卒年三十耳
子安二十九文考二十四先是人以二子擬光世不
識乎李于是作哀鳳之操是時李夢陽與曹縣王崇
文同為部寮寔經紀其喪事馬考功輯其遺文七卷
屬胡蘇州板之行然散帙者不少矣於戲嗇其年復
思其文哉

本朝分省人物考 卷一百五

二十

陝西三

平涼府

巨敬

巨敬平涼人伉直敢言建文中為戶部主事靖難後
被逮責問不屈死夷其族

趙時春

趙時春字景仁別號浚谷平涼人為嚴毅介特與
士大夫處意有所不可議論有所不合必引繩按矩
詰責之不少貸故賢者服其正而在中人咸疾其太
剛幼與羣兒戲每列旗部署御之年十四舉陝西鄉
試十八試禮部哀然為舉首當是時海內伺其有所
製作爭傳誦之而時春則習騎射談甲兵日以邊備
之不修為大戚或語及北虜方持杯酒相歡笑輒裂
眦攘臂誓不與俱生數謂所知曰使吾得備偏校領
精兵五千人操勁弓巨矢間以長鎗大斧即掩灘丘
福不足平也再失官虜入犯遊騎薄都城 世宗用
薦召為兵部職方主事遷山東按察僉事轉副使遷
巡撫山西都御史提督鴈門諸關調兵部時疏請禁
諛佞正士風又疏錄用諫官明善惡闢異端等七事
下詔獄為民暨改編修兼司經局校書疏請正東官
初會禮儀備文武官僚以崇國本在晉斥貪墨省征

本朝分省人物考 卷一百五

二十一

陝西三

借抑請託絕餽遺曰吾不敢竊府庫以自潤亦不能
借府庫以市恩宗藩貴宦相戒莫敢犯法一時文學
氣節政事之聲振動天下而其志專在攘夷狄復
祖宗之疆宇遺後世以長治永安虜寇代州身擐甲
冒督兵繼進斬虜若干級而總兵李涑乘勝入虜伏
中敗沒詔解官聽調卒以不起時春少讀書日記萬
餘言凡史所載天文地理戶口錢穀多寡之數與寇
戎蠻貊之詭姓隱名歷歷誦之無爽所為文若詩豪
法度靡所不合說者以為有司馬子長李白之風不
本朝分省人物考 卷一百五 陝西三 姜

林廷玉

林廷玉字粹夫其先侯官人父介菴韓府紀善玉幼
隨任因籍平涼成化癸卯發解陝西甲午舉進士明
年選授給事中時 孝廟初元上封事乞順天地之
理通君臣之情出御文華延訪大臣政治之詳又上
籌邊翊治十事劾太監黃贊之弟夤緣京職又蒐輯
傳記釐為入箴以保至治既晉都諫論興濟官建真
武廟及考官程學士敏政六事言皆剴切降判海州

遷知茶陵州乙丑陞江西屯田僉事己巳陞山西叅
政丁繼母憂服闋陞右通政提督騰黃是冬陞右僉
都御史巡撫保定等府兼提督紫荆等關凡勢宦貴
戚相率斂戢又嚴捕巡軍之奸以杜響馬巢穴奏劾
守備倒馬關太監李貴及翟都指揮張太僕丞之惡
尋以張辯調南京都察院管事遂懇求致仕去嘉靖
改元起改右僉都御史總督糧儲癸未又具疏懇辭
得 旨致仕年七十九卒初介菴為信宜司訓廷玉
母徐卒于信宜火葬鳳凰山不封時玉方二歲稍長
微知其故及出使廣東葬都憲魯公輅趨信宜披草
本朝分省人物考 卷一百五 陝西三 姜

泣血遍訪父老得母葬所為文哭祭圖其山形而去
陳白沙聞之至錄其文為詩以傳比介菴卒奔喪平
涼念祖坐閩復南展省立墓碑泣別歲甲子人覲
途病還平涼就醫聞 孝廟賓天哭臨于韓府墀下
血淚點漬麻衣有痕提學廣東時焚黃酌祭于信宜
哀痛之切足表士風嘗欲自平涼遷父葬于閩以人
言未可搖動體魄而止乃留仲弟廷羽于涼以守丘
墓自歸閩戊寅夏福州衛卒缺餉羣嘩為亂閉城門
擁利兵內外岌岌玉角巾深衣造壘示以 朝廷恩
威賊輒解散八月再亂再出撫定鎮兵因以夜擒渠

應福州用寧自退休後毫髮不擾于鄉里人皆德之
蓋自始葬魯都憲及襄楚憲王妃時凡諸贈遺一無
所取人已占其後矣陽明王公謂其碩德重望收曲
突徙薪之功儀制郎中林炫謂剛大之氣常伸於萬
物之上淵源之學自得於簡冊之外至于濟變之才
又一時莫之與京也

本朝分省人物考

卷一百五

于四

于四

鞏昌府

門克新

門克新鞏昌秦州人爲人寬厚和易始爲本州儒學
訓導洪武二十六年秩滿來朝時天下學官入覲者
咸命侍朝或試文辭詢問經史及民間政事得失在
列者多應對不稱旨獨克新敷奏亮直 上甚重之
時紹興府儒學教授王俊華亦以善文辭稱旨遂擢
俊華爲右春坊右贊善克新爲左春坊左贊善後陞
禮部尚書未幾以疾請告命太醫給藥物不輟其祿
已而病遂卒 上嗟悼遣官祭之命有司護喪歸葬
於鄉

本朝分省人物考

卷一百五

于五

陝西三

張翼

張翼秦州人舉永樂戊子鄉選授江西監察御史會
歲大祲人人感額孳殮相屬于道上疏繪圖請賑濟
詔愍之爲發帑金數十萬甦活甚多又江岸地斥鹵
可田有司憚于開墾至則爲處牛種鑿渠道灌田萬
餘頃民得殷富大臣劉觀貪婪無忌廷臣多彈射之
然劉有寵于 上言者反遭貶斥自是舉朝口噤心
惛疏莫敢再翼忿然曰言官之職掌爲何誓不與劉
共朝於是按其不法數事力劾之 上爲感悟下劉

及子輻錦衣獄遣戍遼左中涓楊進等怙寵要恩請玉帶金鞍圖書等物引從征王瑾故事頗屬僭踰衆憚之不敢言復批鱗極諫事得寢中涓輩嚙指欲中傷之時與御史邵玘楊爵輩齊名臺閣生風焉卒以忌嫉者衆疏請致仕以歸

張錦

張錦字尚綱秦州秦安人舉成化乙酉鄉貢己丑成進士授刑部主事署員外郎鞫訊明審錄囚山東平反甚衆署郎中事益精判決獄無滯囚會他司失官金乃屬錦按之屢鞫不承遣人給其家得金示之遂

本朝分省人物考

卷一百五

二十六

陝西三

伏罪畿郡災用廷薦往賑先條奏便利至則平糴勸貸分遣良吏饋丐乞舉嫁娶掩骼埋胔游惰者給牛種督之耕築塘堤以定水患所活不可勝紀有邏校誣東強武邑二縣民爲盜皆據理直之方山慶成二王府有大獄奉命往治還稱旨遷大理右寺丞再奉命治岷襄二府獄情罪皆協累遷右少卿 憲廟知名鳳陽有重獄特命之往尋擢都察院右副都御史巡撫宣府直枉除弊兵民畏服劾罷中官武將守備不職者間登陴望見武帥家假山甚麗怪之其家聞之遂自徹去虜報猝至或欲議請官軍適 朝廷遣

中使就議附奏以爲不必遣竟以無他請立萬全左衛龍門所學置天下武學歲貢額皆舊所未備也丁父憂服闋巡撫保定諸府兼督紫荆諸關未行遷官再勘湯陰府獄有貴臣爲都御史秦公絃所劾賊以萬數怙勢求免卒正其法丁繼母憂服再闕方復任未幾遽疾作辭俸不許乃請告特給驛歸未幾卒計聞賜祭葬錦少有異質生窮邊無師友從釋氏學旋習老子及讀儒書始盡去舊習獨冠儒冠不避譏笑攻苦力學竟以所得取高第鄉之以儒顯者自錦始其爲人敦孝友重廉節早失恃事父甚謹撫諸弟無

本朝分省人物考

卷一百五

二十七

陝西三

間言憫窮赴急或假貸爲賑卹其在官勤敏強幹不爲事窘章奏明暢動數千百言又典刑獄尤精法比而能以寬恕將之歷佐臺省前後十五年資望俱積而不及大拜以沒論者蓋深惜之所著有松壑小稿宣政錄張氏宗譜若干卷藏于家

閻仲宇

閻仲宇字泰甫隴西人成化乙未進士初授鹽山知縣擢監察御史陞山東按察副使分理臨清時有妖僧稱彌勒佛以惑衆者仲宇擒之寘于法陞浙江按察使左布政使尋陞右副都御史巡撫湖廣時洞庭

漢間劇賊充斥苗復為患仲宇先後設謀擒之捷聞降勅獎勞錄其一子為錦衣衛冠帶總旗晉左副都御史未幾命督理宣大邊儲尋陞兵部右侍郎本部尚書奉勅提督團營仲宇資稟端重體貌魁梧為御史時 憲廟眷注之居官悃悃以寬和為政然所在稱治其為尚書甫滿歲都御史劉宇巡撫大同以萬金賂瑾欲奪其位仲宇遂移疾求去再疏得允加太子太保賜勅給驛歸仍優以輿隸月廩廕錦衣百戶一人未幾以疾卒賜祭葬如例

宋 琮

本朝分省人物考 卷一百五

年八

陝西三

宋琮字廷用陝之隴西縣人成化十四年進士授吏科給事中歷陞吏科都給事中至太僕寺卿琮為人篤實在言路時嘗有建白及官太僕尤究心馬政有可稱者弘治十一年七月卒于官賜祭葬如例

蘇 氏

蘇氏字天秀別號乙峰秦州人自幼敏悟不凡稍長即有文譽舉弘治乙卯鄉薦累試禮部登乙丑進士初授山西榆次知縣榆次健訟且善誦人難之下車公以蒞事廉以持已訟息而誦弭賢聲籍籍徵為兵部主事時逆瑾擅權構之落職為四川樞梓驛丞毅

然就道在任盡職無悔時蠻夷叛撫按李公進勦民自領支兵征虜斬獲甚多辭不敢當兵功亡何瑾誅復官為工部主事管理山東徂徠等處泉源改吏部考功司主事陞驗封司員外郎調考功文選兩司陞驗封司署郎中為諫止巡遊事奪俸六月再調考功司署郎中時奉例凡諫止巡遊官跪廷受杖者得陞俸一級乃調文選司郎中文選據要地多所嫌疑處之特有清譽乃陞太常寺少卿以祭掃例請 上俞之畢事復任陞南京太僕寺卿馬政修舉召改光祿寺卿博節財費歲以萬計陞太常寺卿提督四夷館尋陞工部右侍郎丁母憂家居數載清修自持一毫不以干人服闋日改南京兵部右侍郎嘗署工部事八月餘司廳以直廳百金奉辭曰我自有應得者此何以為南都人士服其廉且當也滿一考例當給由道經榆次榆次為舊治縣人父老百姓至萬人要迎入縣則又挽留遮道不欲行甫入京適刑部右侍郎關吏部疏名上 上即用之以南京工部修理 孝陵功賞日金二十兩織金紵絲二表裏甫兩月疾卒得壽六十有三

范 鏞

本朝分省人物考 卷一百五

年九

陝西三

范鏞鞏昌衛人系出文正公後成化二十二年舉鄉
 闈弘治六年成進士授中書舍人選湖廣道監察御
 史鯁直敢言不避權倖因忤 旨下錦衣衛獄旋得
 釋補浙江僉事歷四川副使浙江叅政尋晉按察使
 所在釐姦起廢約已愛民而民亦戴為慈母畏為神
 君尋陞南京操江右僉都御史巡撫雲南右副都御
 史時逆瑾用事兵部尚書王瓊附之鏞秉直嫉邪動
 與瓊左瓊中之因降湖廣布政司右叅議卒于官生
 平大節不與時俗浮沉遇事直言權倖憚之然亦以
 是逮獄謫官後瑾黨被收中外交章表揚之詔復原
 官賜葬祭得廕子謚恭惠

本朝分省人物考

卷一百五

手

陝西三
張子玉

胡纘宗

胡纘宗字孝思陝西秦安人穎悟夙成蚤歲以春秋
 為邑學生提學遂菴楊公虎谷王公咸愛重之中辛
 酉鄉試繼登正德戊辰進士授翰林檢討與修撰呂
 柟叅對 孝宗實錄成賜金幣加俸一級以事謫嘉
 定州判官歷二載陞潼川州知州俱有惠政乙亥陞
 南京戶部員外郎已卯陞吏部驗封司郎中未幾陞
 安慶府知府時值逆濠兵後民皆竄去又 武皇駐
 蹕留都供御繁劇刻期履任時夏旱秋澇大舉荒政

本朝分省人物考

卷一百五

手

陝西三
張子玉

上下又安明年癸未移守姑蘇財賦益夥法制益難
 理庶務尤詳于治皖任兩郡幾九載陞山東布政司
 左叅政及去任兩郡士民皆建祠奉祀樹碑頌德再
 移浙藩又改晉省以平盜功蒙賜金幣辛卯陞本司
 右布政使壬辰丁外艱制滿復除河南右布政使時
 鄆陵盜起討平之亦得賜以金幣丙申轉本司左布
 政使冬陞都察院右副都御史巡撫山東地方時魯
 府恣惡抗疏以聞得遣廷臣會勘詔奪其祿并革護
 衛地方藉以寧謐繼以原職總理河道經畫河防利
 弊丁酉以 九廟成奉詔進通議大夫己亥以 皇
 太子立復奉詔廕一子入監讀書既 乘輿南狩迎
 於磁復改巡撫河南時 車駕經過經理周悉事竣
 復賜金幣汴中大饑且疫上疏請賑情詞激切同事
 者覽而難焉曰豈得念吾屬而坐使斃中州數百萬
 之靈靈哉脫有咎某請任之疏上得發帑銀二十萬
 兩命大臣賑貸之汴民少蘇焉己亥冬汴中薄城內
 外火燎頻發未幾行臺亦災引咎乞歸因得賜閒田
 里爰築別墅以居日閉閣著書於諸理亂黜陟不相
 聞問時或乘籃輿課耕隴畝亦或登高賦詩興盡乃
 反與邑中薦紳燕會作九逸圖得優游卒老庚申九

月方執簡對賓倏忽告逝享年八十一歲才氣英發對客揮毫詩賦立就宛若宿構然雋爽豪逸上追古人凡海內賢達及藝文之士望形影從聽聲嚮赴雖大位屢滯不究厥施而功實詞華流傳遠邇雖百世不泯也有辛巳集丙辰集各四卷烏鼠山人小集八卷擬漢樂府二卷擬西涯古樂府家譜各一卷安慶志三十卷秦安志二卷鞏郡記三十卷秦州志三十卷春秋本義十二卷並彙選唐雅雍音等篇皆已行於世其河嵩歸田諸集未梓者尚多

馬 昊

本朝分省人物考

卷一百五

三十一

陝西三

馬昊關中人昊長身驍捷善騎射舉進士為監察御史擢按察僉事尋以御史時罪謫真定推官至則教吏士習武多布置鈎指民家有流劫奸盜亡命悉擒之再用前罪謫判開州吏士伏闕上言馬昊於真定稱保障甚宜真定請勿謫詔許之亡何蜀盜藍鄙叛侵掠蜀合四省兵討之未効吏部尚書言馬昊才可蜀按察僉事佐治兵昊至閱所部笑曰將不知兵若勝何擇驍勇材力之士千人分四隊隊各立長會賊來逼城昊夜出百騎舉砲擊賊營亂自蹈籍而悉兵從後乘之斬首四千級軍中皆喜以兵起未有者昊

本朝分省人物考

卷一百五

三十一

陝西三

曰此尚未見大敵胡足喜宜及勝用之遂前遇賊賊方陣左而伏兵於右為應昊以正兵當左而身與兵百騎直搗伏伏驚潰趨左左陣亦潰兵合擊火其柵大破之斬騎將方四捕首虜降萬人遷副使治兵川東道賊延蔓勢尚張都御史高崇熙謀於副使張思齊柘諭賊賊請降而乞駐劄臨清市空其民昊曰臨清市蜀襟喉上達重叙下連湖湘其地饒富沃衍胡可委賊自困獨益飭浚兵募召豪傑賊困不敢東伏漢州平填未幾復反集眾至二十萬前後官兵俱敗績賊遂圍中江因謀嚮成都昊以五千騎馳赴中江賊走窮追之與總督彭澤合擊大破殺賊酋廖麻子遂進右僉都御史巡撫蜀廖麻子死餘黨尚數萬竄於東鄉山推喻老人為帥昊請于彭澤曰山險不便騎射深入賊為主或返失便願發步兵三萬據出入要道賊當自餓死也澤如昊言賊窘果縛喻老人請降而它賊在遂寧渠縣者相繼平進副都御史逾歲虜亦不刺自西海犯松潘蜀大震昊招土番為間取道夜掩虜虜驚潰獲馬及衣械夥事聞加祿俸一高珙筠燧人普法惡倡諸夷部立寨僭號攻劫昊率兵捕破之降者萬計獨青山寨不下昊行周視寨曰此

固高絕水道可下也乃遣兵據泉口而撤南方圍待之兩日賊渴覘南圍薄夜走兵從後追捕首虜又萬人執普法惡誅之遷右都御史予一子錦衣百戶

王璠

王璠字廷瑞寧遠縣人少穎敏不凡入邑庠戴恭簡公以按察副使督學見而器之會同舍生侵學傍隙地衆悉於官衆更詭爲文投之縣代署璠名例出爲掾是歲癸卯當鄉試戴公乃牒縣以掾入試遂得舉自逮事至是凡八閱月耳明年甲辰登進士父疾且華聞報喜曰吾願畢矣尋卒聞訃奔歸伏地大慟築

本朝分省人物考

卷一百五

十四

陝西三

許全

廬墓傷手植松楸置祀田百畝服闋奉繼母徐氏之京授戶部主事監督臨清水次倉同事中貴劾尅萬狀酷流諸郡力與之諍暮月間縛奸胥輩二十餘人皆寘於法時有真部使之稱進員外郎丁內艱服闋進郎中奉勅總理遼東糧儲兼管屯種往歲邊費每告之于是杜請託謹權量尺布斗粟必親稽焉閱寶得羨若米千萬數奸商射利不遂者朋誣于廷疏上其狀下御史臺治而法之凡百十餘人故事征商額外有楮價充公用悉罷之既還朝補貴州司奉勅償運漕河時值某藩之國河道壅滯夙夜乘小舟巡視

衣不解帶者四十餘日上便宜數事詔皆行之人以

爲便尋擢山西布政司左叅議分守冀北道冀北古

雲中地匈奴出沒不時戍卒餽餉恒虞不繼多方調

畫方倚爲重而竟以臺評罷歸南游至江淮愛揚爲

文獻地遂僑寓焉未幾以疾卒年五十三璠天性亢

爽疾厭世之齷齪忍垢者事多直遂名以是得而諫

亦隨之蓋自爲諸生伉直自許羣議攻人輕於一諾

遂蒙不韙至落士籍及居官奉使知有國法不恤毀

譽當商利交征之時獨搜刮弊端以賈羣怨卒中物

論然而鄉評宦績則卓乎爲明時之鼎呂矣

本朝分省人物考

卷一百五

十五

陝西三

許全

侯一元

侯一元字應乾秦安人正德甲戌進士授工部都水司主事歷兵部職方郎中病免久之用薦起爲吏部驗封郎中卒于官一元廉介不可干以私家居無所交生人有請託難拂其意即謂之曰若得罪幾何贖直良苦我不能見此人又不忍困若也我且代若罪率赧沮不復言亦不失其歡心

暢華

暢華字子實隴西人資性偉異六歲即知學有奇志爲諸生極爲遠菴先生所重從學者日至其門領弘

治甲子鄉舉閱年父卒哀毀過禮終制舉正德丁丑
進士拜無錫令與滯補弊庶事舉撫按交薦其能
嘉靖癸未擢刑部廣東司主事論刑明允戊子奉命
決獄畿內平反實多尋陞刑部員外郎己丑復奉命
審錄平反一如畿內有疏論條例繁難未報丁內艱
歸服除庚寅陞山西按察僉事值岢嵐寇發官莫能
制撫按以華往不旬日渠魁悉殄脅從盡釋撫按又
以河東道累值凶荒請勅專以華分巡河東道弭盜
安民時論偉焉有倡白蓮教者取其人至以禍福禮
義諭之其人感泣即散去後猗氏有爲此教者誅戮
不可勝言人乃知華曲突徙薪之恩博矣僉事三年
撫按牒交上而陞遷且邇遂奮袂起曰年將六十西
山日薄盍歸乎來于是疏乞休致請至再四始得
俞旨以歸

周 蕙

周蕙字廷芳別號小泉山丹衛人後徙居秦州因家
焉年二十聽人講大學首章奮然感動始知讀書問
字爲臨洮衛卒戍蘭州守墩聞容思段先生集諸儒
講理學時往聽之有聞即服行久之諸儒令坐聽既
而與坐講既而以爲畏友有疑與訂論焉段先生勗

以聖賢可學教示進爲之方遂殫力就學究通五經
篤信力行慨然以程朱自任當時見者亦翕然以爲
程朱復出也咸敬信樂從之又授學于清水教諭安
邑李公景得薛文清公之傳功密存省造入真純遂
爲一時遠邇學者之宗總兵恭順侯吳瑾聞其賢欲
延致其子蕙固辭或問故曰總兵以軍士役某召之
役則往役召之教子則不敢往聞者嘆服侯亦不能
強遂親送二子於其家以受教始納贖焉時蕭蔭有
二樂人鄭安鄭寧者啓王願除樂籍從周先生讀書
其感發人如此後隱居秦州之小泉因以爲號著深
衣幅巾成紀之人薰化其德嘗遊西安與介菴子李
公錦論學介菴由是大悟遂爲關西名儒渭南思菴
薛公敬之執弟子禮師事焉秦州守數造其廬舉鄉
飲賓謝不往巡按杜公禮徵求見講太極先天二圖
不覺前席嘗正冠婚喪祭之禮以示學者秦人至今
遵之迨老以父遊江南涉險訪之沒于楊子江人皆
稱其孝而又重悲其死云

本朝分省人物考卷之一百五

人物考卷之一百六目錄

陝西臨洮府

毛忠

石執中

趙安

王竑

黃諫

段堅

彭澤

劉漳

葛廷章

慶陽府

景清

党理

孔文英

張驥

本朝分省人物考 卷一百六目錄

韓鼎

李夢陽

延安府

郝志義

劉仕

張文奎

馬汝驥

附 綏德衛 慶陽衛 寧夏衛 涼州衛

紀溫

陳震

王誌

鄒昊

張嘉謨

楚書

吳克忠

張達

本朝京省人物考卷之一百六

陝西臨洮府

慶陽府

延安府

毛忠

毛忠字允誠祖諱刺國初率眾歸附隸籍蘭州洪武

丙辰歿于王事考諱寶以雄勇收捕沙州叛寇甲午

集眾隨 駕北征授昭信校尉永昌衛百戶忠少膂

力絕人善騎射年二十代父領兵進征寧夏至賀蘭

山後擒番王也先于并部眾馬駝以歸永樂宣德間

數從征北虜多戰功累陞指揮同知賞賚有加正統

丁巳陞甘州右衛操備戊午虜擁眾寇邊從平虜大

本朝分省人物考 卷一百六

陝西四 陳州

總兵蔣公征勦追至兀魯乃遇敵當先交鋒以七騎

破陣奇功陞昭毅將軍陝西行都司都指揮僉事賜

以白金文綺壬戌哨巡沙州繕修城堡邊民賴之甲

子巡迤北天倉毛日等處乙丑正月 朝廷念其勳

績賜勅獎諭加陞都指揮同知仍舊操備丙寅哈密

使臣朝貢歸過赤斤掠沙州罕東等地大集渠魁諭

以恩威虜即羅拜悔罪盡還其所掠時聞沙州都督

喃哥偕弟謀內寇忠規之廉得其實遂擒番僧加失

領真等械送京師復領兵往沙州收捕喃哥等千二

百人事聞陞都指揮使且有白金文綺之賜戊辰三

月奉勅征進罕東等處夜集虜營生縛偽祁王鎖南
奔并部下二百餘人招降沙州等處土達七千餘人
陞右軍都督府僉事乙巳哨接叅將劉震軍馬至半
截墩遇敵奪獲被虜人畜甚衆勅充右叅將鎮守甘
肅景泰庚午領兵繕修高臺城堡堅完有蒲人甚賴
之一日令男佺赴京奏事蒙特授佺百戶令齋勅回
諭父子務在同心協力盡忠報國特 英廟出狩虜
廷忠前所獲奸僧加失領真因得不死遂投虜也先
以師事之適 朝廷遣禮部侍郎李實爲通好計至
則奸僧加失領真欲圖復仇中忠竒禍因設間以告

本朝分省人物考

卷一百六

二

陝西四

李實實遂以其言歸報忠將獲罪而甘之內外守臣
及其邊人俱爲訟寃 朝廷亦知其僞置之不問適
福建賊起命忠馳往協守居閩七年 英廟復辟卽
日召忠于閩陞都督同知賜白金三十兩紵絲二表
裏慰勞有加時忠以勤勞膺疾 上遣太監賜羊酒
藥物及日遣御醫診視疾愈入謝 上思甘涼爲西
北重鎮乃命協同總兵西寧侯宋誠鎮守迨行前一
日召至文華殿 玉音下詢防邊之策應對咸稱旨
上嘉嘆良久從容諭之曰卿爲國老成舊在西陲民
情土俗諳練有素此行當宣布 朝廷威德加意撫

輯人民俾知感恩報國遇有調發必得其用毋致乖
違有負委任之重諭畢 上親授以玉帶明日 陞
辭復賜白金織蟒尋召至文華殿面諭丁寧再賜寶
錠蓋 上在虜廷時極悉奸僧之間而益信其忠誠
故恩遇之隆如此九月領兵昌寧等處截殺隄備策
應涼州哨至板井寇聞忠威名皆遁去明年戊寅
上遣使就鎮賜明甲鳳翅盔繡刀以壯軍容仍降勅
獎諭忠受恩感激每征伐罄竭心膂務圖成功五月
永昌西石門六月山丹寺甜水湖七月花寨寺溝凡
三戰皆大捷擒斬賊衆并奪獲人畜軍器不可勝紀

本朝分省人物考

卷一百六

三

陝西四

已卯正月陞右軍左都督仍舊鎮守忠威望素著中
外畏服所過略無梗阻辛巳正月虜酋孛來擁衆寇
莊浪與總兵宣城侯衛穎分兵追擊之擒斬賊衆奪
獲戰馬軍器人畜賊勢少却隨領騎士三千於涼州
十二里舖墩安塘衆方集適賊騎數萬突至嚴督將
士併力拒敵自黎明至次日晡時士皆殊死戰凡百
餘合賊應弦墜馬者不計其算賊遂解去全師而還
八月虜寇永昌屢截殺或夜劫營壘以撓之斬獲首
級戰馬軍器并奪回男婦三百餘牛羊驢騾以萬計
捷奏進爵爲伏羌伯食祿一千石協守如故成化戊

子陝西固原州土達滿四叛聚眾萬餘據石城砲架山震驚關陝其山七峰陡峻前此官軍追勦每失至是奉勅以行遂率甘涼兵馬與總督項公會行遇賊迎戰以騎二百餘人衝陣至砲架山截山奪險敵後哨至賊已大敗與孫鑑督我軍乘勝直搗七峰山上老稚皆號泣奔走功垂成忽昏霧起賊遂乘風盡抽餘黨以死決戰顧謂孫鑑曰勢急矣我受高爵厚祿職在滅賊勢不與賊俱生鑑亦顧眾曰我君我祖在上寧與賊同死遂首騎破陣以進孤軍相持自已至酉陣凡十餘合射矢皆盡拾賊矢射亦盡忠遂中流

本朝分省人物考 卷一百六

四

陝西四

矢鎧前翼救仍奮馬殺十餘賊賊執鎧斷其指裂其額曰爾復能射否忠亦赴救死之是月十一日也夜半風起折旗拔帳管中士卒皆聞甲馬聲幕下卒王寬夢忠曰我必將滿四馬上活活擒來既覺驚愕御史鄧公本端隔帳聞之即起焚香祝曰公果有靈能助我擒賊當為具奏立廟祀之未幾滿賊就擒伏誅計聞 上震悼且曰毛忠奮勇殺賊忠義可嘉其與葬祭給麻布一百疋齋糧一百石造坐域明器錫以鐵券贈伏羌侯謚武勇食祿一千石子孫世襲伯爵石執中

石執中蘭州人長身美髯永樂中為刑部主事讞獄平允累官山東右布政使直而不華勤而能慎後官至浙江左布政使以老致仕卒

趙安

趙安狄道人謀勇過人永樂中屢立戰功歷陞指揮宣德正統中守鎮涼州數平羌寇陞右軍都督同知充副總兵又征北虜進封會川伯

王竑

王竑字公度陝西河州衛人正統四年進士授戶科給事中十四年 英宗北狩 景皇帝以郕王監國

本朝分省人物考 卷一百六

五

陝西四

廷臣伏闕劾王振錦衣衛指揮馬順叱眾令起竑奮臂捽順髮嚙其肉百官爭捶順死由是正氣直聲震于天下已而北虜犯順陞都察院右僉都御史督軍守居庸等關事平巡撫淮揚兼總督漕運官軍畏服久之陞左副都御史天順元年 英宗復辟石亨張軛論其擊順罷為民四年起復仍原職征平涼等處虜寇七年復督漕運八年 憲宗登極用科道論薦陞兵部尚書時兩廣出師上勦賊安民事宜多見采納薦韓雍為都御史總督軍務雍方補外眾議不協竑力爭曰此事非雍不可後果克成功薦修撰岳正

給事中張寧黃清不聽遂移疾 憲宗不許命醫往
視章三上乃許病痊復起不數月而去尋致仕後科
道累章論薦竟不起卒年七十五賜葬祭如例竝剛
毅明斷臨事勇于必爲未嘗擇利害爲趨舍故累見
沮抑而人惟恐其不用然用之不合卽去其守正不
阿夷險一節一時論大臣如竝者蓋無幾矣

黃諫

黃諫字廷臣其先揚州府高郵州人洪武初以富民
坐法徙置陝西蘭州幼有異質讀書績文不煩師友
程督日有進詣時蘭州尚爲縣選充縣學生 朝廷

本朝分省人物考

卷一百六

六

陝西四

編輯四書五經性理大全書頒之學宮士未能盡見
諫手錄誦讀沈潛有得老宿莫能窺其際正統壬戌
賜進士第三名授翰林院編修讀中秘書益邃景泰
五年上饒歌鼓吹曲詔付史館七年同少卿劉儼主
考順天鄉試時大學士陳循子瑛王文子倫俱不第
遂構陷考官賴大學士高穀覆試獲免秩滿轉左春
坊左中允兼編修天順初改尚寶司丞仍兼翰林院
編修久之擢尚寶司卿充經筵講官音吐明暢多所
規益同考會試所取號得人 英廟復辟嘗與議諫
不自言人亦無知之者使交南始定賓主之禮王初

怒其抗欲有以汙之諫風節凜凜卒不敢犯比歸遺
之厚贖却不受交人益服之未幾 英廟敦尚文治

特擢翰林者宿八人進本院侍講學士五年忠國公
石亨事敗言者以同鄉概論之謫判廣州府人謂非
所宜處諫曰官無內外大小皆天職也吾盡職耳公
餘以其學淑廣之士發部擊蒙造就者衆廣人爲建
學士亭尋被誣逮繫至京道卒喪舟過淮故兵部尚
書河湟王公度方總漕於茲甚切慟悼見其子幼家
貧遙遙旋視無所於資歎曰季札葬其子羸博之間
孔子以爲合禮况諫高郵人也何必西歸乃卜淮城

本朝分省人物考

卷一百六

七

陝西四

之東吉壤葬焉以其子琳爲郡庠生撫教備至諫性
質粹美儀規清潤博涉諸經子史百家之書爲文根
極理致尤工於詩兼善書工古隸篆傍及宋元畫吮
毫運思一一臻妙能對鏡寫真通達國體留心世務
志崇風教過河南澠池拜月川曹先生祠詢知分教
霍州謝世遂流葬於彼曰狐死首止霍之弟子固不
忘其師月川之靈獨不思故鄉乎乃捐已資屬邑令
遷葬故里月川名端始倡性理之學于中州所著太
極圖解諸書河東薛文清公實紹其傳故諫尊信之
成化間 憲廟以兩朝講官恩官其子琳爲中書舍

人歷陞吏部驗封司員外郎供事內閣卒所著有使南稿南坡集書經集義從古正文月令通纂傳于世

段堅

段堅字可久蘭州人生而剛方早年讀書即知由正學希聖賢人以伊川擬之中景泰甲戌進士天順己卯知山東福山縣修政治隆道化刊布小學令邑人講誦敷申五教諭以詩書福山地僻俗陋於是翕然丕變海邦島嶼颯乎絃誦之風焉既四載陞萊州知府壤接福而俗等政教一如治福者召讌郡縣及學政屬賦詩啓諭勉振事用未暮萊人大化以憂去

本朝分省人物考

卷一百六

八

陝西四

王自

服闋除南陽屬吏被化感奮思體國勤民視萊更加病近世以讀書媒利祿階富貴士鮮志聖賢之學乃倡明周程張朱與古人為學之意召郡學及屬治諸生親授講說士志行勃然以變自茲鳴世者輩出又以民俗之偷由未預教乃取屬治童蒙及其良心未鑿勸志學書院教之刊小學孝經論語崇正辯文公家禮教民俗言諸書授之講習又於書肆收儲五經性理大全劄刊二程全書俟有志者給授百姓習聞薰液純實同性禮讓同俗逾世而風猶存又勸節義祠取烈女傳論祀有差自是母修婦道閭閻可觀其

為政持大體不立赫赫之威不急功利凡所恩措模遠大而毀譽榮辱無一動心其勁節直氣勢力莫抵而抑強豪去貪剝察民隱逐巫尼疏冤獄謹庫藏輕徭薄賦與民休息郡人戴之如父母其敬畏之至若家有一段太守者然惠澤究下以直道不能取悅于上竟不得大用致政歸郡城與過屬地攀泣不忍舍卒于家郡人聞訃無弗泣下者遂作木主于志學書院之企德堂祀以少牢後四十年郡人思其德澤又別立廟以祀有容思集栢軒語錄行于世蓋其學本河東薛文清公承伊洛之傳故見於治行者如此

本朝分省人物考

卷一百六

九

陝西四

于海

祭酒王鴻儒議曰使南陽之人知有正學而不知有俗學知有王道而不知有伯道知有關雎麟趾之化而不知有桑間濮上之風皆自堅始也子曰晷以進士為翰林檢討

彭澤

彭澤字濟物號幸菴蘭州衛人成化癸卯舉人弘治庚戌進士歷官刑部主事員外郎真定府知府累遷左都御史兵部尚書自少有聞長益好學平生書不釋手守真定時郡有巨璫竊政或諷以當附之澤具一棺于堂後曰吾身豈附人者哉儻不測則附諸棺

矣巨璫卒不敢怒所至征討克捷霸州劉六劉七起羣盜前後官捕之不勝澤有文武材略聚眾至數萬人詔左都御史馬中錫討之中錫儒緩好名下教招撫劉六等陽若爲就招者兵遂撤而陰與其黨楊虎齊彥名益縱馳突中錫 詔逮下獄瘦死而陸完進右都御史假節用軍興法得誅二千石以下完乘傳驅至臨清遣副總兵馮禎等襲楊虎于宋門店龍化集大破之尋又鏖戰于裴子巖斬首二千俘獲亦衆而賊分兩路由蒙城太行流劫入河南境者尤狠暴于是澤同咸寧侯仇鉞帥秦兵擣之澤爲人長大腰帶十二圍其顧盼燁如也平居鮮笑容雖與爲偶語叱叱聲若雷至則大陳軍容擐甲引見諸大校責以退縮顧軍正急行法建纛諸大將無不惕息皇恐頓首請自效良久乃釋遂鼓行前薄賊凡數十戰皆大破殺擄以萬計趙鏖劉三死於陣於是給事御史上言河南賊平下 詔切責完懼日夜督諸將徼賊而賊隨劔隨脇聚燒運艘掠臨清邳徐而下犯淮安又奔登州海套完以宣大鐵騎及中土材官良家子悉集合圍賊大敗之盡殘于通之狼山還朝完澤俱加太子少保右都御史子世襲錦衣千戶時蜀盜藍廷

本朝分省人物考

卷一百六

陝西四

瑞鄴本恕復起勢愈熾 詔澤充總督討之澤悉兵破賊衆遁竄山寨多伏弩青棘中澤分兵出入奪水道度窘開一面縱兵誅之且盡澤還加太子太保虜萬騎入宣府大殺掠吏民將轉寇近地 詔澤出提督三關二路久之虜退仍理都察院澤好因酒使氣時時出兵書王瓊上嬖人錢寧挾威公卿咸俛首折節澤切齒不能平瓊因寧遣所親近語事邀澤飲澤醉媢罵朱寧瓊謂澤曰勿妄言澤益奮不復可止寧大怒會哈密城及金印爲土魯番所取 詔諭還不

本朝分省人物考

卷一百六

陝西四

自遣使詣土魯番予贈幣二千銀楹一盂求和還哈密及城土魯番陽許澤輒奏事平乞骸骨澤歸而土魯番變矣薄肅州芮寧全軍沒瓊條澤死罪錢寧欲從中下賴閣臣力揀乃免嘉靖初徵拜兵部尚書以老加少保致仕卒

劉漳

劉漳陝西蘭州人以邊功得給祭葬少穎敏居官廉直所在有聲戍戍遼東兵變遏亂賑饑全活甚衆後復平邊孽盡伏遼人思其功祠之

葛廷章

葛廷章字朝憲蘭州人少負奇穎潛心墳索嘉靖丁酉中陝西鄉試戊戌連舉進士授行人奉詔列藩守法惟謹忠勤清亮名蓋哀然起也辛丑選戶科給事中敷奏詳核規諷明讜其彈撻務持大體不喜攻訐巡察內庖裁革冗靡尤多甲辰出守鳳陽郡歲大祲羣盜蜂起衆方議撲滅之術曰此良民也特奪於饑寒耳遂懸榜境內曲示禍福郡盜各警懼引去境內始安於是計口多寡發粟賑貸饑民多所全活其子女散鬻者往往捐俸收贖樂聚如初蒞任三載訓農勤學興滯剖壅百廢具舉治行稱最帑庫羨積一無本朝分省人物考卷一百六十一 陝西四

慶陽府

景清

景清慶陽真寧人洪武二十七年進士第二人初領鄉薦游國學同舍生有秘書清請之不肯與清固請請以明旦即還而書生旦往索書清曰吾不知何書吾不嘗假書于汝生忿怒訟之祭酒清持書往見祭酒曰此清所誦書即誦書徹卷問生生不能誦一詞祭酒叱生生退清即以書還生日吾以子珍秘太甚故相戲耳清初赴舉時過宿淳化主家主家有女為妖所憑是夜清在而妖不來女詰之曰吾避景秀才清也女以告父父追及清語之清書景清在此四字令歸粘其門妖遂絕清試禮部第三錄詩書二經入翰林三載改監察御史三十年春召見嘉其才命署都察院左僉都御史與實俸出川陝巡察私茶建文即位擢左都御史改御史大夫 文皇繼統方孝孺練子寧等都死而清獨委蛇侍朝人以其素頗疑之一日早朝清緋衣入先是星者奏文曲犯帝座甚急文皇已疑清及朝清獨著緋遂收清得所帶劍不屈而死是夕精靈迭見族其家已而時入殿庭為厲又命終 六鄉轉相攀染謂之瓜蔓抄村里為墟

本朝分省人物考卷一百六十一

十一

陝西四

党理

党理真寧人洪武丁丑進士任宜陽縣丞以經術飭吏事政通人和境內以治永樂初累陞太僕少卿

孔文英

孔文英字世傑系出宣聖之裔陝西安化人中永樂十五年鄉試登辛丑科進士宣德元年初治江西廬陵縣未幾以事至京師擢任監察御史三年累奉璽書巡視北直隸民瘼事訖條奏所以消弭之方大荷寵賚值浙江黃岩有健訟者構捏齊民三千人相聚譁張為非奉 勅諭俾往體量鞠問至則取其文狀

本朝分省人物考

卷一百六

十四

陝西四

究察端緒所自起遂得其所所以構造者皆羅織之詞一訊眾情皆服立遣誅連之眾獨械首訟一夫來京處治人皆交口以明果稱之十年丁內艱正統紀元奉詔清理江西軍伍九年滿考陞支五品俸仍理前事正統五年陞湖廣按察使丁外艱部屬軍民狀其生平之績相率訴御史乞留御史會奏得旨報可奪情起復蒞事後以事至京師景泰紀元陞大理寺卿奉 勅鎮守紫荆關及提督緣邊軍務至則練兵有法設險有要弛張得宜關備大飭內外晏然無警軍民皆得以樂生興事六年春陞刑部左侍郎次年二月卒于官詔如例遣官諭祭修墳安葬

張驥

張驥安化人宣德中領鄉薦拜監察御史激揚有聲遷大理寺少卿山東飢民相扇思變驥受命安輯卒于官

韓鼎

韓鼎字廷器合水人辛丑登進士第乙巳選為禮科給事中丁未 孝宗嗣位首陳公銓選經財用嚴兵衛崇天道四事尋差陝西寧夏二鎮給散官軍賞賚能盡革侵漁之弊由是人沾實惠戊申遷右給事中

本朝分省人物考

卷一百六

十五

陝西四

時西夷貢獅所過騷然上疏言 陛下初政放珍禽異獸天下聞而頌之今未踰年而納此貢恐無以示信于民宜罷遣之又以 皇嗣未廣為憂上言禮天子一娶十二女以廣儲嗣大本也今舍是弗圖乃信邪說建設齋醮將以徼福不已惑乎 上感其言優詔答之進左給事中太常卿丁永中少卿蒙以祺俱以黃冠起家會神樂觀董素雲竊祭服售人事覺因火其藏以滅跡永中等庇素雲以災聞鼎請明正其罪且乞用文學之臣以充太常庶知法守素雲乃下 詔獄眾論快之親藩將行婚禮 詔給准鹽一

萬引為助上言凡賜鹽須遣中使支鬻因多市私鹽舟艦塞江官莫敢問鹽法且大壞請令有司給價與之便 詔如其言是時四方奏報災異甚多 上懼撤樂減膳詔百官修省言缺失乃陳謹大要堅大信崇節儉簡大臣重藩臬五事明年辛亥又上明正學遵舊制抑異端三事復因星變極陳時弊指斥貴近無所回互且乞遍覽羣臣章奏言有理者悉施行之上皆嘉納擢通政司右叅議乙卯應 詔陳言有克實心以消天變清軍匠以省軍儲正服舍以革僭越抑豪右以便商民數事言亦剴直調南京尚寶司卿

本朝分省人物考 卷一百六 陝西四 丁卯

改南京通政使司左叅議庚申擢右通政駐平安鎮督理河道申明禁例不為貴勢所奪又置朱家淺等閘使水有節縮濬汶上萊蕪諸家泉及淤河運舟賴之堤南旺湖以障汎濫民得耕種其湖內田流徙復業乙丑擢通政使督理柴薪於易州厥盡剔宿弊完通薪一千七百萬有奇以母憂去職服除遷戶部右侍郎遂引疾致仕既歸脫略邊幅日與親識觴咏為樂鄉人益敬重之後生被其接引者皆自以為得所歸依不忍去正德乙亥卒年七十九 贈為給事中遭際 聖明言輒為上所用天下多稱其賢嘗謂言官

進言宜切時弊證以先王之法酌之中道庶有裨於治其考績當以所言事關國家大計者多寡為殿最不當叙文書出納為勞又謂攻君之過不若養君之德諫官言事當在經筵進講後識者以為名言蒞官所至皆著能聲而平安惠政尤多民思之為立生祠云所著有斗菴集一卷尚寶司實錄一卷慶陽府志十卷藏于家

李夢陽

李夢陽字獻吉陝西慶陽人也母夢日墮懷中寤而生故名年十八舉鄉試第一明年弘治癸丑舉進士

本朝分省人物考 卷一百六 陝西四 陳元

丁內外艱戊午授戶部主事倡為古文辭以變衰陋斷自秦漢而止六代以下勿論也乙丑進員外郎外戚壽寧侯張氏怙寵驕縱開張皇店奪民庄田聲焰薰灼莫敢問獨上疏論語侵中官 昭聖大怒 孝廟不得已下錦衣衛獄拷掠詰責辭氣無所撓 孝廟坐文華殿召見大學士劉公健李公東陽謝公遷問李夢陽宜何如劉公叩首對曰夢陽狂直不足深罪 孝廟變色李不敢對叩頭叩頭而已謝公從容對曰李夢陽雖狂然其心無他實欲効忠于 陛下 孝廟曰謝先生言是有 旨夢陽復職一日 孝廟

獨召見兵部尚書劉公大夏問曰日來外間事何如
對曰近釋李夢陽中外歡呼 聖德如天地之大
孝廟曰初下夢陽獄中人皆勸朕杖之其意實欲殺
夢陽以快中官之怒使朕負殺直臣名其不忠如此
朕故釋之劉公曰 陛下此事卽堯舜之心也正德
改元丙寅進郎中太監馬永成劉瑾等蠱亂朝政給
事中劉蕘陶諧相繼論奏而大臣未有言者戶部尚
書韓公文日流涕憂憤夢陽進曰大臣同國休戚此
而不言焉用彼相韓公慷慨曰吾當言言而獲罪報
先皇帝于地下耳乃令草奏之疏入 詔廷議其事
本朝分省人物考 卷一百六 十八 陝西四
而八人者環哭 上前乞命事中變瑾遂召入司禮
監而中官王岳范榮皆竄死明年丁卯大臣多罷免
瑾知韓疏實夢陽手草也蓄憾不已矯旨奪劉公健
等四十八人官放歸田里榜爲黨人夢陽與焉然瑾
必欲殺之又明年戊辰矯旨羅織其罪械繫逮京師
再下錦衣獄內弟左國王者間行徒步上書康狀元
海勉以大義賴力救得免放歸大梁庚午瑾敗辛未
起江西提學副使振起古學力變宿習褒獎義節訓
正禮俗士翕然向風時宸濠懷逆招致文學凡吏江
西有材名者卽啗以厚利否則威劫之以夢陽有大

名折節下之初不爲動久之墮其術中而不知也既
材高負氣不肯同流俗人人多忌之而江御史某素
有嫌遂相奏訐 天子命大理卿燕忠體勘下廣信
獄摧苦殊甚不稍爲屈竟文致閒住而布政使鄭岳
適爲濠所陷夢陽素與岳不相能岳旣得罪謂其傾
之也濠敗辭連及賴刑部尚書林公俊力救得亡窮
治乃後大臣暨撫按數論薦不用嘉靖辛卯就醫京
口還大梁病卒所著有空同集若干卷夢陽以命世
之雄材洞視元古謂文莫如先秦兩漢古詩莫如漢
魏近體詩莫如初盛唐乃與姑蘇徐禎卿信陽何景
本朝分省人物考 卷一百六 十九 陝西四
明作爲古文辭以蕩滌南宋胡元之陋而後學者有
所準裁彬彬郁郁茂以尚矣竟以負氣傲睨屢得奇
禍坎壈終其身世咸疾之如讎嗟乎斯人也豈世俗
所能容哉

延安府

郝志義

郝志義字宜之陝西清澗縣人成化己丑進士授大理評事進寺副陞山西按察司僉事整飭鴈門關等處兵備陞副使坐事左遷福建都轉運鹽使司同知明年復陞福建按察司副使以憂歸服闋改山東陞四川按察使歷山西四川左布政使陞右副都御史巡撫湖廣進刑部右侍郎未上而卒賜祭葬志義性嚴毅狷介持已處人皆循蹈渠矍居官以廉慎著聞人無能訾議之者

本朝分省人物考 卷一百六

于

陝西四

劉仕

劉仕字以學中部人正德辛巳進士歷刑部郎中獄獄山西御史馬錄質以張寅罪狀仕言寅為李福達不疑及移寅詔獄仕以郭勛庇姦劾之獄成 上逮治仕謫戍邊赦還卒隆慶初贈太僕少卿

張文奎

張文奎字應光別 湘山陝西洛川縣人生有至性聰敏過人而篤信 行不事華飾始受學于鄉之孫先生年十二能文 遷菴楊公督學試補縣學生員歷試學臺皆列首選正德丙子舉于鄉明年丁丑登

本朝分省人物考 卷一百六

于

陝西四

進士試政吏部己卯授刑部主事無何丁外艱嘉靖甲申服闋復除原官丙戌進員外郎躬勤聽斷據法原情不撓權勢不侮寡弱稱明允焉陞四川按察僉事先時芒部弗賓叛服無常至則親涉夷境諭以恩威夷民歸化時蜀地屢飢賑施惟殷乃遍履荒遐不以艱苦避遜適有貴官謫居行頗不法繩以憲略不假借為流言以中之己丑移山西按察司督理屯田時叅將某違例占種人不敢詰按劾不貸屯政就理尋以賢能膺薦再奉璽書飭兵石隰武備聿修癸巳考績晉四川布政司右叅議是時向所繩者適撫其地援例疏請迴避因有論辯詔命所司停勘即浩然休致構亭教授曰吾當為蒲擲山人矣丙申事白奏上左遷一級丁酉添註直隸廬州府同知往添註官多不事事奎力政不息墾荒復連郡乃大治戊戌晉湖廣按察司僉事督理江防己亥 上南巡與都職除道建航供備行宮所事克舉 上嘉其績賜衣襲白金三錠是歲 章聖皇太后祔葬顯陵護送梓官自劉家隔抵石城驛川途無警奠獻如制乃又以法檢東從官往來道途事繁而民不擾使者以緡復衣一襲白金二錠庚子晉江西按察司副使職

軍伍兼理驛傳按籍稽勾酌宜裁革二政允修若其發指揮羅某之姦息妖人易盛之亂尤爲顯績壬寅晉四川布政司叅政癸卯入蜀視事乃華州縣庫役之供應罷西路夫役之輸銀催科撫字寓仁于政民愛畏焉晉江西按察使江西爲南方之大省宿號難理先政在民民見其至欣迎載道持守不阿貞肅有道憲度改觀未幾晉山西左布政歷官既久廉節愈厲惟攜二童侍行俸金亦以貯庫大革加耗裁損公費覆露廣遍晉省以寧然以不通請謁不事逢迎久居不遷丁未以內艱西歸居憂讀禮無愆孝思卒之

本朝分省人物考

卷一百六

三十一

陝西四

先數日夢乘白馬而行又夢雪中輓紉覺語其子曰日且大雪吾其死夫已而果雪沐浴正冠奄然逝矣晚年好神仙服食修煉自謂有得恒以仙官自况退而燕居凝神內照泊如也

馬汝驥

馬汝驥字仲房綬德州人也正德丁丑舉進士已選庶吉士尋授編修號爲才子能詩然爲人沉毅有大節已卯中武皇南狩諫者輒獲罪後縮喙莫敢諫者汝驥曰卽畏罪寧不爲宗廟朝廷所乎乃率諸同館士六七輩赴闕上疏言巡游有隱憂伏禍不可

天子怒罰跪闕下五日已又杖之調澤州知州澤故多王府王率聽用邪小暴侵民利澤人苦之而未能有禁也乃因事稍懲其左右不法數人爲條告誠止又王以書來請私好答使者去已卽投書櫝中封之所請或干法得釋又使將謝乃令使者至櫝前啓取書還之實未發爲報曰法誠如是吾安敢低昂徇情乎陵川令葛者賄人也害人人怨之廉得狀議且黜令有巡按御史者以親故爲葛解甚力不聽竟置于法威聲震于部中辛巳世廟卽位錄前諫者忠

本朝分省人物考

卷一百六

三十一

陝西四

而前王以禁不得暴及投書不發者亦郊祖頌德焉曰馬先生民之父母國之正人也其年天子用吏部請旌忠加俸一級名由此益顯癸未會試同考官乙酉武宗實錄成有纂修勞陞修撰明年母王卒歸三年煙山公亦卒兩載連哭其父母至嘔血毀形制起陞南京國子監司業尋改北監司業會天子幸太學充講官坐講言辯而正賜文綺而司業壓于祭酒不得有所規畫然諸生固知憚馬先生持重有議度居數歲陞南京通政司右通政又三歲爲南京國子監祭酒於是慨然曰自予爲司業固嘗念諸生

善逸繩之今與諸生約度所能行耳期勿犯必罰如懸格不解其所約有懲跣跣勤考課稽德行肅威儀數事有制太學生出散諸曹歷事出序視入不得越而捷者或因貴人關說求疾出卒不聽即序及故抑奪之曰以懲求者蓋自是太學之教彬彬循循多可觀云庚子陞禮部右侍郎當是時少傅嚴為宗伯官詹松江孫為左侍而上興禮樂創制度諸大典更起不絕諸公日聚講議而汝驥洽覽羣集習識古昔遇可言則問答如響平居視之顧恂恂若不能者嚴賢之又嘗善其詩愛重踰等居久之嚴拜相見上

本朝分省人物考

卷一百六

十四

陝西四

言馬侍郎賢遂陞左加翰林侍講學士寵之而故病肺自始仕至今未嘗一日廢書不觀遂病卒 上悼之遣官致祭護櫬歸 勅有司營墓加贈尚書諡曰文簡所著有馬文簡集又有西玄先生詩集

附 綏德衛 慶陽衛
寧夏衛 涼州衛

紀 溫

紀溫字宗直延安府綏德衛人而魁岸有風骨識者奇之曰當以文顯比成童補弟子員成化乙酉舉陝西鄉貢卒國子業榆林衛在綏德西地逼邊境人鮮知學余肅敏公為巡撫都御史奏設衛學官不時置禮聘為師溫規格嚴整經指授者多底成立屢誥禮部親寢老乃以壬寅就銓試授吏部司務時尹恭簡公為尚書特見器許弘治戊申以外艱去辛亥改都察院經紳士無問識不識皆知有紀司務者癸丑

本朝分省人物考

卷一百六

十五

陝西四

擢戶部雲南司員外郎甲寅以內艱去丁巳改兵部郎中壬戌上疏請老特陞太僕寺少卿致仕居京師未即行數月而卒溫敦重寡言咲而綜理周密咸中條節族黨貧乏嫁娶喪葬有所需者應之恐後嘗謂榆林風土差厚徙居之見其四郭平行可種藝而去水遠相地勢傭工力雜丁鑿山通道引紅石硤水歲溉田若干頃人至今德之居官謹畏不避勞動 車駕行邊竭力支應其憂悴成疾亦以此云

陳 震

陳震字文靜上世武進人也曾祖肆從 太祖皇帝

定天下有功累陞都督僉事而磨其子友爲蔚州衛指揮同知正統間改慶陽衛遂爲慶陽衛人生而神宇凝重氣度洞達人咸異之洎長受易於鄭州王先友視若所出故得肆力于易成化甲午中鄉試高等數試禮部不第益自砥礪卒登丁未進士弘治戊申拜監察御史風裁凜然凡所按行姦貪望風而解寬者平逮者釋時以爲真御史也丁巳陞山西按察司副使恥尚嚴峻務以德化而已壬戌陞本司按察使憲度益修人用丕變正德初以御史盧儀事誣誤左

本朝分省人物考

卷一百六

五

陝西四

諸君永別已而震至稟賦之正爲邪所畏憚如此

王誌
王誌合水縣人永樂乙未進士知河南府死于王事勅撰旌忠碑廟祀之孫琦弘治中知項城亦死于賊

鄒昊
鄒昊字宗大寧夏人弘治乙未進士拜行人擢監察御史忤逆瑾謫真定府推官瑾敗陞四川僉事督兵勦藍廖等賊於大壩山以功累遷四川巡撫達賊犯松潘昊擊走之加俸一級又以討平樊蠻普法惡及松潘番端竹白等功陞右都御史後坐天全土官高繼恩事逮京下獄嘉靖初釋復原職當時如楊一清胡世寧李承勛皆薦其可當大任而不爲新貴用事者所喜未盡展其蘊云

張嘉謨
張嘉謨字舜卿寧夏衛人少卽耽嗜筆研書史英奇穎異不類常兒弱冠爲衛學生耕讀自力志向遠到弘治辛酉舉于鄉明年遂卽上書請終養得請歸色養備至人稱以孝時乃開館授徒一時英髦多出講下正德丁卯父卒已巳服闋授兵部武選司主事家食時稔知武選宿弊事事躬自檢覈吏姦不售選人

本朝分省人物考

卷一百六

五

陝西四

大快辛未盜起山東侍郎陸公完督軍平勦與主事王崇獻皆以才略贊戎務初官軍之東也日尾賊後行止視賊故賊益猖獗功無所成乃獻議陸公謂當出奇以遏其鋒審勢以奪其氣若徒尾其後是驅賊以自戕也何損於賊何益於民陸公是之會賊犯濰縣陸公以偏師屬之提師行一日即按兵不進賊易之不為意乘其怠也即夕疾行掩擊大破賊斬首二千級賊遂奔河南回部陞車駕司員外郎癸酉蜀盜滋橫詔起兵部尚書彭公澤往征之彭公疏請與行乃告彭公曰蜀地險阻用兵為難今王師西征賊心震恐勢必不支若順流而下則荆湖之憂方劇矣公若分兵屬僕由漢中取道以扼夔峽公以大兵取重慶以感賊則成禽矣彭公深然其策後卒奏功凱旋陞山東按察司僉事兵備濟寧已而沂州礦盜竊發宗藩弗戢撫臣疏奏移兵備沂州持法厲禁忤觸藩邸赴愬于朝以是冬逮下詔獄在獄數月乃得白然竟由此罷去既歸退居城南別業事親教子授徒力田如素士蓋二十年不移初志嘉靖癸巳偶為詩書壁間云年來慵懶謝交游日接盧醫扁鵲流可歎明朝更分手短橋新柳雨聲秋人見之頗訝其

本朝分省人物考 卷一百六 主人 陝西四 未秀

無謂不數日臥病甫七日即不起得壽六十有二平生好書學篆隸行草各得其妙詩文敏捷自成一家所著雲巖集西行稿藏于家

楚書

楚書字國寶寧夏人嘉靖癸未進士任兵部主事大同之變書觀兵城下城中俱登陴請曰吾輩非殺主帥者亦無他志但畏死自保耳請書入書遂入諭慰之且言用兵非朝廷意眾皆望闕呼萬歲書仍遣馬昇等陳朝廷威德曉以禍福令獻首惡至夜賊平累陞右副都御史

本朝分省人物考 卷一百六 主人 陝西四 未秀

吳克忠

吳克忠涼州衛人永樂十六年嗣爵二十二年扈駕出塞有功洪熙元年以威里惠兼有功進侯正統九年統兵出喜峰塞征兀良哈有功加太子太保十四年沒於土木贈涼國公謚壯勇弟克勤都督亦戰沒贈遵化伯謚信敏手瑾嗣曹欽反劫瑾不從死贈涼國公謚忠壯

張達

張達涼州人起什伍歷官總兵鎮守大同嘉靖二十九年夏虜酋俺荅率眾數萬入大同塞計伏精銳

谷中而以羸騎百餘誘我軍偵卒信之走白達達
 以果敢名徵兵未集遽率麾下卒馳擊之伏發圍達
 數匝馬蹶集刃死事聞贈左都督謚忠剛

本朝分省

卷一百六

辛

陝西四

人物考卷之一百七目錄

四川成都府一

焦敏

趙天澤

向敏

李蕃

杜銘

何漢宗

尹淳

桂山

溫琮

梁萬鍾

鄧本端

蕭儼

張玉林

龔鼎

王弼

劉時敦

本朝分省人物考

卷一百七目錄

十一

趙珊

吳瓊學

王志恭

何琛

任漢

王資良

宋有文

汪藻

鄧翰

蕭猗

張賁

楊廷和

王一言

馬炳然

楊春

李志剛

劉寅

計朝聘

李佶

金獻民



劉瑞	李充嗣
楊慎	王汝舟
熊允懋	張潮
趙貞吉	周滿
齊準	何全
周冕	陰武卿
賀朝用	陰秉衡
吳泰	楊惟懷
張時中	羅天祐
邵道人	
補遺	
楊訓文	胡亨
梁萬鍾	劉士元
王之臣	李鳳毛

本朝分省人物考 卷一百七目錄

一一

本朝京省人物考卷之一百七

南直督學御史西浙過廷訓纂集

門人蘇松備兵副使南郡熊 膏參閱

男 過銘盛

過銘孟

過銘篋

寧國府學生員嚴弘志

句容縣學生員劉孔揚全訂正

四川成都府

焦敏

本朝分省人物考 卷一百七

四川

焦敏灌縣人洪武間以貢任永豐訓導蹇貞公恕薦

推主事歷刑部員外卒于官敏諳刑名而行之以恕

所至著水蘗聲曾孫韶登成化進士授刑部主事提

牢得代盜謀劫獄獲而訊之曰恐累焦君故遲遲也

陞武選郎中出知曲靖境產瑞禾府民歌曰一本二

穗嘉穀滿田太守焦公仁德及天為立生祠終副使

趙天澤

趙天澤蜀新都人與同邑杜圭明文行齊名棄官薄

遊江南無貴賤皆倒屣迎之最善括蒼劉公伯溫一

日行省大臣論江左人物天澤首以伯溫對眾愕然

且竊笑之天澤退而贈劉公文曰蕭何拔韓信之德師孔明非信任之篤則泚水之奇八陣之妙何由照耀後世乎方劉公未遇授之以卜法者曾義山而深奇預識者天澤也趙有吳江月下泛舟詩云餘霞斂遙岑微靄生近浦江行得良夜月出鳴柔櫓茫茫天欲流歷歷星可數水螢明乍滅沙禽或翔舞此意誰與同三高渺千古

向敏

向敏資縣人永樂進士歷官大理寺丞讞獄平反守武昌有政績卒于官僚佐發其囊惟圖書衣衾而已

本朝分省人物考

卷一百七

二

四川一

李蕃

李蕃字秀實唐涼國公愬之後內江人自幼警敏異常兒既長力究羣經中鄉試副甲榜遂領教職以上疏論事陞行在兵科給事中其為教官以師道自勉為給事中克舉其職命視關外城壘還陳備邊策清理軍政於河南人稱公平還獻安養軍民十餘事所至采軍民利病以聞每二親不就養請分俸給之朝廷宴賜或有嘉味美醞綵幣謹封識奉其親及得推恩於父母乃請告歸省賜楮幣為道里資其處內外親姻皆有恩意姑二人早寡迎養于家其子咸底成

立朋友鄉鄰以善道相與卹困窮化橫逆皆可稱述素甘澹薄言不及產業誤家範一編教訓子孫所著詩文有鳴佩集藏于家

杜銘

杜銘字敬修成都金堂人少有異質舉正統六年鄉試十年第進士授刑部河南司主事論決輕重能盡法意自尚書以下皆器重之總十三司章奏羣僚堂叅時有疑獄不決者皆聚而質於銘歷階員外郎郎中他司郎中缺嘗兼領其事至晚他司吏往往抱三四印歸其家銘愈謙退不伐眾益賢之景泰六年尚

本朝分省人物考

卷一百七

三

四川一

書江公淵巡視南直隸河南山東等處舉銘自輔有詔慮囚貴州出滯獄數十百人貴州人謹傳以為神丁母憂復除河南司尋陞雲南按察司副使黜賊吏剔幣政聲稱厥起未盡一年會有誤傳新任按察使呂困道卒者守臣交章薦補其處遂授按察使已而呂復任乃改於貴州居二年部使者列上其風績陞湖廣左布政使湖廣為東南大藩最號繁劇銘裁決庶務宣布德恩治行稱異等成化八年召為戶部右侍郎比至京陞工部左侍郎未幾轉刑部十一年按事襄垣擢都御史提督山西三邊軍務出代州歷鴈

門寧武至偏頭關徧行邊壘覽觀形勝時時召老兵退卒問以攻守之宜益市馬募兵補完虛籍因建議偏頭關在山西窮邊東連威遠西帶保德北接虜境猝然有警戍者出戰便為虛邑宜設千戶所一領百戶所十就以戍兵願留者實之又言三關兵民雜處事多牽制官利乾沒於豪家勁卒占役於私室請置按察副使一員督治之俱從其議又於要害處設土蓬堡之望高視遠二墩久之虜知我有備遁去還朝奉旨審錄罪囚有白金文綺之賜十六年按事寧府還奏明年以父憂去官終制仍舊任二十一年秩滿本朝分省人物考 卷一百七 四 四川一

九載加正二品俸尋遷工部尚書掌大理寺事故事拜尚書者率上疏禮辭銘曰事君貴誠虛讓非禮也獨不辭自刑部轉大理其所駁正一裁以法不嫌于專時論多之明年改刑部尚書 憲宗皇帝在位久明習政事尤慎重刑獄銘時教飭其屬吏以人命至重勿以喜怒用法度一時用刑號稱平允明年乞休優詔不允屢疏得旨賜寶鏹二千貫仍給驛以行公卿大臣設供張祖道崇文門外觀者榮之既至家稍葺舊廬燕休之室扁曰敬齋兄弟賓客日過從為樂當春夏時扶杖從一二僮子課家人田作田父野老

攜酒餉之為引滿不辭人人感德而去優游林下者蓋十有餘年居家常衣布衣或曰公以大官被服如此得無近陋邪公曰我故布衣也在官服官服居家返吾初服何陋之有其自用雖約然至於周貧恤孤則惟義是從多費不吝也卧病少間具衣冠端坐召諸子曰吾入仕自壯至老勉於忠孝始終保全至此若等能讀書為善不使家聲落莫吾死瞑目矣乃卒春秋七十有八

何漢宗 溫江人正統進士歷官副使平生尚氣節不隨時俯仰居官清介家甚貧學士周洪謨稱為鐵石心腸

尹淳 淳 尹淳崇慶州人正統舉人授狄道教諭言動不苟以身率人九年擢御史巡按雲南摘發奸宄所至有聲歷官叅政致仕著聞治集二十卷

桂山 桂山字本寧成都人南唐司空桂卿之後正統甲子舉于鄉登景泰辛未柯潛榜歷戶部郎中老練廉潔剴理無遺凡有關軍國者雖拂眾力為之不顧司徒

本朝分省人物考 卷一百七 四 四川一

本朝分省人物考 卷一百七 五 四川一

為昂甚稱譽之陞廣西叅政守左江時入藤峽徭獍寇南寧巫山一日馳至選土兵據要害以禦之烽火相望寇懼遁去民賴安堵夷畏其威不敢肆云

溫琮

溫琮華陽人登景泰進士任御史巡按雲南時藩鎮錢能貪橫琮執法不撓風裁特著能因斂手避之弟璽成化進士歷河南叅議人有難兄難弟之稱子仁和官至禮部尚書

梁萬鍾

梁萬鍾溫江人景泰進士知仁和興利舉廢崇教厚俗邑民肖像祀之擢知杭州復除西湖淤患陞兩浙鹽運使未幾乞休坐逆瑾椅撫代民償逋負三千兩盡鬻田產輸官恬不介意年九十無恙課子孫相繼登科

鄧本端

鄧本端資縣人景泰進士拜監察御史有文武才能成化間劉千斤等作亂僭號命端督諸軍討平之陞陝西兵備副使

蕭儼

蕭儼內江人景泰進士歷刑部郎中審錄多所平反

陞雲南叅議河南叅政時州官不法逮巡按守巡官至京惟儼素有風力得免餘皆被黜尋陞貴州左布政使奏請頒樂器增解額俱賜允俞致仕卒所著有竹軒稿三十卷集皇明風雅廣選五十卷

張玉林

張玉林內江人幼以道義自重馬湖土官安鰲聞其名延之師位為置產築室居之固辭而返登景泰進士疏言七事知壽張縣以古道化民不任刑法陞北勝知州卒于途有靜菴集及語錄

龔鼎

龔鼎雙流人天順進士幼稱孝友篤愛鳳弟任主事能績守南陽遇宗室縱橫真以法悉斂跡擢雲貴叅政封君文貴義方德壽表重鄉閭子嘉祺令福清有父祖風稱世家云

王弼

王弼華陽人天順進士初知開化豪民余聯勒奪人田土妻女持府縣短長前令不能制弼法之其黨懼誅火牛尾為厭勝弼捕之急乃夜持匕首匿公廨將以害弼為雷震死陞監察御史平反獄囚數十人陞福建僉事漳南溫文聚眾為惡以計獲之弼質實清

本朝分省人物考 卷一百七 六 四川一

本朝分省人物考 卷一百七 七 四川一

慎居喪三年足不至公府子汝舟汝梅俱登進士

劉時敦

劉時敦字用行別號素菴內江人年二十五魁于鄉天順甲申第進士為刑部主事轉員外郎又轉山東按察僉事分按東兗終訟積數百事逮干人就繫動數三歲裁決浹月而盡訟為之哀濟南大旱先期虔禱蠲租平糴藥疾食瘠招流而瘞殍力且匱獻計巡撫以亟請于上得發米二十萬石銀四萬五千兩錢五百五十餘萬民賴全活甲午巡淄川疾作猶強歷數縣至長清輿還越七日不起年三十九察使王君琳提學楊君琅檢其笥敝袍數襲俸遺無十金

趙珊

趙珊綿竹人義士天順甲申德陽賊趙鐸叛珊仗義攻殺手刃數人掩捕散亡追至二郎鎮為賊所害詔錄其子恤其家焉

吳瓊學

吳瓊學綿竹人與珊倡義討賊賊潰瓊極力追殺遇害詔廕其子

王志恭

王志恭綿竹人慷慨仗義渠賊趙鐸叛攻陷州郡志

恭首倡討賊之義率兵二萬餘會德陽鐸潰志恭擊騎擣穴鐸幾就擒從兵不至為矛所中脇下腸出猶戰出重圍以手捫腸大叫衆士併力言不絕口而死事聞贈始信校尉廕其子成都衛百戶

何琛

何琛成都人登成化進士知蠡縣有善政拜御史清理湖廣貴州糧儲及巡按雲南風裁凜凜權豪斂迹時征叛夷劾將官擅殺冒功者黜之陞山東副使調江西觸逆瑾罷職瑾誅起為湖廣按察使貴州左布政使卒于官時論重之

本朝分省人物考 卷二百七

九

任漢

任漢溫江人登成化進士歷御史抗疏論列權貴斂避林公俊稱為真御史累進布政使剛直不撓陞右副都御史改總治郎陽經略三省多所建白陞南京大理寺卿浩然還蜀平生孝友容止矜莊有詩六卷奏議十卷

王資良

王資良成化進士官兵部郎中遇事精審不紆不迫名公咸禮重之擢臨安守夷民雜處難治大布恩信民愛之如父母雅重風教士經指授者咸登科第晚

年吟咏陶然自得

宋有文

宋有文資縣人成化進士歷都御史巡撫陝西黜奸去貪不私故人致仕歸囊無餘物第宅一仍其舊人多其廉而子孫亦甘其貧云

汪藻

汪藻內江人幼以奇童稱七歲補弟子員登進士由翰林歷叅政首劾汪直王越開邊釁立西廠章上罷廠貶直越朝著肅然

鄧翰

本朝分省人物考

卷一百七

十

四川

鄧翰內江人成化進士任知縣卓有異政陞府同知操守堅定舉止不苟致仕家居繼母停柩火災延及堂室翰以身蔽捍火至不動尋滅人以爲至孝所感

蕭翀

蕭翀字凌漢內江縣人成化辛丑進士弘治十一年陞浙江按察司僉事才識明敏遇事不爲遲疑當機立斷在浙五六年間風采振揚清操水潔民情士論皆歸之擢陝西按察司副使致仕歸里

張賁

張賁成都人成化丙戌進士授南京戶部主事歷員

外郎中弘治初擢南京光祿寺少卿累遷通政司叅議太僕寺卿致仕卒賜祭葬賁朴雅有長者風歸十數年與鄉邦耆彥結會以詩酒自樂云

楊廷和

楊廷和字介夫新都縣人成化戊戌進士改庶吉士十六年授翰林院檢討歷修撰進左春坊左中允丁憂補原職陞大學士兼翰林院侍講學士命同學士張元禎爲會試考官取董玘等三百人得人最盛尋陞少詹事兼翰林院學士正德元年進本府詹事陞南京吏部左侍郎初武宗御經筵講書故事講解

本朝分省人物考

卷一百七

十一

四川

書義畢終必獻規諫之語是日廷和同學士劉忠直講既罷上謂劉瑾曰經筵講書耳何添出書外許多說話瑾乘間嗾之陞二人南京侍郎遷尚書十月改戶部尚書兼文淵閣大學士入閣辦事加少保兼太子太保進吏部尚書兼武英殿大學士七年十月進少師華蓋殿大學士廷和上疏請早視朝御經筵罷邊兵西僧市肆等項以憂去服除起原官仍內閣辦事十二月上時巡邊廷和言北虜不時出沒正統末年之事可爲明鑒請回鑾不報十三年上復議北征廷和諫萬乘不宜輕出不聽會上自稱威武

將軍令內閣草勅廷和同大學士毛紀上疏謂大祀之禮在正月社稷之祀在仲春 孝貞皇后大祥在二月二日禮應即時祔廟今俱改期至再甚為非宜朝覲官員吏部考察上請未奉定奪各官離任既久政務悉廢殿試進士之制亦已踰期自去秋 聖駕南行至今八月有餘在京在外各衙門題奏俱未蒙發出施行伏望 亟賜頒師還京舉行前項大禮各衙門題奏文書早賜發出母致事務久稽至生他虞不報十六年 武宗不豫廷和等密請 太后懿旨誅江彬籍其家定策迎 世廟嗣位會命議 興

本朝分省人物考 卷一百七 十二 四川 于四

獻王主祀稱號廷和檢文獻通考漢定陶王宋濮王事曰是足為據異論者即奸邪當斬七月進士張聰疏論繼統繼嗣不同力詆朝議 上令送至內閣廷和復持入 上言禮謂所後者為父母而以其所生者為伯叔父母蓋不惟降其服而又異其名也臣等不敢阿諛順旨仍封還手勅既御批加 興獻帝后皇字廷和等復上言恐紊一代綱常拂萬世公論敢封還御批若加皇字是忽所後而重本生任私恩而棄大義臣等不得辭其責者願罷歸 上曰卿等所言皆大義朕奉至情不必拘於史志可勉錄皇號廷

和等倡九卿翰林科道連章劾張璉邪說願罷斥之不報嘉靖元年壬午春以翊戴功加伯爵廕一子為錦衣衛指揮使辭免仍加錄廕五月有旨免日講命下廷和上言人君一心關係最重養之以善則智若聲色貨利一動於中則害政害事其患不可勝言伏望 皇上宮中無事不廢讀書以涵養此心其大學尚書容臣等接續前所講讀者量進起止有疑召臣等詢問暇則時臨古人法帖一切聲色貨利不使少接於前 上喜其言二年以少師十二年考滿特加大傅兼官賜宴禮部時上於欽安殿修設齋醮廷和

本朝分省人物考 卷一百七 十三 四川 于海

等上疏言臣嘗極言異端左道亟宜痛絕及條慎始修德十二事具書殿廡今無故修設齋醮日費不貲此皆先年亂政之徒艾鋤未盡妄引番漢僧道嘗試上心夫佛家三寶道 三清同一虛罔昔梁武帝宋徽宗敬信尊奉無所不至一餓死臺城一囚繫虜庭求福未得反以速禍其無益有損明矣行香拜錄之勞孰若移之以御講筵設醮修齋之費何不移之以周窮困乞畱神斥遠左右奸人僧道罷停齋醮清查冒濫恩賞又以直隸江北水災異常疏請集議賑救併蠲一應歲派錢糧會內織染局奏乞依成化弘

滄年間例差本局官一員請勅往蘇杭五府提督織造廷和等上疏言今年直浙水旱異常稅糧尚冀蠲免若更差官織造工役何能措辦非惟逼勒逃亡抑恐激成他變况經過淮揚邳徐諸府縣見今高低一望皆水房屋田土槩被滄沒所在白骨成堆幼男稚女稱斤而賣十餘歲者只可得錢數十母子痛哭投水而死官司議賑而錢糧無措自今抵麥熟時尚數月饑民豈能垂首朽復坐以待斃必起爲盜近傳鳳陽饑民哨聚劫掠莫敢誰何將來事勢尚不可料所有勅書決不敢撰 上以織造累朝事例令無再擾

本朝分省人物考 卷一百七 十四 四川一 滿三

執初時九卿科道皆極陳其不可廷和等復上疏曰臣等備員輔臣非敢瀆擾誠恐窮民不堪羣起爲盜以擾天下亦非固執違初所執者祖宗之法望 陛下遵而行之以保宗社勿與公議相違取譏後世况考洪武永樂至天順並無有此惟正德年間權奸亂政始擅自改擬營求 御批以濟其私 陛下何忍墮其奸計復敗壞 祖宗之法度 祖宗天下至正德幾傾覆賴 陛下再造軍民始獲甦醒今日豈堪更自敗壞報曰卿等所言具見忠愛恤民至意但業已差官第寫勅令安靜無擾三年二月以議大禮忤

旨力求去令致仕尋削籍爲民

王一言

王一言字行之內江縣人成化辛丑進士授監察御史陞雲南副使整飭兵備再轉都察院僉都御史巡撫寧夏偶渡河墜水衆掖出之以此致疾卒于官一言體貌脩偉善談笑爲御史頗有風來居官亦能盡職

馬炳然

馬炳然字思進成都內江人成化辛丑進士知嘉魚縣民有爲人作狀牒者炳然訊其人名而問之曰汝民當各安公畏法何至爲人造訟乎對曰窮無以養寫一狀可活吾家數人炳然自責曰不富焉能教厚其資使力本自是公門游食者悉遁去炳然爲政明察而不煩暇則巡行村落益悉某人堪某事某戶堪某役胥徒不能爲姦三年大治流民復業乃新治事之堂扁曰富庶教退居之堂曰絜矩二十三年丁未夏秋之交湖湘旱饑炳然申賑貸未報輒開倉救之明年又饑 朝廷出內帑錢以賑民府守意令具文放散而寔欲轉輸府庫也炳然曰天降凶荒爲政者之罪也卽放散之守怒炳然不懾也歷官副都御史

本朝分省人物考 卷一百七 十五 四川一 徐全

督南京儲至武昌青山江中遇流賊劉六為所挾令作書退軍不從遇害妻女俱溺死事聞贈右都御史謚毅愍

楊春

楊春字元之別號畱耕新都人父官永寧卒于官二子繼沒時春尚幼隨母護三喪歸會苗賊亂出入間道區別外內入夜則防護嚴密或竟夕不寐雖在逆旅肅如堂室性穎異日記數千言顧弗克得師自取家舊藏周易讀之晝夜研究閱歲遂廩于庠名頓起成化元年乙酉領鄉薦越十七年辛丑始舉進士引

本朝分省人物考 卷一百七

十六

四川一

疾歸養母日已既至是復明時時趣北上不忍違居久之 孝廟嗣位乃赴選授行人司正行人職掌舊制如冊封宗藩徵聘大臣之類多為諸司所攝悉奏復之壬子丁母憂服闋擢湖廣按察司僉事奉勅專督學政過家值子廷議得鄉舉意不欲出親友強之乃赴任作士以德行為先歲時考校鑒別精當凡所甄賞多捷科第時誦其明歸志素決巡撫都御史暨諸藩臬以試事畱之既放榜即疏乞休致遂行居家越十有八年乃卒春諒直純厚孝友出天性母夫人素嚴事之甚謹惟恐拂意二弟少孤撫教周至皆克

有家治家嚴甚閨庭整然無敢輕出入者雖諸孫燕見不命之退不敢退教諸子必舉先賢言行為說雖小過亦不貸嘗曰修身正家吾人分內事居官能推之國與天下乃為實用與人交有信初若難合久乃益為人所敬愛接引後進寸長片善稱揚不容口未嘗及人過失學博而邃在太學時常與天下名士

即饌堂為文會辯析疊疊有據衆咸心服焉四方從游者多踵接為顯官志存濟物縣南橋圯鄉人病之出俸金數百兩修治蜀藩義其舉助成之又患城守弗完當預為之圖城成流賊果至趣來保聚者數萬人皆得免於兵平生不習術數而言輒奇驗湖湘人往往傳其事以為神

李志剛

李志剛成都護衛人登弘治進士歷刑部員外首劾逆瑾不法推廣東僉事平劇盜復民田以萬計民祠祀之居家友愛四方從遊之士相望于門

劉寅

劉寅雙流人弘治進士資性醇厚事繼母至孝隨父宦淮陽從王衢吾遊莊定山結為忘年交及長奮志力學登第官南京考功出守寧國值歲歉賑活甚衆

本朝分省人物考 卷一百七

十七

四川

流賊之變備豫免患建梅都官祠擢叅汴藩未幾以疾歸有文集數卷行于世

計朝聘

計朝聘字莘夫成都人正德庚午舉人性孝悌遂易學以遺貲讓二弟以正學啓門人授真陽令歷澱江知府誠心敷政約已愛民增建昆明學舍數十楹捐俸賑饑督兵平寇開海田三千畝俾民佩犢以耕寬稅恕刑部民躬祠祀焉引歸林下布蔬自怡不事干謁明孝友以遺訓子孫壽八十二太史康余二公有廉節傳稱古刺史所至有水蘂聲卒之日撫臺陳公本朝分省人物考卷二百七 十八 四川一 評其清白之操終始不渝說者謂其爲知公云

李 佶

李佶金堂人正德進士選翰林庶吉士嘉靖初拜御史巡按浙江獨持風裁一時貪墨望風解去申明科舉新法奏革織造太監時以剛直忤時相毅然乞休縉紳重其風節

金獻民

金獻民綿州人進士歷官湖廣按察使爲政剛明不避權倖以忤逆瑾罷歸尋召進都御史刑部尚書掌院事持大體不事苛煩糾劾彈舉臺中肅然進兵部

尚書嚴明精察序次武籍犁然不紊

劉 瑞

劉瑞字德符成都府內江縣人生而穎異十歲能詩文父時教歷山西僉事鍾愛之爲作五清書舍期以聖賢之學因號五清主人云時山東提學楊公瑯嘗集諸同寮于試之特奇其不凡未幾僉事公卒貧無以爲斂察宋賻之迺克西還應成化丙午鄉試初擬發解監臨官以其儒士寘第六逮揭榜設宴禮之與解元等人傳丙午二魁云舉丙辰進士讀書翰林三載受檢討弘治己未清寧宮災下詔求言上疏論弭災之端有八曰崇實德親儒臣嚴近習全孝思旌直言勵士風畏小民御戎狄疏入 孝宗加納庚申北虜犯邊復上疏云虜人有必勝之機而我師無可當之勢宜下求才之詔作賞罰之權別用人之等定戰守之計時論建之是歲重修闕里廟成詔故少師西崖李公祭告因獻議欲更定先師封諡卒不果行壬戌同考會試所取多名士楊杲何景明其尤著者與修通鑑纂要充經筵官有白金楮鈔之賜 武宗卽位上疏乞端治本以光繼述一日隆孝德二日求聖學三日勤宣召四日嚴責任五日擢名望六日明賞

本朝分省人物考卷二百七

十九

四川一

壽七日抑僥倖八日絕異端九日禁澆俗丁卯逆
 劉瑾擅權亂政毒虐縉紳嘗言事者咸得罪瑞知不
 免卽上章謝病既出京之明日瑾矯詔斥大學士劉
 公健而下賢士大夫凡五十三人爲朋黨勒令致仕
 瑞與焉瑞聞之恬然奉母以行沿浙江沂鄆湖風逆
 幾覆舟亟以肩輿載母隨陸途行渡長沙江暮雨愁
 油草舖無從者侍母達旦由常德至澧田淑人女兄
 卽南京兵部尚書李公充嗣之母在焉適歲暮峽險
 田淑人不欲歸遂依李公居之李公以田數畝助其
 饗餐之資時逆瑾憾不已會都憲雍公泰忤瑾除名
 奉朝分省人物考 卷一百七 二十 四川一

射之儀著名宦鄉賢之祀教以釋奠歌舞之節而風
 化丕變矣部使者交章薦之將有顯擢適寧藩不軌
 鎮守者潛通逆謀浙謀洶洶與巡按暨藩伯共定捍
 守之策民恃以安已卯冬陞南京太僕寺少卿上疏
 乞休不允時寺卿他出瑞署寺馬政久弊檄屬郡戒
 陪尅禁姦豪憫貧弱故有牧場在著令歲久侵于豪
 民瑞復之有盜鬻馬者抵之法馬政爲之一新辛巳
 世廟入繼大統又請致仕弗許是冬遷南京光祿寺
 卿與中官雜處弊端百出瑞痛革之復上疏釐正其
 事請著爲令且疏薦屬官之廉能者三人於是中官
 斂手而屬吏人人思勵民有侵光祿錢久繫於獄者
 死將半產不足以償瑞憐之爲奏釋其未死者七人
 癸未四月進南京太常寺卿瑞爲神樂觀樂舞生未
 有代耕之資奏乞以道童例納銀者免其赴京以其
 銀畀樂舞生爲糧詔從之八月進南京禮部侍郎是
 冬地震雷電雨雪交作甲申元日地再震水旱疫癘
 江南北人相食瑞憂之條六事以進曰多發帑藏曰
 嚴督通賦曰督察賑濟曰修祭告曰謹戎備曰端大
 本言甚剴切時大禮議起大臣暨侍從臺諫部屬以
 辯諫下獄謫罷者殆數十人瑞將率留都九卿諍之

奉朝分省人物考 卷一百七

二十

四川一

草疏極論帝皇受命受終之道大宗小宗之義及漢唐宋以來入繼大統之典據經援史凡數千言時議禮主正論者凡九百餘疏惟瑞之言簡明深切上雖未盡從而亦不之罪也其卒之日晨尚入部視事既退食於家俄而疾作端坐而逝享年六十有五性至孝蚤孤事田淑人孝敬備至既歿哭踊幾絕哀毀踰禮歸葬經萬流驛遇風舟人錯愕瑞焚香籲天風即止人以爲孝感所致忌日追奠尤極哀痛家廟時祭齋戒必誠牲醴必豐潔纖息一遵於禮宦遊數千里必載木主以行蓋近世士夫所鮮及者隨事建白

本朝分省人物考

卷一百七

三十一

四川一

空自大而卒流於禪也故操存嚴密德器深厚半居無戲言情色雖退食必冠帶終日未嘗傾倚食無兼味衣無鮮綺尤寡嗜慾室無媵妾學甚博積書數萬卷口誦手披無斯須廢至老而彌篤雖刑名度數邊情民隱靡不周知惟痛絕佛老異端之說每遇有齋醮輒疏諫止其督學及在禮部禁約尤嚴作文以孟子史遷昌黎六一南豐爲法詩宗漢魏李杜而其要必本諸六經不爲浮靡險怪之說所著有讀漢書改本童觀錄幼學稿敷納稿禁垣奏稿澧蘭錄講習錄并雜文古今體詩若干卷藏于家

本朝分省人物考

卷一百七

三十一

四川一

李充嗣

李充嗣字士修成都府內江縣人先是太夫人感異夢誕充嗣在襁褓寡啼笑及五六歲恬靜沉默一無所欲或戲觸之惟端視不語家人咸謂不慧而父愚菴翁獨識之曰此兒神氣非常不可易也一日翁觀書寘之膝傍俛然若有所思翁心異之指案上書曰是何物也又疑然若有所辯而未能者趣之對徐言曰所謂載道之器非與翁大驚曰吾嘗謂此兒不可易果然翁從仕吳楚皆携以隨卅角能草書工吟咏翁每以未藝爲戒遂棄其舊習一意慕古既而以治

易汝用伯父素翁謀借北學京師為西充少宗伯馬
廷用門下生初至有邊報告急馬私試策舉兵儲為
問目即席揮毫遽以卷呈所對區處精當皆有證據
馬稱其年稚才老雖練達邊事者殆不為過眾因卜
其後當大用暨成化丙午領鄉薦亞魁丁未進士選
入翰林庶吉士及徙戶曹主事旋改刑部主事審鞫
悉中多所平反以累謫判岳州嘗勘九溪夷情益大
獄也持牘立判庭中以不冤頌之秩滿擢知隨州始
視篆以學舍傾欹廼謀葺新之工費不逮於民承荒
曠之餘坊里凋瘵則謀求義倉之法酌宜而行斂散

本朝分省人物考

卷一百七

十四

四川一

有方凶歉有備境內以安民兵久弛則簡閱以時士
益精銳後有巨寇流入境率眾拒之盡殲焉尤保愛
士人嫉惡異說有李氏子名中者才敏而學贍以新
籍為桀猾者所擠乃力主之後舉舉鄉薦第一人考
最陞陝西按察司僉事正己帥物負一憲度分理邊
餉以公勤著聲時有中貴撓法正色不少屈常計事
公署不合語侵之即危言切責勸其貽害地方十餘
事疏上 孝廟褒其直中貴銜之欲甘心焉十六年
會愚菴翁計至去位獲免服闋以太夫人故欲圖終
養未即上道而 孝廟陟遐正德改元關瑾用事蓋

貴黨也必中傷以泄舊憾密遣其黨下陝西伺察
久無所得事遂寢乃攜其服制違例矯旨免官未幾
太夫人亦捐世五年方禫而瑾誅詔復起補任江西
以風力名時宸濠逆節未著縱下淫毒壹繩以法民
恃以無恐楚賊據華林勢甚熾我師數不利與總帥
都憲王公贊畫竟致大捷六年以功晉山東按察司
副使兵備臨清齊俗侈靡而臨清尤甚乃教以儉約
於除戎簡閱之事罔不殫心力為之雖處宴安之時
惴惴焉常若寇至狀八年轉雲南按察司一時聲稱
凜然尋轉本省右布政使十年召為順天府尹行未

本朝分省人物考

卷一百七

十五

四川一

半道遷右副都御史巡撫河南振肅風紀扶植教化
摧抑權豪屏黜貪墨至有望風畏懼解印綬以遁者
汴地下濕多河患通租無算至即疏聞咸賜蠲免民
力稍蘇正德丁丑蝗戊寅澇民間大戚老者死壯者
逃立條約下諸屬郡郡行之州州行之邑祛滅尅之
弊旦夕與察屬商處期得善策至終夜繞榻不寐偶
得休糧方於書笥歎曰天若濟民此方必效吾不忍
藏乃刊示四路民得此以活者甚眾汴洛故都會陵
墓在焉盜利其中之所有多被發乃峻為之禁令近
居者守護防衛由是未發者始得全時鎮守藉進奉

省虧值市物如古器羔皮之類深爲吏民病徐以溫
言諭止之十三年再徙巡撫南畿尋遷戶部右侍郎
兼左僉都御史巡撫如故其綏安之方採荒之術大
都如河南時政而儲運之法裕國之計恒倣諸大義
叅以民情時稱其便聞宸濠將稱兵犯闕以安慶畿
輔適當賊衝非得人莫守也值都督楊銳時爲指揮
使及諸將晨叅於衆中揖而進之曰皖城保障委之
於子母負我乃奏請使視事而白巖喬公宇時任南
畿本兵相與協心王室設方略飭武備日以禦賊爲
念已而賊兵東向舳艫相接氣勢銳甚抵安慶城下

本朝分省人物考

卷七

二十六

四川一

攻具悉備目中已無江左矣充嗣飛檄城中諭以忠
義銳感激思奮嬰城固守相機應敵日至數十發無
不克捷又潛遣間諜順流而下給云王師百萬四面
至矣賊得諜語相顧錯愕城中偵知之士氣百倍鼓
譟震地賊敗衄宵遁渠魁就擒 武廟幸南畿詔許
造膝親賜慰勞論功加太子太保工部尚書仍兼巡
撫頃之臺臣言東南財賦甲天下而水利之政久廢
不講非常久計詔宰臣僉議下其章於撫臣比受
命親蒞其地尋訪淤塞故道多爲勢家所據力任衆
怨無毫髮假借不逞者爲謗語上騰冀陰阻其事朝

議復難之充嗣卽建白臣考禹貢水道所歸之由相
地形高下之殊并正統中周文襄治濬舊跡則功無
不可成者但恐成功之後不能無疑臣者耳時論難
之由是盡心所事不辭繁苦凡椿木畚鍤給賞領直
之需取諸屬帑羨餘委廉能官分幹一毫不干於民
謂水之枝節多岐而白茅港吳淞江二派最大首興
事焉自經始至迄工凡三閱月而諸水旋亦就緒人
悅於趨赴無怨心自是潮汐不憂壅滯淫雨不患汎
濫蓄洩有道而旱澇有恃食其利者甚博而京儲不
致於匱乏矣 世廟襲興被詔陳言乃條上新政數
事以正心用賢爲首務識者謂其知大體併嘉前績
擢南京兵部尚書畜士卒有恩遇武弁以禮有益於
國家及軍民者率攘臂爲之振刷擄蕩惟懼或後如
馬快船素爲苦役乃汰其冗者取盈數而止貪猾無
所媒利此類是也嘉靖丁亥以考績進階正治上卿
居官清苦自圖書外無長物前後敫歷四十餘年所
至以風裁自持然外和柔而內剛正以故始終不及
於禍如闡忠孽彬在南畿恃扈蹕勢凌轢縉紳數有
要求一切不與卒不能加害自晉尚書常曰大臣監
止足吾不歸何待累疏乞骸骨蒙 上溫旨諭畱至

本朝分省人物考

卷七

二十七

四川一

子春移疾告歸是年九月卒年六十三謚文簡有
帶山集奏議水利二稿當江西之變有靖危錄凡若
千卷藏於家

楊慎

楊慎字用修別號升菴新都人少師石齋公廷和子
也慎生而岐嶷穎達七歲母夫人教之句讀併授以
唐絕句輒成誦慎奮志誦讀不出外戶惟母憂極其
悲號廢食骨立未幾祖母葉訃聞隨石齋公回蜀守
制大父畱耕公授以易兩旬而洽不遺一字擬作古
戰場文有青樓斷紅粉之魂白日照翠苔之骨數語

本朝分省人物考

卷一百七

辛八

四川一

公極稱賞復命擬過秦論益大奇之曰吾家賈誼也
一日石齋公與二弟觀畫問曰景之美者人曰似畫
畫之佳者人曰似真孰為正慎舉元微之詩以對二
叔曰詩亦未佳汝可更作慎輒呈稿云會心山水真
如畫好手丹青畫似真夢覺難分列御冠影形相贈
晉詩人二叔曰只此四句大勝前人矣時年一十二
辛酉石齋公服闋慎亦入京師有過渭城送別詩及
霜葉賦一日偶作黃葉詩李文正公見之曰此吾小
友也乃進之門下命擬出師表及傅奕請汰僧尼表
文正覽之謂不減唐宋詞人弘治乙丑侍石齋公禮

聞時崔銑試卷在分考劉武臣簾下疑其刻深未錄
慎見之愛其奇雋以呈石齋公遂擢詩魁崔知而以
小座主稱焉時年一十八正德丙寅與同鄉士為麗
澤會丁卯歸應四川鄉試督學劉丙試而奇之曰吾
不能如歐陽公乃得子如蘇軾是秋果擢易魁十一
月上禮部戊辰春試入國學祭酒周玉類試之曰天
下士也已已歷事禮部尚書劉宇見慎問曰子為誰
對曰楊慎劉曰子固天下士豈必一大臣子弟耶乃
稱歎不置辛未禮部會試斬貴擢慎第二殿試則及
第第一制策援史融經敷陳弘劄讀卷官李東陽劉

本朝分省人物考

卷一百七

辛九

四川一

忠楊一清相與稱曰海涵地負大放厥辭共慶朝廷
得人授翰林修撰時年二十四癸酉丁繼母喻憂明
年藍鄙諸寇作慎在邑城中日夕戒嚴有賊數百詐
稱官軍以紿門者慎率守雉堞者詰之散去乙亥服
闋冬十二月北上丙子入翰林為經筵展書官及校
文獻通考丁丑為殿試掌卷官得舒芬策以呈閣老
梁公乃得首第時 武皇遊幸宣大榆林諸邊返而
復往慎疏切諫不報乃以養疾乞歸庚辰九月慎北
上仍舊官辛巳四月 世宗皇帝即位五月慎為殿
試受卷官八月開經筵慎首作講官進尚書金作贖

刑之章言聖人贖刑之制用于小過者冀民自新之意若大姦元惡無可贖之理時大閣張銳于經等皆犯先朝事罪當死以進金銀得免故及之壬午二月命慎代祀江濱及蜀藩諸陵寢著江祀記與給事熊浹御史簡霄遊浣花溪載酒賦詩有煙霞誰作主魚鳥自相親斗酒千金會扁舟兩玉人之句十二月北上復命癸未纂修武廟實錄慎練習朝典事必直書總裁蔣冕費宏曰官階雖未及實堪副總裁者乃盡以藁草付之刑定甲申七月兩上議大禮疏嗣復跪門哭諫中元日下獄十七日廷杖二十七日復杖

本朝分省人物考

卷一百七

三十一

四川

之慎斃而復甦謫戍雲南永昌衛時同事死者配者黜者左遷者二百八人慎舟由潞河而南值先年被革挾怨諸人募惡少隨以何害慎知而備之至臨清始散去時年三十七乙酉正月至雲南病馳萬里羸憊特甚栖旅中方就醫藥而巡撫台州黃衷促且甚慎方疾冒險抵永昌幾不起巡按郭楠清戍江良材極爲存護卜館雲峯居之且上疏乞宥議禮諸臣郭亦被詔下獄斥爲民丙戌九月聞石齋公寢疾疋馬間道十九日至家石齋公悅而疾愈七月携家就戍所十一月尋甸府土舍安銓變起十二月武定土

舍鳳朝變亦起攻掠城堡爲患慎歎曰此吾效國之日也乃戎服率旅僮及步騎百餘往援木密所守禦入城與副使張峨謀固守明日賊來攻城寧州土舍陸紹先率兵戰城下慎促城中兵鼓噪出以助外兵賊敗去慎復歸會城戊子春慎一足病有半人嘲鑿齒一足笑虞夔之句己丑八月聞石齋公計奔告巡撫歐陽子重疏上得歸襄事十一月還滇壬辰正月布政高公韶聘修雲南通志時鄉大夫有欲冒嗣穎川侯傅友德以覲世爵者慎不可乃乘張羅峯復相流言欲中之慎遂去庚子八月巡撫劉大謨聘慎及

本朝分省人物考

卷一百七

三十一

四川

王元正楊各纂修蜀志辛丑還滇至東瀘疾作尋戴金雷之返成都壬寅七月還戍所丙午冬大理推官吳宗徽署安寧州奸規州利欲推民鹽牛慎言于當路得免丁未居高峽水莊名十二景日與交遊倡和凡招提佳勝會意處便操觚畱題數與滇之鄉大夫遊昆明池有詩社集壬子二月時在逸武弁得委祭龍海口歸肆狂惑請丁夫六千督往注瀆剝衆利州人苦之有言於慎者慎歎曰海已涸矣田已出矣民已疲矣致書巡按趙炳然罷之九月復至瀘己未春還戍所六月遘疾卒年七十有二丁卯穆宗卽位

遺詔追贈光祿寺少卿慎孝友性植穎敏過人家
學相承益以該博凡宇宙名物經史百家下至稗官
小說醫卜技能草木蟲魚靡不究心多識闡其理博
其趣而訂其訛謬正德間 武廟閱文獻通考天文
星名有注張內閣取秘書通考又作汪張中使下問
欽天監及翰館中皆莫知為何星也慎曰注張柳星
也歷引周禮史記漢書以復又湖廣土官水盡源通
塔平長官司進貢同官疑為三地各于長官司上添
一三字慎曰此六字地名也取大明官制證之嘉靖
初給事中張紳上言時政論學術不正一條有商字

本朝分省人物考 卷一百七 三十一 四川一 宋茂

魏瑣之語 上問之內閣慎適在館中即取荀子非
十二子篇以復敬所蔣公喜曰用修之博何減古之
蘇頌乎乃若論王導之賊晉室辨太王之非翦商魯
之重祭不始于成王周公春秋五伯深斥乎楚宋秦
繆引墨子及修文御覽以辨范蠡無載西施之事引
黃泉發蘇東坡之言及李漢韓文序以辨文公與太
顛書之偽駁歐陽氏非非堂之說傳節婦唐貴梅之
死此又證據古今闡揚幽隱謂其有功世教也非乎
至若陶情乎豔辭寄意于聲伎落魄不羈又慎所以
用晦行權匪恒情所易測者也昔重慶守劉繪貽慎

書曰夫人情有所寄則有所忘有所羈則有所棄寄
之篤則人無所忌無所忌而後能安無所安而後能
適足下所為蓋求其適與安也古人買田宅擁聲伎
皆豪傑蓋世之才豈獨抱尺寸者之見也僕觀足下
自蒙難以來嘔心苦志摹文讀經延搜百氏窮探古
蹟鑿石辨剝泐破塚出遺忘有僻儒苦士白首蓬蒿
日事纂索所不能盡而謂竭精蕩神於逸欲聲色者
能之乎斯言也可謂諒慎之深者也慎嘗語人曰資
性不足恃日新德業當自心力中來故好學窮理老
而不倦平生著述百餘種

本朝分省人物考 卷一百七 三十一 四川一 陳元

王汝舟

王汝舟字濟川別號時齋成都府華陽人少而穎敏
乙卯舉于鄉正德戊辰登進士為句容令三載徵為
江西道御史為巡視陝西茶馬遷為山東按察僉事
整飭武定諸路兵備已卯以內艱去起復補陝西僉
事癸卯秋遷為布政司叅議分守涼州諸路丙戌遷
為雲南叅政分守金滄道己丑遷為貴州布政左轄
至有賢聲鞠躬盡瘁嬰疾卒其令句容則百廢具興
六事克舉其為御史則激揚風紀其巡視茶馬則茶
利均布馬羣弗逸其為兵備武定則戎務咸理巨寇

以平其復僉陝西保任鳳翔兵備則斬木通蔽訓兵督捕以遏關棧聚剽之寇其為叅議則儲侍以足供餉有方羨餘三千悉備公儲其為雲南叅政勘木邦之夷奪三酋之氣還金牌土地歸之版圖其為貴州左轄破姑息之說勵振刷之氣以消邊患練兵防守會計芻糧以定川寇周天星之亂蓋自筮仕二十四年節操水清賢能茂著才不究用賫志以歿始終生死以順以正可無遺憾矣

熊允懋

熊允懋字士勉資陽縣人正德辛未進士嘉靖癸未陞浙江水利僉事往者豪強多侵水利致妨農業及允懋至嚴為之禁諸所據於豪大家者悉加釐正以業貧民宿弊頓革不畏強禦杭有貴勢挾長欺孤而佔其產允懋一鞠得實力為直之勢家祈請不已堅拒弗聽輿論快然踰年以憂去

張潮

張潮字惟信號亭溪更號玉溪內江縣人年十二携從父任游學於內翰劉五清之門恒讀書踰夜分母恐過勞戒之甚嚴藏燈帷中默誦不輟父器之撫其背曰見他日必亢吾宗越正德庚午舉於鄉辛未連

本朝分省人物考 卷一百七 手印 四川一

進士入翰林為庶吉士癸酉授編修甲戌充會試同考試官教書內館丁丑請假歸省庚辰復任嘉靖辛巳充經筵展書官壬午預修武廟實錄乙酉陞侍讀充經筵講官實錄成陞司經局洗馬賜金幣丙戌充殿試受卷官丁亥陞侍讀學士兼日講并撰誥勅日錄國史時上方銳意文學日進儒臣講論經史潮舉動閒整敷說明粵每心識之明年戊子主應天鄉試初下詔變文體就切實殫心校閱務得名士梓文詞達理到士服誦其言己丑充殿試讀卷官庚寅奉詔與議郊祀禮羣議分合相半潮據經引史旁及子集斷以祖宗之舊反覆辨論幾及三千言大約謂禮之可疑者八難行者二一日合祀之說雖證以昊天有成命詩序而其詞却又專頌成王分祀者不過援周禮奏樂於圓丘方丘數語而北郊則僅創自漢儒標取孝經緯文天神主北辰地祇主崑崙殊為荒謬二曰六經有祭法有祭天泰壇祭地泰圻之語而亦無南北郊文唐賈曾表引春秋說王者一歲七祭天地合食於四孟王肅述孔子云祭天而地配於經皆無所據三曰易殷薦上帝以配祖考舜典止肆類上帝及祀六宗山川羣神周禮以禋祀昊天上帝以實

本朝分省人物考 卷一百下 三十五 四川一

柴祀日月星辰而司中司命風師雨師社稷山澤四方百物各以物祭及月令凡祭祀亦斷自昊天上帝山川四方宗廟社稷之神而俱不及地豈地道從天與中庸所以祀上帝之文同乎四曰禮言郊禘或言郊廟或以社對帝或以社對郊釋之者曰言郊以知社稷之在國言社以知郊之為天地亦無的確五曰祭必有服掌王之吉服祀昊天上帝服大裘而冕享先王先公祀四望社稷五祀羣小祀各有服冕何祀地祇獨無若同大裘則非夏至所宜六曰祭必有配祭義云郊之祭大報天而主日以配月孝經云郊祀后稷以配天何北郊獨無配乎七曰朱熹嘗言古時天地定是分祀却又曰五峯言無北郊只祭社便是此說却好似亦矛盾八曰陰陽之義多矣如祭統以郊禘為陽義以嘗蒸為陰義則曰祭日於壇祭月於坎以別幽明以制上下何天地獨無陰陽至若周禮一歲九祭天朱熹所謂當時禮數簡儀從省故易行者是已今於天歲止一祀而春秋既祭社以專祀方丘則反崇地抗天非尊卑相承之道此難行者一也且周正建子故二至祀天地於歲事為不紊今歲首在寅不從二至非順陰陽之義從之則於序有乖皆

朱朝考人物考

卷一百一

三十六

四川一

不合周禮此難行者二也惟聖祖時合祀已久雖其列壇從祀非古而當時著命官分獻各以義起殊與漢晉唐宋神座十數百位者不同今不若循舊為便時上志先定分祀覽其言懇切婉盡亦不以為非未幾南郊創造園丘都御史汪鋐請築遷禁垣外冢墓上不忍盡遷限一里之內而止亟上疏曰此正陛下不忍人之心發於至誠遠符文王澤及枯骨之德惟壇去外垣尚遠一里之內墳塚不下千萬餘區倘若於瞻對無妨悉容仍舊其恩尤溥疏下內閣執政者詰謂褻穢園丘匪宜潮應之曰在園丘似褻然天無不覆即遠遷何所逃詰者語塞竟得旨罷自是直聲隱隱起朝著間矣辛卯陞翰林院學士掌院事尋陞詹事府少詹事兼學士掌府事壬辰聘主會試先是常念母淑人年高遘疾三疏乞歸侍養不允會陞吏部右侍郎益歎詫不懌曰忘親以懸官非子也復抗疏悃迫始獲允命給驛以歸入門三越月母卒賜諭祭一壇服闋丙申用薦起復吏部右侍郎丁酉轉左仍兼學士與經筵日講己亥加秩太子賓客充僚宰升再掌翰林院事教庶吉士壬寅陞禮部尚書掌詹事府事教庶吉士兼官如舊上疏辭讓詔褒答

朱朝考人物考

卷一百一

三十六

四川一

之不允辭 上覽詞臣文字最難許可惟湖受知素深屢遣分獻陪祀其獲金帛錙幣之賜不可勝紀至嘗應制和上奉聖母遊覽有詩賀嘉禾瑞麥慶雲靈鵲有賦賀瑞雪甘露瑞兔有頌賀時雨時雪有疏每被稱賞自元老而下眷遇之隆罕與儷者年六十卒器度凝重與物無忤而中有介然不可拔之操自少卽能詩文讀書過目輒成誦尤工楷書入翰林後詩格益高文必根極理道不專尚華藻有玉溪稿若干卷藏於家

趙貞吉

本朝分省人物考

卷一百七

三八

四川一

趙貞吉字孟靜號大洲內江縣人生而神穎六歲誦書日盡數卷年十五讀王文成傳習錄驚曰予固疑物理之遠於本也今獲所歸矣白二親往從不許遂遍誦六經自求之嘉靖戊子甫卿薦走謁故相楊文忠里第文忠稱曰是社稷器也明年下第歸大夫人逝泣曰人世應忽若是遂兼修出世業習靜古剎不櫛沐解衣者數年父資政公強令赴試舉禮部廷對都御史王公廷相撫其卷曰雖治安策弗能過也上嫌其語直置二甲尋悔之乃首列庶吉士特旨留館授編修 上初年銳意聖學後稍惑方術遂上求真

儒贊大業疏執政不擇貞吉日與同志徐樾輩切磨踰歲謁告歸蜀爲多士發明大學致知本旨蜀士始知問學出于咕嚕之上二年冊封三年教司禮監同修會典充會試同考試官又三年遷右春坊右中允管國子司業事當此時天下士高者固守物理紛若射覆一聞知本之學反加詆訾於聖門性道之旨莽如也慨然嘆曰學之不明未知性也進諭六館士首揭中庸性道教爲訓諸士聞之懔然舊習若濯而新是歲爲庚戌乃語當事者曰虜將大舉盍爲防禦計八月虜果闌入古北口由通州薄都城上破虜疏是時虜方有求貢媿書入朝 上詔禮部尙書徐階集百官議日中莫有發一語者獨出大言曰城下之盟春秋恥之且旣許貢則虜必入城要索不已卽內外夾攻胡以禦之徐公曰足下必有奇畫貞吉曰爲今計請 主上出御正殿下詔引咎錄周尙文之功以勵邊帥釋沈鍊之獄以開言路輕損軍之令重賞功之格飭文武百司共爲城守遣官宣諭諸將監督力戰其他無可爲者 上已偵知其言手詔嘉其壯猷陞左春坊左諭德兼監察御史領勅宣諭并給帑銀惟所措置然勅未有督戰語可統攝諸將以行也因

本朝分省人物考

卷一百七

三九

四川一

請于相嚴嵩故有卻又其黨趙文華素銜之冀
相齟齬而甘心焉故不與事權卽兵曹一護卒不可
得時虜騎充斥單騎出城先詣總兵仇鸞營次過諸
將宣 上旨激勵付賞功銀一時將卒感奮惟趙國
忠一營駐沙河隔虜則屬鸞傳諭而貞吉以詰朝入
城復命方貞吉之入也仍欲上請督戰已撰有疏草
矣而鸞陰畏之至遂令人請備膳疏故爲遲之入朝
趣疏不來獨以宣諭事畢奏上 上怒謂貞吉領銀
未覩措置第爲尙文鍊遊說詔錦衣逮杖落職補廣
西荔波縣典史癸丑量移徽州府判稍遷南吏部文
本朝分省人物考 卷一百七 四十一 四川一

選司主事未至進郎中乙卯陞南光祿寺少卿遷南
通政司叅議先是嵩已嗾吏部推以藩叅因 上問
趙某何在故有是遷丙辰陞南右通政明年陞南光
祿寺卿聞三殿災乃移書執政言大工復作不宜加
賦困民嵩見大忤又三年乃陞南戶部右侍郎時已
聞訃歸服闋改戶部右侍郎抵任 上屢遣代祭示
優眷嵩滋不樂亡何有建議薊州增設戶侍一員督
糧練兵者嵩以屬之且召之酒詭曰是行非公不可
貞吉曰人臣之義死生以之復何諉哉酒半徐曰今
欲戶侍督糧督京指揮運乎抑民運乎若二運已有

職掌卽部中與出薊州何異添官徒增擾耳况兵之
不練其過宜不在是縱十戶侍出無益練兵也嵩作
色怒且罷適嵩在告 上手詔次相徐公問薊州事
徐對以查理當用習邊糧者吏部因得易管理爲查
理而以林侍郎行嵩出愈忿而詬林侍郎嗾其黨張
給事益劾林不數日并劾貞吉竟奪官去貞吉持論
以二氏學通吾儒謂必出世乃可經世論汴遊嵩高
抱犢伏牛諸山巡撫蔡公汝南逆而問學遂列爲圖
明三教之所繇起曰儒者見之曰儒仙者見之曰仙
佛者見之曰佛其實一也蔡梓以傳家食多居玉溪
本朝分省人物考 卷一百七 四十一 四川 餘五

莊嘗爲諸生申致知之旨又爲講說人心道心精一
執中大要以中卽性命卽天則也而後儒乃不識中
爲何物至以爲物物有之是有同於刻舟之愚雕形
之苦殊失其旨丙寅 肅皇帝崩隆慶改元詔起吏
部侍郎兼翰林院學士掌詹事府事實錄副總裁會
有言幸學祭酒坐講當預擇耆德攝之遂奉 旨以
原官暫掌國子事八月朔 駕幸學賜坐講禹謨后
克艱章 上見其闡發精明音吐洪鬯大爲感動問
之知爲新起用臣益喜尋命解監事充日講官先是
北虜陷石州貞吉與執政數議邊事不合乃求補南

書既行御史李惟觀南戶科給事岑用中交章言
趙某居啓沃之任可以格心贊治不宜置遠地復以
禮部尚書兼翰學協管詹事府事戊辰三月還京會
文武邊臣建議欲招練南兵十萬于張家灣力執不
可曰曩南京建振武營致大變今乃欲建十振武營
於都城側哉况燕薊乃戎馬場豈藉南兵當事者寤
遂移練兵于薊鎮惟練南兵三千教烏銃識者謂爲
得算頃之奉 命教庶吉士仍充講讀纂修又命代
祭先師孔子爲 皇太子千秋講唐太宗喻太子童
賜資無虛日時薊鎮奏修敵臺幾千座以爲徒費無
本朝分省人物考 卷一百七 四十一
禪戰守因講語中力言之語具爲執政格不得上遂
色色懷去志而 上之眷用意益切尋詔以原官兼
文淵閣大學士同諸臣入輔大政一日于講筵謝
上面諭盡心輔佐時 上多恭默而面諭之者再詳
臣謂自臨御以來所未有翌日御便殿手詔閣臣謂
貞吉已有年當同任閣事又撰勅令中貴捧詣閣下
皆特典也先是大同邊臣棄城走爲巡按暨科道所
參而閣臣未有言治罪者貞吉謂宜照元年山西失
事例治之執政不得已乃行巡按覆勘爲是遂註籍
不出 上聞溫諭遣醫賜羊酒瓜菜感 上睠注乃

上疏乞解贊輔重任退供講職且言大同之罪惟
祖法國是公論清議八字勘之足矣今兵部與閣臣
俱仍姑息臣欲爭論而力不能故懷慚思退 上亟
慰留之是日 上以原票還閣中改擬有不襲昔年
虛套之論而閣中猶以將才難得題覆 上姑兩解
之然信任益篤明年庚午上言遵祖制收兵權以飭
戎務略云我朝內外兵分隸五府乃 高皇帝定萬
世太平計免前代權臣握兵之害永樂末年因聚府
兵北伐旋師後遂結營團操乃以三千神機二營附
之因號三大營其實皆五府兵也正統末年嘗變爲
本朝分省人物考 卷一百七 四十一
十團營弘治間又加爲十二團營正德間又添署東
西官廳然五營之號未泯而五府意猶存也至嘉靖
庚午嚴嵩欲爲賊將仇鸞地遂請特設戎政廳括內
外兵籍鑄總督戎政印授鸞夫以五府外而別立一
廳則盡變 太祖分府之意以十餘萬衆而統於一
人則盡變 成祖分營之意向使鸞誅或晚時事之
危未可測也合無將見操官軍九萬人分爲左右中
前後五營各擇一將統之責令開營教習仍以文臣
巡覈之每歲春秋校閱凡將官能否軍士勇怯技藝
生熟皆得奏 聞而賞罰行焉要令五營齊成精銳

有事則領勅將兵於間外事畢則納印歸卒於營中如是則太阿之柄獨持於上而輦轂下有數萬精兵隨所用而可矣 上曰分營練兵乃 祖宗舊制遂下廷臣議行時本兵兵科挾前大同事議遂峰起反失建白本意 上以貞吉兼掌都察院加太子太保時閣臣高拱兼掌吏部方欲挾權籠制諸臣意假為分謗地故推之兼掌院事已而本兵霍冀被科臣論劾賊私疑前議大同及已乃於求退疏中誣貞吉主使疏辨欲付法司究問以糾官邪且兩上疏乞休上不允乃請給假回籍遷葬不允拱尤銜故相徐公

本朝名物考

卷一百七

聖四

四川一

欲中以危法疏言當時議事臣假托遺詔凡 先帝所斥如大獄及建言得罪諸臣悉加超擢死者贈官廕子是仇視 先帝近於無君又引弘治間彭程事欲有以治之貞吉拂衣起曰若是則將如宋奸黨禪矣拱色變強留乃共改票止於吏部通行曉諭而已拱以是迄不得逞於徐公後又以故錦衣陸炳為徐姻家已嗾張御史追劾炳而刑部以炳一品爵例在應議例當請勅三法司集議定之奏下閣中擬票是日拱遲貞吉久不至遂徑擬削爵沒產自是拱與貞吉勢不兩立矣亡何宣大督撫王崇古等奏俺答孫

把漢阿吉等入降貞吉曰大約浮言謂恐開邊釁然自俺答橫行五十餘年每年邊餉數百萬何年無釁釁不在納降也惟當請暫與降人官職慰來者心其制虜機宜一付之督撫乃同改票卒如貞吉言亟令督撫姑置封貢事徐議之第令俺答速獻投虜叛人趙全等九人易其孫去且當慎交質防虜劫盟又貽王書曰吾外憐悉恒謀之附人內恐李文饒之失助其為邊計篤切類此先是給事中張齊者為拱嗾劾徐公而王都御史因訐齊賊罪抵戍後齊倚拱辨復力擊王與毛司寇欲因以傾徐乃奏行法司而刑科

本朝名物考

卷一百七

聖五

四川一

給事中舒化叅寢不得行拱懷怒思一逞於是考察科道旨從內出貞吉曰是將倚法為報復計也疏請止之拱聞即上揭謂有成命不當中止遂同赴吏部有給事中吳時來者故嘗劾嵩父子譴戍起用守伉直不附拱者也拱銳欲去之獨不可爭至日中拱知其不可奪從之以故臺省之得全者衆然拱益恨且刺骨嗾心腹給事中韓楫枉誣之疏懇乞歸以明年春抵家諸門人請設教聖水寺會 穆宗大漸哭臨至哀毀成疾乙亥遂杜門不復會講第擬作二通遺諸門人內篇曰經世通外篇曰出世通二通各分二

內篇門曰史通曰業通外篇門曰說通曰宗通內
通之門八部而百代九流之緒備矣外通之門四部
而頓漸半圓之旨悉矣欲俾三千年未經折衷之籍
聚爲一書以俟來哲是歲十月卽開局編述乃爲文
祭諸聖賢告始事至冬末疾作輟編丙子三月薨春
秋六十有九訃聞 上諭祭贈少保謚文肅孝友天
至從總髮與弟蒙吉自相師友剛忠英偉稱其氣貌
解褐卽身任天下憂先一世雖百挫不回至其問學
淵源上探堯孔之微而博辨雄深要歸于道所著詩
文若干卷進講錄若干卷行于世

本朝分省人物考

卷一百七

四十一

四十一

周滿

周滿字謙之蜀之廣漢人生甫六歲遣就外傳穎異
絕其儕嘉靖壬辰登進士授南京戶部主事時年二
十有五南戶曹務簡始蒞事卽明作自勵指揮某者
造僞領以冒官儲遂劾而置之法尚書異其少年練
裁進之本科凡制置奏覆倚以斟酌可否逾年監督
浦子口更益植學尋莊定山讀書處拜其墓葺其祠
刻其遺集於邑齋旣還都聞高陵涇野呂先生躬行
君子也內修外文進止可範乃折節事爲師朝夕聽
其討論退而証諸寔迪以自稽省事必求無作於夢

乃已與諸友僚會業於南都名勝如鍾阜鳳臺牛
首獅峯靈谷等山諸名刹各有會所分經子史漢晉
唐詩爲課限首以交核行藝相質迎養父南山翁暨
母夫人于京邸夙宵必冠帶入子舍候省爲常日令
內人市江魚浙酒爲供具酒數行輒高吟座隅吟已
起舞當彈吹班綴之樂二親懽甚忘其在客月一赴
山寺之會必稟白乃行至則各校課程勤窳旬餘乃
罷戊戌擢雲南府知府雲南爲會府輻輳至則慎守
官箴承馭一循事矩刻廉自喜滇海地獨下洩水之
口隘甚沙泥易淤衝躍四漫濱海腴田歲收不上數

本朝分省人物考

卷一百七

四十七

四十一

千鍾公私俱病甫入境民遮道自言其苦遂力白監
藩承檄往視循阡達觀果如民訴喟然曰是可畏上
嗔而貽民嗷嗷乎今惟省役費易府佐督之不易畢
事乎乃條濬海口之利與不濬之害畫圖述策以上
尋檄同知濬治如議於是淤積漸去海田歲大有獲
公私供需咸資爲長利矣逾年遭母夫人憂去癸卯
免服補守鞏昌力行教化務在敦琢而休煦之首選
學官弟子經學道義有師法者列之便座右授經書
訓以性命人倫之要學必由橫渠以志於聖人治必
法三代爲條教使各歸教其鄉里務種藍田鄉約之

人以藍田呂氏橫渠張子皆陝人也鞏民由是知嚮
往二賢尤注意於孝子貞婦鰥嫠獨貧介之儕里
表戶凋隴民關世安獨居養母母沒廬墓三年恥從
人句貸年三十二未能娶聞之捐兩月俸資予世安
置妻舉人陳爵能文死無葬具母妻靡依乃為爵完
葬具復旌其母妻計日給以廩著為則爵妻得養姑
終身生員許國忠楊燭等貧不能葬親舉人何遷等
無居各力為處給燭等始獲居食國忠父母得不暴
骨淺壤其喜賑寒瘁類如此又訪遐村孤老得數十
人時其寒燠處其粟布病予醫藥間有獻饋肥鮮不

本朝分省人物考 卷一百七 四十八 四川一

入私邸割以頒之弗遺一老以故歲入俸餘亦緣手
盡跡睚眦武斷白徒一一寘之法馭屬吏寬平有威
不忍褫其巾衣扑之然嘗洞其陰伏受取雖一錢以
上無能匿吏救過罔暇孽賊趙廷學暴聚亡命剽掠
鄉邑長驅抵鞏急圖殪之會羣盜暮夜趨鞏北匿小
城旅舖中密遣力士環而圍之別添兵扼其歸路比
明俱就縛乙巳擢廣西按察司副使去後關孝子生
子名之曰周父以誌世感鞏人思慕不已胥造胡都
御史纘宗所請立去思碑文至此之文翁冠恂朱北
海龐仲達云比赴廣臬廣右多峻山而府江蔽谷連

洞尤易藪盜徭徇民賊盤穴其地者十之八賦役之
民不及一二山南三洞賊尤雄獠常伏箐薄中候官
民船突劫之平樂李進邦陽朔陸公眉富訓劉有勝
皆民賊之崛起者也動率千數人互出橫劫官庫城
獄多所侵剽又倚險為巢跋扈甚往年制府先後雕
勦之俱不獲一矢而還始至平樂即思殄寇必先養
兵養兵須同甘苦遂減膳省役開誠布公日開其兵
而練之閱五月而兵可用乃遣人齎花幣招撫尋陰
部所練兵夜斫其巢斬進邦首焚其穴兵勢漸振復
調荷勝嘗奪縣民女新寡有色者專寵之乃繫女父

本朝分省人物考 卷一百七 四十九 四川一

誰之以婚賊當死于是誘至其家勒兵擒還其女於
父公眉始懼請撫度眉不可鵬勦廉得其甥婿史媚
在陽朔為其耳目謀眉藉得先備以逞乃誘繫其甥
婿與之百金恣其出入令千戶朱臣授以秘計是日
東下梧州示遠出以弛其備令督治具山寺請眉
素善筮以筮凶不往月餘復令督申請公眉重違其
意厚甲重鎧率精騎來會潛伏精兵於徑公眉受擒
從賊四百餘人皆糜散徭徇股慄不敢近陽朔戊申
丁父艱歸檢發其行贖止兩木篋貯衣數襲俸銀莖
莖五銖而已張侍郎岳聞而嘆曰昔軒尚書覲為按

察使歸蒲僅二竹箱出門比聞外訃次日遂行識者謂爲純孝今何如周副使之行不停晡也庚辰補山東副使專驛傳屯田水利已改督宣大五鎮邊儲尋赴各鎮盤閱軍儲鉅而帑廩微而絲忽合勺綜覈如制參論總兵都指揮使以下侵隱諸罪邊鎮肅然復與智帥才臣素著勳名者咨以戰守攻御之宜堡微築設之備與練習慰帖賞罰信必操切之方酌裁於心退則識之於帙嘗誦劉絢募兵不如養兵擺邊不如合戰數語乃上疏言幾旬所病今在民兵北直素多武勇騎射之士操練本土不以爲勞調戍薊州不本朝分省人物考 卷一百七 五十一 四川一

以爲遠風土相宜音問相及恒有激烈求試之意山東歲調宣大其人粗悍猛厲不難就死河北義士忠勇素稱山西近邊之民身親戰鬪但選材有方未可槩取乃若南直隸者脫粟之飯不能下咽沙磧之場不能張目一馬裹裝重不至百斤一行蹊跚趨不能百里况望其摧鋒破敵鼓勇立功乎爲今之計無如畱北直隸民兵平居操練遇秋應援其山東河南山西者使相幫貼以俟後處一以蘇徭戶之困一以精武士之選至於南直隸者勢須槩罷但解支費以給

飽爲逸計莫便於此 上率用其言明年癸丑陞山西叅政駐節靈武是時俺答大發犯渾源將闖紫荆窺京師我師防禦甚急滿提兵覈餉夙不假寐旋議援應方略申飭將領濬修池隍日校武士部勒行陣擇其梟俊者閑之使兵將識情人精慣藝其有能墮圍陷陣引射命中寇至能騎戰牆立衝突弗動者爲材勇賞不移時否則撻戮隨之士益鼓勇思效七月虜犯紫荆督戰廣昌虜遜不敢度關冬虜又入寇督兵血戰獲級九十捷聞加賚白金十兩明年秋再犯麥川將士受餌總兵李涑馮叅將李遊擊皆死焉朝本朝分省人物考 卷一百七 五十一 四川一 李文

議洵洵後知餌將違分守計畫罰俸三月滿感 上恩蒐討羣策陳略輯兵志必死綏而頸虜酋爲報甲寅轉雲南按察使雲南習俗仍夷熨惟南理臨安近華土珍具充盈吏於其土者多懟遠惕居懷日暮塗窮之計類浮沉乾沒思滿橐而去至則置墨綬之貪婪者于法罷斥諸債帥庸弁之剝軍侵餉者憲度振肅關寄一切不行乙卯轉陝西右布政使攝篆事屬歲大侵冬地大震崩山頽陵民屋裂陷水泉飛湧水盡火出千里丘墟存者驚於訛言奔走蹂躪不逞之羣乘時稱亂府以下倉皇避匿單車徧視緝不逞魁

杰數人械之市須吏亂定已乃請於撫巡發帑儲廣賑恤捐俸資卹死喪嚴做巡邏弛徵役以軫時艱清繫囚以蘇淹獄修頽城敗庫藉工作以寓救荒停公宴雜會省繁費以助窮匱復選廉吏四出問遺關中父老災縣笑獨受賜安堵就業如常丙辰轉山西左布政使觀地否時艱弗獲展布又以在陝支變過勞成疾上疏乞休不允明年右副都御史巡撫汀虔四省提督軍務時岑岡賊李文彪賴清規等越境劫殺火人廬舍故遂下令團操專事閒練登場校藝選有心計者為帥演練各卒又且懸購賊首優待材官破

本朝分省人物考 卷一百七

五十一

四川 李文

格資予不局常條文彪等聞之懼而稍戢而大埔上杭賊首王子文梁能等亦以次勦平是時兩僉事函賊首或牽縲反接獻賊軍門滿乃緣虜寇兵與顛末研覈功罪浮實及有司將領勇怯效驗具疏以聞又見虔寇洩出無時兵壯素瘁耽乏技衛弁雖衆大半乳豎庸闇緩急難倚藩司又多員缺一人嘗攝守數道復疏請於所轄嶺北嶺東漳南嶺南四道並各專設分守一人以叅政或叅議任之請復如成化中例仍設叅將於會昌節轄四省蓋分守專設則期會可必緩急胥倚擬議叅將節轄則職有統紀儻臨巨測

則以有制之兵加之烏合之孽如舉匹雛爾部復所請各專設分守如議任未暮力疏病乞休而去去之日猶電電措設所奏協諸宜以貽來政為人忱恂足智愷悌朗爽特甚一聞涇野先生躬行之說專以四教三省為存主務日有可見之業為尊聞行知嘆世儒徒嘒嘒認識本來反洗洋而無益於歸宿也平生靡疾言厲顏忘人怨謬嘗言寧成居人上操下急如束薪此傲酷安能化人所至倡下吏以公廉相砥感以至誠遇有咨稟遣委霽色待之語次尋繹叅問輒轉以相誣證使各竭所蘊悉對未嘗折逆間有負之

本朝分省人物考 卷一百七

五十二

四川 楊樹

罰亦必行然終無叱咤相加其有賊不入身能懲前自淑者反為枚拭灑過故下吏咸思飭勵為報有急輒以聞素精敏吏事手所出奏疏卷移皆文理縝密不可得反然深以網絡詭虔文致人為惡歷滇粵秦晉吳楚宦跡幾週海寰然動嬰事變艱大嘗以身當利害屢立戰功議邊儲折色嘗賦新則與廟堂爭可否而卒從其議東魯靳學顏曰公不為抗激之履雄駿之辯卮言而裁羣議之端酌行而趨者則焉修古文詞惟冥契神理而生色乎自然之質不擬其英而芳不和其味而調蓋翩翩温恭君子哉所著有古文

詩賦奏議家譜二百餘卷爲楊升菴所選有文集有續集行世

齊準

齊準字平甫成都人賦性公直理學深潛事繼母待諸弟以孝友聞中嘉靖辛丑進士任戶部主事調停國計嘗委濟邊儲未幾三疏終養給困施貧族多不能婚喪者悉勉力代之其淡薄厭勢利長於文翰名重一時每以道義作人里族子弟造就居多鄉評首稱焉壽八十卒之日有見其峩冠博帶如雲擁而去者咸以爲登仙云

本朝分省人物考 卷一百一

五十四

四川一

何全

何全字原學成都人登嘉靖中進士自少以文學孝行稱歷官江西叅議有惠政時濱海倭患亟全以身任事追劇寇於南隩平倭夷於蘇常且奏減歲租以蘇民困民立生祠祀之以直介附言官忤權貴乃引歸養重絕跡公門士論益重之

周冕

周冕資縣人嘉靖進士任御史疏請虔祀太廟慎選銓曹俱蒙採納又請東官講學以端國本降雲南典史尋陞兵部郎中劾嚴嵩父子冒濫軍功力救楊繼

盛寬廷杖爲民 穆宗登極推太僕少卿以父憂歸卒于家

陰武卿

陰武卿字定夫號月溪內江人生而岐嶷七歲卽能爲文年十五補邑學弟子員嘉靖乙卯領四川解士額丙辰連第南宮成進士初授南戶部主事丁內艱復除刑部陞員外郎甲子陞陝西提學僉事丁卯江西右叅議分守九江戊辰轉本省副使尋督學廣西壬辰福建左叅政甲戌江西憲長丙子陝西右布政尋轉左兩推南贛保定巡撫皆不授繼推南京兆始

本朝分省人物考 卷一百七

五十五

四川一

授已卯典試事闈中轉太常卿壬午奉勅巡撫保定癸未以左副都佐內臺理院事轉兵部左侍郎尋右卽轉左乙酉陞南工部尚書丁亥改兵部奉勅叅贊留樞機務戊子夏偶一疾竟不起享年六十武卿由郎署至八座居官若干年事當爲未嘗不力于爲其或不當爲也亦未嘗輕于爲初爲郎刑部三尺法奉惟謹兩爲督學使者所至能得士分守九江鄱湖故盜藪賴壁畫一時江壩如淨練焉在廣西署臬篆則贊佐督撫殷公平徭獮在閩則與叅將俞大猷平倭亂于興化兩皆受 上賞繼總憲江右則黜貪墨抑

豪右貞度肅僚忌者不能中傷其歷左右轄以旬宣關陝也通民利而錢法大行屬歲稔又大著勞績于荒政因星變修省考求利弊十事一曰給戶由二曰定本折三曰謹收支四曰議儲蓄五曰清虛糧六曰覈屯課七曰清驛傳八曰備邊餉九曰辨賢否十曰嚴吏卒議上兩臺盡措之于行又能贊佐督撫董公殄除妖賊以白蓮教惑眾者太常卿奉 上耕籍田交天祀地謁陵享廟事事循典故行無失禮前後蒙賞賚有差撫保定則勦平劇盜行劫鉅鹿新河間者又以清丈田糧議處賑恤清理河道湮塞申飭三關

本朝分省人物考

卷一百七

五十六

四川一

井

墩堡處欽蒙叙錄賞賚甚多而權璫之藉沒嚴竅惡黨馮保等財產無敢一有寄匿者轉兵侍則督修慈寧宮兼督 壽宮工程又運籌途左有功滇南緬捷與有功而科臣兩閱保定邊竝亦奏其邊功蒙叙優賞為大司空于南也應詔敷陳八事織造則議減免拖欠則議蠲免物料則議暫免以至議寬造器物議查復稷薦議改折皮張乃若杉楠花梨等木議停解停取種種皆為國為民之言後因饋運糧儲而敷陳五事也一請關防以肅漕輓一查工匠以濟工作一覈底船以杜推諉一慎僉選以嚴責成一清船號以

便催僨此則有益于漕政者改兵部欲修舉寔政又敷奏凡六條一補丁壯以寔行伍一徵折色以買操馬一增火器以固營壘一優撫馭以重巡遊一嚴捕盜以翼都會一稽職守以肅官常此則有益于兵政者後因快船得所以處而欲議及于黃船也又遵明詔陳十事一曰分大小黃船之差二曰減太常官之差三曰減駕船之軍額四曰處原駕之正軍五日會計行糧之數六曰酌量應募之宜七日議接船之銀八曰議修理之費九曰派編應詔快船十日撥差應屬兵部此則又有益于船政者也竭盡心力知無不

本朝分省人物考

卷一百七

五十七

四川一

陳日升

為斬無負參贊專任以憂勞成疾卒贈太子少保卹典竝優厚

賀朝用

賀朝用字道亨行憲其別號也蜀之綿竹人幼穎異隨羣兒嬉戲時露奇質有古人取毬擊毳風稍長善詞說樂詠諧濶達不拘小節年十三從父來行伍偶督戎萬戶以法繩父乃負氣銜憤矢志業儒聞玉壘王太史之賢躡屣往從之遊太史奇之已而晉膠庠試輒先諸士七八棘闈無所遇乃循資克壬子貢四十餘矣卒業北雍暨守選凡一紀甲子歲謁選天曹

授景東衛幕人咸爲嗟惋怡然自得也蒞任甫三月
值土目鳳繼祖之變全滇騷動撫臺呂瀾滄兵憲楊
聞其精于數學爭招致帷幄待以殊禮凡天時地利
軍旅之事必諮訪而後行尅期執俘不爽錙銖尋令
督捕白崖盜盜盡得復督捕迷渡以數占之生擒巨
盜數十輩知不可悉誅諭以大義令其自新釋之去
於是萬經之賊聞風讐伏稱爲神明誓不犯境時與
本道朱約所公論事不合無所婉委怒叱之卽起拜
曰烈士雖窮壯心未已身可殺不可辱自此不復得
爲門下吏矣經行人省下乞休會右方伯陳公大叅
本朝分省人物考 卷一百七 五十八 四川一

公聞其賢挽留之已而試以事無不奇中二公深
器異之適宜良尹以辜去俾往署其篆發摘奸伏若
神江右人倪丙二商於宜良一日出不還同舍聞於
官密占其人已殺沉屍水中顧水浩漫屍無所取
乃禱於城隍令三日出屍至期行至水邊命善泅者
入水探之未獲通邑人列兩岸以觀俄風雷雨電大
作屍果浮出邑人大驚問商素所往來有楊連者其
故交也命取其家一童子訊之具云丙二久通連之
婢連知之不問是日丙二驟連出亟如楊氏值連尸
無可避連慚佯以棒戲敲之本無意殺之也適誤中

額死連懼事露乃三束篋繫以石寘水中非雷斷其
篋竟不得白其聽斷皆此類旣乃聞帽峨二尹之報
久之始得代赴帽峨時會平溪獠蠻構變臨安張兵
憲呈允兩臺擬添設督捕丞其地西通沅江南接交
趾自古蠻獠盤結之所欲擇官相度而難其人於是
委臨安二府金河西文尹帽峨張尹以其習知地利
且夷人素所畏服俾參護行事焉甫入境蠻落萬衆
瀾漫山谷呼噪而來諸委官皆驚走蠻不問獨共扶
昇朝用深入山藪中引寘高坐獠衆羅布岡厓惟酋
長俯伏座前聽指揮示以某地堪爲官舍令分工刻
本朝分省人物考 卷一百七 五十九 四川一

期刊木治土營屋一區繚以週垣其外開街道通諸
巢箐羣酋稽首奉命不三月而門堂解宇秩然嚴整
遂爲城市癸酉三月遷昆明尹巡撫鄒公尤愛重之
旣視事聽斷益神間里毫髮之奸無所隱人共以城
隍稱之鄉官鄧主政家蓄萬金初有一子聘顏府同
文後子亡主政繼殞鉅業無所屬妻賈潛以帑物輸
於顏將改適焉姪世彥訟之撫臺委官驗之沒於賈
賈賂模糊復命再委朝用往一一檢斷歸於姪是時巡
臺馬公稱爲卓異然性剛褊好直行已志不屑習時
套媵媼以希世好俯伏對應多不適上官意且以衛

幕拔起為令長而被撫臺寵重人多忌嫉之者亦目
分數窮屢以情告乞放歸終不可得每鬱鬱歎曰其
命也夫居無何鄒公被人言而新代巡郭公與撫臺
雅不相能嫉者乘間構之曰賀某恃寵傲物依勢受
賂請按之時篋衣束書行有日矣適報者止公毋行
新院且有後命入謂鄒孺人曰數不可逃也吾年踰
六十可入牢獄丐生耶又曰爾大數亦至奈何朝用
狹中負氣素以廉自喜一旦被污蟻憤不可忍遂自
引決鄒孺人哭曰夫死我義不獨生且夫先詔之矣
亦自決初蚤歲遇異人授以神術凡人事之通塞慘
本朝分省人物考 卷一百七 六十一 四川一

舒物理之羸細倍覆天道陰陽之愆伏調適咸預言
之尅以日時百不失一然深秘其術而一假於相以
為言故人以神相目之其將赴滇也別其署州事節
判溫君而栗溫請曰先生茲遠行何以教我則應之
曰祖公萬福但三日後州前有小變當流血溫君大
駭徐曰勿憂非州事也越三日番人節撈爭於州前
果刺刃焉幕景東時滇南大旱巡撫啓之相曰須董
太守至乃可言之陳公曰吾為一省主顧不如郡侯
耶對曰不然方今旱災惟雲南一府公之所轄廣矣
何可占公然之促太守至熟視之曰喜可賀矣本月

二十一日戌時雲當合有微雨三更雷大鳴黎明雨
如注非三寸不止至期言無一不酬公大奇之以書
薦於巡臺見嵩劉公劉公見之曰吾雅不好星相無
已姑視我子息乎察之曰子宮甚佳已有成名之慶
公曰無妄言曰九日後佳報且至名列賢書第幾何
敢妄對已而悉如其言其轉昆明也同筆硯陽宗令
文君嘉謨往賀之乃酌之卮酒而語之曰兄亦遷矣
何以無報文君不以為然引其臂出檐下諦觀之曰
遷則遷矣而不甚滿意其將有兔園之遊乎文君不
樂而去明日閱邸報不誣其術之神也大率如是
本朝分省人物考 卷一百七 李十一 四川一

陰秉衡
陰秉衡字振平內江人隱居潦園作文翰樓貯書千
卷手不停披口不輟吟平生著述惓惓於天理人欲
邪正異端之述嘗參酌朱子家禮為陰氏慎終錄及
婚禮節要鄉人呼之曰隱孟子

吳泰
吳泰井研人任湖廣監利知縣事祖母以孝聞母徐
氏目盲泰以舌舐之母目復明鄉人稱為孝子當道
旌獎其門

楊惟懷

楊惟懷新都人從父宦游扶母櫬歸至三峽夜遇羣賊衆皆逃匿惟懷獨守母棺賊疑其有財欲發之惟懷以身什柩賊殺之沉尸於水母柩得全

張時中

張時中金堂人父傑目盲旦夕躬授七箸夜必焚香額天如此者三年偶遇醫復明及患腹脹常同卧起遍求醫藥尋亦愈父常曰吾無報汝願汝子亦如是也藍冠至城弗可守棄其妻子負其父先逃累遇賊哀求得免居喪哀慟祥禪如初起復爲清平司訓

羅天祐

本朝分省人物考 卷一百七 六十一 四川一
羅天祐漢州人來遊長寧市若顛若狂善言人得失嘗隱語書鄉榜封以寄人撒棘無不驗俊人成都見司戶薛紱于座上而化

邵道人

邵道人者蜀人也至慶陽年六十餘矣道人不言凡所願指色授故莫究所自來然見之者卒知其異人也道人館於鐘樓街周家築土被衲無晝夜露坐郡中諸子弟少年爭來事道人道人凡所願指色授之諸子弟少年無不當道人意者道人喜看病病者家請往乃令病者張目又令其噓即可活道人則目諸

弟子諸弟子即置飯病者前道人出其袖中鐵尺飯上誦大悲呪已起尺摩病者曰瘥矣脫不活道人則趨而出病者家以死期請道人則出其指示日數如其指數然道人不取錢每歲自正月始活一人取其布尺裹衲裹完弗取也病者家脫有見飯飯道人以椀列諸案無問多少道人食之若加飯更以椀列之不食也若見具是草惡食道人即喜食之日更爲造美食道人則不食其見飯或雜葷物道人曰第擇去葷物終不欲更造也道人善飲水鄉野人聞之乎來請願觀道人飲水道人微笑領然之弟子前置水道人目弟子令鄉野人自置水亦以椀列諸案無問多少道人飲之若冬月水冰則聞道人齒間澆澆聲頃之肩踴面紅汗簌簌下若兩也居十餘年忽謂諸弟子曰吾將歸歟諸弟子曰先生福慶之人慶之人無敢慢先生者何遽言歸邪道人不應一日道人設几三層而坐其上諸弟子始悟其歸謂死也環守之夜有登几而伺其息者道人猶揮肱墜焉夜半霹靂隱隱起屋脊若戈士思馬戰鬪之聲諸弟子震懾伏地天明起視則道人死矣

補遺

楊訓文

楊訓文四川茂州人故元淮海書院山長遇亂不出
乙巳年王師下楊州以儒士見留侍左右五月拜起
居注尋遷中書省左司郎中洪武元年陞太常寺卿
二年出知湖州三年移知汀州四年陞禮部尚書協
陶凱理部事是歲肇舉進士命禮部尚書陶凱與前
侍講學士潘廷堅為會試主司至廷試又命訓文協
陶凱提調得進士吳伯宗一百二十人號稱得人本
年改戶部尚書

胡亨

本朝分省人物考 卷二百七 六十四 四川
胡亨字伯泰四川井研縣人洪武二十六年貢士除
山東道御史靖難後丁憂復除北直隸 欽賜御製
圖書清風御史箴丁憂復除雲南道陞陝西僉事致
仕

梁萬鍾

梁萬鍾字天錫四川溫江縣人成化戊戌進士知仁
和縣與利舉廢崇教厚俗斷獄明慎冤滯者多所平
反子惠之聲浹于里巷邑人肖像祀之三原王公重
其不造謁擢知杭州浚西湖以潞水使旱澇有備新
岳武穆王祠政尚寬簡陞兩浙鹽運使未逾年乞休

逆瑾特據細事代民償逋負二千金盡鬻已產輸宦
恬不介意年九十康強無恙課子孫相繼登科人謂
循良之報

劉士元

劉士元字伯儒四川彭縣人正德六年進士除御史
建言廷杖降麟山驛丞嘉靖四年起湖州府知府累
陞副都御史巡撫貴州疏請致仕

王之臣

王之臣字敬充四川內江縣人前福建道御史王
言子嘉靖十四年進士由行人選廣西道御史疏論

本朝分省人物考 卷二百七 六十五 四川

夏貴溪調行人司正陞戶部郎中累陞福建左叅議

李鳳毛

李鳳毛字于翔四川彭縣人嘉靖二十九年進士由
大明府推官選浙江道御史巡按宣大以邊功陞光
祿少卿調南太僕致仕



人物考卷之一百八目錄

四川保寧府

蔣良輔

趙欽

韓義

何瀟

任彬

劉孔凱

李冕

唐仁

鮮弘

李實

任儀

雷應通

袁璋

附子襲

楊輔政

苟惠

苟溥

本朝分省人物考

卷一百八目錄

何光裕

趙炳然

王尊賢

順慶府

范循

王鉞

張永清

馮牧

楊純

魏必通

馬廷用

李陽春

江萬實

石天柱

孫仲玉

韓士英

馮馴

王翰臣



張芊

陳以勤

楊麗

王嗣文

李應和

陳于陞

向信

譙孟龍

王佩

補遺

王袞

王用禎

王德完

叙州府

郭廉

梁承宗

本朝分省人物考

卷一百八目錄

李從智

牟倫

黃仕儁

李永通

周洪謨

李本

吳道宏

侯旺

劉忠

周汝端

陳卿

楊僕

侯啓忠

李仕清

劉景宇

周惠

甘爲霖

駱頤

卞偉

蘇奎章

補遺

李人儀

劉信

重慶府

蹇義

劉元

康徤

胡子昭

胡子義

伍善

蹇英

李實

江朝宗

劉岌

蔣雲漢

費廣

王愛義

劉春

附李典

本朝分省人物考

卷一百八目錄

三

朱光正

鄒智

楊孟瑛

陳瑞

劉福

詹奎

曹勅

姚學禮

戴錦

劉蒞

胡守約

王俊民

劉鶴年

張縉

熊萬變

任轍

劉啓宗

張佳胤

江淵

王應元

聶賢

李允

白勉

沈運

補遺

尹鉉

曾嶼

李恭懿

凌伯曾

本朝分省人物考

卷一百八目錄

四

本朝京省人物考卷之一百八

四川保寧府 順慶府 叙州府 重慶府

蔣良輔

蔣良輔保寧府閬中人洪武三十三年任本府儒學教授學規嚴整課試有方勤於教迪造就生徒居多知府虞謙重之薦于朝陞給事中擢吉安知府

趙欽

趙欽洪武舉人任宿遷教諭考滿之京太祖欲授重秩對曰臣有過不應取生員米三升以待急客上笑曰孔子所謂束修非止此也因歎曰取米急客權

本朝分省人物考卷之二百八

四川二

也為臣不欺君忠也命吏部就祿侍養除新都學諭造士有聲欽世家廣元

韓義

韓義南部人貢士博學善詩時有行人巡茶至縣以權稅為民害義上書言本地無茶行人強權殃民縣官被其拘留不得上請帝嘉其能言除南甸令

何瀟

何瀟巴州人州學自洪武乏科百餘年瀟以儒士登孫賢榜後科第相續茲仕龍泉政教大敷肇修隄防為一方保障憂歸補贛榆縣值歲荒多方賑濟全活

尤眾

任彬

任彬蒼溪人景泰間由舉人授雲南石屏守俗雜夷漢立社學改州學選質美生員授以經義親督課業次年舉鄉試一人時有長官司吏日高秉權被頭目刁諒毒死彬檢勘刁諒潛送黃白金七百兩拒絕不受明正諒罪人服其廉

劉孔凱

劉孔凱閬中人由進士授太平令正風俗興學校有馴虎甘露之祥陞戶部郎中辭疾家居講學不輟著

本朝分省人物考卷之二百八

二

四川二

李冕

李冕普城人天順間進士成化中歷湖廣僉事征勦辰靖叛夷擒獲水寇有功陞福建副使持憲有聲尋陞陝西按察使嘗與周瑛講明聖賢之學學者稱崇岡先生有崇岡集

唐仁

唐仁字秉元號鳳山保寧南部人自少篤問學治春秋繼以詩薦秀鄉闈累奇於會試天順甲申始成進士觀政大理詳練律學正統初勅吏部遴選諸進士

之超卓者補官六科拜兵科給事中頃之丁內外艱服闋調官吏科以都給事中缺命掌科事尋遷左給事中每歲吏部選官仁預其事量才授官無不允當直登聞鼓有赴訴者得報遂發行無或少滯法司會諸大臣錄囚仁在列凡有疑獄必力爭不已代王奏守將徐都督不法 上命按其事悉得其情元惡首服餘寃皆釋 朝廷以邊將郡守不可輕授召廷臣各舉所知仁以指揮劉良知縣馬琛舉卒皆稱任立朝幾十載凡時政缺失靡不盡言扶正抑邪無所畏避

本朝分省人物考 卷一百八

主

四川 陶文

鮮弘

鮮弘閬中人任醫學正科天順間寇掠南部逼閬境府檄弘率民兵禦之道遇賊奮擊死事聞俾孫義世襲其官

李實

李實巴州人弘治進士授翰林檢討陞岐府長史動有禮法守正不阿有中官欲侵旁郡葺稅實執不可遂誣之下獄事白中官反坐改趙府以三品致仕

任儀

任儀閬中人進士選吉士授御史適權貴以內命建

佛會于興隆寺一御史乘馬過寺門為宦者所辱儀上疏劾之坐是外補歷選山西右叅政忤逆瑾再謫西安府同知

雷應通

雷應通嘉川人正德間流賊衝百丈關知縣何溥提兵拒敵應通父子七人踴躍倡眾誓以死戰為賊所執各慷慨就死

袁璋

袁璋南江人正德間盜賊倡亂都御史林俊委令殺賊璋奮不顧身所向有功其後兵盡矢竭為賊所獲

本朝分省人物考 卷一百八

四

四川

楊輔政

男袁襲挺身救父連殺七賊被擒襲死三日兩目猶睜視其父林公為詩挽之榜其門曰父子忠節總制彭澤嘉其節義勒石城隍廟祀於忠義祠

楊輔政通江南山巨族正德間督率兵眾追鄂藍賊于羅江列坪鎮賊屢戰屢却輔政乘勝逐北孤軍遠入援兵不前力戰皆沒都御史林俊聞于朝立忠烈坊以旌之

苟惠

苟惠通江人剛烈有膽略藍賊起惠率眾合羅猶軍

為犄角以擊之賊破遂龍潭惠從間道衝殺賊溺死
水中水為之不流復與戰于松樹極殺傷甚眾會日
暮賊伏兵出惠力屈而死

苟溥

苟溥通江人惠族弟齊力過人藍鄙陷城縱火煙焰
蔽天溥帥銳卒五百人合兵進擊賊敗于三花頂兵
聲大震尋敗賊于龍潭屍骸枕藉山谷後數百賊潛
入溥家溥短兵接戰于門身被數十鎗父子兄弟同
時遇害者三十五人

何光裕

何光裕嘉靖進士由翰林諫用仇鸞廷杖卒 世宗
遺詔贈太常寺卿所著有石亭初集傳于世

趙炳然

趙炳然字子晦四川劍州人嘉靖乙未進士拜監察
御史按浙江正大惇篤風裁屹然核吏治糾官邪察
民隱部內不嚴而肅歲壬戌浙撫臺以事逮詔獄炳
然以兵部侍郎復來撫浙前撫院有攘寇功用日益
奢頗以此失士民心炳然既受代身持節儉以綏靖
民去諸浮淫蠹政者汰冗食定兵制減額餉立哨道
造喇唬兵船建羅木營先是浙兵未練調集客兵以

本朝分省人物考

卷一百八

五

四川

勦賊立功素已驕恣又不立營舍以安戢之往往寄
寓僧寺或散處民間出入無程去為奸盜甚則白晝
攫金暴橫無已炳然深知其害乃建營分處各兵禁
其出入有犯禁者即按誅如律兵乃戢浙人感其德
貌像營中祀之炳然立身居官以誠為本天下識不
識皆知為正人端士云仕終兵部尚書贈太子太保
謚恭襄賜祭葬如制

王尊賢


王尊賢閬中人性剛介博學能文嘉靖間貢至太學
時 上好方士多災異人莫敢言賢撰聖學要義中
和衍義上之及諫立 東宮忤權臣下獄已而 上
閱其書奇之謂輔臣曰布衣敢言當世事忠臣也釋
其獄授程番推官有異政致仕歸貧落如韋布時著
史學辯疑紫霄文集

本朝分省人物考

卷一百八

六

四川



順慶府

范循

范循南充人永樂初進士授御史陞青州僉事耿介質朴克持憲紀有古人風

王鉞

王鉞營山人永樂中以易中式隱居翠屏山不仕號竹壑老人言動不苟侍御方昇贈以詩曾向蟾宮折桂花歸來林下度年華于今兩鬢俱成雪萬竹森森暮景賒

張永清

本朝分省人物考 卷一百八

七

四川二張子五

張永清南充人景泰中進士選翰林庶吉士授禮部主事擢知嚴州府為政嚴明歲饑不待報請減稅額關沙渚沒豪右田以給貧民御史上其狀璽書褒美

馮牧

馮牧南充人景泰中進士任戶部主事擢知延安府改邵武寬賦役雪冤疑建陽賊嘯聚直抵巢穴擒斬賊首民賴以安陞湖廣叅政以親喪去任廬墓哀毀養疾不出士論高之

楊純

楊純隣水人成化中進士任監察御史巡按貴州決

斷如流任滿百姓乞留一年 上許之民謠曰隣水楊但願年年巡貴陽貪污畏法軍民安康陞陝西副使去之日黎獠遮道攀留

魏必通

魏必通儀隴人成化中父成醫學訓科賊犯境成率兵禦之被虜必通入賊營以身代父賊乃釋成而留必通抗言不屈被殺邑人皆恤其孝

馬廷用

馬廷用字良佐西充縣人丘濬為祭酒時季試諸生以廷用魁太學名遂大振中成化戊戌進士改翰林

本朝分省人物考 卷一百八

八

四川二

院庶吉士授編修丁未同考會試陞侍讀充經筵官乙卯主考順天鄉試預修 大明會典陞南京翰林院侍讀學士南禮部右侍郎致仕尋卒賜祭葬如例贈南京禮部尚書廷用敦朴樂易而所存鯁介臨事能斷在南京嘗攝戶部會江北大饑流民渡江就食者相屬獨持議發廩不俟奏請全活甚眾外守備官與太常議禮不合判數語立決學邃于易喜為詩文亦華瞻父居散地勇於求退士論多之子金為布政使僉為知府

李陽春

李陽春渠縣人弘治中進士任行人奉使名藩餽遺一無所受居諫議彈劾不避權要以太常少卿致仕歸恂恂如書生狀鄉人敬服

江萬實

江萬實大竹人正德初進士任監察御史巡按江西抗疏言事動關國體時討寧庶人及平華林巨寇咸與有功時稱名御史

石天柱

石天柱岳池人正德戊辰進士歷都給事中立朝敢言之亥武宗北巡力請回鑾戊寅駕南欲幸宣

本朝分省人物考

卷一百八

九

四川二楊林

府天柱刺血書疏以進遂止兵部尚書彭澤被誣當刑天柱陳澤征伐功忤旨外調世宗御極詔復前職尋陞大理寺丞卒于官所著有秀峰集及奏稿

孫仲玉

孫仲玉南充邑民正德癸酉流賊侵縣仲玉與眾守李灘為賊所獲令探水仲玉示不可渡且呼眾固守之賊不得渡斬仲玉遂去總制彭公大書忠義以表之御史周雍曰使當時眾惜仲玉仲玉惜其身害未可知也是蓋聞紀將軍之風而興起者乎

韓士英

韓士英南充人正德進士授主事權稅江西時宸濠不軌士英持正不與通及守約陽弭盜賑饑屢有異政歷都御史巡撫鳳陽晉大司徒改司馬滌蠹減租選將練兵卓然有聲于時

馮馴

馮馴岳池人正德中進士授戶部主事會乾清宮災疏弭變七事言甚懇切出守興化除二虎三彪政治肅然謠曰馮太守來何遲書吏瘠百姓肥銓部考最榜天下第一官至江西布政使

王翰臣

本朝分省人物考

卷一百八

十

四川二楊

王翰臣渠人正德間進士居父喪一遵朱子家禮監司賻以金辭不受妻李氏卒終身不娶事繼母以孝聞授主事歷鹽運同知力祛宿弊官民便之卒於官囊無餘物人服其廉介

張芊

張芊正德中進士為郎中權稅浙江以廉名擢漢中知府持法公平不逐時好所至有遺愛芊順慶人

陳以勤

陳以勤字逸甫號松谷一號青居山人其先世自閬中來居南充之水西里母姪時夢有星如月光燭庭

階俄有神降授以研籍而生幼穎異不好弄伯父器之曰吾陳三世為儒鬱而未鬯其在孺子乎益發憤與季父相師友銳志經術年十八為郡博士弟子才名籍甚丁酉領鄉薦辛丑第進士選庶吉士癸卯授翰林院檢討乙巳代制草充會典纂修官丁未分校禮闈尋請告侍父歸己酉居母喪壬子服除是秋充裕邸講讀官丙辰遷修撰戊午進司經局洗馬兼翰林侍講初 兩邸並建而位號未定羣小窺隙構釁動搖百端密勸 穆皇變變藩邸規左右戒屬垣多方調護之一日分宜子屏人語曰稍聞 殿下有感

本朝分省人物考

卷一百八

十一

四川二

志謂家大人何新鄭故為諛語勤正色曰安得此言夫國本固默定久矣乃生而命名從元從土若曰首出九域君意也故事諸王講讀並用檢討今間一編修獨異他邸以示崇重相意也 殿下每講尊公社稷臣安得此言分宜乃安侍 裕邸九年 穆皇嘗手書忠貞二大字及啓發勤學四字賜之庚申聞父喪賜祭賻及綵幣路資衣絮服除仍代制草甲子遷侍讀學士掌院事總校永樂大典亡何遷太常寺卿領國子祭酒事乙丑擢禮部右侍郎尋改左明年改吏部左侍郎兼翰林院學士教庶吉士 穆皇登極

召見賜賚有加是時天下想望太平而勤以舊臣首上謹始十事定志保位畏天法祖愛民崇儉攬權用人接下聽言比于姚崇要說云丁卯遂 詔以宗伯直文淵閣參機務總裁 世廟實錄同知經筵事會大典成加太子太保直武英殿尋以大慶加少傅兼太子太傅戊辰 神宗五齡正位東宮出遇輔臣于馳道勞苦之勤仰見 睿姿退而額手曰宗社萬年慶也時華亭徐公當國而新鄭用事兩家門客乘其隙交章相攻朝士或左右袒勤獨中立無所附竟二公去私議不及之嘗自言 朝廷置輔設參本為協

本朝分省人物考

卷一百八

十一

四川二

心體國安事羯羗乃或專懷不受言或引嫌不盡言皆非也故在政府若金石相宣墳篋共和及當大事果決不疑正色昌言不為首鼠兩端又言執政者虛心潔已奉一人威福聽百司公議絜綱維蠲煩苛進忠賢抑躁競慎守 祖宗憲令罷一切紛更恬然而天下理矣自古賢豪功名蓋天下而無功名之心心喜功名天下始多事勤相業雖未竟而其梗槩則定于數語矣隆慶初法令畫一海宇救寧又以時政尚恭默希所裁決而近侍多緣內降得橫恩於是疏言勵精修政四事甚切至上心寤已有 詔令司禮

監設文書案視 先朝後竟罷之疏亦留中論者惜焉庚午以從一品滿蒙羊酒鈔錠之賜廕一子中書舍人而是時新鄭內江外相引重而中矛盾江陵因構其間于是堅有歸志然猶上疏陳慎擢用酌久任處臧吏廣用人練民兵重農穀六事其秋遂乞骸骨上慰留甚溫疏四上始得請加太子太師吏部尚書致仕 賜璽書嘉獎給驛歸遣行人護行有司給廩役 陛辭之日 上目送之而諸縉紳祖道者車馬填溢瞻望咨嗟立朝三十年歷館局卿貳以及宣麻一務直已守義奉公履正上結 明主而下爲物情本朝分省人物考 卷一百八 十三 四川 俞五

名乎曰夫無實而外自標幟者電光蜺采耳若實也日月星辰麗天自古所爲垂簡編勒鼎彝皆是物也奈何弗好爲文初宗馬遷後頗尚曾子固既參大政不復修詞人業獨手錄古今名臣批患扶傾解紛應變之蹟口誦心惟設身其地而懸車以後乃喜佛書時與高僧遊葛巾羽髻婆娑小園中更不問戶外事至聞端人者碩進用色動眉端有不當未嘗不頓蹙也庚辰七十 上出尚方綺幣寶鏤命子于陛歸賜且令兩臺使者存問海內艷之平生少疾歲鯢齒耳豪寸許面有嬰孺色偶以暑月滯下遂不起往數夢本朝分省人物考 卷二百八 十四 四川 二

所歸有問以應事者曰行其初心得失勿問以是想見其平生矣貌古氣清與人交表裏洞徹不設町畦而其中有介然不可溷者議論慎重不破的不發生平獨好古法書名繪彝器至其奉身粗糲之食澣濯之衣泊如也其學以倫紀爲大宗操修爲實地謂古人盛德大業自勤小物慎一介始故居恒不輕取予卽燕褻衣冠危坐見世儒聚談性命掩耳不願聽曰儒者于學譬食飲裘葛耳獨行不愧影獨寢不愧衾獨居不愧屋漏安事多言人有迂而笑之者曰作法于迂其弊猶通作法于通流汚何極或又謂此不近

合云 楊麗 楊麗南充人嘉靖中進士授戶部主事歷守楚雄府有惠政民立生祠以祀歸與諸弟怡怡一堂分財讓產人稱質行君子

王嗣文 王嗣文大竹人由歲貢仕至山東副使時齊藩事多不法嗣文抗直不阿力爲裁抑後皆畏憚無敢干紀

者

李應和

李應和大竹人由進士任給事中遷叅議廉介自守以德化民有侵官地若干畝者有司漁獵其利置不問應和清出還官計畝徵稅官民兩便人立碑頌德

陳于陞

陳于陞字元忠別號玉壘世為順慶府南充縣人太傅以勤子也太傅為檢討時生于京邸生時室中夢有仙音導從自天擁一人下已而生太傅異之生而穎慧讀書如夙習太傅不甚督篤志下惟有所綜緝

本朝分省人物考

卷一百八

十五

四川二

結譔輒如太傅旨太傅益喜曰是真類我辛酉年十七舉鄉試第四人戊辰舉禮部第三人對策高等尋改翰林院庶吉士時同館皆一時之選而太傅方爰立出從諸彥歸奉庭訓博綜考鏡銳意於文閣試每冠太傅常避不閱卷徐文貞笑謂太傅曰我安知為公子眾實有目公何不學祁大夫庚午授編修尋充實錄纂修官時太傅意有所不可輒上書乞骸骨固請扶侍同還蜀中父子晝繻世侈為盛事壬申秋復如京師會 穆宗實錄成陞修撰旋以太夫人憂歸丁丑以 世宗實錄成陞俸一級服闋以原官充口

講已卯以講幄叙勞再晉俸一級庚辰太傅公年七十矣上疏乞歸省特 詔有司存問賜于陞鏹幣乘傳歸省故事大臣里居滿八袞始存問而太傅以七十得之稱異數云太傅歸集里中者舊如任太史瀚王恭節十餘輩為高年會陞從太傅身行酒炙必極歡乃罷太傅雅愛嘉陵黛玉山構樓游焉乃集唐詩詠江樓者命童子歌以佐觴凡可娛太傅者無不先意承之類如此癸未仍補日講兼起居注甲申擢司經局洗馬乙酉主順天鄉試晉侍講學士丙戌秋太傅訃至京哀毀骨立 上仍賜鏹幣給驛所以贈卹

本朝分省人物考

卷一百八

十六

四川三

太傅有加已丑 上召陞仍為日講官俄遷詹事府詹事掌翰林院事庚寅上疏請立 東宮辛卯擢禮部右侍郎掌詹事府壬辰主考會試尋改吏部右侍郎未幾轉左以原官教習庶吉士癸巳以三品滿考上賜鈔錠羊酒廕一子入冑監復同諸臣固請 冊立 皇儲出閣與有力焉已又疏請 上勤朝講按臣工如往歲不報是秋擢禮部尚書兼翰林院學士仍掌詹事府少從太傅習國家故實入詞林後更留意通今之學國史家乘無不折衷而討其至謂實錄寶訓秘在金匱而會典職掌又流而不屬野史諸家

更批而不與苟不及此時修正史何以昭一代之盛
乃上疏請做宋正史例開局纂修 詔允行甲午春
感疾乞歸 上慰留不許是年秋 詔簡閣臣 命
以原官兼東閣大學士入閣參機務感 上拔擢首
上六事一曰接見大臣二曰採人才三曰勸獎外吏
四曰清查邊餉五曰儲養將才六曰選擇邊吏大意
謂今 至尊端拱忠良沉滯吏治惰窳國儲匱乏邊
隅多警武備未修失今不為更始後將何極以 肅
皇帝之精明而末年貪黷成風夷戎交侵則倦勤之
故請亟修朝講召對之典以振綱紀決壅蔽召還斥
本朝分省人物考 卷一百八 十七 四川二 朱秀

省幾空獨上疏曲為諸臣營救若謂諸臣建白各有
主者又或遠在留都或奉使外省平時往往抗直不
避桀而逐之是言亦罪不言亦罪天下且謂 陛下
陰惡其言而名以不言斥之臣等亦何以自解言極
委婉意 上或稍解竟寢不行然中外翕然誦之未
幾 兩宮災同諸大臣直叩內殿問慰覲得面陳不
獲已上疏引咎自陳乞罷不許冬至有事南郊感寒
疾竟不起 上聞震悼命宗伯論祭賜賚加渥又諭
皇長子故閣臣于陛有講幄勞特致優賜尤曠典也
贈太保謚文憲生平端凝雅重外和內介被容接者
本朝分省人物考 卷一百八 十八 四川二 朱秀

謫諸臣而後以賞罰隨其後人情重內輕外今後行
取宜及州守太守治行高者即入為列卿巡撫宜參
用內外果賢則久任之歲入有限邊餉日增宜簡主
餉曹郎重其權使覆虛冒將帥國之爪牙平時宜令
公卿大夫各舉所知武舉外別立一途以收異才邊
吏宜擇人與地宜者銓註令習熟邊事以需邊道開
府之用縷縷幾萬言皆其素所籌畫而稿積者也
上皆嘉納允行乙未二月以西塞功進太子少保已
滿二品考晉太子太保賜賚加優仍廕一子入監讀
書是冬言官同時被 旨落籍者二十餘人南北臺

如坐春風而砥礪操持凜然不可奪自史局以至政
府謝絕餽遺門庭如水性澹素雖生富貴衣不御鮮
華飾不享兼味一切濃艷嗜好泊然無涉惟好哀聚
古今墳典閉戶伏讀為詩文冠冕宏麗居然盛世之
音嘗著文樂軒記以見志而所注心者尤在經世之
學考究往代典制朝家令甲與夫名臣碩輔所規條
厝注者故首創正史之議先勒諸大志欲使六曹九
域之故披卷可得上備九重乙夜之覽下令當事者
有所據以應猝意頗深遠一參大政即毅然以擔當
國事為已任其矢謨効悃功在 廟社者良多通籍

二十餘年與修寶錄者二總裁正史者一入侍日講者三分校禮閣者一典主文衡者二 主上養之以為舟楫鹽梅而海內仰之如清鏞大呂沒之日無賢不肖皆嘆息其賢始終完結毫無點垢可謂得全全昌者矣所著有萬卷樓集若干卷藏于家

向信

向信字秉誠四川岳池縣人少而穎異既長就學聲名燁燁出流輩上庚午舉鄉試辛未登進士選河南府推官法比吏事如素練然僚屬羨服之尤留心民務蒿縣有永通渠久涸不潤力為濬之靈寶縣有沙

本朝分省人物考 卷一百八

十九

四川二 范王

灘地若干頃為請蠲其租陝州臨黃河溢徙別道其淖淤地善肥饒謂之退灘田地固無主名民爭訟之積歲不決令取為軍民牧馬場至今便之劇賊劉六之亂分守新安縣城督令丞修戰具揚先聲明號令羣寇惴於西犯城得以完收被虜婦女以百數令遣寧家獲棄遺畜產亦數百總制彭幸菴上其功有銀牌綵幣之賜甫滿初命薦劾七八上徵人為浙江道監察御史未幾以母喪去位嘉靖改元服闋北上值新政初陳講學用賢六事詔嘉答之其他論列極多信幹宇軒昂揚休山立未別色入朝人望而知為向

御史也與人交有信義而和氣欵言無少長愛之居閒好讀書為詩文有古意又善射儀臺中的巧噴四座飲酒不多而懽洽竟席環居種竹因自號竹溪綽有晉人風味焉

譙孟龍

譙孟龍南充人進士歷官叅政先知南昌府廉潔方正時稱循良居鄉孝友閭里感化

王佩

王佩南充人由進士性剛毅不隨時俯仰歷湖廣副使獨持風裁不畏強禦及解歸飭名勵行鄉評推重

本朝分省人物考 卷一百八

二十

四川二 范王

補遺

王袞

王袞字廷瞻四川廣安州人嘉靖二年進士由行人選湖廣道御史十年督理屯馬巡按湖廣以議大禮廷杖復職十五年陞河南副使疏請致仕

王用禎

王用禎字子周四川南充縣人嘉靖三十八年進士由東陽知縣選廣西道御史巡按廣東隆慶元年建言降斬州判官陞承天府推官累陞惠州府知府疏請致仕

王德完

王德完號希泉四川廣安州人萬曆丙戌進士改翰林院庶吉士戊子授兵科給事壬辰陞禮科左本年陞戶科都甲午養病庚子補工科都建言為民條議宮闈之事痛快激切落職里居二十年杜門養高唐申起太常寺少卿陞左僉都又陞戶部侍郎未幾而卒

叙州府

郭廉

郭廉富順人永樂初進士歷尚書疏諫北征詞甚剴切直聲聞于中外後歸鄉里有中貴至邑誅求太甚廉束帶見之既退中貴曰郭公在此遂去

梁承宗

梁承宗宜賓人永樂進士歷山東道監察御史秉公執法風裁凜然親老乞歸養詔許之

李從智

李從智宜賓人永樂中進士任大理寺評事獄無冤陞知蘇州府廉能著聲睦鄉黨置義田以贍宗族之貧者謝病歸屢徵不起

牟倫

牟倫宜賓人永樂中進士任監察御史直言抗疏百折不回叙南衛軍每苦遠調奏免之立鄉社以作養後學郡人咸敬慕焉

黃仕儁

黃仕儁字庭臣世為富順人自幼穎敏絕人書一再讀即成誦甫弱冠於五經四書諸史悉通大義入邑庠為弟子員一時流輩皆師事之宣德戊午領四川

鄉薦第一壬戌登進士以儀觀文學選兵科右給事中
 中僑在言路知無不言然小心謹恪凡所論奏必委
 曲開諭以俟 上裁未嘗以言事得罪三載秩滿復
 膺 勅命陞本科左給事中久之陞太僕寺左少卿
 先是馬多耗每歲民鬻子女以償仕僑往鳳陽等府
 巡視孳生馬匹見軍民以車載小口賣以買馬者相
 繼於道歸即疏其可矜之狀 上為盡蠲所負時北
 虜寇邊 上命偕左都御史王翔經制其事王方以
 風節望天下同列鮮當意者仕僑出謀發慮出人意
 表王深器之遂相與歡洽如平生還朝言天下大利
 本朝分省人物考 卷一百八 王 四川二
 昔前後章奏凡數十上多見采納丁丑 英宗正位
 簡賢圖治進刑部右侍郎治獄平恕務得其情民有
 奸其女者誣以強獄成法當死疑之請再鞫不一其
 語具得誣狀會山東凶奉 勅賑濟得以便宜行事
 處置有方全活甚眾一旦坐累貶廣西叅議逾三載
 念母老遂以疾力辭 詔許之乃歸成都買田宅居
 已而與僑同坐累者相繼登用故舊怨憊起弗從日
 稱觴賦詩以為樂于于如也天性至孝太淑人春秋
 高不能行愛遊院落園圃間親扶或自負不以委人
 及卒時年已七十禮七十不行喪而哀毀踰制每念

不及事其先君子終為恨歲時感泣為人溫恭樂易
 不為崖岸峭絕之行接人無賢愚貴賤皆有恩禮而
 待親戚尤篤其自奉儉約雖貴食不兼味一裘十數
 年不易至於周人之急則無少吝貧不能殮者為買
 棺居成都時隣婦有亾首飾者其舅姑責之切欲自
 盡密為置補成化甲午卒所著有詩文二十卷藏於
 家素工草書筆力遒勁有鍾王家法鄉人得之者重
 如珍璧

李永通

李永通長寧人正統中登王夔榜進士官至侍讀學

士經筵進講多啓沃文章羽翼六經治陳氏三禮著

為書傳輔導 憲宗勲勞益懋

周洪謨字堯弼叙州府長寧縣人正統甲子領鄉試

周洪謨

第一明年復占一甲進士第二授翰林院編修建言

復提學憲臣以振作人才景泰壬申陞左春坊左贊

善仍兼編修丙子修寰宇志成陞侍講天順戊寅改

侍讀署南京翰林院事甲申 憲宗即位召修 英

宗實錄進侍讀學士洪謨以文為業然有志政務多

所建白在翰林即勸 上勤經筵以講聖學謹內治

及卒時年已七十禮七十不行喪而哀毀踰制每念

以敦政本復條陳十二事以進及蜀寇作與長寧隣境稔知其出沒設禦備之術甚悉遂見擒而地方晏然丁亥陞南京國子監祭酒上疏言會饌乃高皇帝成憲歷年遵行以致學規嚴肅生徒勤謹自景泰中因無柴薪暫且停止其後因循廢弛至今未復訪得南京抽分廠積有柴薪宜令議復詔下南京禮工二部計議洪謨又言監生丁憂多有詐冒預令申達咨呈著爲令監生患病一年之外不復監者放爲民又令監生畢姻者有司先聞于部以待回娶皆如洪謨所言冬十一月又奏言每年差監生六人解毛襖淹滯虛曠以致年久不得出身乞免差爲便從之六年七月又奏言本監紅板倉二十座係孝慈高皇后積糧惠養諸生妻室乞爲修理庶表著高皇后良法美意於億萬年也詔從之自后建倉房易蘆席覆以瓦七年改北監祭酒尋丁憂十一年補原職整飭規矩表率生徒且言修祀事廣倉儲禁酷刑減正稅攘虜撫夷六事上悉嘉納之又奏准申明洪武二十年學規二十八條備榜戒諭十二年七月奏請加孔子封號且謂古者鳴球琴瑟堂上之樂笙鏞祝敔堂下之樂而干羽舞兩階今舞羽居上而樂

本朝分省人物考

卷一百八

十四

四川二

器居下非古制也宜令典樂者改正上乃降制曰尊崇孔子朝廷盛典籩豆佾舞俱如洪謨所奏增之十四年擢禮部右侍郎尋轉左進本部尚書有言書載璿璣玉衡祭傳不得其制乞改造以備占候旣成有羊酒寶鈔之賜後烏思藏等處入貢其貢使數踰舊制一歲中有至三四千人者賞賜糜費不可勝計自長河西諸番皆冒以圖利上言此特無印符無驗耳宜照依海外諸番例各給與符二十道入貢備填貢使物數於上仍識以舊賜金印至關驗以防詐偽詔從謨議其費始省丁未進太子少保時月當食不食或以爲宜賀洪謨謂此陰盛之象其可賀耶遂止嘗奉命祭天壽山神見役夫運載相繼於道知有所營建歸言月令云盛夏不可興土功又曰舉大事則有殃今歲大旱未必不由於此且時方炎蒸人易疾疫宜暫休息之不報及孝宗卽位之元年以老致仕旣歸老蜀中惓惓不忘朝廷忠勤之心至於終身乃已三年以疾卒年七十二謚文安平生尤善著述凡經史稍有疑輒訂正之其爲文簡直不爲奇險語而理致明白粲然可愛所著有疑辯錄三卷與朱熹相矛盾辨春秋所書正月據戴良以爲建

本朝分省人物考

卷一百八

十五

四川二

寅實非建子好奇者喜之有南臯子集二十卷箚齋集五十卷又手製璿璣玉衡圖以木代之規制工巧識者服其精

李本

李本字立之富順縣人正統戊辰進士改翰林院庶吉士歷官檢討編修侍讀預修一統志 英廟實錄久之陞南京太常寺少卿禮部侍郎遂陞尚書成化二十一年九月辛丑卒賜祭葬如例本性質直不為詭異之行然慷慨尚義聞有義舉則欣然倡率為之其文章平實類其為人平生不拘小節至大閑則不

本朝分省人物考

卷一百八

李本

四川

失云

吳道宏

吳道宏字文博宜賓縣人天順元年進士授南京太常寺博士上疏論東南事併劾大臣之不職者選授監察御史巡按荆襄等府時荆襄流民復聚為患議者多欲驅逐道宏言流民樂彼沃土逐之復來不如因而撫集皆為良民于是建議行都司衛府州縣以安集軍民而籍其流散者特陞大理寺右少卿撫治其地以憂去服闋改南京大理右少卿尋陞本寺卿弘治三年言者論其庸碌因自乞致仕十五年九月

卒賜祭葬如例

侯旺

侯旺長寧人天順初鄉試居家時都夷猖獗攻圍城邑有謀遷避者旺移書鹽木壩官軍示以死守城賴以全後修城者掘古墓取磚石旺禁勿取為息縣令其俗好訟慣以墜胎誣人旺下令告墜胎者抵罪俗因以變其志歸詩曰迂叟襟懷惟典籍兒孫事業在綱常正德間知縣婁懌立祠以祀

劉忠

劉忠南溪人成化中進士歷戶部郎中正直不阿見眉州萬公當國解印綬歸閉門著書絕迹公府縣尹陳俊饋以輿皂曰吾可以此累桑梓之民乎謝不受事母至孝子孫兄弟皆相繼登科

周汝端

周汝端長寧人成化間舉人洪謨長子授戶部司務轉中府經歷逆瑾伏誅條上五事俱見嘉納秩滿陞銅仁知府至則興學撫叛漢夷懷服陞河東運使進階叅政謝病歸鄉與弟汝靖徜徉山水時人擬之

陳卿

蘇云

陳卿宜賓人弘治中進士天性孝友學問淵深任都御史以介直聞晉兵部侍郎引年歸嚴家訓撫孤貧行誼茂著鄉評頌之

楊僕

楊僕南溪人弘治中進士歷刑部主事蚤孤事母以孝聞友愛伯兄甚至母喪畢起復後期忤逆瑾即引歸居家二十餘年布衣蔬食不履公門祖產悉以讓兄又捐家貲嫁族女之無依者

侯啓忠

侯啓忠長寧人弘治間進士歷江西叅政安化之亂本朝分省人物考卷一百八 二八 四川二
啓忠倡衆削平精忠勁節播聞中外著涓里文集

李仕清

李仕清長寧人弘治初進士授戶部主事歷陝西叅政廣儲蓄革奸弊決疑獄政績居多及致仕兄弟同爨盡以故產讓其弟建文明書院率鄉族子弟其中親為講解多以成就

劉景宇

劉景宇南溪人正德中進士任御史因疏薦王守仁不報遂謝病桂萼以書招之不應嘗手書范滂傳揭于庭日夕三復每歲終將諸當道饋遺悉歸有司作

書答謝

周惠

周惠宜賓人進士嘉靖初任雲南副使温厚純謹筮仕刑曹讞獄明允歷官憲臬政績著聞陳情就養克敦孝友鄉評推重焉

甘為霖

甘為霖富順人嘉靖初進士官至少保工部尚書學問淵源孝友篤至自治郡陟孤卿公廉自矢權貴莫撓 太廟建立議度量材盡制省費 世宗甚眷注末年陳情養母縉紳重其行誼

本朝分省人物考卷一百八

二九

四川二

駱顯

駱顯富順人嘉靖初進士官戶部侍郎時北虜犯京師顯為守門西山昌平一帶民被殘傷者奉 勅賑濟撫綏流移還定居多總督漕運聲稱益隆解歸田宅一仍其舊鄉黨高之

卞倬

卞倬宜賓人嘉靖中任御史巡按陝西獨振風裁豪右斂手擢雲南副使威攝土酋事繼母盡孝年八十而卒

蘇奎章

蘇奎章筠連人岷藩教授博覽羣書潛心理學事父至孝一日與父入山遇虎無所避章倉皇泣告願舍父食已虎併舍之而去人咸稱異督學郭公為作猛虎歌紀其事

補遺

李人儀

李人儀四川隆昌縣人景泰二年進士除廣東道御史建言下獄以天變得什出襄陽知縣陞荊州府知府卒

劉信

劉信字明節四川南溪縣人成化十一年進士由崇陽知縣選浙江道御史清軍貴州巡按福建陞貴州僉事廣西叅議以征黎賊功 賜三品服後復叛戰死事聞賜祭錄其子

本朝分省人物考 卷一百八

三千

四川一

重慶府

蹇義

蹇義字宜之重慶府巴縣人坐而岐嶷長端重不好弄而嗜學弗懈始從里社師中書左丞殷哲時為郡守一見異之引充郡學弟子員語其師曰是兒將來遠到非吾所及當成就之而義不煩程督日有進益洪武甲子中四川鄉試乙丑中禮部會試 廷試賜同進士出身擢中書舍人授徵仕郎見重 太祖每前奏事稱旨 上數見獎賚初名瑤一日遇奏事畢問汝蹇叔之後乎義叩頭不敢對 上嘉其篤實親

本朝分省人物考 卷一百八

三千

四川二

灑宸翰書義字賜之以易舊名時丁羅夫人憂賜道里費且命馳驛歸蓋特恩云服闋仍舊職滿三載吏部奏當調特命終九載朝夕左右凡機密文字必以付義而小心敬慎久而愈篤三十一年閏五月 建文即位陞吏部右侍郎授嘉議大夫壬午 成祖入正大統同夏原吉等皆被寵眷首言 建文中凡中外大小衙門有創革陞降官員額數有增減者及所更改文武散官并考滿等例並合遵復舊制 上曰如關軍民利害可因時損益既於利害無所關涉何用更改俱速改復一日 上視朝以建文多改舊制

顧侍臣嘆曰如羣臣散官一事前代沿襲已久何關利害亦欲改易且陵土未乾何忍紛紛爲此於是天顏愴然變色既又曰凡開創之主其經歷多謀慮深每作一事必籌度數日乃行亦欲子孫世守之故詩書所載前王之善必曰不愆不忘率由舊章於警戒後世必曰率乃祖攸行曰監於先王成憲此皆老成之言後世輕佻諂諛之徒立心不端以其私智小見導嗣君改易 祖法嗣君不明以爲能而寵任之徇小人之邪謀至於國弊民叛而喪其社稷者有之矣豈可不以爲戒改義左侍郎尋陞吏部尚書時政

本朝分省人物考 卷一百八 三十一 四川二

令制度有非洪武之舊者 詔悉復之義從容爲上言鑒成憲者豈無因革反亂政者自有經權損益貴適時宜間舉數事陳說本末 成祖以義忠實悉從其言有除官不得善地訴義不公者斥之十二月義言鹽課提舉司考滿舊無定制宜如稅課司局官三年赴布政司按察司考覆於九年赴部通考從之永樂元年七月義言太僕寺太常寺光祿寺通政司大理寺國子監鴻臚寺翰林院正佐官考滿舊例四品以上本部不考五品以下未有定擬 上命准四品以上之例二年冊 仁宗爲皇太子命義兼詹事時

師傳皆以勲臣兼之而輔導責任文臣詹事蓋元僚也 上欲有諭 皇太子率諭詹事往導意義亦委曲周悉 皇太子尤愛重義所言靡不信用六月義言諸司歷事監生例應三月後授官近因少闕有一年未授者而內府辦事監生止是謄寫奏本查理文冊稽算數目別無政務廼者內官監奏准半歲授官而歷事監生有政務者反遲今後宜令有司內府辦事監生月日滿日定例給賞仍令回監進學依次歷事出身 上從之七年 車駕巡狩北京命輔 皇太子監國中外庶務惟 諸王及遠夷有奏請詣行

本朝分省人物考 卷一百八 三十一 四川二

在餘悉啓聞處分義熟於典故達於政體孜孜無倦不動聲色而事賴以濟數奉命兼理他部事雖職務填委處之裕如十七年丁父喪歸 上及皇太子皆遣官 賜祭 皇太子贈賻尤厚有詔起復詣北京謝 上慰勞再三 賜鈔千緡遣中官護送至南京十八年 詔定鼎北京從 皇太子朝北京十九年二殿災遂 命同給事中馬俊巡撫直隸應天等府州問兵民休戚及文武官吏之賢否而陞黜之義謂國家多事之際悉以法繩吏人將不勝特黜其太甚者數人餘多見寬假而兵民利弊當與革者具奏行

之還吏部二十年 上北征還坐東宮事繫錦衣獄
尋釋 仁宗初嗣位一切政議預者四五人而義居
首進少保兼吏部尚書二俸俱支 賜冠服象笏及
玉帶二遂進少傅及進少師 賜師傅之臣銀章各
一其文曰繩愆糾繆義首被賜 上諭之曰朕有過
舉卿即具疏用此封識進來蓋望義等匡直也繼
賜誥榮祿大夫封贈三代及妻於數人誥詞 上特
增曰勿謂崇高而難入勿以有所從違而或息又面
諭曰此朕實心益所以望義者甚切也又念義等從
侍監國舊勞特製褰忠貞印賜之義重厚每事不敢
本朝分省人物考 卷一百八 三四 四川
專斷每承顧問常持兩端不決西楊謂勿過思義曰
事不熟慮有後患 上笑曰義士奇言皆是東楊或
詆之語聞 上不直東楊義頓首言榮無他即左右
有讒榮者願 皇上慎察 上曰吾亦不信偶言及
耳時修 成祖實錄命義監修 宣宗嗣位一切政
議屬義數人如 仁宗之初繼奉命監修 仁宗實
錄書成 賜白金文綺鞍馬宣德元年扈從征漢庶
人高煦還寵賚尤厚七月義言四川按察使陳璉持
憲非其所長改南京通政使掌國子監事 上知璉
有文名謂義曰命官稱其才則不勞而職易舉向所

用非所長矣今其庶幾乎然為天下師表尤不易也
時議赦交趾義及夏原吉力言 祖宗疆土不可棄
上不聽命擇人使交趾義薦伏伯安楊士奇謂伯安
不可使義當榻前力爭夏原吉亦曰不可而義亦不
以二人為異已三年復從巡邊既還以義年老不欲
煩以有司之務 賜勅輟吏部之務朝夕左右相與
討論至理共寧邦家明年夏 賜新第於文明門內
寵祿薦加五年六月義奏舊例國子監官九載考滿
者但復職增俸 上曰國子監官有例復職固是優
待儒者但他官九年俱陞職學官獨不可陞乎令量
本朝分省人物考 卷一百八 三五 四川
加翰林史職仍理教事又若教官中有學術才識出
眾者尤當不拘資格拔擢勿謂儒者不可用八年吏
部言義歷少師九載降勅褒諭仍賜宴禮部是歲生
旦賜鈔萬緡廐馬一匹十年 英宗嗣位賜白金文
綺是夕齋宿於公得疾以聞 上遣太監范弘以醫
來視賜鈔萬緡明日范太監以眾醫偕來又明日疾
革范復來問所欲言對曰 陛下初嗣大寶義獨不
能效分寸裨益然區區犬馬之誠所望於 聖明者
惟敬守洪武成憲始終不渝耳言已而絕訃聞 上
深悼歎屬時有大事停諸祀特 賜贈太師謚忠定

義爲人沉深質實和厚簡靜處人無所拂逆至於議
法亦不苟爲包含必歸中正歷事五朝凡五十年所
履坦坦無一日顛躓之憂退朝之暇手不釋卷貴而
能謙富而能約 上前所言未嘗退以語人蓋天下
有陰被其利者矣

劉元

劉元長壽人洪武中任吏部員外奉使過河南見餓
芋盈道遂發倉賑之活人萬數

康健

康健合州人初名子榮洪武中由太學生授給事中
本朝分省人物考卷一百八 三六 四川二 張六
受 太祖眷注改今名敷奏詳明歷官二十餘年冰
霜之操終始不渝

胡子昭

胡子昭字仲常大足人初名志高富經術性方介從
學方孝孺遊漢中蜀獻王重子昭贈子昭詩以明經
儒士薦爲榮縣訓導建文中陞翰林檢討又陞山東
按察僉事進刑部左侍郎建文四年九月死臨刑詩
曰兩間正氣歸泉壤一點丹心在帝鄉時年四十一
父復初母郭氏皆年八十餘并其子五人紹鎮繼等
皆謫戍正德中巡按御史熊相立祠祀之

胡子義

胡子義昭之弟膺辟薦分教威遠歷山東僉事聞兄
死節棄官避世隱于丹陵民家蜀獻王知而憐之命
剪髮隱于僧子義曰父母遺體不敢毀傷生子二各
年數歲子義曰嗟乎吾兄無後天不絕胡氏二子當
免于難遂棄去不知所終有懷鄉詩曰一區廢宅棠
山下半畝方塘夕照中鄉國匪遙身自遠乾坤雖大
足難容

伍善

伍善合州人正統中進士拜御史性剛介不阿權貴
本朝分省人物考卷一百八 三七 四川二 姜洪
劾中官李寶叛逆總兵石亨擅權左遷卒于官

蹇英

蹇英字伯榮重慶巴縣人太師忠定公冢子仁孝淳
謹太師寵冠羣臣名震天下而英日侍側親賢友仁
匆匆然如寒家子略不有倨傲態衣服飲食悉從儉
約在南京時鄰居伏侍郎之隸卒疽發于背委諸途
見而憐之爲求劉御醫治得不死嘗遊句容寓崇明
寺寺有中官一僕亦發疽弗治以待斃英延醫士張
榮療之而愈永樂甲辰母歿時忠定公扈從鑾輿行
在所來請治喪命至高郵湖暴風壞舟舟人失色英

額天曰英平生不敢為悖理事是行特請父命治母
喪天如憫之幸貸其死少頃舟漂至中洲而止後扶
柩歸權殯蒲壩廬于殯側時久旱為文率父老禱於
神時雨大降禾乃登既免喪 上驛召來侍忠定所
及忠定公薨哀毀踰制尋授尚寶司丞以歸舟次江
表風雨大至俄有覆舟順流而下急遣家僮以艇救
之活男婦七人居繼母喪不異所自出正統戊午服
闋復職已巳扈從北征明年庚午進本司卿一日
朝廷行大婚禮先期禮部失請寶璽之捧及期眾謂
倉卒不可復請英力請捧之以成禮天順已卯進太

本朝分省人物考 卷一百八 辛未 四川 姜洪

常少卿辛巳秋患肺疾劇醫弗效一夕夢神人告曰
勿憂吾為汝增福壽矣疾果愈上疏請老詔不允甲
申復疏懇請始獲命成化元年春治裝歸次南京疾
復作遂卒於都城年七十四訃聞 上遣官致祭前
後居官凡三十年持身端謹蒞事勞動茂修不懈清
譽彌彰平居喜讀書凡經籍子史及九流百氏靡不
力購所著有草亭集寓懷稿

李實

李實字孟誠號虛菴合州人母夢巨蛇繞身而誕適
五月二十日俗以是日為龍會因以命其小字狀貌

豐偉胷次高明奮業儒術為郡庠弟子員博洽瑰奇
為一時流輩所推正統辛酉領鄉薦明年壬戌第進
士乙丑春擢禮科給事中屢上章疏咸切時弊已巳
秋 英宗北狩留虜庭景泰庚午被 命歷淮揚諸
郡招義兵二萬餘赴都下策應時有豪猾乘機倡亂
為河道害者嚴禁以法遂帖然五月進本科都給事
中章數上愛者戒以宜少慎默恐賈禍曰吾所任言
官也食祿而曠職恥莫大焉何敢為身謀也聞者愧
服六月瓦剌脫脫太師也先來議和詔命入京堂上
官有如富弼文天祥者往使莫有應者實曰國家養

本朝分省人物考 卷一百八 辛未 四川 徐仁

士正備緩急之用况主辱臣死義也其可避難毅然
請行 上悅陞禮部右侍郎充瓦剌正使大理寺少
卿羅綺副之具奏八事皆與虜所當議者 上覽之
曰事難預度卿至彼隨機應變處之七月一日陛辭
面受詔勅賜白金文綺及一品服從一十六人經榆
河驛居庸關抵也先營相見以賓主禮責以大義氣
壯詞直虜酋悅服具乳酪禮甚恭許奉鑾輿南還次
日朝見 英宗行在所面定回鑾之計領書辭歸奏
換奉迎勅再使往還備嘗艱險 英宗還都朝廷嘉
其勞績進資善大夫都察院右都御史巡撫湖廣苗

寇爲患以兵勦之岷王謀爲不軌擒送京師除凶暴安善良恩威並行政化大治五年甲戌詔還掌院事風裁凜然六年乙亥春母歿守制 英宗復辟忌者讒之免官家居天順癸未鄉人有訟於朝者逮繫錦衣衛獄時衛使門達擅權作威福素忌其名且入侯爵之譖將謀不利一日 英宗坐便殿召達令問實有何言達覆奏以實云其所言者非臣下所得聞必面陳乃可 英宗俛首泣下因不豫而入達退而懼不敢加害後數日 英宗登遐 憲宗嗣統廉知無辜給還所沒家貲令冠帶閒住甫抵家而父歿將葬本朝分省人物考卷一百八 旱 四川二

江朝宗

江朝宗字東之四川巴縣人景泰二年進士入翰林爲庶吉士授檢討與修大明一統志陞編修秩滿陞侍講成化三年與修 英廟實錄陞司經局洗馬俄遷侍讀學士 孝宗在青宮日侍講讀尋坐都御史

牟俸累調廣東市舶提舉司提舉既而累章乞休吏部覆請 上以其才學可惜令復原職致仕家居二十年卒朝宗早以文譽歷清秩凡侍經緯供史事典文衡勞勩頗著嘗以起復病于道 上特命遣醫治之然性和易不擇交與人亦莫有非之者其卒也乃效白樂天自述壙志以識平生云

劉 岌

劉岌字凌雲四川涪州人景泰甲戌進士授吏部主事遷郎中以憂去服闋改戶部二年仍補文選公清勤慎時論與之累官太常卿禮部尚書掌寺事久典秩紀陳習儀章且容觀魁傑音吐鴻暢甚爲 憲宗所眷注進太子少保以疾乞致仕不許岌自陳世爲戎籍勅兵部除其籍弘治乙酉岌復以老請乃賜馳驛并寶鑑以還命有司給夫廩家居一十七年而卒訃聞賜祭葬岌平生謙謹亟稱人之善聞人過失輒止之或面侮之亦不校初艱于子官京師時妾有生

子者妻妬而棄之道人爲收鞠至八歲乃復迎歸以爲子聞者以爲岌厚德之報云

蔣雲漢

蔣雲漢字天章重慶巴縣人天順元年舉進士授戶

部主事成化五年陞興化知府丁母憂改大理府十
九年擢貴州左叅政以父憂去弘治元年改廣東未
幾遷福建右布政尋轉左十年上疏乞歸又明年其
子恭自中書舍人轉吏部員外郎勉恩進階正奉大
夫正治卿十八年以 徽號恩再進資善大夫蓋優
游林下者十餘年乃卒初在戶部時為尚書年公富
所知事有難處者必以屬之嘗監收畿內芻粟乾沒
者無所容乃揚言欲狙擊之所親或勸少假借者笑
曰我命在天豈此輩所能害也執不變繼往徐州監
倉夜夢白面大耳冠巾者來見曰我薛公之神也贈

本朝各省人物考 卷一百八 四十一

汝劍設有他虞擊之言已忽有鬼物擁隨如其言擊
之輒仆既覺莫知所謂明日舟經濟寧下閘為急湍
衝覆見者謂不可救矣頃之手擊舟底聲聞于外人
趨救之舟即自正乃知為神所祐其在興化政尚寬
簡獨馭吏不少縱後治大理亦如之大理徭役故無
成法吏緣為奸貧民病之乃量其貧富為之等第因
以授役輕重乃均春秋丁祭頗用稅稗考訂儀式製
祭器又延樂師教諸生肄習乃成禮遇水旱禱輒應
所至皆有惠澤及民詳審精密寧其身之不究于用
而不欲愧於其心寧在我無赫赫之名而不欲逐逐

於近利廉介之操始終如一大理有鮑指揮者嘗以
寶玉首飾置盒中往遺竣拒之鮑跽請曰即不受盍
一啓視乎曰既不受奚視為比致仕同官者贐之辭
又使人出境強之亦不可曰使可受何必踰境也天
性孝友初自大理報政于朝會擬推貴州叅政曰吾
父老矣往年吾母沒以官遠道不得親視含殮至今
抱恨今得近於吾鄉是吾願也抵任踰年奉表入賀
因過家為壽自京師還又留兩月父乃卒人以爲孝
誠所感受二庶弟尤篤先世所遺田宅器物悉推與
之曰某以竊祿可自給也居家訓子弟過嚴及待人

本朝各省人物考 卷一百八 四十二

溫厚有容不見人過無事則盡日端坐每讀一書終
篇必掩卷默誦務得其所以言之意首尾貫徹乃更
讀他書晚年尤喜學易聞其言者各有所得而退

費廣

費廣合州人以進士選御史天順初上疏劾石亨擅
權謫知永寧改貴池卒于官廣為人秀偉嚴重工詩
文著約齋集

王愛義 附李興

王愛義永川人天順間有盜標掠村落劫殺人財母
羅氏病臥寢室愛義侍不忍去賊入索財不得母子

俱死李興永川人讀書能識姓名而志行絕特嘗拾金釵訪主還之買一豕人以爲過所直而喜與乃候於市數日得賣主邀與同歸復償足之一日晨啓後條歸傷其額妻詢之對曰隣婦竊吾園蔬恐其見已無以容也故條歸傷額爾其他重厚事多類此

劉春

劉春字仁仲號東川一號樛菴巴縣人成化癸卯舉四川鄉試第一丁未舉進士廷對第二授翰林編修孝宗御極充修憲宗實錄官實錄成陞修撰仍賜宴於中府選充經筵展書官癸丑充殿試

本朝分省人物考

卷一百八

四十四

四川

洪

掌卷官四月賜端陽節物自是歲以爲常七月疏乞歸省給道里費復任己未充會試同考官選充東宮講讀三考滿陞左春坊左諭德癸亥以纂修大明會典成陞翰林院侍讀學士五月詔選修通鑑纂要甲子以父母偕七十再乞歸省命給驛行且賜道里費乙丑冬還朝武宗御極陞學士詔纂修孝廟實錄上念青宮舊勞特賜金鑲玳瑁帶一又賜御製盤龍迴文十二軸丁卯四月命掌院事武舉充試官武舉有錄自此始其條格皆創爲之丁外艱歸服滿陞吏部右侍郎轉左充經筵日講

官以河北平盜建議功賜文綺鍍金陞禮部尚書

丁內艱歸以經筵日講東宮講讀勞賜祭葬

遣禮部經紀其事仍給驛以行服除改南京吏部尚書疏辭不允仍陞第三子延年國子監讀書五月命

掌詹事府事廷試爲讀卷官以六月不起春在翰

林每以職在論思手不釋卷坐必夜分起必五鼓如

未第時凡舉動皆爲遠久計不務目前西僧有欲奪

民地於甘州且乞遣官督建寺時關中實饑春力爭

以爲不可謂非止病民邊警亦必致擾疏入起停之

宗藩請封及婚嫁弊孔百出春卽檢其行駁者盡語

之吏不得欺以求賄又以祭葬謚議關係勸懲乃奏

爲定格有以厚利力請者不爲動久之亦安其所宜

得心莫之怨也故事功臣襲爵表謝皆禮部代誤謝

以銀幣悉却之其峻于操介如此春忠清嚴重毫髮

不苟門無雜賓待物寬簡雖未見其矯矯之節而光

明俊偉不可奪志以憂歸逆瑾遣邏卒伺于道卒無

所得而還待物和而有則人不見喜怒至正義所在

毅然爭之不能奪也每語後進拳拳不欲失秀才風

味見不可意事輒頻頤曰士大夫存心行事何必乃

爾詩文力追古作晚益簡勁類其人碑板在四方者

甚衆有鳳山稿數卷藏于家贈太子太保謚文簡

朱光正

朱光正大足人成化中由舉人知河西剛明廉謹得吏民心交吐侵邊光正喻以大義夷退當道書談笑却兵旌之

鄒智

鄒智字汝愚合州人成化二十三年進士生而穎敏過人年十二能文章經史一目即不忘嘗居龍泉巷貧燒樹葉讀書達旦如是三年文思警拔千言立就改庶吉士翰林會星變應詔陳言極論陰陽之理言

本朝著人物考 卷一百八

四七

四川二

少師萬安悖祿保寵殊無厭足少保劉吉附下罔上漫無可否太子少保尹直挾詐懷奸全無廉耻世所謂小人也南京兵部尚書致仕王恕託志忠勤可任大事兵部尚書王竑秉節剛勁可寢大奸直隸巡撫右副都御史彭韶學識純正可決大疑世所謂君子也乞盡斥小人而進用君子疏入不報弘治三年御史湯鼎劾萬劉尹萬尹去而劉得留恨鼎御史魏璋附劉劉啖璋能去鼎陞僉都御史璋即草疏署陳景隆等名劾鼎與壽州知州劉槃妄言朝政嫉之者因下詔獄身親三木僅餘殘喘神色自若無所曲撓獄

官苦訐之曰智與今湯鼎等來往或論 經筵不

撤講或論午朝不宜以一事塞責或論紀綱廢弛或

論風俗浮沉或論生民憔悴邊境空虛當事者恨甚

竟坐以妖言惑衆律罪死刑部侍郎彭韶辭不判徐

文靖亦言吾輩不可使 朝廷有殺諫臣名獲免左

遷廣東石城所吏目既謫毅然就道衣結履穿幾不

能存親識餽遺堅却不受至石城視事甫兩月廢政

悉舉總督都御史秦紘檄董修書得居廣城與白沙

友善暴疾卒年二十六獄中詩人到白頭終是盡事

垂青史定誰真夢中不識身猶繫又逐東風入紫宸

本朝著人物考 卷一百八

四七

四川二

進朝詩盡披肝膽知何日望見衣裳只此時但願

聖朝無一事孤臣萬死更何悲忠義之概情見乎詞

矣

湯孟瑛

楊孟瑛字溫甫鄞都縣人成化丁未進士弘治十五年知杭州遷順天府丞瑛當事敢任如奏安溪竹木關却福建進貢之借艘于杭減免旱災糧七萬石定水馬驛夫之徵皆便民美政其浚復西湖俾水有蓄洩實利益下塘諸田而論者或謂其歛怨生謗此其故不可詳究要之爲敏幹吏云

陳瑞

陳瑞忠州人弘治初以進士拜給事中疏劾中官郭鋪諛媚乞罷內侍官不得叅機務 上嘉納之陞光祿卿請禁浮屠罷國醮及減奢費等事歸省道卒聞者惜之

劉福

劉福字順夫巴縣人弘治九年陞浙江按察使風儀峻整法紀森嚴部內憚其威名不寒而慄後以註誤改貴州按察使盤江賊起福挺身赴之遂死于賊

詹奎

詹奎巴縣人弘治中進士為戶部郎劾權奸掛冠歸後以徵復起歷官十餘年家貧如故

曹勅

曹勅巴縣人弘治進士官刑部員外郎治獄無冤使晉藩餽遺無所受好古力學為時所推重云

姚學禮

姚學禮巴縣人弘治中進士歷叅議性忠侃初居南臺以敢言忤逆瑾罷歸其志節有足嘉者

戴錦

戴錦長壽人弘治中進士抗疏請除壅蔽權貴忌之

中傷落職貧不能歸流寓徐淮間授徒自給久之乃歸著網菴諸集行于世

劉蒞

劉蒞涪州人正德初任給事申中官瑾擅權首抗疏極言其奸被笞落職瑾敗起守金華尋歸

胡守約

胡守約合州人正德初以鄉薦授彭蠡知縣遇寇攻城親出督戰身被數鎗遇異人療之不死歷官知府

王俊民

王俊民合州人正德中以進士歷給事中蹇諤有聲

本朝分省人物考 卷一百八 四十九 四川二 吳志元

劉鶴年

劉鶴年巴縣人正德進士操守廉峻持已剛方始任兵曹門無私謁歷雲南布政不持一錢時稱清白吏

張縉

張縉字元素四川巴縣人正德戊辰進士已卯按浙性持重不事苛細而綜理詳慎風紀克張江藩逆濠蓄謀不軌預置心腹畢真為浙鎮守威蒞羣屬恩結士卒潛圖策應縉知狀佯示款好乃深慮而密防之練兵儲粟以備不虞六月報聞濠于十四日戕殺撫

臣稱兵犯順杭城戒嚴七月十四日晡刻鎮守傳令三司期來日四鼓下操眾訝之疑其為變縉定計以是日出表比禮竟則天已大曙謀不得行復與郡守留志淑議先伏兵真府外諸司盡入遂脅真使去諸左右復盡得府中藏甲咸以屬吏真懼不知所為不踰月江右平後論治逆黨遂按誅真初逆謀始露時人心洶洶賴庶尹同心奸謀遂寢卒奠安兩浙者本縉與藩臬諸人之力也縉後位至副都御史祀名宦

熊萬變

熊萬變榮昌縣庠生正德中流賊圍其居舉家倉皇母尚未行萬變告其兄曰母被圍我輩脫出何為相與還赴難擊殺二賊負母逃為賊所執被殺母伏於屍罵賊亦被殺

太朝分省人物考 卷二百八

五十一

四川二

任轍

任轍巴縣人嘉靖初進士知許州歲旱多方賑恤擢守黃州採木之役善為調停民困以蘇歷官貴州都御史計縛叛夷許吳等邊陲賴以奠安

劉啓宗

劉啓宗巴縣人嘉靖中進士任衢州府推官選給事中抗言不避權貴謫荔蒲尉歷陞提學副使改苑馬

卿居官二十餘年持廉守正卓有風裁

張佳胤

張佳胤字肖甫重慶銅梁人初號壚山以其家在居來兩山間更之曰居來山人十七為制舉義試輒冠諸生時重慶太守光州劉公出行部閱其文而大奇之使與其子游即玄子也劉公固以古文名家又好談兵多奇文凡所携書籍盡以屬之間與玄子談當世英雄而歎曰夫英雄者其吾家子房乎玄子異其志而又益習先秦西京言下上于黃初大曆之間多所厭阻二十三舉於蜀明年遂成進士出補大名之

本朝分省人物考 卷二百八

五十一

四川二

清令故三輔巖邑也比至按宿牘讞決若神而恒以情衷法而行之兩造甫畢各得意而去吏民之嚴愛若父母矣時緹帥挾 上寵張甚其所遣詞事官校與詔旨竝重佳胤一日晏坐有弁而急裝者一髯輔之至邑門門者戟之叱曰我官校也遂入下與語徑前曰縣官欲捕若邑耿氏豪亦與若有連胥吏以下皆辟易遂挾之入別室出七首交置於項曰予我萬金陽驚曰我何所得萬金髯者曰某庫有萬金復陽驚曰庫金誠有之第上皆邑賦長名氏若出十里外必敗且今日予公庫金法必死不予亦死死等耳寧

死國引其項曰七首胡不下髯者曰我何忍下第欲得金耳乃徐謂曰邑郭中多富人我出一紙授之即不得萬金可半致也呼一小吏前命筆書紙應賦金者二十曹曰緹帥責金甚急可人賦致二百金來予之時丞簿跼踖儀門外既得所賦金主名乃皆賊曹游傲驍武者也始知爲劫賊亟集此二十人者人奉二十金而袖鐵椎前謁謂民貧所賦金止此矣乃陽怒曰賦汝人二百金胡二十也何以解二公索復令一人前忽躍而就之髯者出不意即自剄死羣縛弁者訊之名任敬髯者高章也使游傲四跡郊外有四

本朝分省人物考

卷一百八

五十一

四川二

蜚語聽調歸未幾補南京鴻臚寺卿屢遷巡撫宣府爲宣府未幾而虜別部長滿五擁鐵騎六百闌入獨石口剽掠時久已通互市矣因檄大帥麻錦伏兵邀之生獲其副八賴滿五懇求之辭甚哀計以縱之則見狎僂之則見讐乃以屬大帥錦俾建旗鼓縛八賴將斬而馳赦之八賴叩頭流血曰微太師身首異處矣乃諭以威德給之銀符八賴自誓不敢復闌入邊然八賴擾而滿五驕明年挾益賞不聽互市如舊事聞勞賜金帛入爲兵部右侍郎未幾而浙江有驕卒之警督撫浙者吳中丞善言嘗取中旨減卒月餉卒訴之不聽遂噪而縛吳公車中冠履俱破至演武塲羣詈吳公而數之且甘心焉會工部郎謙與二御史往解詬詈百端猶責吳公狀使復餉而以二千金謝過乃已吳公遂出遜於吳興當此之時吳楚閩越之卒皆驕而督撫臣悸至有穴垣以防不測者事聞江陵公曰孰能制之既而謂吾得人矣遂以佳胤兼右僉都御史奉命往及馳至甫與吳公代而市民之亂復起始杭城中諸柵俱有役夫司干擷諸土著者募游手充之其後必取身役其人每多借貴勢以免夫數益以狹役益迫而游手無所得食僑客丁仕卿

本朝分省人物考

卷一百八

五十二

四川二

假利便言之監司弗聽意忿忿曰謂我曹無瓜距耶寧營卒之不若謀之市猾相率焚貴勢家謂庇其應役者遂破兩臺使門略其衣裝以出使者跳與三司俱匿跡佛廬以免事聞佳胤謂其人曰營兵哨海者發乎日發矣而二營留問留者不與市民合耶日未也喜日吾知所以處矣速驅之從吏惴惴無人色飲食談笑自若既抵鎮而民行剽愈甚盡毀諸柵以快意千餘人且抵臺門佳胤以輕輿出諭之曰汝曹必有所苦日苦夜役耳夫強有力之家倚貴勢之家以免而監司守令若弗聞也者日易耳即下令除役眾

本朝分省人物考 卷二百八

五十四

四川二

姑叩首退既退而行剽巨室竟夜火光巨天大怒曰上命我誅亂卒今乃見亂民而靡耶召遊擊將軍徐景星使呼二營之長入而慰免之曰亂民之惡極矣雖然非爾曹勿能剪也何不因為功贖曩罪乎咸踊躍聽命又呼黥卒之首倡亂者馬文英劉廷用日聞汝二人前自縛請死壯士也汝死法胡不死義且必不死二人亦踊躍聽命于是約束二營壯士使景星帥而討亂民凡四戰大敗之生獲百五十人至轅門而丁仕卿與焉擇其豪得五十人皆斬首梟轅門餘悉下獄其從亂者咸惕伏或鳥獸散去杭人若更

生 上優詔褒答以奮身犯難定變俄頃紀綱大振忠績卓異賜飛魚服鎰金文綺私念兵且戢矣寬之則廢法急之則生變乃陽好謂二倡亂者馬文英劉廷用日罪可贖矣予之冠帶二人意自得洋洋羣卒間且有所侵侮羣卒大怨恨謂若倡我以亂自為功得官而使我曹尚惴惴也度是二渠者與眾心左無能為矣乃謀發諸營之卒哨於海而密以名屬徐將軍下令縛之至軍門并文英廷用輩皆斬之餘皆赦弗治仍呼平亂者二營卒語之曰吾非不得若主名以昔有微勛耳且吾不欲食言羣卒咸股弁唯唯

本朝分省人物考 卷二百八

五十五

四川二

上大悅拜都察院右都御史兼兵部左侍郎俾還部理左侍郎事道拜兵部尚書協理京營戎政尋又總督薊遼三邊以遼左大捷加太子少保已陞兵部尚書三上書乞骸歸有張居來先生集行于世

江淵

江淵江津人由進士歷學士工部尚書清勤簡靜忠鯁不阿尤善文詞著觀光錦榮諸集

王應元

王應元武隆人家貧居鄉力農為養父友文每出飲元候于途扶之以歸一日文醉既卧元往于出家偶

火災急奔回烈焰甚熾身濡泥水出而復入救之
三號哭火中抱父死

聶賢

聶賢長壽縣人以大獄事革職尋起爲工部尚書尋
致仕卒詔賜祭葬如例贈太子太保謚榮襄賢持正
守清苦始終不變士論重之

李允

李允忠州人進士歷翰林檢討正朝儀年四十辭歸
閉門讀書流賊過其門咸相戒曰勿犯李翰林其感
人如此鄉黨咸重之

本朝分省人物考

卷一百八

五十六

四川二

白勉

白勉涪州人以進士歷官刑部侍郎練達刑名有匡
濟才及卒賜諭祭有剛方清介之語鄉人榮之

沈運

沈運重慶衛指揮充右叅將守威茂蠻叛殺人運密
置兵門內呼蠻至犒以酒食因并其黨殲之

補遺

尹鉉

尹鉉字太和四川巴縣人正統七年進士除湖廣道
御史護駕北征死于土木之難

曾嶼

曾嶼重慶府人生而奇穎殊凡兒稍長卽以正學自
任十四歲補博士弟子每試輒高等郡侯爲築別業
于鳳儀山居之正德丁卯舉省試明年成進士授戶
部江西司主事時逆瑾爲政縉紳趨者如市嶼間以
言觸之會瑾怒矯令跪午門外尋權稅清源以廉明
稱後轉員外郎中條上大司徒八事丙子知府建昌
益脩循良之業上劑益藩下悉民隱立社學建書院
群弟子而考德問業郡有兩芙蓉山多淫祠妖術橫
行廉得其首付諸理毀淫祠以祀伍大夫李旴江岳

本朝分省人物考

卷一百八

五十七

四川二

武穆會寧庶人謀不軌要脅諸司變起遣健卒間道
走上變又自帥兵兼程詣軍門陳擒勦七策王文成
采之合兵火攻又慮九江南康業已從逆不分道擊
之則援兵爲梗文成檄嶼取南康斬賊首謝天一等
四百八十餘級又自王家渡同廣信守周朝佐斬獲
賊三百三十餘級釋脅從者八十五人寧庶人遂擒
當勤王時與母鄧恭人永訣誓與賊不共天卒能成
功王文成亦叙其勞烈而竟不錄先是寧庶人膏腴
苑圍屋廬多爲豪所侵中丞鄭某檄嶼廉察之一無
所徇盡返之官旴郡有巨室欲齟齬麻姑山嶼裁以

法又上叛逆疏內有省內奸邪顯附陰結語繇此忌與怨交集咸為蜚語中之遂休致以歸移居江陽郡城購茅齋數楹藏書數萬卷日坐其中手一編以著述自快享年八十有二而卒

李恭懿

李恭懿重慶府銅梁人生平究意圖學務在自得聖賢之旨一切糟粕筌蹄僅資涉獵非所嗜也嘉靖戊申貢入太學餘姚李司成大器之應順天鄉試下第謁選授江西奉新縣縣丞一不得志遂罷政歸日掃榻讀書每好深沉之思而尤精于易理嘗問曰六十

本朝分省人物考

卷二百八

五十八

四川

四卦始于何時或曰文王重之曰非也觀繫辭取諸渙隨等卦則三皇堯舜時事書言龜筮協從則唐虞時事六十四卦上古已然矣又曰伏羲八卦非盡取於河岳觀繫辭言仰觀象于天諸句亦自可見又曰先天南乾北坤後天何不代之長男女而南離北坎耶此大道之玄老易所同又曰古人釋經不敢自信故傳不與經相參小象原自為類試讀之無不叶韻至後儒始分經傳故宋人余琰集說不為無見若使易無序卦傳不知後人將六十四卦顛鑿何狀矣又曰原始及終故知死生之說與無極而太極同一意

無極云者從前推後原始云者由後邇前又曰讀乾之彖見文王與周之德讀坤之彖見文王事殷之心聽其言者輒聳然悟以為今之儒者莫之先也

凌伯曾

凌伯曾號森墨四川永川縣人萬曆甲辰進士因念祖母年高懇疏終養未幾丁艱服闋授南戶部主事陞員外尋陞郎中嘗應天倉能以搜風弊為留都重請告歸歸未數年而卒伯曾生平素矜名節交游辭受毫無所苟于理學諸書亦多所探討蓋翩翩不與


本朝分省人物考

卷二百八

五十九

四川

流俗伍者惜其賁志以沒耳



人物考目錄卷之一百九

四川夔州府 馬湖府 瀘州府

青文勝

舟通

黃從禮

王文義

王思睿

周泰

汪瀚

嚴琥

熊希古

向孔洙

杜斌

何應宣

李清

陳秉元

趙鏊

孫天舟

本朝分省人物考 卷一百九目錄

張芳

熊士傑

王彥奇

黃以春

郎文林

雷震

袁達

汪安宅

雷禎

朱鵬

王珪

趙趣

馬湖府

安濟

安本

鮮原

安洪

王常

楊璠



鮮懷經

潼川州

徐英

王璿

張澄

楊澄

席書

張謨

席春

楊晁

張种

楊名

羅賢

張庠

湯紹恩

譚閻

黎希哲

楊蔭

本朝分省人物考 卷一百九目錄

王縉紳

黃珂

席彖

譚維

譚宣

陳講

申錫

譚紀

蹇衡

眉州

余子俊

嘉定州

梅應魁

蔡廉

劉肅

童瑞

趙時	宿進
程啓充	安磐
徐文華	彭汝實
毛鳳	張鵬
王儼	錢貴
高任說	張瑛
尹東郊	王表
瀘州	
楊瓊	李祥
王忠	高巖
曾嶼	翁磐
白轍	朱子和
何其賢	李登
韓忘	李惟觀
賀頤	曾海寬

本朝京省人物考卷之一百九

四川夔州府 馬湖府 瀘州 嘉定州

青文勝

青文勝大寧人洪武間爲龍陽典史律已公勤軫民疾苦邑賦凡三萬七千有奇濱于洞庭每苦水患民不肯輸文勝疏減凡三上不報遂經于登聞鼓下事聞矜其誠切詔減賦二萬四千餘石民德之妻子貧困不能歸占籍龍陽有司祠祀扁曰忠惠

冉通

冉通高縣人洪武中進士任兵科都給事中面折廷諍忠憤激烈直聲動天下雖在竄逐讀書不輟

四川三

黃從禮

黃從禮巫山人永樂間任交州府同知黎賊之叛抗節不屈死于官

王文義

王文義大寧人宣德中母疾篤割股進藥疾愈母卒廬墓鄉人憫其貧日給之食墳去水遠無以滌祭奠器感夢得泉人扁曰孝感事聞賜之以衣帛

王思睿

王思睿巫山人宣德間任吏部文選主事剛正無私

本朝分省人物考 卷一百九目錄 三

縉紳推服

周泰

周泰新寧人天順間任錦陽縣知縣廉謹有聲陞泰州同知民有清官之謠解歸行李蕭然

汪瀚

汪瀚開縣人進士成化間知修武蒞政廉勤愛民如子歲旱大賑民賴全活以憂去父老泣留歷官太僕寺丞乞休時人嘉其勇退

嚴琥

嚴琥開縣人成化末任高州府同知時石城信宜二

本朝分省人物考 卷二百九

四川三張子玉

縣大饑民多流徙琥捐俸賑濟化州吳州等縣歲辦礦鐵民苦賠補無敢言者琥力請停山民歡曰治我嚴父生我慈母

熊希古

熊希古新寧人弘治間知天台歷官刑部主事以忤逆瑾謫官尋復員外陞郎中詳讞明允權守臨江築城彌盜卓有聲稱陞雲南副使

向孔洙

向孔洙大寧人正德間流賊鄢藍攻縣洙率民兵臨城拒敵相持數日城已陷洙奮勇先出敵眾皆鼓譟

之面中流矢尤力以戰殺傷數賊賊勢稍却後賊詐議和突入城獨尋孔洙洙墜城死

杜斌

杜斌大寧人監生任河南沈丘縣丞正德間流賊攻縣斌同都司王寶督眾力戰援絕勢孤遂死焉嘉靖初事聞贈知縣廕子入監

何應宣

何應宣梁山人庠生正德間母為流賊所執宣求以身代死賊果殺宣而存母都御史林公嘉其孝入祀鄉賢徐敬之梁山人剛悍過人流賊之變眾署敬之墓曰忠勇義士為文祭之

李清

李清開縣人正德中流賊壓境委守隘賊間出黃土塘清知其狀邀擊斬之事聞授萬縣武衛巡檢

陳秉元

陳秉元開縣省祭正德七年鄢藍為亂揚言欲奪臨江市秉元倡率義兵二千有奇追至富順三母灘奮勇當鋒賊眾辟易援兵不繼力戰死鄉人義而祀焉

趙鏊

趙鏊新寧人正德末任大理寺寺副議大獄不避權貴罷歸建萬柳書齋吟誦不輟

孫天舟

孫天舟孫天高弟兄俱達州鄉勇正德初征流賊與姪及麾下范尚未冠義氣所激皆死於陣

張芳

張芳新寧人任雲南太和縣丞母年八十方假公事歸省辭母復去母曰汝去吾不及見汝矣芳感泣棄官養母母年九十終每忌辰必齋沐哀祭至老不衰

熊士傑

熊士傑新寧人幼嗜學通曉易經及百家醫卜書隱居循禮有吟稿藏于家

王彥奇

王彥奇雲陽人進士任知府政蹟循良端士習新橋梁民德之累官都御史

黃以春

黃以春雲陽人進士歷郎中守正不阿清慎為時所重稱為溫厚長者

郎文林

郎文林萬縣人任經歷器度渾厚與物無忤家甚貧

人有餽金者堅却不受

雷震

雷震新寧人任襄城縣教諭疏諫 英宗親征不報及復辟錄言官陞禮部主事尋以忤 旨謫戍遼東卒

袁達

袁達達州人任給事中性聰敏讀書一目成誦舉進士試喜雨詩稱 旨授庶吉士遇事敢言

汪安宅

汪安宅開縣人讀書好古不求聞達好周人之急鄂藍攻城安宅率鄉兵禦之有別室在城外賊欲乘以攻我安宅發火箭焚其室連燒賊營圍遂解時稱為汪義士

汪義士

雷禎

雷禎新寧省祭官鄢藍賊熾巡撫林公俊聞其勇敢檄取領兵追至滄溪馮兵備遇害禎奮力對敵手刃數人而死當道哀之遣官致祭

朱鵬

朱鵬新寧人嘗省親益陽過洞庭舟覆鵬獨抱一木經晝夜不死人以為孝感所致後任薄圻知縣多善

本朝分省人物考

卷二百九

四

四川三

本朝分省人物考

卷二百九

五

四川三

續尤嗜詩有集藏于家

王珪

王珪萬州人築室南溪號志堂居士左右松竹道遙其下一時名流喜其高尚榜其居曰竹隱

趙趣

趙趣梁山人庠生流賊之難趣同其友黃甲呂鳳何璟蕭銳徐宣楊茂寬趙采誓死赴敵三晝夜城陷死之節御史嘉其義命立祠祀之

本朝分省人物考 卷二百九

馬湖府

安濟

安濟馬湖人洪武初湯和克蜀首率眾歸附授土知府高皇帝賜詔褒嘉子孫世襲

安本

安本濟之子洪武間襲土知府建公署改學校永樂中賜詔褒封

鮮原

鮮原泥溪司人永樂初以國子生授階州守奉公守法勸民生產善政甚多遷山東轉運同知

本朝分省人物考 卷二百九

七

四川三

安洪

安洪景泰初巡撫李公匡以邊事寧息洪與有功疏聞于朝給賜官帶襲授祖職

王常

王常平夷人由進士歷叅政幼孤苦學及貴分俸贍族平獠賊大有功于粵地

楊峪

楊峪泥谿人廩生嘉靖中隣居失火延燒其屋峪他無所顧惟以身翼母火烈不得出母子俱斃于火

鮮懷經

鮮懷經馬湖人母侯氏病疽躬為吮之母復病割股和藥以進又嘗糞以驗其苦母沒毀痛幾絕廬于墓側夜有虎近廬懷經泣曰吾守母塚于此幸勿見傷虎咆哮久之始去人以爲孝感云

本朝分省人物考 卷一百九

八

四川三

涪州

徐英

徐英中江人景泰中進士任給事中立朝正直抗法不撓官至都御史

王璿

王璿安岳人天順間進士知臨淮劾守堊太監七事潔已愛民政聲大著擢監察御史以抗論黜知宜都縣後歷宜城江陵咸有嘉績擢倅楚雄歷尋甸知府

張澄

張澄安岳人任平江典史賊寇平江澄與知縣宋鑑率民兵出境對敵賊氣稍沮鑑曰宜退保城東澄曰保城東則西南虛矣吾當以死格之已而賊前鋒突赴城西民兵潰澄力戰而死事聞旌表其門錄其子

楊澄

楊澄字憲父四川射洪縣人成化己丑進士授行人擢監察御史嘗董兩淮鹽課築河隄以通鹽利人便之按北直雲貴等處有聲歷大理寺丞左少卿陞右僉都御史巡撫山西兼提督鴈門等關頗留心邊事致仕後嘗施地爲義塚及出穀濟平鄉人多德之

席書

本朝分省人物考 卷一百九

九

四川三

書遂寧人弘治進士初知剡城興水利墾荒田歷戶工二部主事作漕河志時雲南晝晦詔考察雲貴諸使書奏言致災之由在 朝廷擢河南僉事諸葛潛粟賑饑累遷福建布政使宸濠之變發帑金募兵討之巡撫湖廣擒豪民除長沙貪吏進南京兵部侍郎江淮大饑條上賑法全活者數十萬議大禮稱旨被召爲人言所沮陞禮部尚書上新政十二事及人禮集議六卷總裁明倫大典加武英殿大學士卒謚文襄

張謨

本朝分省人物考

卷一百九

十

四川
張奇

張鎮安岳人弘治間舉人孝友純篤每晨起必詣親榻問安否暮自外至亦省親方食承母志分產給姊授金州學正分俸養親州人爲作望雲卷遷洵陽令奔父喪歸哀毀骨立起遷寧遠令至今人誦其行

席春

席春字同仁別號虛山世爲遂寧人自童稚卽儼然如老成人強毅有操執祖每異之曰他日必能負荷大事丁丑舉進士改翰林庶吉士 武宗潛幸居庸關廷臣屢疏莫回中外人心惴惴春上書內閣欲乞兩宮懿旨遣中使迎 駕還宮而館閣府部百司各

以一二居守餘俱趨行在祈請務必得然後返否則從此巡遊南北國事滋多憂其始矣識者聽其言尋授河南道監察御史出按雲貴釐革軍政凡錢穀刑獄欺蔽被罪者無怨吏役假冒至七百餘皆罷斥莫能逃者時黔國總兵交結近倖威權日甚藩臬每被訐論臺中有叅其假公言以結民心恐爲將來專恣之漸得罪下獄按滇南黔益驕橫至則痛爲裁抑家人干紀殃民者悉縛致論罪馬進士某以罪謫戍金齒潛入總府克記室凡章奏公移多出其手憑籍冒例爲都指揮廉得之禡其服仍發隸原伍指揮王喬

本朝分省人物考

卷一百九

十一

四川
張奇

稔惡爲衆所嫉當道者莫能治至亦論以法滇南爲之肅清 世宗登極疏上時政興革利弊多符詔欵人稱其有經濟之具尋以文襄公職中丞改翰林院編修癸未殿試克彌封官修 武宗實錄克纂修官書成陞修撰丙戌會試爲同考試官尋克經筵展書修明倫大典仍與纂修書成陞侍讀學士賜金帛文綺克經筵講官 聖天子勵精治理考古帝王所圖治 簡命春與二三詞臣經筵外復進講西山真氏大學衍義每寵錫大僚必預辛卯主南京考試多得名士己丑壬辰殿試克讀卷官隨擢翰林院學士掌

事克經筵日講官未幾擢禮部右侍郎癸巳秋轉
吏部右侍郎文襄既受宸眷 上後知春為文襄弟
乃於諸侍從中顧遇獨厚擢翰學擢吏禮二侍皆簡

自 聖衷於是頗為時所忌既感 上知遇益思報

稱在吏部數與冢宰誠齋汪公議不合司屬復有肆

間者乃遂失歡寢成隙汪疏春起用大禮遷謫諸臣

又誣以不賀 皇太子誕生等事疏入 命冠帶開

住即日陛辭怡然就道人勸論辨曰吾惟無媿於心

耳又何辨且吾老無子得歸素志也涓厓霍公繼為

少宰汪尋去位凡春所欲更置者悉見施行後臺諫

本朝分省人物考 卷一百九 十一 四川三 張洪

論汪陷害僚屬蓋指此云家居杜門謝客絕久不及

朝政時與二三故舊登涉玉山涪水之間嘯咏竟日

邑故稱淳朴後漸事侈靡春歸敦儉素表率鄉閭俗

因以變

楊最

楊最射洪人正德中進士朴實淳厚有古人風歷官

郎中知府雅著清操仕至太僕卿抗言國事死于廷

杖隆慶初 詔贈都御史謚忠節

張翀

張翀潼川人幼稱奇童正德間進士歷都給事中疏

高父子謫戍瞿塘處困十年始終一節後復起陳
六疏皆先憂後樂之意平居忠信篤敬言笑不苟著
來衮小草行於世

楊名

楊名遂寧人正德中官翰林編修上疏直言忤權貴

免官家居敦行著書時論推重

羅賢

羅賢蓬溪人正德中舉人歷官漢中通判鄢藍賊逼

城賢仗節入壘論以禍福賊解去總兵官楊洪逼撓

賊眾遽加侵辱賢抗節而死川陝撫按上其事贈本

本朝分省人物考 卷一百九 十三 四川三 姜洪

府知府錄其子

張庠

張庠蓬溪人正德間進士歷官貴州兵備副使都勻

賊夷連年負固庠整兵直擣其巢執渠魁釋脅從諸

夷畏服稱小諸葛

湯紹恩

湯紹恩安岳人歷紹興知府瀕海潮汐至多渰沒田

舍恩議築隄建閘以時蓄洩闢田至數千畝越人歌

之曰泰山顛高于天長江水清到底功名如山水萬

古留青史至今立祠崇祀他如建忠烈祠修古陵寢

表揚貞烈置學舍嘉績茂著未可殫述歷山東布政使卒于官

譚 閻

譚閻蓬溪人正德間進士歷官按察副使兵備固原始築邊墻大破虜衆受上賞鎮有鐵鑄泉夷人數飲馬于此閻分兵守之虜不敢犯邊境肅然民立生祠祀之

黎希哲

黎希哲樂至人正德間司教安寧學擢諭衡庠有文行所在學士歸心僚友誦義卒之日門人哀之今里本朝分省人物考卷一百九十四

中稱家行純謹者必曰黎氏云

楊 蔭

楊蔭遂寧人廩生正德間廖賊劫掠蔭奉母蘇氏避險畦草中賊獲之欲殺其母蔭抱母痛哭願以身代賊以刀屢試其頸蔭色不變遂釋其母截蔭髮去當道重之表其門

王縉紳

王縉紳安岳人進士歷官監察御史按浙江風裁爲時所重先後章奏皆見推行陞湖廣僉事懇乞致仕家居不入城市與楊冕等講學于真南書院士無遠

負笈從遊咸稱真南先生

黃 珂

黃珂遂寧人自縣令至尚書有介直譽宸濠奏求護衛珂堅執不署時人以爲難卒謚簡肅

席 彖

席彖遂寧人書之弟嘉靖中任給事中以諫謫夷陵鑿井城中民便之卒于官萬曆改元贈光祿少卿

譚 維

譚維蓬溪人舉嘉靖壬辰會試以親老不就廷對後六年始舉進士授戶部主事權京商稅痛絕請託典本朝分省人物考卷一百九十五

太倉嚴祛積弊日以母老爲念未幾懇疏乞歸及母終躬營葬具人稱至孝撫按以忠孝世家表其門居紳耻于以蓬有徑道甚衝白當道設朝天驛減廢并課民咸利焉

譚 宣

譚宣蓬溪人知河源時巨寇陳孜標掠邊鄙民被屠戮宣以誠諭之賊乃解去隣封亦賴以安

陳 講

陳講遂寧人嘉靖中歷直隸山西提學所至造育人材卓有成就歸休著茶馬志及烏集等書海內重之

申錫

申錫潼川人作先天太極諸書自一歲一月一日一時皆有圖說至於九疇會極中央立極中星合極復分畫而附益之又作三易圖說十卷以探義文孔氏之秘而六十四卦為二圖以釋其義讀書至老不倦

譚紀

譚紀字廷憲潼川州人孝友性成父有足疾扶持四十年不少間父沒泣血三年不御酒肉建思親堂望親臺時復悲哀至老不替焉

蹇衡

蹇衡州人性至孝母卒水漿不入口者三日葬祭一遵家禮後擢都水主事居父繼母喪哀毀廬墓哭聲輒飛集哭已乃散事聞旌表

本朝分省人物考 卷一百九

十七

四川

眉州

余子俊

余子俊字士英眉州青神縣人生十歲父母歿幼有大志迥異常兒登景泰辛未進士授戶部主事陞員外郎在部屬中獨開敏精勵常有兩勢家爭田久未決部檄理之甲以其地名與已姓同執為其家故產子俊曰然則張家灣盡張產耶卒為直之一時能名聞於上下出知西安府公務叢委訟謀紛紜三邊之事咸萃於府使車往來無虛日子俊處之裕如初西安患城中水鹹苦民為艱食子俊於城西北三十里

本朝分省人物考 卷一百九

十七

四川

相交澆水欲開渠引入呈白巡撫奏允乃躬督工役潛決流通民用稱宜頌其功澤灞橋圯壞行途既沮民田因折子俊先後建策營修二次橋成牢固水患遂無涇陽縣山高水下不利灌溉乃出公帑責健卒鑿山開道溉田千頃永為秦民之利使者奏其治行為關中冠 賜璽書旌異成化初年陞陝西右叅政尋陞右布政使子俊在陝藩最久歲儲數百萬皆手畫心計纖毫不屬胥吏之手又先卹民而後理財培剋聚斂之風頓息七年陞右副都御史巡撫延綏地方具疏言陝西有二邊延慶寧夏甘肅三邊之中延

慶爲內地國初逐出北虜遠遁黃河之外至正統初渡河來犯近邊始於沿邊立界石創營堡築墩臺天順以來虜知我東西諸邊各據險以守難於窺伺惟延慶一帶地無險阻可以馳突屢來犯掠邊人以爲嚮導遂知河套所在入屯其中自是虜顧居內而我列屯守禦反在其外臣以爲莫若沿邊一帶墩臺空處築爲邊牆立砦保守舊界石一帶多高山斗峴依山形隨地勢或剗削或累築或挑塹延引相接以爲邊牆於是東起清水營之紫城砦西至寧夏之花馬池延蔓二千里每二三里間爲對角敵臺峴砦連比

本朝分省人物考

卷一百九

十八

四川三
范王

後經城下必嚙指相顧不敢鳴鏑以向丙申移鎮關中進右都御史有詔議弭盜安民之策選將勵兵之方條上事宜凡七疏入皆從之十三年陞兵部尚書子俊熟知邊情區畫各有機宜善擇屬官賢者委任之不好自專時有中官用事獻下西洋策以中旨索永樂中調軍數子俊命吏檢舊庫職方郎中劉大夏故匿其藉以利害告遂拜服之事遂寢又永樂間勅遣大臣分行各處凡民間子弟二十以上爽健者皆選取以備侍衛頗被騷擾其軍悉隸府軍前衛數至二萬有餘立千戶所二十五領之年六十驗

本朝分省人物考

卷一百九

十九

四川三

允力疾視事至弘治二年卒於官贈太保諡肅敏

嘉定州

梅應魁

梅應魁威遠人洪武中為寧波府推官不事苛刻辨
勤縣民邵觀之誣人服其神明永樂二年應求賢薦
後陞刑部郎中廣東布政使

蔡廉

蔡廉嘉定人登正統周旋榜以母老乞教職就養授
井研諭母終哀毀骨立及葬遇雨不止廉大慟顙天
至期開霽事畢雨如初人以為孝感

劉肅

本朝分省人物考 卷一百九

三十一

四川

劉肅字敬之嘉定人成化丙戌進士授行人奉冊封
秦府却其私餽拜監察御史按江西湖廣二藩風裁
懋著歷湖南布政性狷介不阿權貴故權貴人忌之

童瑞

童瑞字世奇嘉定人生時有異兆故名瑞少長穎異
不凡習舉子業文譽蔚起弘治乙酉舉鄉薦連第進
士授給事中尋遷都給事會陝西左布政使王衡御
史張文李鸞互糾舉不法事連宗室言官往勘率畏
避引去至則悉發其奸隱咸伏罪時論大快中官杜
安奉駕帖取太倉銀四萬兩備內帑費故事錢穀出

本朝分省人物考 卷一百九

三十一

入戶科得與聞時不與聞疏爭之安懇請于 孝廟
欲中以危禍有旨以明年當輸內帑者扣還太倉曰
中官何能為司徒乃阿違至是耶遂抗疏司徒某奉
職無狀亟宜罷斥優詔兩宥之由是直聲益振有杜
威者藉戚里勢撓壞鹽法劾之論如法嘗與御史劉
纓論摘蠹政逮繫錦衣獄事得解未幾遷浙省左叅
議以外艱去服闋補陝西調長蘆運使乃興修鹽利
繩治豪猾尋改廣西叅政時平樂府徭徭繫獄者百
餘人廉之多冤濫乃直之仍具牛酒犒其桀帥使緝
其部落咸感泣受約束居無何丁內艱服闋進湖廣
布政使尋轉河南左所歷有政績可紀擢順天府
尹 武皇帝南巡公私惶擾從容應之若無事者京
兆賴以寧 世廟登極進工部右侍郎奉勅督修
康陵崇先殿先後賞賚殊渥未幾進本部尚書嘗一
再疏請老荷溫旨勉留既典司邦計裁省節縮悉中
規則其大者如仁壽宮 顯陵徐河之役上下俱便
之丁亥冬疾作 上遣中官就問私第兼賜羊豕戊
子六月疾復作竟不起年七十有四性和厚坦平若
無所可否而遇大事卓有定見確乎不可奪歷官四
十年位至六卿謙恭彌甚能以功名令終焉

本朝分省人物考 卷一百九 二十三 四川三 朱秀

趙時 趙時健為人正德舉人歷知三郡連克巨寇有異績
擢太僕寺少卿人服其才

宿進 宿進字孺忠夾江人進士歷刑部員外郎逆瑾擅權
以直言受杖卒嘉靖初贈光祿寺少卿縣有祠

程啟克 程啟克字以道嘉定人進士擢監察御史抗疏時艱
其大者如清監局之費上諫獵之書發馬昂之秘謀
辯逆黨之誣逮嘉靖間按江西主試事增已卯額以

議大獄謫戍艱苦十餘年放還置義田以贍宗族捐
家貲以新學宮又置學田若干畝隆慶初贈光祿寺
少卿

安磐 安磐字公召嘉定人戶部主事佑之子登進士選庶
吉士改兵科給事中與程侍郎彭給事相友善時號
三高繼進都給事中議大禮伏闕被笞家居守禮有
家禮儀節萬曆改元贈太常寺少卿

徐文華 徐文華字用光嘉定州人進士授大理評事改監察

徐文華字用光嘉定州人進士授大理評事改監察

本朝分省人物考 卷一百九 二十三 四川三

御史陞大理寺左少卿大獄起編成遼陽會赦還至靜海卒為人有節操工詩文與給事中安磐侍御程啟克給事中彭汝實為友一時蜀中論人物四子稱首隆慶初贈僉都御史

彭汝實

彭汝實字子克嘉定人進士授南京吏科給事中極言近習變亂與國是偏執反覆萬言又作貂璫錄以寓化導不果上時宰臣惡不附已罷之家居奉母孝事兄謹結廬山居成就後學

毛鳳

毛鳳夾江人進士授戶部主事歷知鎮遠廉介不苟平易近民居家貧不能自給鄉評重之

張鵬

張鵬洪雅人進士授徽州府推官讞獄明允以忤逆瑾瑾敗拜河南道御史建白侃侃以直聞巡視兩淮忤中貴張銳移病家居後巡按山西以論大臣謫知漳州著壯還集西巡稿

王儼

王儼字若思號睿齋四川威遠人隆慶戊辰進士弱冠尹金壇清簡峻絕不與人交一言惟敬方麓先生

素弱久屈于豪右莫敢吐氣儼甫下車為伸之豪家奴屏跡民始有生氣往邑中多弊政一一釐革尤振作士類在任五年終始如一但疾惡太嚴豪有力者媒孽之止陞南京刑部主事後歷官福建右布政使其治行多在湖廣廣東二省云方麓先生與人未嘗輕假一言獨與儼相洽其人亦可知矣

錢貴

錢貴峨眉人以越嵩衛貢任雲南富平縣令簡重廉平邑人李義為盜所誣貴廉其冤釋之義以三百金謝貴叱去在邑常治圃自給及卒士民如喪考妣

本朝分省人物考 卷一百九

二十五

四川

高任說

高任說字汝霖少篤學性端重嘗銘其座右曰程明道坐如泥塑包文拯笑比河清後舉進士歷知鎮江府政先惠愛大學士張公薦為浙江提學竟卒不果用

張瑛

張瑛字子玉華州人才器高邁性嗜學治詩書二經善屬文工於詩事親友弟俱可為卿閭法潛德弗售郡守召之不應

尹東郊

尹東郊字敬孚始為滇人父為榮縣令因占籍於嘉

州博學善爲詩郡守魏瀚甚禮重之列其狀於朝弗就今稱尹聘君云

王表

王表字孔儀嘉州人舉於鄉母老孀居不樂仕進朝夕躬侍手調其旨母有疾兩刲股以進禱輒愈三赴禮部皆中途返其詩云未忍慈闈終日別故將小艇幾番回母年九十卒水漿不入口者三日有司以聞詔旌其宅

本朝分省人物考卷一百九

二十六

四川三

瀘州

楊瓊

楊瓊瀘州人永樂中知景州剛介有爲多美蹟時州境有四異麥秀兩岐黠穀放生野蠶成繭嘉禾九穗父老欲上聞瓊止之周文公爲紀其事

李祥

李祥瀘州人天順解元登進士任御史鯁介無私以剛直忤戚畹謫典史累陞副使所至以廉能見稱

王忠

王忠瀘州人性閑雅善詩兄弟友愛初仕刑曹逆瑾擅權撓法忠秉公任怨白冤獄千餘人擢陝西僉事市米布以濟凍餒進雲南副使平夷寨有功賜金帛進爵一級滇人祠祀之終山西叅政

本朝分省人物考卷一百九

二十七

四川三

高巖

高巖瀘州人弘治中知丕州時江彬隨武宗出狩有司曲意阿順巖獨抗拒不屈械送錦衣獄彬敗朝議出之歷官知府

曾嶼

曾嶼瀘州人弘治進士授戶部郎中忤逆瑾出知建昌宸濠之變與有討逆功時人祀之名宦善詩文有計

大事記諸集行世

翁磐

翁磐瀘人弘治舉人為禮部郎諫南巡議大禮兩受廷杖諫却西夷進獅子及芽茶咸嘉納焉歷官叅議

白轍

白轍納谿人正德進士初授工部主事督修軋清宮及整理北征軍務皆有功歷陞刑部員外郎出高牆宗室三百名口流宦寺黨惡者十二人奉命決楚

藩潘朝之獄并錢寧江彬諸大逆為時推服曾疏陳

本縣民瘼改邊糧均徭役省里甲邑人至今受其惠

本朝分省人物考卷一百九

二十八

四川

朱子和

朱子和瀘人嘉靖進士少博雅有異才主爵欲授以銓曹固辭補刑曹大臣家奴犯法論如律典江西試事多得名士進儀制司員外僉憲浙江以能吏稱著有初溪集藏之家兄子恭官叅議姪藻官辰沅副使俱以治行聞而朱氏斌斌稱多賢矣

何其賢

何其賢瀘人領鄉薦二十餘年未嘗一至公庭孝友之行人無間言令湖廣通城有劇盜匿大姓家恣行劫掠設秘計擒之人稱神明出俸金以謝于謁注意

民無冤抑憂旱禱雨勞瘁致疾竟卒于官旅櫬於士女哀號民爭斬挽抵其家通城至今尤喑喑頌之云

李整

李整瀘人嘉靖舉人長子令幼以孝友聞初授平江文學捐俸以修學舍濟貧生勤黥括士多成就及令長子備邊儲化奸暴興革利弊兩院交薦為循吏最瀘人至今仰之

韓志

韓志瀘人嘉靖進士耿介無私初為吏部考功郎舉察咸當時布政張某叅政張冕有時名為忌者所排志力庇之署文選杜請托抑僥倖權貴切齒至欲劫於道志不為動擢大常少卿卒於官

李惟觀

李惟觀整之子登嘉靖進士性慤直初為寧國理平反冤抑民祠祀之拜御史建言崇正學等事皆見嘉納擢湖廣僉事平金崗大寇轉陝西叅議致仕歸著西臺疏草

賀顯

賀顯瀘人隱居不仕潛心經史家貧精河洛數以自

言動不喻矩矱士論擬之陳太丘云

曾海寬

曾海寬瀘人善詩家貧不仕受徒於合江常晚浴於渡口舉遺金七百還其主又以學資給鬻女償官錢者其人納券授女寬焚而遣之

對同句容縣學訓導江之鯤

督工句容縣典史鄭乾直

本朝分省人物考卷一百九

三十

人物考卷之一百十日錄

廣東廣州府

何真

簡祖英

黃哲

關敏

周志新

李德

趙介

單忠順

張度

孫蕢

王佐

黎光

陳敬

陳璉

鄧林

彭通

本朝分省人物考卷一百十日錄

黃裳

陳思賢

羅亨信

李晟

梁軫

翟溥福

彭森

董匡

金誠

龔遂

林彥愈

顏宗

陳諤

彭誼

盧祥

陳政

陳獻章

魯能

李嗣

何經

神順

何濂

梁昉

附周世雍

鄭敬

陳道

張善昭

張滌

陳庸

梁備

張泰

張詡

吳源

林光

涂瑞

何珖

何允魁

本朝分省人物考 卷一百一十目錄

二

本朝京省人物考卷之百一十

南直督學御史西浙過庭訓纂集

門人蘇松備兵副使南郡熊膏恭閱

男 過銘盤

過銘孟

過銘篋

寧國府學生員嚴弘志全訂正

廣東廣州府

何真

何真字邦佐東莞之員岡人少英偉好書劔元至正

本朝分省人物考 卷百一十

一

廣東一 姜洪

中任為河源務副使時中原兵起嶺海騷動棄官歸鄉里慨然以生民為念至正十五年邑民王成陳仲玉構亂真請于行省舉義兵除之真躬擐甲胄往擒仲玉以歸成築砦自守乃使其弟迪驍將黃從簡高彬等頓兵圍之募人能縛成者鈔十千未幾成奴縛之以出真釋之引坐笑謂曰公柰何養虎遺患成掩面慚謝曰始以為猫孰知其虎奴求賞真如數與之使人具湯鑊烹奴駕轉輪車數人推之使號于眾曰四境毋如奴縛主以罹此刑也又使數人鳴鉦督奴妻噓火奴一號一羣應之曰四境有如奴縛主者視

此於是人服其賞罰有章以爲光武待蒼頭子密不能及也競趨歸之行省上其功居一年惠州人王仲剛與叛將黃常據惠貪暴肆殺民不堪命衆慕真義迎以守惠遂解惠州之困遂常戮仲剛併有惠循二州行省又上其功授惠州判尋遷惠陽路同知廣東都元帥歲癸卯南海三山民邵宗愚陷廣州守將何深死之大肆焚掠真聞之率衆復廣州號令明肅廣人大悅擢廣東分省叅知政事進江西行中書省左丞分省治廣弟迪以從征功擢宣慰使未幾合江西福建爲一省改拜江西福建行中書省左丞仍治廣州乙巳宗愚挾廉訪副使廣寧等叛圍廣真禦之踰十月部將與賊通絕糧道真出避城陷丁未五月真帥惠州部曲至廣民響應復克之宗愚退走誘右丞鐵里迷失以歸明年制授真榮祿大夫自左丞遷右丞真保有廣南或陳符瑞勸爲尉佗計者卽逮而戮之以示無二心洪武元年二月 高皇帝命廖永忠爲征南將軍率舟師取廣東時永忠在福州卽先遣人以書諭真三月壬辰師至潮州真遣都事劉克佐詣軍門上其印章己亥復籍所部郡縣戶口兵馬錢糧遣使表降永忠遣人送其使及表詣京師 高皇

本朝分省人物考

卷一百一十

二

廣東 姜洪

帝賜詔褒之四月永忠至東筦真率官屬出見永忠慰諭之仍以榜招降諸寨誅邵宗愚等餘孽悉平詔至真乘傳入朝貢獻方物賜文綺紗羅綾絹各百匹銀千兩將校各賜有差侍膳內禁賜宴中書初賜詔諭援例當進繳真叩頭乞賜藏于家爲後世子孫榮上可之授真中奉大夫江西等處行中書省叅知政事諭之曰天下分爭所謂豪傑有三易亂爲治者上也保民達變識所歸者次也負固偷安流毒生民身死不悔斯不足論矣頃者師臨閩越卿卽輸誠來歸不煩一旅之力使兵不血刃民庶安堵可謂識時達變者矣真叩頭謝曰昔武王伐暴救民諸侯不期而會者八百今主上除亂以安天下天命人歸四海景從臣本蠻邦之人始者逢亂不過結聚鄉民爲保生之計實無他志今幸遇大明麗天無幽不燭臣愚豈敢上違天命 太祖曰夫能不賈禍于生靈者必世享其澤朕嘉卿忠誠念江西地近廣東用 特授爾江西行省叅政以表來歸之誠古云令名德之興也卿令名已著尚懋脩厥德以輔我國家真蒞官有德有威施政發令風行霆斷人莫敢犯而一主于寬厚尤好儒術平居讀書綴文無虛時三年召還遷山東

本朝分省人物考

卷一百一十

三

廣東 姜洪

行省叅政四年命還廣東收集舊時將士還京復任
 山東九年致仕朝朔望十三年真請以其子貴叅侍
 東宮卽除貴北城兵馬指揮十四年命真及貴同往
 雲南規畫糧餉開拓道路置立驛傳集糧草以候大
 軍征進及還陞山西右布政使十六年致仕是年復
 命真及貴往廣東收集土豪一萬六百二十三人還
 朝拜貴明威將軍鎮南衛指揮僉事真從子潤弼敬
 三人皆拜官軍校數十人授管軍百戶十七年復命
 真往廣東收集未至軍校十八年遷浙江布政使十
 九年朝京師調湖廣左布政使二十年復賜致仕八
 月封東筦伯食祿一千五百石賜以鐵券復賜鈔萬
 貫仍賜第京師以其第六子宏爲尚寶司丞二十一
 年三月己卯真薨年六十七比葬又遣官蒞祭予葬
 真豐偉美鬚髯吐音如鐘少時有相者謂曰公才兼
 文武霸王之器惜生南方微帶火色位不過封侯果
 如其言

簡祖英

簡祖英字世英東筦人學問該博且有才略事元爲
 江西都省員外又從左丞何真起兵保護鄉邑贊畫
 平仰宗愚之功居多廖永忠克服廣東乃徵祖英赴

本朝分省人物考 卷百一十

四

廣東 姜洪

關錫燕勞之養以纁帛拜建平縣知縣以母辭歸其
 陳表略曰臣祖英九歲失怙惟慈親鞠育逮長知訓
 冀或用世以酬罔極之恩臣之志也向以叨食元祿
 爲何左丞叅佐適值三山強寇剽掠廣城一門妻女
 死節五人而老母陳氏爲所拘囚臣祖英隱忍不能
 卽死有媿於石苞之殉國也多矣茲遇 聖朝維新
 征討不服率土效順咸蒙嘉休乃者三山逆虜悉嬰
 鉄鎖臣母得以生還雖不孝之罪固所難逃而得以
 展區區抵烏私情者陛下之賜也臣母子離散得完
 白骨復肉銘感 聖德徹於肝肺雖九死其能報耶

本朝分省人物考 卷百一十

五

廣東 范王

陛下又復甄錄奇以民社此正臣隕首思效之秋也
 而臣俛願自慙不敢拜命者以罪戾已深不宜職在
 民牧欽惟 聖朝以孝道治天下以仁心懷遠人臣
 經事元朝幸已逃誅母年逾耄孤苦特甚尤宜惻怛
 而欽恤者也伏望 聖慈矜其愛日之短俾遂歸養
 之願則臣母子拭目清平謳歌德澤爲賜多矣今臣
 年四十有九老母年八十有一鶴髮垂堂西山之日
 已薄苟違親而事主 陛下安所用之果盡奉歡之
 期然後復求仕進以盡忠整節非惟盡人子私亦
 聖朝孝理之道也 上俯從之人榮祖英之能養焉

時 上方以道德風厲天下凡元朝叛降之臣始雖榮遇終必擯辱名士如危素張以寧輩皆所不免祖英亦超然有遠識矣

黃哲

黃哲字庸之廣東番禺人哲弱冠而孤刻苦讀書通五經嘗借人文選手抄之沉玩究竟遂能作詩造晉唐奧域性好山水結廬蒲澗栖息其中往來羅浮峽山南華諸名勝自以為未足乃度度嶺過吳楚遊燕齊間一時湖海英豪皆與遊焉當風雪時泊舟秦淮遇朱文昭涂穎輩相與握手吟詠沽酒大噱二人惜

本朝分省人物考

卷百一十

六

廣東

日君才如白雪吾雖知音如寡和何龍鳳中 太祖

為吳王駐師金陵招徠名儒哲為丞相李善長參政張景汪廣洋所知交薦之乙巳建吳國拜哲翰林侍制入侍 太子讀書尋兼典籤輔道盡職 太子愛

重之鈔幣之賜無虛日丙午六月左丞相徐達北伐還應制賦詩稱旨未幾歲旱 上祈雨鍾山獲應

御製七言詩志喜命哲賡之洪武初奉使青徐諭諸反側尋出知山東東阿縣吏胥初以儒生易之哲剖決如流案牘無滯且不事激刻苛察民樂其寬一縣帖服值旱麥苗盡稿哲齋戒徒跣烈日中詣洪範池

龍祠禱焉詞旨哀惻甘澍應時優渥民驩呼曰此黃公雨也狼溪有怪物為幻竊人啗之哲為文禱於天須臾風雷大作一青蛟斃水上時經毛貴亂後民多流徙他鄉聞哲善政復其業者亡慮數千人戶日滋辛亥陞東平府通判東阿士民遮道涕泣攀留父老扛輿而至有百餘歲者抵府境乃返是歲黃河決梁山中山書省發民疏浚哲董東平之役經畫有方民不告勞聞有司欲復堰黃陵岡哲建議謂此乃胡元覆輒不可以為法事遂寢尋上疏陳時務數十事皆人所難言 上怒其狂斐會山東守臣言哲捐俸修

本朝分省人物考

卷百一十

七

廣東

關敏

關敏南海人本朝初四方兵亂率眾保障鄉里據有一州王師下嶺南全城歸附授巡檢後為流賊攻陷死于陣舉家二十口皆死焉事聞贈兵馬副指揮有司立廟歲祭

周志新

周志新南海人文皇帝呼為周新因改名以志新為字洪武己卯舉于鄉授大理寺評事疑獄每一言而決拜監察御史彈劾敢言貴戚畏之目為冷面寒鐵公京師中或怖小兒輒曰冷面寒鐵公來皆匿永樂元年巡按福建奏言軍民諸司兩非統屬府衛途遇應分道而行即有公事不許徑下府縣毋得責辱有司官吏奉詔書雖邊衛亦從藩司遣齋都司無與焉上悉從之二年巡按北京制令吏民有犯流徒者免罪發北京民稀處種田羈繫數月候詳多死獄中新

本朝分省人物考

卷百一十

八

廣東一

然遂併治之境中有虎害為文告城隍須臾得虎格殺之偶行道上蠅蚋迎馬而聚尾見一暴屍遺小木布印令人市布得印誌同者鞠之乃劫布商賊也立正其罪召布商家給贖家人大驚性素廉介未顯時其妻緝纊以給及貴同官內燕猶以荆布往若田婦然故當時周憲使之名震天下初錦衣指揮紀綱使千戶往浙訶事多作威福受吏賂新如京師遇諸涿州捕繫之千戶脫走訴于綱綱更誣奏上怒令馳馬逮新承綱意者榜掠無完膚既至蒲伏陛前猶抗聲曰按察司行事與在內都察院同 陛下所詔也

本朝分省人物考

卷百一十

九

廣東一

臣奉詔擒奸惡奈何罪臣臣死且不憾 上命戮之臨刑大呼曰生為直臣死當作直鬼是夕司天奏文星墜 上既悔後見一人衣紅衣立日中間為誰曰臣周新也上帝以臣剛直命為城隍為 陛下治奸臣貪吏言已不見 上益憮然他日顧侍臣曰周新何許人對曰廣東 上嘆曰廣東有此好人朕枉殺之矣後紀綱以罪誅事益白新既不祿其妻獨挈遺衣及書數卷歸廣貧居如洗都御史楊信民巡撫時存問其家周以月俸嘗語人曰周志新當代第一人吾黨所未及也

李德

李德字仲修番禺人夙負逸才博極羣書洪武庚戌以明尚書薦至京師授洛陽縣典史繼遷南陽西安二郡幕政暇遍覽帝王遺墟登高作賦發其胸中磊落之氣人爭傳誦常著論謂西安南陽皆天下大形勝所在建不拔之基者當擇而都之江東非其匹也士林避其識歷職郡邑十餘年年且暮乃自陳不能吏願就教職得為湖廣漢陽教諭當兵革初靜賢舍翳蓬藿中生徒僅十數輩皆獷野德盡心訓迪之秩滿改任廣西義寧縣學其俗尤陋德立法孜孜勸諭

本朝分省人物考卷一百一

十一

廣東

使約束鄉黨不得為惡習俗日美科貢漸盛當道交薦之而德以倦遊南歸卒于家德為詩多效長吉太白孫贊嘗笑之曰子真混元皇帝遠孫也德乃力追古作評者以為跨晉唐云少嘗自號采真子著論如子書晚更潛心伊洛嘗謂誠意為古聖哲心要故其詩有曰意誠諸妄遣可以通天地又曰鑿空非自然立異豈真實堯舜與塗人其初本同一故世稱理學者必曰李仲修子李亦能詩

趙介

趙介字伯貞番禺人博通六籍佛老諸書悉究其奧

氣宇豪邁與物無芥蒂與至即揮毫賦詩人莫測其

涯也父景元臨江治中與母連喪介孤憤閉戶讀書

無復仕進意植二松于所居扁其軒曰臨清以淵明

自擬蓋昭其志云南海文士李韡以薦起介力止之

不可臨別介泣謂曰堯天雖長劉日實短子獨何心

韡竟去後倅南康被累乃嘆曰趙伯貞真高士也介

行常以囊自隨遇景即投詩其中絕不為人留題獨

與劉樂善輩相倡和日往還西樵泉石間有司屢薦

皆辭免洪武己巳以累逮赴京道南昌卒于舟中介

顏如渥丹丰度類神仙中人子縈絢繹純皆善詩文

本朝分省人物考卷一百一

十一

廣東

上篆隸時稱四懷絢隱居有父風所謂趙懷祭者後

純貴贈食為監察御史有臨清集行于世方孫贊王

佐結詩社南園一時名士如李德黃哲暨別駕黃楚

金徵士蔡養晦黃希文架閣蒲子文進士黃原善趙

安中安中之弟通判澄徵士納更唱迭和文士宗之

而介自成一家言與贊佐德哲並稱五先生云

單忠順

單忠順字廷直增城人洪武初以貢士選授江西道

御史風儀整峻方正不回凡有所知徑以入告後因

建言謫陽朔縣典史卒于仕

張度

張度字景儀增城人風儀偉特未冠時有相者見之曰山角淵庭柱石材也以才學聞元季舉茂才為高要縣學教諭遭亂棄官歸杜門讀書而業益進洪武壬子舉於鄉計偕如京師會罷科舉詔選賢能補憲職遂擢監察御史度以譽望振一時彈劾務持大體高皇帝重之時諸勛臣連姻帝室多怙勢者度每事檢舉風采凜然朝著為之屏迹嘗建議立張巡廟於歸德州以勸忠 上亟命有司舉行魏觀知蘇州治張士誠故官為府署有司以為言 高皇帝使度偵本朝分省人物考 卷百一十 廣東一 張前

之度往變姓名為日者入吳縣學宮廉其實還奉稱旨或言度在吳縣學宮每師生會膳度就食惟分其餘以故人益不疑而事情益覈 上聞而深器之尋誅畿輔諸郡守擢度知常州府治政公勤人不敢干以私雖公務倥偬不廢文業勸勉郡人俾知向學禮教藹然大興前郡守何用修公廨建庠序祠宇未畢以罪去度力終其事而民不以為病治行為畿輔第一遂召為吏部侍郎嘗條舉選法之不當者數十餘事上之皆見用六年進本部尚書藻鑑人品銓選得體持廉秉公朝野欽之後以小誤當獲微譴閉戶一

音價既卒人皆傷之度為人清謹有用世才鄉人尊之以為有崔清獻風云

孫黃

孫黃字仲衍南海人性敏邁儀觀偉然于書無所不讀為詩文多不屬藁伸紙行墨俄頃輒就初若不經意而氣象雄渾與翰墨致駁駁乎有古風元季避亂山澤間東莞何真保有南海洪武戊申征南將軍廖永忠至真屬黃為書請歸附曲盡誠款永忠不修一人而南海晏然徵與郡教三年庚戌開科黃三試皆在高等賜進士出身授工部織染局使尋為虹縣主簿時經兵燹十室九虛黃加意勞來民還其藉甫一載被選為翰林典簿宋濂樂韶鳳詹同輩亟稱許之八年預修洪武正韻翰歲持奉常節監祀西川居翰林三載外補平川簿以事逮繫有旨輸左校板築問望都門誰為馬鼻監者以聞召至誦所為詩率忠愛語特釋之十五年拜蘇州府經歷二十二年請戍遼東怡然就道酌酒賦詩無異平日都帥梅思祖節鎮三韓素聞黃名迎置家塾是歲以黨禍見法人勸其上書自明黃不答賦一詩長嘯而歿年五十有六門人黎貞隨其行葬之安山黃所著有通鑑前編綱

母孝經集善理學訓蒙西菴集和陶集集古律詩數
帙蕢沒諸書散逸惟黎貞所編蕢詩文行于世

王佐

王佐字彥舉占籍南海時孫蕢與佐結詩社於南園
開抗風軒以延一時名士佐才思雄渾體裁甚工蕢
深重之構辭敏捷王不如孫句意沉着孫不如王會
何真開署求士與蕢首被禮聘真敬禮二人使掌書
記軍旅事多見咨詢李質者德慶豪帥也據有肇慶
佐恐其有異志與蕢往說之得其歡心質遂通好質
好文義衣冠之士多往依之其尤知名者則有江右

本朝分省人物考

卷百一十

十四

廣東一
徐林

伯顏子中茶陵劉三吾建安張智歸言于真使招致
之由此士凡以一藝名者真皆館穀之洪武六年用
部使者薦拜給事中論思補闕恒稱 上意學士宋
濂嘗拜賜黃馬 上為歌命諸詞臣和之佐斯須而
就清新富贍如宿構者有臣騎黃馬當赤心之句
上覽之而喜賜鈔一錠 上遊幸或遇會心處多命
之賦詩三吾嘗同詠署中桂驚其才高語妙以為名
世之作其為名流所重如此佐性不樂樞要居官二
載即乞骸骨 上憐其誠特命所請陞辭日賜鈔五
千為道路費士林羨之時天威嚴重臣僚自陳者多

被譴斥佐以恭慎得歸故當時以為難云佐天性孝
弟父沒時有廖元正者為料理喪事殯諸南雄之五
里山終身事元正如父既貴後元正之子犯法言于
有司以已資贖其罪哀慕終身形于著述集多散逸
評者比之高適岑參

黎光

黎光字仲輝東莞人博學能文儻有奇氣洪武壬
子應鄉薦釋褐拜監察御史正色立朝卓有風裁常
巡歷蘇州民罹水災缺食具實以聞得蒙賑濟存活
者甚眾及巡歷鳳陽所上封事皆切時弊遂受知于

本朝分省人物考

卷百一十

十五

廣東一
徐林

上其在朝也執法不阿為御史大夫陳寧所忌陞刑
部侍郎纔三閱月陳以他事中之竟卒于謫所人皆
惜之

陳敬

陳敬世家增城之石灘洪武十四年以賢良舉授禮
部主客司郎中遇事剛果敢為人多忌之以事左遷
雲南曲靖府幕府尋署劍川州事劍川鄰寇竊發來
攻州城敬親率壯士禦之眾寡不敵其下欲退敬瞋
目大罵賈勇前進遂力戰而死軍民咸聚哭賻馬車
聞命有司恤其喪

陳璉

陳璉字廷器東莞人自幼聰敏喜學領洪武庚午鄉薦為桂林府教授嚴條約以身先之都督韓觀總兵鎮守廣西猛悍不下聞璉之教悅服每加禮焉秩滿陞國子助教永樂初廷臣言璉有治才不宜置之散地召試在優等擢知許州始至人以儒者易之少有警發眾為悚懼乃更以寬厚寧民俗多淫詞戒諭之俗遂漸變未幾代還改滁州均徭役時征歛禁奸戢暴民用大和 太宗皇帝巡幸北京所過先遣廷臣察吏治問民隱治有異效者加陞擢焉眾皆言璉績最滁人恐失之詣闕乞留遂陞揚州知府掌滁州事賜綺衣一襲鈔五百貫禮部宴餞給驛還任滁州又九年陞四川按察使四川去京遠民不畏法豪吏黠胥奸弊百出璉至一治以法不少貸軍中暴橫有號虎彪太歲者人莫敢犯犯輒受奇禍廉得其實密遣人捕之皆寘之重典乃建言修武備慎刑罰明禮制復義倉正風俗等九事 上嘉納之永樂間召還改南京通政使俾專掌國子監事師道尊嚴善於訓迪士類悅之丁內艱正統初起復調南京禮部左侍郎又五年致仕璉德行淳懿文詞典重人愛之若拱壁

本朝分省人物考

卷百一十

十六

廣東 徐林

搢紳士大夫求碑銘序記詩賦諸作足相躡於門應之如響故著作最多所至學者考德問業無虛日黃蕭養亂璉建制御綏靖之策竟平之卒年八十五初去滁時滁人侑之於醉翁亭與歐陽修王禹偁為三賢祠東莞縣知縣吳中祠之與李用李春叟亦曰三求觀必館穀焉璉沒書皆失散

鄧林

鄧林字士齊新會人也洪武丙子領鄉薦為廣西貴縣教諭林素嗜學能為古文章復長於詩歌自謂學詩於陶韋李杜學文於史漢韓柳學書於晉唐諸名家考滿京師時大學士楊士奇祭酒李時勉閱其詩文相謂曰嶺南一代文人也暫留史館修書尋出教南昌多有薦其學行者乃遷吏部驗封主事宣德四年三月以事忤旨謫居杭州林博記多才器識洪邁議論侃侃杭士夫多從之為湖山遊與布政使姚肇隱士夏誠諸人讌遊倡和仁和士人張震編集刊行曰湖山遊詠錄

本朝分省人物考

卷百一十

十七

廣東 鍾

彭通

彭通字萬里南海人蚤失怙恃勵志讀書工為詩隱

居教授從之遊者常數百人洪武四年由儒士舉銓部以名入見上親閱之拜給事中叅劾封駁嚴明有威同列皆以爲勝已上方嚮學文士多擢近待寘左右俾應制焉通詩思敏給上稱之嘗賜贊善大夫宋濂以醉學士歌通賡和稱旨九年三月與方徵等十六人偕轉監察御史常奉命巡京郡薦達賢能攻擊貪暴有能聲用事者遣人以金帛賂之通辭不可其人強之受通欲以上聞乃已久之陞山西布政司叅政通單車赴任能以公恕滌積弊河東運司官匿羨餘不以實聞廉得其情遂寘于法朝廷

本朝分省人物考

卷百一十

十八

廣東一

賜寶鑑旌之有吳印者官至陝西方面本五臺寺僧也以材辯受上知嘗譖殺按察僉事張丁其家人橫肆諸藩臬謹事之偶以事干通通直其罪且斥辱之條其事以聞上不之罪也尋引年致仕卒于家通爲人恭謹外柔而中實剛直爲政若不事繳察者然所舉刺動無遺失故能以功名終

黃裳

黃裳字迪吉番禺人少從李韓遊明經學善文詞洪武癸酉鄉貢進士卒業太學授福建政和知縣永樂初縣病荒歉裳勸富民發私粟以貸饑民而官置簿

書條其人名以印鈐之授諸富民約至秋成令息石以二斗而歸之且禁粟毋得出境獲全者衆民共德之而他縣多芋餓云政爲一省之最惟母憂去服闋部使者以文學政事薦陞禮部主事歷刑部郎中卒裳有學識多所著述其論社所祀主石之義曰社祭土主陰氣也夫陽氣積而成天其精爲星陰氣積而成地故其精爲石石擊則星出陰動生陽也星隕則化石陽變爲陰也土爲陰氣之積而石乃其精故社以石爲主也時稱其善論他詩文亦多可採者有黃郎中集十卷

本朝分省人物考

卷百一十

十九

廣東一

陳思賢

陳思賢廣東茂名人質直剛毅洪武末爲漳州府學教授以忠孝行誼勗諸士隨才造之多所成就文皇靖難詔至思賢慟哭曰明倫之義正在今日遂堅臥不出迎率其徒伍性陳應宗林珏鄒君默曾廷瑞呂賢卽明堂爲舊君位哭臨如禮郡人執送京師思賢死之六生咸以身殉嘉靖中提學副使邵銳立祠祀之

羅亨信

羅亨信字用實廣東廣州府東莞縣人永樂癸未領

鄉薦明年甲申登進士改翰林院庶吉士是年五月授工科給事中往浙江視水災奏免嘉興海鹽崇德三縣稅糧以蘇民困丁繼母憂起復調吏科陞右給事中坐累謫交趾素位而行雖遠在荒服亦怡然自得未嘗有憂苦無聊之嘆因自號安素父之用薦起拜監察御史嘗命往通州察倉庾之弊巡按真定等府清軍山西所至有聲再丁繼母何氏憂命馳驛奔喪即起復大臣有言其堪任方面者詔復舊任食按察司僉事俸宣德乙卯陞右僉都御史命往平涼等處練兵以備邊塞殫竭心力夙夜不懈 上念邊境苦寒降勅勉勞正統丙辰與都督趙安率師巡邊戊午丁外艱奪情視事明年殄虜功成陞俸一級賜紵絲白金始命馳驛歸葬父畢事還京奉勅巡撫大同宣府并督屯種給贍軍餉興利除害為父安計悉心國事勞來措置無不得宜言聽計行信任惟允在邊年久諳於地利之宜戰守之法轉輸之方每有建白無不嘉納已巳秋北虜入寇廷議召宣府總戎入衛眾紛然欲遂棄其城挺然仗劍當門止之眾遂定是年九月轉陞左副都御史賜以白金紵絲是時年已七十且有疾上章乞致仕越八年以壽終

李晟

李晟字孟昭南海人器宇疑重蚤有文名少孤能承顏事母革除己卯舉于鄉永樂初為戶科給事中嘗侍左右言事稱旨 上嘗有所遣陞辭許過家省母賜道里費人皆榮之己丑春正月 上御奉天門晟方奏事 上謂吏部曰吏材中多有能者令給事中保舉若非其人則平日交結可知晟受命奉保郎中萬子雅辦事官前御史傅衡命試二人以事然後任職由是益為 上所知壬辰進都給事出知南寧府不鄙夷其民專尚德教歷六載梗化者悉歸供賦稅本朝分省人物考卷一百一十一 廣東一 朱秀

梁軫

梁軫字應辰三水縣人幼失怙恃家貧無以自贍幾流徙不能自存稍長以薄業治生往往聽人講說理學則攷疊不倦若有夙悟然者久之自知讀書專精劬苦誦常達曙曉光徹于窗桁即走市頭覓贍養資矣永樂九年奏賢書卒業太學宣德初詔國子監掄選學業談博才行磊落者授臺省官軫徵拜浙江道御史巡按湖廣建言降平樂縣典史

翟溥福

翟溥福字本德東莞人永樂甲申進士知青陽縣青陽地僻民稀因其土俗為政一以恩禮為本民甚戴之縣治近九華山山麓多虎為民患齋沐為文檄告山神曰民懼虎患令之過也禍于吾民寧禍于令身二日即殲巨虎一境賴寧邑人勒石紀之移知新淦田里廣而政冗訟繁推誠布公教民禮讓秩滿陞刑部主事用法平恕進本部員外郎尚書魏源薦其有牧民材出為南康知府至則訪民情揀疾苦省刑罰禁橫征先是郡值歲歉民有擅取富室穀粟及收剽本朝分省人物考卷百十一 廣東 井立 二十二

得謝事別郡之日父老以其清貧爭持百金餞送溥福力辭不受皆挽舟涕泣不忍舍因留帶立廟祠焉又配享于白鹿書院之三賢祠三賢者唐李渤宋濂溪晦菴也後并祀賢守號六老堂年六十六即投老歸杜門却掃惟觀書教子孫講誦而已足跡不到公府口不言有司政令居官三十餘年俸祿盡捐以營公務故家居田宅絕無所增平生廉謹剛介始終一節庭迳蕭然清貧自甘年七十一卒

彭森

彭森字伯森南海人少孤貧以俊材被選為郡諸生所服襦衫破缺以紙補之有司見而憫焉為給燈油飲食使力學森以是得肆力於書援筆輒萬言皆中規獲末樂甲午鄉舉第一明年登進士授山西道監察御史陟福建叅政始未第時聘同里女葢卑賤人也及得解其家以簞辭親戚復以女貌陋止之森不可竟成婚恩愛甚篤生子皆賢而有文森嘗曰婚姻之禮以嗣萬世也非以論財也男女之居室以正家也非以漁色也近世鄉俗粧奩奢僭王侯不如色衰愛弛脫輒召咎皆森所不忍為也森有文藝居官所至有能聲其居室一事粵人至今舉以風世

董匡

董匡字宗輔番禺人性介特邃於易尤善草書隸篆與弟匱俱負才名稱番禺二董永樂丁酉領鄉薦明年赴春官兄弟同登乙榜匡授萬載教授癸卯典山東文衡秩滿超為貴州道監察御史讞獄平怨匱授金谿訓導有二董集傳世

金誠

金誠字誠之番禺人尺籍繫廣州右衛讀書社學揮使麻張最無賴遇諸塗繫之詎曰軍餘乃敢效儒生耶褫其衣使薙草烈日中稍緩則撻之誠泣曰讀書

本朝分省人物考

卷一百十

十五

廣東一

陶文

冀顯揚今且虧體辱親矣張怒逮其父窘辱之父子相視不敢言子張數金乃免永樂丁酉誠領解首明年登進士授工部主事尋轉刑部會張奪人貨逮至京師命誠鞠問張望見誠一步九頓首誠笑迎之言于堂官釋其罪張造誠誠執禮如平時張感泣歸以女妻誠子云誠性易直不事表暴嘗侍 文皇帝北巡同行者視其舉動朝夕未嘗失尺寸蓋敦朴人也正統初以疾乞歸杜跡公門怡情山水有詩集行于世

龔遂

龔遂字文昌番禺人永樂辛丑登進士第選授浙江道監察御史以誣誤降山東布政司副理問九載考最陞廣西按察司經歷性廉靜不求榮進景泰癸酉始擢柳州知府柳為廣右要害悉心籌略民夷安之將及九載當赴奏績巡撫兩廣僉都御史葉盛廉其介潔官吏畏服習知民情勤勞年久奏請加遂職俸仍管府事吏部以聞欲埃至部考覈而後擢之遂不待致仕歸道經賊追劫之獲所携數十篋啓視之皆書籍云

林彥愈

林彥愈廣州府寶安人林光父也少服賈困于魚鹽久乃厭好惡之滑和津然若有得也手書小紙示其子光曰樹立宜如是則范文正畫齋粥長白山時事也已復購文正全集昇之曰是為汝師凡光所欲讀之書必購而貽之光夜分起讀又戒之曰亥子之交血行經心神之所守也吾聞欲速不速欲速則蹶非善為速者也久之光舉于鄉不願即仕從陳公甫講學則愈喜手錄朱子語類至四十三卷呼光謂曰汝學能有立吾啜菽飲水死不恨矣紆青紫耀闔巷何有於我哉父子間自為知己如此

本朝分省人物考

卷一百十

十五

廣東一

顏宗

顏宗字學淵南海人永樂癸卯舉于鄉授福建邵武知縣為政平易愷悌以救荒憫旱為先增置義倉士民爭出粟二十餘萬儲之歲歉計口給賑民無阻饑遇大旱齋沐徒行百里禱于神雨大注歲遂稔民有吳姓者垂死其子名鐵牛尚幼託所交育之一日鐵牛為人所殺邑貳執所育者抵罪宗疑之積誠告城隍夢有人訴曰殺牛者驢也明日召耆老問其親有丘驢者一訊具服人稱神明鄧茂七作亂上命率師討之渠魁既得餘黨據險當道委宗招撫宗率首領老數輩直詣賊所賊眾皆泣謝聽命散為良民所活十萬餘人景泰辛未九年滿考擢兵部車駕司主事轉署員外郎奔母喪歸卒于途

陳諤

陳諤字克初號一諤廣東廣州府番禺縣人永樂六年鄉舉試入太學八年擢刑科給事中舉劾權貴無所避每奏事大聲如鐘上令餓之數日奏對如故上曰是天生也每見呼為大聲秀才嘗言事忤旨命坎瘞奉天門外七日不死赦出還職尋陞吏科都給事中一日率同列論事觸上怒落職罰修象房

本朝分省人物考 卷百一十

二十六

廣東一 劉奎

同事者先治完降官去諤貧不能催役躬治甚力值駕至觀象上問治屋者為誰諤前俯伏具道所以

上憐之命復其官搏擊愈甚十一年奉使雲南還命署通政司事逾年署應天府事復署刑部十四年署鴻臚明年改署工部所至能其官十六年六月擢順天府尹政尚嚴贊頗有張越風嘗出行誤觸皇太子駕太子訴於上上曰陳府尹是我父母官竟不問其優假如此既而執政者忌之出為湖廣按察副使以摺摺楚王細故為上所厭三載刑政肅清一道無冤獄亦無冤民奏最改山西坐事落職洪

本朝分省人物考 卷百一十

二十七

廣東一 劉奎

熙改元遇赦應復上曰諤小人也宜以玷方面貶海鹽知縣上一日問左右大聲官人何在宜署輔導使人得聞過乃授荆府長史多所匡益上賜以忠良鯁直四字示寵異焉宣德三年與王不協遷鎮江府同知致仕歸正統九年卒於家

彭誼

彭誼字景宜廣東廣州府東莞縣人宣德乙卯鄉舉初任工部司務正統己巳邊事起有旨大臣舉風憲部以誼應陞湖廣道監察御史時王文掌院事號嚴明獨禮重誼景泰庚午南直隸澇民有殍誼往賑

濟日走數邑不憚勞民賴活者甚衆壬申河決張秋隄水東趨不由道奉 勅修理先是尚書石璞暨都御史王暹洪英各言方略試輒敗誼乃督役夫從勞濬之約先畢先息不限日既濬決水勢緩隨既塞之水復故處漕輓通以功陞六品俸甲戌陞大理寺丞乙亥陞右僉都御史奉 勅提督紫荆倒馬等關律將治兵修築城堡按古法造神臂弓守之尋復奉 勅提督各關倉糧保定等衛屯糧會忤權貴得罪天順丁丑左遷紹興知府民告饑即發倉卹之或謂當上聞否且得罪誼曰待請而發則轉溝壑者多矣

本朝分省人物考 卷百一十 辛八 廣東一 范王

何愛一身不以活萬命明年有秋民爭委輸不踰月而倉復盈先是郡縣官田稅重耕者不得食而流移焉賦多逋負責歸於官輒不滿秩去誼請計畝起耗減重增輕民便之又因暇築白馬閘鹵壓不入溉良田若干頃歲獲穀若干斛一郡蒙其利成化元年陞山東左布政使去之日蕭山民有感德者持海味二器爲餽峻却之其人愧謝而去居山東一載陞工部侍郎四年改右副都御史巡撫遼東在遼東十年嚴武備實倉廩鎮靜有威自小黑山之捷虜遠遁不敢犯遼東方無事時總鎮太監橫徵諸屬衛誼乃令所

屬凡移文不經本院議處者皆令覆請違者以軍法從事虐焰頓息邊人德之十三年致仕卒於家壽八十八

盧祥

盧祥字仲和東莞人幼多技能年三十始習舉子業往從其兄全州訓導寬游正統戊午遂領廣西鄉薦壬戌登進士高等擢南京禮科給事中多所論建凡六年丁外艱服闋補吏科論北虜也先僭號之害劾大臣王文項文曜等奸惡爲人所畏憚未幾以言事謫山西蒲州判官慷慨就任以下僚自處或論之則

本朝分省人物考 卷百一十 辛九 廣東一 范王

日吾素位而行也夫順改元召爲禮科都給事中章疏剴切多見聽納戊寅陞南京太僕寺少卿尋以內艱歸甲申補順天府丞其冬升都察院右僉都御史巡撫延綏至則嚴武備肅紀綱明賞罰屢平虜寇朝廷有白金文綺之賜議者欲進其秩宿與銓部有憾遂爲所沮因以書抵其外甥祈順思求退休順荅曰昔人謂使營菟裘吾將老焉論者有猶豫留時之謂舅何爲而不早決也丁亥冬得謝歸明年五月卒年六十六祥以氣節自高性寡合與同官林聰獨厚凡所獻納必協力成之故其名稱亦相頡頏云祥嘗學

春秋於安福吳節教其子士廉從子皞鵬嗣俊皆賢
賓興由是邑子之學春秋者益甚所著奏疏詩文號
行素集藏于家

陳政

陳政字宣之番禺人生而秀穎六月能言三四齡時
客有以三人聚話命之對者應聲曰四皓同遊客大
奇之十五能文詞有理致作自訟文以警勵提學僉
事彭琉見之曰此殆潛心孔孟者也亟稱之正統辛
酉發解第一卒業太學祭酒李時勉命與商略等四
十八人讀書于尊經閣下登景泰甲戌進士選爲翰

本朝分省人物考

卷百一十

三十

廣東一
徐五

林庶吉士與修寰宇通志書成拜湖廣道監察御史
繩愆糾謬務存大體嘗疏敬天勤民十事人服其敢
言尋奉璽書提督北直隸學校立教條十五事設簿
書以稽學者勤惰隨其資質高下而成就之大都以
德行為本文藝爲末未嘗輕易棄人故學者咸懷其
德閱九載陞山東按察司副使提督學校如故先是
積歲糧餉不敷庠序廩米折半支鈔奏言京師首善
之地當以培養人才爲先不宜吝惜小費詔復舊典
士益激昂久之太常卿員缺吏部侍郎尹旻指案間
扉帶示意政對曰腰金恒愧非據敢溢涯分乎旻遽

曰君言是也遂不果用成化丁亥上疏謂追崇孔子
謂當易大成之號以洗胡元之陋復玄聖之稱以正
宋人避諱之失用示一代崇道盛典會議者加詆斥
寢其疏不行是歲改雲南按察司副使至則繩武弁
之尤無良者數人修舉憲度張弛有道民夷安之甲
午獻績之京至湖湘遘疾還番禺治療逾二載卒年
五十有九政爲人資性淳雅學殖該博存心忠厚不
言人過孝友信義之聲洽于鄉黨廣之薦紳謂可以
託妻寄子者政一人而已

陳獻章

本朝分省人物考

卷百一十

三十一

廣東一
徐五

陳獻章字公甫廣東新會人身長八尺目光如電右
臉有七黑子若斗文爲人豁達大度不見小利少警
敏絕人讀書一覽輒成誦嘗讀孟子至有天民者嘆
曰大丈夫行已當如是也弱冠領正統丁卯鄉薦兩
上春官不第聞臨川吳與弼講伊洛之學遂從之遊
旣受業歸足跡不至城市閉門讀書徹夜不寢少困
則以水沃其足久之乃嘆曰夫學貴乎自得也自得
之然後博之以典籍則典籍之言我之言也否則典
籍自典籍而我自我也遂築一臺名曰陽春日靜坐
其中者數年時翰林學士錢溥謫知順德雅重之因

勸北上遂復遊太學祭酒邢讓一日試之命和楊龜山此日不再得詩驚曰龜山不如也即颺言朝著謂真儒復出由是名動京師一時名士羅倫章懋莊杲周英輩皆樂與之友薦紳謁見考德問業無虛日吏部侍郎尹旻賢之遺子從學辭不納給事中賀欽即抗疏解官去執弟子禮肖其貌像懸于別室有大事必啓焉羅倫改官南京修撰聞獻章議論亦解官去爰自成化己丑復下第南歸絕意仕進四方來學者日益衆乃築小廬山書屋以待學者雖中官緇流耆夷農賈接之無不得其歡心者家故貧或貸粟於人

本朝分省人物考 卷百二十 廣東一 禮科

僉事陶魯以田遺之不受海北提舉汪廷貞慕甚作懷沙亭以想像之江西布政使陳煒修復白鹿洞書院走書幣聘爲師謝不往進士姜麟以使事道貴州如白沙以師禮見出曰吾閩人多矣如先生者耳目口鼻入也所以視聽言動者殆非人也至京師語人曰白沙今之孟子也廣東布政使彭韶巡撫朱英交薦召至京師朝廷用故事勅吏部考試初辭以疾不就試赴試越數日赴試一到部門復以疾驟發卒不就試時年五十六懇辭乞終養詔與翰林檢討且云親終疾愈仍來供職公其恩疏云臣雖至愚亦知啣負恩

德圖報稱于親終疾愈之日不敢負朝廷待士之盛意不敢違臣子效用之初心也歸經南安知府張弼問出處對曰康齋以布衣爲石亨所薦故不受職觀秘書者冀得間悟主也惜乎宰執不悟以爲實然令受職然後觀書殊戾康齋意遂決去某以監生薦又疏陳始終願仕故不敢僞辭以釣虛名或受或不受各有攸宜爾生平事母林氏甚謹朝夕不離側或在

本朝分省人物考 卷百二十 廣東一 禮科

外母或念及之輒心動亟歸果然太夫人頗信浮屠法及病命以佛事禱唯然從之御史王鼎曰此見先生變通處也既丁內艱服闋絕不衣錦繡人問之曰向者爲親娛耳自後屢薦不起或勸之著述不答弘治十三年卒學者稱爲白沙先生

魯能

魯能字千之新會人景泰甲戌進士授南京戶部主事丁母艱服除改北戶部陞員外郎明年以繼母喪去官起復陞本部郎中癸巳遷陝西叅議尋陞叅政分守臨鞏時清水縣城久圯虜寇卒至親率官兵且築且戰城成而虜遁繼奉璽書遷左轄總理八郡三邊糧餉徵運以時遠近有等而民不疲每歲戶部給糴米銀數十萬兩舊多乾沒于權貴能估直分糴

合無虧兵食克裕創會計堂一所於公堂之左凡民徭邊儲泊王府祿米所當預計者則集僚佐疇度其中故歲無稽逋甲辰陝右亢旱不登民相食乃虔禱羣望百方區畫古今救荒之宜舉行殆盡一方卒賴以無虞尋擢右副都御史巡撫甘肅至則簡閱部伍振張領要補剔利弊兵備咸飭俄聞父喪代者不至弗敢離任竟以疾卒于關內訃聞賜祭葬命有司歸其喪

李嗣

李嗣字克承廣東廣州府南海縣人性端謹質幹魁

本朝分省人物考

卷百一十

三四

廣東一
范王

梧年十三爲邑庠生氣蓋時輩識者知其偉器中景泰甲戌進士授南京戶部主事以清勤知名嘗催督南畿江西積欠輸賦不勞而集乃奏增大臣一員專董其事遂爲例晉署郎中事時五城兵馬司妄奏房鈔都稅司侵尅公課蠹政戾民叅提兩正其罪士民稱決尚書張鳳推重之出知金華府下車之始供億豐腆一無所受適行鄉飲酒禮有司設主席殺核視賓十倍遽令撤之由是吏民知風指終嗣任不敢干以私郡俗婚嫁論財生次女卽淹殺之雖富家亦然嗣嚴其禁使資送無得過制其俗漸革奏立正學書

院祀王何金許四先賢重修呂東萊張南軒朱考亭會講麗澤書院俾郡人知所嚮慕府屬地僻遠民苦賦役奏請割三郡近地設湯溪縣隸本府以便之諸賦浩繁邑里多逋竄者乃手券貸諸富室以紓其困民情安堵士風丕變治行爲浙江諸郡之冠壬辰入覲與黃州守並課優等誥命旌異遷浙江右叅政轉左修築長堤以禦紹興寧波海漲二郡民永賴其利又上軍政數十事蒙允轉行諸省晉福建右布政使一時察案多鄉人常居和衷相與臨事則凜不可

本朝分省人物考

卷百一十

三五

廣東一
范王

如京道經金華民爭迓之攀轅涕泣不忍舍癸卯遭內艱守制於家適蘇松多事奪情起嗣爲都察院右副都御史往巡撫焉首陳事宜降勅嘉獎所至百廢具興居無何召還授戶部右侍郎丁憂廷試預讀卷孝宗卽位力疏休致優詔不許尋轉左侍郎會本部有言兩淮鹽法不舉虧損邊儲者奉璽書督視兼都察院左僉都御史以行悉心羣務遂感疾卽上章乞歸得旨乘傳還第弘治甲寅卒年六十有九訃聞賜葬祭嗣爲人孝友器量宏重見義敢爲遇事有斷居官三十餘年田園無所營增沒之日衣篋中惟白金

十兩而已登第後祖業盡與兄弟俸餘必以均宗黨有司請大其居力辭之遭內難自任抵家官司多致祭禮贖金動以千兩毫釐無所取其廉介如此

何經

何經字宗易廣東順德縣人景泰五年進士歷官工部郎中累陞廣西左布政遷右副都御史撫治鄖陽凡輯流民禦苗酋黜貪殘號能舉其職成化二十三年以疾乞解任不許既而懇以為請允之仍命病愈日起用未幾卒賜祭葬經為人寬厚不自表見歷三十餘年始終如一云

本朝分省人物考

卷百一十

三十六

徐仁

祁順

祁順字致和號達菴又號吳川居士三水人宣德甲寅年十七領鄉薦天順庚辰進士在首甲以姓名皆近 上諱移寅二甲第二授兵部主事守山海關代歸轉戶部預考會試累遷員外郎郎中成化乙未建儲奉詔使朝鮮未幾陞江西左叅政甫三載進右布政使命未下以歲幣註誤左遷貴州石阡知府壬子丁母憂服闋陞山西右叅政乙卯進福建右布政使尋轉江西左布政使守山海廉聲聿著使朝鮮詔至其主故郊迎不拜順諭以禮即拜中官偕行者貿易

以萬計悉屏之一切女樂之奉金帛之餽皆靡却不受 天子嘉焉在石阡盡心職務蠻夷習以禮教自國初來始有權科登進士者當道數以治行薦憂聞士民不得留則競解圍帶以識去思再任江西政持大體庭無私謁惠澤甚博公帑不濫動一錢卒之日羸無私金妻子至不足於食廷論舉都御史者再以無內援皆不果順問學該博要歸於身心私居未嘗妄笑語去冠幘狡黠者憚不逞居官不辭勞瘁恐恐於吾君吾民之有負其著作有吳川集使東稿冷菴翠渠倡和及寶安雜詠

本朝分省人物考

卷百一十

三十七

廣東

何淡

何淡字中美順德縣人天順丁丑進士除知山東濱州適蝗旱淡至以勸相耕農為首務定糧役料物以貧富為差書為由帖預給之聽以粟麥布絹通融折納廉其病民者一切罷之及期不待督而輸賦集暇取呂氏鄉約教民榜每鄉慎選老人親為演說大義使訓其閭里按季查考民以惡聞則召其鄉老泣謂之曰吾不能化若與若不能化鄉其罪一也然吾則罪首也民苟三犯吾當自劾求退於若何如各慙謝而去訟為之稀例得皂隸馬夫折薪錢悉移應公務

新學宮修禮器延聘師儒聚民之秀者日夕教之
士習鄙悍解額荒甚自是科第煥赫甲於他州輿論
稱其廉明仁恕政務畢舉民安其業所定徭役後守
之以爲法丁內艱去士庶萬餘人哭留之憐其清苦
醵錢二十萬相與謀曰公素廉不受踰境其受乎付
鄉老余良勝至臨清致贖淡正色卻之良勝負還散
於衆不匿一錢蓋化於淡也後貌淡像祀諸龕遂祠
服闋入爲工部虞衡員外郎陞湖廣漢陽知府教民
力農爲築陂堰使時灌溉江右布商羣來誘民取倍
息困之與訟相讐殺痛繩之民始有寧居九重學校
本朝分省人物考 卷一百一十 李八 廣東 徐仁

梁 昉 附周世英

梁昉字景熙順德人景泰丙子鄉試第一明年登進
士甫弱冠授蕭山知縣初至老吏猾胥咸以少年易
之昉則精明果斷案無留牘庭無滯訟彈壓櫛垢一
邑震洗于是禮賢興學教士育民縣以大治召拜監
察御史喜爲擊斷不避權勢卒不容於當道出爲浙
江按察僉事以嚴爲治執法一無所徇又能發擿奸
伏曲見情詐豪猾遠徙未幾卒于官昉生平廉介死
之日不餘一錢尺帛人咸悼惜之同邑周世雍亦景
泰間進士歷江西憲副持法嚴刻剖決如流至于清
矚之操亦與昉相伯仲云
本朝分省人物考 卷一百一十 李九 廣東 木秀

鄭 敬

鄭敬字德聚東莞人少秀異明敏夜誦非三鼓不伏
舉正統壬戌進士授南京湖廣道監察御史廉介自
持曹無滯牒六載出爲江西按察僉事改河南雲南
清慎不渝秩滿將之京土酋賸以兼金或勸之受叱
曰我司風紀二十年享有常祿猶恐弗稱敢改節乎
竟却之成化丙戌轉山西副使食少事煩方踰四秦
而髮盡白自陳致仕歸卒于家年五十八幾無以爲
殯人皆稱之

陳 道

陳道字德修番禺人天順壬午領南畿鄉薦第進士成化改元授吏部文選主事未幾坐累調南京刑部歷員外郎郎中清謹守法門無私謁都人因有板陳之號刑部諸司惟廣東最稱繁劇道主是司獄無留滯時莊懿周公為尚書雅重之推總諸司章奏一時僚友有疑事咸就正焉丁酉值內艱服除改南京兵部武選甫餘年擢知金華府民健訟蔓連動數十人累月不決至詢之不數語得其情牽連者隨皆釋之有巨豪屢起大獄官司追捕輒身負黃袱聲言上訴眾畏之如虎召置於法即服辜無異辭府獄

本朝分省人物考 卷百一十

四十

廣東

故在治外人得出入狡僮之徒肆為教誘命限以高垣有古木當垣舍抱民祠以為神伐之而道適有小疾眾皆以為神之靈屹不為動樹竟伐而道疾良愈弘治戊申陞江西右叅政剴煩治劇益盡其心分守湖南道得吏民之刻害者十數人悉加重譴他郡邑聞其風咸憚之壬子遷雲南右布政使踰年轉陝西左布政使所至輒有能聲乙卯進都察院右副都御史奉勅巡撫河南具疏陳地方利害謂彰德等府與山西直隸錯處水旱之餘民多為盜宜專設武臣陳州境鄰直隸潁州數百里盜所出沒宜增添縣黃河

之決河南為上源而惠及直隸大名府等處濬治夫役宜屬之河南事下公卿議奏多從其言又以宗室分封河南為繁衍而無籍之徒出入其第肆為撥置貽患甚大乞嚴加禁約以篤親親尤人所難言戊申召為刑部右侍郎未幾轉左庚申陞右都御史掌南京都察院事踰年改南京刑部尚書道久職刑名凡獄訟之輕重悉取案牘顛末閱之詳允而後行死獄必求其生終不可得始成獄故一時重犯鮮稱冤者癸亥冬滿三載將考績過京值寒疾即上疏乞休朝廷勉留之旨未至前一日竟卒年六十有九訃聞詔

本朝分省人物考 卷百十

聖

廣東

贈太子少保遺官諭祭命有司營葬如例為人沉靜寡言與人交及取與皆不苟為政尚寬厚至於臨大事治大獄不舍晝夜思之期於當而後已嘗以書示其子曰先正所謂煦煦為仁孑孑為義皦皦沽名庸庸保祿近世士大夫急於進取者往往涉此吾平生俱不及人獨幸不在此列亦願汝曹效之子大章成化甲辰進士南京太僕寺少卿

張善昭

張善昭順德縣人以鄉薦授兵部司務大司馬余子俊甚才之且言選法臺官以其越俎不悅擢四川僉

憲治屯田臺官劾之謫鳳陽通判轉臨江尺籍魏安
生等八十四人所謂練子寧肺腑奸惡也善昭上封
事曰子寧忠貫古今 太宗謂子寧在朕當用之
昭皇帝亦謂方孝孺等忠臣既忠之矣何肺腑外屬
尚以奸惡配百年不宥哉乞復其家朝野壯之初善
昭計偕天順癸未南宮火執友劉生琮死焉善昭徬
皇數日於煨燼中得遺骨歸瘞卒業成均同舍趙蘭
生窘且疫妻躬薪水門無親賓善昭頻往視之生垂
絕叩枕謝曰螻蟻何足累君君幸自愛比再往生已
卧地撫其心尚溫也曰是謂泥丸宮氣行週而塌圻
本朝分省人物考 卷百十 四十一 廣東 祖兆

張 濼

張濼字仲堤號涇川新會人天資穎異十歲能屬文
日記數千言成化丁酉舉鄉試第九時年十六明年
登進士始冠改翰林庶吉士庚子授編修弘治己酉
陞侍講乙丑陞侍讀學士弘治初晉學士再轉國子

祭酒正德丁卯遷禮部右侍郎尋轉左己巳陞南京
禮部尚書連改戶部吏部又改兵部叅贊機務前後
引疾乞休疏凡十五上至乙亥始得請特加太子少
傅賜璽書給驛以歸仍諭有司月給米歲給輿隸廕
其子概中書舍人仲子樾國子生皆異數也濼勤於
職業在翰林嘗授書內館纂修 憲廟實錄同考會
試者二主考順天鄉試知貢舉及廷試受卷提調者
各一皆以精敏為同事所推服事先朝為講官又日
侍春宮講讀每進講必齋戒致敬敷陳啓沃不忘規
正為祭酒毅然以師道自任日坐彝倫堂課諸生進

本朝分省人物考 卷百一十

四十三

廣東 張文

修雖盛暑不輟諸生有疾病憂患必拊循周恤之尤
諄諄以存心為訓日為學當求諸心心之理得則大
本立著為文章發為事業皆舉而措之耳在吏部以
儲位久虛草疏率同儕以請或難之曰此社稷至計
他不遑恤脫有譴責某獨任之既轉兵部即條上時
務八事多報可守備廳故有審事官甚貪橫奏革之
仍著為令人大稱快四方遊僧多贅聚梵剎名曰安
禪主之者皆貴豪也濼曰是將惑眾且蠹財下令逐
之先是父資政公自南京還道全州愛其風土淳厚
有卜築之意至是歸遂定居焉日與賢士大夫登眺

觴詠為樂每見邸報或時政有關及四方水旱輒憂形於色常念先壟遠在平南冒暑往省還至柳州遭疾卒訃聞 上悼惜之命禮部諭祭者再遣工部治葬事

陳庸

陳庸字秉常南海人力行好古舉成化甲午聞江門之學往師事之獻章深服其德量與張詡李孔修為莫逆交詡初見獻章庸為紹興或詢詡為人獻章曰余知庸庸知詡何問焉庸潛心理與多所自得其學以主靜為本羅倫莊景望重一時少許可遇庸輒嘆

本朝分省人物考

卷百一十

四十四

廣東一
張文

梁儲

梁儲字叔厚廣東廣州府順德縣人自幼穎異不凡篤於孝友弱冠博學能文成化戊戌會試禮部第一改庶吉士十六年授編修二十二年尋兼司經局校書侍 孝廟於東宮日進講讀多所啓沃丁未充會

本朝分省人物考

卷百一十

四十五

廣東一
于四

試同考官旋丁內艱暨外艱弘治辛亥服闋進侍講與修 憲廟實錄成進司經局洗馬壬子主考順天鄉試復侍 武宗東宮講讀戊午主試應天是歲冬冊封安南國王充正使輕裝冒險兼程以進至則宣布德威竣事亟反安南利盡南海故多琛貝犀珠之餽儲一無所受安南國人相顧動色曰中朝多廉士一至此邪庚申九年考滿遷翰林院學士辛酉再主試順天壬戌奉詔教庶吉士與修大明會典書成進少詹事仍兼學士本年遷吏部右侍郎奉命充正使冊封魯藩正德改元詔纂修 孝廟實錄及會典俱為副總裁遂轉左侍郎明年遷吏部尚書兼學士專典誥勅掌詹事府事又明年戊辰主會試時逆瑾竊權專恣有不附已者輒以計去之乃指摘會典紕繆貶為吏部右侍郎實錄成復尚書兼職如故瑾猶憾不置摺據媒孽欲中以危禍而難其辭俄有旨調南京吏部尚書加太子少保實厄其進也五年瑾敗召復官兼文淵閣學士擢居內閣叅預密勿既至進武英殿大學士加少保兼太子太保尋進少傅兼太子太傅謹身殿大學士廕一子中書舍人甲戌再主會試凡六司文衡藻鑑精審防範詳密所取士號稱得

人六年考滿加少師兼太子太師華蓋殿大學士先是石齋楊公首秉朝政以父喪去位言于武宗勅遣行人慰諭命有司卽其家督促上道楊公至遜居其下士論多之奉詔奉安孝貞皇太后梓宮於茂陵損益會通一裁之於禮武宗之將幸宣大也楊公暨敬所蔣公皆在告中外洵洵莫敢先發乃與東萊毛公極諫於左順門內繼之以泣既而毛公亦在告獨廷爭累日不得命陝西親藩有請良田爲牧地錢寧江彬及宦官張忠輩受重賄請上許之兵部及科道交章執奏謂太祖高皇帝有禁茲田不得

本朝分省人物考

卷百一十

四十六

廣東一

令內閣草勅大學士楊廷和同儲力諫不聽屢使促勅廷和稱疾不出至是上御左順門面促儲儲奏曰勅不敢草上曰何乃逆命對曰凡事可將順獨此勅不敢草上曰何不敢對曰陛下爲君乃自卑而列於臣臣草勅是以臣名君故不敢上大怒手劔立曰不草勅齒此劔儲免冠解帶伏地流涕曰臣逆命有罪願就死若草勅則以臣名君臣死不敢奉命良久上釋之時禮部尚書李遜學等廷議建儲居守朱寧陰受寧王宸濠賂謀入寧王世子司香太廟江彬亦欲立所厚遠藩各陰有所主張儲厲聲

本朝分省人物考

卷百一十

四十七

廣東一

劾罷抵京師再疏弗允儲乃疏言老病宜免且妻喪未葬先隴未修辭旨懇切竟優詔勉留而遣使為治葬修墓且賜之祭未幾與羣公受遺命定策世廟自與邸入正大統奉迎勸進既而外議謂儲黨逆濠復護衛不知主之者非儲也默然不辨攻詆者縷縷儲亦不較固申前請上可其奏賜勅馳傳遣行人送歸仍官其子鈞甫為中書舍人歸日以詩酒自娛與弟叅議君億儻伴山水間所居蕭然如韋布士田宅一無所益嘉靖乙酉秋上念定策功詔廕子鈞甫為尚寶司丞歲丁亥三月卒享年七十有七贈太師謚文康儲沉重朴雅悃無華接人和易無所乖忤雖賤士亦必下之以禮有善則為之延譽有過輒掩匿之博交汎愛而臧否自別尤善調郵無間賢不肖皆稱為長者立朝四十餘年議論每持忠厚若不出口且不為矯亢故羣邪用事從容其間若履坦途雖位極大臣而賓客過從治具款飲無不盡歡而罷至其用人圖政要自有不可奪者為文章冲澹平雅不事剗刷而自合程度所著有鬱洲集藏於家

張泰

張泰字叔亨順德人成化丙戌進士知沙縣為人端

本朝分省人物考 卷百一十

甲八

廣東一 千四

謹樂易政尚寬平公庭無留事民愛戴之修飭學校重建先賢祠修建縣治事集而民不擾公暇輒蒞學躬勵諸生學業刻羅豫章陳了齋遺書以詔學者邑士用勸時縣經兵燹泰至百廢具舉甫三載以賢能徵授江西道試御史巡視通州倉革包攬之弊言及宮闈與政上怒杖責之幾死提督京畿學政公明為眾推服丁憂養病十有餘年弘治壬子復起出按雲南奏增解額五名繩賊吏之尤無良者先是象馬思樸執木邦宣慰司罕竈法囚禁四十年未有所處泰於是會議檄各漢土官兵臨其境以公移諭之思樸感悔遂送罕竈法復其故業械其首禍者三十餘人請罪積患一朝頓釋遠近稱其能既復命特劾中貴及戚里壞法者上怒罰俸半年尋陞太僕少卿及改大理寺薊州皇莊與牧馬草場爭地界日久累勘不明奉命會武臣清理泰密訪得永樂中開設圖本按之權貴始服陞副都御史總督南京糧儲遂疏專委任清兌支均俸糧委監收廣儲積修常平清軍數總部運限稽派重查糧稽住俸省守支十二事俱允行正德丁卯遷工部侍郎公出納杜請託改南京都察院右副都御史時逆瑾恣虐所求不副奇禍立

本朝分省人物考 卷百一十

甲九

廣東一 千四

至泰奉表入賀惟以土葛布遺瑾憾之以中旨陞
部尚書着致仕家居三月卒朝廷遣官賜祭葬如制

張詡

張詡字廷實南海人少負經濟力行好古不為口耳
之學莆田彭韶見其所作詩美之曰嶺南孤鳳也成
化甲辰登進士疏乞養病歸總督兩廣都御史屠浦
俾有司促之任北上授戶部主事尋丁艱歸隱居二
十餘年弘治辛酉巡按御史費鏗疏詡學問優長操
履端慎杜門高尚不干時事部書下有司速駕詡以
疾辭不起正德初御史程材王冕前後疏詡少從陳

本朝分省人物考

五十

廣東一
鄧明

獻章講學祖澤正派為嶺南學者所宗師友淵源
踐履純篤閉門養病讀書求志可大用部書再下詡
復辭如前繼而吏部以詡敦龐博雅綽有古風恬靜
清修寡欲忘世薦不報巡按御史累疏學行以聞有
旨起用甲戌拜南京通政司左叅議檄下趣上道先
具疏辭以疾赴南畿謁孝陵而歸抵家不閱旬卒年
六十

吳源

吳源字源深號震白增城人由成化進士尹弋陽治
弋折節自律朝夕飯粟一瓢羹一齊擇不取適民有

餽水土物者謝而不受從者苦之私曰父從官人無

益吾不如歸耻隨俗吏役役以簿書期會做古循良

自效始至日與諸生講學習射而助其不給者寧陋

宮室以與民寬力立義倉以廩其無告者十萬石挺

身權中貴人之威而息其暴斂裁無經之費以為典

常曰寧我受責毋寧使民受其辜嘗從其僕問弋之

俗因謂婦人何髻僕訝曰主官弋六年今問髻詐我

也曰吾殊不覺耳安有為民父母窺其子女乎為弋

陽六年弋陽之民歌之者以數百未滿秩以御史陳

選疏薦陞饒州府同知踰年而卒于官太守發篋視

本朝分省人物考

卷百一十

五十一

廣東一

之僅數金嘆曰震白信廉吏也厚賻之始克成歛源
嘗語從子時慎曰兒謂我何如人夫太匠不斧試大
器不小庸凡我之所以為此者非吾之所謂上焉者
也吾之所謂上焉者而何足以知之餐山飲流抱道
而居養高憑虛造物為徒世貴不足賤而有餘吾不
知其不可也既卒而弋士祠於奎星樓民祠於縣治
邑祠于鄉賢與崔李參焉

林光

林光字緝熙東莞人生而狀貌清臞資性粹美苦學
不懈博綜經史年十七補邑庠生讀吳文正公論學

諸書益大感悟建得趣亭日讀書持敬涵養其中成
化乙酉領鄉薦已丑會試拜陳獻章于神樂觀語大
合遂從歸江門曰吾得師矣獻章亦深期之已而築
室橫山往來問學者二十年巡撫朱英勸之仕光報
曰夫人幼而習之於小學必求所以事上長而進之
於大學必求所以治下善學者不汲汲於施為成敗
利鈍之外而汲汲於吾心權衡尺度之間寧學成而
不用未有不成而苟用者也尋丁外艱服闋母孺人
強之出甲辰會試中乙榜授平湖教諭以斯道為已
任以身為教勉學者探本窮源反身修行一時士習

不朝分省人物考

卷一百十

五十一

廣東一
陳元

丕變上敦風化養廉耻疏言甚懇切蒙允行之巡撫
彭公廉其賢待以賓師之禮丙午分考福建多得名
士各購禮皆謝却之弘治己酉主考湖廣是年總修
浙藩 憲廟實錄辛亥修嘉興縣志壬子復同考順
天試凡三校文時服其藻鑿部使者以卓異薦尋陞
兗州府學教授會丁內艱起服補浙之嚴州府學教
授按察使孫需以古道正學作士淑人薦國子博士
作正學解教胄子解諸生翕然宗之會孔廟被災上
疏言孔子之心必不安於天子禮樂之祀題額宜曰
先師孔子時論建之三載乞致仕不允尋陞襄府左

長史先是羅倫夢詩一聯以贈云南冠今入習家池
一代風流更屬誰至是符其識云襄懷王新薨元化
王暫理府事百弊叢積威令不行光隨方整頓由是
官僚効職奸宄革心宮闈肅清門禁嚴密而羣小因
之側目未幾進中順大夫致仕邑大夫歲時請為鄉
賓皆不應日惟兀坐手不釋卷輿到則曳杖逍遙吟
咏自適於世好澹然無與也年八十一而卒嘗言所
謂聞道者在自得耳讀盡天下書說盡天下理無自
得入頭處終是閑也其中殆有浩然自樂者

徐 瑞

不朝分省人物考

卷一百十

五十二

廣東一
陳元

徐瑞字邦祥番禺人少穎悟儀表豐偉冠蔚有文
名成化丁酉領解首丁未進士第三人及第授翰林
院編修肆力于學醞籍日邃同館皆推重之庚戌以
修 憲廟實錄成遷修撰癸丑引例歸省時父母皆
無恙亡何卒眾咸惜之瑞所為文汪洋浩瀚成一家
言時東莞劉存業亦以第二人及第並有文名

何 珣

何珣字汝玉廣東順德縣人成化十一年進士由桐
廬知縣選河南道御史巡按蘇松建言杖獄調大寧
知縣陞梧州府知府丁憂復除贛州府陞廣西右叅

政教仕

何允魁

何允魁字克陞廣東順德縣人嘉靖十四年進士由行人選浙江道御史十八年清軍南直隸巡按山東浙江建言謫浦江知縣陞汀州府通判累陞貴州僉事疏請致仕

本朝分省人物考

卷一百十

五十四

人物考卷之一百十一目錄

廣東廣州府二

黃 皞

陳希文

沈 光

黃 衷

倫文敘

王 縝

蘇 葵

方獻夫

附子藻

湛若水

陳 錫

黃 重

霍 韜

附子與璣

鍾善經

梁 焯

倫以訓

倫以諒

本朝分省人物考

卷一百十一目錄

鍾雲瑞

王漸達

黃 佐

黎 貫

祁 敕

王鳳靈

何 鰲

張 潔

陳 騏

劉士奇

何 宏

鍾 曉

方重杰

林挺春

附子夢升

梁廷振

何維栢

附李祥

侯國治

龐尚鵬

龐 嵩

梁有譽



陳紹儒	蕭端蒙
黎民表	趙勳
羅虞臣	郭棐
歐大任	雲奇
唐豫 <small>附子摩</small>	黎貞
李孔脩	陳鶴
李義壯	何繼之
岑萬	戴銑
林烈	梁津
李鳳	唐守勳
李价	李邦義
岑用賓	梁典
劉格	李悅 <small>附李翔</small>
嚴竦	謝佑
何廷矩	霍任 <small>附弟傑</small>
鍾景星	鄭昊
劉克正	梁有年
區越	殷廷蘭
目錄終	

本朝分省人物考 卷一百一十一 目錄 二

本朝京省人物考卷之二百一十一

廣東廣州府 二

黃皞

黃皞字時雍號櫟坡南海人年二十六領成化乙酉鄉薦卒業太學益博綜羣籍以書授徒凡得其旨要者卒為名士然屢屈於禮闈始謁選天曹太宰置其文第一授吏部司務陞司封員外郎時東廠權燄特曹署請謁必踞歲暮饋曆次當往比見長揖而已總兵沐崑請嗣黔國公皞按其世宜襲西平侯執奏至再朝廷以舊恩遠鎮特與世公爵故事子通朝籍

本朝分省人物考 卷一百一十一 廣東 黃皞

父為外小吏雖以罪廢猶冒貤封皞奏革之由是士人始知恩典之重尋拜江西左叅議奉制督儲入辭冢宰屠公屠曰江西大藩錢穀弊集是以付卿皞對曰往服厥官安敢不力如後有謂皞才智弗給即皆可信若謂其貪幸見察耳屠曰嘻豈有是哉至則摧豪惠良去積蠹如振秋槁郡縣糧目素繁且雜若完若負不稽簿領肆口指陳無一棼謬又妙通算法目量贏縮不假籌計奸吏屏伏糧政大修寧庶人蓄異志禮多僭擬庶僚朝見類贊叩頭皞伏不動俟贊畢而興識者以為得體祿米折價溢數而橫取皞執不

司庶人大怒遣儀賓李某動以危言曰殿下且奏奏
下卽布政通判輩斬矣皞徐曰第斬吾一人足矣何
冤彼邪其議竟沮至如辯豪僧之誣訟過兌運之侵
暴上下趨焉居八年撫臺林公見素薦之巡察若喬
若周若王薦之以無內援未果遷值逆瑾亂政裁奉
制官皞在裁列士民攀泣欲疏乞留皞輕舟徑去旣
而江西糧務日弊朝議以舊職起皞復領其事未至
擢雲南左叅政所管納樓茶甸長官死妻沙福代與
夫弟普顯治兵相攻積數年死者甚衆撫鎮屢遣屬
僚撫諭竟莫能平皞曰非藩臬重職恐未有濟乃偕

本朝分省人物考

卷百十一

二

廣東二
余孟德

僉司都閩以往比至境福顯皆盛兵自備皞若不聞
也者據館卽召二渠反覆詰讓盡得其情乃執通把
數輩將撻之操兵者望風奔潰皞度其已困釋之曰
日暮且休矣遲明俱來吾有戒約詰旦二渠皆束身
伏庭下聽命去居數月福等各千金求變初約且
曰已告夫二子者皞曰吾卽受此緣此以死者將不
知幾千百人吾雖貧已老如子孫何謀者乃寢竟弭
其亂初安南長官那代攻破蒙自虜其令祿卿之族
負固垂二紀歷數守巡母政議者皞至則濬塹增陴
調餼練兵建旗鼓申號令若將征之者代懼請歸祿

卿之妻若其屬口乞緩師以圖新由是威震六詔璫
崔安附瑾作威且忌其功語次微有譏犯皞盛氣力
辯聲色俱厲安乃媿屈連呼鐵漢吏民因稱鐵漢公
云比致仕垂橐而歸觀者泣歎謂三原公後無此廉
節也雅善吟詠晚年屏居詩益雋永遺稿藏于家正
德壬申卒享年七十有三

陳希文

陳希文字載道南海人成化癸卯舉于鄉乙丑令武
清縣去京師百里道衝通運河民疲俗悍希文至視
篆七日卽執勦舊家販私鹽及開市于河西務者數

本朝分省人物考

卷百十一

三

廣東二
余孟德

人治之凡利於民次第舉行暮年大治邑舊無城池
嘗苦響馬賊希文私書勸賊有田在邑者計田出貲
功遂告成部使者交薦之拜太僕寺丞庚午領常盈
庫銀二萬兩往大同買馬給散軍士兼閱帑得欺匿
銀三萬以聞歸途遇劉六劉七之亂次定州城中驚
駭士民擁入問計卽登城號召發公廩以給貧民守
城者有無賴子陰與賊通希文擒斬以徇民遂堅守
賊環攻三日知有備乃去至真定賊已抵近郊守官
閉城遣人察識希文乃啓鑰希文按轡徐行驅民先
入民得安堵尋奏覈真定等府寄庫養馬餘地銀乾

者治如律丙子出為湖廣常德知府脩理河渠興振學校居三年述職如京解官歸卒年六十有五

洗光

洗光字汝實南海人始祖有鶴園徙居順德之鷺洲村光生而長身玉立讀書八行俱下舉弘治丙辰進士授江西安仁知縣潔已愛民善辯疑獄寔人子誣陷重辟歲久不白光一訊立釋之百姓為之語曰民無冤訟有洗燈籠訟無滯屈有洗三日言其明且斷也水災民饑光發賑不俟請命存活甚眾縣有引鹽前官卒利其羨光藉以輸公遂為成例時進諸生講

本朝分省人物考 卷百十一

四

廣東二 余美

學勉以忠孝大義如大學士桂萼兄弟皆感教而興者丁父艱去補令泰興召為陝西道御史出按應天獎廉察墨風裁大著臨江民其商于徽以誣繫獄幾瘦死光廉其冤為讞出他郡平反多類此居臺七載疏毀佛像疏劉瑾專權疏江彬誘駕巡幸侃侃凡千萬言中外為光危光不色動疏亦畱中光遂乞歸養母杜門十八年嘉靖戊子以薦起南京通叅歷太僕太常晉工部右侍郎所至皆有聲遇太廟災援例自陳為時宰所忌竟准致仕光廉靖正直居官無紛華之好解組林下不通冠蓋日從父老徒步田間問樵

相廕京府別駕孫應芳憲祖俱舉于鄉

黃衷

黃衷字子和南海人父璉居喪盡禮以學行稱士多從之遊衷幼穎絕倫三歲誦孝經問孝本天性何別於天子諸侯璉大異之弘治丙辰登進士授南京戶部主事監江北諸倉覈括積歲侵羨得粟十餘萬及督榷楊州尋丁內艱時僅四十日輸銀九千三百餘兩即前此一歲之入也起復除戶部晉員外郎惟外艱補南兵部晉禮部郎中歷轉兵吏二部與顧璘陳

本朝分省人物考 卷百十一

五

廣東二 張省

沂輩以詩文擅名出知湖州府遷福建都轉運使晉廣西督糧叅政繩奸有法境內肅然時征古田帥師由落容斬首二千餘級增俸一階辛巳擢雲南右布政以征芒市功轉左尋擢右副都御史巡撫雲南薦賢黜貪安民禦盜清里役以節財力復條陳地方利病八事皆切機宜移鎮湖廣首劾巡守二人奸吏多望風解去脩沔陽州龍淵滄浪等隄士民立碑以紀之數月積粟八十餘萬石銀四萬餘兩特詔嘉獎丙戌以討賊功再蒙褒賚晉工部右侍郎改兵部右侍郎抵家累疏乞休不報會有忌之者竟以誣謾削秩

勸上疏自明衷曰事久當白何辯爲久之果詔復職致仕卒年八十所著有矩洲文集十卷詩集十卷奏議十卷海語一卷行于世

倫文敘

倫文敘字伯疇長身玉立頭顱大二尺許五歲時與羣兒戲有術者獨指之曰是兒當大魁天下弘治己酉以儒士小試御史周南得其卷於遺才中嗟異之入棘闈果中高等己未會試殿試皆第一授翰林修撰學行才器爲世所推重乙丑武宗登極使頒朔安南會丁外艱不舉庚午起復爲經筵講官尋超右

本朝分省人物考

卷百十一

六

廣東二

春坊右諭德壬申進講舜有臣五人而天下治多見諷語癸酉進修玉牒是秋主應天試事竣卒于京師年四十有七文敘天性純厚篤于孝友仗義恤孤室無私財且器量甚弘人皆期爲台輔及卒天下惜之所爲文宗韓楊悠長宛轉類其爲人居嘗以書史自娛手不釋卷尤善教子三子以諒以訓以誥百成進士而以諒鄉試第一以訓會試第一廷試第二父子居四元海內科名無兩云

王 縝

王縝字文哲東莞人父恪寶慶知府縝爲人敦重寡

本朝分省人物考

卷百十二

七

廣東二

言笑弘治癸丑進士爲翰林院庶吉士授兵科給事中出使安南其國王郊迎席拜以瓊卓叱去之所餽金寶一無所受進禮科右給事中奉勅清查南畿屯田革宿弊擢工科都給事中正德初擢山西左叅政遇例裁革改雲南左叅政時逆瑾擅權牽咎罰米五百石俸不足鬻產以償瑾誅進右布政使俄進福建左布政使遂陟都察院右副都御史奉勅巡撫應天蘇松嘉杭等郡兼督糧儲殲逆賊劉七於狼山禦姚峒賊王浩八於徽寧獲賜鈔幣隨以乾清宮災警上陳言以答譴四事曰正大本以安天下省內臣以慰民望處驛遞以蘇民困廣延納以開壅蔽皆切時弊武宗西巡疏止之不報歲壬申丁內艱服闋以父年老乞終養勅起撫治鄖陽至任時武宗巡幸諸郡供億動以萬計有求活虎豹以獻悉令罷之且究其爲首者襄府護衛奪民產爲疏辯以還民已卯夏寧藩煽亂震擾荆襄縝下令設守備嚴警柝士氣振奮人心獲安擢南京刑部右侍郎嘉靖紀元隨上疏陳十事曰正心以正大本勤政以法祖德親賢以廣延訪守信以重詔令崇德以禁奢侈舉知以求賢才體仁以恤民窮修禮以正風俗裁冗員以復舊制慎刑

罰以重人命多見採納陞南京戶部尚書疏以父年老辭不允時南畿大饑緝區處賑恤請內帑銀五萬給之尋卒於官年六十有一訃聞 上命賜祭葬

蘇 葵

蘇葵字伯誠順德之龍頭人進士入翰林為庶吉士授編修弘治丙辰次當同考會試柄臣屬其私人葵堅却之遂謝試事被讒出為江西僉事提督學政公明士子服焉鎮守太監董讓作威縉紳奪氣葵守正不能詭媚讓誣奏葵遣法司盛洪等臨治南昌洪欲誣葵諸生數百排闥入擁葵而去事竟得白增修白鹿書院置學田改四川裝不能具其兄助之乃行四川士愛之如江西至福建右布政使卒正德辛未江西提學副使李夢陽請入白鹿洞先賢祠曰公昔省方視學衿佩作氣抗折權貴威武不屈茲洞之興公實有力德祀功祀二者公並有之

方獻夫 附于渠

方獻夫字叔賢南海人父遂以鄉薦署全州學正卒遺腹生獻夫七歲即苦學不輟莊重如成人弘治甲子舉鄉試第二登乙丑進士選庶吉士歸養母終喪起復歷吏部文選員外郎正德中復謝病歸與湛

本朝各省人物考

卷百十一

八

廣東二 張文

若水霍韜卜築西樵往來講學嘉靖癸未以薦起授考功員外郎會大禮議興廷臣惑於濮說獻夫上疏極言今日之事與濮議不同者三烏得牽合強附少師楊廷和見而惡之尋轉侍講學士敷陳洪範之義上皆嘉納之乙酉大禮書成擢少詹事丁亥轉禮部右侍郎 上以張寅獄久不白命桂萼攝刑部張璉攝都察院獻夫攝大理寺廷鞫之獄成 上欲誅御史馬錄及其黨四十人獻夫與璉等力救錄得謫戍餘皆未減 上又欲誅建昌侯張延齡密詢之對曰昔漢文誅薄昭致母不食今殺延齡必傷昭聖人

本朝各省人物考

卷百十一

九

廣東二 張文

后心非盛德事也遂寢後夏言伺 上意陰令董至等上變延齡始不免是冬遷吏部侍郎尋擢禮部尚書獻夫遂請毀畿內尼菴至六百餘區天下僧道無度牒者悉令還俗戊子明倫大典成加太子太保尋改吏部尚書陳言修省諸疏多見採納庚寅謝病南歸居無何復遣行人蔡愛徵還晉少保兼武英殿大學士賜金章曰忠誠直諫久之進光祿大夫柱國以病屢乞骸骨不許懇少傅李時為請始許之治第西樵山麓優游十載而卒贈特進太保謚文襄平生厚於人倫解相後答家奴忤其兄茂夫意輒置酒長跪

謝罪尤篤交誼友人陳激衷貧爲置田園以娛其老
少時與王守仁同官吏部而折節相師士林多其謙
遜年僅五十輒力辭樞筦其急流勇退尤近世所罕
觀云所著有易經約說學解大學中庸二原西樵存
稿子繁廕歷尚寶卿藻多智略精騎射歷贛州府同
知有平寇功後至武定知府

湛若水

湛若水字元明廣東增城人性穎敏自少知學弘治
壬子以書魁其倫尋從白沙先生遊卽以隨處體認
天理爲宗白沙曰此子參前倚衡之學也自是潛心

本朝分省人物考

卷二百一十一

十

廣東二
張文

默會日有所得遂焚去路引誓不復仕後以母命出
僉事徐紘爲勸駕赴南雍祭酒章懋試粹面盎背論
甚奇之乙丑會試學士張元禎楊廷和主考撫其卷
曰此非白沙之徒不能爲拔第二名賜進士高等選
爲翰林庶吉士擢編修時陽明王公在吏部相與倡
道京師場屋所取士修誤呂柟主事王崇輩和之道
價日著學者稱甘泉先生久之使安南冊封國王黎
暲却其餽不受正德丁亥奉母喪歸葬荷塘廬慕三
年墓產瑞瓜人以爲孝感所致卜築西樵多士來學
支與日給錢米開禮舍于僧寺至齋戒三日習禮成

而後聽講講必端坐觀心不遽與言嘉靖初趨朝考
九年滿陞侍讀尋陞南京國子監祭酒開講院與諸
生論學刻心性圖說未滿考陞禮部侍郎先後有勤
聖學等疏凡數十上總爲獻納編又做大學衍義補
作格物通以進累遷南禮吏兵三部尚書置新泉二
山二莊講學於新泉書院江都休寧貴池等處書院
所在而是滿九年考吏部奏其績 上以年逾七十
許致仕所著有遵道錄樵語古文小學四書測二禮
經傳測春秋正傳古易經傳測學庸訓測前後詩文
集不啻千百卷平生足跡所至必建書院祀白沙雖

本朝分省人物考

卷二百一十二

十一

廣東二
姜洪

田莊亦然嘗于所居天關精舍立祀先聖所置倉廩
館穀多士又至衡山建白沙書院置田五頃歸復取
白雲山爲白沙祠平生篤志而力勤無處不授徒無
日不講學從遊者殆徧天下所論以自然爲本體以
勿忘勿助爲工夫大抵得之師門爲多白沙嘗謂曰
人與天地同體四時行百物生若滯在一處安能爲
造化之主善學者常令此心在無物處便運得轉耳
學以自然爲宗不可不理會又曰學以自然爲宗譬
之適千里者起脚不差必有所到自然之樂乃真樂
也于宙間復有何事又示以詩曰有學無學有覺無

覺千金一瓠萬金一諾天命流行真機活潑水到渠成鳶飛魚躍德山莫杖臨濟莫喝萬化自然太虛何說繡羅一方金鍼誰掇其得于指授者如此庚申四月丁巳卒于所居小禹洞年九十五有大星隕于廣州之河南其聲如雷云

陳錫

陳錫字祐卿南海人弘治乙丑進士授戶部主事嘗司廩逆瑾方用事羣瑞列中外雖東芻出納亦混主計錫以法繩之衆不敢肆司漕通州革弊政六條人以為便轉員外郎調吏部稽勳尋陞郎中一時名流

本朝分省人物考

卷百十一

十一

廣東二 姜洪

咸所咨决屬舍人朱麒求襲封保國公錫駁之曰洪武之約非有重大軍功不得封爵襲蔭今朱麒襲公非約也宜從始封伯爵尚書楊一清從其議因著為令正德丁丑遷福建叅政歷左布政綏定叛軍鈞稽乾沒樹立風紀綽有令聞擢應天府府尹去之日閩人為立遺愛亭居應天未及三載廷議欲晉孤卿錫竟請致仕凡三疏得允優游田園以翰墨自娛凡十餘年始卒年八十有一賜祭葬郡人祀之鄉賢祠

黃重

黃重字子任南海人正德戊辰進士授行人惟外艱

歸服闋復職壬申使伊藩葬祭事竣卻其金帛鞍馬行至懷慶遣人馳投復卻之癸酉使遼東勞夷人却鎮巡例贈如使伊時甲戌以績最擢戶科給事中巡視內十庫并光祿寺宿弊俱革建言重名器久任用慎薦舉省權課四事戶部奏從所省商旅稱便已而清理畿內倉場權貴避焉時左都御史彭澤坐夷情削藉重奏請寬宥以昭往功輿論躓之尋進兵科右給事中考選京衛武官淑慝罔弗當者會 毅皇帝

本朝分省人物考

卷百十一

十一

廣東二

魁李陽鳳挾中官勢恣為奸利方付刑部俄改錦衣獄尚書林俊執奏不聽乃疏慎政令以旨治安會災異修省復疏詔令不常爵賞太濫聽言不弘營建不節言甚剴切聞者危之甲申夏進兵科左給事中太監潘真出鎮荆湖違例丐請重封駁不避秋以言禮杖于午門外尋進戶科都給事中賜金幣寶鏹丙戌充武舉考官丁亥畿內饑疏請賑濟詔行其言多賴全活入侍經筵擢南京太常寺少卿比蒞事養牲厨役皆受其惠己丑星變以自陳致仕忌者快之公論惜焉時同年呂柟謫金陵嘗書喬岳大川氣象青天

白日襟懷以贈歸構草堂刻柙書以自況云平居易諧諛然性嫉惡向義則勇奮不顧有姊適曾氏而貧每損貲贖還其產業同僚張漢卿落職貧甚瀕行傾囊賙焉鄉民有官責其逋課垂死者見卽爲之代償潘伯通等十人誣陷盜獄爲白其寃皆得釋他如革橫刷之舟築捍澇之牒鄉人頌德輒自遜謝其行誼類此巡撫錢如京疏請起用而已病卒年六十有二訃聞 上遣官特賜諭祭

霍 韜 附子與瑕

霍韜字渭厓南海人生而重瞳甫就小學卽揭居處

本朝分省人物考 卷百十一

十四

廣東二

恭三字于座前舉正德癸酉第二甲戌會試擢第一歸婚值江彬等橫恣遂隱西樵 世宗登極授兵部主事大禮議起廷臣主繼嗣之說韜上疏曰帝王相繼惟繼其統不繼其嗣自今言之 孝宗未嘗無嗣也無嗣者 武宗耳 興獻所出惟 陛下一人儻徇廷臣之議是使 孝宗有兩嗣 武宗竟無嗣興獻有嗣而不得嗣也一舉三失拂經不祥故惟統是繼兄終弟及則不惟孝宗之統不絕而 武宗之統亦不絕矣後卒如韜議嘉靖元年上三劄一論聖學治道一論六部政務一論中外積弊侃侃萬言時

以董賈比之癸未復謝病歸著書講學將終焉五召不赴丁亥擢少詹事兼侍讀學士兩疏懇辭惟詳陳用人之法 上眷注彌切賜敬一箴洪範序及文獻通考于山中部檄諸司趣行首薦王瓊魏校王守仁等三十餘人轉詹事兼學士上法祖十二條江西提學徐一鳴毀寺散僧爲鎮守內官誣逮詔獄韜力救獲免戊子進禮部侍郎尋擢尚書俱累辭不拜錦衣韜能遷結巨璫崔文誣訐大臣韜表其罪狀減死謫戍韜雖遜處散地方朝廷有大議輒建白數千言多採用己丑春星變風霾韜疏陳召災變者六曰宗室失所曰邊軍困苦曰冗官擾民曰賊吏害民曰酷吏肆虐曰內臣貪暴 上嘉納之詔自今官吏犯枉法賊者謫戍無赦酷刑殺人者因公亦黜著爲令上命主會試唐順之羅洪先輩皆所取士尋充脩大明會典副總裁因疏言田土失額文武冗濫且請覈內官員數屬之禮曹此屬人人自危遂中沮之庚寅郊祀議興給事夏言首倡分祀韜持論過激 上震怒下獄會天晝晦武庫兵器動 上警悟復其官俄以憂去癸巳召爲吏部侍郎廣詢博訪多所鑿拔乙未莊肅皇后崩詔廷臣議謚希之曰以四字請韜曰

本朝分省人物考 卷百十一

十五

廣東二

帝后謚用十二字歷朝制也 武宗謚號既循舊典則莊肅豈宜有異 上不悅卻其議久之尚書汪鉉罷代秉銓衡痛革宿弊選法一新無敢干以私者甫十月出為南京禮部尚書至則申禮制正風俗毀淫祠興社學清尼媚南都由之改觀侍郎崔銑嘆曰霍公可謂真宗伯矣已亥册立東宮太宰許瓚薦韜剛正不阿忠直有識宜宮僚徵拜太子少保禮部尚書掌詹事府事時九廟七陵工費靡極公卿臺諫結舌乃與諭德鄒守益上聖功圖以諷 上怒詰責尋察其忠懇原之復有南巡之議有司科斂遐邇洵洵韜本朝分省人物考 卷一百一十一 廣東二 十六

疏陳其狀事遂寢既而權貴結術士謀導 上退休以東宮監國冀為奸利韜力諫止之前後所上幾三十萬言直聲震天下庚子冬卒于官贈太子太保謚文敏韜為人質直好古行誼高潔學崇莊敬不喜浮談平生肆力于居處恭即獻納亦以此為第一義尤好進賢汲汲如不及康海李夢陽王九思輩坐累禁錮猶屢薦之嘗移文峽山而虎害絕燬峽江祠而妖患息其精神感格類此秩滿敘廕舍子而官宗子與球積俸置產與從兄弟共之尤人所難云所著有詩經解註象山學辨程朱訓釋霍氏家訓渭厓集西漢

書纂評行于世學者稱渭厓先生長子與璞穎悟過人年十五註楚詞蚤卒與瑕與璵與瑤並舉于鄉而與瑕登嘉靖己未進士授慈谿知縣時邑罹倭禍遐邇蕭條與瑕筮仕之初續父家聲振以明敏政行令肅豪猾斂手慈民甚德之御史袁淳受權貴指以列白簡民赴闕訴留不得歸臥西樵者六年隆慶戊辰用給事中張鹵等薦召補鄞令俄遷南太僕丞轉兵部員外郎尋出為廣西僉事飭兵左江土酋黃金彪叛督府議進討與瑕以計縛致又撫八寨城新寧州俱有功會慶去御史唐鍊劾調簡時兵部尚書譚論本朝分省人物考 卷一百一十一 廣東二 十七

重其才為除江西饑憲踰年復為御史張簡所劾與瑕嘆曰吾安能隨時俯仰視人眉睫乎遂拂衣歸二十餘年卒所著有勉齋集慈人祀諸名宦云

鍾善經

鍾善經字理夫順德之都粘人天性孝謹不言而躬行居父母喪皆不進鹽酪者百日終三年未嘗御酒肉雖盛暑必服衰而半武不出倚廬祭葬無少踰禮者創建家廟出自已貲長姊早喪育二甥女如已女擇婿厚嫁之弟善綸先歿撫卹其孤寡同居共爨內外無間言少篤志問學以明周易補縣學生正德丁

卯領解額高等辛未登進士授福建興化府推官守法慎刑每讞疑獄部使者驚以爲老吏不如興化士大夫亡不譽其賢能者假官楊日新勢張甚察察尊禮之至則詰以數語不能對卽縛送臬司按治如律總鎮崔太監使一指揮往鎖府吏竟叱去之崔怒欲求事中傷不可得及相見反屈服焉其發姦槌伏不畏強禦多此類被徵爲御史差往盧溝橋抽分竹木廠實授福建道監察御史會 武皇帝北狩力諫回鑾嘗劾奏錦衣千戶陶淳不法又彈太監崔文芮景賢以風力聞京師居無何卽上疏乞歸屏居杜門有司屢勸駕不起督撫巡院交章以學行薦於朝未召而卒卒之日貧不能斂當道競周其喪弔者如市郡縣諸生以其行白于督學督學曰賢如鍾御史固當尸而祝之也今祀于府學仰高祠

梁焯

梁焯字日孚南海人正德甲戌進士過贛從王守仁學辨問居敬窮理悚然有悟拜禮部主事已卯三月議南巡與葉龍等十七人上疏諫 上怒罰跪五日大杖三十車駕遂行會佛朗機夷加必丹末等三十人入貢江彬領四家兵馬從 上遊豫導引火者亞

本朝分省人物考

卷百十一

十八

廣東二陳元

三調 上喜而留之比至京師入四夷館不跪焯執問杖之又番人寫亦虎先與其甥米黑兒馬黑麻以貢獻事誣陷文武甘肅大臣時彬與錢寧用事二夷人者日益驕橫而大臣被誣者皆桎梏幽囚以是輕侮朝官焯每以法約束之二夷人相謂曰 天顏可卽主事乃顧不可卽耶彬聞之謂焯凌虐駕下人員將奏聞會 武宗晏駕是日皇太后懿旨誅彬已而火者亞三等與寫亦虎先皆伏誅以焯嘗諫被杖陞俸一級嘉靖初政司職方子告歸養卒

倫以訓

本朝分省人物考

卷百十一

十九

廣東二陳元

倫以訓字彥式廣東南海人也文敘仲子少有異質書過目不忘課對輒出奇語稍長博通經史年十六舉鄉試第六正德丁丑會試第一廷試第二授編修予告歸娶遂侍養七年始出乙丑實錄成進脩撰同考會試者二充經筵講官儀度雍雅詞義懇到左右傾聽 皇上時屬目焉以考績進諭德甲午主應天鄉試所舉皆名士丙申陞南祭酒立教嚴整士類歸心時太恭人就養思歸遂上疏乞養庚子遘疾卒得四十八嚮用方殷不竟其志所著有國朝彞憲二十卷及詩文集若干卷藏于家

倫以諒

倫以諒字彥周狀元文敘長子丰神秀雅世比之衛玠正德丙子舉鄉試第一越五年登進士第選翰林庶吉士秉軸者忌其才名出為山西道御史未幾歸養數年言官交薦起補浙江道疏舉尚書林俊諸耆英輿論多之改吏部文選主事歷稽勳郎中久之出為南京通政司叅議復謝病歸尋丁母憂遂無復用世志與主事王漸達最相得偕遊名山詩酒自適一時縉紳遜其豪爽卒年六十五以諒性孝友弟以訓宦遊歸無居第輒讓舍居之親族待舉火者甚眾然未嘗德色人以此多之

鍾雲瑞

鍾雲瑞字天慶東莞人溫粹執禮潛心書史終日不下几榻親喪與伯兄雲祥廬墓鄉黨稱孝正德丁丑第進士授南京大理評事折獄平恕調北寺副歷寺正會世廟大禮諍之忤旨廷杖瘡甚得不死出為江西按察僉事秉正執法伸理冤抑不避豪右尋轉叅議撫院惡之及謁有諂言雲瑞曰是豈待藩司禮耶竟不謝出撫院怒以飛語改調歸居西廬為終焉之計三年部檄催赴選補雲南丁內艱服闋補湖廣

提督泰和山時中貴部隸恣橫雲瑞繩以法中貴欲中傷之無由益重之歲時餽遺拒不受未幾遷副使遂謝病歸閉門危坐雖子弟未嘗見其情容表正鄉閭有陳太丘風時循寇連歲流劫雲瑞糾眾防禦寇知有備引去鄉人德之建祠以祀邑令楊寅秋額其堂曰慕德又為之記隆慶庚午祀鄉賢從子卿最著

王漸達

王漸達字用儀番禺人父傳為泰州學政祿俸悉以濟貧比卒室如懸磬母謂漸達曰貧至此兒欲以讀書佐食何異藝石田濟枵也漸達泣曰兒力不任農圃巧不任工商惟劬學足代耕耳乃苦志鑽研弱冠登正德丁丑進士授刑部主事未幾請告侍養以臺首薦起刑曹條陳四事言極剴切人皆危之而書畱中不報再疏乞歸與銀臺叅議倫以諒相得甚懽為物外之遊諸名勝無不足跡達登第三十年貧如故以諒歲周之尚書霍韜亦重其為人嘗曰予平生莫逆交惟王用儀梁日孚耳漸達多著述有水記正學記四書通言學庸釋略讀經記春秋集傳嶺南耆彥傳王氏宗禮青蘿集行于世隆慶初卹建言諸臣贈

漸達光祿少卿子原相登進士歷江西按察使

黃佐

黃佐字才伯泰泉其號也廣東之香山人正德庚辰進士歷官翰林宮詹侍讀學士卒贈禮部右侍郎謚文裕所著書二十二種平生服膺博約之訓慎獨而力于行其操觚命誤爾雅名家理學之士率墮理窟萎蕭腐迂而獨不然蓋理學而兼辭藻者本朝如佐不幾見也其五七言近體雄深麗逸旨遠格精足以入室王楊升堂李杜至于賦樂府古詩兼總古今旁通音調端方入矩圓融出規殆憑軾而馳漢魏結轡以取風騷也

本朝分省人物考

卷一百一

二十二

廣東二

黎貫

黎貫字一卿南海人正德丁卯舉于鄉辛未始計偕中乙榜司教建平捐俸祠名宦鄉賢及修王叔英墓提學御史張璿巡按張仲賢皆以異才稱薦之丙午校文江西多得名士丁丑上春官崔文敏公銑置諸前列殿試賜進士第內閣覈閱所對策忠懇過人乃選為庶吉士讀書翰林文名日起與進賢舒芬關中許宗魯臨清閻闞輩以志行相砥礪館閣皆推重焉已卯授監察御史巡城恤火甲靖獄市 駕北征戒嚴巡檄回鑾以守城功被褒賞庚辰奉命往福建刷

卷兼查盤有司倉庫軍衛器械劾奏鎮守太監尚春追還官銀十萬餘兩糧二十六萬石前此使命所未有也封事累上其論絕貢獻復史官通言路尤切治道流賊起山東破城邑兩廣盜亦時發時冗食日多帑藏日匱乃請稽歲入之數權其輕重為定式且令戶部覆考績者視糧完否黜陟之朝議韙其言著為令時元舅玉田蔣輪求以其子主 獻皇帝祀選除奉祠世襲且多所干索治中王槐阿附成之劾奏神不享非類以外戚主陵祀非禮決不可行且又求乞無厭他日驕恣如薄昭王鳳則蔓不可啣 上俊

本朝分省人物考

卷一百一

二十三

廣東三

詔答之尚書林公俊會議曰御史言是會三邊有警論列太監晏宏都御史王翊當罷去而致仕尚書楊一清代之從其言果靖虜患甲申巡按江西首械豪民互訟聚眾劫奪者獄訟為之肅清逆濠既伏誅其宗室多株連乃疏治其從獄數人餘悉未減始濠未作逆求新建伯王守仁巡撫江西有得其書跡者同寮多欲論列貫止之曰此間謀耳眾疑乃釋至是釐正平濠功次益慝人心自餘鋤強理枉輿人誦之甫五月而封君訃至凡命使罹憂例復命領公移乃得守制貫徑奔喪還家或懇止之哭曰吾方寸已亂

其如後罪何尋有詔許人代領人以為孝感服闋行至贛州病作上疏乞歸詔報可家食七年庚寅督還朝時汪鉉掌院恃權見其蒞事判案不覺嘆服事多咨訪然心實忌之會大學士張孚敬方釐正祀典請去先師王爵及減籩豆侑舞之數貫大以為不可率同列抗疏極言之鉉使人止曰疏上必得重禍且三日即當差往廣西矣不聽 上果震怒命法司廷鞫鉉迎合孚敬欲置諸死刑部尚書許讚獨不可會

上怒稍解乃罷為民貫還朝僅六十日耳給事中孫應奎管懷理皆論抹上譙讓不行去國之日士民爭求識其面云家居杜門却掃奉太夫人菽水歡如也

祁敫

祁敫字惟允號堂野東莞人五齡通論語諸書十有二為詩文有奇語十有五而春秋業成踰冠領魁薦于鄉即藏修不出慕濂溪延平為之贊師其心學充養日粹後進多從之遊久之逆瑾誅乃北上正德丁丑進士歸省庚辰赴銓拜刑部主事會季兄政上春官沒于途即移疾護其喪歸督學魏公校至邑臨訪與語稱重之因謂師生宜以為式甲申詣京復除刑部主事七月伏闕諍禮得罪獲釋詳讞明允廷尉稱

本朝分省人物考 卷一百一十一 廣東二 千四

平三載以績最聞丁亥晉本部員外郎迭署諸司印受知尚書胡公寧委以章奏六月晉本部郎中平反公恕都民謂之祁佛爺嘗辨曹恕王良弼獄知為岳民張雄所誣立出之公餘益績學名其齋曰日新作箴以自警戊子鄉試受命往廣西考校比入穀皆名士而錄文亦甚馴雅事竣取道歸省有司致責一無所受晤總制陽明王公于廣與論窮神知化大旨王公稱服語人曰祁正郎深於養者也抵家無何即拜饒州之命單車往視事少保桂公蕓素重之適桂家居然未嘗敢私謁時方習鷹鷲聲為能而救雍容裁

斷獄獄輒得其情出無辜者百餘人民驩呼以為神明自是舞文吏無所售其奸而訟日簡會水旱薦饑躬檢踏以聞得蠲常賦民賴全活甚眾乃嚴儲水法修預備倉革排門夫役令下民皆稱便復增築鄱陽白馬隄浮梁胡白渠皆不擾而事集嘗議鑿并濟囚

暘忽泉湧東廡下士民謂德惠所感名之曰應德泉而歌詠之暇則臨學與諸生談道置簿以楊善紀過恒獎其勤而矜其乏凡廟器射圃修飾完備弦歌俎豆藹然改觀每月旦令父老集于社學訓戒子弟置沒官田以為館穀費按治下其法于諸郡縣俾踵行

本朝分省人物考 卷一百一十一 廣東二 千五

之旌義獎節增祀鄉賢于學官又別立祀于鄉社皆前此所未及舉者其表正風俗類此准府官校豪橫稍加戒諭卽詣謝求自新首相姻家有爲訓導者謀補教諭沮以大義當道報可輿論快之往吏員新參鹽商稅船及存留耗糧歲不下數千金皆屬守所私入至敕盡釐革之部使者考核治行爲列郡稱首疏于朝饒人歌之曰有影黃堂月無痕碧水秋至有私祠于家者時有命燒造郊壇磁磚限母過七十日或獄計謂以土爲胚飭之以磁庶可易成敕恐欺君等工匠如法爲之猝不能就及逮赴詔獄怡然就道

本朝分省人物考

卷一百一十一

二十六

廣東二

凡餽者悉卻之士民遮泣不忍別形諸歌頌其卷口一磁不持云及抵京師法司以其賢能議罪從輕上覽奏遂謫貴州婺川縣典史敕殊不以夷險介意南還渡楊子江盜至舟人惶駭端坐自如盜驚歎而去壬辰九月行次袁州感疾歸就醫疾亟猶冠幘力止家人禱禳臨終惟以母太夫人爲念而已距其生年五十有三

王鳳靈

王鳳靈字應時順德之耕原人 毅皇帝十一年鳳

靈偕兄鳳儀舉于鄉俱從吳姓明年丁丑鳳靈舉進

士授刑部主事始疏復王姓云鳳靈生有異質日誦書數萬言輒終身弗忘爲文章以氣勝其起家比部郎年甫弱冠乃明習法律如老吏宦官張銳都督錢安等罪當死詔減戍且許贖金諸法吏咸愕然鳳靈獨疏論之其略曰此等非逆瑾爪牙則錢寧羽翼非交通宸濠則結好江彬蓋必誅之賊也今以賄囑轉移 聖慮臣恐奸雄同覺皆將謂私交可無誅亂政可不殺而獄可賄鬻肆無忌憚天下之毒可勝言哉疏奏竟如法司議給事中陳洸者罪有顯狀世廟以議禮故庇之鳳靈疏言曰議禮者自議禮犯罪者自

本朝分省人物考

卷一百一十一

二十七

廣東二

犯罪何得援此以掩彼也臣聞先朝開國靖難及諸迎立元勳豈無寵利動觸刑章卽如議禮諸臣深係聖心而或處極盈之會犯不韙之科 陛下亦將與衆棄之而不得私如洸之罪又奚待而持不決之疑乎諸曹咸爲之悚然自是無敢復庇洸者矣其練達守法類如此年未三十出爲襄陽太守未幾以母喪歸服闋補淮安准稱劇郡鳳靈至問民所疾苦清徭賦擊豪猾數十輩更創郡縣又闢龍溪書院廣徵屬邑士與肄校其文藝爲之筆削刻曰同文錄又引淮水入泮以開科第之祥故其門人一時登科第顯庸

者甚多淮故患水鳳靈首疏五事以疏泄重農為先
 又因頻歲旱蝗連上秋災夏蝗等四疏請蠲秋糧雜
 賦出餘鹽銀數千以賑民復疏停馬價懇惻數千言
 俱得請民賴以甦嘗鑿淤河辨疑獄緝治巨盜卽古
 稱廉明何加焉在淮五年擢陝西學憲淮人卽龍溪
 書院為生祠祀之未抵陝遭謗歸起補霸州兵備佐
 翟相行九邊又督城沙河議省費忤柄事者故疏畱
 五載始遷廣右大叅未赴忌者以考察竟罷之鳳靈
 性伉直好激論天下事以此多忤人功用惜未究也
 其文章名高于時所著有淮陽稿及諸奏疏字法王
 本朝分省人物考 卷一百十一 辛八 廣東二

鳳儀亳州學正子一貫舉鄉試亞魁海豐知縣

何 鰲

何鰲字子魚號鴈峯順德縣人正德戊戌進士為慶
 元令均平里賦驚擊豪梗以治行入為御史巡湖廣
 卹災摘伏多赫赫可頌出守松江革科斂清冊稅除
 機戶正糧役小民蒙其利而巨室或嘆之遇旱暴烈
 日中且拜且禱雨應期至郡有靈芝醴泉之異皆辭
 而弗有晉浙江按察副使定驛傳條約歲省費以巨
 萬計去縣令奉職之尤無狀者盜息民安訟獄以清

晉叅閩省尋晉右轄遷湖省左轄咸有治聲未幾卒
 于九江得年僅五十鰲孝友明達學術足以大用臨
 事有遠識在 武宗朝佛郎機夷人假貢獻以窺南
 海逆彬甘賄使侍 上肄夷語於是夷酋憑恃寵靈
 部見踞鰲鰲時為御史疏其利害請銷患未萌逐之
 出境朝議從之及按湖廣詰發襄府偽官復楚世子
 侵地往藩封祿米不時給則謹于有司鰲奏撤去稅
 使以守臣抽分充其缺乏以給藩祿而人無弗稱便
 者備兵徐州河溢為患藉兵夫餘力築長堤自沛巨
 徐連絡百里隄成而大水民免墊溺皆治行之可紀
 本朝分省人物考 卷一百十一 辛九 廣東二

張 濬

張 濬

張濬字景川順德縣人弱冠登正德戊戌進士知建
 平縣素號難治至則進長老問民疾苦而因革之重
 學校勵忠節飭范仲淹之祠表王叔英之墓已遷禮
 部主事會大司馬王瓊與都御史彭澤有隙澤經略
 哈密以金幣與土魯番贖城印未幾土魯番復據哈
 密犯肅州瓊遂劾澤檀命遣使納幣啓釁欲殺之並
 逮都御史李昆副使陳九疇澤剛毅敢果屢討流賊
 有功時議多右澤者一日瓊遣其屬持牒會濬窮核

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

其事曰此趙宋覆轍事成有顯擢與景川共此老禿翁何如潔正色曰王公誤矣大夫出使于外苟有利于國家專之可也澤與土魯番檄固在豈宋屈已和戎比耶爲謝王公母汗我使得罪天下後世卒不署牒事以得解遷員外郎嘉靖甲申以議大禮從諸大臣赴左順門哭諫不起 上震怒收繫詔獄已而廷杖之潔被杖死年僅三十有八潔未死前猶力創草疏數千萬言及彌留投其疏謂李義壯曰身盡廢獨此心耿耿耳言已而逝聞者莫不傷之

陳 騏

本朝分省人物考

卷一百一十

三十

廣東二

陳騏字夢祥南海人少喜技藝工畫能醫有司使視重囚入獄中穢不能忍恥之乃學舉子業爲邑庠生時年二十七矣三十一舉于鄉連登進士拜大理寺評事晉左寺副修撰羅倫以剛直許之陞江西僉事發奸擿伏有能名分巡嶺北民病瘴以藥活之者至八百餘人勘虛糧明經界均徭役民不敢欺有病死而婦以被踢殺告者騏視而折之曰傷必有血蔭今肋骨形彎內黑外彼能自內踢耶煮皂角水洗之黑色盡去獄遂決人服其明巡九江以南火燬學宮文昌祠凡清出虛糧十八萬三千餘石儲贖罪穀備賑

濟至二十一萬六千石有奇以各道罰罪銀市材備工修理學校祭品及正聖賢像服之不如制者七十所毀淫祠九十七區陞雲南副使時鎮守太監錢能家人不法每爲騏所抑能中傷之訐奏落職家居年八十餘卒

劉士奇

劉士奇字邦正廣東龍門人正德間舉進士主事刑部錦衣千戶陶淳枉法殺人言官請逮治士奇竟法之轉員外郎議禮與諸臣伏闕哭諫杖不死遷郎中山陝兩藩與有司訟奉命臨訊論如法出守梧州梧州

本朝分省人物考

卷一百一十

三十

廣東二

州關有權征以給軍饟時有奇羨士奇毫不爲染民多竹舍不戒于火延燒輒數十百家士奇患之表火道度數家障以崇墉災乃止在郡七年超拜廣西左叅政江西按察使有某甲者一家九人文致于盜幽囚數年士奇鞠而釋之右布政山東以病乞骸骨歸士奇廉家無餘貲或傳士奇常欲市蜆問其妻妻曰何不書清字與之杜門八年卒

何 宏

何宏字道充廣東順德人正德二年舉于鄉授通州學正待人和易然尚氣節不可撓屈文廟分獻據禮

與州守夏邦謨爭論請於督學督學竟直宏也諸生
 令居舍中月課之又為籍書勤惰微疵督學至則以
 名聞講行四禮弔死振乏人人感勸以父憂歸服除
 補泰州學教如通州歲饑巡撫發廩遣弟子監之曰
 何先生弟子必不欺也其見信於人如此遷六合知
 縣縣當孔道民棘於供億宏均其役稱畫一焉關浮
 屠禁奇衰淫靡之習斷獄明允不畏彊禦卽上官未
 嘗少徇有貴戚與豪民訟久弗決刑部以宏往遂決
 之溧陽民坐殺人拷死相繼不白御史下宏遂白嘗
 具獄上御史田頊三反宏三執人謂必獲罪矣頊竟
 薦之曰縣令不為御史所撓可不謂賢哉人亦以是
 賢頊也擢南京江西道御史六合人為立生祠吏部
 非人宏上封事逮詔獄尋赦之遷德安知府未幾以
 妻子連喪致仕

本朝分省人物考

卷一百十一

三十二

廣東二

鍾曉

鍾曉字景暘順德之龍江人少沉毅寡言笑鄒智之
 謫石城也曉師焉以舉人分教梧州督學重其學行
 檄主桂林書院九載遷國子監學正南京貴州道監
 察御史奏革錦衣金吾龍驤騰驤四衛冗員及工部
 冗匠歲省漕粟數十萬劾叅政王奎叅議王泰白金

僉事李淳皆宸濠黨也刷卷四川諫迎生佛請召還
 使臣毋空糜十餘萬又奏停采木蜀人德之熊給事
 簡御史時亦以使事在蜀則共請建儲疏至而武
 宗晏駕矣未幾為忌者所排謫判沔陽沔陽志稱其
 長者政事志節足稱云遷知歸州先是湖廣中路與
 四川石柱兩土官爭地相攻四十餘年兩省官不能
 決曉奉檄訊之片言而服人以是稱其敏同知瑞州
 進思恩知府致仕曉居官三十餘年貧約甚於寒生
 嘗治室梁矣比鄰惡其蔽已卽裁其楹其鄰反自愧
 謝八十五卒後二十九年知縣沈某曰曉按蜀著謬
 諤之節居家有恂恂之風男子六人無百金之產以
 清修白兩臺表之子千亦同知瑞州

本朝分省人物考

卷一百十一

三十三

廣東三

方重杰

方重杰字思興世居南海尚書謚簡肅家子也少奇
 俊老成侍父仕粵值黎人符南蛇構亂父在軍中歷
 三年所母陳氏病劇徧叩諸醫弗効重杰心皇皇一
 夕焚香籲天曰母以父憂子恃母育願母生卽躬躬
 奚卹哉乃持匕首割左臂肉和粥以進母談之疾尋
 愈嗣有訛傳父遭兵刃者母輒驚怖卒重杰殞殮弗
 愆於禮哀毀隕復蘇年方十五也粵諸父老靡弗咄

咄嗟異扶襯還遇夜雖風雨露次弗離遇荒林野藪
聲烏鳥孺慕使人不忍聞當其時父與叔左方伯良
節一時並仕膺顯重杰獨閒處對古聖賢戶外事若
不聞足不踐公庭父清白吏俸入不足庇其家重杰
能同苦節韋布糲食奚啻蓬累父歿廬於墓側時有
朱蛇盤旋廬舍中弗去者旬日臺司行檄獎扁其門
重杰嘗受業於東所張詡操養漸充正德己卯舉於
鄉再上春官不第遂脫跡名場卓然心性之學甘淡
薄絕嗜好以顏子淵程明道爲矩矱妙契疾書根極
要領著希明錄以見志後病嘔血卒屬續之日令其
本朝分省人物考 卷一百一十一 三四 廣東二
子講疏食水飲章歌歸去來辭自作挽文至死不亂
大理卿黃鞏嘗曰簡肅之有重杰猶張忠獻之有南
軒也學憲江以遠檄送孝子祠與唐林攢明陳茂烈
諸公並祀 世宗朝巡按御史曾佩疏言其孝行詔
立坊旌表重杰子夢升字君符郡庠生因父羸疾亦
嘗舐糞割臂肉願以身代孝義彰聞屢經褒獎督學
田汝成特賞於優等廩食之將貢卒人稱世孝云

林挺春

林挺春字少和順德縣人一字元育從湛元明先生
遊事親至孝藩臬旌其門挺春日事親若曾子可也

舉而律我當伏不孝之刑奈何以爲嚆矢隨屏去之
以舉人教諭仙遊仙遊故有田租掌教多侵漁挺春
悉散諸生嘗自作邊豆禮器或謂有主者曰學佛乃
舍其身吾何惜錙銖而儉夫子遷知零陵調南靖南
靖兵燹後官寺里屋一空蒿藿成林白骨滿野虎豹
晝行挺春芟穢掩骼驅虎豹而遠之倚茅聽政已洪
水至城郭蕩析乘桴露處乃遷于大帽山下邑焉漳
經界不正自朱子已患其然今尤甚富者割倍賦之
田無直以啗貧民貧民利而從之既賦日積縣官受
其病挺春悉以均之招流移撫凋瘵南靖大治遷居
本朝分省人物考 卷一百一十一 三五 廣東二
益州知州以親老不赴挺春醇謹自筮仕至老未嘗
一介取於人罷官益貧人以是重之

梁廷振 附李翔

梁廷振字伯綱甫十齡事親盡禮時稱孝童正德丁
卯舉于鄉登嘉靖癸未進士連丁內外艱號痛屢絕
年四十二鬢已雙華服闋授兵部職方司主事尋進
郎中廣西土官互相讐殺總制陶奏請大征會安南
弗庭朝議主討廷振皆力止之中外賴安戊戌出爲
廣西副使與叅政翁萬達監督諸軍進勦斷藤峽號
令嚴肅民不知兵捷聞賜金幣復平府江諸徭平樂

之民得以安枕遷福建右叅政督理糧儲公餘講學
 閩士嚮風晉按察使憲度貞肅比入覲不持一物清
 風穆如會遷浙江右布政使尋轉左遇早禱雨輒應
 時大工木商應給銀十八萬兩經久未支延振奏給
 之衆商欲以萬金致謝斥絕不染其廉介類此未幾
 卒于任百姓嗟悼初延振爲孝廉下第能遠扶先尚
 文之喪以歸又能敦篤友愛感悟其弟旣分爨而復
 合食後自郎署陟方岳置園二畝田一區悉與弟共
 如延振者世可多見哉先是有李祥者成化戊戌進
 士亦歷官貴州左布政雅有清操一介不苟取爲白

本朝分省人物考

卷一百一十一

三十六

廣東二

沙先生高第與廷振前後並稱二方伯云

何維栢

何維栢字喬仲少遊三水庠見同舍生臨祭而謔輒
 引避以爲辱已衆皆愧服嘗慕西樵泉石之勝負笈
 讀其中時湛文簡霍文敏亦山棲與語多所默契嘉
 靖辛卯舉于鄉乙未成進士選庶吉士尋授御史疏
 止沙河功德二役省費百萬再疏罷征安南極論毛
 尚書伯温奪情非禮 上多嘉納未幾謝病歸西樵
 常與劉模王漸達陳激衷往來論學復補御史出按
 八閩值歲大稔多所賑恤存活以數十萬計因條救

本朝分省人物考

卷一百一十二

三十七

廣東二

語泄見忌出爲南禮部尚書次潞河遂乞骸骨歸角
 巾野服恣遊名山關天山書院聚講發明陳白沙宗
 旨薦紳之士卽皓首猶北面就弟子列如尙書葉夢
 熊僉憲陳吾德尤以動節著聲海內云卒謚端恪所
 著有易學義禮經辨太極圖解天山存稿及編陳子
 言行錄傳于世弟維栢亦登進士選庶吉士遷禮部
 主事子崇亨以廕歷南京都督府經歷

侯國治

侯國治字平裕南海人嘉靖甲午領鄉薦庚戌授應
 天之江浦令邑當南北衝衢輪蹄如織貢賦繁疲國

綜理有方民用不困擢爲寧波府同知時寧郡中倭方甚國治職專海防躬巡禦於舟山昌國之間屢瀕危險不避平倭捷奏得與賜金委署鄞縣慈谿定海餘姚所至俱有殊績而城慈一事功烈尤著慈人尸祝之居五年稍遷南都督叅軍轉戶部郎中請告隆慶庚午起督密雲糧儲密爲畿輔重鎮主客兵餉以百萬計當事者因而自贏國治嚴覈其餘盡歸之公歲省可三之一邊庭皎然未幾出守思恩所轄土司夷落國治蒞以清正峻卻餽例搗北三之巢定武緣之屬思恩自是赫然改觀尋陟廣西按察副使備本朝分省人物考 卷一百十 三十八 廣東二

龐尙鵬

龐尙鵬字少南南海人嘉靖癸丑進士筮仕樂平縣治行卓絕召爲監察御史命覈浙直軍餉發總制胡宗憲監軍鄢懋卿冒破之奸語侵權相嚴嵩幾中奇禍復命猶執奏如前直聲動天下上防倭五事計畫詳悉出按河南丰裁尤著強宗斂戢貪墨吏望風解綬去巡撫蔡汝南獲白鹿于王屋山欲會疏獻尙鵬固執不可尋丁外艱服闋擢赴河南道理考察事時科臣胡應嘉刺太宰得罪尙鵬疏救甚力且劾輔臣郭朴中外凜然再按浙江首發歸安豪宦縱橫之罪全浙不寒而慄又立均徭條鞭法歲省費百萬請著爲令通行恩遍海內隨在立祠祀之曠徒昌亂亟促撫臣劉畿勦平紀功時釋幼小千餘懽聲載道旋建孫忠烈祠修岳武穆墓以勵風化改提督京畿學校都人士翕然丕變會 莊皇帝踐祚條陳時政數萬言擢大理寺丞時議興復九邊屯鹽晉右僉都御史以行甫次昌平卽疏劾內侍張恩馳驛殺人司禮護恩得從未減又劾御史孫以仁賊私狼藉并劾給事中張齊陰壞邊餉言官憾傷其類思有以中之矣尙鵬巡歷各邊足跡殆徧河套搗巢與總督王崇古克成厥功爲執政所忌不得敘上會計錄言從古征斂

本朝分省人物考

卷一百十一

三十九

廣東一

多則民窮盜起天下遂大亂臣親視邊方生靈愁苦語甚激烈又疏請卹錄大獄得罪諸臣下部未報至甘州御史郅永春修前郅中之疏下吏部楊太宰博持之甚力忤輔臣高拱意傳旨勒博致仕而落尚鵬職九卿科道會疏留之不報未幾博召用尚鵬亦以僉都御史起督福建軍務蠲宿逋五十餘萬踰年擢左副都御史協理院事時權相張居正聞喪奪情罪及言者尚鵬移書申救居正黨陳三謨承望風旨以考滿年月小誤指摘遂奉旨回籍聽用值母病劇得承訣時謂天成其孝云居四年卒尚鵬忠介慷慨

本朝分省人物考 卷一百一十一

四十

廣東二

經濟素優其膽略足當大事定大變立朝知有法紀不顧一身利害當官知恤民艱不避一時讒疑海內縉紳倚以為重者幾三十年所著有百可亭稿十六卷奏議十卷藏于家別有殷鑒錄行邊漫紀仲弟尚鴻彙次為評斷疏進之粵人以條鞭故立永賴祠歲時報祀比於崔清獻云

龐 嵩

龐嵩字振卿居南海弼唐鄉學者稱為弼唐先生嘉靖甲辰由鄉舉授應天府通判晉治中先後凡八年大京兆缺屢攝府事初至早魃為災嵩督賑委悉霑

沿公粟既竭貸之鄉先生富民誠意懇惻人多應者所全活無算已而蠲其積逋於以勞來拊循之所繇以復業者十萬六千有奇部民苦役重嵩取公費議寬之令甲首輸蠲免其置辦付之印簿以防侵漁清寄居客戶以助夫役移僻驛馬疋以甦衝塗嚴冒濫優免及詭稱官戶寄庄戶女戶神帛堂匠戶以實丁口八邑皆蒙惠焉時江寧葛僊永豐二鄉數有水患居民餘七戶而已歲課不能辦嵩為築堤開萊得田三千六百畝立惠民庄四召貧民佃之流移盡還而全邑訖無代輸之苦百姓至今賴之折獄無細大必得其情有張元二者以追逃婦不反嵩躬至婦所見室畔縣崖矗立林木颯然心動行數十武而前佯執村老訶問之對曰我但見屍遂得元二殺人狀又高淳傭人亡其妻妻家以為死執之嵩偵知鄰有畫工以其妻歸日遜也計致畫工奪還之聞者以為神戚晚王湧舉人趙君寵占良人妻殺其夫嵩并論死居間者萬方拒不聽嵩饒吏幹在事拮据百廢具舉尤加意造士暇則進諸生課之自捐俸以資賞給歷寒暑無倦淹通五經為諸生發疑抉異無不虛往實歸者早遊王陽明湛甘泉兩先生之門至是奉其緒論

本朝分省人物考 卷一百一十一

四十一

廣東二

爲諸生規建會於新泉書院日與講習以故一時文
行之士成就興起者爲多性嚴明嶄嶄不可犯而又
與聞於名儒巨公以是施之政亦以是持其身見義
勇爲獨信一力雖賁育不能奪也單騎行縣所至肅
然一蔬片楮不以煩民人目爲麗青天云晉南刑部
郎中曲靖軍民府知府所在士民銜德旣去而追思
之葛僊鄉有特祠至今俎豆不絕云

梁有譽

梁有譽字公實廣東順德人也公實爲諸生卽名能
歌詩傾嶺南矣已成進士燕中卽又傾燕中人而居

本朝分省人物考

卷一百一

四十二

廣東二

恒不自得鬱鬱思歸補尚書刑部郎間與不同舍郎
李攀龍王世貞游乃稍自愉快曰世故有人哉而郎
宗臣已去爲吏部休澣輒一來俄而郎徐中行來中
行故常與公實遊南太學深相結者也以是日相與
切劘古文辭甚懽而一旦念其太夫人竟移病滿三
月上書請告歸公實聲愈籍甚當徙郎吏部吏部亦
推擇嶺南郎一人有以此風公實者公實笑曰吾自
欲歸豈以刑部郎少之故而一吏部能廢我哉竟去
弗顧至濟上而貽百韻詩攀龍輩爲別百韻卽古自
杜甫氏而外不恒見也而文甚工卽歸乃杜門度圖

史丹青彝鼎之類一小閣卉木竹石環之而身吟詠
其間翫然不屑也郡國大吏雅慕公實于旄門相踵
公實則以一蒼頭謝卻不任客鄉里襁袴子跡絕不
相聞而潦倒書生挾策剝琢則尋聲出延食之矣然
公實所最善者攀龍輩武昌吳國倫最後定交而謝
榛以布衣故公實亦間從遊其於鄉師事故黃文裕
公佐而友黎戶部民表當與民表約游羅浮山觀滄
海日出沒探勾漏令丹鼎庶幾其一遇而屬海颶作
不可以舟乃止宿田舍者三夕颶益甚山木盡拔道
爲徙而公實亦意盡乃賦詩而歸是時屬疾寒中湊
矣歸而疾大作遂不起年僅三十有六也公實以念
太夫人故棄其官萬里歸養而竟先太夫人以死歸
益謝棄交游期以歲月窮古作者之蘊而卷若未觸
手庭卉木弗及新以死嗚呼何以死也公實所爲集
若干卷具在取其上駟而擬古作者無大愧其下駟
亦足以走夫後死者卽公實不死也

陳紹儒

陳紹儒字師孔南海人生而異光滿室五歲讀小學
孝經明愛親敬長之理弱冠補從化諸生應嘉靖辛
卯歲貢卒業成均時司成湛若水呂柟咸器重之丁

本朝分省人物考

卷一百一

四十三

廣東一

酉領本省鄉試戊戌登進士給假歸省適母病晝夜
扶持不少懈旋授戶部主事晉員外郎詰內豎混竊
之奸革倉庫積年之弊議設陪庫主事經歷大使各
一人以防闌出著為令歲羨至盈五萬遂晉郎中命
總理遼東糧儲兼理屯糧三年章凡十數上皆防守
大計時承平日久忽報虜寇至紹儒登陴拒守寇不
得逞自是益習騎射必破的諸將驚謂神授調山
西雲南二司進會計錄省京邊冗費二十餘萬陞湖
廣副使分部荆南襄樊水溢城不沒者三版乃議築
老龍諸堤以捍之水不為災又設法賑饑存活萬餘

本朝分省人物考

卷一百一十

四四

廣東二

人襄人樹碑峴山以紀其事居二年為權貴人齟齬
文致其罪謫泉州同知未赴轉南昌知府越五月陞
廣西副使督狼兵救援兩浙紀律嚴明所過秋毫無
犯晉福建叅政丁內艱服闋補四川叅政尋轉按察
使平白蓮教秦政和之亂馘其渠魁散其黨三千餘
衆擢廣西右布政轉左丁外艱起補雲南即召為順
天府尹時 穆皇登極百度惟貞紹儒釐革縣驛冒
濫豪貴斂手甫六月轉太常寺卿 上耕藉召問禮
儀按經以對 上韙之晉南京刑部右侍郎未幾召
還戶部條陳遼東甘肅等鎮兵馬主客錢糧之數凡

萬餘言經濟鑿鑿皆可行者 上嘉納之轉左侍郎
提督京通倉場議復漕運例限至今遵守其制陞南
京工部尚書為忌者所媒孽致仕歸土垣竹扉甘澹
自適室無二八之奉坐無九九之客惟手一編弗間
寒暑誨子弟必以忠孝大節為先至老不懈年七十
六卒詔給祭葬子弘采以廕至知府弘乘博學砥行
以孝友聞不喜為貴介容交於當路繇歲薦歷善化
知縣葺頹圯杜侵欺剖冤滯未期月而百廢備舉竟
卒于官子熙韶選貢生熙昌領丙午解額熙陽亦登
同榜世多榮之

本朝分省人物考

卷一百一十一

四五

廣東二

蕭端蒙

蕭端蒙字曰啓南海人父與成舉鄉試第一尋登進
士官修撰蒙少治老蘇之學與季父潔俱季父多技
能任俠而蒙沈靜有器量好讀書舉嘉靖辛丑進士
選庶吉士改御史巡按貴州先是貴州無制府兩省
諸司以客相視謀篡異同動相牽制一方有事彼此
提衡而立蒙請置重臣撫綏其地而事權始一又貴
州試士皆會于滇南至是始得專試蒙請廣其額以
風遠人上皆從之明年還朝道病因自免家居後復
起為浙江道御史按江西時藩王驕縱自撫制大吏

仍辱其長吏蒙劾王不道捕麾下治之境內肅然丁
內艱歸未幾疾卒

黎民表

黎民表字惟敬號瑤石廣東從化人由鄉貢進士任
中書舍人擢南京兵部車駕司員外郎性嗜詩篇屢
有刻本且善臨池之技其隸書得其師文衡山先生
家法大爲宇內人士所重

趙勳

趙勳字彝伯番禺人少秀整長好學博通經史弱冠
補郡學諸生嘉靖戊子舉于鄉辛丑銓授江西瑞金

本朝分省人物考

卷一百一十一

四六

廣東二

令瑞金爲贛小邑隣于閩使傳旁午供給繁苦泰和
安福勢豪多以寄庄優免土著民久患差役貧不堪
命勳申請均繇始得蘇息節省浮費興起學校瑞金
素乏利名進弟子員戴汝器而授之經踰年輒舉于
鄉龍南信豐饑芋載道委之賑濟存活甚衆兼攝他
邑一如瑞金循良之聲播于遐邇按撫交章薦之先
是安遠有黃鄉賊洞路通閩廣萬山巖險征勦莫及
賊葉氏世統其衆也曩設軍門奏給千夫長印使就
羈束乙巳冬千夫長妻曾氏代夫主洞二子冲幼姪
葉經糾衆剽掠提督都御史奏請征之官軍敗于賊

殺一千戶一縣丞勢張甚於是兵備副使薛公甲謂
虞公曰事迫矣非趙瑞金莫辨此賊幕府召問方略
勳曰賊方銳戰必敗也今聞賊亦自困且厭其首亂
可往諭使自縛虞公壯而遣之遂挾四小隸單騎入
洞初往賊猶未信列兵露刃夾道擁視勳推誠慰撫
曾氏相率跪服手縛葉經及梗化肆掠者數十人以
獻餘黨悉降勳又諭曾氏曰官軍征汝奏聞于朝今
雖縛姪而二子不詣軍門何以示效順曾氏卽出二
子付勳曰二豎子之命在公矣勳曰二子卽吾子也
當是時諸邑聞瑞金縛賊且得曾氏二子歡呼道路

本朝分省人物考

卷一百一十一

四七

廣東二

勳以二子入軍門觀者萬人無不稱快虞公不待報
卽以便宜赦曾氏二子送郡學觀禮勳再入洞築城
寨設巡司而黃鄉賊無不歡呼樂業者是役也不餉
一軍不廢一矢百年逋誅一旦歸命以治行徵拜南
京監察御史舊規內守備太監守備國公不理細務
惟人命賊情許兵馬司引稟時漸不如制且役辦無
名竊盜攀指最爲民患疏陳五事禁無名之差役革
官司之借辦罷竊盜之工價嚴巡捕之考覈省引稟
之煩勞 世宗皇帝下其奏南京守備諸司爲之斂
戢武職犯法憲臣窮治波及無辜幾至激變事聞覆

參鞠之懲其首惡餘皆薄治 上俞從之壬子選
山東按察僉事巡東兗濟南二道執法詳明存心忠
厚審錄獄囚決配者即遣之冤抑者免齊魯之間稱
明決焉歲大饑人相食巡視拯卹不遺餘力豫徽州
邑告賑即發不待報可民賴以生者萬計採荒之策
一如龍南信豐矣僉事三年前後論薦于朝者十數
疏甲寅以憂歸遂家居不出勲為循令尹為名御史
貞憲秉度為按察尤有聲五十懸車論者惜其位不
究德云有遺集五卷藏于家

羅虞臣

本朝分省人物考 卷一百一十一

四八

廣東二

羅虞臣者順德之大良人也字熙載穎悟絕人觀書
目數行下九歲能屬文弱冠舉進士補建昌推官建
昌號繁劇難治虞臣至郡以文章潤飾吏事日召善
書史數人於前口占其所謝故人書手授其所為文
且省吏事各有條退則讀書至夜分乃就寢故虞臣
居官文日益進郡中亦翕然有文雅之風三載徵拜
刑部主事改吏部與李開先任翰輩以文章氣節相
高而虞臣尤剛腸疾惡而斥人短以故多忌之者開
先曰熙載且見中於法矣會宛平人劉東山僞上變
告張延齡姦連虞臣於是逮詣詔獄治虞臣乃從獄

中尚書通政鄭紳覽書棄去不奏獄成下御史府大
夫王廷相當虞臣故縱重囚黨結元惡杖五十褫職
為民虞臣既歸就中山結草堂墳索置前圖牒陳後
總括百家馳騁千載雖仲舒覃思下帷嚴平不窺城
市猶自謂過之也嘗言虛生不如營名義古不如自
立其志如此兩廣都御史蔡經薦于朝未用卒年三
十五所著有原子集

郭 棐

郭棐字篤周南海人弱冠由儒士領嘉靖己酉鄉薦
師事湛若水與聞心性之旨壬戌成進士初授戶部
本朝分省人物考 卷一百一十一

四九

廣東二

主事尋改禮部會 穆宗即位次日傳封七夫人御
禮出棐力諍納還曰方今 先帝廟號未尊中宮母
儀未正而遽有此舉何以示天下事得寢輔臣高拱
以專擅為時指摘間語棐曰人言相度可操舟如太
橫何棐應聲曰儻其橫不能操更願相公廓度矣拱
滋不悅棐遂以祖母年耄請歸養因疏陳十事如設
史局之官錄于謙之後進薛瑄陳獻章從祀孔廟皆
納棐議獨以數忤當路出為夔州知府夔地巖瘠棐
務課農養士為根本計作仰高夔龍二書院選諸郡
邑之僑躬董教之又兩校蜀闈所得皆知名士晉湖

廣屯田副使攝蘄州道有柯賊數千爲梗督府陳瑞欲提兵殄勦裴戒勿輕動願以身往果得首惡正罪來往興國界中數經江陵之家不投一刺萬曆丁丑始改四川提學時當國者方嚴功令督行汰士法裴守正不阿掄選公明居前者學士范醇敬輩登鄉會榜幾三百人皆屈指豫定前此所未有也梁山署印某通判杖斃生員李夢祥撫臺力護之裴按法執治不少貸因而得罪去官癸未抵京將補銓司相國申時行余有丁皆裴同年雅欲推轂而裴每見輒進規諷由是失二相意僅除廣西右江副使至則首平

本朝分省人物考

卷一百十一

五

廣東二

象州洛容等亂脩柳慶賓象四學旋陞湖北叅政羅穀萬石以賑繕武陵龍陽沅江等邑隄六千餘丈又計擒苗夷楊廣和等一方獲安秩滿轉山東憲使值倭奴窺邊裴計畫防守全齊晏然未幾陞雲南右布政揖行堂事滇人方苦師旅苦貢金裴爲平丁苴戢緬寇疏罷增金二千兩以救疲民爲閣部所抑不得奏乙未大計惟人言裴遂乞休詔晉光祿正卿致仕居十年卒裴忠孝天植處父母兄弟自少至老毫無間言孜孜公家夙夜匪懈其與人外柔內剛榮辱生死不爲動初擬梟甲後擬內擢皆爲權相所擠遭迴

三十餘年官止外藩家業無所增益至於建祠恤族或周急助義則傾貲爲之他如建塔濬濠防夷罷稅凡關桑梓利害力贊當塗舉行卒爲粵賴性尤絕聲色惟喜講學談文每手一編寒暑丙夜不輟戶外乞言者滿志而去竟無受謝屬續之日倦倦以國恩未報爲恨其子陽齡藉手親友始克成喪云著述傳世者有粵大記嶺海名勝記廣東四川通志夢菊全集齊楚滇蜀諸稿士林宗之

歐大任

本朝分省人物考

卷一百十二

五

廣東二

崙山歐君生於廣東順德官江都訓導名大任字楨伯有文譽與嘉靖間六子遊著作甚多已有定評楨伯青衣李英詩甚穩妥亦有小集惜逸其半

雲奇

雲奇南海人洪武間內使守西華門特丞相胡惟庸謀逆其居第距門甚邇奇刺知其事冀因隙以發未幾惟庸言所居井湧醴泉邀上往幸鑾輿出奇走衝蹕道勒馬銜言狀氣方勃崑舌駭不能達意上怒其不敬左右亂搥捶下垂斃右臂將折猶奮指賊臣第弗爲痛縮上乃悟登城頰顧則見彼第內壯士衷甲伏屏帷間數匝亟返樓殿罪人一一就縛召

奇息已絕矣 上追悼加贈司禮監太監賜葬於鍾山之西命有司春秋致祭仍給六人備歲時灑掃

唐 豫 附子璧

唐豫字用之順德縣人父奎洪武初以經明行修薦授增城學教諭博覽羣書鄉人號唐書匭湛某寇至被執不屈死豫生而穎悟少從翰林典籍孫晉遊作詩文有古人風性剛介無諂曲痛父非命作蓼莪亭與周祖生周祖念劉子羽何淮劉子高友號平步六逸皆德行醇謹衣冠嚴偉為人所欽嘗相與定鄉約鄉人信行之秋成後先輸公賦一補尺籍必遣少壯

本朝分省人物考

卷一百一

五十一

廣東三

當行之人二冠禮遵文公幣無過腆三昏先夕燕其子坐之南面曰漸老燕非禮也如禮醮之四父在子立違者叱之五喪無飲客遠者為具蔬食朔望會哭勿留六祭以四時忌日哭盡哀不飲酒食肉居宿於外如禮七禮尚施報冠昏喪葬其大者鄰里親戚朋友往來佐之八子弟教以孝弟睦於親族鄉黨讀書學文母令侈其衣冠博奕飲酒以為父母戮九鄉為甲幾其出入幾其所事其有奇表聞于有司十豫子璧亦有文行母瞽不能自食璧晨夕飲食之母遇瞽復明人謂孝感一時公卿皆重璧叅議陳贊待以賓

禮及改太常執手別曰卿吾三益也璧動循禮署未嘗去衣冠訓誘子弟端立正坐出入規矩然後授以句讀或見以為迂闊曰文藝末事不收放心何以受教其敦行如此

黎 貞

黎貞字彥聯新會人性坦蕩不羈樂以酒自放故號陶陶生晚更號林坡學者稱之曰林坡先生貞自少岐嶷異羣兒七八歲時與弟浴於塘弟溺塘井中雙指猶漾漾未沒貞亟沒水以手捉其足登淺處鄉閭異之五羊孫蕡狂者才美絕人為文章操筆立就死

本朝分省人物考

卷一百一

五十三

廣東三

生榮辱得失亦不以介意貞從之游故學所成就非一時流輩所及發而為詩文滔滔自胷中寫出無斧鑿痕議論古今治亂興廢與世道得失人物賢否類出於己意而多得之洪武初補郡庠生部使者以其有學行署為新會縣學訓導志不樂仕乃退築釣魚臺於所居宅前自擬嚴光後以事為訟者所誣發戍遼東者十八年艱危困阨之中學愈博而識趣愈高氣愈充而議論愈出比脫伍歸聲益著學者從之遠近畢至貞諄諄善誘每俯而就之隨其淺深有所造就焉年五十九卒所著有林坡集古今一覽家禮舉

要行于世初貞在遼時孫贊以事死貞抱持其尸以衣裹之殯殮如禮奉柩葬于安山之陽典衣營其事爲文祭之讀者莫不墮淚其篤於友義如此比其自遼歸也適已薄暮明月滿空呼舟中餘酒登所築釣魚臺吟嘯久之乃扣門還家焉其胸次脫落此類也

李孔脩

李孔脩字子長自號抱真子順德縣人僑居廣州之高第街混迹閩人不識也張詡識之則薦孔脩及雲谷老人于其師陳獻章獻章曰陳畱市隱不遇陳無已黃廷堅市傭耳雲谷老人李孔脩非廷實安知

本朝分省人物考

卷一百一

五十四

廣東

吾郡二士雲谷老人得見孔脩少年如廷實非俛首當世人也往來之便庶接其論以信廷實知人善取士未幾孔脩適輸糧于縣縣令異其容止問姓名不答第拱手令叱之曰何物小民乃拱手耶再拱手令怒笞之五竟無言而出有庶母父沒改適誣孔脩奪其產縣令鞠之孔脩操筆置對曰母言是也縣令疑焉徐得其情乃大禮敬之由此人皆以爲駭敵壘薄產蔬食不繼未嘗一羣其眉詩字不履前人自爲戶牖或觀山水歸而圖之者爭愛而酬之平居管寧帽朱子深衣入夜不違一尺年不入城闕惟攻周易

城中兒童婦女皆稱曰子長先生間出廬戶則遠近圍視以爲奇物云吳廷舉由縣令歷藩臬在粵最久與孔脩爲布衣交兩人高風在塵埃之表粵人常道之孔脩卒無子憲使李中少叅王崇教經紀其喪尚書霍韜葬之西樵山西樵人祭社以孔脩配

陳鶴

陳鶴自號海樵山人世襲廣東南海衛百戶生而穎悟絕羣年十餘已知買奇帙名畫窮晝夜誦覽十七襲祖爵固不喜握鞬韃弓矢以自匿其芒角鬱鬱得奇疾百療莫驗則自學爲醫久之洞其旨自爲診藥

本朝分省人物考

卷一百一

五十五

廣東

凡七年而病愈愈而棄其故所受官着山人服踰粵嶺下彭蠡游吳渡越徧交海內名士歌嘯諧謔一座盡傾對客論說其言一氣萬類儒行玄釋凌跨恢弘既足以撼當世學士而其所作爲古詩文若騷賦詞曲草書圖畫能盡效諸名家間出已意工贍絕倫其所自娛戲雖瑣至吳歛越曲隸草釋梵巫史祝咒擢歌凌唱輓章薤詞儺逐伶倡萬舞偶劇投壺博戲酒政闖籌稗官小說與一切方言樂師矇叟口誦而手奏者一遇興至身親爲之靡不窮態極調於是四方之人日造其庭盡一時豪賢貴介若諸家異流無不

向慕願得一談一飲以為快幸性喜拔窮士士往四方又必借其片墨以動諸貴人每值集飲之處旅者行者舉爵持俎載筆素以進振髯握管須臾一擲累幅或數十丈各愜其所願而後止而往後箋札酬酢去留日營心記口對手書又雜以論說娛戲如前所云者一時雜陳燦然畢舉無不氣折心醉願與內交而去如是者幾三十年以為常一往金陵客四年而不復返矣初至金陵將造顧尚書璘先一夕夢李白至及見乃山人也遂深相結故客留最久顧公嘗稱其氣雄邁跨諸貴游似東方朔才敏絕似劉穆之其為瑣細藝劇忽整衣幘談理道辨世務又大類曹陳思真海嶺山負天賦以多能者矣

本朝分省人物考

卷一百十一

五十六

廣東二

李義壯

李義壯字稚夫番禺人嘉靖癸未進士初令仁和其政在鋤治豪強矜卹獨二年遷戶部主事司臨清鈔關以進羨餘七萬受旌改禮部儀制義壯工古文詞其時諸郎如田汝成王慎中屠應峻悉負雋名而獨嚴事義壯以為益友歷員外郎出為廣西督學僉事轉湖廣副使備兵辰沅先是苗人不靖都御史萬義壯至督兵直走盧溪急攻其為梗者以

次殲焉諸砦遂望風降附境內以平詔賜白金文綺加俸一級歷四川叅政福建按察使革冗弊清吏蠹杜請託縉紳大夫莫敢干以私者轉右布政擢僉都御史巡撫貴州時方征苗所規畫多與總制張公相左遂乞休既歸有司造請多不報日檢閱百家之書為文弘博浩瀚有則詩亦壯麗無卑瑣之態性剛方於人過必嫚罵不能容於砥礪名節者則願與交權不少忤以故士論歸焉著述最富多散佚所存三洲初稿十五卷行于世子成性領鄉試第一蚤卒

何繼之

本朝分省人物考

卷一百十一

五十七

廣東二

何繼之字克肖順德人登嘉靖丙戌進士知攸縣懲豪民張金通負由是知名晉戶部主事歷松江知府却糧長常例累擢河南叅政互糴小灘以漕中都原額既足羨銀八萬七千餘兩同事欲私之不從遷福建按察使未赴隨遷河南右布政使抵家卒繼之謙和清慎積而能散見稱於時

岑萬

岑萬字體一順德人嘉靖丙戌進士授戶部主事歷福建左布政使萬壽節御史曾佩拜于上萬引却之曰拜下之禮按臣何獨不然御史啣之論謫廣西叅

政遷按察使靖江王不得於母作慈母不慈記譙
臬命伶人歌焉萬遽起曰此非臣等所忍聞也以子
讐母於法不孝一旦上聞以此督過於王奈何王竦
然立命焚其書母子遂歡好如初遷河南右布政前
御史仍不解喉言萬老勒致仕年甫踰艾云年七十
三卒

戴 銑

戴銑字子聲東莞人嘉靖己丑進士觀政吏部上時
政疏千餘言授禮部主事督會同館峻抑厥校至佛
中貴曹長諷令少徇持之益力尋改監察御史朞月
間言天下大計至十餘疏多人所難言者論劾尚書
請賢劉龍等六人不職吏部尚書汪鉉槩爲之護欲
加銑罪 上優容之後言官論鉉黨護奸邪中傷言
官當路謂出銑謀坐免家居淡薄自甘足跡不至公
門廷臣交章論薦未幾卒年四十六用不究才士論
惜之有集藏于家子記亦登進士官楚雄知府

林 烈

林烈字孔承東莞人父汝椿篤于行有長者風烈幼
聰朗通左傳漢書嘉靖甲午舉于鄉嘗師事魏莊簡
潛心理學所養日邃四上春官不第釋褐江陰教諭

本朝分省人物考

卷一百十一

五十八

廣東二

淮南大理寺司務九載遷戶部員外轉郎中以勤慎
著聲庚申督贛江右綜理惟嚴以外艱去服除復補
戶部出爲福建鹽運同知革常例祛積蠹嚴闕出商
至如歸離政大舉於是毀淫祠興社學躬書院日與
諸生講習其中又聯什伍恤孤貧置義阡立鄉厲壇
脩養濟院民始患盜已復患虎悉力驅除之偶夢歸
童綬心異焉適 世宗遺詔至遂卒百姓巷哭商罷
市立祠水口尸祀之烈學務躬脩一介不輕取與歷
官二十年儒素如昨子培坦城俱鄉薦培最知名

梁 津

梁津字濟甫番禺人幼有至性事母區氏以孝聞三
弟皆出庶母時在襁褓庶母素悍盡奪財產以私其
子津略不以介意撫之益厚甲午發解第一辛丑進
士筮仕刑部主事迎母就養以學行改吏部持清操
杜私謁朝著賢之時大璫麥福最寵幸以同鄉求見
津善辭之福亦服其素履不訝也循資當轉文選副
卽同僚有越次鑽求者津卽讓之曰典選重負予寡
陋且多病兄才望宜補衆皆服其量卒于官年三十
有五母哭之斷腸而絕鬲言莫不盡傷太宰聞淵素
重其賢尤痛惜之憫其貧率僚屬致賻遣官護二喪

本朝分省人物考

卷一百十一

五十九

廣東二

歸

李鳳

李鳳字鳴岡番禺人其先大庾人父賢始屬籍番禺
兄鸞登嘉靖辛丑進士歷戶部郎中嘗以經教授成
就甚眾鳳少從兄學終身執弟子禮丙午舉于鄉後
十年登進士知蕭山縣鋤豪強禁溺女均賦役士民
咸孚頌聲載道徙治劇餘姚甫下車茂著倭功入為
大理評事治獄以不寃稱遷登州知府地瀕海饒於
魚鹽歲羨數千金一切麾却之日理民事惟務節愛
歷廣西布政使所至以清介自持不肯徇世權貴媒
不朝分省人物考 卷一百一十一 六十 廣東二

唐守勳

唐守勳字允懋番禺人少有志向家貧力學嘉靖辛
卯舉于鄉督府以學行延之嶺表書院為諸生師甲
辰登進士知閩縣舊例歲收綱銀支給公費不贍則
預徵民甚苦之守勳裁浮冗節出入積有餘羨適值
荒歉民獲樂生以憂去起補貴溪邑無城郭寇至率
民兵禦之擒渠魁而還襁挾交薦遷南京戶部主事
歷郎中已未擢興化知府卒守勳厚於倫理教四弟

如嚴師怠則撻之皆向學有立在南都時聞業師湯
朝達之弟鬻其祖宅輒還券不索原直同年東莞令
孫學古卒于客邸躬治其喪士論賢之有集藏于家
弟守明守文並領鄉薦守敬以詞翰名家

李价

李价字少藩番禺人穎悟有志學務躬脩嘗從香山
黃佐遊登嘉靖丁未進士知當塗縣俸外一無所取
地當衝塗前令逢迎無虛日价嘆曰吾安忍敝吾民
以相媚乎專務節儉歲省民財數千已酉覈蝗災蠲
民租十之四獄中大辟囚惟四人為辨出其二有父
不朝分省人物考 卷一百一十一 六十 廣東二

李邦義

李邦義字宜之連州人生而穎異貌甚魁梧與兄邦
仁齊名而邦義登嘉靖丙辰進士知上虞縣有異政
歷戶科都給事中條陳時務指摘奸權人多其直歷

太常少卿尋改南謝病歸卒年五十七邦義有才而敏論天下事若走輕丸下峻坂恥爲媿姍態好面折人過以故爲世所忌居常感慨政令不便者輒白有司更之故人有遺思焉

岑用賓

岑川賓字允穆萬子嘉靖己未登進士授衢州推官補池州景王歸葬官校以供張不給多凌虐有司二千石而下不免守屬用賓能獨稱辦而民亦不擾擢南京戶科給事中喜論奏章凡數十上勸經筵崇正學擇師儒舉遺逸減織造尤其大者大學士高拱負

本朝分省人物考

卷一百一十一

六十二

廣東三

才剛狠狹中而忌隆慶初爲給事中魏時亮所劾而御史齊康希拱旨劾大學士徐階 上皆不問用賓乃奏言兩人日侍左右心執邪正行孰臧否量孰廣狹豈能逃遁聖鑒高拱剛復自用苛刻立威決非端人小則殃民大則誤國乞令致仕以杜厲階不聽拱深銜之以此出爲紹興守紹興人聞用賓來計必武健自用及至乃更爲寬和立教條木鐸以徇務在德化於是紹興人大喜有故人欲饋用賓畏其廉託以

言賈禍人皆結舌及用賓在職言路復振終亦不免貶死海內惜之有小谷集行于世

梁典

梁典字惇伯順德人家故貧少傳經以供其親比舉于鄉二親已沒輒欲棄之去已謁選授上林學諭其課諸生如傳經時上林遂彬彬多文學士矣遷南雍博士尋出判南康署篆于都昌建昌三縣而在建昌最久建昌學圯于河典浚河新之諸齋舍自此興建昌瘠多逋負民卒流亡典緩之復業者相踵在南康三年清謹如一日伯兄嘗過其邸談及家人產典曰

本朝分省人物考

卷一百一十一

六十三

廣東二

視傳經時已侈矣卒于官百姓哀之子思年博古工詩翰喜談名理蚤卒今得其隸書者競珍之

劉格

劉格字豫誠從化人性至孝幼而父歿哀毀幾滅性弱冠舉庚子鄉薦壬戌謁選授六合令清慎勤敏百廢具舉徐國公家僮鎖禁良民格杖而戍之閩中丞擒江盜數百疏皆抵死密廉其枉者數十力爭之不

馮從儉疏其能留粵都而信豐士民請還益力未幾從儉去長沙李棠來代諧言先入徙荆府審理正後祀信豐名宦及鄉賢祠所著性說翼善論大倫圖多發古人所未發子克正克修並舉于鄉而克正登進士克治選貢

李悅 附李翔嚴竦

李悅字子喜新會縣人天性孝友年七十言及父母流涕長兄七子二十餘孫產薄不能自存召與同居以已財產均之族人多來依者至百餘口庭無間言所居臨海颶風作棺骸漂集悅皆收而葬之同邑本朝分省人物考 卷一百一十一 李四 廣東二

謝佑

謝佑字天錫南海人嘗從陳獻章遊一聞主靜竅察遂築室葵山之下棲焉寢甚并日而餐襪不掩脛晏如也塵世名利不少罍胸臆病中嘗寄友人漉若水詩曰生從何處來化從何處去化與生生便是真元處未幾卒後若水祠其師于白雲山以佑配

何廷矩

何廷矩字時振番禺人爲郡諸生以文行爲督學胡榮所器重見陳獻章卽棄舉子業從之遊會將秋試廷矩毅然謝去榮遣人乘馬追之謝曰泉石疾已在膏肓矣遂不復出所著有禮意大全三卷存羊錄十卷皆本周禮云

霍任 附弟傑

霍任字尹先南海人少同兄韜讀書僧舍衣冠相對卽暑夜不違人脈其端莊兩試不遇遂潛心理學以主靜爲根宗絕玩好斷戲謔於聲色名利澹如也父本朝分省人物考 卷一百一十一 李十五 廣東二

母沒哀毀成痞齋素三年廬墓西樵服闋因移家墓下兄方歷顯要秉銓衡而任托跡谿谷間與陳獻章高弟鄧德昌輩泉石自娛不與世事然赴人之急甚於其私有受誣殺人者未嘗識面聞其冤輒爲雪釋其人致百金謝揮而不受歲侵令家人減食以贖見債負苦累或代償焉有兩田更闕乙不勝毀甲先隴釋憾甲將訟于官任諭之不聽乃具脯醢往拜其隴躬飾之甲驚曰吾世田更何以當此遂不復訟其厚德類此栖西樵垂四十載山民父視之比卒聞者莫不悲悼所著有心性說解宙山剩言行于世季弟傑

奇行亦隱西樵獨處石室中經旬絕粒無饑色
身不娶有林逋風嘉靖元年忽出會城徧辭親友登
越王臺端坐而逝數日顏色如生人皆異之

鍾景星

鍾景星字叔輝東莞人少習舉業聞湛若水講學西
樵遂受學焉久之相從至都下與陳謨郭肇乾相策
勵終日正襟未嘗少懈如是者數年充然有得其節
節砥行毅如也家最貧然毫不苟取雖往來諸名公
前終身未嘗有所干人以此益重之晚年養愈冲粹
喜怒不形未嘗疾言遽色望者知其為有道士云卒
年七十四幾無以斂邑令喬誥捐貲助之乃克葬焉
尚書何維栢銘其墓

鄭昊

鄭昊字祖欽順德人其先漢章得金蒲澗訪其主還
之者也少力學善屬文文溫醇如其人登嘉靖乙丑
進士知江陰縣補海鹽縣里甲海塘前令籌策未竟
昊卒就之民蒙其利遷南戶部主事歷工部郎中出
守柳州會八砦之役久旱大饑百姓嗷嗷昊殫力晝
夜八砦平賜金無何卒昊端慤清慎年踰五十始獲
一第不以日暮為自植計官六轉歷二千石歸囊無

餘貲督府劉堯誨知其廉命所經郡邑祭賻之

劉克正

劉克正字懋一從化人生而穎悟隆慶丁卯舉于鄉
辛未會試主司奇其文擬魁天下後置第六時論惜
之既第進士改庶吉士尋授檢討奉命冊封靖江王
餽遺一無所受修兩朝實錄成賜白金文綺會奔父
喪南歸哀毀踰節起復抵維揚疾作還次真州而卒
年僅三十七克正質敏才茂肆力詞賦為丁士美諸
大綬輩所推重嘗作越裳白雉賦璀璨華麗世競傳
之

梁有年

梁有年號惺田廣東順德縣人萬曆甲午鄉試乙未
會試改庶吉士丁憂辛丑選吏科給事中本年管太
倉銀庫巡視皇城陞戶科右巡視京營皇城癸卯浙
江副考時主考為閩中之高克正較閱精詳甄收多
名士丙午陞刑科都諫例應內轉請外補得霸州兵
備陞河南按察使調湖廣按察使壬子陞浙江右布
政生平素持清肅所至吏畏民懷屹然倚為保障甲
寅丁艱未踰年而卒未竟所施士論惜之

區越

性慈祥政簡靜得親民體平居無疾言遽色民甚懷之擢戶部主事

殷廷蘭

殷廷蘭廣東人嘉靖癸丑進士授嘉興理刑廉介端嚴不可干以私每聽斷詳審精密未嘗輕出入郡是以無冤獄會署平湖事倭夷卒至僅隔一水時未有城廷蘭令民無走當為疑兵以却賊於是晝則揚兵夜則列炬舟卒市人聲應若十萬師賊駭遁百姓歡呼相賀廷蘭曰是幸也不可再申請為城以守經本朝分省人物考卷一百一十一 李八

晝措置盡出其力無何以憂去尋卒



人物考目錄卷之一百一十二

廣東惠州府

王度

李顯

張津

陳吾德

葉夢熊

楊起元

陳駿

葉應

曾祿

姚祥

車邦佑

唐勳

王天與

曾守約

翟宗魯

葉春及

本朝分省人物考卷一百一十二目錄

李學一

謝憲 附李學一

潮州府

戴瑀

吳裕

黃勳

附子一道

翁萬達

章熙

薛侃

蕭鼎

林祖

蘇福

補遺

林興祖

林希蔭

蕭鑾

李齡



| | |
|-----------------------|-------------------------|
| 吳一貫 | 王昂 |
| 莊璵 | 鄭一初 |
| 劉子興 | 林大欽 |
| 陳一松 | 陳瑞龍 |
| 鄭旻 | 唐伯元 |
| 薛宗鑑 | |
| 瓊州府 | |
| 葉禎 | 唐舟 <small>附子亮</small> |
| 邢宥 | 薛遠 |
| 丘濬 | 王佐 |
| 唐胄 | 陳實 |
| 鍾芳 | 海瑞 |
| 鄭廷鵠 | 王懋德 |
| 丘敦 | 曾鵬 |
| 林士元 | 吳會期 |
| 黃顯 | 黃宏宇 <small>附弟宏憲</small> |
| 肇慶府 | |
| 梁敏 | 梁軫 |
| 陳鼎 | 梁致育 |
| 劉芳 <small>附子茲</small> | 盧宅仁 |

本朝分省人物考 卷百十三目錄

二

| | |
|-----|-----|
| 莫如士 | 李津 |
| 南雄府 | |
| 陳德文 | 譚大初 |
| 韶州府 | |
| 黃裳 | 鄧顥 |
| 廉州府 | |
| 林榮 | |
| 高州府 | |
| 姚岳祥 | |

本朝分省人物考 卷百十三目錄

三

本朝京省人物考卷之一百十二

廣東惠州府 潮州府 肇慶府

王度

王度字子中惠州府歸善人肆力經籍研理修詞部使者以明經薦起家拜監察御史繩糾務持大體疏十餘上多見用 高帝升遐諸藩不靖兵部齊泰等會議軍事度與僉謀監庚辰會試翕然稱得人時曹國公李景隆北征敗績退保濟南以歷城侯盛庸代之度密輸籌策隨機制勝乃有東昌之捷景隆徵還赦不誅且當軸用事忌庸等功多掩已反行讒間度等皆見疎夏六月濟寧告急將士率與奕避敵度請募兵益戰乃有小河之捷夏五月鳳陽不守北騎長驅方孝孺與度等畫策誓死社稷秋坐黨禍謫戍賀縣後被族誅度死時年四十有七

李顥

李顥字思誠惠州博羅縣人正統丙辰進士由刑部主事擢福建按察司僉事未幾陞叅政綜理海道景泰丙子調任山東天順戊寅進右布政庚辰入覲時天下官旌異者僅十人而顥預焉賜宴于禮部兼錫金織襲衣轉左布政丁父憂改浙江成化丙戌召為

工部右侍郎錢塘江溢衝囓堤岸壞民田廬往治之人賴以安還朝年六十有二以疾乞歸成化十六年六月卒計聞賜祭葬如例顥廉靜寡慾不事聲名歷官中外皆著政績為時所稱其在閩莆民有游益網者仗中官勢為鄉里大害無敢誰何之者顥至立置於法至今閩人稱頌不置云

張津

張津字廣漢惠州博羅縣人成化丁未進士令建陽過礦盜創縣城舉荒政除女妖置田以祀五賢俾其後領之治迹甚著以憂去後補大冶擢監察御史疏

本朝分省人物考 卷一百十二

廣東三 朱秀

講學慎令等四事正德二年出知泉州時逆瑾扇醜鎮船私人絡繹下郡邑津以嚴重鎮之輒屏息以去政平而信吏牘無欺民訟無所誕者強戢弱安郡方仰見政化之成僅三閱月竟以逆瑾排去去之日百姓送者塞道且祝焉五年瑾敗補寧波府尋陞山東左叅政八月陞南院右僉都御史兼管操江九年命征賊寇十年陞都察院右副都御史巡撫應天等府上言江南水旱宜停止織造寬卹民力不報以征湖州孝豐賊有功遷戶部右侍郎兼左僉都御史巡撫如故未久卒于官贈南京戶部尚書賜祭葬津歷官

清謹練達吏事而自守嚴正故所至有聲望云

陳吾德

陳吾德字懋修惠州人嘉靖乙丑進士授行人冊封蜀府及營豐城李尚書瑩皆無私交隆慶已巳進工科給事中時東粵盜賊如蝟咸執空文以罔朝廷自督府上下相遁盜賊日多疏上八事明賞罰復兵防議舟師禁關出補假貸覈虛冒慎無勦郵忠勞上從之庚午元旦日食鼓于禮部僕御亂行無禮雜沓喧逐大臣自攜茵褥肆然安坐德奏非敬天之怒無敢戲豫之意且元夕月復食矣日月交食天威孔赫

本朝分省人物考

卷一百一十一

三

廣東三

徐林

陛下宜居法宮戒荒罷游宴凡娛耳目悅心意一切無益勿復為之以迓天休于是勅下禮部救日月食無得喧逐自此始遣中貴織衣浙江上言民力已竭加之水旱莫若令有司如期徵解攝戶科適有買珠之命與同官李紀功切諫忤旨皆免為庶人萬曆改元復召為兵科給事中至京即劾中貴人鄭貞傳內旨官其姪錦衣并總督劉燾奸賊不宜召用時江陵專言事者多承風先白乃敢言德以給諫非宰相私人獨不附禮部主事宋儒與兵曹熊敦朴交惡購敦朴欲疏江陵與王篆江陵遂令部尚書譚論劾

敦朴請外德因並劾儒江陵嗔其不白已憾之成國

公朱希忠薨行金錢求贈為王復上疏力爭不可江陵大怒明年二月而一麾出守矣至饒正風俗作人才廣厲學官置既士之田談經校藝立父老正二為條教頒行民間勸以為善去惡其善惡皆有籍行之出于至誠禁溺女減網罟之徵定湖港之稅革浮羨遠貨利宗室負勢驕奢難繩以法懼德之嚴正皆杜門斂手即吹笙度曲惟恐明府聞也樂浮德安多山亡命潛匿番餘則濱彭蠡接九江上流不逞之徒與濤出沒萬年尤盜淵藪於是飭什伍鼓勇銳有警掌

本朝分省人物考

卷一百一十一

四

廣東三

徐林

固扞諸岸戈船扞諸江三年而盜皆遠去江陵以前憾未釋味言官劾以違禁講學擅用庫金指買學田降馬邑典史已竟削籍癸未江陵死起用推官以親老不赴後丁內外艱服除詔起同知紹興至則歲祲奸民並興為盜職主詰盜殲渠魁二人而撫其饑者郡中清遷湖廣僉憲分部武昌巨寇劉汝國虞孟新倡亂久率師詣壘擐甲督戰二賊就擒餘奔遁上功幕府自黃州行部歸武昌遘疾二日卒年六十有二德忠誠天植正直不阿始罷歸羣盜充斥邑西梁村雲鄉二壘反為賊窟白骨蔽野請材官鄧子龍屯守

復臨江之戍至今賴焉邑士以科第少謀徙學日無改作為也建文昌閣於左而引紫水入泮池科第自此盛邑負山環海內狹外寬亟言于當道築其外郭若白沙先生祠若節婦烈女祠並新之事關利害名教為之不啻饑渴此窳侈靡佚游酣溺雖里人必正色誠之人亦不敢不從也

葉夢熊

葉夢熊字男兆號龍潭歸善人嘉靖乙丑進士令福清以廉能卓異徵拜監察御史居臺三月會議俺答封貢事忤旨謫歸陽丞二年量移歸德推官遷南

本朝分省人物考 卷百十一

五

廣東三 范王

戶部主事督理鳳陽倉裁羨額絕侵漁歲省數萬轉郎中出守贛州府郡有巨盜葉楷葉柱聚黨安遠山中前守不能制乃密購楷柱所厚善者令召楷黨推赤厚待之令入巢穴中間離其眾楷腹心內潰不知也急帥兵深入以擊之楷眾倒戈內向遂馘斬楷柱禽其餘黨就其地設長寧縣治百姓就所在祠祀焉丁內艱歸苦茨中猶計擒楷黨賴玉讚致之軍門闔境晏然疏聞詔賜金幣服除補安慶府歲大旱禱雨百姓建留雲亭以志德又計縛潛邑天堂巨寇上最荷璽書旌異陞雲南副使未上改浙江海道尋以邊

才調永平兵備其治兵善用間又能因敵間為我用復以間用間輾轉于不窮之算所制輕車神礮尤精一試遼東虜咸披靡當事者上聞下其式于九邊仍溫旨慰勞加叅政適鄰部士卒鼓謀丙夜馳定之咸受約束無敢譁者大計舉廉能第一尋晉山東按察使晉右轄擢右僉都御史巡撫貴州兼督川東湖北節制三省草坪苗殺一千戶倡亂立策殲其首惡故事按撫以幣交皆取償公費獨命典謁司之互易其幣以報擢副都御史撫甘肅寧夏唃拜承恩劉東陽自恃家丁強眾又虜方黠悍而邊備單弱遂決計

本朝分省人物考 卷百十二

六

廣東三 范王

勾虜叛逆戕撫臣脅宗室虐焰張甚得旨趨寧夏入靈州虜數萬突至亟命驍將麻貴等出其不意破之虜復傳城下率兵搏戰虜宵遁賊失援喪膽然猶堅壁以拒我師朝廷憤師久無功下封侯之賞賜上方劔速總督魏而以夢熊代其任俾得專決乃召將士激勸之示之劔人人競奮決水灌城復用神礮焚其樓櫓擊破卜着二虜酋之援賊者賊意氣沮喪益耀舟師震賊而間移蠟書以移其黨俾為內應百道攻擊承恩等計無所出斬劉東陽等三人函首行成不聽益進兵攻之唃拜自焚死承恩傳首九邊捷上

擢右都御史廕一子錦衣世襲正千戶尋舉邊功陞兵部尚書復廕一子胄監未幾疏乞骸骨致仕以歸

楊起元

楊起元字貞復別號復所惠州府歸善縣人甫弱冠賊躡東平焚民舍元爲所掠第賦詩自若賊異而釋之明歲中鄉試第一人年二十一耳三試南宮不售乃遊金陵下帷績學邂逅盱江黎允儒歡然相得也黎爲近谿羅先生之甥爲述先生言行甚悉大契于中業駸駸嚮往之矣丁丑舉進士改庶吉士已卯授翰林院編脩兩戊分校禮闈是歲冊封崇藩歸省覲還朝取道盱江執贄羅先生而稟學焉往復叅證因大悟性命之宗曰乃今如客得歸矣因次先生會語爲答問集又摘其論爲仁者爲識仁編日諷誦之并示學者丁亥進脩撰戊子校士八閩試策大發所學同志者爭傳誦不置己丑復分校禮闈三月遷國子監司業辛卯晉司經局洗馬纂修 玉牒克經筵講官上崇聖志勤聖學疏語壬辰復分校禮闈先後所得多名士聞父喪奔還服闋起國子監祭酒丙申晉南京禮部右侍郎修 皇陵功成 上命祭告至中都士大夫暨師生來問學卽中庸首章與牛山之木

本朝分省人物考

卷百十一

七

惠

廣東三

姜洪

一章刻其旨意反覆開論中多興起者丁酉秋因災

異復上恭勸勤學疏踰月輯高皇帝御製集刻行之

于其中稍爲詮注取洪範語名曰訓行錄擬上未果

遷南吏部戊戌召爲吏部右侍郎兼侍讀學士未行

而母夫人卒于官舍扶襯還里己亥八月營葬事躬

荷畚鍤哀毀之餘感寒疾以是月十九日卒年五十

有三平生事親孝與弟友厚宗族間黨其春風和氣

不減明道程子人有過耳不欲聞而惟就其所善獎

成之僅僕有過亦不加鞭扑微以意諭戒之而已一

聞羅先生之學銘心刻骨無須臾忘雕一小像出必

本朝分省人物考

卷百十一

八

廣東三

姜洪

告反必面歲時約同志祭奠于所居以爲常四方之

士受學者屢常滿戶外隨機指授人人躍然意滿去

持論以明德親民止至善爲宗而要歸于孝弟慈讓

孩提不學不慮之良心卽聖人之不思不勉耳目手

足之生生卽心思夫愚婦之知能卽聖氣稟物欲皆

明德之寄寓共覩共聞卽不覩不聞之本體大抵皆

本父師之言而推衍之聞者始而疑中而譁以辯久

之羣然服者以其言取成于心非世儒矯強義襲半

塗而廢者比也所著有證學編楊子學解論學存笥

稿楊子格言楊子政序輯白沙語錄證道書行于世

陳駿補

陳駿字仲良河源人永樂中以鄉薦歷官廣西柳州府知府時馬平宜山寇起駿南抵郡寇猝至圍城人情洶洶駿從容榜投城下示以恩威禍福且令自新寇大慙怖乃狀白其情而退駿遂躬歷各壘開誠諭之皆投戈解去歲饑流移滿野駿倡屬勸分計口賑之全活甚眾城池學校靡不修葺嘗同叅將孫琦驗征剿功故事惟授首級駿必欲俘之以訊琦不以為然既而琦遣卒張鬚者出謀逾期不復俄獻功者至閱之得鬚者始悔服卒用駿言

本朝分省人物考

卷百十三

九

廣東三

葉應

葉應字子唯歸善人性敦慤謹言詞有長者風嘗獲遺金于野訪其主而歸之蔬食布衣澹如也登成化戊戌進士初授行人遷南京工部員外郎始至辭常例金清理江北諸州課額定搬運抽分之格上下便之為營繕郎中時有民陳忠者坐逋官稅獄斃復繫其子乃鬻其已受聘女應聞而釋之代償其逋且令歸女于原聘家出守慶遠未幾乞休杜跡田野比卒無以為斂友人副使姚祥經紀其事應好讀書老彌篤所著有易卦圖衍太極圖說大學綱領圖

曾祿

曾祿字汝學博羅人以進士宰武義邑多虛稅祿因請度田以羨補不足築隅都堰瀆潴水溉田百餘頃募兵設策擒劇賊張念四俘其黨民獲寧居召為雲南道監察御史上疏條陳八事曰正心術慎幾微辨邪正戒權倖任賢臣納忠諫絕女寵明賞罰 孝宗多采納焉出按貴州閩蜀務存大體不事苛察蜀嘉定峨眉饒於竹木民利之而官是地者往往假川江之徵以害民祿曰食君之祿奪民之利是不可長也乃取其尤一人罪之諸屬悚怖自是無復私賦陞浙江按察副使卒

本朝分省人物考

卷百十二

十

廣東三

姚祥

姚祥字應龍歸善人成化十七年進士授知沛縣廉介嚴明百廢具舉以治最徵拜江西道御史會逆瑾竊權縉紳荼毒祥每疏奏輒微及之瑾啣之甚出為雲南副使奉諱歸復除湖廣瑾矯 旨逮至京下錦衣獄未幾瑾敗起補雲南副使累陞四川按察司使卒于官

車邦佑

車邦佑字翊卿博羅人進士由行人選浙江道御史

督理屯馬 肅宗朝都御史曾銑決志復河套幾有成緒嵩父子與仇鸞比而嗾之論棄市邦佑義憤所激申救甚切忤 旨廷杖旋卒

唐 勳

唐勳字汝立歸善人正德戊辰進士授靖江知縣平賦息訟弭盜興學崇墉濬渠政聲赫然改知休寧正德癸酉饒寇逼休寧出死力禦之既散復聚時適報陞去聞之亟還率壯士與賊遇于黃茅奮擊幾盡南畿列郡倚為長城立祠祀之紀功使上其事徵為河南道御史未幾乞養親終起補陝西道御史巡視蘇松鹽屯屢疏留都倉場屯田及官戚賜予差遣諸事上多采用焉素多病乞歸治疾卒

王天與

王天與字性之興寧人正德甲戌進士知寧都縣廉平民戴之如父母新學宮重民事鋤強梗植善良卓有異蹟丁丑從都御史王守仁征橫水桶岡瀕頭諸寨屢有功陞俸二級己卯宸濠之變守仁徵郡邑兵天與以兵從軍中冒暑疾作歿于南昌守仁哭之哀解衣為斂寧都之人立祠祀焉明年論平賊功有詔給賞恤其家

曾守約

曾守約字子如歸善人嘉靖己丑進士授行人選江西道御史巡視十庫刷卷江西後按廣西振紀綱擊賊吏恣肆者皆按寘于法戊戌山陝大工起武定侯郭勛總其事郡璫附之守約嘗巡視忤勛怒其不附已疏守約稽誤守約遂條奏勛欺縱不法數大罪語多切直疏留中庚子陞大理寺右寺丞未幾懇疏乞終母養時年四十有六居九年卒

翟宗魯

翟宗魯字一東博羅竹障人少補縣博士弟子學師聖賢居處必敬重遵古禮嘗設科以誘進多士一時學者遵教惟謹時延慶招提時泮宮東宗魯上書督學使者魏校曰泮宮厭於招提據高臨下雨集以學為壑非所以息邪反經崇儒貞教也徙招提登高鎮以其地廣學宮便校從之僧赴 闕訟使者推問卒直宗魯當是時校講學嶺南檄下邑弟子良者受業宗魯從校居之省心亭一日過問省心之義對曰聞省心矣不聞省心心一也省心無乃二乎校嘿然其定力卓識皆此類也後歐陽鐸來督學檄諸博士行偽而堅言偽而辨者悉以名聞博士徐甲憚宗魯嚴

則以名應宗魯于是上書請削籍去鐸疑之廉得其情強起試遂中式時嘉靖辛卯年也甲辰署宣平學諭本其教於鄉者行之文士彬彬嚮風嘗著學政上

督學孔天胤報曰不帥教者先斥後聞其重如此丙午聘典蜀試已酉遷融縣令緩征輸節財用廣厲學

官復廢學地租每日炳蕭告天而後聽訟片言立剖胥吏受成而已久旱露禱雨乃大澍十二峒徭來寇

宗魯率師禦諸郊賊以牛前行忽震死懼而退宗魯遂釋兵詣壘諭以禍福頓首請為編氓其後兩院以

轉饒非宗魯不可中道賊百艘遮迎謀知融縣亦頓首投戈而退於是宗魯推擇諸徭子弟稍慧者被之

青衿鉦鼓導歸諸徭以為寵剽掠用稀二府嘆曰得賢令勝百萬師信哉宗魯一介不取予事上盡禮

至爭當否則諤諤不撓上官求砥對曰非融產也命征易之則曰取諸民不勝取諸官不敢憾之然率未

有中也藩司以獻程不及逮簿往宗魯謝簿無罪罪乃在令然賊未誅致鄉民田損國賦亦典兵罪耳藩

司嘿然良久曰君且休矣而御史朱有孚則齟齬之甚有孚行部臨况縉紳宗魯不候門大怒乃遂文致

非明年大計羣吏諸司皆署上考其毀不行既觀

本朝分省人物考 卷百十二 廣東 三

遂乞骸骨歸宗魯剛毅有守爵祿不入其心甘貧窶自家食至服官藜藿不厭敝緼不完以此終其身卒年七十有四

葉春及

葉春及字化甫歸善人少儻不羣領嘉靖壬子鄉

薦三試南宮不第隆慶初授福清教諭未赴伏闕上書論時政一曰端治本二曰正士習三曰糾官邪四

曰安民生五曰足國用其目二十有五縷縷三萬餘言都下翕然謂劉蕡復出之福清先孝弟忠信所執

持即監司不能奪遷惠安令以文章飭吏治公牘教令無不手裁者毀淫祠五百區勤民至廢寢食其視

權貴貌如也民訴賦不平輒考境內田均之以是忤權貴三載求去會擢守賓州軍民詣闕留撫臣亦疏

請不許既而忌者匿賓州檄令不得赴則罪以逃且列大計中遂和陶潛歸去來辭拂衣歸羅浮治逃庵

而居有司為闢石洞書院置田贍從游諸生名譽日起屢登薦剡銓部竟以大計故報罷都御史艾穆薦

春及乃召守興國未赴擢同知鄖陽府遷戶部郎中權稅都下即中貴不假擬請覈九邊屯田具疏未上

卒春及剛方廉介學行表表一時所為文高古雄偉

本朝分省人物考 卷百十二 廣東 三

出入秦漢所著有綱齋集肇慶順德永安惠安諸志

李學一

李學一博羅人幼穎異弱冠首鄉書隆慶戊辰進士
選庶吉士未幾以外艱歸時山寇充斥益以海寇叛
兵民莫必其命學一目擊傷之起復授刑科給事中
嘆曰此所謂主上耳目臣也天下事無所不當言
顧臣之耳目未及今積寇久為惠惠當事者壅蔽之
耳目請自此始遂上疏言地方當事諸臣掩飾彌縫
無為國家計者當責見任總督兩廣侍郎殷正茂要
其成功語甚剴切下兵部覆議正茂懼任事聞之大

本朝分省人物考

卷百十二

十五

廣東三

井五

怒而給事張楚城御史陳堂復上疏懇焉輔臣張居
正以為其說必出學一乃召切責之且曰奈何不容
一殷司馬乎至是不能奪其議而殷正茂奉詔徂征
分伍軍并力盡殲羣寇惠人忻若更生以為功多殷
司馬而議決於李給諫也於是御史楊一桂上言嶺
東地遼闊奸民易為嘯聚臣以為長樂置府便而以
惠之興寧和平龍川長樂潮之饒平大埔隸焉兵部
尚書譚綸佐其說移咨勸議惠人皆以為非宜學一
從中揀之長樂之不府者學一力也內艱服闋復補
吏科給事多所建明持大體不能承望出為湖廣叅

議時居正家勢熏炙當事者多倚之學一絕無所附
督學貴州得士心而湖廣御史承居正意指論其前
事奪一級居正敗尋轉廣西副憲量移苑馬寺卿卒
無子以從子載泰後

謝憲附李學顏

謝憲字汝慎歸善人不事藻飾癯然鶴立事父母定
省如禮無私財為邑諸生與葉天祐劉梧同舍志聖
賢之學諸生不敢鴈行歲薦至京卒業太學歸則築
臺居之葛巾木屐日携離騷往來西湖浩歌至暮而
返憲學一稟程朱而多自得嘗於臺畔折竹枝濡赤
土註易訓友葉春及受而錄之名周易竹書時河源
李學顏亦以諸生應貢不仕居鄉多大致嘗建議修
復故城有堡障功後以子貴至中大夫

本朝分省人物考

卷百十二

十六

廣東三

潮州府

戴瑀

戴瑀潮州海陽人行已峻潔經學修明洪武中以薦
辟授南豐令均賦稅鋤奸黠宿弊盡革治化一新三
年之後政平訟理民懷其德歌之曰山市晴山鳥鳴
商旅行農夫耕老瓦盆中列酒盈呼囂噓突不聞聲
二十四年建言九事 太祖覽之大喜曰瑀所言甚
合時務通達事變大有關於政體 勅賜溫旨褒嘉
召擢都察院左僉都御史瑀在臺中質直公正能持
大體斥貪植良中外震肅二十五年卒于官賻卹祭
本朝分省人物考 卷百十二 廣東三 張商
葬優典甚隆 七

吳裕

吳裕字敬昆潮之揭陽人成化戊子舉廣東鄉貢明
年試禮部不偶入太學時吏部尚書耿公為司業每
試輒見稱許名益起壬辰登進士授南京戶部主事
旬餘丁父憂服闋補原官監督京倉通州倉糧踰年
再差徐州敏而勤慎出納無滯丙午陞本部員外郎
於是耿公在吏部素知裕賢調補文選員外明年陞
稽勳司郎中弘治戊申三原王公為冢宰益加器重
調文選司時王公負天下重望力欲清選法異時僥

倖以進取者一切罷去裕夙夜盡職凡擢用人才務
合公議而小人多不悅者亦思避怨訪求去庚戌擢
右通政專管武官誥命事既清簡不勞而治因念母
太恭人老于家奏乞歸省既至丁母艱服闋復任已
未始有太僕寺卿之擢裕居官以安靜自守適胡虜
數入雲中寇掠邊將議出師顧馬多病死奏乞甚急
日坐堂上選閱至發數千匹不足更出庫銀數萬兩
往市當是時裕已嬰疾復治馬政過勞疾益作凡再
上疏乞休致朝廷率勉留之已而疾劇竟卒年五十
九聞訃遣官論祭命有司造葬如制

本朝分省人物考 卷百十二

黃勳 勳附子一道

十八

廣東三

黃勳字守勳揭陽人領鄉薦中丁未乙榜授江西新
淦教諭日修已教人一也遂以振士風扶正學為已
任日與生徒講誦誓幣絕卻弗苟受生徒貧而勤者
分膳周給或疑其矯問曰君若大用竟能始終爾耶
曰學以地殊志以時改言語與心術異德之賊也道
有顯晦大小耶既六載遷柳郡教授柳士習卑諂欲
以氣節勵俗見郡守長揖而已守督過不為動居歲
餘乞歸守悔謝語諸士曰士苟賤縛利祿由學不明
耳竟歸居揭陽之龍山終身焉嘗手書恭默憂勤中

正六言訓其子一道曰終身佩服可已一道字唯夫
舉嘉靖辛巳進士由戶部郎中擢守興化乙未考劾
天下官員南京科道交章劾之一道落職時治郡僅
八閱月輿論憤憤不平閩布政使徐乾暨按察使屠
僑咸曰閩第一守也而絳吏議黜幽之詔何先是林
方齋文俊為會試考官一道方齋取士也守興化實
方齋薦既而方齋族弟殺人坐罪死祈恩一道曰曲
人命之獄媚事舉主吾不能由是悟坐黜科道反其
誣詞曰受林金巨千脫死囚獄然林獄實不脫竟無
有辯其誣者後以上壽終于家

本朝分省人物考

卷百十一

十九

廣東三

翁萬達

翁萬達字仁夫號東涯潮州揭陽人少穎異七歲時
父為解書至親親之殺即悟曰斯異文同情之義也
中乙酉鄉試時夢神人大書弘濟二字後見試卷批
曰此子負弘濟之才夢乃驗嘉靖丙戌登進士授戶
部主事權河西務疏戚畹侵奪官地商稅語甚峻
上可之會畿輔大饑奉命出賑減去騶從巡行勞來
立法簡便周至民甚懷之完奏有金帛羊酒之賜出
知廣西梧州府民夷揉處東西粵時興兵事一切供
億悉力周給而尤以厚學校正風俗為先咸寧侯仇

鸞縱健卒橫市肆間縛其首杖繫之後以稍戢會安
南鄭惟僚上告莫登庸篡弒狀 上命咸寧侯仇兵
部尚書毛侍郎蔡督兵往討陞萬達為廣西征南副
使時關吏飭莫氏重賂往來不復禁常有伺我事以
告之者於是密募敢死士梁文韜等入安南旬日盡
得其狀乃下禁曰敢有出境與賊通者磔之籍其家
因上議督府曰今日之兵有二議用與不用而已若
兵不必用也示之急而急焉示之緩而緩焉弛張闔
關其機在我以彰不戰之功可也若兵必用也則急
而或示之緩焉緩而或示之急焉呼吸瞬息其發如

本朝分省人物考

卷百十一

二十

廣東三

神以藏必戰之用可也至於備欽廉海濱之地以待
窮寇之奔無謂今日姑可緩法曰先為不可勝以待
敵之可勝此之謂也會龍州憑祥土舍趙楷與韋應
李寰等煽亂至許莫登庸為鄉導乃與督府議曰兩
州瓜連三兇鼎立迫之則變生肘腋宿之又威寢陵
夷趙楷徂詐李寰梟勇未可速圖韋應悞懦寡慮可
以立禽斷其中堅使不相屬而楷寰可次第獲也一
日突至太平使人以他事召思明土官黃朝諭以大
義朝設伏禽韋應以獻而趙楷李寰各就禽自是禍
本悉拔斧鑕昭明積年稔惡蕩然廓清事聞有金綺

之賜陞浙江右叅政督府上疏以萬達曉暢戎務練
達兵機宜終始安南以成安攘之功復改叅政于廣
西分屯龍憑思陵等處簡士卒礪器械足饋餉誓師
以聽獲安南間諜丁南傑訊之曰汝能為我用乎曰
能厚贈而遣之南傑密白登庸盛道中朝兵威之雄
銳拒之徒貽禍境土於是登庸詣鎮南關親降遣其
姪奉表入朝其詞甚哀 上乃詔罷安南為都統使
司賜登庸不死以都統使治其國奉正朔許以入貢
班師論功陞一級賜以金幣擢四川按察使尋轉陝
西左右轄時諸藩以祿俸不給聚訟比至裁處允宜

本朝分省人物考

卷百十一

二十一

廣東三

人人驩悅擢右副都御史巡撫陝西於是選將帥罷
貪庸廣容兵儲特蓄修器械固險要謹偵候明賞罰
西北邊備屹不可犯是秋大同宗室充灼等潛謀出
邊勾虜為患廉得其情密令總兵周尚文發其奸跡
以聞虜入寇督率官軍據險還敵虜以遁去有王千
斤者力戰死敵哭而歛之為文以祭歸其棺具奏官
其子立忠節祠祀焉邊人無不感泣願效死力復築
邊牆東自老營堡西距滑石澗延袤幾二百里濠塹
深闊曲盡其法自居庸以臨三鎮禾黍蔽野商旅絡
繹比于內地 上復兩賜金綺陞兵部左侍郎廕一

子入太學又以禽縛逆灼之功陞左都御史兼官如
故再賜銀幣廕一子巳酉春虜人宣府萬達請以大
同帥周尚文禦虜而自督兵數千人來援時虜勢張
甚麾下將請止曰我志決矣誓不與此虜俱生馳騎
先出眾無敢後者距虜僅四十里會西風大作索車
數百輛曳柴以進塵霧蔽天咫尺不能辨虜驚以為
大兵至矣夜解圍而遁陞尚書兼左都御史尋召入
本兵以父喪回籍庚戌秋詔奪情起宣大總督會虜
犯京師本兵得重譴詔復改兵部尚書萬達方在籍
病疽結廬墓間聞命單騎就道不下四十日抵京是

本朝分省人物考

卷百十一

二十一

廣東三

時虜新犯都甸百務恒擾 上曰夕俟萬達至意遲
之以問大學士嵩嵩不為申理遂貶為兵部右侍郎
經略紫荆諸關以京察自陳乞罷終喪 上怒疑其
避事免歸是年十月復起為兵部尚書命下而萬達
卒矣生平性剛志潔思深猷遠視抗千古心雄萬夫
坦而有制沉而善斷故所至以威略著聞善御將士
能盡其才而得其死力其料敵甚審臨戰每以身先
士卒虜眾當之輒失其利庚戌之變 上趣召萬達
達至不先計謝嵩嵩密使人諭指亦不應是時嵩子
世蕃擅權驢貨無敢撓者慮萬達強執乃乘 上怒

媒孽之竟坐廢而卒隆慶初追謚襄毅言者稱嘉靖末年邊臣行事適機宜建言中肯窾萬達一人而已

章熙

章熙字世曜潮州海陽人嘉靖甲辰進士授行人轉戶部員外庚戌虜薄都城援兵四集通州守吏以兵食告匱聞上怒切責尚書及諸曹郎貶熙為山東行省幕史已徙南雍博士仍為戶曹郎出為廣西僉事分道蒼梧白馬三州故險道也江路逶迤林木深阻為諸蠻窟穴熙至首咨民患苦白于督府檄縣邑各備大芥長鏡之屬以千數因下令調集諸路營兵統以偏裨躬履其地勢高下而刊夷之盡伐其樹頽其山分兵守焉自是諸蠻奔突竄伏不敢復出事平遂投効歸日惟以講學會友教子贍族為事不復有用世之志矣

薛侃

薛侃揭陽人正德丁丑進士授行人以言落職從王陽明遊雖處困講學不怠兄俊舉于鄉弟僑舉進士俊子宗凱亦舉進士擢給事中所著有研幾錄

蕭鼎

蕭鼎字伯鉉潮州海陽人歲庚午領鄉薦會試途遇

本朝分省人物考 卷二百十一

二十三

廣東三

君

有攜妻備車赴京者其夫候驛遞文至而車行疾追不及遂相失在後者數日其妻少美鼎防禦之甚嚴同行者無敢凌及抵京夫始追至泣訴曰微大人妾身幾失所且死矣其夫感德執贄懇謝不受甲申登進士授工部主事往遵化理鐵冶冶所素弊甚多額課常欠又有青為害伯鉉盡祛其弊蠹負課遂充且有羨餘其怪亦息三載秩滿改戶部主事出理德州軍儲慎蓄積嚴出納德人多其能久之陞員外郎往督江西福建供應之未完者所至餽贈秋毫不受兩藩諸名勝皆重之不數日事竣而還吏部薦知浙江

本朝分省人物考 卷二百十二

二十四

廣東三

君

溫州府事治溫歲餘疾作懇乞歸就醫藩憲大夫留之不得乃為達諸吏部始得歸暨至家終於正寢得年五十有六溫人哀之

林祖

林祖潮陽人家貧讀書早孤遇寇亂失母弟所在遍歷郡縣訪覓至梅州山中得見為獠人所阻祖乃潛赴梅州訴之得還相離十有四年矣人以爲孝誠所云久之中有司上其事賜衣九套鈔千貫官終河間府通判

蘇福

蘇福潮陽人幼穎悟絕人出口成章若有神助年八歲時嘗賦月詩其初一夜月詩云氣朔盈虛又一初嫦娥底事半分無却於無處分明有恰似先天太極圖他作皆稱是年十四卒

補遺

林興祖

林興祖潮陽人七歲而孤事母至孝洪武初舉孝廉授蓬萊簿丁母憂居喪毀瘠服除改邵武府倉大使歲饑府牒曰孰能詣巡撫請賑乎方隆暑衆莫敢應興祖慨然請行晝夜倍程比至撫臣覽牒未有言與

本朝分省人物考

卷百二

二十五

廣東三 吳亦

祖曰民命危急旦夕望公若慈母義形於色撫臣遽檄郡發廩所活數萬口郡守丁原振薦之擢當塗知縣有惠政遷代府長史當塗民乞留不許皆涕泣去召還改工部郎中遷廣西右叅議會安南平郡縣其地改交趾右叅議分守盤灘城亡何餘寇復叛圍城急先降者二十餘人主帥恐生變將殺之興祖曰不可已降而殺之何以示信徒以堅敵心耳寇卒解去在交趾再歲而卒所著有棠陰集

林希蔭

林希蔭揭陽人自幼能屬文博通經學尤精春秋敦

孝行父客死貸錢歸葬奉母甚謹母歿廬于墓有白鳥來巢嚙子千羣聚楹三日妻亡不再耦與潮士林厚善俱以孝聞永樂間同舉孝廉希蔭謂厚曰君幸親在宜祿仕余祿不及親矣奚仕為厚繼舉進士累官叅政希蔭終不易志天順間海寇行劫過其門大書曰此林先生廬也慎勿犯嘗一日出遇賊希蔭衣冠坐舟中賊識之避去族兄與鄉人訟郡守不能決召希蔭至涕泣言曰至誠不能化族黨非善也證父攘羊非直也守益賢之著有逍遙歌二十四孝各贊以詩季子巖性剛介行義著於鄉不替父風

本朝分省人物考

卷百十三

二十六

廣東三 張六

蕭鑾

蕭鑾宋漳州國梁之後至孫詢知潮陽始家焉鑾少勤學登宣德丁未進士授行人使甘肅亦力把刀及哈密多餽方物卻之 上嘉其廉擢監察御史遇冤獄籲者百口鑾讞出之左都御史王文有墨聲獨格其議鑾爭之愈厲竟得白擢廣西提學命事興學育材居多尋丁母憂天順已卯復除湖廣時憲使楊珏謫知黃州與衛鎮撫許奏事下所司鑾按問如律珏由是謫戍甚啻鑾會丁生母憂去珏遂誣奏鑾通賄文致已罪事復下逮問無狀得終制癸未補福建僉

事尋擢山西副使有通政張瑄者謫知霍州刻剝部
民百餘人伏闕上章有旨移鑾鞫問坐削籍爲民瑄
反奏鑾陷已力詆之人皆直鑾奏乃寢居二年上疏
乞歸不許再三許之去日士民遮道泣送抵家囊無
長物時八桂諸生仕潮者皆嚴事鑾適有以賊隕名
者輒泣杖之論者謂是道也將亡矣今世學士私樹
桃李一入其鄉惟患其舉趾高耳蕭公亦猶行古之
道也

李齡

李齡湖陽人宋延平之後大父依於魏遂以爲姓及

本朝分省人物考

卷百十二

二十七

廣東三
陳元

齡父子貴列朝籍始復姓少時嘗從父憲舉之官甫
中過考亭故址心竊慕焉父卒益自發憤宣德己酉
舉于鄉正統丙辰授賓州學正晉國子學錄尚書胡
濙祭酒李時勉皆才之薦授監察御史督學京輔特
晉詹事府丞入史館景泰丙戌典京闈後督學江西
以躬行率士察其孝弟力田者禮之以爲諸生式後
被蜚語去歸未逾月卒士論惜之先是齡嘗講學白
鹿書院建二陸講堂置贍士田比卒以從祀焉又李
若林舉宣德庚戌進士授刑部主事詳於法律病免
家居後輩多師事之晚年益工詩文人稱二李云

吳一貫

吳一貫字道夫海陽人成化辛丑進士上高知縣質
性明敏長於吏事其宰割一以廉勤興學除奸吏不
敢欺士民頌其義擢御史巡按浙閩黜貪墨均徭役
平漳寇所至風裁肅然累陞大理少卿嘗奉使經略
邊務上安邊策數萬言皆見采用時宦官劉瑾專橫
一貫以直忤謫嵩明州同知尋遷江西按察副使有
靖寇築城功每見上高吏民如家人父子轉按察使
行部至奉新卒于官民哀之立祠祀焉

王昂

本朝分省人物考

卷百十二

二十八

廣東三

王昂字抑之揭陽人兒時穎敏淹貫經史遭母喪枕
塊幾殆登成化甲辰進士授永豐令覈詭籍革巫俗
捕宿盜辯民冤興陋修廢不遺餘力時方旱爲民禱
之第令童子號曰令有罪民何辜天不雨令可屠雨
輒應又時大疫延數千家抑之親與按禳病者皆起
以治行高第遷太僕丞理馬政窮其利病條陳一疏
四千餘言將進遘疾而卒所遺僅詩文數卷宋史補
數冊

莊璵

莊璵字惇之揭陽人年十四游郡庠弘治九年丙辰

進士宰安福性峻潔不阿每事必札記而行要其成一稟於法或以召誘難之曰三尺法如是吾知奉法而已至延接邑士大夫雍雍如也無敢干以私朔學舍五十餘間以居生徒比考最疏乞改教調國子博士尋擢德府長史時宸濠蓄異志貌諸宗挾借祿米典持不與復禁絕其私交濠銜之陰謀構害璵乃挺身往見詞色俱勃遂杖而下獄不與食三日衣冠危坐而死時咸悼之御史王完疏其忠嘉靖改元加贈太常少卿遣官諭祭

鄭一初

本朝分省人物考 卷百十二

二十九

廣東三

鄭一初字朝朔揭陽人兒時以高節自負弘治乙丑進士病免居紫陌山閉門靜修人有以千金求為居間曰名義至重鬼神難欺且欲饒舌作說客耶却之後起巡按雲南風紀肅如聞王守仁講學請師事焉屢詒書勸子弟力學疏歸卒于杭

劉子興

劉子興字賓之海陽人嘉靖辛丑禮魁授臨海令以廉平著遷兵部主事歷閩總憲端介慎事俸入外不它取一錢轉粵西左轄致政歸行李蕭然家居十年恂恂誠懇有德讓君子之風嘗謂士人一解組卽宜

絕干謁若俛首喜事僕僕為人役曾不若居官署鍵門謝客猶能遠俗焚持素節也其清修雅行為潮士大夫宗以此所著有見湖遺藁論者謂跣跡之士恥譚樸茂請以劉公風之

林大欽

林大欽字敬夫海陽人生有異徵慧出儔等家貧每從人貸書年十三卽能通少微通鑑年十七失怙教授生徒以養母翁襄毅得其經義至請見許以國器二十應嘉靖辛卯試對李綱十事御史吳麟大稱賞擢第六人以語督學王世芳皆曰大魁手也遂連捷

本朝分省人物考 卷百十三

三十

廣東三

禮闈比奉大對文益奇都御史汪鉉訝其起語不如制以示大學士張孚敬曰是嫻於辭進以備 御覽可也遂品置第三進呈 上得大欽策大稱意親題第一比制下海內翕然慕之授翰林修撰尋乞身歸養大欽夙以才自負于百家言雅喜蘇氏為文亦酷似之第後稍任達厭繩墨獨窺玄理嘗著性日照空萬障論以見志故其行事時有出入而事母獨謹居喪哀毀以改葬歸道病卒于家

陳一松

陳一松字宗岩海陽人少孤貧事母孝嘉靖丁未進

士選翰林院庶吉士除兵部主事轉員外遷湖廣僉事以忤直指使乞歸終養母寢疾嘗湯藥衣帶不解者逾年比卒哀毀廬居免服補蒼梧僉憲甚得民心遷福建糧儲叅議催科撫字公私兩給遷湖廣憲副清聲彌著所至民立祠祀焉遷陝西大叅轉福建按察使復擢江西左轄出納惟公悉革常例擢應天府尹民遮道留又立祠祀之尋遷大廷尉晉工部左侍郎督修 皇陵役餘十萬悉歸公帑賚賜加俸服一級旋以乞省坐連疏得歸杜門謝謁卒于家論祭葬之生平倜儻有大節不事脂韋亦不尅核人以此多

本朝分省人物考

卷百十二

三十一

廣東三

之所著有廷尉駁稿玉簡堂集

陳瑞龍

陳瑞龍字體乾潮陽人生有貴徵甚穎爲文立就少舉于鄉嘉靖庚戌進士授南京戶部主事轉員外郎會修 孝陵瑞龍董其役節繁汰冗親執朴行築甫九月而功竣叙功未報命尋出守興化奉母行初抵郡延見三老問民疾苦剖決持平民有鬪墻者反覆開譬令自省悔獨橫暴回過者推鞠一無所貸時倭寇閩急日夜乘城設備以捍百姓會母病卒哀毀治喪將歸倭偵知之倖薄城下又客兵乘釁通賊孤城

急危城中父老無不涕泣乞留者而當道督撫諸臣亦移書強起之瑞龍乃感激墨衰臨戎募山中射虎者協水兵授以方略夜搗賊營藥弩俱發賊大潰棄營遁至寧海橋水兵夾擊之斬首六百餘級生擒一百三十人奪回男婦又數百人是時方在疚中以籌兵過勞疽發背卒百姓哀之旅襯旣還後兩月城遂陷論者謂失一干城天之不惠甫也

鄭 旻

鄭旻字世卿揭陽人博聞強記登嘉靖丙辰進士初授兵部主事歷武選郎中出守大名歸德蠲通革弊卓有治聲督學貴州山西所察士百不失一尋擢湖廣叅政是時江陵柄政仕其鄉者疲於奔命旻獨正身率屬不激不隨百務釐舉庭無滯牘一時以爲難後遷四川憲使晉貴州左布政察匿田正詭籍豪酋凜然未暮月卒于官百姓哀之旻生平慷慨有大志與物無競家居惟耽泉石侶琴鶴吟咏自娛而已所著有哀拙稿峯山談言祀貴州名宦

唐伯元

唐伯元字仁卿澄海人生而凝重天資穎異學問淹貫登萬曆甲戌進士初授萬年令爲民築堤緩賦積

本朝分省人物考

卷百十二

三十二

廣東三

貯賑饑尋改泰和俱有惠政滿秩晉南京戶部主事
 去兩邑民並祀之後為郎進石經大學 上留覽焉
 以言官擿其詆斥新學謫判海州亡何轉保定推官
 尋擢禮部主事且疏請端大本間引 世宗遺詔語
 極忠剴 上為感動辛卯典湖廣試得士備一時之
 選尋晉尚寶丞宅艱服闋補官轉吏部員外歷文選
 郎中時 上方督過銓衡懼罪兢兢伯元一意剔弊
 銓曹清肅會太僕少卿闕太宰薦入未下兩疏乞休
 歸踰年卒年五十八伯元學本誠意其為文根極理
 要所著有醉經樓集禮編易註太乙堂采芳亭稿白

本朝分省人物考

卷百十二

三十一

廣東三

沙文編二程類語

薛宗鎧

薛宗鎧字子脩潮州府揭陽人嘉靖癸未進士兩令
 將樂建陽以治行第一擢拜給事中疏論冢宰汪鋌
 內懷欺罔外飾忠愛惡貫四凶行兼正外鋌被斥逐
 宗鎧下詔獄賜杖八十不勝痛楚凡五日而死

瓊州府

葉禎

葉禎字夢吉號確齋瓊州府臨高人永樂鄉薦授潯
 州府同知加意撫民每取古良牧之政宜於今者次
 第行之禎家壤接廣右峒猺竊發為鄉人害心每懷
 不平迨官潯州正羣獯出沒之衝抵郡既條合行事
 宜建白於督府復與父老有智略者圖禦寇之方增
 括民丁壯編為什伍置長分領之躬鞍馬服弓矢日
 號令訓練諭以保衛鄉井之意咸踴躍思奮峒酋韋
 疆積年劇賊也官軍聞之披靡莫敢誰何禎設伏生
 擒之其黨狃于常勝益憤耻互相援結必甘心焉後
 已未幾掠旗山復敗之越數日盡合猺黨攻劫雞刺
 等村報至郡守方與都指揮黃鉞會飲學官恬不介
 念禎拂衣上馬督民兵合戰于柳青舖孤軍無援竟
 以大潰賊積怒攢矢刃向之禎身被數創叢矢如蝟
 尚手刃三人與其子公榮從子官慶民兵三百人皆
 死焉嶺南素無雪是日雷雨大作平地雪深尺許賊
 棄圍去忌者反以激變誣之郡民相率走千里懇於
 督府事甫白具聞于 朝 詔贈廣西右叅議直指
 復命建專祠祀之

本朝分省人物考

卷百十三

三十四

廣東三

唐舟附子亮

唐舟字汝濟瓊州瓊山人學優才膽中華除間鄉試永樂癸未復試中第二名甲申舉進士授新建知縣始至簡易御下若尋常然久之名愈著上下大服有問其故曰古人所謂新任如處暗室輕動必有觸損久坐自明未幾應求賢詔起赴京陞江西僉事整肅紀度郡邑承望風采舊南昌守懼先隙闖門不能仰視舟待之加禮衆服其量後以微累降判衢郡即折憲節盡安輯撫綏之道以非辜從戎隆慶衢人思之不已 仁廟登極大臣首薦爲監察御史即抗辯內

本朝分省人物考

卷一百一十

三十五

廣東三

侍陷黃本固等數事風節愈勁出按浙江所至多政譽爲人胸次坦夷光明無纖芥畛域待已接人任真自信敎歷中外餘三十年所至有水蘂聲嘗題門帖曰雪霜半染中年髮天地應知暮夜心見者歎服及歸杜門不出家無檐石之儲處之晏如鄉議高之年八十二無疾而終子亮字景明幼隨父任衢州游常山學中永樂丁酉科浙江鄉試戊戌登進士除直隸泗州判官改詹事府主簿旋改王府長史司奉祠永樂二十二年九月 仁宗以舊恩賜鈔幣擢寧國府同謝恩詩曰內侍傳宣出建章東宮寮屬被恩光親

勞御手分文錦又勅中官賜玉漿五品大夫各不忝萬年 天子壽無疆小臣戀國心長在時望彤雲捧玉皇後歷官至湖廣布政

邢宥

邢宥字克寬文昌人正統辛酉以禮記領鄉薦戊辰登進士明年拜御史蒞四川道景泰庚午常熟民有誣匿太監王振家財者詞連二十餘人宥奉命與錦衣千戶于信往鞠之至則辨其誣信恐得禍宥曰豈可避禍而文致人罪耶竟辨之辛未巡按福建鎮守薛尚書希璉與許御史士達相訐奏事下宥宥一以

本朝分省人物考

卷一百一十二

三十六

廣東三

實覆不少避或疑鄧茂七餘黨生亂欲以鎮東軍易延平軍宥曰人情重遷山海異習徒之適恐致亂卒不徙民有坐盜死罪臨刑冤號不已宥曰盍姑緩之踰月果得真盜築永安四城奏留班匠助役城成民不告勞甲戌巡遼東瀋陽軍官盜官儲者三十餘人宥以瀋陽三面拒敵奏止黜爲首者二人餘皆罰贖守城未幾賊至賴以無虞副將焦禮有功主將曹義欲冒之都御史寇深黨焉宥執不可遂成隙丙子乞歸省天順戊寅還朝巡河南華省驛遞復民地取之瀋府錄罪囚可矜疑者民皆稱快庚辰績滿擢知台

州府府吏舊皆僦屋以居而新叅者輒入公費金宥
卽府治東闢地免新叅金令自治屋三間甫三年吏
盡有舍尋以巡按時事就逮父老有懷金竊餽者宥
曰吾無用此謝絕之左遷晉江縣丞成化初復起爲
蘇州府蘇田賦甲天下攬納者滋爲弊賦因以虧宥

痛繩治責償且得餘錢數千緡因以闢永豐倉築沙
湖長堤甃運道橋梁爲永久利民俗喜奢率以儉約
諸遊宴亭館老佛殿閣一莫之顧成化丙戌大水民
飢開倉廩并募勸得米八十餘斛賑之民猶不給相
聚持券入富家強取卽日榜諭許民持書券赴府府

本朝分省人物考 卷百十一 三十七 廣東三

召鄉老引領往貸其不發與強取者俱抵罪又得米
八百萬斛猶不給會計軍餉足一年尚餘二十萬斛
亦舉貸之同官以專擅爲慮宥曰民命在須臾待報
則無及矣吾當任其咎民賴全活殆四十萬口事聞
上賜勅褒獎陞浙江右叅政仍視府事是年秋遂擢
僉都御史詢吏治察民隱獎廉能黜貪暴開丹徒二
河築奔牛閘革儀真淮安兌運米重曬諸脚費清湖
坡田賦減門攤商稅規畫賑濟斂率有法理兩浙鹽
罪僞造引私販渠魁數十人官給煎鹽具俾濱海民
兼主之山居者出米給焉民兩利之鹽賦無虧已丑

罷官百七十餘人帖帖不敢有怨語庚寅秋議事
至京乞致仕章再上乃許焉旣歸別號湄丘道人作
湄丘草亭記以自見間語及祭禱曰謂里無良醫市
無善藥不忍坐視勤於祭禱以紓愛敬則可若謂鬼
神能生死人則萬無此理卒年六十有六

薛遠

薛遠字繼遠瓊州瓊山人正統七年進士授戶部主
事陞郎中覈實直隸通稅得羨餘若干萬督大同軍
儲邊食爲足天順六年使交南還陞本部右侍郎丁
憂適河決河南召以工部侍郎起復往治河口遂塞

本朝分省人物考 卷百十一 三十八 廣東三

復改戶部成化六年王師有事于兩廣遠奉命總督
糧餉以功陞左侍郎旣而進尚書總督京儲十三年
乞致仕許之十五年召爲南京兵部尚書叅贊機務
十六年以被論劾致仕弘治五年以詔例進階榮祿
大夫未幾卒年八十二計聞賜祭葬如例遠通變勤
敏朝章舊典多所練習在戶部久爲主事郎中時凡
移文奏札多出其手上下率推之至爲尚書旣致仕
而復起人不能無議云

丘濬

丘濬字仲深瓊州瓊山縣人少孤力學天資過人六

歲能詩弱冠著論謂許文正公仕元無能改於其俗
又不得行已之道不仕可也者儒碩師見其論初甚
駭之已而又深服以爲先儒未有言及此者正統甲
子鄉試第一兩試禮部名在乙榜當授教職辭卒業
太學祭酒蕭鎡深器重之爲之延譽繇是名益重景
泰甲戌中式禮部選庶吉士讀書秘閣七年授翰林
院編修自六經諸史九流箋疏之書古今詞人之詩
文下至醫卜老釋之說靡不深究發之文章雄渾龐
麗四方求者沓至碑銘誌序記傳詞賦之作流布遠
邇然非其人難以厚幣請之不與天順七年兩廣川

本朝分省人物考

卷百十一

三十九

廣東三

兵經年不決濬條列事宜李文達一見卽代上之
英宗嘉嘆付所司舉行八年 憲宗登極充經筵講
官成化元年陞侍講與修 英廟實錄或謂少保于
謙之死當著其不軌之迹濬曰已已之變微于公天
下不知何如武臣挾私怨誣其不軌是豈可信哉衆
以爲然功過皆從實書之三年實錄成進侍講學士
五年丁母憂九年服闋復原職十三年續修宋元綱
目成陞翰林院學士濬自出已見撰史略謂朱子綱
目以正統爲主然秦隋之未有不可遽奪漢唐之初
有不可遽予者乃作世史正綱以著世變之升降明

正統之偏全有裨世教本年陞祭酒十六年加禮部
右侍郎仍掌國子監事復謂西山真氏大學衍義有
資治道而於治國平天下之事缺焉乃采經傳子史
有及於治國平天下者附以已見作大學衍義補直
孝宗嗣位之初其書適成乃表上之 上覽之甚喜
賜白金紵絲特陞禮部尚書掌詹事府事且命錄其
副付書坊刊行修 憲廟實錄充副總裁官弘治四
年實錄成加太子太保本年冬兼文淵閣大學士入
內閣在位務以寬大啓 上心忠厚變士習凡人才
進退政事廢舉一惟 祖宗舊典是循五年天變上

本朝分省人物考

卷百十二

四下

廣東三

疏萬餘言大槩論 上改元之初歲在戊申與洪武
初元同符宜釐革庶政盡復舊規內擬二十二事陳
時政之弊其略曰成化間彗星三見遍掃三垣地震
無慮五六百次邇者彗見天津地震天鳴無虛日且
異鳥三鳴於禁中考諸經史天變莫大於彗孛在三
垣三台尤爲重地變莫大於震動在京師邊陲尤爲
危急矧禽鳥動物得氣之先春秋二百四十二年書
彗孛者三地震者五飛禽者二今乃屢見於二十五
六年之間變不虛生必有其應天人相與甚可畏也
臣願體上天仁愛念 祖宗基業端身以立本清心

以應務謹好尚勿流於異端節財費勿至於耗國公
 任用勿失於偏聽禁私謁以肅內政明義理以絕邪
 奸慎儉德以懷永圖勤政務以弘至治庶可以回天
 災消物異帝王之治可幾也疏凡十餘萬言 上命
 諸司議行又請訪求遺書 上皆嘉納洪武永樂以
 來凡百司朝覲命吏部都察院考其尤不職者乃黜
 之不過數十人其後吏部務以多黜為公方岳以下
 少有微瑕輒黜之黜者亦不敢訴濬深知其弊言於
 上曰唐虞三載考績三考黜陟今有居官未半載而
 黜者所黜徒信人言未必皆實此非唐虞之法亦非
 本朝分省人物考 卷百七十一 聖一 廣東三 張奇

祖宗舊制也 上深然之會吏部上大小庶官當黜
 者幾二千人乃勅凡歷官未三載者俱復其任雖經
 一考非有貪暴實跡者亦勿黜盖用其言也七年加
 少保兼太子太保改戶部尚書武英殿大學士以目
 疾辭不允八年卒于官贈太傅特進光祿大夫左柱
 國謚文莊官其孫尚寶司司丞濬性剛直與大臣論
 政議所未安必反覆辯論言官論事亦以是非詰之
 不肯媮阿取悅無歲不求歸前後凡十三疏 上皆
 不允問勞賜賚之使踵相接於門初經生文士以奇
 怪相高或不可句濬考南京鄉試及禮部會試凡怪

辭險語皆痛斥之怨誹不恤也及為祭酒尤諄諄為
 學者言之文體乃復渾厚士有慕道德者或過為詭
 異之行以徼名濬因考會試發策言之士乃知道以
 中庸為至詭異不足貴也其在太學論者謂師道尊
 嚴無愧李文忠公綜理微密則文忠公不及嘗謂朱
 子家禮最得崇本敦實之意然儀節略焉為考諸儒
 所言作家禮儀節使好禮者可舉而行朱子微言散
 見於傳註語錄學者卒未易求乃采其精切者彙為
 二十篇做魯語作朱子學的其他著述甚富世稱博
 學為我朝之冠云

本朝分省人物考 卷百七十一 聖一 廣東三 張奇

王佐 王佐字汝學瓊州臨高人少受業於丘濬弱冠正統
 丁卯以禮經魁鄉薦遊太學為祭酒吳節司業閻禹
 錫所稱許監試每擢為首延譽于內閣李賢冀其大
 用後試南省五策條答無遺本房欲寘魁選為忌者
 所黜成化初授高州府同知時都御史韓雍用兵兩
 廣佐獻策平戎用之動中肯綮雍奇其才甲午改劄
 武以文章飾政事持身廉而不徼事上恭而不阿屬
 泰寧盜發時僉事章懋適分巡至郡檄佐行縣召集
 里老密切訪問賊中動靜若其可招則選其里老之

有識幹者往論之除首惡不宥其餘脅從者悉聽自
新若不可招則亦令其各陳勦捕方略以報佐至縣
周詢衆論皆以爲賊勢方張若遽攻之則其黨必固
結以拒戰而其勢遂成不若乘其衆心未固誘其來
降者以殺其勢則可不攻而自潰矣佐遂遣人招諭
降其脅從者數十人賊果散去同寮聞之有欲邀功
希賞者言於部使者謂懋儒者不知兵恐不能濟事
願自行勦之部使者信其言遂調將樂所官軍俾率
以行至則賊已平矣乃械繫佐所招降者凱還獻功
悉戮之懋恥與爭而佐亦絕口不言惟與人頌其靖
亂安民之績然終亦無由白於上也滿九載去改同
知臨江府致仕臨江與人又頌其公平正大博學工
吟詠以賢能著稱云佐所至廉操遺愛始終如一日
惟質直任職不能隨時俯仰故低徊二郡二十餘年
一官不徙衆皆惜之平生雅淡惟耽書史自少至老
手未釋卷雖賤曠猶使家人讀而聽之提學新喻胡
榮稱其博學多識精思力踐見道精審故其詩辭和
平溫厚文氣光明正大當比唐宋諸大家識者以爲
確論所著有雞肋集經籍目略原教編庚申錄瓊臺
外紀其經進御則有珠崖錄世稱其文行年八十五

本朝分省人物考

卷百十一

四三

廣東

卒

唐 胄

唐胄字平侯瓊山縣人弘治戊午舉於鄉壬戌成進
士授戶部主事丁外艱服闋值逆瑾擅權謝病不出
瑾誅起復以母老乞終養益肆力於學蓋家食者幾
二十年 肅皇帝入嗣大統始赴召爲戶部主事時
蘇杭織造逼遣中貴人往大爲民害上疏諫止詞甚
剴切已又疏請出內象又疏爲宋死節諸臣請謚立
祠其所論列皆有關政體時論建之癸未春分考會
試所得多名士陞本司員外郎尋擢廣西提學僉事
以身範士督師生習冠射諸禮卽僻邑遐陬巡歷皆
遍丙戌陞雲南副使備兵金騰飭號令治軍旅境內
肅然土酋莽信橫虐莫敢誰何遣壯士計禽之逮其
黨八人俱論死保山令趙九臯與其子明引逆賊劉
七餘孽承檄漁民民苦郡吏弗能制胄械繫之九臯
坐盜邊錢糧例斬其首以殉明坐抵命宣慰木邦孟
養爭地構兵連歲鎮巡議與四省師往討之胄曰母
煩師是可不戰而下乃覈木邦先世與地所由諭以
國恩木邦感激獻地兵遂寢丁亥改本司提學副使
其所選士一如西粵時會有尋甸之變總制提兵來

本朝分省人物考

卷百十一

四四

廣東

者柄臣私人也囑以故人子不聽時三司憚其威謹
迎參皆跪胄獨不從疏乞致仕不允陞雲南參政已
已表賀如京諸郡邑例餽夫廩皆卻不受既至見京
貴一無所遺上疏請崇聖德 上嘉納焉陞本司右
布政使壬午入覲陞廣西左其年至廣西時桂林盜
發喜掘富家塚王府諸巨姓惴惴且夕胄計獲渠魁
七人誅之古田鳳凰寨韋賊尤大肆掠時調土漢兵
征之無功乃屬其令劉朝輔曰往諭吾意天兵不可
再干如急來吾能生之朝輔如命往賊曰是布政果
前提學耶即解甲與朝輔偕至受質而還輯其眾境

本朝分省人物考

卷百十一

四十五

廣東三祖兆

內大安蓋胄往提學時嘗諭諸猺送子入學受書遺
風猶有存者先是各鎮守將月領銀賞猺名鹽魚銀
軍器局月支糧給軍名軍匠口糧胄按掌故謂洞首
能戢諸猺無掠乃賞今各處警報何賞為祗官吏冒
耳軍器局造以年今年元年造未已而支糧至十二年
何也悉禁絕之靖江王府宗人受封輒請補祿自登
名玉牒日始胄曰祿與爵偕應始自拜封從前誤也
且以靖江一府月補祿米八千石今天下諸藩費當
何如者遂疏其弊於朝宗室羣齟齬之屹不為動得
旨俞允通行各藩著為令胄在西粵功績尤偉他如

疏請不隨王府慶賀不行王府叩頭朝禮及戢客兵
不敢為暴人聞之皆吐舌癸巳陞右副都御史提督
南贛汀漳胄以開府四省重鎮而贛城卑小何以示
威乃增築樓櫓雉堞擬諸都會按兩廣軍興條例著
賞格置湖西道檄守巡分駐臨江吉安令緩急可倚
官軍遠邇帖然僅半載改山東巡撫再乞致仕不允
時值旱焚香祝天行藩司分禱嶽瀆諸神連日大雨
郡邑多蝗撰祭文命長吏倣周禮春秋穰祭是歲無
蝗有蝗飛自邳淮來過沂州不下歲則大熟是時方
尋黃河故道以疏三郡水災覈通省荒田給民牛種

本朝分省人物考

卷百十二

四十六

廣東三祖兆

懇之為世世永利未就而陞南京戶部右侍郎丙申
春改戶部右侍郎迨秋轉左會安南弗靖廷議興師
往問罪胄曰交南道路險絕出師必無成功且得其
地不可郡縣永樂中事是也因疏力言其不可者七
事武臣郭勛怙寵請其祖配享功臣廟復疏請止
上皆虛已可其奏後以議 獻皇帝饗禮忤 旨詔
獄廷杖歸踰年而卒隆慶初奉詔卹錄晉右都御史
賜祭葬如例

陳實

陳實字秀卿世為瓊州瓊山人舉弘治壬戌進士始

通朝籍卽以疾謁告歸尋遭父監察公喪服闋未起
逆瑾矯詔例勒除名瑾敗起爲南京江西道御史時
內臣趙蘭以內旨採珠於合浦騷民贖貨實効罷之
尋以母喪去服闋復除廣西道辛巳出按應天諸郡
舉刺無所遺蕪湖有沙灘民業葦利中貴有爭其地
者奪而有之實奏還於民嘉靖改元擢知常州至則
嚴叅見之儀謹文移之式而於前政不擅更張誠待
羣吏裕處諸邑政有禮存刑有教寓規爲遠大而不
屑近小芥月間上孚下悅稱循良者同然一詞歲值
大稔民率走死無弔巡撫請發內帑銀分賑不足實
本朝分省人物考 卷百十一 四七 廣東三 范五
憂之甚檢庫中羨餘得無名錢萬緡將盡發以益之
主者曰此故以供郡吏燕饋諸雜需者也柰何發之
曰庫皆公錢賑饑與燕饋孰輕重緩急卽日令糴穀
貯之倉或勸分富室實謝不聽曰人各爲家勸猶斂
也如吾心何是冬有年大慰悅浙東海道倭人入貢
與民交貨羣鬪殺人都指揮以下驅焉而被害者一
人傷者若干人事聞於朝朝議守者不豫欲置重法
上遣都給事會巡按御史臨覈之實與其實事實倭
來以貢不以寇事出不虞安能豫知雖然官以備名
亦不能無罪焉若加重法則過矣至於士卒於主將

死不赴救自有常法亦不可加重如實議以聞 上
從之旣歸常病士習之浮靡欲以正學倡之謂宋龜
山楊先生嘗與鄒道卿數君子講明程學於常留寓
甚久親炙私淑故有淵源乃建書院於城之西隅以
祀龜山配以道卿而下十人榜曰道南取程伯子送
龜山語也其他積弊數事次第搜革或談及修船累
人輒爲興歎方圖處之而不可作矣卒之年距其始
生才五十一甲子而已

鍾芳

鍾芳字仲實先崖州人改籍瓊山弘治辛酉領鄉薦
本朝分省人物考 卷百十二 四八 廣東三 范五
第二正德戊辰進士選翰林庶吉士授編修以忤時
左遷寧國推官陞漳州同知精於吏治政績大著歷
官南京戶部員外郎署吏部稽勳司郎中轉考功陞
浙江提學副使校文必上名檢挑撻諧蕩者文雖工
必懲浙士斐然向風陞廣西右叅政去貴縣虎患諭
降洛容賊討田州叛酋岑猛定平樂藤峽屢有軍功
捷聞兩賜金幣陞江西右布政使凡藩祿軍需之難
處者區畫悉得大體陞南京太常寺卿疏言祭告禮
稱 上意陞南京兵部右侍郎收戶部右侍郎奉
勅總督太倉經略邊儲漕政大舉甲午七月南京

太廟災自陳修省以回天變言甚剴切且乞休上重
違其請准致仕居家十餘年未嘗一至城市惟以書
史自娛名其居曰對齋取對越上帝之義有子以私
者謝曰吾守志猶嫠婦豈以晚而改節耶甲辰卒於
家訃聞贈右都御史賜葬祭

海瑞

海瑞字汝賢瓊州瓊山人以鄉舉為南平學教諭初
至謁上官止長揖曰吾師席也可屈膝乎因著論云
孟子言為貧而仕者非也抱關擊柝委吏乘田無在
非道而尤莫如教職蓋人材所由造世運所由理其
職亦何尊且難乃稱為貧哉自世沿此說不察故居
此官者多媸媸不舉其職士習蠹而吏治媮所從來
矣持論若此尋進淳安令淳巖邑也地瘠而民嗇所
產茶竹杉柏外無他物且重巖復嶂民易逃匿山下
田畝悉歸右姓窮民卒歲不粒食又當新安下流諸
官舫日五六至夫役迎送費不可支慨然思拯之初
入署例有燕第以祀神牲草草治具乃召丞尉若
官弟子若耆老以次列備陳所為奉法字下意甚悉
竟日散去淳安人固沾沾知令志有在矣無何度田
定稅不使窮富得上下其手官署中有隙地課老僕

本朝分省人物考 卷百十一

四十九

廣東三 范王

樹禾麥藝蔬芥旦夕取自贍自江水外無關淳安者
胡公宗憲總制浙直權甚重家僮過淳安曾無加饋
制府竟無讓一日語藩臬曰昨聞海令為母壽市肉
二斤矣蓋異之也豐城鄢懋卿由中臺出理鹽政勢
張甚所至縣令如上供以得無叱辱為幸維楊三臺
使醪宴之費至千餘金鄢將往徽齊雲牒所過郡縣
供辦令甚峻及淳安乃為書上鄢甚言邑小不足奉
迎至且見罪願取他道往且言汰侈不可為與小民
不當虐者甚具鄢得書色變久之遂罷齊雲行曰令
言是也藩臬郡守聞之股慄曰令何慧幾累我輩矣

本朝分省人物考 卷百十一

五十

廣東三 范王

時已晉嘉興別駕鄢私人御史袁迎鄢意以他事摘
之從舊職論調興國興國地故單薄歲賦不入民苦
浮糧為患因述八事上之中丞而獨亟清丈以甦貧
民而均其賦已陞戶部主事時 肅皇帝尚玄修朝
政多曠慷慨言天下大計謂興土木為傷民數推廣
事例為鬻爵以師陶仲文為非體以仙桃藥丸為怪
妄甚者以不見二王不還大內誹謗猜疑僂辱臣下
為薄于父子夫婦君臣其言皆敵以下所不能堪者
上震怒投其章于地已徐閱之意若為動者留踰月
不下而會 上意有所不可遂下瑞詔獄中外縉紳

相顧失色而直聲亦遂聞天下亡何 肅皇帝崩
莊皇帝奉遺詔出之獄還其官尋改兵部主事已晉
丞尚寶丞大理南京通政入爲左通政遂以僉都御
史撫應天時威名籍甚中外墨吏往往望風解印去
權豪怙勢之家率相戒毋敢犯一顯者頰其門以居
聞瑞至卽易頰而黥中人監造者以八人肩輿行見
瑞亦減其半云吳故有松江滙震澤入海瀕江田藉
其灌漑已爲潮齧淤于陸瑞斥羨募工乘輕舟躬督
畚鍤開濬之不旬月而成又吳俗貧富相傾弱者率
獻田于其豪以爲奸利輸不必入獨卵翼窮民而摧
折士大夫之豪有力者是時吳中貴人無逾華亭相
按問其家無少貸而弟侍郎陟武斷殘民輒逮治如
律盡奪還其侵田自是士大夫之名貪暴者多竄跡
遠郡以避小民始忻忻有更生之望矣瑞嘗論欲天
下太平惟有井田一法井田之壞而不復也惟有亟
奪民田一言至于不得已而限田又不得已而均稅
策斯下矣然猶爲井田之遺意故其令疲邑撫三吳
皆以清丈爲急而力行條編一法令額外征徭不至
重困之至今小民得保守田業相率繪其像而尸祝
之比也然竟以奪富民田府怨而議者亦以此中

本朝分省人物考

卷百十一

五十一

廣東三

之遂解官歸里居十餘年九卿若臺省前後薦者無
慮十餘疏起南僉都御史旋以爲南吏部侍郎比至
首陳治安要機謂今日貪墨姦決不可縱而歸本君
身多責難語疏奏 上深鑒其忠屢欲召用而柄地
有陰沮者乃以爲都御史掌南院浹歲三遷皆出
特簡海內端人舉手相慶以爲特達之知而小人之
不便者顧目爲迂闊詆之甚力章亦寢不下因屢疏
乞歸竟以丁亥卒于官卒之日貧無可給棺槨士大
夫驟金以殮士民慟哭至罷市者數日祭于塗累數
百里不絕計聞贈太子少保謚忠介

本朝分省人物考

卷百十一

五十一

廣東三

鄭廷鵠

鄭廷鵠字元侍瓊州衛人嘉靖戊戌進士授工部都
水司主事大司空奇其才居三年闔豎仄目不敢干
以私以父艱去起復禮部儀制司主事尋給事吏科
轉工科以京師地震條陳黃花鎮古北口等處俱京
師後門屬者設石匣營恐城孤力薄請遣司馬侍郎
督之築關城增水壘夏滂庶不爲齧秋高虜無所乘
貴州地連三藩勢不統一總督巡撫不兩置置一控
三重其權于法便京師草場併御馬等領之者率歲
遷因以滋弊願三年爲限蘇松等郡以才賦雄天下

乞專設叅藩董而責成之四者皆國大計也庚戌當
大計吏疏皆手出以公正稱又論三途取士疏無慮
數十上陞江西督學副使轉叅政以母老乞終養居
石湖為娛撫按官交薦之廷鵠性介謝官屏居闕於
問遺竟不起著述數十種凡百餘卷

王懋德

王懋德瓊之文昌人也舉隆慶戊辰進士由南京比
部郎出為金華守前後無善去者而獨以廉察擢江
西副使已晉福建右叅政瓊官在海外而父封公良
弼與母偕年八十餘為吏十六年於外矣無子多餌

本朝分省人物考 卷百十一 廣東三 姜洪

燥藥攝建南篆歸而得消渴疾先是延平人有病此
者以溺甘為死候試之甘度不可起乃請歸同官者
謂痰不可涉遠固留之曰懋德之違定省十有六年
願徼福諸君萬一生見父母死且瞑不然而死道路
吾志猶南首也於是僚友爭致贖固推不受曰吾瓊
故魚米鄉家粗自足吾以十六年所餘月俸佐仲產
為二親養安所事諸君贖且吾不留而亟行懼以歸
視為閩人累也聞者莫不感泣至延平不能前竟卒
卒之日神爽不亂為書謝僚友誓不受裝費按使者
以為不可遂循故事括六百金遣使傳護之渡海至

瓊授金封公亦不受曰吾子業有成言吾即老奈何
沒六百金以傷吾子之義吏固請而封公固益卻竟
令持歸僅收其奠金曰為我謝諸大夫老且死海外
無能報也其父子之能以廉介相成如此

丘敦

丘敦瓊山人性簡默初就塾師疑其不慧及濬遭喪
留敦于家敦乃盡讀所儲書足不妄至公府對客如
土木偶不輕出一語有司開高雷間故河以便往瓊
敦寄濬書謂疏治失宜恐先貽害元人治河因之召
亂往事可鑒濬得書始知其不凡屢趣還京以廕為

本朝分省人物考 卷百十一 廣東三 姜洪

太學生試不第遂屏去舉業研究經史百家其學以
精思自悟為主終日凝然無言繼以通夕不寐有所
得輒發為文多不起草落筆如飛時見侯侍李廣輩
將復成化故事又作發冢論攻宦者蓋取莊子詩書
發冢之義設為甲乙辨示其友蔣冕思母不置漸以
嬰疾弘治三年卒于京邸年三十一敦雅尚儉素生
長相門自奉如寒士海外俗侈巨室子弟多乘輿馬
敦獨徒行遇者望而知其為敦也性剛介少容辭受
最謹瓊守遣訟者餽五百金使為解紛敦斥去之嘗
夜宿會河夢有石棺嚙於水盡露而缺其一方明日

過之儼然夢中見者亟掩以士卒時蔣冕哭之慟序其書行于世季弟京廕中書舍人性仁愛重義樂施大征後白骨遍野盡收瘞之會大疫救以良劑活者甚衆有祖風焉平居罕至城邑當路重之敦孫郊亦以廕授尚寶司丞與弟祁友愛尤篤腴業悉讓祁祁不受則曰我有官矣宗黨多其義

曾鵬

曾鵬字元翰瓊山人父英以鄉薦宰茂名清苦愛民民以父呼之鵬登嘉靖癸未進士知龍溪兵荒相仍乃緩征斂捐俸修學築八都諸堤有惠政民立石頌

本朝分省人物考

卷百一十

五五

廣東三

焉祀名宦擢刑部主事歷福建副使辯冤獄如神改貴州備兵都勻旬月平土酋蒙鉞之亂招降凱口賊阿向適鵬音叅政未行分守某欲自以爲功乃率衆襲賊全軍覆沒撫臣恐急檄鵬終其事至則單車入賊壘賊駭曰聞公已遷今猶在耶鵬爲言禍福遂解兵聽約束未幾以足疾乞休疏三上不許乙未入覲時武定侯郭勛當國外官多饋遺者鵬曰吾平生不能阿訕今老矣奈何白首改節會有啣之者遂歸海忠介稱鵬爲先輩師法最彰著云

林士元

林士元字舜卿登正德甲戌進士授行人奉使冊封唐府餽金六十鎰卻不受王深器之乙酉擢南京戶科給事中劾光祿少卿史俊怙勢殺人都御史汪鉉考察不公並劾罷內外不職者數十人仕路爲之一清條陳時務先後數十疏皆極剴切壬辰擢湖廣副使備兵衡永江華流民與土戶爭田構兵連年禍延諸郡士元單騎入諭以利害遂息吏部郎中鄧尚義弟挾制守令侵牟里黨按以法轉廣西叅政分守蒼梧戊戌征大藤峽士元督餉紀功有貴勢子弟希報功次絕不假借捷奏擢浙江按察使未赴以憂歸遂

本朝分省人物考

卷百一十

五六

廣東三

吳會期

吳會期字行可瓊山人篤行古道鄉薦時僉憲汪鉉以所罰黎民悅七十金爲餽會期受而還之民悅登嘉靖癸未進士授南京戶部主事轉工部郎中營九廟稱旨嗣修七陵內侍高忠翼營私橐會期不與旣告成省費十之五上嘉悅進正四品俸服時嚴嵩當國欲會期附已私語會期同官熊某曰此郎

視京堂若固有足不一至吾門何迂也會期間之作
迂愚解嚴益嫉之言者承望意旨論謫于外遂拂袖
歸 肅皇帝晏駕衰服宿崇文院三日隨有司行禮
歸倚廬于中門外者二十七日其忠愛若此立家廟
置義田日與親族相規勸海忠介瑞稱其貌古心實
直指陳道基表旌其門

黃顯

黃顯字仁叔瓊山人嘉靖辛丑以進士授刑部主事
於獄多所平反抵中貴呂洪賊罪雪總兵沈希儀誣
誤皆不為當軸屈出守撫州罷築千金陂以蘇民困
完逋數萬而刻核不及于下郡民感德立祠祀焉以
憂歸補池州池故饒山澤利顯益謹身帥下不少私
狠兵自湖趨浙所過殘暴顯以術屈其酋而厚犒之
迄不為害尋擢湖廣副使時嚴嵩方用事遂乞休歸
子弘宇弘憲俱知名

黃弘宇 附弟弘憲

黃弘宇字震祥少受學於霍尚書韜年十七舉順天
鄉試慨然有志大業以世俗一切榮利為恥嘉靖已
未登進士授戶部主事督運昌密陳五難三便監兌
南都復以水災備陳損上益下用一緩二之義得請

民困獲甦出守武昌作政約諭僚屬一意廉靖楚藩
以爭餽黃金百兩不受景王歸葬使人以禮諭中官
復下令曰護軍敢譁吾境者執之既過卒無敢譁者
凡興利釐弊恤獄賑饑具有聲入覲首舉卓異賜宴
旌之尋擢四川副使浙江叅政以憂歸服闋 陛見
失儀致仕弟弘憲舉于鄉為南康令著古制以自檢
約建六議以正民風懸鉦告姦設匾稱弊稱能吏焉
禽巨寇葉楷以功加五品俸服未幾以憂歸起蒲懷
集捕魚崗鹿馬諸寇有功撫按交薦未幾卒

本朝分省人物考 卷百十二

肇慶府

梁敏

梁敏字以納高要縣人性孝友穎悟能文年十九舉
洪武壬子鄉試歷清遠教諭繁昌宛平丞以文學薦
擢左春坊左贊善日隆春遇嘗被命作午門觀燈詩
及賦朝陽鳴鳳圖操筆立就 成祖稱賞不已尋以
乞休忤 旨謫遼陽苑牧再陳再謫枝江訓導疏累
上始 賜允復其官致仕歸中年喪偶不再娶自奉
如寒儒以勤儉訓諸子多所著詠年九十有六卒有
雲萍集

梁軫

梁軫高要縣人少卓立有經世志永樂中鄉薦授福
建道監察御史肅清風紀務持大體改行在山西道
巡按直隸所至激烈有指揮抵法託鄉人蘇都事餽
金硯一夜明珠五叱之出按湖廣清臬司匿賊賊劾
武臣不法事後為忌者所中謫雲南典史謝事家居
布衣蔬食始終剛介蓋古之遺直者

陳鼎

陳鼎字重器新興人永樂乙未進士吏部尚書憲義
知其學行薦擢山西道監察御史立朝正直不詭隨

本朝分省人物考 卷百十一

五九

廣東三

於時俗宣德初出知建昌府時民多桀驁鼎至真最
強者十餘于法始知畏懼復布教條施德意而郡內
大治荆府內豎蕭詔擅作威福鼎以上聞寘之法於
是官校之屬斂衽畏避四境晏然十年以政績陞都
察院右僉都御史勵志剛決風紀益振左右都御史
缺人與僉都王翱等正已率物各道敬服正統元年
陞刑部左侍郎與尚書魏源相得留心刑獄務崇矜
恤三年卒于官賜葬祭

梁致育

梁致育字遂初高要人通五經志行高潔以鄉薦歷
建昌訓導六典文衡致仕家居嘗修郡志天順二年
流賊掠蓮塘致育年九十六日瞽被執賊令講書厲
聲罵曰蠻奴若曉禮義必不為此賊不忍害以竹輿
舁之行致育知不免語舁者曰至徑口深淵即自我
遂投淵死賊驚嘆而去有竹屏稿藏于家子穉應浙
江鄉薦穉子瑜瑜子鏞皆舉于鄉瑜知來賓遠安二
縣有政聲鏞廉靜剛方篤于人倫仕至鎮江府同知
與時不協致仕歸行李蕭然家居屏跡不謁公府太
守袁載鄉射東序以賓禮賓之躬迎不往月旦評其
家世清白云

本朝分省人物考 卷百十二

六

廣東三

劉芳附子竑

劉芳字秉錫陽江人敏穎好學登成化戊戌進士授江西靖安知縣清介公勤時邑久頽敝芳至一新之建公署興學校修壇壝治績煥然民有余紹祖者冤繫犴獄得其狀卽釋之政暇與生徒講學使胥相勸勉士類興起居六載政平訟理召爲戶部主事士民立去思碑于學而紹祖刻像事焉轉郎中出知南寧府以節用愛民爲本至忤上官不顧久淹于職乃引疾歸至今郡民猶思慕之子竑字伯度弘治乙丑進士授如臯令遷駕部主事轉光祿寺丞謫達廉潔年未衰而乞休屢檄不起人稱勇退其應鄉書名次連取甲科肖其父云靖安南寧皆祀芳于名宦祠

盧宅仁

盧宅仁字伯居四會人登弘治己未進士授都水主事管濟寧開河議修仲家淺諸閘咸底績時逆瑾擅權有所需同列曲徇宅仁獨不應幾蹈于禍瑾敗獲免歷雲南副使以邊功受賞轉福建按察使能決冤獄丁內艱服除補廣西復以父喪去時已有雲南右轄之命矣終喪守令勸駕宅仁嘆曰人臣之義終事而退且仕以養親今二親俱違養矣出復何爲竟不

本朝分省人物考 卷百十二

李一

廣東三

起得請致仕居鄉恂恂鄰有犯者以理論之不悛則閉門弗校嘗修邑志寬嚴有體其著詠亦富時稱其爲博雅君子

莫如士

莫如士字子元恩平人以龍驤衛籍領順天鄉薦登嘉靖丁未進士第歷官監察御史性端直敢言嘗奇張岳翁萬達有用世才遂疏薦之後俱以功業顯時咸寧侯仇鸞通虜將爲不利如士劾其不臣鸞甚銜之欲中以危禍會鸞病卒獲免如士又偕臺省諸臣追論鸞通虜之罪 上震怒命發鸞棺暴屍梟首傳示九邊是時直聲動海內遷大理丞理冤決滯人以爲有子公風焉從兄如爵甲辰進士弟如善庚戌進士皆監察御史而如善歷官按察使亦有時名

李津

李津字濟之四會人苦志勵行登弘治壬戌進士知寧海州興廢補弊時劇賊劉七流劫本境津先備夜遣卒四出張疑兵以懼之賊遂引去擢南京刑部員外郎晉郎中歷守南寧鄖陽興學採荒俱有成績遷兩淮都轉運使時鹽筴叢委奸蠹根據津至按剔釐正一裁以法國課倍昔而羨餘悉歸於公乃爲權貴

本朝分省人物考 卷百十二

六十二

廣東三

所忌罷歸南海吳允禎繼其任亦以廉介稱每自誦曰得無愧於吾鄉濟之否其爲人所敬服如此生平淡薄片楮不抵公門年七十卒時稱其清介云

本朝分省人物考

卷百十二

李三

南雄府

陳德文

陳德文一名瑩中字文石南雄府保昌縣人洪武中舉文學授台州府通判越二年左遷枝江令又遷縉雲監稅所至有稱以兵部尚書唐鐸薦拜北平道監察御史明年擢按察使三十年使西番撒馬兒罕等國開通西域居十有二年克舉使職不辱君命永樂五年回京凡所歷之國采訪風俗作爲詩歌歸日進呈成祖嘉之擢僉都御史詔內閣修西域志多採其言八年二月隨駕征迤北十月迤北平上念本朝分省人物考卷百十二李四廣東三久勞王事進右都御史賜衣十襲名馬二匹及校尉四名還鄉省墓九年六月復詔回京十三年三月卒于位進左都御史階諭賜葬祭

譚大初

譚大初字宗元始興人宋朝散大夫煥之後生而穎異十歲爲郡諸生督學魏校深奇之嘉靖丁酉應貢復領鄉書以貢資還公帑或以爲矯止之大初曰受此自心不慊豈矯乎連登進士出跨蹇驢人笑之弗顧也以憂歸修郡志公而核士林多之赴選授工部主事痛革積弊不遺餘力久之復以憂去起補戶部

選爲戶科給事中歷兵刑左右給事奉使冊封淮藩
 餽遺一無所受秩滿擢江西按察副使獨振風紀視
 權勢貌如也清戎多所開豁御史孫慎以失額爲疑
 大初曰失額罪小殃民罪大慎從之理驛傳嚴革冒
 濫撫院或借資庇其故人亦峻拒焉過者多避道而
 去民有枉抑必直之時嚴嵩專柄其親黨屢奪人產
 有司莫敢問大初廉得其實悉麗于法嵩滋不悅秩
 滿年僅五十具疏乞休疏甫至擢廣西叅政不得已
 就職值桂林澇米價騰湧請督府開倉發糶便宜賑
 恤存活十餘萬粵右賴之在事二年值妻子連喪悲
 哀疾作遂上疏乞解職不待報而行歸築拙逸軒讀
 書其中時或鼓琴一曲陶然而樂無復仕進意嘉靖
 丙寅召用者碩起家河南右叅政連擢南京右通政
 應天府尹三奉 詔書不敢復辭 穆宗卽位疏乞
 以叅政致仕不許晉工部侍郎遷戶部左侍郎總督
 倉場貴戚權璫侵民田土必躬覈之所侵悉歸之民
 力薦僉都御史海瑞可當大任累乞休不許轉南京
 戶部尚書道出淮陰復引疾乞休獲以尚書致仕歸
 家田不滿百畝深居簡出人罕見其面卒年七十五
 有司以聞 詔賜祭葬所著有次川存稿八卷族譜

本朝分省人物考 卷百十一

六五

廣東三

五卷遺戒子孫勿請卹典勿求墓表論者謂其涅不
 能緇寵不能榮進以三讓退以一辭庶幾古人臣風
 云子音以貢歷上石西州知州所在著惠政有廉介
 聲孫學顏蔭國子生

本朝分省人物考 卷百十二

六六

廣東三

韶州府

黃裳

黃裳字元吉其先家興國洪武中祖仲禮以事成曲江裳讀書過目成誦登正統壬戌進士授監察御史一時彈文多出其手法司會審疑獄俄頃辨折多得其情都御史陳鑑雅重之嘗按兩浙鹽法及蘇常諸都所至有實惠已虜犯邊扈從北征沒于土木明年加恩死事者詔恤其家

鄧頤

鄧頤樂昌人正德間進士授廣信永豐令時閩寇犯

本朝分省人物考

卷百十二

李七

廣東三

境頤伏兵大破之斬獲甚眾寇悉眾突至頤力戰被害事聞贈光祿少卿謚忠毅

廉州府

林榮

林榮合浦人成化戊戌進士任禮科給事中抗直敢言不避權貴時各省運糧入京中官多橫暴侵刻榮疏論之其弊始革後滿喇咖國請封以榮充正使泛海溺死詔贈禮科都給事中遣官諭祭廕其一子祀鄉賢

本朝分省人物考

卷百十二

李八

廣東三

高州府

姚岳祥

姚岳祥字子定化州人登萬曆丁丑進士選翰林庶吉士時張居正柄政聞制不守鄒元標抗疏摘其罪下獄居正命吏守獄門凡來詢元標者書名以報卽親屬重足不至岳祥獨昂然直入吏書其名神色自若既而嘆曰奸邪當國尚可行吾志耶遂養病歸

本朝分省人物考

卷百十二

六十九

三

人物考卷之一百十三目錄

廣西全省

王顯中

蘇木

莫敬山

黃驥

馮俊

蔣昇

楊護

陶魯

本朝分省人物考

卷百十三目錄

石邦柱

呂調陽

張翀

李允簡

唐儼

補遺

宋欽

包裕

曾曙

唐世堯

于中

曹學程

王溥

王敏

張潔

蔣冕

屠楷

蔣淦

蕭淮

徐養正

沈希儀

任良翰

郭本

劉天麟

舒應龍



本朝分省人物考卷之一百十三

南直督學御史西浙過庭訓纂集

門人蘇松備兵副使南郡熊 膏叅閱

男 過銘盤

過銘孟

過銘簠

寧國府學生員嚴弘志全訂正

廣西全省

王顯中

王顯中桂平人洪武初遊太學有聲擢交趾諒江府

本朝分省人物考卷百十三

廣西

同知在任勤能著稱尋遷新平府知府卒于官吏民

思之

于中

于中字子正廣西全州人洪武初年除本州訓導十

五年擢廣東道御史以建言忤 旨降歸化縣丞陞

臨安州判廉潔不滓治多異政廷臣交薦補郴州同

知南雄知府致仕歸

蘇木

蘇木字子和廣西陽朔縣人以進士知清豐縣治最

徵拜四川道御史疏多愆直指及 乘輿謫灤州判

陞南兵曹出守紹興致仕

曹學程

曹學程字希明廣西全州人以進士授知寧海扼腕

民艱心力曲盡雖權勢之阻撓當道之權抑不肯纖

毫假借者治行稱兩浙最召拜廣東道御史督理屯

馬未幾以建言觸 上怒詔逮于獄擬辟典在獄者

十年蒙 恩得釋謫遠戍竟卒于戍所

莫敬山

莫敬山蒼梧人洪武中由明經舉任本縣儒學訓導

秩滿推其才學卓異陞河南布政司叅政有能譽未

本朝分省人物考卷百十三

一一

廣西

幾卒於官

王溥

王溥字士淵桂林人洪武間由進士歷官廣東右叅

議時匠藝之家勢要占役弗克營生溥禁止之有奉

部檄來徵舵木者立期逼取又木多不中式民苦之

溥親臨揀閱十取八九先是起運俱出海道風水漂

沒民不勝困溥自臨庾嶺遍觀險易命有司鑿石填

澗修葺橋道教民造車運之民賴焉先是慶賀俱設

筵宴溥罷之時兵起無糧無籍軍都司谷取甚亟溥

曰國以民為本今一槩起取賦稅從何出耶遂奏聞

上是之其弟來廣適遇承差何秀同舟知為溥弟送以布衣弟至以實告溥曰一衣雖微不可不慎此汚行辱身之漸也即命還之隨遣弟歸及獻績父老遊道留不可得歷官數年苟無重衣庖無珍饌為胥吏庸庸誣逮詔獄行李蕭然寮屬餽饘皆辭不受曰吾豈以忠難易其心哉比至得白歸卒年三十有六廣人惜之

黃驥

黃驥全州人洪武中領鄉薦為沙縣教諭振育有方士皆向化累官禮科給事中三使西域上疏論外夷本朝分省人物考卷百十三 廣西 貢馬及官軍下番之弊詞甚剴切 上嘉納之著為定令自是陝西之民少甦尋陞右通政奉 命撫諭南交使還卒所著有黃門奏草數卷藏于家

王敏

王敏南寧人永樂中任湖廣道監察御史克振風紀尋遷交趾布政使司左叅議有政績交人愛之

馮俊

馮俊字士彥廣西宜山縣人天順四年進士授刑部主事歷員外郎郎中錄囚廣東多所平反陞福建按察司副使丁外艱改湖廣整飭沅清偏橋等處兵備

偏橋屯戍數萬餉給陸運甚艱俊至設法鑿石河以通漕舟造浮橋以濟徒涉軍民稱便進廣東按察使尋陞江西左布政使擢右副都御史巡撫四川時總兵潘松者怙勢驕惰俊奏黜之馬湖土官知府安鰲虐毒其民前此巡撫者皆莫敢治俊與巡按御史張鸞按察僉事曲銳會議執之寘于法奏設流官以撫其民蜀人快之未幾卒于官賜祭葬俊嚴急有才識臨事能斷子良輔亦進士歷廣東布政司叅議

張潔

張潔字仲湜廣西全州人成化戊戌進士改翰林院庶吉士授編修陞侍講選侍東宮主順天鄉試陞侍讀學士尋陞學士國子監祭酒正德丙寅 駕幸太學賜坐講尚書尋陞禮部右侍郎轉南禮書改吏部時儲位久虛草疏率同儕請建太子罔有傾忌轉兵部叅贊軍務條陳八事又奏革守備廳審事官及營伍有所委任不容請託人皆服其明決乙亥乞歸凡疏十五上始得請特加太子少傅給驛還家卒賜祭葬如例潔性頗剛褊與人多不合在戶部時清查連年逋賦不少寬貸人雖沮之直行已志斷斷如也

蔣昇

蔣昇字誠之全州人成化丁未與弟冕同登進士弘治初知南海誠心蒞政有長者風而鋤奸雜惡不遺餘力吏畏民懷徵入爲監察御史累官南京戶部尚書敷歷中外三十餘年操履清白始終如一嘉靖元年致仕臨終戒子勿求恩澤士論多之後贈太子少保

蔣冕

蔣冕字敬之全州人成化丁酉鄉試第一丁未舉進士選庶吉士授編修歷陞至禮部尚書兼文淵閣大學士加太子太傅禮部尚書兼武英殿大學士戊寅

本朝分省人物考

卷百十三

五

廣西 列方

武宗北狩命內閣撰威武大將軍勅冕上疏言內閣之職其大者口代王言凡手勅旨意俱從撰擬今事出非常遠近驚疑惟陛下受天明命爲天地神人主內而中國外而四夷孰敢不尊稱天爲天稱日爲日孰敢擅稱朱壽號爲將軍鼎鑊在前不敢奉詔已卯駕南巡至金陵大學士儲同冕扈從十二月駕旋次揚州以郊期在邇冕力請回鑾從之辛巳正月加少傅兼太子太傅戶部尚書謹身殿大學士時楊廷和柄國冕與協心奉迎世廟於藩邸入繼大統改元頒詔與天下更始多冕所裁定壬午賜金織

襲衣及玉帶勅加伯爵冕具辭癸未冕上疏論災異及禮儀聖諭令冕撰勅差官織造冕以南直隸災傷重大具題請止至是已久不進稿上命司禮監促之且謂冕忤慢冕引罪得旨宥之尋乞休不允五月再乞致仕上責冕牽大禮災異爲由歸咎於上有負重托遂准致仕還湘中杜門掃軌不通賓客人稱其清謹得大臣體

楊護

楊護象州人成化間任臨高知縣廉明寬仁深知民隱恤民如子自前後官未嘗有也護承苛虐之後政

本朝分省人物考

卷百十三

六

廣西 列方

尚寬簡然能明燭下情事至先得其誠僞善惡必明審無大害者諭歸使更籌思多感其言而中止者獄無淹禁而吏無取覓民以爲便事事稱是初若無甚異政者行之數年民俗大安獄訟頓簡後以謗累去任百姓如戀慈母臚者縣門絡繹辭不能去新任梁尹嘆曰此無所爲而爲者可憫也吾當一屈楊君以慰吾民之心乃置一帙門下命臚者書名其上須臾帙滿持以示楊勸納所臚焉已而行車就道邑之老稚隨送三十里至舟次者殆千人護蒞事廉明簡肅民大信服民詞非干大故但批詞尾付告者自行喚

所告無不應期而至故能信乎如此

屠楷

屠楷廣西桂臨人入仕三十年至兵部尚書孤立寡交然亦無忤寡嗜好居第僅避風雨而已閉門靜息讀書其中卒年七十有二謚恭簡

陶魯

陶魯字自強號節庵廣西之鬱林人父成以副使死金華葉賊之亂官其子魯魯以父廕丞廣之新會縣方弱冠廣右徭賊流劫盡雷廉高肇以東之境破城殺吏戮掠至香山順德庶頑效尤劫殺無寧日魯召

本朝分省人物考

卷百十三

七

廣西 劉方

父老於庭誓曰賊氣將吞吾城若父兄能率子弟從我以死守城邑保家族乎皆曰諾乃築塞堡與民守之中立以捍東西寇賊之衝築輔城以衛厥城浚外溝以衛厥輔城布鐵蒺藜植刺竹以衛厥溝人守其土分殊死戰別寨分兵相援一邑之勢如腹心相聯絡賊至不得犯白沙陳先生記曰往西寇之憑陵高涼以東破關襲城勢如建瓴至此則截然而止如虹霓之收急雨由是吾民丘壠以完室家以安雞犬以寧倉廩以盈燕有歲時樂有賓客至於今各得其所者皆陶公之賜也魯多為疑兵東西多寡賊不知方

與數賊遁則戒兵勿進賊弛備則急取之其剛柔操縱在手故賊遇之即殪又無能遁者嘗夜飲俄起如廁潛身鑰門出城察友索之不知其出征也故賊雖置耳目於左右其行神速不及知也功成而人多忌之其薦而稱道之者韓公雍鄧公廷瓚劉公大夏九載當滿去父老乞留權知新會縣事陞廣州府同知仍掌縣事民益用康風俗丕變總督兩廣韓公以功上聞陞廣東按察僉事奉璽書整飭兵備道建議請立總府於梧州統兩廣以制其喉舌霍詹事曰百世之功也梧有帥府兩廣乃如兩臂以護胸腹而兩賊

本朝分省人物考

卷百十三

八

廣西 劉方

遂不東雷廉高肇民有寧宇又城吳川民喜曰衛我者生我勞我者惜我公大惠我我何敢忘又九年考最陞本司副使仍奉璽書專理戎務凡兩廣之地雷廉高肇潯梧荔蒲府江田州之賊剽掠毒虐於西東者討而撫之諸賊讐之於是劫其鬱林之廬焚其誥命毀其先塋害其族黨事聞於朝乃命徙籍於東廣魯憤不顧家益勵志討賊又九載考最陞湖廣按察使仍奉璽書理戎務於兩廣如前賜以金綺誥命陞湖廣布政使兼廣東按察副使仍奉璽書撫治兩廣魯自丞至布政使凡平後山平恩平陽江平新寧白

水平潯梧荔浦府江田州諸凡斬首二萬一千四百有奇奪回被擄人暨撫散向化人十三萬七千有奇巡撫鄧公廷瓚疏其功於朝且曰魯年將衰而恩信入人且深若得魯父子相繼統領民兵其可請以世襲武階官其子荆民俾領兵隨魯殺賊以繫兵志以激成功 上可之下兵部復官荆民錦衣左所百戶後以功陞千戶魯恒言除寇賊化之爲先殺之不得已也故平後山賊卽請置從化縣并學平陽江賊卽修陽江縣學平恩平賊卽請置恩平縣學尅如電白新寧白水建學皆如之修厓山三忠祠以祀從征死

本朝分省人物考

卷百十三

九

廣西

戰諸民兵曰吾以化殘而勸之忠義也於是民父老爲思德之神沒三十餘年國子生何相上言欲正祀典於忠勇祠縣官歲行禮魯平生所禮於其廬者白沙先生白沙先生亦曰陶節庵之治民也如治兵因應隨機初無定體其治兵也如文士作文奇生筆端無事蹈襲故能使人畏之而率以取勝此皆魯精神心術之與所運云以弘治戊申卒年六十有五

蔣淦

蔣淦字汝潔號雙橋全州人正德辛未進士授兵部主事丁外艱歸服除補原官尋轉員外郎中出爲嚴

州府太守興利革奸四境靜肅吏無招權民知向方歲課諸生有不合者親爲改削丁亥遭母憂起復惠州府知府政績卓異列祀名宦陞河南左參政督運如京自公應外毫髮無私焉陞廣東按察使辯冤獄懲貪暴粵人德之陞江西右布政使時 聖母梓宮南狩以一身接應江州不動聲色民不擾而事集轉浙江左布政權順天府尹順天徭役久弗平其他弊政尤多淦悉心咨訪疏上四事曰議編審以均州縣曰議優免以恤凋憊曰議偏累以阜邦畿曰議修理以省民力 上嘉納以次舉行時譽振起詔陞工部

本朝分省人物考

卷百十三

十

廣西

右侍郎會慈慶宮役竣有白金文綺之賜加俸一級至庚子疾作三上疏乞休始得允瀕行遂以不起淦平生慎操執每諭子弟曰吾居官苟取他日敢挾重貲過柳浦乎故所在皆以廉介著譽

石邦柱

石邦柱蒼梧人年七八歲善詩對負奇氣見羣兒博奕且投之十歲入郡庠以奇童稱十九舉鄉試登進士宰南海有古循良風數月入覲士民千人疏請留不獲丁內艱服闋補蕭縣蒞任一月擒巨盜王浩王千斤者二十七人連年荒旱緩刑薄征虔禱而甘霖

降少司徒王瓊大賞其賢為逆瑾所忌以掩恩市私
罰粟百石遷郴州守權貳長沙陞南京戶部郎中轉
知瑞州府俱有善政

蕭 淮

蕭淮廣西桂林中衛人正德辛未進士授行人司行
人九年丁母憂十二年補原職十三年擢雲南道監
察御史十四年五月淮奏竊見寧王不遵祖訓包藏
禍心招納凶命潛謀不軌官校交通積有年歲如致
仕侍郎李士實等皆今日亂臣賊子關係宗社生靈
安危非細也宜勅錦衣衛凡濠黨與逮繫至京師究

本朝分省人物考 卷百十三

十一

廣西 張垣

治以快人心前鎮守太監畢真等首保濠賢行及諸
前後附勢者宜坐名罷削布政鄭岳副使胡世寧皆
守正蒙害宜急起用所有鎮巡奏乞褒獎孝行乃宸
濠詭謀不可從疏入 上勅諭廷臣曰蕭淮所言關
係宗社大計朕念親親不忍加兵特差太監賴義駙
馬都尉崔元都御史顏頤壽往戒諭之革其護衛十
六年陞光祿寺少卿嘉靖五年陞太僕寺少卿七年
陞都察院右僉都御史巡撫延綏地方九年改撫大
同未任卒於官

呂調陽

呂調陽字和卿號豫所桂林人嘉靖庚戌舉進士廷
對第二人授編修丁內外艱五年服除遷國子司業
乙丑擢諭德典內制隆慶改元擢國子祭酒尋擢南
京禮部侍郎遇 莊皇帝覃恩錄廢一子尋以吏部
左侍郎兼翰林學士辛未副考會試已奉命教庶吉
士轉少宗伯日侍 穆宗經筵每講輒先齋沐期以
精誠悟 主往往緣傳經傳列古義以為時政規
上亦時時嘉悅之暨修 世廟實錄稽載精覈足稱
一代良史壬申拜禮部尚書會 莊皇帝晏駕一切
典禮俱從哀次釐定條奏 神宗馭極進文淵閣大
學士協贊機密備顧問以朴忠受知於 上嘗親書
大字賜之其一曰樞機克慎其一曰同心夾輔萬曆
甲戌主考會試是年修 穆廟實錄成少保兼太子
太保廢一子中書舍人是時江陵相嘗國每事皆專
決調陽深沉簡諒于人不輕喜怒於事不輕可否故
無招權攬寵之事會病肺久而足又患痿徙漸不良
於行至戊寅秋決計告歸書十上乃得請賜帑金百
文綺二詔乘傳以歸越歲庚辰疾作而逝廢一子中
書舍人謚文簡

徐養正

本朝分省人物考 卷百十三

十二

廣西 張垣

徐養正字吉夫號蒙泉柳州衛人嘉靖辛丑進士讀書中秘授禮科給事改戶右劾嚴世蕃奸狀嵩怒矯旨廷杖七十謫滇之通海典史量移肇慶推官歷陞貴州提學僉事丁外艱服闋補雲南規條嚴肅集諸生於五華書院教以忠孝大節時徐浹石死事沅江購得其普寘之法撫按多其有經世略家宰李古冲稱爲吳東湖霍渭厓之流擢南光祿少卿丁巳轉尚寶卿已未丐歸壬戌嵩逐世蕃磔起爲南通叅尋遷右通政甲子轉南光祿卿革弊興利內使戒不敢橫乙丑轉南戶侍申明部運規則丙寅晉戶部左侍郎

本朝分省人物考

卷百十三

十三

廣西

建按察副使

張 翀

張翀字子儀柳州人幼倜儻爲文操觚立就嘉靖癸丑進士授刑部主事與同舍高岱董傳策以氣節相

砥礪相高當國時楊員外繼盛沈經歷鍊以直言棄市會給事中吳時來疏嵩父子奸狀翀與傳策章繼上俱下詔獄訊所主使者翀獨對曰臣自求爲社稷死耳疇能主使者卽有罪臣三人自當之會地震上怒解發烟瘴地方永遠充軍翀成都勾諸生日執經侍講下翀語以忠孝大節及性命之旨曰性命非懸空者離倫物談性命非真性命也乙丑嵩父子伏辜丁卯 穆宗登極召補吏部驗封郎晉大理寺少卿尋轉右僉都御史巡撫南贛汀韶督軍事至則撫流民遏尙寇平三巢又遣兵解惠州之圍疊承金綺

本朝分省人物考

卷百十三

十四

廣西

沈希儀

沈希儀廣西馴象衛世指揮使未弱冠已能馳馬手搏賊征永安盜陷淖中騰而及于陸三酋前趨之希儀振頸決項死又掣刀斫酋于鐙間斷其頰尋又射

殺首會竟却其追兵而還遷都指揮僉事荔浦賊八千人行剽歸倉卒部五百人往扼之蛟龍滑石兩灘相去數里希儀曰滑石灘狹引繩乃濟雖衆可薄也蛟龍灘闊衆成列難圖矣吾欲奪其闊而致之狹伐岸竹揭岸上編筏以爲繆頃刻成數百旗挿之蛟龍灘令羸卒數十人守之以疑賊賊果趨滑石且半渡發伏擊敗之遷都指揮同知嘉靖六年岑猛叛姚督府鎮奏行誅討召與計曰歸順岑璋猛嬖翁也當助猛奈何希儀能素得士官陰事曰璋女失寵而璋心恨猛貌合耳是可使擒猛何謂助乎督府復曰猛乘

本朝分省人物考

卷百十三

十五

廣西 劉國才

上流勢擁兵下如建瓴邑梧危矣奈何希儀曰是不足憂士官大率飽富貴戀巢穴所爲叛者懼誅耳豈有遠志乎督府又慮猛且走交南曰猛走交則閉不能歸彼豈無慮哉於是分五哨進師希儀將中哨當工堯工堯隘而糧盡乃潛渡江詣左哨將乞糧請并兵攻工堯左哨以分地爲解希儀笑曰兵糧吾自足試君心耳還夜分軍三百人緣山上繞出工堯背而煮餘糧爲稀糜食士合戰戰疾力而所遣軍則已立幟工堯山頂矣賊大驚遂入隘得其積粟食軍乘勝攻田州初歸順岑璋素信希儀使圖猛則遣兵二千

人陽助猛精卒千人名護女實爲間官軍得工堯則先囂工堯破猛出走則擁入歸順左哨將知之壓歸順境索猛歸順斬他囚首以獻而先一日希儀已獻猛馘梟軍門矣督府議設流官希儀曰思恩設流官反側至今若更設合從且復起不聽而田州果叛後竟復士官田州乃平擢右江叅將右江故治柳州柳在萬山中城外五里即賊巢軍民至無地可田而城中兵弱不足任前守劉璉殪于賊希儀至鼓士氣破賊訶者耳目徧官府即闔閩中稍動色賊在谿洞數百里外趣知希儀至顧令熟徭恣出入嬉遊城中而

本朝分省人物考

卷百十三

十六

廣西 劉國才

求得與徭通商販者數十人厚撫之使爲訶于是賊動靜聲息顧往往爲我所先得每出勦即肘腋親近不得聞至期鳴號則諸軍立集聽令曰出某門旗頭即引諸軍貿貿行問旗頭旗頭自不知頃之劄管賊衆至戰方合而伏又左右起賊大敗去已賊寇他所官軍又已先在雖絕遠村聚賊度官軍所不至者寇之軍又未嘗不在賊驚以爲神即官軍亦不知希儀何自得之也于劇賊巢得婦女牛畜果鄰巢者悉還之惟陰助賊者還軍立勦曰若奈何陰助賊戰或刀弩而門矚者曰罰若牛五若奈何刀弩矚我師于是

賊警服無敢陰助賊及門矚者嘗欲勦一巢乃伴臥病所部入問病謝不見明日入問希儀起曰吾病思鳥獸肉若輩能從我獵乎即起出獵去賊一二里而止營軍中乃知非獵也最後計擒其尤黠猾善戰者支解之四懸城門見者股慄常以甚雨凄風天冥冥夜察諸賊所止宿散遣人齋火若砲衣毳帽與草同色潛巢賊中夜砲舉賊大駭曰老沈來矣挈妻子蒲伏山頂兒啼女咷往往寒凍死或觸崖石死妻子相怨汝作賊何利至此明詞之則寂無人所散遣出他巢者亦然他巢大驚已相聞愈益驚陰詞之則老沈

本朝分省人物考

卷百十三

十七

廣西

岑濬第九子耶我往征思恩固聞之因作自語狀曰岑氏其復乎已呼留入密室要賂即得賂行爲金復官留乃大喜且出復呼入曰韋貴徐五今分將思恩必讐金善防之于是金果將五千人因留以見門者懼走報請無納希儀罵曰金本土官子非賊奈何不納則引入厚結之又引以詣兵備隨盡散其五千人卒縛金而思恩復寧當是時非深計賓州幾失希儀在柳度十三年移淑濶後總兵貴州會北虜入寇詔屯宣大未幾署都督總兵淮已復調廣西貴州在江淮賊販之警幾絕然天雨輒苦創痛數在告已還廣

本朝分省人物考

卷百十三

十八

廣西

李允簡

李允簡字可大柳州融縣人嘉靖丁酉領鄉薦明年會試乙榜授潼州學正丁內艱服除改夷陵攝荆門州為政清勤民德之陞知內江公廉自持士大夫請乞無所得會大旱徒步暴禱赤日中令兒童歌之曰早既太甚治非其人寧禍其身勿病其民三日霖雨大足嘗於通津治石梁御史題之曰壽溪橋壽溪其號以此旌其大得民也大學士茶陵張文隱從銓部乞為州守至則均徭賦剔奸蠹豪民斂跡 皇太后梓官祔顯陵調度有方事集用簡有白金文綺之賜

本朝分省人物考 卷百十三 十九 廣西 李邦

秩滿當遷張文隱復乞展一年俟黃籍成於是在茶陵者蓋十年矣始陞雲南同知攝守澂江有豪奪民田勒令歸主不服再訴于朝下法司皆如原論陞思州府知府孤城多寇遣其孥歸獨與孫炳文居適有銅仁之役還郡五日麻陽苗龍許保等偽為哨兵突入城殺掠允簡與孫炳文皆被執留郡二日劫以歸寨往苗每執郡邑長吏必求厚贖院司及守將亦幸朝廷不知也率許之遂以為常允簡以為 天子命吏為賊劫質何面目復臨士民上乎傳語守將石邦憲亟進兵勿以我為念邦憲不應自出盤山關至嶺

塞崖高水深遂自投下賊驚共拽之出氣息僅續棄之途而去思人昇還至清浪衛而卒事聞詔贈貴州副使廕一子諭賜祭葬

任良翰

任良翰字直夫號南嶠廣西桂林人積學修行舉廣西鄉試赴禮闈不第就官湖廣潛江縣學諭學諭五年是為嘉靖十三年甲午適陝西鄠縣王邦相者先是携其幼子六兒往投巴縣劉主簿主簿王姊夫也至則不禮焉會亦失官歸王不得已乞與同舟又且病主簿恚之至潛江欲下諸水屢不得死乃推而棄

本朝分省人物考 卷百十三 二十 廣西 李邦

諸路旁逸去父子匍伏行乞市中居無何父因子獨乞問行乞良翰所告之故哀之遂躬詣困處致醫藥館穀備至王病且死泣數行下亦泣曰若無憂吾為治後事歸若子乃買地葬立石焉收六兒子于家與弟同卧起令學書報書于順天府通判為王族兄居無幾何亦卒書未達鄂而王氏以主簿獨歸意見殺訟起成獄則通判之父為翰林九思得遺書篋中六兒手模在焉或疑書詐其母劉思子垂死見之泣曰吾兒其指缺此當是也使次子持金至潛江取子當是時已行取赴京行時誠家人王氏來取子無留一錢

也至則家盡却其金而厚遺之母子得全主簿獄解
爲人剛明傲儻而心慈愛其在官興廢舉墜自勵冰
霜至其表尚書孫顯之墓買張武之棺而恤其家配
僧尼恤貧士陰德種種蓋其天性然也

唐 儼

唐儼全州人少游鄉校父蔭嘗知郴州歸老於家得
危疾時儼年十二恒侍疾不懈迎醫視之弗能療儼
泣曰是非藥石所能攻也潛割右臂肉鼎臠進之父
啜之良愈未幾父疾復作而歿儼哀毀如成人見者
傷焉儼游學從兄於毫其嫡母蒙寢疾於家儼妻鄧

本朝分省人物考

卷百十三

二十一

廣西

氏年十八奉其姑甚篤蒙疾劇鄧曰吾婦人安所事
湯藥吾夫以臂肉療吾獨無以療吾姑哉於是割右
脇肉以進蒙而蒙病亦愈儼聞母疾馳歸至則無恙
久矣儼拜其妻曰此吾分也當亟召我子何自苦如
此鄧曰子事母婦事姑有二道哉方危急之際雖召
子何及且事必遲子安用婦爲儼嘆曰吾得子吾無
憂於事親矣是時督學使者廉知其狀錄儼於廩以
粟帛給其妻儼事嫡母甚謹生母宋儼事之兼隆而
儀節衣食視嫡殺焉曰禮不敢踰也蒙歿二十年而
宋歿儼朝夕號慕葬宋於金盆山廬其側三年寢苦

負土惟從一童子龍蛇虎豹縱橫其間儼日取薪水
甚疲樵牧相其勞儼曰吾爲母氏爾豈敢以私勞煩
諸君卒謝遺之金陵顧璘知全州慕而訪之賦詩以
詠其事書山之壁曰望母巖先是觀風者多重儼欲
上其事於朝儼辭曰事親以盡吾心耳名於儼何有
使儼以親故得名非儼志也嘉靖乙酉儼以貢至京
師縉紳聞儼名多欲見之儼輒避之後儼肄業南雍
有司奏之旌其門

補遺

宋 欽

本朝分省人物考

卷百十三

二十一

廣西

宋欽蒼梧人正統中擢湖廣叅議十四年麓川亂尚
書王驥西征欽督餉不避艱險於辰沅清浪鎮遠山
行乘騎又乘小舸往安江洪江苗賊要害至盧溪
被賊遮留欽率兵挽弓揚矢迎敵厲聲歷數其罪詞
氣壯烈賊不敢逼歷官湖廣左布政致仕天順六年
寇陷梧州城欽罵賊遇害

郭 本

郭本字道克融縣人景泰二年進士歷官御史七年
巡按貴州又巡浙江時權璫肆惡本疏劾之謫雲南
永平典史得量移太平府同知久乃擢知太平抱才

未伸每鬱鬱不自得堅以疾告歸

包裕

包裕字好問臨桂人成化戊戌進士以撫州推官徵授御史弘治元年巡按貴州寬洪仁恕耻以鷹擊鷲馘為能凡事務通民情不怒而威尤加惠乳獨悉收之養濟院亡失所者已出為雲南僉事歷副使會邊夷叛督兵討之有功錫鏹金所區畫地方事宜不刻意立異而惠澤自廣滇人賴之移病歸日以詩酒自娛採山釣水登覽嘯歌泊如也所著有拙菴稿

劉天麒

劉天麒字仁徵臨桂人弘治壬戌進士為工部都水主事分司呂梁正德初闖人擅勢有自南都詣北者舟經呂梁天麒不為禮及橫索頗裁抑之其人怒詬去入訴諸闕諸闕誣奏遣官校往逮繫錦衣獄榜掠備至卒不服乃謫安莊驛丞居未幾王主事守仁亦謫龍場驛至則與天麒定交天麒病卒守仁為文祭之并經紀其喪事嘉靖初詔復其官賜諭祭

曾曙

曾曙廣西臨桂人由舉人為平湖令愷悌慈祥清介絕俗其為政多尚安靜不事華飭尤專意學校獎訓

士類先是邑頻災迄嘉靖甲辰歲凡五月不雨苗悉稿死秋大饑曙力請當路出粟賑之仍開置廠所十餘設粥以食饑者緩不急之征節無經之費遇死屍橫道則潛然泣下捐俸易棺以葬會當路催征甚急曙毅然曰吾職可罷民不可毒有逋稅者咸縱使歸業勿之繫民得免轉徙溝壑之苦然曙竟以緩征罷去去之日號泣遮送者以千數民至今咸思之今祀于名宦

舒應龍

舒應龍廣西全州人嘉靖壬戌進士歷官戶部侍郎兼右僉都御史總督漕運轉工部尚書應龍歷任中外表表各有樹立而督漕之政尤籍籍輿誦方召用而卒士論惜之

唐世堯

唐世堯號觀柏廣西平樂縣人萬曆丙戌進士授寧波府推官庚寅陞吏部稽勲司主事歷文選郎主考廣東壬辰以起廢忤上旨斥為民世堯雖僻處西粵而文章獨得正宗分考浙江主考廣西甄收多知名士其樹立綽有可觀而品行亦卓然不可及云

本朝分省人物考 卷百十三

二十三

廣西

本朝分省人物考 卷百十三

二十四

廣西



人物考卷之一百十四

雲南全省

蘇海鎮

張文禮

丁嵩

張昂

張英

張隆

張璉

李華

呂禴

張志淳

張敏

李文中

劉洙

孫繼魯

趙愷

趙汝濂

吳懋

董漢雲

李忠

張謙

趙彥

李純

蘭剛

段子澄

楊一清

趙弼

滕檣

張繹

陸經

王璟

雷應龍

唐時英

馮世傑

張合

嚴清

張西銘

本朝分省人物考 卷一百十四目錄 一

朱珮

李元陽

楊禧

張勉

王廷表

張鍾

趙禧

王用之

補遺

楊士雲

張素

趙德宏

戴仁

李資坤

紀經綸

楊元

吳潤

楊忠惠

符節

楊南金

朱光霽

本朝分省人物考 卷一百十四目錄 二

本朝京省人物考卷之一百十四

南直督學御史西浙過庭訓纂集

門人蘇松備兵副使南郡熊 膏叅閱

男 過銘盤

過銘孟

過銘篋

寧國府學生員嚴弘志

句容縣學生員劉孔揚全訂正

雲南全省

蘇海鎮

本朝分省人物考 卷一百十四

雲南 李文

蘇海鎮太和人洪武間以經明行修辟授蒙化學正能以忠信勸化夷習頗著勞勤九年例應考滿憚道遠不出家居或至闕食客至唯煮茗清話而已或勸其為貧而仕不應終其身不悔

李忠

李忠初名特昆明人洪武二十五年選貢入監 高

皇帝宣見便殿賞齋甚厚賜名曰忠雲南舉進士自

忠始後任陝西鳳翔知縣扶弱抑強威猛兼濟有循

吏風

張文禮

張文禮寧州人少敏捷志向卓爾沉潛純粹不為習俗所移以選貢中永樂癸丑南京鄉試登甲戌進士第不樂仕進求任劍川學正後補四川江陵學正遂乞休致居鄉教人名士多出其門

張謙

張謙字抑之昆明人宣德初貢入監選監察御史巡按江西卓持風采剛厲執法及監鄉試痛革夙弊科號得人尋陞湖廣按察司副使卒于官

丁嵩

丁嵩永昌人天性篤孝奉母陳氏曲致甘旨雖處顛沛流離而生養死葬舉無違禮家貧無以為業乃開館教里中子弟多所成就洪熙元年舉懷才抱德辭不就宣德間詔下求言嵩陳首務戎機八策一曰正

心術則天道應二曰重經筵則宗社福三曰開言路則聞見定四曰用賢才則政治美五曰總大綱則庶務舉六曰汰冗兵則財用足上嘉納之徵至中道病卒所著有橫峯樵唱

本朝分省人物考 卷一百十四

雲南

趙彥

趙彥趙州人宣德壬子舉人敘州高縣令仁恕公廉百廢具舉正統十年郡守妬之削籍還鄉後四年芒

部作亂筠珙諸夷皆起從之時都御史招撫諸夷皆曰惟趙縣尹來當即降于是辟彥彥至單騎赴敵諸夷納欵凱還奏功詔復彥職仍治高尋卒于官

張 昂

張昂字德遠永昌人天資清俊嗜學飭行足以表正鄉閭正統初侍郎楊寧舉為子弟師後家日饒裕乃以千金置義田以濟宗族之貧婚葬孀居皆有常給于姪有不善責令改而後已鄉人券貸而負者焚其券焚無依者別置室鞠之教以藝業長則為之婚配凡周貧不欲人知亦不令人感有犯之者終不較有本朝分省人物考卷之十四 雲南 三 司請為鄉飲賓竟不赴尤善於行草人皆珍之所著有鈍菴稿地里撮要藏于家至今子孫之盛人以為積慶所致云

李 純

李純昆明人舉人少時不羈有智略正統間任監察御史巡按遼東時國家有土木之難純曰胡虜以我兵勤王而西必出吾不意不可不防於是選精銳八百騎指屬險要急令防守虜果有二萬騎直趨遼城未至二十里純設伏兩路待虜半入舉火擊之虜首尾斷絕不得相救斬獲無算以功陞左副都御史食

一品祿仍巡撫遼東自是虜莫敢窺遼邊矣後改巡撫榆林大虜壓境純微服潛行賊中盡知其虛實回鎮集將官嚴兵攻虜所不備虜大敗斬二千餘級虜遁去寂無消息邊庭甚賴之卒於官

張 英

張英字時俊昆明人為人長厚與物無忤事母克孝正統戊午發解居胄監時祭酒李時勉以直言獲罪英率諸生詣闕求以身代遂蒙原宥自是譽望日著英即乞歸養居鄉以易教授生徒甲第者多出其門卒年九十有四黔國武僖公以禮葬之

本朝分省人物考卷之十四

雲南 四

蘭 剛

蘭剛字德中騰衝千戶愈之仲子也正統六年隨父報効征麓賊俱有功愈累陞副千戶剛亦當授所鎮撫乃告愈曰吾先祖嘗守禦斯土為正千戶後調會川遺我父子在此幾不立今幸獲功願併之倘得授如祖職顧不可乎愈曰吾豈弗思紹先人但武廕以長我死當汝兄承之置汝何地剛曰為子弟亦惟竭力於父母耳若大人光復先業他日雖歸之兄剛與有榮乃偕白於靖遠王公嘉其孝讓併功於愈為正千戶愈卒長子誠襲剛無難色後膺壽官年八十六

而終

張隆

張隆字伯興建水人正統間由國子生授杭州府知事以廉能被薦歷陞本府知府有濬湖築堤功入覲治行爲天下第一天順間聞母訃奔歸廬於墓側有狐免馴擾之異人以爲孝感云

段子澄

段子澄太和人天順壬午鄉試第一始爲諸生時不納奔女路還遺金及入場屋考官得其試卷屢感異夢知其爲端人遂薦之後除德安府通判以內艱遂不起居鄉秩然盛德雅量未可以一節數也

張璉

張璉字廷璧平夷人成化二年登進士第八年授南京刑部主事歷官員外郎中以明允著名尋陞重慶知府遇事迎刃而解郡中翕然太治丁外艱復補郡治績卓異弘治初元南贛閩廣夷寇爲亂陞江西按察司憲副整飭兵備既至治城池積糧糗練士卒修器械設險隘嚴防禦一道賴以無虞修建諸縣堡城人皆稱便尋以一言不合飄然去任羣盜復起巡撫兩廣都御史鄧廷讚特奏南贛不可一日無璉詔可

本朝分省人物考

卷一百十四

五

雲南 于海

之聞命卽日就道遂築南康城新學校羣盜聞風解散尋以疾辭歸璉剛直不阿論事達大體兩縮郡綬再秉憲節所至以廉能果敢著遇盤錯迎機立斷墨吏斂手歸橐蕭然卒於家

楊一清

楊一清字應寧安寧州人幼讀書過目不忘以奇童薦入翰林 憲廟命內閣選師教之受業於黎文僖淳年十四中順天鄉試時已抗顏爲人師登成化壬辰進士授中書舍人文譽籍甚從遊門下者皆海內名士二十三年擢山西提學僉事力祛宿弊學政肅

本朝分省人物考

卷一百十四

六

雲南

清會丁憂去服闋補陝西提學副使大作士類愈久愈嚴士凜凜守法命郡邑製諸禮樂之器俾諸生肄習諸禮久之絃歌盈於西土凡所首取恒多中式或許以將來科第及冠世名世必卒如所言五十餘年用之未盡當其時雖宗室不能奪生員之婚雖撫按縉紳不能撓課試之權爲國朝提學之最久之召爲太常少卿提督四夷館十四年轉南京太常寺卿壬戌虜火節入寇馬政廢弛乃遷右副都御史督理茶馬疏請擇材任使旌別淑慝官勸政舉宿弊以除又處置牧馬茶馬鹽馬實濟邊用十七年清出荒熟牧

地凡十二萬八千餘頃十八年題准招商自出資本買茶轉運茶司每一千斤給價五十兩卽以茶銀置買馬疋官商兩便事例至今著爲令甲子虜賊大舉邊軍請京軍會勦大司馬劉大夏薦爲陝西巡撫兼經理邊務一清卽上疏具陳邊事劾罷總兵武安侯及兵備不職者數人裁抑鎮守中官支應歲省數千金創城平虜紅古二處以援固原築垣瀕河一帶以捍靖虜虜遂不敢渡河乙丑冬虜數萬入寧夏乘勝直抵固原遠近危疑一清率帳下五十餘人趨會總兵曹雄議方略衆遮道不可參政安惟學曰公行何

本朝分省人物考

卷一百四

七

雲南
陳元

方漢之定襄赫連勃勃所建統萬城也唐築受降城在河套之北正統以後寢失其險旣舍受降而衛東勝又撤東勝而就延綏河套爲虜甌脫巢穴其中冰堅入套東寇宣大西寇寧固厥患無窮乃條上六事悉中機宜丁卯歸休逆瑾柄國逮詔獄賴大學士李文正救免庚午慶藩眞鐸叛起爲總制鐸擒仍晉總制靈州土人苦漢官科虐一清昔時革之旣去尋作至是減科徭十之二禁泛濫接遞以恤人馬閱土漢官兵巡視各邊堡閱舊築邊牆高厚堅完嘆前志未遂有老去寸心猶未死仗誰經略續餘忠之句入城

本朝分省人物考

卷一百四

八

雲南

城堡大小緩急分派運納以舒目前隨將議處儲蓄
 數事馳奏時劉瑾素憾一清不得已起用尋悔之乃
 矯詔令專在寧夏撫馭實陰奪總制之權無何瑾伏
 誅眾但知瑾之誅為永所發不知永受算於一清以
 成之也逾月召為戶部尚書尋加太子少保戶部自
 逆瑾查盤禍作守臣不復儲積故邊儲一空一清行
 各邊巡撫將見在官銀多方召糴公私稍備辛未年
 順天應天山東河南盜起一清上十一事 上嘉納
 之復改入吏部凡瑾所排陷者連茹以起國是復定
 及劉六劉七等聚眾數千充斥近圻要朝廷宥罪廷
 議將從之一清執不可曰中原百姓敢稱兵煽亂罪
 在不赦必易將增兵殄滅乃已 命侍郎陸完提督
 星馳帶勅兵駐江南以備截殺又恐奔通海二州以
 趨山東令勿撤淮鳳兵而賊以就擒寇平加少保甲
 戌乾清宮災上疏其一視朝太遲其二祀郊廟太慢
 其三創梵宇於西內其四調邊兵於禁地其五謂皇
 莊皇店及織造等事言多切直是年命入內閣以時
 事多乖言不盡用乃因災異上疏自劾曰近日紀綱
 縱弛風俗傾頹賞功太濫刑罰失中讒言可以惑
 聖聽匹夫得以搖國是禁庭雜介胃之夫京師無藩

本朝分省人物考 卷一百十四

九

雲南 陳元

翰之託一切弊政大異往年是宜地震天鳴日食星
 變旱乾水溢報無虛月靦顏在位將安用之疏入近
 侍錢寧啣之遂謝政歸後 武宗南征特幸其第宴
 飲賡歌兩晝夜左右有導 上幸浙者一清從容婉
 諫遂不果行嘉靖四年再起總督三邊即以四事上
 疏謂邊儲莫急於開引中鹽邊卒莫先於召募選擇
 將校莫先於訪求器用要害莫先於分兵控制俱蒙
 議行五年以少師兼太子太保吏部尚書武英殿大
 學士再召入閣首陳五事一曰聖學二曰聖政三曰
 聽言四曰宥過五曰和衷 上俱見之施行六月疏
 乞罷差官織造上諭已有旨令安靜行事毋擾地方
 會求直言疏舉賢才收人心 上嘉納之復條陳修
 省事宜曰祭告曰寬恤曰聽言曰用人曰革弊皆切
 修省之實 上以張錦奏遷顯陵之事諭一清對曰
 地道尚靜體魄宜安山陵既定鎮靜已久大事既襄
 體魄已安無故舉遷恐有他虞況 獻皇帝大葬之
 後 陛下自藩邸升為天子不謂之吉壤可乎竟不
 果遷 世廟成 章聖太后欲謁 廟一清奏對以
 為今制無 母后謁 廟之文累朝亦無謁 廟之
 事遂止初張孚敬桂萼二臣恣肆著聞 上亦厭之

本朝分省人物考 卷一百十四

十

雲南

言官多有論列疑一清所授二臣行時卽私謀於霍
韜霍懼有齒寒之勢遂上疏毀一清於朝 上始疑
之遂再疏乞歸霍復諷言官論劾乃奪其官衆謂其
當辨一清曰吾心無媿得失在彼吾何辨哉後卒於
家十二年命復其官贈太保諡文襄

李華

李華字子實成化戊戌進士授密雲知縣太僕寺丞
程蕃知府不赴或勸之華曰吾住京師十八年粗得
一第以慰吾親教子之勤始願畢矣且貴賤榮辱有
如奕棋竟不起布衣絲帶里巷優游不異野老家無
梁肉之奉出無車蓋之華與當路顯貴交未嘗少于
以私卒之日無以爲殮貨其屋以易棺

趙弼

趙弼字廷直太和人成化辛丑進士授邯鄲知縣以
約已推誠爲治及爲太僕寺丞守官惟謹見僚友馳
競則恥之罷官里居與農夫偶耕槃跚泥濘中晏然
自足似未嘗顯者同榜有姚祥爲本道分巡至弼廬
弼時耘田遂棄鋤于田畔見之詞色自如祥問生事
何窺曰差勝諸生時矣道謝而別祥再三欵羨弼女
不得于夫女忽暴死婿恐恐不知所措弼至教婿曰

生死由命其寬厚大都如此

呂禴

呂禴字宜簡昆明人舉人成化間知湖廣隨州嚴明
廉慎七年如一日不苟言笑時旱傷禾禴素衣跣足
躬禱年饑殍集道上盜賊乘機爲害禴發倉賑救盜
息民安自是夜戶不閉道不拾遺居官以節用愛人
爲本文廟祭常以鹿脯奉上官覓鹿遇豪家償價甚
高禴曰神不享非禮況虐民祀神乎以羊易之民間
咸悅初夏民納祗候錢禴曰五穀未登錢必假貸於
人者其如剗肉醫瘡何却之他事率多類此

滕檣

滕檣字秀之永昌人天性穎敏過目成誦舉成化丁
未進士歷官南京戶部主事員外郎中清苦持重督
運會計周悉一無所取未幾以親老乞歸竟不赴任
嘗爲親友勸駕就道忽念及親養輒弛裝不行如是
者再家居淡薄不治產業與人平易可親非慶賀未
常一至公門日以詩文爲事所著有永昌百詠歸田
錄等集藏於家

張志淳

張志淳字進之號南園永昌人成化庚子鄉薦第一

甲辰登進士弘治間授文選主事後為文選郎中循部規采輿論用賢拔滯門無請謁與前文選天台黃元昭齊名正德初擢太常少卿提督四夷館晉南京戶部右侍郎尋致仕功名事業中外著稱晚年著書自娛天性聰哲六藝咸精嘉靖間進階通議大夫十六年詔有司問勞年八十一而卒所著有南園集西銘通南園漫錄永昌二芳記行於世長子含舉人以詩名次子合壬辰進士仕至叅政

張 繹

張繹文宗子字思紹號東崖寧州人弘治丙辰進士

本朝分省人物考卷一百十四

十三

雲南

初知南溪縣事擒劇賊韓積德等置之典刑勘永寧納溪軍民事原情定獄咸服其罪遷四川僉事藍賊之亂多所招降添栢林遞運減巴州解銀官民稱便以貴州兵備副使致政歸家絕跡公府日事簡編所著有東崖錄諸稿

張 敏

張敏字時勉先海鹽人祖從征雲南遂為大理人少負奇有才名舉雲南鄉試屢上南宮不第弘治己未始拜蘭州知州蘭州密邇虜巢虜時剽掠州民苦之敏嚴譏察奸細至趨擒獲斬之自是虜不敢輕入州

氓多家村落城中惟藩邸軍衛人素侵暴百姓輕州官敏乃一切裁以法民始安生屬河漲壞梓橋民以皮囊渡多溺死敏度材鳩工親督役數日橋成民不病涉善聽斷摘人陰伏多曲中遇事敢為嘗劾牧地之久為豪右所據者盡追復之還官遷西安府同知專督儲餉期歲完逋者五十萬而民不怨擢馬湖知府適川蜀盜起鄢藍廖喻諸賊首勢得獗甚自夔蔓延保順諸郡營連十餘里衆號數萬兩川震動總制洪公鍾聞敏雄武有謀略特屬任之敏請以邏兵自當一面曰賊雖凶獷然皆烏合之衆易與耳進遇於

本朝分省人物考卷一百十四

十四

雲南

通門鎮麾衆大呼直前無不一當百賊奔追斬幾盡溪水盡赤自是氣沮喪所向有成鎮巡倚以為重巡撫都御史林公俊上其績鄢既就擒其黨廖陳輩復糾衆為亂每曰洪公謂渠魁已伏誅餘出脅從法宜撫定若一槩兵之恐玉石俱焚非天兵弔伐意然衆莫敢任事乃獨請往遂單騎入賊營賊露刃以俟敏曰吾為活汝來寧畏死也因宣布德意曉以禍福衆感激泣下賊首陳詣軍門聽撫散其黨二萬餘人廖憤陳先受招乘夜劫營將并害敏笑曰吾不怖死但恐大兵具至汝輩無噍類耳賊為之吐舌時准自浙

省來得報，冒鋒刃入賊營，願與敏同死。敏以宗祧事重，趨之出貽書兩司，宜急進兵攻賊。母以予故，遺地方患，又與其家人嘆曰：以死勤事，予之分也。汝第治裝歸，賊尋悟，送敏出營。既出，營偶墜崖，傷足，乞致仕。不許。復起治兵事。既而都御史彭公澤來代洪總制，因問平賊計策。敏謂：賊既撫而叛，非實有降意，特借是以老我師。宜及公初至，亟集兵勦之，可絕後患。彭公竟用其言平賊。

陸經

陸經，慶禦人。弘治壬戌進士，累官南京兵部郎中。賦性耿介，力辭伊王金帛，却土官。陸世爵五百金，貧約終身，卒之日棺殮不具。

李文中

李文中，字宗周，號瀘濱，臨安衛籍。先斯春人。弘治甲子，鄉薦，筮仕大理寺司務。以明允稱，調吏部綜理精詳，部事不可更者，寧忤冢宰，至持正抗法，則斬如也。陞禮部員外，議禮坐杖，僉憲四川，獨整風紀，斷獄不頗。賊寇秦栢，周天星倡亂，奉命撫勦，踰月而平。去蜀，民有崔李，來之謠，歷固原，兵備破虜，克捷，後以年老致仕。

王璟

王璟，建水州人。自幼聰穎，孝友天植。十歲喪父，事母以孝，聞為諸生時，粵人張貴謫戍臨安，鬻妻為回籍之資，相別哭甚。璟過，即以所得廩銀三兩贖之，乃歸。其券時以裴度擬焉。後登進士，授懷寧知縣。實心實政，興善育才，儒林丕振。治水有功，人民永賴。之祀於名宦。正德初，徵拜御史，激揚風紀，時逆瑾擅權，璟抗疏力詆。朝中以真御史目之。按蜀繕兵，番人憎服，改路瞿河行，免水患。蜀中亦祠祀之。致政歸，日與親友為樂。有二疏之風，買祭田以供祀，置義宅以居。族制行，不凡遺風師式。

劉洙

劉洙，字道源，新安所籍。先閩縣人。正德戊辰進士，歷官都給事中。在諫垣十二年，以蹇諤著名。疏武廟遊樂五事，肅廟端治本十事，皆見嘉納。又請改新安所之地，舉十八寨之兵，劾兵備副使王昊之非法。薦臨安知府朱疏之廉能，時議疑之。有奏稿若干卷，藏于家里，居置義田，以贍宗族。施棺藥，以濟貧窮。建家塾，以育子弟。隆慶三年入祠祀之。

雷應龍

應龍字孟升蒙化人正德中進士任御史嘉靖五年督兩淮監課賦性峭直不顧利害其禁私鹽先束官捕之倚法為奸者及議掣鹽深思博訪慎重周密必求官商兩利不輕差官以開弊門會郡邑諸生請禁淫祠即下令毀州縣淫祠無數械治廟祀僧道以左道惑眾養利者悉抵于罰士論稱快後以勤政積憂疽發于背而卒

孫繼曾

孫繼曾字道甫號松山其先浙之錢塘人高祖維賢以太學生言事謫戍雲南右衛遂家焉爾躬冠通書本朝分省人物考卷一百四十七

雲南

史已卯舉于鄉登嘉靖癸未進士出知湖廣澧州因事改國子監助教以經學著歷戶部員外郎中監運使大著冰蘖聲尋擢守衛輝一以公廉惠愛為亟會歲多蝗復大旱竭誠以禱蝗害除大雨隨應民以為神當路特薦調知淮安府亦遵旱禱之又輒應民間每晨焚香尸祝之無何中官奉命織造江南道經淮大作威福抗阻之于是構誣于朝械逮京師賴執政夏公之力獲解調知貴州之黎平宣猷敷德苗亦格心靖州叅將歎曰與其選將董率萬兵守備諸邊莫若選廉吏一人足矣擢湖廣提學副使士以得師

為幸擢山西左叅政分守薊南強藩斂戢嗣陞山西按察使行之日宗藩以其持法銜之相與解其裝惟敝衣履數事而已眾咸嘆服至遷持法益堅兩臺交薦之百姓樂其久任而惟恐其去雖宗藩亦以為請乃擢陝西布政使晉秩提督雁門等關兼巡撫山西右副都御史會有西陲之事持論與總督翁公不合為文數百言誓于神慷慨忠義之氣溢于言表及封事與總督公交上而執政者故先翁而後孫竟被誣下錦衣獄先是陝西侍御楊公爵者以言事在獄中無楮具相與取破碗書壁偕和百餘首命曰破碗集本朝分省人物考卷一百四十八

雲南

唐時英

唐時英字子才號濟軒曲靖人嘉靖己丑進士知平陽縣縣以賦稅不均大為民困為請於當道履畝清丈凡六閱月而一邑之田腴瘠高下盡得其情冊定而兼并侵剋欺漏飛詭之宿弊脫然盡洗縣有陂塘

歲久淤淺乃度田興役貧富均勞蓄有則啓閉有期明年大旱平陽獨稔邑人德之乙未授戶部主事委理通倉時新革中璫出給皆由曹司方日偵何求以中之一年之內秩然有理官軍便之至今守其成法權稅九江俸薪自給蕭然無營取前人語揭之柱曰寬一分民受一分之賜蚤一刻舟行一刻之程其年考課戶曹首最歷員外郎中出守真定府簡易宜民不隨不執庶務全集立加裁決訟無留獄案無滯贖賦去其私徭省其冗在任三年十膺薦剡甲辰晉貴州副使接丁內外憂起補河南叅政遷浙江按察使晉山東布政尋轉左馭歷所至咸有能聲遂拜副都御史巡撫陝西在任三載邊鄙晏然乃疏乞致仕而歸歸則脩清淨之緣飯僧印經像設菴院廣作佛事自甲子以後絕不御酒炙泊然獨處一樓盡屏僕御夜偷兒入樓褰帳見其凝然端坐惶懼叩首諭之曰汝盡取去即吾所施也仍從容指以去路萬曆乙亥春命具棺衾擇葬地爲文祭之有丙三三二十五之語不解所謂明年三月二十二日辟穀不食日但飲水數杯至二十五日侵晨索紙書偈頌之曰人此門多年今果得大受用生死關頭去來無住今日之午

本朝分省人物考

卷之十四

十九

雲南

徐仁

吾當逝矣沐浴更衣禁勿悲泣忽風雨晦冥若有所擁而上升者而端然瞑逝矣享年七十有八

趙愷

趙愷尋甸人性行誠朴爲鄉人所重嘉靖六年鉉賊攻城愷首率衆與賊拒敵力不能支爲賊所執以刀加頸欲協從之愷詒之曰待回率家眷相從賊信釋之愷至家集衆於前泣曰今賊勢猖獗人民殺戮殆盡吾惟有死而已我若死汝等舉火焚屋母致我屍骸暴露可也遂登樓自縊而死家衆亦舉火闔家皆自焚止留幼男景新年甫十三以他出得免知府劉本朝分省人物考

卷之十四

二十

雲南

馮世傑

馮世傑爲諸生剛方有氣節嘉靖六年鉉賊攻城傑携母李氏弟妹匿迎恩橋下爲賊所獲劫奪罄盡母曰婦裸體赤身廉恥喪盡矣不若死之爲安遂投水死傑謂其弟曰患難不能救母苟全性命何以自立於人世弟兄亦投水而死

趙汝濂

趙汝濂字敦夫太和人十五歲浮涪水偶見鄰舟乘

漚旋將覆喚舟子急移已舟救之舟人曰灘旋如此
 往救恐亦不免曰彼生吾亦生彼死吾亦死坐視其
 溺豈人乎卒之兩舟皆濟所活二十餘人父聞之喜
 曰吾有子矣自是益勵問學嘉靖改元壬午中雲貴
 鄉試壬辰成進士選翰林院庶吉士乙未授吏部考
 功司主事歷考功郎應補文選乃白之於冢宰曰頃
 者考察一任積怨已深伺候兩府趨起風旨此豈迂
 拙之所能耶明日詣內閣辭皆曰宜晉四品曰四品
 之例在銓郎則可在其則不可與其為人所忌不若
 為人所忘諸老皆喜一時輿論多之甲辰由尚寶轉
 太常寺少卿轉右通政丁未轉太僕寺卿庚戌轉太
 常寺卿尋轉右副都御史協掌院事辛亥同南京吏
 部考察京官是年自陳奉旨對品調外任歸里二載
 准以右副都御史致仕隆慶改元例進正奉大夫卒
 于家時年七十有五為人簡默平居言呐呐若不出
 口及廷中有大論議蹇蹇不少阿屈聞者悚然為考
 功郎主京考察事人謂曰兩閣下私人須先請問否
 則匪直損官而已艷然曰若此何用考察為哉竟入
 部明日堂上唱名王左都曰御史某某應改調曰此
 數官者未聞其過王曰雖無過然乏風力曰不宜御

史猶宜別官改題可也王默然久之首肯曰是部屬
 魏某端人也本堂周尚書欲黜之力爭不已周怒而
 詈亦詈諸老解曰考功雖無所聞本堂必有所見姑
 從之勿爭遂削其籍堂事即畢部院欲散復申言曰
 今年考察不虧人只虧一魏郎中耳頃之科道拾遺
 奏上獨留之後魏官至兩淮巡撫考察疏名將上時
 冢宰謂曰黜中有某某者內閣之姻黨某某內閣之
 門人某某內閣之愛幸此疏一上恐為衙門累曰郎
 中不自顧惜斯無患矣冢宰又曰趙某者內閣倚信
 決不可黜曰趙某不黜無可黜之官矣竟持疏納奏
 本朝分省人物考 卷一百十四 雲南 三十一

明日旨下果留趙某等三人無他患也後時趙某與
 嚴氏聲勢相倚總制淮浙威震中外相遇于途趙曰
 昔時會殺人今能否應之曰殺人而人不死恨刀不
 銛耳趙怒目而去其于利害之際深沉不撓有如此
 張合

張合字懋觀雲南末昌衛人侍郎志淳之子九歲能
 誦古文十歲能屬文賦詩稍長即善書工畫一時以
 為奇絕年十三時兄含貢如京師合賦萬里別贈之
 右圖左書書兼篆隸分行諸體諸名公見者皆嘉歎
 稱傳焉嘉靖壬午舉鄉試第一往侍郎公鄉舉亦第

一滇中以爲盛事而合年財十六歲耳後十年而舉
壬辰進士授戶部山西司主事尋改兵部職方司癸
巳以母憂去丙申服除改吏部稽勲司久之調考功
司是年復以父憂去甲辰起復考功尋陞稽勲司署
員外郎蓋一官十三年不遷云久之爲當道所忌外
補福建僉事陞貴州叅議轉湖廣副使治行在湖廣
尤著會忌者陰中之竟罷去無何卽卒壽僅四十八
歲

吳懋

吳懋字德懋其先山東寧陽縣人 國初戍大理遂

本朝分省人物考

卷一百一十四

二十三

雲南

爲大理人弱冠能爲古文辭藻思逸發前輩以陸機
日之兼工篆籀行草成都楊升菴修撰謫居相與甚
善嘉靖庚子中鄉薦三試禮部不偶迺就銓除順慶
府通判到任甫一月會蜀中採木檄之董解人謂懋
初任不省茲役皆私爲危之懋曰行止非人所能也
命也遂受檄而行旣而如京師諸同事者多失事繫
獄懋獨得竣事而還以所存銀數百金還官帑上官
異之屬郡缺守檄攝守事凡一切利害應罷行者無
不悉心力而爲之未嘗以攝署自苟又委署雅州廣
安州所至以廉惠稱撫按交薦于朝甲子陞漢州知

州懋曰體力漸衰豈宜久役乃疏謁上官求致其事
弗許會病且革取筆自題其像曰爾貌蒼然爾口吶
然履仁義如坦途付死生于適然佛潭之水湛然月
之光皎然非無非有打破鴻濛混沌天擲筆
而瞑時年五十貧不能歸自撫按藩臬而下皆悼惜
之又遣官護之郡士民執紼十餘里民有昇輦送至
家者

嚴清

嚴清字直甫號寅所雲南後衛人鄉先達光祿施昱
擇婿得清以女歸之嘉靖癸卯舉於鄉明年成進士

本朝分省人物考

卷一百一十四

二十四

雲南

除富順尹能聲大騰以救荒課爲天下最丁母憂再
除邯鄲尋入爲工部屯田司主事歷員外郎郎中督
修外城及 九陵皆斤斤謹出納所省費以巨萬已
工成當叙丁父憂復除兵部車駕坐忤權貴出知保
定府歷陞至四川右布政使隆慶戊辰擢都察院右
僉都御史巡撫貴州尋改四川乃具籍川課之當輸
京者議割二十萬金就近改給陝西軍餉罷郡縣卒
之團操擾民者貢番入邊則爲定限額數額外不得
浮一人他約束一切以惠利爲本而痛持豪家悍吏
以法以是士大夫譽誹常參半候調五年起督鴈門

關不果改貴州入為南大理寺卿尋改北歷刑部吏部右侍郎陞刑部尚書執法不軌權勢時上眷注方殷而以病歸矣歸之日遣使慰勞仍賜馳傳以萬曆庚寅卒于家性檢厲勤於事於趨舍辭受尤廩廩所居官身自與僮僕食糲衣敝蕭然也橐中裝雖圖書琴鶴不敢取諸人蜀王慕之遣使致扇餌微餉不受初拜尚書貧不能具服色束素犀帶以朝或指戲之公釋褐時玳瑁七品帶故在耶笑曰不然夫犀帶不裝金安知非玉吾顧恐難為上耳朝貴相傳以為美談

本朝分省人物考卷一百十四

二十五

雲南

董漢雲

董漢雲字昭仲河陽人進士為節推時郡守與倅皆嚴刑淹禁民咸質成於漢呼為董青天官至僉事家居不以勢籍產不以事干謁入城過里舍輿而徒其謙卑類如此

張西銘

張西銘字希載寧州人幼穎異年十三五經皆成誦博極墳典善詩賦弱冠聯登甲第授江西金谿縣令縣多豪猾召其首者數輩諭禍福許其自新眾皆悔過悉還宿所侵尅縣以大治會郡大饑各縣民競起

本朝分省人物考卷一百十四

二十六

雲南

朱珮

朱珮字鳴朝鶴慶人人生而穎異登嘉靖進士任評事平反冤獄甚多大廷尉以下咸稱其有古良吏風為貴州僉事調停驛傳民用以安計縛元惡不費兵餉為湖廣副使除豪右增隄防楚人至今稱便為廣東參政設墩堙如要害猛寇不敢出沒嶺南盜起邀阻水道不數日乃降陞陝西按察使未任乞休居鄉恂恂若未嘗有官者

趙德宏

趙德宏字有容鶴慶人舉人累官至慶府長史為人

孝友謙恭父遠爲按察知事在京病痢宏爲嘗糞父
卒哀毀骨立旅食無貲假貸營殮徒跣偕傭人肩柩
以歸旣葬廬墓三年嘗有一白犬自來相伴小鳥巢
於桃樹呼卽啄食知府汪標聞而異之親至墓所慰
贈有加巡按御史唐龍奏 聞榜其居曰孝子趙氏
之門歷官所至以清白稱判順慶日郡有疑獄三事
久不能決宏一訊洗其寃者十餘人及知潼川贖鍰
悉令輸粟得粟萬八千石明年蜀大饑死相枕籍獨
潼川得免潼川城圯數十年莫能興宏措置重建基
月而竣民不知勞潼人立祠祀之又當路推委撫麗

本朝分省人物考

卷一百十四

二十七

雲南
李文

江鹽井夷情土舍高鵬者密饋銀八百兩宏力拒之
土人愧服里居囊橐蕭然嘉靖間撫按存問復榜其
門曰孝廉

李元陽

李元陽字仁甫號中溪大理人爲兒時不與羣兒嬉
戲親師友好讀書及弱冠夢異人授錦三丈許逼令
吞之旣寤胸次猶梗塞爲諸生力學稍暇輒登城睇
覽見山海風雲藻思悠然煥發爲文有奇氣決疑義
皆出人意表凡天文兵法諸書過目洞識其要居常
求靜地默坐欲究性命之奧且謂世儒口耳之學未

盡得其旨歸後中雲貴鄉試第二人赴試禮部下第
入國子監順天諸生多從講授每作舉子業求元陽
因其文而導之元陽信筆揮灑一題數首各成理趣
寓邸有高樓日登之默坐至忘食忽一日午坐有悟
自云天理流行之實今乃見之再應試中第十四人
選庶吉士第二名尋以議禮忤權臣出補分宜到任
數日卽赴江西科場事竣聞太孺人訃分宜舊俗凡
縣令丁憂里出布銀縣貳先斂以俟元陽駭曰何以
汗我力却之出示令民自領散歸途至質衣物以爲
費服闋補江陰會鄰縣靖江海寇劫庫官吏遇害賊

本朝分省人物考

卷一百十四

二十八

雲南

猶未散元陽整旅教演水操賊乃遁去操江巡撫潘
公珍以國士待之特薦于朝以地通海當要害乃建
城樓嚴兵衛增所未備兵賴以安巡撫顧公徵逋負
甚嚴各縣死者動以百計按部至常州民莫不疾首
元陽曰逋多不可卒辦且以完報巡撫素相信得免
刑者二百餘人自是一邑心感爭自輸納江南厚俗
獨稱江陰矣去之日流涕遮道者百里餘旣遷戶部
主事與常州唐順之浙屠應垓等聯會賦詩號十才
子時選宮僚大學士夏公招之皆不赴吏部霍公韜
知元陽有賢聲改監察御史及爲言官獨立不阿彈

幼不避權要巡按入閩將出京大學士招飲手出官名納公袖謂宜薦剡也比至廉知其貪贖皆入劾疏所至風靡一省廓清監臨場屋得人最盛初避嫌不自出題試錄則盡出其手識者評為天下第一至今人稱誦之 上議幸承天上疏乞止 上怒欲撻之是夜臺臣悚懼不能寐元陽獨寤睡達旦候命三夜皆如此內外稱為真御史後扈從出京聞大學士所選官僚皆江南富室即于行在疏劾至承天又進皆為中官所匿出補荊州知府久知荆襄之間四百餘里無井無泉暑月徒役擔負每以渴死至即捐俸穿本朝分省人物考卷百四 二十九 雲南 陶文

數十井又作石池以飲馬荆地濱於大江古堤既圯州縣皆為藪澤巡撫顧公璘發庫銀八萬責之司水利者了無成績元陽毅然為之甫基而堤成蓋前此所未有也荆人名其堤與井皆曰李公先是江之南澣有數村約萬餘戶元陽謂村當徙於江中沙洲不爾當為魚鼈人皆以為迂未幾村為水蕩獨洲無恙章聖梓官歸承天闕寺乘勢肆暴所至府守皆被縛例以三千金贖不然推溺水中一日候祭白袂驛寺人鐵彈如雨撫按而下皆奔避元陽獨不移寺人皆吐舌曰奇男子也自出京至此僅見此人遂免縛首

疏藩府不利於長吏者十事藩府自是斂戢嘗試諸生得太岳張公卷評曰此子當為太平宰相列之六百人之首以外艱去任盡荆之人皆垂涕往送三百里內遮拜不絕未幾夏公當國以前郟中之也罷官歸里以來不營生理薄於自奉而厚於施予平生口不言人過雖童稚亦溫然接納其教人曰一誠字何事不辦中年大有所得著心性圖說鄉人有爭及為不善欲質於其間或至中途自相悔罪而返曰爭至訟庭愧見先生升庵楊公嘗與坐終日每出謂人曰見李先生之貌如臨水月令人鄙吝自消聆李先生本朝分省人物考卷百十四 三十 雲南

之語如聞洪鐘令人矇迷頓醒既倡明性學亦時與諸生講授文藝郡之通顯多出其門凡與從游者類能敦世善俗賦詩作文初不經意援筆輒就世以唐白香山宋蘇東坡擬之年八十餘聰明矍鑠每登高陟遠少壯莫能及儀觀秀整望之如神仙然卒之前十日召門人子弟示曰自今數至十日寅時吾當謝世吾嘗以一死生外形骸為念今其時矣至期端坐而逝

戴仁

戴仁太和人舉人由教諭累官鎮遠知府府舊有美

稅四千餘金爲交際之需前守以強半入私橐日增稅額商賈患之仁至則編稅爲三百六十分以備日支羨二千餘盡裁罷亦不暴于當道人或勸之暴曰暴則張已之長形人之短非吾心也述職得循良上考臺省旌其門曰循良進松茂兵備歸里不治第館賓于門設榻于屏自號無懷先生卒之日家無餘財郡守吳晟泣數行下爲之殯殮

楊禧

楊禧舉人任榮經縣教諭上太宗文皇帝書言時政辭激切因繫獄頃之釋繫拜監察御史遷知慶遠雲南慶遠素號難治禧至儉約誠信以臨其民期月而諸夷相率歸之任滿且行民夷遮道留之臺臣上其事復畱三年將行民又畱如初乃以參政品服食俸仍知府事歷十二年晉參政遂乞骸骨歸特進左布政

李資坤

李資坤字伯生號雲巖昆陽人舉人幼以孝友端謹間歷知縣主事員外郎中知府所至如開渠堰復侵田均田賦建城雉平寇亂立關築堤興學置租卓有成績去後士民感其功德一建生祠兩祀名宦焉雲南肅宗朝考廉吏第一居家置義塾不詣公府性剛介

亦合而好古信義言動必以禮老而彌篤積書萬餘卷研誦以終自謂一蠹居士嘉靖三十九年督學使陳善採衆議以風範特異行州立祠祀之

張勉

張旭字希安劍川人舉人授黔州知縣平生清心寡慾居官有膽略縣有巨寇劫掠四出十餘年莫能平勉至纔彌月計擒渠魁一時臺省大吏拊髀歎羨又都臺督責空運甚急屬吏莫能逆民且逃散勉止之曰吾能爲汝達之事上果得減徵民乃安集明年卒于官將屬纊時其妻問曰何以歸襯曰寄葬重慶不雲南然化骨或賣子亦無不可士民立祠以祀之早以經術教鄉人人稱爲龍溪先生云

紀經綸

紀經綸字肫夫號西潭臨安人舉人天資純朴忠信不欺里中稱爲篤行君子居喪三年不入寢室待繼母如生視族人如已平生語言不妄女色不邇鬻婢貌異詰其故婢曰父伍百戶立功貧迫至此遂爲已女厚嫁之人謂有馮商之風舉人馮文奎卒于京以同窻卽傾囊助回人謂不讓麥舟筮仕上蔡有賊黑龍黑虎黑象爲邑大患設策募勇三賊就擒漢召杜

一溝九十里許從古不能通乃胼胝沿源三溝大關
荒蕪恍若南畝人有清時召杜之稱委修襄陽泊岸
計作桃椿築之兩臺有勳勞獨著之薦出納藩襄萬
金秋毫不染會病卒嗣王痛悼不已有存心如青天
白日操守似烈日秋霜之贊所至皆祠祀之

王廷表

王廷表字民望號純菴少時穎敏讀書再過目輒成
誦比屬文學校以奇童稱之弱冠領隆慶庚午鄉薦
登甲戌進士授台州推官行取刑部主事員外郎中
操持甚謹讞議甚正不避勢要陞四川僉事而歸杜
本朝分省人物考 卷一百四 三十一 雲南 許全

楊元

楊元字務本號象山永昌人潛心理學終日靜默須
悟邵子先天數學人有叩者無不驗為諸生卒業太
學而歸遂隱居不仕幅巾深衣甘貧樂道從學者甚
衆兩鎮兵憲重其為人嘗饋遺以濟其貧一無所受
不得已則封識藏之待其去任還之所著有納甲圖
九圭數學聖指南行於世鄉里老少貴賤皆稱象山
先生

張鍾

張鍾字子鳴保山人端重孝友後舉鄉薦任湖廣岳
州府推官正辭別冤聲重一時嘗槌伏巨奸不屈關
宦當道稱之進南京工部都水司主事屢遷營繕司
郎中尋以疾告歸遂決意恬退處家十五年淡泊自
如非慶賀不履公府清風高節雖閭巷能知之及卒
惟圖書數卷付其子士林稱曰西村先生

吳潤

吳潤字時雨騰衝人温恭有度篤志慕古事親以孝
稱應貢不忍遠違其父偕之京授温江訓導過籍省
墓父客死潤扶襯返葬哀號毀瘠服除補上海陞雙
本朝分省人物考 卷一百四 三十四 雲南

流教諭模範端嚴善於啟迪士子久而益慕乃立教
思碑祀於名宦子璋字朝獻少遊學中鄉魁過浙間
學於陽明先生居三年所養益粹署長壽教諭先教
化後文藝士皆興起入名宦陞知東鄉縣縣新割難
治惟以興化善俗為務以內艱回士民不忍釋去居
家恬靜和易可親無謾辭無情容學者稱為執齋先
生

趙禧

趙禧字景福河陽人幼直質力學與李蕃為友情誼
最篤及鄉薦同榜人咸異之上春官不第卒業成均

遷貴州永從知縣有廉惠聲尋以內艱歸服闋再謁京師歎曰祿本爲養而親不逮矣仕復何爲遂白銓曹拂衣歸里清修苦節足不履於公門鄉飲尊爲賓者三十餘年乃卒

楊惠

楊惠和南人寄學雲南府賊祖倡亂軍門方議招降欲遣人持示賊營以散其黨無敢附者惠承委即行竟爲賊祖所害提學道匾其門忠義

王用之

王用之鎮南人以監生任交趾慈廉州知州適交趾

本朝分省人物考

卷一百四

三五

雲南

叛用之執節不屈被殺後同何忠等贈官恤後

符節

符節字性善永昌人平生耿介寡合嘗與丁貞友善貞病篤謂節曰吾兒幼不可托吾有白金八百兩托於汝吾兒長可付則付之否則君之物也節遂密藏於丁宅地中貞卒節後撫其子且教之比其長即完付其金封識宛然隣有婆婦無子迫於饑寡乃自經使人救之日給飲食二十年迨卒治棺葬之所著有坵坂堆詩一卷

補遺

楊士雲

楊士雲字從龍號弘山弘治辛酉薦雲貴鄉試第一登正德丁丑進士選庶吉士改授工科給事中奉詔查盤湖廣糧儲事訖取道省親會丁外艱哀毀骨立輿疾復命往返燕黔不受驛廩服除之後親識勸駕曰太孺人在堂何忍去離又不能奉親于萬里之外遂決意不出太孺人疾歿既禫祥始至京補戶垣見俗尚迥別當途非數候不得見闈人非重賂弗爲通遂以病著籍吏部遣人以督學暨司業報曰疾病餘生非可久于京土者廼上疏乞骸骨既歸探討六籍而於康節皇極甘石星經枕籍勿去各爲詠贊明其所得後以上壽考終焉

楊南金

楊南金字用章雲南鄧川州人弘治十二年進士由泰和知縣選陝西道御史以不附瑾黨罷歸起補江西道御史養病起湖廣僉事陞江西叅議疏請致仕

張素

張素雲南安寧人嘉靖癸未進士授南京戶部主事轉北戶部郎操持嚴正風裁凜然京師謂之部屬風憲補湖廣僉憲兵備茶陵脩舉臺憲一方振肅辨疑

本朝分省人物考

卷一百四

三六

雲南

三十餘事湘潭之民有寒谷春陽之稱洞庭窩賊十八家官兵不敢跡捕多方設計擒殄之盜息民安後累官右副都御史巡撫四川開誠布公恩宣威著定松藩糧賦寬新例加科時銅仁北算陡叛集兵征勦轉輸征調百計區畫捷聞有白金文綺之賜遂乞休致累疏得九年六十有三以疾卒于家

朱光霽

朱光霽字克明號方茅雲南蒙化人癸酉領鄉薦上南官弗利嘉靖壬辰授重慶府通判自奉清約催科撫字犁然當于人心謠誦滿道聲望大起有僉事發

本朝分省人物考

卷一百十四

三七

雲南

銀買簪時視府篆遂持銀入白曰通判自幼但知讀書未學造簪也僉事且怒且慚而寢撫臺善詈人府任以下皆屬鞭笞獨遇之以禮退謂人曰朱通判非常吏也會有獄變人危之捕獲無遺上官相顧稱其能丙申遷知綿州州多勢家私役州民至則悉除之一日有稱尚書府家人徽州夫裁田者曰公田乎私田乎其人曰雖私田舊規也乃揭律令示之其人不悟而索愈固于是呼吏出罪囚使領曰此數百指可為裁田用矣其人曰恐不可曰吾亦以為不可聞者哄然其玩世往往如此三年遷西安府同知時有修

復河套之役百務填委酬應各有攸當益為監司所喜織造貂璫擅作威福吏大小望風跪拜獨挺然不為屈膝其治獄明允多所平反長安人擬之為包孝肅委署華州朝邑蒲城諸邑所至有惠政關中御史楊公爵不輕許可獨致書謝之謂其有益生民久之累乞致仕撫按諸司再三勉留不告而去飄然長往竟歸白下時邸報以陪點僉憲曰即為僉憲官味只如此耳堅不赴時論高之

本朝分省人物考

卷一百十四

三十八

雲南

人物考卷之一百十五目錄

貴州全省

易楚誠

王訓

詹英

張諫

秦頤

申祐

楊瑄

安康

周瑛

易貴

李濬

趙侃

李珉

徐節

孟震

楊禧

本朝分省人物考 卷百五目錄

汪大章

越昇

陳文學

范府

趙遠

沈尚經

侯位

王木

田秋

盛全

華剛

湯嘒

楊振文

顧堅

許奇

趙維垣

李渭

蔣宗魯

敖宗慶

李佑

貴州

劉秉仁

陳珊

孫應鰲

馬廷錫

柳之文

石邦憲

李梅

陳尚象

楊如臯

吳鈺

許鎡

本朝分省人物考 卷百五目錄

二十一

本朝京省人物考卷之一百十五

南直督學御史西浙過庭訓纂

門人蘇松備兵副使南郡熊膏恭閱

男 過銘盤

過銘孟

過銘籃

寧國府學生員嚴弘志全訂正

貴州全省

易楚誠

易楚誠吉水人洪武間父遊貴陽歲久老且病楚誠

本朝分省人物考卷一百十五

貴州

待養不倦父嘗盛夏思冰楚誠泣天致懇已而大雨

電又嘗病瘍醫欲得兔髓和藥楚誠求之野偶有羣

鷹攫一狡免爭食之持歸付醫疾旋瘳有司欲上其

事固辭曰此非吾誠所感偶相遇耳不願以是得名

事遂寢

王訓

王訓貴州衛人博學知兵工詩文年十八上保邊政

要八策 宣廟嘉納之宣德乙卯中鄉試正德間以

都督吳亮薦授儒學訓導教法嚴整文化率與多士

景化郡學制度草創訓與副使李濬極力營建正統

十三年麓川思任發叛尚書王驥總師討之辟訓佐

助十四年苗佬攻圍新添平越等衛尚書侯璉辟訓

贊畫不閱月圍解論功陞教授成化二十三年御史

臺瓜生並蒂有司以聞訓為嘉瓜頌獻之當道屢薦

皆引避不就晚以子貴封武略將軍副千戶卒年八

十有寓菴文集三十卷并孫子註解訓又有讀書臺

在城北二里許白巖山半歸田時所築臺下壘石作

院鑿池雜植花卉有琴案棋枰皆假石為之常與客

遊玩於此以愉適其志焉

詹英

本朝分省人物考卷一百十五

二

貴州

詹英字秀實玉山人成籍於貴正統戊午鄉舉授四

川會川衛訓導時滇有麓川之役會川與滇隣而英

祖居在貴乃兵所從入之孔道也英上疏言邊務十

三事悉行之是時中官王振柄于內王靖遠領東南

兵十五萬轉餉半天下中璫子弟因緣為利英上疏

論靖遠貪功窮兵老師費財海夷金寶盡走京師闕

宦乳童立功西域疏奏 上大異之詔即往叅其軍

英恐事屬掣肘非便自詣闕以不可狀辭公卿聞其

至皆欲識其面或納交或招致為重客或欲薦以臺

職處之會已已之變歸于會川滿考轉雲南河西教

諭雖去蜀猶憂其患疏薦可撫蜀者侍郎張固
上可之蜀賴以安當是之時英以疎遠小臣奮不顧身
言天下事天子聽而用之大臣不沮抑之而又欲
薦之是真可謂不諱之朝矣英所著有止菴集今逸
不存

張諫

張諫字孟弼赤水衛人少有志節脫公伯安于行伍
不憚險遠嘗從劉長史仲珩學於蜀時劉忠愍廷振
奉使至蜀諫日與講論二公甚器之宣德乙卯中雲
南鄉試第二明年至燕卒業忠愍之門正統己未成

本朝分省人物考卷百十五

三

貴州

進士貴州登進士自諫始選授行人未幾丁母憂哀
毀骨立廬墓三年致羣烏芝草之感起服拜御史往
督福建銀課時當寇盜殘毀後民物凋敝餘孽間作
乃親帥土兵撫捕賊遂遠竄父卒復廬墓三年芝再
產墓傍歷官河南副使順天府尹以直言謫守萊州
尋召爲太僕卿卒於官賜葬祭

秦顥

秦顥字士昂宣慰司人正統壬戌進士拜行人遷禮
部員外郎天順初奉使滇粵咨民隱歸疏於朝上
多採納歷官雲南左叅政鐵索箐賊起攻殺武昌馬

龍尋甸顥襲擒之會御史審決有死囚九十人皆執
案不辨忽省堂萬鳥飛集彈揮不散顥疑有寃也詳
鞠之平反者三十九人偕三司巡金齒騰衝舟經潞
江風濤大作舟中悉驚怖顥獨正色賦詩有云若載
賊私並土物任教沉向潞江中頃之風寧舟濟人皆
謂其忠誠所格卒於官

申祐

申祐字天錫婺川縣人常從其父之田道逢虎父入
虎口祐挺身持杖尾擊之虎逸父得免正統辛酉中
雲南鄉試入國學肄業時祭酒李時勉以言事忤

本朝分省人物考卷百十五

四

貴州

旨下獄荷校國學門祐倡六館諸生伏闕申棟且願
代其死上爲之霽威尋登乙丑進士拜四川道御
史立朝忠讜多所補益諸御史聚議祐折衷其論咸
中窾繁衆皆推服出按廬鳳所至輒進諸生講論經
史疑義已巳英廟北狩以御史扈從至土木死之
嘉靖十年郭御史弘化移檄祠焉

楊瑄

楊瑄土人也其先曰忠順者元總管府同知勝國末
大明兵南下忠順詣軍門送款洪武五年以忠順爲
鎮遠州同知傳至瑄瑄州陞鎮遠府通判瑄軀體長

大有膽略正統末苗叛景泰元年兵部尚書靖遠伯王驥同貴州總兵官毛福壽駐劄鎮遠檄瑄部領縣司民兵協同官軍征邛水十四寨苗時苗據紋羅山拒戰瑄以所部兵深入險阻連破敵斬獲甚衆二年重安苗與官軍戰敗退香爐山參贊軍務右副都御史王來督諸軍進討瑄復以所部兵攻破榜嶸等寨陞瑄從五品俸七年平蠻將軍南和伯方英檄瑄部領民兵會同官軍征洪江大小坪諸苗瑄進江頭屢戰斬獲首級甚衆天順七年邛水以南諸苗復叛貴州總兵李安湖廣總兵李震合軍進討瑄攻楠洞坪

本朝分省人物考 卷百十五

五

貴州

有功成化二年茅坪之戰瑄死之茅坪賊巢也時參將吳經會瑄以所部兵會同官軍爲一哨進至江口卒遇賊未及陣戰死事聞贈奉議大夫本府同知仍錄子入監

安康

安康字汝錫思南人總角時讀書青鸞溪常拾腐薪繼畧景泰癸酉中雲南鄉試如京師從太史商素菴遊除南兵部司務歷工部都水郎中督造內用器皿減積料價至七千緡弘治初彗星見應詔陳言大要息輿作裁冗員詰奸慝以彌天變 上納之弘治壬

子出守澂江修政惟謹精誠步禱六月雨雪夷人白熨擁萬衆爲寇郡民苦之康單騎入穴示 朝廷威德夷苗悉平南人祠祀之致政歸裝僅衣衾數事放情林壑絕跡公庭年七十有七卒入思石二鄉賢有青鸞溪集行於世

周瑛

周瑛字廷潤興隆衛人其先自臨川從戎征南留守于茲大父以武功授千戶瑛補衛庠生篤志行學遠從師於蜀之瀘州比再期歸登景泰甲戌進士由刑部郎出知臨安衡州二郡遷行太僕卿廣西右布政使敷歷中外久而引年以歸優游林泉間多吟咏嘗出賃修衛學所著有興龍衛志二卷草亭存稿若干卷

本朝分省人物考 卷百十五

六

貴州

易貴

易貴字天爵宣慰司籍吉水人景泰甲戌進士廷試二甲第二貴幼聰悟出羣長通朗剛正淹貫載籍宦轍所至崇學校恤民隱遇事明而能斷不怵于勢利有古循良風歷官辰州府知府創禮儀治樂器士始知古道歸田杜門校書十餘年卒所著有竹泉文集十五卷詩經直指十五卷

李濟

李濟思南水德司人由歲貢任臨武主簿天順庚辰峒苗以萬衆入寇時濟率衆保舜峰寨以拒之賊環寨而攻者二晝夜蓋寨爲均義故壘也四壁蕪然隱隱見陴堞濟出死力率先壯勇驅石曳柴以助聲靈卒能完師無害寇退樹柵列堡衆若部落然冬十二月苗人再入寇以報舜峯之役而釋憾於濟時已有土堞可依民旣經戰守諸凡攻禦之具亦粗備矣城中煮毒藥膠矢鏃以射人無不立死者圍數日賊中藥死者半竟無所得而去八年又合衆大舉數且二萬計連寇城下者再不克轉攻桂陽城陷之時則知縣陳鏊已至而將衆保城連筭出奇則濟之力也陞山西蔚州同知

趙侃

趙侃字至剛普定衛人景泰庚午雲南鄉試第二天順甲申進士授吏科給事中陞都給事中時政得失軍民利害屢形奏牘有憂恤邊軍疏陳時政八事疏皆經濟急務大臣有不爲公論所愜及朝覲開報不實進退不公者舉彈無所避權倖憚之又陳言禁革宿弊任賢養民彌災禦亂振舉公道悉中時弊上

本朝分省人物考

卷百十五

七

貴州

皆嘉納率見舉行適清理軍職誥命缺右通政冢宰意屬選郎黃孔昭而以侃名陪點上特越次點用輿議駭其有不次之權而侃處之泊然卒於官賜諭祭祀鄉賢子毅馬龍州知州

李珉

李珉字美中衛輝淇縣人祖仲宜洪武間授御史不阿權要謫戍烏撒遂高籍焉成化壬辰珉登進士授寧國知縣寧國官田租重民田多爲勢豪兼併珉損益官民田而稅課以平公私稱便有白兔之瑞辛丑徵拜南道御史巡視上江捕僧寇千餘同巡撫王恕交劾中官王臣等暴橫蘇松再同御史徐鏞交劾中官汪直等羅織縉紳臣傳首江南中外稱快他如余尚書用兵失利中官梁芳等引用妖邪日勤章奏稱名御史乙巳命清戎四川疏奏貴州站舖邊軍槓擡遞送之苦上命站軍月支糧五斗舖軍月支糧三斗舖站之糧自此始尋陞四川僉事子銑中弘治已酉鄉試

徐節

徐節字時中其先壽昌人戍籍貴州衛父資當正統已巳湖貴寇起清平道梗守臣請兵征討御史黃公

鎬聞資有才略辟置左右是年秋七月黃公巡邊至羊場河猝與賊遇將為所掩資奮挺直前厲聲叱曰螻蟻羣孽敢害 朝廷憲臣耶我分死之明年此際當殲爾醜類遂遇害翼日賊見之面如生遂遁去黃公幸免明年秋賊果平適符資臨終語鄉人因名其墓為忠節岡節其仲子也幼習易於御史陳鑑大奇之遺以易義成化壬辰舉進士授河南內鄉知縣治行稱最被徵吏民遮道悲慟衣履為之分裂擢御史三上章數錦衣指揮牛循罪惡屢劾相臣萬安等風裁凜然自太平知府擢雲南叅政連破梁山竹箐米

本朝分省人物考

卷百十五

九

貴州

魯諸寇錄功食正二品俸遷右副都御史巡撫山西以廉正忤劉瑾瑾矯制削秩罷歸瑾誅奉詔復職致仕節居官廉謹不忍擾民在太平荒政全活甚眾又餉二驢于官解鄉人過郡以二驢送出境驛遞皆不與知比老自擬淵明生作挽歌行狀以示其門人汪沐訣別如平時浹旬而逝年八十有六嘉靖元年嘗纂修 武廟實錄有司以其事聞五年賜諭祭所著有蟬噪等集

孟 震

孟震貴州宣慰司人成化庚子鄉舉正德間任雲南

府教授修潔簡默在任九年未嘗妄言笑三日一課諸生令屬文違者輒笞責之諸生於父兄鄉黨稍有違犯無弗知皆恐恐守業不敢嬉遊郡中至今言教規必曰孟師兩典文衡六任教職皆有賢聲士大夫稱六學先生

楊 禧

楊禧字希祥宣慰司人弘治戊午鄉舉性至孝母嬰心疾每一發輒顛往往如不克生禧號泣以隨露禱于神求以身代母卒哀毀骨立杖而後興竭力管喪葬具幾于毀性守服三年如一日甫舉於鄉父已垂

本朝分省人物考

卷百十五

十

貴州

白禴眷戀不忍離左右人強之仕不應終養十餘年父卒始投牒授新寧縣值流賊破殘之餘多方招撫安集士民懷德解組日亡以治裝家居訓子不入公門年八十餘卒子文炳府照磨文煥知縣孫其寧以寧俱府通判之寧府同知玄孫世華舉人人以為孝子之報云

汪大章

汪大章普定衛人弘治己未進士幼稱奇童年二十登第歷官叅政不附逆瑾所經宦處卓有聲績咸祠祀之

越昇

越昇宣慰司人宣德間以經明行修召將授館佐職會四川播州宣慰司求經師以化夷俗遂授昇播州學司訓尋卒于播三世孫英字德充剛方正直無戲言情行從叔宦湖南家口流落英間關盡歸之年已二十八發憤讀書七年以弘治甲子中雲南鄉試任瀘州知州好善嫉惡守正不阿棄官歸行李蕭然家食三十年絕跡公門闢蔬圃于西關門外因號西園日靜坐其中作詩文自娛觀書課子明農蒔卉諸無所嗜好卒年八十一

本朝分省人物考 卷一百一十五

十一

貴州

陳文學

陳文學字宗魯前衛人少事陽明先生弘治丙子鄉舉知耀州三年調簡不果赴杜門養痾一切世故罔預稍閒即開卷苦誦倦則覓紙臨古法帖以自娛賓或至下榻清話論文談詩博奕嘯歌隨意所適至忘晷刻雖齋於治具亦未嘗不歡洽也自耀歸日者言歲將不利乃自作五粟先生誌五粟者其別號也後二十餘年始疾有客問疾談笑慰籍曰別矣善自愛客去危坐而逝所著有陳耀州全集

范府

范府字季修貴州官籍湖廣宜城人正德丁卯鄉舉

授巴縣學諭大賊藍鄆起都御史見素林公召置戎幕一切章奏口授代草撫勦機宜預議未幾丁艱去補遂寧令遂寧東去縣治遠民多不馴府為諭善良剪強梗倡亂者帖然增修石城不費財不妨農而功就緒至今屹然陞雅州知州蘆山縣隣天全招討司先是招討使高文林及其孫高維恩等占據蘆山頻年劫殺朝命討之遊擊將軍曹某與戰不利兵屯雅州大為民害府乃請於當道散之身入招討司與副招討楊世仁約兵夾攻文林夜奔縊死林莽繼恩逃

本朝分省人物考 卷一百一十五

十一

貴州

誘六番作亂府行間設伏卒擒繼恩復為蘆山修城其壯固亦如遂寧陞重慶府同知未幾致仕歸城外二里許有唐山洞與鄉大夫耆彥能詩文者約為溪山詩社久而成集因名唐山倡和卒所著有唐山楚辭樂府詩集藏於家

趙遠

趙遠永寧司人正德庚午鄉舉任叙州府通判署富順天性儉約甘清苦官舍一僕自隨不攜妻子節省財力鼓舞生徒邑人為立遺愛碑歷官桂林同知

沈尚經

沈尚經普安州人正德庚午鄉舉歷官廣州府同知才識明敏聽訟每得隱情而操守清白督學魏校毀淫祠寺觀勢豪多匿田土累至與訟尚經履畝清查均其徭役輿情慝服擢刑部員外郎

侯位

侯位字世卿平溪衛籍平溪故無學位寄學思州府又為思州人正德辛未進士初仕無錫縣歷兵部郎山東叅議南京光祿寺卿遷右副都御史巡撫應天其撫應天也會太夫人夏氏年登百歲乃自陳乞終養吏部侍郎霍韜議曰古者聖帝明王之御天下也

本朝分省人物考

卷百十五

十一

貴州

巡狩至於方岳詢百年者就見之敬老也天下有百年之老太和元氣之徵也古帝王所以申敬也漢文帝三代以後盛德之主不時使人存問長老八十以上以賜米肉九十以上賜絮帛亦所以敬老也老者敬焉所以勸天下之孝也 皇上登極屢頒恩詔凡高年民八十以上俱令郡縣有司給賜米肉布帛有差凡以風天下而敦化基也今都御史侯位母夏氏壽躋百齡尤世希有是皆我國家敦大博厚之氣脉薰蒸衍溢鍾為上壽天下生靈命脉悠久之祥夏氏孕和協瑞產自全楚寔我 皇上龍飛之地又 聖

德造命無疆之祥敬老尚年古今通義都御史侯位自任巡撫凡財賦之稽查百姓之存恤利弊之興革竭力効忠地方甚有賴焉今拘於例難准侍親伏望 皇上勅令本官照舊供職仍行湖廣撫按有司申

敬老之制於夏氏加酒肉粟帛之惠則厚其親其子莫不勸移孝為忠位將感激圖報愈無窮矣 上曰侯位不准侍養夏氏着有司給絹米一時縉紳豔以為榮嘉靖二十五年太夫人百二歲卒位請祭葬廬墓所懸車十餘年杜門寡交即至戚弗與覲家在平溪徙辰州子孫仍居平溪平溪建學實自位始士至

本朝分省人物考

卷百十五

十四

貴州

今德之

王木

王木字子升清平衛人父漳貢入太學授清苑令有惠政時劉瑾奉使至漳以不折節忤瑾廷斥之遂棄官歸行李蕭然木生而好學中正德癸酉鄉試登乙榜授隨州學正撫按交薦召為南湖廣道御史彈劾不避權貴歲壬午大比士近臣主試弗公物議騰沸木糾之勳臣庄戶為民害一繩以法貴戚斂手江南苦魃為祟民無以自振疏出公帑賑濟多所全活海寇董効等倡亂江洋木會兵勦之拜白金文綺之賜

薦大學士楊公一清尚書王公守仁可大任時服其知人出爲雲南僉事整飭迤西兵備精覈羣吏獎廉黜貪而賦性較直初所論列權貴人共排陷之數年不調遂拂衣歸歸而嘯傲山林容與竹素晏如也先世室廬盡讓諸弟暇日課子若孫子學祖歲薦炯登進士府同知煉舉人知縣煥歲薦教諭孫男培墀塾曾孫鍊俱舉人所著有東巡集晴溪詩集奏稿藏於家

田秋

田秋字汝力曾祖永富洪武初遊學思南因家焉正

本朝分省人物考

卷百十五

十五

貴州

德甲戌登進士歷官禮科左給事中劉瑾初誅璫焰猶熾秋奉勅清查御馬等監裁縮至七萬夫食至七萬石查光祿大庖厨力役又裁至二千四百餘夫因陳謹飼秣慎稽考十二事斟酌未盡三事皆塞冗食之孔扼中貴之咽者都御史汪鉉奏壇郊外凡墳墓悉令遷平以擴墳址疏下涕泣載道秋疏略曰都城村落萬塚鱗次懷土重遷夫人常情而經發朽骨尤傷孝子本意欲以致天地之享反以傷天地之和疏入忤旨而澤及枯骨矣思南僻處一隅流移嘯聚曾播蠶吞秋請設兵備貴州往貴士赴試雲南跋涉

甚艱請另立選闈以寬制額疏入從之 肅皇修飭山陵豫建壽宮大臣首進開礦之策極陳其不可者三後試行之都御史党以平解礦石六十斤工部煎銀止十五金而解官王愷稱掘夫百名防軍百名燈油槌鑿廠房餽廩費不下百金是所出浮於所入而礦所地名荆子谷密邇邊牆又易起釁復抗疏乞罷歷陞廣東右布政上疏請告病革草訓子略正衣冠而化所著有西麓奏議若干卷

盛全

盛全普安衛戍卒家貧而孝母恒疾齋戒三載弘治

本朝分省人物考

卷百十五

十六

貴州

已酉三月母病革不能爲藥度勢不可活詣城南龍王廟齋沐秉虔仰天禱焉質明剝腹出其肝剖之死而復蘇持歸與妻和羹以食其母衆聞奔至廟血跡在地壁書盛全爲母四字恐死患及鄉人也有司憫其孝給之醫藥七日而瘡母疾亦瘳正德丁丑卒蕭田林廷弼賦普安盛孝子歌廷弼林見素先生也

華剛

華剛都勻衛人監生正德間以杭州府判陞彌勒知州明察強毅有爲有守十八寨賊首阿勿等聞名喪膽輸納逋稅暮月間法令大行惜以狷介見忌於郡

倅卒于官州父老至今頌之

湯 嘒

湯嘒字伯元貴陽人年十四失恃繼母韓性嚴重諸子弗敢近弟邦鼎皆亡去惟嘒委曲承事卒以孝致其慈正德戊辰王伯安先生謫龍場嘒師事之嘉靖辛巳成進士歷官南戶部郎出守潮州潮劇郡剖決如流至廣濟橋稅開元寺租毫無所滯縉紳請托不少徇瀆之再三則糊刺堂壁以愧絕之由此銜恨刺骨甫三月改鞏昌便道歸省其在任思親有腸斷九迴情獨苦仕逾十載養全貧之句居無何中飛語歸

本朝分省人物考

卷百五

十七

貴州

莫年以詩自娛與陳栗山唱和為多所著有逸老閒錄續錄若干卷嘒性孝友二弟出亡從滇歸獲邦於普城為擇室助貲援例歷官登仕佐郎惟求鼎不得每以為悲卒年八十一子克俊新興州知州孫師頊今為順天府通判師黃祿豐知縣

楊振文

楊振文宣慰司人嘉靖壬午鄉舉守達州政平易不事苛刻歲大旱又多虎賁躬禱神雨隨注一日虎斃者三民德之終臨洮府同知孫秉鉞雲南副使秉鐸同知起瀛舉人

顧 堅

顧堅字天厚其先無錫人戍籍貴州嘉靖壬午舉人由弋陽訓導知樂平縣事樂平素悍頑前令悉敗去堅獨飲怨任謫不滓於賄樂平大治選南道御史改北按甘肅邊境輯寧出為雲南僉事山西左叅議以南人不習水土疏乞休致仕晉人泣送不忍去是時山西御史黃公毗檄二司曰顧少叅見道分明蒞官勤慎作譽髦於振鐸並駕蘇湖敷膏澤於鳴琴齊聲召杜立臺為朝端之鳴鳳分臬則滇南之赤麟山右旬宣萬井沐紫薇之露北窓幽雅角巾踵栗里之風

本朝分省人物考

卷百十五

十八

貴州

豈特知止於功成蓋已先登於道岸某不能繫馬維駒有孤宿志親擊攀轅臥轍益驗去思其見重如此歸年甫艾杜門謝事精於醫理凡疾莫能治者輒投以藥隨手取効活人不可勝數至於陰陽星命百家靡弗精透鄉人有疑咸就正焉應若洪鐘纖黍不爽卒年八十一

許 奇

許奇字文正貴州衛官籍嘉靖辛卯鄉舉授巨津知州巨津夷地故無署奇借寓于滇寇檄交馳道路以次蕩平若太和昆明鄧川趙姚皆褰帷之地大著廉

聲五載憂去復補祿勸州四載遷順慶同知性謹厚
尤大有執持若事關利害持之更急會有巨寇爲民
害者業已就擒廣行賄囑爲解監司欲釋之力陳不
可遂大忤監司又鹽課無徵者院議均攤於糧奇建
白以爲課生於井糧生於田齊民無業於井而使代
鹽是甲疽而乙之困也又大忤直指免官歸以伯子
一德貴封御史一德辛未進士御史副使仲崇德知
縣李裕德府同知

趙維垣

趙維垣字師德永寧衛人嘉靖壬辰進士改庶吉士

本朝分省人物考

卷二百十五

十九

賈

授刑部主事以註誤下獄得釋謫大名維垣長詩歌
善樂府在大名著攻玉集自爲序歷官雲南提學副
憲福建左布政使永寧以芒部之亂迤西守備邵鑑
請設叅將叅將劉鏗建府伐石題名而維垣爲之記
人咸以爲名言著述甚多今多逸惟攻玉集存於家

李渭

李渭字混之思南府人生有異質十五病肺屏居小
樓溽暑散髮箕踞父中憲公富以無不敬飭之卽奉
而書諸牖目攝以資檢束第覺妄念叢起中憲又以
思無邪飭之又奉而書諸牖久之妄念漸除恍惚似

有得於是專求本心未與人接自問曰如何是本心
既與人接又自問曰本心是如何嘉靖甲午舉於鄉
蕭然布素計借以一僕自隨讀孟子伊尹耕莘草則
曰堯舜居民事業自一介不取始交際豈可不謹癸
卯蔣公信視學貴州渭謁之因陳樓上樓下光景蔣
公曰樓上是假樓下與朋友譚笑却真至一介不妄
取蔣公曰此猶然樓上意思在經經然小人哉渭愧
甚以爲學十四五年只成得一個經經小人不覺面
赤背汗淋漓也由華陽知縣和州知州擢高州府同
知至則謁湛甘泉先生於小嶼峒中嘗宿廉州公署

本朝分省人物考

卷二百十五

二十

賈

夢三蛇遶身亟揮杖蛇乃走詰朝合浦吏以美珠進
化州吳川吏以兼金進皆叱拒之笑曰三蛇夢破矣
金珠非寶固吾人蛇蝎哉擢應天治中南戶員外郎
知韶州府先是韶有二源之役崔符之警泰珍涓集
諸寮屬諭之曰夫子告康子不欲二字千古弭盜張
本儻多欲則身爲溝壑竭民膏脂不足以填之百姓
安得不盜弭山中盜易弭心中盜難敢忘自責聞者
悚息入覲過麻城從耿楚侗先生登天臺楚侗示八
語近道之齎載道之器求道之志見道之眼體道之
基任道之力弘道之量達道之才八者闕一不可對

曰涓於八者獨愧見道眼未醒耳鑿必為聖人四字
印而布之海內嘗曰孔子毋心孟子不學不慮程子
不著纖毫人力皆是不安排知母意脉路即日夜千
思萬索亦是母意知無纖毫人力脉路即人一已百
人十已千如此用力實無纖毫人力學是學此不學
慮是慮此不慮知得不學不慮脉路任人只管學只
管慮都是不學不慮擢滇左叅政近溪羅公為屯田
使涓至與之合併精神學益進門人歌青山綠樹詩
因論天理人欲浮雲人間作雨天上常清常明狂風
江中作浪流水不增不減知得常清常明不增不減

本朝分省人物考卷一百十五

子

貴州

五

方是學問以明月青山綠樹為天理只是頻復又曰
無不知愛無不知敬兩個無不知是天地靈竅吾人
通天地民物死生皆是物本體原無間斷學者不可
在起滅上做工夫任他千功萬行終做不成如樹無
根縱日栽培灌溉終成枯槁予昔日工夫亦有起滅
被近溪大喝通身汗浹從出這身汗自是欲罷不能
自言已於此學入白下時覺與官和州時不同登天
臺時又覺與白下時不同與近溪遊月巖又覺與前
不同所著先行錄答問毋意篇合大學中庸易問雜
著詩文統十卷又著家乘十二卷藏於家大儒治規

三卷行於世

蔣宗魯

蔣宗魯字道父普安衛人母羅夢虹飲井而生因號
虹泉嘉靖丁酉雲貴分試遂中式放榜之辰黃龍見
霄漢間其光如電下徹於地巡撫汪公曰此科目之
光聖世之瑞也諸士當有應者明年成進士授濬令
濬故畿輔劇邑徭最難均乃夙戒白城隍神曰審編
民命攸繫魯若私神勿俾還家里老吏書等若私神
勿俾保有妻子遂約法定則盈縮高下一準於田產
有里長趙某者戶本上上誣為上中越數日其妻抱

本朝分省人物考卷一百十五

子

貴州

五

二嬰踵門泣曰妾夫欺公神暴亡之矣夜聞鐵宮聲
請乞如舊保二孩及遺業邑人稱神君焉遷戶部主
事監昌平儲題其座右曰入母重民膏民脂出毋輕
軍衣軍食比守成都朔望誓於神曰貪婪害民天必
譴之忠君愛民天必佑之有利即興有弊即革凡我
僚屬相與勉之是時滇江逆酋那鑑殺侄倡亂誘方
伯綸公樾殺之士卒死者萬計 天子震怒簡魯備
兵臨元至滇喟然曰酋本家難而貽禍於國業已戕
我方面大臣損我威重而復窮於兵禍難卒弭乃悉
解諸軍若無意然者獨遣指揮汪輔以署印往密授

方略卒不遺一矢那鑑自殺餘黨就縛歷河南按察使時伊府肆虐人莫敢指魯首舉其惡竟寘於法而出兩河民於水火滇川土司諸部有阿堂弒主自立患蔓三省晉魯都御史撫滇魯曰是猶那鑑也兵不在多貴謀入入境乃陽掣各調兵而陰以土兵敗賊於野馬川賊氣阻然後以安萬銓正兵臨之設奇置伏於是阿堂授首俘其子阿哲不數月而平魯撫滇持風裁尚大體與分宜忤乃告老所著有治濬款議齊梁監兌錄吳關奏議牧政專宜撫臺疏草并詩文集藏之家

本朝分省人物考 卷百十五

二十五

貴州 李文

敖宗慶

敖宗慶字汝承一字應昌思南府籍少讀書中和山與同社龔仲霄費恒稱三友云三人皆後先登仕籍嘉靖戊戌宗慶成進士授行人久之擢膳部郎分治鐵冶鐵冶役夫殊困楚憐之寒給之衣病療之藥所全活甚多遵化故無井泉軍士酷夏多病渴令多時梨至今賴之草場利入故饒即以充匠役鑄金灼瓦之費而毫無所溜陟蜀憲副備兵松藩松藩僻在西陲廩餉獨倍轉輸者輒乾沒其間爲報藩司得親給便又故事賞番歲計不下數萬緡出自公帑茶椎亦

不下數萬緡以充賞貲粼粼然如寒潭澄江徹底無所滓穢其操介如此晉廣西廉憲會戌卒調備倭其往來桂林間咸虎而戟雞犬靡寧當事輒以盜捕治之曰戌卒未應募先皆羣醜耳旣爲酋長招來之所趨惟利况酋長又半匿其餉而半給之奈何不掠也一旦卒事歸欲責以秋毫無犯難庸詎盡死數百人者不報揭凡三上臺使竟不報乃作而言曰殺人媚人吾不爲也吾寧以一官博數百人爭之益力竟出之癸亥晉副都御史巡撫雲南鐵鎖箐頻年干櫓遠近騷動一一指授石畫卒奏奇功以病眩屢請歸弗

本朝分省人物考 卷百十五

二十五

貴州

予竟以閑住放歸

李佑

李佑字吉甫清平衛人嘉靖丁未進士授南大理評事陞寺正丁巳春三殿災改繕部往董川貴大木深入嵐瘴不辭險阻一時報發獨多而又不似他採木使者侵掠商賈第令有司出納終其役嚼然無滓鉅工攸濟於是名愈崇重遷江西副使備南贛兵事南贛者盜藪也自陽明經略後垂數十年萌蘖滋長歲辛酉殺汪憲副猖狂彌甚佑蒞事決辰卽單車入岑岡三巢譬曉李文彪謝允樟諸劇賊禍福各歛束聽

命立定南縣控制諸巢無幾何廣東賊煽亂廷議請復設撫臣以佑在南贛有大勞遂開府其地當百務湖造無所承襲綜理周密號令嚴明省汰冗費雖羽檄紛馳餽餉絡繹未嘗增歲額外繕兵甲造戰艦修城郭練士卒圖靖奸宄如海賊林道乾山寇張韶南等皆次第殄除所向無不摧克終歲間捷書相繼十餘上受金幣之賜者十有三賜璽書諭勞竟以病歸未幾卒所著有南法寺駁稿六卷撫粵疏草八卷詩文四卷

劉秉仁

本朝分省人物考 卷百十五

二十五

貴州

劉秉仁字子元貴陽人父節齋為國子學錄而平湖陸翁者亦在六館仁隨父遊長安與陸公子吏部尚書光祖皆總角會林祭酒講於堂聞壁後有人聲則仁與光祖在焉召至試題大驚賞謂兩公曰二子並他日公輔器其識之嘉靖丁未成進士補江西德興縣知縣以廉平愷悌稱有反風滅火之異陞工部都水司主事權稅杭州秋毫靡涇會三殿災改營繕郎中調度將作議者謂宜括天下藩司帑金仁以貴州鎮算之役時未底定軍興交馳力疏不可詔貴州獨毋以金進民用少甦大工竣陞光祿少卿歷官右僉

都御史撫治鄖陽疏言鄖陽孤懸萬山地連四省先朝設都御史止用撫治軍民耳目未一趨向靡定大盜窺伺勦撲後期卒至釀成大患甚非除戎器以戒不虞之意願假臣提督給以旗牌俾得專意軍務上報可鄖陽之加提督軍務自秉仁始致仕歸別墅有翔雲閣漣漪亭遊息其中絕意干進撫按文章薦凡二十上竟不召家食二十五年與三弟愉怡疊斑爛起舞稱壽二尊人歲時驩甚已二尊人相繼捐館亦以哭泣踰禮卒

陳珊

本朝分省人物考 卷百十五

二十六

陳珊字鳴仲其先廬陵人附籍銅仁舉嘉靖庚子貴州鄉試第二癸丑成進士授行人以忤分宜故官齟齬不達終交州府同知嘗銘其座右曰士大夫能以居鄉之心居官必無寬民能以居官之心居鄉必無請託人以為名言子揚產吳產周產皆鄉舉揚產舉萬曆甲戌進士黔中父子進士止珊與普安蔣氏清平李氏普定梅氏四家云

孫應鰲

孫應鰲字山甫清平衛人生之日適衛人饋六鯉因以名就塾受業日誦數千言正襟危坐求解大義年

十九以儒士應鄉試督學徐公樾一見大奇之許必
解額放榜果以禮經中第一人癸丑成進士選庶吉
士改戶科給事中出補江西僉事流賊起捍禦有法
一道晏然九江三百人誤坐賊黨一言出之未幾遷
陝西提學副使實意作人身先為範在秦所取士悉
一時名碩遷四川右叅政土酋薛兆乾執叅將賀慶
以叛都御史谷公問計鰲曰叅將與天子孰輕昔
英宗北狩于愍肅公數語國威益振卒返 英廟今
者豈恤一叅將邪谷從其議擒兆乾慶竟免於害隆
慶改元陞僉都御史巡撫鄖陽因境內災疏請勤學

本朝分省人物考

卷百十五

三七

貴山

勵政親賢遠奸等十事 上嘉納之太和提督巨璫
侮憲蠹民乃劾其欺悖悍險貪謬狀 上為斥逐既
懇疏乞骸骨歸萬曆初起撫鄖陽首疏加銜提督
軍務建文死事諸臣人皆諱未敢言鰲推行詔書德
意慷慨言之疏奏留中舉朝目為昌言甲戌入為大
理卿丁丑陞戶部右侍郎改禮部掌國子監祭酒事
在監雅意持風化造人才倣呂公枬遺意以舉人率
多回籍自便以八監卒業為耻不知當其在籍師儒
之訓弗及憲臣之令弗加閭黨矜其資望有司遇之
隆重身靡所檢而易蕩及入官材質已壞莫可如何

矣宜徵天下舉人悉入監 祖宗設太學非舉貢非
勳胄恩廕不入祭酒司業為朝廷作人於內提學為
朝廷作人於外必在內樹風教而後在外振紀綱今
提學所擯斥者盡歸之太學倒置若此則太學母乃
為提學藏垢匿瑕之所為生員不才者之逋逃數與
甚且至愚不肖貨貨一入咸廁其中太學之汙穢極
矣疏上俱著為令丙子八月駕幸太學鰲舉虞書無
教逸欲有邦進講 上嘉納命坐賜茶蓋曠典云以
病予告築學孔精舍於西城之陽起刑部右侍郎尋
陞南工部尚書卒賜祭葬萬曆壬寅賜謚文恭所著
有易談四書近語教秦語錄雍論彙稿續稿春秋節
要律呂分解等集傳於世

本朝分省人物考

卷百十五

三八

貴山

馬廷錫

馬廷錫字朝寵宣慰司人初仕內江令二載即解組
歸師事朗州蔣道林講學於桃岡精舍數年始歸與
孫淮海諸公聚講越山又於漁磯構棲雲亭趺坐其
上餘年有悠然自得之趣嘗著動靜解曰萬卷
之聰明伎葉一塵不染可窺心性本根又著
日抱守初心周旋世務精誠必貫乎金石
予神明必極精極清以至於極定始長覺

長明以至於長存徹頭方了道赤手莫言貧其勵志如此嘉靖三十六年巡按御史金谿王公紹元薦之於朝疏入不報四方士益尊仰之督學萬公士和請入書院為諸生師其所著有漁磯集警愚錄沒祀鄉賢

柳之文

柳之文普安衛人有勇略官至守備嘉靖二十七年銅苗弗靖撫按檄領兵討賊賊卒至眾皆驚潰文仗劍曰彼獨非命何乃畏之必有先逃者斬後賊大至文手刃數賊後無援兵竟亡於陣未幾賊首龍許保本朝分省人考卷百十五 二十九 貴州

石邦憲

石邦憲字希尹清平衛人方在娠庭前有千葉榴結貫甫十歲苗夷迫城憲于階下立壘持標願當一隊識者壯之嘉靖七年襲衛指揮使九年都清守備時四川流賊合思石苗民據江村圍叛會大征命下憲視其巖壁高僅三丈令軍士積草崖下軍中選一少年何全謬充千戶與賊交質給曰招撫全往探賊食盡守者皆婦人即從圍上一躍下大軍鼓譟急攻斬

首百餘級磨子崖圍苗盧阿項等反撫之不服調漢土兵進征春江雨漲憲令軍士編筏徑渡猝至崖下夜防刼營是夜杲至伏兵斬首數十級鎧仗盡棄賊求援于播州諸將皆恐憲曰安萬全楊烈所畏也調水西兵三萬進次烏江聲問烈罪烈奚暇援人復每路分兵迭肄以疲賊時二月沿路桃未花乃集兵犒勞曰吾以鼓催桃花花速開圍即破矣是日午報桃花盡開又令樹旗百步外曰我射中旗竿賊父子俱擒一發果中軍中踊躍乘風舉火焰彌天斬關而登生擒賊父子斬首無算二十九年銅仁劇賊龍許保吳黑苗等據六龍山為穴日專剽掠進攻銅仁等府楊恭將以招撫被擒撫堂以進攻逮繫三省震恐當事者乃議設總制于是張公岳開府沅州憲見督府曰興師十萬日費千金某謂以夷攻夷者便以一日費而撫其順者為腹心以一日費而賞其順者以誅叛不一年而賊可平賊逼銅之南岸憲率兵往援襲破思州陷石阡府憲領兵進勦大破之龍塘追之董苗山斬賊千餘賊勢日蹙於是相厚誓招吳來格等內附已而許保擒黑苗授首數十年賊黨始滅陞

本朝分省人考卷百十五

二十九

貴州

都督府僉事鎮守貴州鵬勦六龍山殘苗悉平遷右都督特進榮祿大夫前後蒙欽賞者十四陞俸級者三廕二子隆慶三年卒賜葬祭贈左都督

李梅

李梅字元年貴州前衛人為諸生累試高等三十年竟不偶會從孫蒙亨舉於鄉遂謝學官曰李氏讀書今有種矣何必乃公杖策偕蒙亨至燕道出桃源蒙亨方就婚令舍令以父行事之掃除外舍舍人暮夜引百金為壽叱去之絕口解其事令廉知之大嘆服伯兄官大寧諭卒梅奔赴迎櫬歸中流舟覆身翼櫬

本朝分省人物考

卷百十五

三十一

貴州

浮水上誓與遺骨俱葬江魚已救至得免若神相之者業師家病疫死喪相尋向舍處避去梅曰死生有命在三之義寧能忽然躬醫藥調護之卒亦無恙以子時華貴封重慶推官沒祀鄉賢萬曆辛丑覃恩贈御史

陳尚象

陳尚象字見義貴州都勻衛籍登萬曆庚辰進士癸未授中書舍人戊子選戶科給事中屢彈白簡卓有風裁給假送母還丁王母喪庚寅復除本科辛卯主考四川陞刑科右壬辰建言忤上旨賜瑛卒于家

楊如臯

楊如臯號師虞貴州銅仁人弱冠登萬曆甲辰進士授玉田縣令調停養馬之法最有方略地方稱便奴酋入貢經其邑需索不貲從中多所斡旋邑民持以無恐選入雲南道御史中立不倚論列悉關大計一時正人君子藉以為重未究所施而卒卒之日僅三十歲耳

吳鋌

吳鋌都勻人幼孤鞠於伯公嘉善初從柯城歸尚未知一時鄉公爾瞻謫勻得鋌卷擊節曰此黔第一士

本朝分省人物考

三十一

貴州

之已督學李公學一馮公時可後先教公士信首鋌萬曆壬午舉鄉試第一鄉公時昂以正字鋌默默領之不吐一語鄉公去勻鋌益下帷自砥礪聖學有圖日課有紀至經手自抄寫勻士多從之遊鋌亦毅然以師道自任夜潛坐常聽鷄鳴讀書聲朗朗徹曉思及父母早切淚沾沾下坐是多病連上春官不偶竟卒貧亡以為殮同年侍御李公時華助之歸

許鎡

許鎡字國器貴州石屏人進士知嘉善蒞任務崇節省訪民疾苦有耆老董申留心世故洞悉江南利弊

畫均徭均平等數事，鉉得而奇之。卜按龐公力請，
從其議。龐卽具奏立條鞭法，著爲令。甲考績至京，拜
御史官終僉事。



張菰川先生手授

述注

雒閩源流錄

裝訂

彙敘堂藏板

雒閩源流錄序



壬戌冬孟子始得登東林
 講堂瞻拜道南諸先賢神
 位若啓若翌如在如承徘徊
 不能去既解維猶舉思
 高望愴然其有失也不踰
 月秋紹張先生不我遐棄
 惠示以手纂雒閩源流錄
 反覆玩味至臘底始卒業
 充然有得不覺喟然歎興

曰嗟乎前代人物之盛萃於斯千古理學之傳辨於斯矣予弱冠卽喜觀雜聞諸書然未定所宗中更爲陸楊陳王諸說所淆亂故歷壯強以至艾耆浸淫老釋沉溺文詞與流俗人無異近始返我彝好專主紫陽寔繇幸獲高子遺書沉潛紬繹復綜考幾亭少墟

涇陽整菴諸先生辨論鑿鑿然別黑白而定一尊因縱觀近儒所輯或正閏義收或真偽相雜名爲表揚理學而大義未明微言孰晰惜也不如其已以故兀兀窮年嘿無著述行與草木同腐環顧門弟子大都以舉業爲重尙未見有尋原反本以先聖絕學析疑

問難推後大傳者此予所以私憂也惟我秋紹先生學有本原接武東林久以明道爲已任蒐輯雖詳而必歸之一辨論甚簡而已極其精論學以踐履爲驗故名節政治與議論俱存論人以篤實爲根故高曠圓通與虛寂並黜誠可爲先儒之集成後學之宗主


矣予尤羨其及門婺源黃氏康謠若思庭友庭直庭獻諸兄弟親師論學尊聞行知恐此書之流傳不廣浸久失真而亟爲梓行以公諸當世且康謠嘗著省過箴庭友亦有立志說豈惟篤信師說抑將身體而力踐之此真程朱門下之所敬而取也予故樂觀厥

成而為之序以告世之從事著述與夫講為師弟子者

時

康熙二十一年壬戌冬杪

葑溪志矩老人彭瓏述於信好齋



維閩源流錄序

孔子曰道之將行也與命也道之將廢也與命也若是乎道有行有廢惟聽乎天而已然儀封人謂天將以夫子為木鐸孟子叙道統以孔子繼堯舜湯文之

維閩源流錄

黃序

後不聞以有德無位為疑朱子集註附載伊川贊明道之詞亦不稍自嫌者何耶愚嘗思之孔孟之道不行於春秋於戰國而見尊於漢然後歷代因之程朱之道亦不用於汴宋於南宋及

理宗始一表章之至故明遂力
崇之後之論治者謂西京盛經
術東京尚節義繇孔孟可也謂
勝國一代人材風俗之美繇程
朱可也蓋廢者道之暫命之變
行者道之常命之正君子所以

雜聞源流錄

黃序

七

屈一日而伸萬世也繇斯以言
凡人君專用聖賢之道用建治
統其道協二帝三王之道其治
成唐虞三代之治即當世臣民
遵之者為正經背之者為邪曲
固不待言而判矣故明之初朝

廷宗程朱以法孔孟馴致太平
乃弘正以還畸人立幟異喙爭
鳴日以掊程擊朱為事宇內一
二正儒非不明距其失而貞不
勝邪雖吾新安人士世守三夫
子之書至是亦盡棄其學從風

雜聞源流錄

黃序

七

而靡載在性牒良可怪嘆既而
小往大來東林起南關中起北
異地同符而吾鄉少原余先生
暨登原汪先生出而應之遂與
顧端文高忠憲馮恭定諸先生
麗澤講習周旋朝野砥柱中流

凡所以破異端似是之非撤後學異同之蔽者務盡其心不遺餘力一時學者得受正學弗迷所往之數君子者實大有功焉顧數君子議論散見於語錄書問皆隨物造端所發明者及一

雜聞源流錄

黃序

五

人一事而止未嘗彙類諸儒為之折衷叙正故其論卒未有定自哲人日遠典籍散亡而諸好異趨新之徒久伏思發相與棄間抵隙陽合陰判以芽禍於其間閱今數十年邪說又作其更

改回護之術矯假牽合之詞且弥工而彌熾也恭遇

聖朝大啟斯文闡明道揆申飭學

宮誦法朱註特錄二程後人世官翰林所以廣風勵寓匡直者視舊加毖上令下從亦已風草

雜聞源流錄

黃序

五

乃上之彛訓雖明在是而下之率由恐不盡然余友錫山張菰川先生怒然憂之於是網羅一代研討十年著雜聞源流錄十七卷其書上稽洪建下訖啟禎別派分門不羗毫髮將以扶王

道正人倫翼聖真解愚惑用意
良至誠今日不可少之書也聲
諧不敏嘗與於紫陽講會獲聆
六色名賢緒論沿閩溯雒略識
原委惜汨沒辭章未有所聞年
來養病斗室輒檢先儒格言以

雜聞源流錄

黃序

未

當良藥會兒曹寓京江從先生
游受讀是錄承命寄余山中一
展玩間舊疑頓豁中心躍如者
久之竊念東林紫陽道義之交
其來有自今先生繼起顧高任
重道遠樹立卓然而吾儕雖庸

駑幸得師資遇鞭策而不克奮
興於學非夫也可不勉乎且吾
聞之雨未至礎先潤是錄行即
邪熄正著而孔孟程朱之道益
大行世益大治天兆之矣書此
以勵子姪併諭同志而正之菰

雜聞源流錄

黃序

七

川先生

皆

康熙歲次壬戌七月既望發江
後學餘庵黃聲諧謹序



雜閩源流錄自序

嗚呼世之儒者逞逞陽儒陰釋以進釋退
儒始而薄程朱繼而卑孔孟繇是道術凌
雜世教日衰然則何以正之亦正之以儒
而已孔孟其儒之始祖乎程朱其儒之大
宗乎是故欲正之以孔孟不若即正之以
程朱欲正之以程朱不若即正之以學程

雜閩源流錄

自序

朱之真儒嘗取宋明儒派合參之宋人之
爭衡程朱者前有王蘇後有張陸皆禪學
也彼安石父子之篡祀由京卞借名競黨
龜山出而一疏斥去公論昭然其蘇學亦
祇行于北而程學盛行於南不以學禁稍
沮朱子因之錄伊雜淵源固易辨也橫浦
稱能正色立朝其得表章以史衛王報舊

知特請於上史敗而聲迹旋湮象山著荆
門軍之政其徒尊之乞易名置祠尙援濂
洛爲重要亦非溢數吾朱子雖嘗三黜乎
歿未幾而賜謚文旋與周張二程並躋文
廡所著諸書亦皆通行而後人爲錄考亭
淵源在宋史旣成道學有傳之後又易辨
也明儒之變派則異是當其初孝陵首正

雜閩源流錄

自序

道揆金華之傳未散紫陽之教增新故台
海挺立大節澠池篤勵躬行河津標復性
之宗泉南啟主一之鑰其揆一也自陳王
倡異而其徒決裂太甚隱恠有述詖邪生
心一時講壇徧地絃誦徹天問之則皆講
新學伐程朱者名爲道席之極盛實當道
席之極亂時則有若餘干蘭谿虛齋二泉

諸先生皆以醇儒守先待後而泰和三辨
王學高陵出甘泉之門不徇其說莊渠旣
焚毀達摩遺跡又按剔慈湖禍根三先生
者尤持論鑿鑿大有匡維然至隆萬間屢
議庶祀先薛繼陳繼王而胡僅得末附竟
如晉楚分軟蔡衛爭長非閩位之奪正乎
旣而東林鼎建職顧高兩夫子並作一提
性善以破無善一主格物以救空知辨析
絲毫庶幾障川東流俾夜復旦乃爲謫籍
孤臣未免聯席倉皇異同回互尋罹璫禍
身隕節完而恩賙之後復以牽連黨議未
湔謗史極於南遷尙爲口實嗟乎生不逢
崇政坐講之儀結垂拱延和三召之契沒
耒膺淳佑從祀之典亦不聞有靖康明詔

雜聞源流錄

自序

五

淳熙正議釐革乎其間吾道窮矣大抵宋
儒之道多阻抑於小人害尙淺故其名先
晦後顯明儒之道先掩蝕於新學害尤深
故其實雖存若亡學者居今日而尙論前
人或聞其名未覩其實或習其言未考其
行苟無記錄何以詳驗本末始終而知其
爲足以砥衰還盛也乎況邪慝流殃設吾
黨不早論定得無有紊亂先型以迷惑後
生者乎此雜聞源流一錄夏之所以不得
已而作也惟是禪學者流不難掃除六經
其見吾錄必有掩耳閉目走匿不欲讀者
否則有倡爲不必分辨之說以調停異徒
者又其甚非病以方人卽詆爲偏黨欲箝
吾口而掣吾筆將若之何雖然吾不敢以

雜聞源流錄

自序

四

此量天下士也斯錄也非吾之私言也一代真儒學程朱以學孔孟者之公言也賢者起而或有取焉則於道術之歸一世教之復興未必無少助安敢逆料其無益而竟置之哉

告

康熙壬戌仲春月吉錫山後學張夏書於

西津書舍



按刻雒閩源流錄題後

雒閩源流錄者吾師菰川張夫子所錄故明諸儒學案也衢僻處山陬愚鈍失學自巳未歲幸樞衣門牆蒙指授經傳義理及為學次序諄諄不倦從此惕然知警猶未得門而入也越三年而吾師出是錄令讀且命按警衢再拜受教既卒讀循環三復撫卷歎曰是錄寔繼伊雒淵源而作吾師之心其即朱子之心矣乎竊聞之孔孟之道至濂雒而復著而伊雒之學至南渡後而漸畸或抨其外或窺其中所謂海內學術之弊只有江西頓悟永康事功二端而中間掩覆推遷更有萬難徵詰者我朱子錄伊雒淵源以正之何其謹嚴也自此以

後黃蔡親承之真魏續肩之迨由宋入元而王何金許遜衍之於是雒閩一燈顯於明初號爲統一迺曾未百載而異學繁興侈然欲悉祧宋儒而直禰孔子卽曾孟亦若在所不屑旣而理窮辭遁則又岐程朱而二之曰朱失程意且岐二程而二之曰伊川戾於明道不及遠甚噫竟判閩於雒雒閩源流錄 題後而絕雒閩于洙泗矣幸而天佑斯文正儒迭起相與大聲疾呼竭力匡救若泮水之橫決賴有隄障不至陸沉顧僞風易滋新說久熾貞邪參互無所折衷加以俗情惑人調停失衡姑息養患沿至今日而聚訟者尙未有定也不有君子爲之疏清剔穢世之學者何由因朱以求程因程朱以上

求孔孟也哉今觀錄中以雒閩爲宗主而標儒宗以示準的次時代以鏡盛衰分支派以定正閩俾後學一覽廓然至于立言之際和而不同辨而有體非心朱子之心者不能爲而語其功宜亦有追配焉者矣蓋吾師隱居抱道嗣席東林得先正顧高諸君子之傳所以有此衢不敏竊謂是錄關係道脉不可不公諸同志爰率諸弟捐橐授之梓比告竣遂不揣卑庸僭題末簡自識其心悅誠服之意若夫儒先閩奧與吾師敘論大義微言闡揚曷罄有諸先生之弁敘在小子何敢贅焉

峇

康熙壬戌季秋月朔發源門人黃昌衢百

頓首書於京江光霽樓



雜園源流錄

題後

四

葉敬堂

凡例二十二則

一朱子伊雜淵源錄為程子作也謝方石氏伊雜淵源續錄為朱子作也及立齋宋氏方山薛氏各著考亭淵源錄取名尤顯切具列考亭友徒而宋儒大備矣厥後少墟馮氏集元儒百人題更名元儒攷畧豈元人於雜源有不盡合者乎今夏僭不自量私纂故明一代諸儒學行梗概遡統程朱故題曰雜園源流錄蓋為程朱後人作也

雜園源流錄

凡例

十

葉敬堂

一採集諸儒自洪武初年起至崇禎末年止間有二二稍遲歲月而以志節終者於篇末特存之其後此賢哲自當別為記載不敢贅入錄中一元儒考畧大書十八人細注八十二人名下標附字今稍變其法俱用大書惟分為三品最上為正宗傳中稱先生得十六人其次為羽翼稱字得四十七人皆頂格書之又其次為儒林亦稱字幾及三百人下一格書之偶有非正宗而關係師友淵源者亦稱先生在儒林既下一格在羽翼則於目錄下不標先生字以別之固無嫌於同辭也

一朱子原錄祇錄見成文字謝氏續錄亦採宋史道學儒林二傳及取行狀語錄合成之馮氏攷畧則每人立一小傳體裁異矣是錄雖皆原本舊文而當羣言淆亂之餘不得不稍施筆削用寓微意亦每人立傳而間附遺事刺語意在象

二錄考畧之長愧未逮也

一錄前有總目表見大凡其每卷之首又各分載目錄以便簡閱

一傳首書姓名傳中或稱字號或稱先生以出自學者之筆不敢僭擬史法也

雜聞源流錄

凡例

十一

纂要堂

一書地書官悉沿舊名不參新制亦論世之法

當然耳

一先後依歷朝時序併畧照科目年分或有以師生授受連書之者不至年世懸絕惟陳王兩家之學恐混列無辨另分江門一卷姚江三卷編次於後

一偶有鄙見或綴于卷端或散見錄中聊抒一得之愚徐俟百世之論安能與時賢聚訟耶極知狂妄僭踰無所逃罪然亦有不得已於斯者矣一駭學自當以躬行爲主顧各家子孫行狀與夫

山人游客乞米之傳諛墓之文所難輕徇今此總以出處去就死生義利人倫大節爲斷及詳考今昔字內公評始入之

一建文末附靖難諸人嘉靖間附議禮諸人暨其時手撰青詞而托於寓諷意與不用道家語者皆盡失儒者本色故悉芟之

一聖賢正終曳杖易箒萬古爲法乃後儒臨歿有術奇作怪類坐化飛昇之跡者非邪妄而何錄傳中一字沾染必屏不錄

雜聞源流錄

凡例

十一

纂要堂

一正宗十六先生朝野久有公論擬進庶位所宜詳慎訂正敬軒整庵兩先生傳既折衷高子遺書餘皆讀全集參諸錄詮次爲編而正學月川敬齋涇野涇陽景逸六先生尤私心宗法易稿至數番始定雖淺薄不足測海窺天而傳中具有步驟曲折亦其同志者之細讀有所證入也一傳文寧隱過無掩善如於許存仁不書以象牙飾牀語於朱楓林不書不辨宮徵事爲賢者諱也如何粹夫而數永嘉十三愆鄭環浦與華亭力爭姚江從祀文獻錄皆不著仍檢志傳補之表其大也此類不能悉數觀者參按他書自見

至若呂新吾之刻閨範本無邪心史玉池之救臺臣非為中立惟書其寔以俟公論倘繩以前時門戶之說吾寧受過矣

一孔門文學子游子夏皆聞道者也故明文人若李何若七子則有文無學李崆峒既負濠累後見莊渠自悔不學年已老矣王鳳洲居喪執禮三年後始茹葷御室十年後始具衣冠與燕會居無姬侍家無優樂嘗請釐文廟配享綽有儒風而自言讀書萬卷未嘗從六經人以講學者為可耻終未化雒蜀之見王守溪中年作明理

雜聞源流錄

九例

四

藝教堂

克已二箴晚益純明著性氣辨上講學親政二篇而躬歷相位不能任道歸震川與聞莊渠之緒觀所為浙東儒派策問未及討究真源特文人之出色者耳他如郝京山定九經瞿慕川論中庸併撰述諸書二子皆竄名儒林然余聞京山自垣中謫令江陰頗失廉譽慕川又始終依托權門言有枝葉何足道乎下此艾東鄉立言正而有遺行張西銘著書博而落塵網去道逾遠是錄所採文學之儒前惟潛溪華川後惟西原后渠稚川五家而已

一從來人品自人品學術自學術如近世北直趙忠毅楚中楊忠烈吾鄉繆文貞李忠毅諸君子氣節甚高嘗往來東林而或邊幅不修或儒墨未辨列在忠臣傳自覺生色入之儒林中得無反見病乎不寧惟是武塘魏忠節親遊高子之門當赴逮時著有高橋別語猶闕而不書他可推矣雖然有品者未必皆有學而無品者其學必非真故愚為是錄遇學醇品正與品正學偏者並錄之而微辨之遇言學可聽而人品有玷者竟削去不敢寬假為之出脫其學品俱瑕者

雜聞源流錄

九例

五

藝教堂

又無論焉
一陳莊王湛品正學偏君子為吾道辨之則是小人以私意毀之則非當時秉鈞軸而惡陳莊爰欲罪王文成者皆儼然自命為大儒而忌賢害正不自知其墮入下流況平日出處卑污議論詭僻躬負種種悖戾又可使薰蕕同器乎是錄雖力辨陳王而陳王在所必存雖節取正論而丘氏張桂槩不之錄此稟孔門家法非敢意為進退也
一諸儒有合傳者有附傳者俱於目錄之下注明

姓氏或門人子弟一節附見者則畧而弗注
一陳學近正不妨寬收王學泛濫已極謹擇而書
之尙嫌其合少離多從別論可也有能救正陳
王不悖程朱者亦進諸羽翼之列僅得八人說
見卷中

一是錄始於壬子春成于辛酉冬初承同邑彙旃
高先生出示所著三楚文獻錄得採十之一繼
承休寧啟我汪先生寄示明儒通考目錄四卷
得採十之二蒙益良多而亦不敢蹈勦襲雷同
之弊非立異也爲書體裁各有攸宜也

雜聞源流錄

卷九

七

藝教堂

一朱子嘗爲周程張邵司馬六君子贊及錄伊雒
淵源獨遺涑水是嚴於辨學處然後來遞進六
子於文廡竟以六贊爲據矣至謝氏續錄後敘
中倦倦於杜清獻車玉峰兩公而遺魏鶴山馮
氏攷畧亦遺汪文烈潘陽節先正當有主見後
生未敢遽議今以夏之寡陋掛漏宜多年來頗
事按輯固有向擅儒名及購讀本傳無關問學
如某某者至如朱以功馮忠齋龔端恪劉文正
諸先生曾窺語錄著述一斑知其所學合正而
朱馮龔誌傳無考記文正事者多異辭亦遂闕

疑誠是錄之憾也況當老成半謝離索成愆中
間出入品第有未及商改者補遺訂誤統以俟
當世大君子倘能早賜是正幸莫大焉
一傳未附載今昔名家評論以資發明或舉姓名
或稱字號或標書目皆隨筆屬詞有一人而前
後殊稱者初不以是寓軒輊觀者諒之
康熙壬戌孟陬十二日錫山後學張夏謹識於川
上之樹人堂

雜聞源流錄

卷九

七

藝教堂



閩源流錄總目 正宗孔翼各注二字
餘皆儒林不及詳注

卷之一

錢唐翼 許存仁翼 葉儀何器附 范祖幹正身附

唐懷德 胡翰 陶安翼 陳遇

朱升子高附 汪克寬 趙汭翼 汪仲魯

宋濂翼 曾魯 孫大雅 王禕翼

卷之二

吳海翼 劉宗道 余應 梁竦翼

陳謨翼 張九韶 張存 解開

何英 郭楨翼 桂彥良翼 范準

閩源流錄

總目

藝文堂

李仕魯 謝應芳 華宗華 傅淳

朱右 方克勤 趙謙 金固

方孝孺正宗 王叔英 周是修 卓敬

程本立 胡子昭 林嘉猷鄭智合傳 俞貞木

卷之三

曹端正宗
李德附 郭睿 倪峻 李時勉

陳敬宗 楊鼎 尤文翼 吳訥

彭勛 薛瑄正宗 閻禹錫 張鼎

喬縉 李杲 衛述楊登附 張傑

劉誠

卷之四

段堅翼 王鴻儒景龍附 周蕙 薛敬之

王爵 李錦景人 劉觀翼 夏寅

何喬新 吳與弼翼 鄭伉 謝復

婁諒 任泰 陳真晟正宗 彭韶

李宗枳 楊守陳翼 楊守陟

卷之五

胡居仁正宗 余祐 夏尙樸 陳選翼

張元禎翼 姚文灝 張銳 羅僑

謝鐸翼 羅倫翼 劉彬 何屋

閩源流錄

總目

藝文堂

史英 吾學 王啟 周瑛翼

丁璣 周孟中 鄒智景附 陳騏

宋端儀

卷之六

章懋正宗 程昌 黃傳 應璋

董遵 陸震 凌瀚 章拯

黃仲昭 張吉翼 李汰 邵珪

王雲鳳翼 蔡清正宗 陳琛林密林希
元附 邵寶正宗

楊廉 談縉 張綬 陳鳳梧

邵清 劉玉 楊文

卷之七

羅欽順正宗 王承裕 汪循 徐問

汪禔 張邦奇 胡鐸翼 馬卿

樊淡 魏技正宗 王敬臣 金洲

韓邦奇翼 韓邦靖 張岳 沈霽

卷之八

呂柟正宗 崔銑 馬理 舒芬

祁勅 薛蕙 王思 鄭佐

劉瑞 何瑋翼 華金 李錦翼

周滿 呂潛 郭郭翼 王材翼

雜聞源流錄

總目

三

葉敬堂

卷之九

金貢亨翼 朱裳 張芝 寇天敘

曹淡 李中 撤大經 吳稷

呂賢 毛憲 胡明庶翼 楊爵翼

楊繼盛翼 柯維祺翼 葉菱 高幾

薛應旂 王燁 吳汝憲翼 陳建

卷之十

鄭世威翼 吳文光 張基 周思兼

萬思謙 陰秉衡 謝憲 王樵翼

李經綸唐音 王之士 章潢

鄧元錫 束桓 朱鴻謨 范沫

呂坤 余啟元 徐三重

卷之十一

顧憲成正宗 顧允成 馮子成 錢一本正宗

陳幼學 于孔兼翼 史孟麟 王述古

薛敷教 孫纘宗 陸禹定 劉元珍

張納陞 馮應京何棟如華 安希范許世和合 程汝繼

吳從周 吳正志 張維機

卷之十二

高攀龍正宗 馮從吾正宗 葉茂才 張夢時

雜聞源流錄

總目

四

葉敬堂

余懋衡翼 汪應蛟 堵維常 詹時明

曹于汴 吳桂森翼 鄒期楨翼 陳仁錫

孫承宗翼 秦爾載 江旭奇 張雲鸞

李呈芬 朱蘊奇張本德附

卷之十三

金鉉正宗 洪德常 張采 朱之馮

馬世奇 俞汝楫 江世育 黃廣

江彥明 李奇玉 宿夢鯉秦重泰附 丁明俊

陳龍正翼 卞子靜 黃淳耀夏臺校附 陶琰

華允誠翼 吳鍾巒

右一卷至十三卷正宗十六人羽翼三十九人儒林一百九十二人併合傳附傳共二百五十餘人

卷之十四 江門

陳獻章翼 莊 景翼 賀 欽翼 陳茂烈翼

李承箕翼 陳 庸 張 詡 林 光

李孔修 謝 佑 何廷矩 湛若水

區 越 梁 儲 丁 積 朱伯驥

馮 裕 方重杰 何維栢 霍 任

唐伯元 劉秉鑑 洪 垣 方 璣

謝 顯 潘子嘉 汪尙寧 鄭 燭

雜園源流錄 總目

林挺春 郭 棐 鍾景春 蔡 鏞

顧應祥 韋商臣 唐 樞 許孚遠

王 愛

卷之十五 姚江一

王守仁 鄒守益翼 季 本 徐 愛

魏良弼附 陸 澄 王 潼 徐 樾

唐愈賢 歐陽德 穆孔暉 南大吉附

王 道 路 迎 馮 恩 歐陽瑜

劉 陽 劉 魁 周 衝 梁 焯

蔣 信 劉文敏 劉邦采 黃弘綱

何廷仁 朱得之

卷之十六 姚江二

羅洪先翼 胡 瀚 劉 淵 尤時熙翼

薛 甲 張 燦 游震得翼 余世儒

周 怡 張 緒 來知德 孫應鰲

余時英 萬 吉 王漸遠 殷士望

詹一麟 查 鐸 胡大賓 劉 週

卷之十七 姚江三

李 材余宗海附 朱英猷 賀時泰 辛 全

張後覺王叔等附 孟 秋 張元汴 孟化鯉翼

雜園源流錄 總目

劉元卿 李天植 鄒元標 方大鎮

孫慎行 施弘猷 蕭自麓附 笄繼良

呂維祺 蔡懋德 劉宗周 黃道周

右十四卷至十七卷正宗缺羽翼八人儒林九十

五人併合傳附傳共一百一十餘人通前總計正

宗十六人羽翼四十七人儒林二百八十七人共

三百五十二傳三百六十餘人

卷之十八 補編一

朱善 孔克表 王沂 許繼

程通 黃寬 林雍 胡九韶

車泰 饒烈 趙復 張廷芳

金道寓 金道器 趙珪 吳宗周

潘府 劉閔 王廷相 黃鞏

徐灝 張璿 李楷 何唐

冀鍊 嚴紘 蔡元偉 陳交

王宗聖 宋効周 楊應詔

卷之十九 補編二

雜聞源流錄

總目

七

彙纂

楊道會 許象先 王獻蓋 鄭守道

沈亨 倪復 張洪 吳中立

方學漸 鄒觀光 蘇濟 吳瑞登

陳朝棟 劉覲文 洪猷 王任重

薛敷政 王永圖 余玉節 卓樽

汪康謠 子鼎和附 熊祚延 劉理順 李邦華

郭正中 戴思孝 儲漣

右補編儒林二卷共計五十八人通前共計十九

卷四百十餘傳四百二十餘人

雜聞源流錄卷一

無錫張夏纂 門人婺源黃昌德校

自孔子而上道統在上若舜臯虞歌湯尹一德文
有望散武有旦奭君若臣任之而其下不與焉自
孔子而下道統在下若思孟迭傳以訖濂繼關閩
師若弟任之而其上不與焉彼漢唐宋元諸君大
率以詐力取天下以法術守之其所學不出黃老
申韓及文章技藝之末而已惟故明太祖之興也
天縱聖神重關區夏方舉兵擾攘中即孜孜訪求
真儒延見請益每有宣諭必暗合詩書迥出腐生
章句之表既登大寶詔天下有能傳朱學者所在
有司以聞於是立國則以仁義為本治世則以教
化為先凡議禮制度考文之事莫不本身徵民準
今酌古與諸儒從容面議詳求至善既定而後籍
之孰謂堯舜禹湯文武之統逾越二三十年不復
見於上乎此誠帝而儒者第帝紀列傳不同裁茲
錄不敢遽述學者別考之前史本紀可矣嗟乎人
所疑於高廟者謂其剛明有餘喜怒不測晚年偏
任名法殺戮過多似亦未免褻霸耳以管見竊言
之如得許存仁而歎相見何晚夢卜之遺風也聘

陳遇而稱中行先生莘渭之盛舉也聽陶安李習而定鼎金陵夏后之鼓鐘磬鐸也引宋濂王禕等問對殿廷虞廷之都兪吁咈也定取士制而主四書五經尼山之贊修刪定而即周禮之三物實與也設教民榜而申大誥六言放勳之勞來匡真而亦木鐸之誨人不倦也諸如尊崇孔廟頒行朱註感錢唐諫而仍祀孟子從楊砥請而罷祀楊雄等純乎其為王道以用人則惟已以改過則不吝所以當其時大正學術蔚起儒風晚識方正學於少壯更拔諸囚伍中許為莊士俾輔後人卒捐十族

維爾源流錄

卷十

二

葉敬堂

峻士君子義利之防培三百年綱常之氣後來北狩南巡議大禮諍國本遇一事變必有死臣為國生色皆方先生導之也而孰非太祖之所貽也哉當天啓時關中馮從吾氏嘗疏稱本朝以理學開國良為確論夏草野書生固不辨菽麥輒敢表而揭之以附於飲水思源之義今錄洪武建文兩朝儒者得四十餘人分為二卷雖隱見不同大抵生本元餘遠續宋派為明祖作養而出者也其承傳脉絡自具各傳中觀者詳焉

錢唐

許存仁

葉儀

何壽朋附

范祖幹

黃立附

唐懷德 胡翰 陶安 陳遇
朱升 子百附 汪克寬 趙汭 汪仲魯
宋濂 曾魯 孫大雅 王禕 子禕附
錢唐字惟明浙江象山人博學敦行才氣尤高元末隱山谷明太祖登極惟明年將六十應詔赴京敷陳王道裁正禮樂超拜刑部尚書召講書經三典三謨陞立而對有糾其草野不知君臣禮者惟明正色曰以古聖言之言陳於陛下不跪不為倨嘗諫宮中不宜揭武后圖忤旨待罪午門外至日晏上悟命賜飯立撤其圖上將以孔子釋奠止令行於曲阜京師天不必通祀惟明

維爾源流錄

卷十

三

葉敬堂

上疏諫曰孔子百王宗師先儒謂仲尼以萬世為師故天下祀孔子如祝聖壽報本之禮不可廢也今遂並洪武三年上讀孟子至土芥寇讐之說大不然之議欲去其配享詔敢諫者罪以不敬且命金吾射之廷臣莫能發一言惟明獨抗疏入諫輿觀自隨袒胸當箭曰臣得為孟軻死死有餘榮上見其誠懇立命太醫院療其箭瘡越明年上詔曰我聽得孟子辨異端闢邪說發明先聖之道今後依還祭祀於是孟子配享得不廢由惟明死諫之力也厥後上更命儒臣修孟子節文惟明以耳聾乞歸尋謫壽州卒惟明為人秉心如丹故諫諍骨

矢石不懼閑衛吾道功存孔孟蓋千年來一人而已

漢之梅福首請封孔子之後而成帝從之歷代因之說者尚推其功以為當備享文廟今觀惟明先生于雷震觸金矢以死諫全孟祀無論明廷當日未見其辭自漢末以來諸儒尊師衛道多不恤禍患未有以身殉之若是勇且誠者也蓋其尊孟子即所以尊孔子况嘗上疏請天下通祀先聖及立講二典三讓正大之識高明之氣事事不可及耶此固孟門之季路而昌黎之同心也論明儒從祀者必當首列之矣

許存仁名元以字行浙江金華人大父謙學於仁山金氏得朱子之傳世所稱白雲先生者也元末明祖初起幸金華訪求其後召存仁未至而乘輿已還乃驛赴金陵一見輿語大悅曰何相見之晚也拜京學教授仍命入傅皇太子及諸王歲乙巳九月始置國子學命為博

雅閣源流錄 卷一 許存仁 四 彙敘堂

士丙午五月上發濠梁省陵墓命從行八月奉命進講經史極陳洪範休徵咎徵之應上悅吳元年四月上至白虎殿見諸子有讀孟子者問曰孟子何言為要對曰勸國君以行王道施仁政省刑罰薄稅斂乃其要也多十月定國子學官制即擢為祭酒最見禮遇出入兩宮且垂十年自稽古禮文之事至於人才進退時政張弛無不預議及設立教國子條例數十事皆見施行會存仁嘗以學宮什器用諸私室言官以移用官物坐之章入上覽之笑而已既而浙江僉事程孔昭誣劾其過失乃詔勿治安置韶州後遇赦還尋卒其在韶即張文獻

公祠以居好事者繪為南華謫居圖傳玩之存仁恪守家教一宗朱氏非五經四書不讀非濂洛關閩之學不講遭遇高廟特簡為一朝國子祭酒稱首天下士翕然向風說者謂明初學脈之正實原於此

葉儀字景翰浙江金華人元末受學於許白雲先生先生語以學者必以五經為本以開明心術變化氣質為先景翰朝夕惕勵研究與旨久之授徒講學爭趨焉其語學者曰聖賢言行盡於六經四書其微詞與義則近世先儒之說備矣由其言以求其心涵泳從容久自得之不可先立己意而妄有是非也王

雅閣源流錄 卷一 葉儀 五 彙敘堂

師下金華名為五經師辭疾不就隱居養親以終其身邑人吳沉稱其理明識精一介不苟安貧樂道死而不變所著書曰南陽襟稿門人何壽朋字德齡蘭谿人洪武初舉孝廉以二親俱老辭父沒舍所居室易地以葬居恒窮理守道不妄干人晚自號歸全學者稱歸全先生

范祖幹字景先浙江金華人元末受業白雲先生之門悉得其旨趣其學以誠意為主而嚴之以慎獨篤之以固執引誘學者惓惓真切惟恐其不入於善四方士大夫嘗問安否以下斯文興喪戊戌太祖親帥

師下發景先與葉儀同以大學進尋辟為諮議以親老辭時李文忠鎮嚴郡特加敬禮恒稱師而不字郡守王宗顯廉其孝行立純孝坊以表之學者因稱為純孝先生所著有羣經指要讀書記大學中庸發微栢軒集藏于家門人汪與立字師道蘭谿人修德立行與同邑何壽朋齊名而文學過之嘗謂學者當視古人為不足毋視今人為有餘人以為名言隱居教授不求聞達優游林泉以壽終

唐懷德字思誠浙江金華人性敏好學於六經百家之言無不研究受業於許文懿公而以濂洛為宗粹

雜聞源流錄 卷十一 濂洛 六 彙錄堂

然一出於正元廉訪副使暢篤聘講淮陰聞者傾服武威余闕持節海右特禮下之或請闕書楊雄九州箴未知所出思誠即援筆寫之不遺一字嘗與宋廉宿錢塘辯諸子是非凡九十餘種歷誦其文以對隨叩立應濂推其博思誠曰徒博陸澄之書厨耳吾則藉之以窮理而施諸事也明興用部使者薦除金華縣教諭轉衢州學錄卒所著有破萬總錄六經問答鈞玄集書學指南存齋稿共百餘卷行於世胡翰字仲中浙江金華人自幼聰睿嘗道拾遺鑑坐候其人還之父奇之益督以學因登許文懿公之門

以所著文質諸黃潛柳貫二公皆稱許不容口或勸之仕輒辭過廣川弔董生調曲阜拜孔子墓而歸當世名公多所交接若武威余闕宣城貢師泰尤稱知已元季兵起避地南華山中著書自樂明初應聘至金陵即為鄉里奏罷籍田出兵之令全救甚多除衢州教授洪武乙酉奉詔纂修元史賜金幣以歸所著有春秋集義胡仲子集長山先生集行於世

陶安字主敬南直當塗人幼穎敏有大志通判馬昂奏令賦喜雨詩立就奇之肆力問學博極羣書得程氏讀書日程及呂舍人學規益究心濂洛沉潛道藝元至正

雜聞源流錄 卷十一 濂洛 七 彙錄堂

甲申舉江浙鄉薦為明道書院山長再調高節書院講明朱陸異同已而避亂家居乙未太祖統兵渡江至太平府主敬從其師李習率父老出城迎謁見上狀貌驚謂習等曰主上龍姿鳳質非常人也我輩今有主矣因說上曰今四海鼎沸豪傑並爭悉多攻城屠邑志在子女玉帛爾非有撥亂救民安天下之心明公率眾渡江神武不殺人心悅服以此順天人行弔伐天下不足平也上曰善吾欲取金陵何如對曰金陵古帝王都龍蟠虎踞限以長江據其形勢出臨四方何向不克上大悅雷泰幕府未幾命為都事丙申從克金陵遷左司郎中

贊機務已亥上得劉宋章葉四臣因問四臣者何如對曰臣謀略不如基學問不如濂治民之才不如溢琛上多其善讓辛丑知黃州寬賦省徭招來流民庶悅服改桐城令甲辰移知饒州賜詩以行時征伐用急獨善諭民樂輸軍興不乏乙巳信州賊來攻城主敬與千戶宋炳率吏民分城拒守選卒為遊兵晝夜巡捍身登城諭賊欲因以招撫之會援兵至賊大敗遁去諸將怒請盡屠從賊者主敬曰民為賊脅奈何殺之繇是民皆得全及去饒饒人思德建生祠尸祝之吳元年初置翰林院召為學士知制誥兼修國史尋定律令命為議律官

雜聞源流錄 卷十一 八 彙徵堂

洪武元年前代與臣論前代與臣事主敬進曰喪亂之原繇於驕佚上深納之嘗賜門帖云國朝謀略無雙士翰苑文章第一家時召四方宿儒集議禮制屬為總裁大配禮需用其議禘禘禮定於詹同齋戒禮朱升五祀禮崔亮朝會禮劉基祝祭禮魏觀軍禮陶凱而主敬皆參決焉又奏社壇創屋非宜若祭而遇雨當於齋宮望祭又言古者天子五冕用各不同上是之御史有言其隱過者上以為誣立黜御史是年出為江西行省參政上諭之曰江西上游都會擇卿撫治比蒞任寬仁達吏事政績彌著四年卒年五十七疾劇猶草上時

務十二事上憫其忠遣使祭於其家贈姑孰郡公上嘗與儒臣論學術主敬進曰道之不明邪說害之也上曰邪說害道猶美味之悅口美色之眩目鮮不為所惑自非大豪傑之士不能決去邪說不去則正道不興天下烏得而治對曰陛下所言深探其本矣主敬之學尤精于易筮驗如神所著有文集行於世崇禎末追謚文獻陳遇字中行南直上元人資稟純粹識度超遠博通經史尤邃先天之學元末為江東明道書院山長轉温州路教授子弟多從之游及中原亂棄官歸扁所居室曰靜誠每日焚香拜天願早生神聖救此殘創

雜聞源流錄 卷十一 九 彙徵堂

丙申太祖渡江御史秦元之薦其學行才識上因以書聘之書稱中行先生期以伊呂孔明濟世安民之事既見與語大悅運策帷中日見親信幸其第者三諸計畫多秘不傳甲辰上即吳王位命以官不受戊申上即帝位中行陳治道以復中國先王禮教為首務三授翰林學士皆不受乃賜肩輿一衛士十人護其出入洪武庚戌春嘗奉命偕中官趙信在浙江廉察民隱還朝密有所陳賜白金彩段除中書左丞力辭辛亥召對華蓋殿賜坐命草平西詔賞賚有加授禮部侍郎兼弘文館大學士復辭時西域進馬甚奇

召入看遂引漢故事為諫上大悅賜大銀一錠除太常少卿又辭會疾醫藥頻至疾愈入謝上望見連呼君子君子戊午復除禮部尚書又固辭上曰士有志節者不以功名關懷朕不強卿以成卿之名也自是每燕閒輒召問古今得失保國安民大計中行每進言必根諸仁義會功臣蒙譴者多皆力為救解多所全宥上嘗諭曰先生有子令帶刀侍朕朕當重用對曰臣三子皆幼俟其成立圖補報上悅賜兼金對衣當是時寵遇之隆雖公侯大臣無與埒者甲子秋病卒年七十二上震悼不已遣官賻祭加東園秘器賜

雜園源流錄

卷一

十

葉教堂

葬鍾山上所賜詩文翰墨甚多併生平著述嘗燬于火今略見世德錄中子恭繇鄉貢仕至工部尚書文章政事克世其家愚按靜誠先生在元季固兩為儒官至遭際明初就徵召即運策惟中又嘗奉命入浙廉察民隱還朝密有所陳而其語皆不傳疑是智謀之士然觀其首請復先王禮教每進言必根諸仁義純合孔孟家法且屢辭大位併不願官其子超然於富貴功名之外非有實得於己者能強為之乎古聖帝明王必有賓師之臣先生是已

朱升字允升南直休寧人幼師陳定宇櫟間九江黃楚望澤講道湓浦借趙汭往從學焉既有得乃歸讀書郡城紫陽祠是秋登鄉貢進士戊子授池州路學正以身示法江南北者雲集已丑淮甸兵起壬辰

斬黃兵至徽允升所居窮僻雖避兵通窳而時時著述不輟其學以列聖傳心為主踐履致用為功上窮道體幽探化原務究極天人之蘊合理數而一之謂濂洛既興考亭繼作而道學大明於世然先儒傳注之意所以求經之明也而近世科舉業往往混誦經註既不能體味乎傳註而反斷裂其經文使之血脈不通首尾不應知味樂學何所自乎於是取易詩書周官儀禮禮記四書孝經小學各為旁注及書傳補正輯注刻行之尋隱居歛之石門山講學不倦丁酉太祖兵下徽州以鄧愈言其賢降駕親訪之對曰高

雜園源流錄

卷一

十

葉教堂

築牆廣積糧緩稱王上大悅命預帷幄密議尋辭歸明年梅花初月樓成上灑宸翰四字賜之嗣是連歲被徵每蒙手勅別有訪問大抵禮樂征伐之事密贊居多平生處己以儉待物以仁恩以處鄉隣異以處患難犯而不較寬而有制是以遐邇宗師小大悅服自幼學至于捐館六十年間雖出處不常未嘗一日釋卷編錄考索日益月加動成卷帙吳元年丁未授翰林侍講學士中順大夫知制誥同修國史戊申上登極沛恩親製誥詞錫之有曰眷我同宗之老實為耆哲之英亾何晉本院學士特免朝謁以示優禮車

駕幸汴得告歸省墳墓嘗受命偕諸儒臣修女誡及
誤齋戒文已酉三月請老歸石門庚戌冬卒年七十
二學者稱楓林先生子同字大同少從父受周官儀
禮遂優於典制洪武初連舉孝廉茂才擢天官晉禮
部侍郎大被寵遇凡太常典禮多其制作與潛溪宋
公典試南宮所拔多名士後遭誣卒于官嘗從楓林
公於紫陽祠及石門因自號紫陽山樵以寓景仰朱
子之意

汪克寬字仲裕一字德輔南直祁門人少穎慧十歲
父取東山問學于饒先生講授之書及當時問答之

雜聞源流錄

卷一

主

彙敘堂

言俾習之遂於理學有悟乃取四書自定句讀晝夜
誦習不輟且徧讀六經諸史延佑丁巳年十四得江
浙秋試三場題目揮筆成篇鄉老驚異曰此天才也
明年郡守延雲峰胡先生于郡庠開堂試以激厲後
進仲裕與焉既謁吳仲延先生而歸扁其齋曰思復
銘于壁以自勵泰定丙寅中江浙鄉試前列明春至
京會試論春秋與主司不合兼對策過直下第歸慨
然曰道不行於時矣益刻厲為學痛自修飭斥去舉
業覃精經學教授宣歙間其教學者誘掖獎勸無不
成材數與師山鄭公講理論學意氣相得鰲峰玉署

諸老欲以文章舉薦皆力辭嘗偕弟時中讀書城南
扁曰中山書堂學者以其四山環繞名曰環谷因稱
為環谷先生至正壬辰鄆黃兵至家被焚掠貧不改
樂明興洪武庚戌朝廷命行人賚幣禮聘至京同宋
濂王禕等刪修元史時徵天下逸士纂修得十六人
以仲裕為首是年九月書成特旨一班俱畱祿仕仲
裕以老疾力辭不受遂宴于禮部受金幣馳驛而還
居三年卒于家年六十九所著有春秋胡傳附錄纂
疏易傳音義考詩傳音義會通禮經補逸綱目凡例

考異等書行於世

愚按環谷先生卒在洪武五年且嘗應聘修史故程望徵贊其像曰

雜聞源流錄

卷一

主

彙敘堂

此考亭世適門生第四人也此龍興史局第一人也是同明儒矣關中馮少墟氏雖已編入元儒攷略末卷其文頗略不足備尚論竊謂不妨互存因為訂錄如右

趙汭字子常南直休寧人母夢飛鳥自齊雲巖來集于
懷覺有娠孩抱聞讀書輒能成誦及長勵志求道不事
舉子業徧詣郡邑師儒既而負笈四方恒鬻產以為爨
糧執贄具或非之弗顧聞九江黃楚望杜門著述往拜
之楚望窮經以積思自悟為主故教人引而不發使其
自思一再登門乃得授六經疑義千餘條復往得口授
六十四卦義與學春秋之要過嚴請益於夏先生大之
夏示以家傳先天易書如杭謁黃文獻公於官署黃公

誦所進書大異之待以殊禮謁翰林虞公于臨川遂授館於其家相與求草廬吳氏之傳值江西憲試請題虞公擬策問江右六君子徐孺子陶淵明歐陽永叔曾子固劉原父陸子靜未舉朱陸二氏立教不同子常具對朱陸二子入德之門尤為詳備未乃舉朱子曰子靜所說專是尊德性而某平日所論卻是道問學上多了今當反身用力去短集長庶不墮于一偏也又舉陸子追維曩昔粗心浮氣徒致參辰豈足酬議觀二先生之說豈鶯湖之論至是而有合耶使其合併於暮歲微言精義必有契焉子靜則已往矣抑不知子宋子後來德盛

雜聞源流錄

卷一

古

彙錄堂

仁熟所謂去短集長者使子靜見之又當以為何如也虞公大為贊歎趙郡蘇伯修與子常友善比入守邦畿要同往以母老辭歸名其室曰東山精舍自是雞鳴則起證心默坐涵養本原以為致思之地而後凡所得於師指及文字奧義必用向上工夫以求之其為學大約在求放心以精思為本領以自悟為歸宿得楚望氏宗傳雖志不苟仕而內蘊經濟頗長壬辰兵起奉母避地方塘已亥結茅于星溪之古閬山山深閭寥人事幾絕潛心著書壬寅春始歸東山太祖初起嘗統兵過其家物色之屢被微辟皆以疾辭洪武二年再召修元史乃

如京師事竣不願仕請還上允之未幾疾作卒于家年五十二學者稱東山先生有東山集嘗言周易春秋二經皆夫子手筆聖人精神心術所存必盡得不傳之妙然後孔孟之教大備其於春秋不舍史以論事不離傳以求經不純以褒貶泥聖人以為左杜主史釋經而不能無弊爰離經析義分為八類辯而釋之名曰春秋屬辭以著聖人筆削之旨作春秋集傳十五卷以明聖人經世之志著左氏傳補注十卷師說三卷以為學者求端用力之階於易著序卦圖說經文開端乾坤屯三

雜聞源流錄

卷一

古

彙錄堂

卦解別著莖書問答一卷皆行于世愚按程敏政道一編王守仁晚年定論編其說皆本于趙東山然東山擬策謂朱陸初分晚合特揣度之詞二編出竟指為實事矣况守仁改易早晚陽朱陰陸非整卷固知記清瀾學部通辯明考其年譜先後孰從而正之哉故曰言不可不慎也汪仲魯名獻以字行南直發源人方幼族叔祖古逸翁喜其有造收教之未幾翁卒執弟子服哀哭殮葬如禮既冠游江淮兩浙應試不利歸取友于鄉從倪仲弘士毅鄭師山玉朱允升升趙子常方諸先生論學至窮晝夜於諸經子史靡不潛心考究然後反諸身而自得之體認摻存以實踐焉會元季兵興乃與弟同集義旅以靖鄉里用參政恩寧普舉授浮梁州

同知辭歸養親又舉授休寧縣尹攝知婺源州時平引退明興以弟同累檄取至金陵事白得釋除安寧稅令肺疾作辭歸當臥病中日勤誨後生如同邑李文徵休寧范平仲吳蘊中程子靜皆得造就受任于朝凡遠近祖墓莫不省治立石以表之宗祠祭享一如古制甲子秋召見命釋西伯戡黎篇詳明稱旨授承務郎左春坊左司直遂周旋兩宮間與學士朱善劉三吾同班接席人稱三老上嘗憫其年老氣喘勅賜朝房俾便趨召御製薰風南來詩以賜命績和和畢進呈上悅值春夏有囚罪至死者將誅仲魯輒涕

雒陽源流錄

卷一

宋

景濂

泣俯伏進諫請決以時無傷天地生物之仁上允奏稱善居二年乞歸養病期秋再至上御奉天門宣召賜坐詳諭以老病無庸再來理宜杜門謝客輸租應役以保考終之意仲魯叩首謝明日辭朝出都門送車百輛觀者填道莫不嗟嘆以爲千載一遇其爲學推孔孟之道必求諸其中爲人體和用莊內孝外恕默而智言而信爲文博厚澹雅嘗取新安師友爲集以明理學源流及著浯溪集行于世學者稱蓉峰先生壽七十九

宋濂字景濂浙江浦江人少受學於柳貫黃潛吳萊聞

人夢吉四先生之門比長以文章名海內至正中大臣薦爲國史編修以親老固辭入龍門山著書歲庚子明太祖聞其賢遣使徵至金陵築禮賢館以居之上問取天下大計首以不嗜殺人對上甚喜俾授太子經每詢以治道必以仁義爲言及四字平定上方偃武修文正彝倫復衣冠制禮樂立學校凡先王之典多講行之而景濂實預其事嘗召講春秋左氏傳奏曰春秋乃孔子褒善貶惡之書苟能遵行則賞罰得中天下可定也上一日御端門論及黃石公三略且口釋之景濂起進曰尚書三典三謨帝王大經大法靡不畢具願陛下留意

雒陽源流錄

卷一

宋

景濂

講明上納而謝之洪武初甘露屢降上問災祥之故對曰受命不於其天於其人休符不於其祥於其德是以春秋不書祥而記異上嘗言古帝王當宴安之餘愛好神僊朕謂國治民安心神怡康即神僊對曰漢武好神僊而方士至梁武帝好佛而異僧至使移此心以求賢輔天下其有不治乎以議孔廟禮忤旨謫知安遠縣濂爲司業議當尊三皇立五學並祀舜禹湯文爲先聖上斥之時浙人貝瓊著釋奠解以辨其誤大意謂三皇宜祀而不得祀之於學也學之有廟釋孔子而建則宜以孔子爲先聖顏子爲先師而三皇不預今欲崇三皇爲先聖使居孔子之上不足以褒其功降孔子未幾召入爲先師使混於高堂生之列適所以貶其德上問帝王宜讀何書景濂請讀真德秀大學行義上立

取覽悅之景濂講衍義中司馬遷論黃老事講畢復言曰漢武嗜神僊之學好四征之功民力既竭重刑罰以震服之臣以為人主能以理義養性則邪說不能侵與學較教民則禍亂無從作刑罰非所先也上曰朕上畏天下下畏兆民兢兢業業不敢自逸景濂離席頓首曰陛下此心古先哲王之心也書曰予臨兆民凜乎若朽索之馭六馬為人上者奈何不敬正謂此爾願陛下慎終如始天下幸甚初受詔總修元史發凡舉例一由成法手定其紀傳之大者至是奉命序祖訓錄集辨奸錄纂大明日曆一百卷寶訓五卷上皆稱善方上之大封功臣也召宿大本堂討論達旦遂歷據漢唐以來故實量其中而奏之傅于理而後已其傅皇太子一言一動皆以禮法諷諭使歸於道讀書至切於政教及前世興亡之故必拱手揚言曰君國子民之道當如是不當如彼且推人情物理以明其義皇太子每斂容嘉納敬禮未嘗少衰其佐成均所教多公侯大臣子弟蒞之以莊率之以正日進諸生立兩序據坐執經敷揚闡奧之旨迪以孝弟忠信之道學者帖然尊服嘗侍上至後苑觀穫上曰農事成矣對曰國以民為本民以食為天陛下知稼穡之艱難而念民生之良苦實盛德也上問曰三

雜聞源流錄

卷一

九

彙敘堂

代以上所讀何書對曰上古載籍未立不專誦讀而尚躬行人君兼治教之責躬行以率之天下有不從教化者乎侍上既久每燕見必命茶賜坐陳對間直諫不務文飾而隨事寓諫能使上意解命之叅大政則力辭問以廷臣賢否第言其善者深密不洩禁中語有奏輒焚稿嘗書溫樹二字室中有問內事者指二字以示之初除江南儒學提舉尋改起居注繼為翰林學士為國子司業兼太子贊善大夫晚為承旨先後二十餘年以道德輔佐明祖俾天下歸心愛戴厥功居多日本使奉勅請文獻百金卻不受上問之對曰天朝侍從之臣受日

雜聞源流錄

卷一

九

彙敘堂

言為幸及告歸上有後學無師之嘆又嘗許為純臣為賢君子說者謂獲上信友皆內誠外恕之驗雖已貴顯布衣蔬食無異寒士不事生產不置田宅或勸為子孫計答曰富貴豈一家物哉吾乃所以遺之也惟刻意於學自少至老手未嘗釋卷當致政歸青蘿山闢一室曰靜軒終日閉戶纂述人不見其面戒子孫毋至城市姻婭有以郡縣事為託者皆峻謝之談及時事輒引去不與語切於仁愛聞民有困乏者食為不飽視近而甚明夜燃燈于几卧絺帷中閱蠅頭小書一黍上能作十餘字皆可辯點畫人以為不飲酒寡嗜慾所致初宋南渡

雜聞源流錄

卷一

幸

葵敘堂

後新安朱子東萊呂氏並時而作皆以斯道為己任發實呂氏倡道之邦而其學不大傳朱子一再傳為何基氏王栢氏又傳之金履祥氏許謙氏皆婺人遂為朱學世適景濂既因金許門人而究其說獨念呂氏之傳且際奮然思繼其絕學每與人言而深慨之嘗奉勅作觀心亭記而以精一執中為說作六經論而謂六經皆心學作七儒解而歸之願學孔子作諸子辯而終於周程二子又著段干篇歷闢金陵碧山東嘉永康金谿橫浦六家之學之非而獨以金華之學為正且曰當時得濂洛之正者鼎立而為三金華也廣漢也武夷也其道則

一而已武夷主於知行並進廣漢則欲嚴於義利之辯金華則欲下學上達雖其教人入道之門或殊而三者不可廢一也循其言求之不可謂之無與於斯文矣惜乎矜侈聞見信好機祥多作佛老二家文字載諸集中未免博而不精耳其出藍弟子則寧海方孝孺也所著有龍門子潛溪內外集蘿山集翰苑集芝園集孝經新

說周禮集註浦陽人物記等書行於世學者尊為潛溪

先生宣德中謚文憲

門人吳興林靜曰天付斯文于人而不至者故吾夫子與朱子生同庚成今潛溪先生宋公之生又於是歲人謂聖賢之出鍾靈降秀為世禎

祥天之所俾信乎其不偶也周室既衰先王之道如日斯晦微夫子六經就正人道孰明是大有功於萬

世者也時降道汗寥寥千有餘年乃能集其成會其

雜聞源流錄

卷一

幸

葵敘堂

贊一代之治以其餘力使學者復古屏棄科舉之趨一聞于理義之學其功不在朱子下海宇之內一人而已耳然則夫子之道被于萬世當時仕止乎魯朱子在宋號為尚文之國立朝僅四十年而終厄偽學而公得君行道者甚久澤能加于人文可垂于世光明峻大始燿無窮豈天之付公者獨厚而公之報乎天者亦將未艾也公年六十八即謝政天子數雷止公公固辭曰天道惡盈人道止足詞意誠款上知不可強適止益見公道退從容皆合乎道宜其居為儒宗出為勳德以文華國以道佐命實有係于斯文之重輕矣世之論公者徒以文學際遇為事至公之得乎天而契乎聖賢者又身能窺其端倪也哉薛應旂詞碑略曰浦江金華屬邑也金華之學自東萊呂成公倡之而何王金許四賢相繼而出說者謂為木學世適今其立言著論昭然具在固非後人之所敢擬議者然要之皆聖門之羽翼也先生繼起是邦遭逢聖主文章事業概樹宇宙士人籍籍咸稱名臣至其所深造自得者上躋聖真直達本體則反為文章事

業所掩而不得明列于理學之列... 先生者哉觀其斥詞章為淫言詆訛... 刻削刊落以徑趨乎道... 看雲或挂冠行松間或擊磬而浩歌... 人及讀其所著與凡六經之論七儒之解... 記則實有不能自已於言者是豈徒欲以文章事業... 名世者哉奈何學術難明見聞易眩而先入之言之... 易行所以疑先生者僅若此也... 傳周召得其所則為名臣顏閔冉仲有曾思孟不得... 其時則為大賢固不當以彼此論也况究觀先生之... 學在宋則有若陸子靜在元則有若吳幼清蓋皆聖... 學正傳後先一轍其與前四賢之繁簡紆直世必有... 能辨之者而粗豆獨後品備未當豈所以表先正而... 示後學哉此固於先生無所重輕而祀典之浸混學... 術之不明余竊憂之故因先生之祠成不避而大書... 之石 愚按呂東萊氏從朱子于寒泉精舍共輯近... 思錄是其學本同也陸子靜則其生平所錄纂及為... 考官時又嘗見其卷而議之後為翫之會不過欲... 化異同作和會計耳即吳草廬推服朱子甚至嘗合... 贊為衰傑之才聖賢之學世人徒泥其德性問學之

雜聞源流錄

卷一

主

藥教堂

曾魯字得之江西新淦人七歲能暗誦九經一字勿... 遺禮部簡正禮欲以神童舉於朝其父止之稍長博... 極羣書自謂未要於至道述長書一通謁虞文靖公... 集於臨川虞公大悅曰昔程子與張敬夫年十六七... 慨然有志聖賢之道子能如是何讓古人時年蓋十... 九矣由是益潛心濂洛關閩之學分別理義密如蠶

絲牛毛尤愛吳文正公所述書無論大小一一訪獲... 之玩繹未嘗釋手久之充然有得盤桓林泉以道自... 娛若將終身焉壬辰寇亂乃集眾衛里稚牛醞酒開... 陳順逆禍福眾皆警服無敢犯非義者人號曰君子... 鄉洪武二年徵修元史厥功最多史成賜金幣仍畱... 編類禮書遷入儀曹易高麗祭常開平不書年號之... 文發安南陳叔明篡弒其主日燬之罪甚得大體五... 年二月上問丞相曰曾魯在禮部今何職耶對曰不... 過主事即日超六階拜中順大夫禮部侍郎得之以... 順字犯父諱辭就朝請下階吏部以國法有定不許

雜聞源流錄

卷一

主

藥教堂

前後奉命草詔撰賦俱稱旨是年考京畿鄉試得疾... 至冬乞歸而卒年五十四得之蓄德熙和內行淳備... 嘗三年間葬十餘喪撫存孤姪甚至輕財仗義喜周... 人急四方賓客日登其門倒屣迎之了無倦容當修... 元史時宋濂實為總裁相知最深共坐官舍更析互... 辨每至夜分歎未學之空疎傷古道之寥落又復相... 視輒然一笑嚴陵徐尊生嘗有言曰南京有博學之... 士二人一以舌為筆一以筆為舌其意蓋謂曾與宋... 也所著述有六一居士集正訛南豐類稿辨誤藏于... 家他俱未脫稿嘗扁其齋曰守約學者稱守約先生

孫大雅名作以字行別字次知南直江陰人世以儒
名自曾祖激川四傳至大雅而學益茂至正兵起大
雅挈家三吳間盡棄他物惟載先代藏書兩敝篋張
士誠聞而廩之卒以母病謝去用是益貧然熙怡自
若略不爲動從游者爲買田築室寓于淞焉洪武癸
丑召纂修日曆書成例授翰林編修官以老病乞外
除太平府教授尋遷國子助教明年分教中都又明
年還成均晉國子司業前後八載皆儒官大雅器宇
端凝負才通爽而處世不阿或以是非煽之惟自切
責不以怨人生平酷好著書嘗著東家子江西饒介
之先見其稿而喜之屬曰幸勉成之必有知者及成
得十二篇潛溪宋公得其圖說答性難等篇極爲稱
許以近代儒者况之謂王魯齋金仁山許白雲諸公
未知孰先後也別著詩文有蒼螺集行於世
王禕字子充浙江義烏人幼秀爽奇敏及長長身山立
屹有偉度習古學師事黃潛元政亂爲書七八千言上
時宰嫌其切直格不聞隱青巖山著書戊戌太祖徵署
中書省椽參預機務語稱子充而不名愛其文章命爲
四言詩以授皇太子辛丑進平江西頌上覽喜曰吾固
知浙東有二儒卿與宋濂耳學問之博卿不如濂才思

雜聞源流錄

卷一

王

孫大雅

之雄濂不如卿授江西儒學提舉累遷起居注出同知
南康府事洪武元年名議卽位禮忤旨降漳州通判尋
上疏言帝王祈天永命在乎修德修德之要有二忠厚
以存心寬大以爲政周歷年八百漢享祚四百皆繇此
道願法天道順人心寬刑威減賦稅以固國本疏奏上
嘉納之陳建曰此我朝開國名臣第一大奏疏其言精
醇剴切洞達理要雖周召孔孟之告君無以越
此二年詔修元史爲總裁官除繁剔穢力任筆削書成
拜翰林待制同知制誥兼國史院編修預教大本堂出
使吐蕃尋召還居原官經明理達善開導名對殿廷必
賜坐從容燕語嘗進講大學陳德厚民懷之說上大悅
五年上以雲南弗臣命子充持詔往諭之卽日就道旣
至見故元梁王諭以順逆禍福梁王君臣相顧駭服已
有降意改館而加禮焉會元之遺孽有自立沙漠者遣
使脫脫來徵糧且約連兵拒我規知梁王有二心逼殺
我使以固其意梁王兩可未決匿子充於民間脫脫欲
之愈責誚梁王梁王不得已乃出子充與相見脫脫欲
屈之子充罵曰汝燭火餘焰尚欲與日月爭光耶度不
免顧梁王曰汝朝殺我大兵夕至矣遂遇害時六年六
月之二十八日也至十四年征南將軍傅友德等旣下
雲南子充死節事始聞於朝建文元年卹贈翰林學士

雜聞源流錄

卷一

王

孫大雅

奉議大夫謚文節開國文臣有謚自子克始正統間改忠文所著有青巖叢錄等書行於世學者稱華川先生子紳字仲縉聞父死節隻身走雲南求遺骸不得述滇南慟哭記與方正學友善嘗尊正學為百代儒宗勸其著書以淑來學正學不應仲縉悟遂略文藝潛心道德建文即位以薦召為國子博士預修高廟實錄元年四月上言父死節狀請卹得贈官賜謚越明年卒紳子徐字叔豐少有志向遊於方門深見器許妻以女迨其難之及也與正學表姪鄭珣至聚寶門外謀收塋不可得卒坐逮繫文皇念其祖死國之忠特從宥免且欲官之

雅閣源流錄 卷一 王 彙敘堂

力以疾辭歸隱青巖下爰輯方氏遺文為侯城集以傳嘗與童景庸書云痛念遜志名蹟日就湮沒欲執事與令兄商確搜輯其學行幽潛生平始末為家傳行狀以傳同志有愛慕之心者自能默識謹藏或可待時發揚於萬一其時正在厲禁嚴緝中也初文節公之死傳聞蓋剗以醢故仲縉抱痛每食必斥重味叔豐性至孝一遵父志子孫相承閱數十年不變事母丁氏如事其父送終盡禮三年不御酒肉學問該博士從游者日衆郡邑交重之恒禮為鄉飲賓至以分獻于聖廟疎髯偉貌出必儼然古冠服人爭觀之曰此王先生也著有青巖

高聖朝文纂金華賢達傳蹟文章正宗諸編卒年五十九門人私謚曰孝莊先生

華川先生著從祀議言漢董仲舒唐孔穎達宋范仲淹歐陽修真德秀魏了翁元吳澄七人當從祀略曰自夫孟軻既往聖學不明邪說盛行異端並起歷秦至漢諸儒完經翼傳局於顯門之學而於聖人之道莫或義尤精所以告其君者如天人性命仁義禮樂以及勉強尊行正誼明道之論皆他儒所不能道至其罷黜百家表章六經以隆孔子之教使道術有統異端息滅民到於今賴之功殆不淺矣

經闕伏漢儒收拾散亡各為箋傳而偏學異說各自名家晉宋以來為說滋蔓去聖既遠莫可考證唐初孔穎達受詔撰定諸經之疏號曰正義自是以來著為定論凡不本於正義者謂之異端誠學者之宗師百世之取信也聖人之道或著事功或載文章用雖不同實則一致三代以下人才莫盛于宋東都其間慨然以聖人之道為己任而著之行事者范仲淹而已其言先憂後樂雖伊尹之任無以尚之况當其時

雅閣源流錄 卷一 王 彙敘堂

天下學術未知所宗尚而仲淹首以中庸授張載以為道學之倡蓋其為學本乎六經而其議論無不主於仁義歐陽修與仲淹同時明聖賢之學而著之文章其易春秋諸說詩本義等書發揮經學為精至其欲刪諸經正義織緯之說一歸於正尤有功聖道至于本論等篇比之原道何愧自周敦頤接聖賢千載不傳之緒而程顥兄弟承之未熹有作五經四子皆有傳注論述統宗會元集聖賢大成中更學禁真德秀魏了翁力以尊崇朱學為己任而聖賢之學乃復明真氏所著有大學衍義讀書記魏氏所著有九經要義大抵皆與端崇正理質諸聖人而不謬足以續朱氏所傳之緒者也及元興許衡起于北方尊用朱氏之學以教人吳澄起于南方孝經大學中庸易詩書春秋禮皆傳注隱括折衷于禮經尤多刪正凡以補朱氏之未備而其真修實踐益無非聖賢正大之學按祀法有功於聖道則祀之是七人者有功於聖人之道而從祀焉此甚不可又言曾哲孔鯉祀無下曾參孔伋配堂上父子失序宜歸正及司馬光於程顥程頤為先進張載於二程為表叔而位次皆在下其先後次第亦不可不明若夫荀况湯雒何

休王弼之徒有不當與於從祀者茲又未敢以速數
 也云云 愚按華川之議若此其後果得祀者董仲
 舒與德秀歐陽修三人也既祀而旋罷者吳澄一人
 也訖今尚未祀者三人則孔穎達范仲淹魏了翁也
 議罷荀况楊雄何休王弼之徒而不悉數姓氏後亦
 次第罷祀外有原議所不及而後人創議增祀之者
 又得九人弘治間祀楊時萬曆末祀羅從彥李侗此
 據洛陽傳緒而言最為得禮正統時與真德秀同祀
 者胡安國蔡沅二人以其有功經學嘉靖時與歐陽
 修同祀者后蒼王通胡瑗陸九淵四人其祀王胡也
 固參採先臣程敏政議其祀后陸歐陽也則當時執
 政不無寓私意乃華川於此或在所詳焉或在所略
 焉雖曰互有得失亦足覘其學識之陶鑄古今衡量
 羣儒可俟百世矣今人於華川第以文章忠節目之
 而不知其懋於理學即從祀一議海面岳負其位置
 居何等也嗟乎若華川先生以行已則有耻以奉使
 則不辱至以死殉之豈非
 聖門所謂士之上者與

雒陽源流錄卷一

雒陽源流錄

卷一

未

桑敘堂

雒陽源流錄卷二

無錫張夏纂

門人婺源黃

昌儼校

吳海

劉宗道

余應

梁寅

陳謨

張九韶

張存

解開

何英

郭楨

桂彥良

范準

李仕魯

謝應芳

華宗韓

傅淳

朱右

方克勤

趙謙

金固

方孝孺

王叔英

周是修

卓敬

程本立

胡子昭

林嘉猷

俞貞木

吳海字朝宗福建閩縣人當元季以學行著稱見四方

雒陽源流錄

卷二

吳海

桑敘堂

兵亂遂絕意仕進深自韜匿間與同志講說經義更相
 倡酬一時名人如貢師泰王翰林泉輩皆推畏友明興
 部使者欲薦之有司轉相推轂力辭不就闢一室于家
 園隙地酣經枕史娛適其中因採摭古人孝子順孫節
 婦烈女及兄弟之相友姊妹之相宜者附以感應禍福
 各為一卷以傳布閭巷令小生稚女誦而習之名曰命
 本錄謂克培其本則司命者皆無權也又著書論楊墨
 佛老為六經之賊管商申韓為治道之賊遺事外傳為
 史氏之賊支詞蔓說為文章之賊謂上之人亟宜取其
 書而禁絕之使天下曉然知正道之當趨岐徑之當塞

名曰書禍平居喜聞過或有告之者立改其失因扁其
客坐曰聞過軒又自號魯齋志所願學也為文嚴整雅
奧咸有矩程而一歸諸理後學咸宗仰之有聞過齋集
行于世

劉宗道名駟以字行福建漳州人洪武壬辰徵秀才
八千餘人入試朝政宗道第一仍命學士詹徽密察
諸儒中特異者復居德行第一以布衣侍坐共論治
道拜都察院左都御史條上二十事言甚切直上命
所司採行之學者號愛禮先生有愛禮集傳于世陳
真晟讀之稱其繼陳北溪而起大有功于名教云

雜聞源流錄

卷二 劉宗道

二

彙錄堂

余應字則亮福建政和人早從江惟志游以私淑文
公之學性凝重寡言笑恒以禮自律家邇闔閭足跡
未嘗入縣門早失所恃事繼母愉而婉處繼母弟順
而友凡飲食衣服必先弟而後及已洪武初以明經
薦起為儒學訓導遷雷守司知事執父喪一遵文公
家禮不用緇黃鄉人化之

梁寅字孟敬江西新喻人貧而力學元末舉於鄉辟為
集慶儒學訓導以親老辭歸隱居教授太祖平定四方
徵天下名儒修禮樂新一代之制孟敬就徵已六十餘
矣以禮律制分為三局孟敬在禮局審訂精詳諸儒推

服書成賜金帛授官以老病辭許之結屋石門山四方
稱為梁五經或問之曰吾輩免亂離之禍享太平之福
何以祝吾君孟敬舉手加額曰願吾君恭己九重存心
四海擴天理而遏人欲進君子而退小人人以為愈於
華封三祝新昌有人士負氣自豪筮仕得巖邑比行來
見請教孟敬曰清慎勤乃居官三字符也子力行之復
何言其人請問天德王道之要孟敬微笑徐答曰言忠
信行篤敬天德也不傷財不害民王道也其人退語人
曰孟敬議論平平耳越三年其人以不檢罷官歸語人
曰吾不敢復見石門先生

雜聞源流錄

卷二 梁寅

三

彙錄堂

陳謨字一德江西泰和人洪武初徵至京師賜坐議禮
學士宋濂待制王禕交章請留為國子師以式國人引
疾辭歸家居教授屢應聘為江廣考試官所拔士往往
知名自幼能詩文初習周易後兼通詩書三禮諸傳旁
及諸子百家涉流探原辨析純駁犁然歸于至當雖不
願仕而於當時之務一一籌諸胸中有扣如響嘗謂學
必敦本莫加於性莫重於倫莫先於變化氣質若禮樂
刑政錢穀甲兵度數之詳皆所當講一時經生學子靡
然從之惰者作拘者暢塞者通爭謂江西大儒復出事
親至孝晨昏省定之禮甘旨修髓之奉不懈益虔其於

弟友愛尤篤族黨中有為不善不敢使聞所著有海桑集書經會通詩經演疏行于世學者稱海桑先生楊文貞公嘗贈以詩曰純明程伯子灑落邵堯夫或曰其為人似云

張九韶字美和江西清江人幼穎異年十三即能詩詞博通經史元末累舉不第洪武三年用薦為縣學教諭十年擢國史助教為人篤實每教諸生必端坐不言有所請問徐徐應答不過一二語然理義明暢人深服之十一年遷翰林編修十三年四月致仕太祖親為文賜之嘉其有著書立言之功合善始善終之義未有云卿之去矣朕將誰從不勝徬徨歎息焉所著有理學類編八卷羣書備考十二卷及元史節要行于世

張存字性中南直丹陽人洪武中歲貢任江西安遠縣主簿五歲能賦詩長從宋文憲劉文成二公游其學以敬為主著有雪洞集行于世祀邑學鄉賢祠解開江西吉水人洪武元年以明經薦授縣學教諭訓迪有方吉中人文道學之盛實自解氏始其學以主敬為本戒懼慎獨為功學者稱為筠簡先生何英江西鄱陽人性警敏絕人不事詞章在學於王

雜聞源流錄

卷二

張九韶

四

張九韶

松塢得饒雙峰黃勉齋之傳造詣益深松塢寄以詩有雁梅谷裏先春意之句遂號梅谷明初累薦不起建玉溪書院以納天下來學所著有四書釋要詩經詳釋易經發明諸書及祀邑學鄉賢祠

郭價字德茂浙江太平人其高祖世卿即正肅公之兄

也正肅公諱嘉卿字子奇號允齋傳至德茂自僊居徙游朱文公門端平六君子之一

黃巖之松山里後屬太平縣遂為太平人少勤問學比壯特有所悟絲伊雒上遡洙泗求聖賢用心燕居獨處衣冠修整即祁寒暑雨危坐終日及與人接和氣滿容雖居貧嘗有以自樂其所涵養端用靜中功夫言動應酬一循乎禮邑士人多從之游其為教謂必先收放心方見得吾道端倪即聖賢言語皆有歸著又曰學者若不懲忿窒慾則自家都壞了此是大切要處父沒會兵荒不克葬者十餘歲茹蔬抱戚未嘗破顏迄葬已始御酒肉母疾衣不解帶親為沃面澡身浣衣滌席凡六閱月手指濕爛成疹終不以人代與其兄友愛尤篤鄉里化之雖狡猾者亦革面輸款終元之世隱居教授嘗作感秋酷熱諸詩以寓意洪武初用御史李時可薦始就饒陽知縣三年邑大治以從兄故坐免邏者察諸途搜篋中惟所著易說禱評暢菴稿數十卷及爪髮一束以

雜聞源流錄

卷二

五

張九韶

聞太祖嘉其廉賜紗幘銀帶寶鈔以旌之既歸貧益甚課其子熙躬撻井曰一日諸生及門聞打麥聲視之乃先生也卒年六十二門人私謚曰貞成先生熙亦博學篤行能世父業從子元亮有文名著尚書該義

桂彥良原名德以字行浙江慈谿人洪武初應薦召見命作香几贊特授太子正字俾入侍太本堂錫賚有加上嘗從容咨以治道對曰道在正心而正心之要在懲忿窒慾他日上謂彥良曰法數行而數犯奈何對曰用德則逸用法則勞法以靖民則民勞而弗靖德以靖民則民靖於德矣上曰善上嘗以帝者師稱之又謂江

雜聞源流錄

卷二

六

彙教堂

南大儒惟卿一人對曰臣不敢當宋濂劉基上曰濂文人耳基峻隘不如卿也尋改晉王府右傅一以正大之學輔導既致仕條陳十二事名曰萬世太平要策以進著有和陶詩清節等集行於世

范準字平仲南直休寧人幼恂恂孝友性敏善記甫弱冠讀諸經史百氏之書殆盡復念明經應世未足稱儒者於是力求聖賢之學師事朱楓林趙東山汪蓉峰三先生至正壬辰紅巾寇起東書從楓林避地石門者三年丙申郡邑大亂喟然歎曰族祖求邇翁與程徽菴以道鳴於宋吾當繼其後遂絕意當世

求身心至忘寢食雖俯仰之資愈困處之泰然非其道一介不取日以講學為業游於閩從學者益眾及歸隱雲溪葺東山詩文併訂春秋集傳廣行之洪武戊午以明經舉本邑訓導辛酉召為葭川吳堡令開設舊治安復流備乃興學校清苦自甘洞民化服諸大吏多士咸頌為有用道學乙丑擢工部主事逾月卒于官年四十八無以為殮久之始得歸葬平仲為文弘議濶論要在發明孔孟嘗曰孝弟忠信為學之本記誦詞章之習抑末耳著有壘甕稿西游率稿謬稿塞白稿何陋軒稿宗譜等書行於世

雜聞源流錄

卷二

七

彙教堂

李仕魯字宗孔山東濮州人少時奮志下帷三年不窺外戶胸藏該博造詣淵沉益切尚友之志聞發人朱公遷得晦翁嫡傳千里負笈從之百舍重繭一見深相契合端精探究盡得其所學而歸值元季大亂隱居不出以待天下之清明祖龍潛時即熟其名洪武初詔求天下有能傳朱學者所在以聞有司乃舉宗孔應詔乘傳至京入見上迎謂之曰吾求子久矣即命為黃州府同知宗孔奏言臣所夙願惟欲朝夕陛前備顧問以行所學上曰姑以民事試子耳抵任風裁峻整政理寬和民瘡殘者卹之吏莠政者斥之

暮年而刑清訟簡境內又安用以治行卓異聞于朝
召拜大理寺卿律比精嚴守正不撓時有僧金碧峰
者應對稱上旨寵眷日隆求為僧建職司宗孔進曰
陛下建極之初意所祈向即為後世子孫天下臣民
之標表奈何不崇聖學而信外道乎懇疏至三十章
上堅決不從宗孔曰陛下既深信其道無惑乎臣言
之不入也願還陛下笏放歸田里上震怒命武士持
搏之死於塔下愚按明祖作極之初而為僧人建職
不聽則疏泣從之進言亦有節度矣今宗孔懇疏
至三十章又出懇言以于震怒不惟殺其身也至
使其君被殺諫臣之名豈未聞數斯辱之戒與信
而後諫之旨耶難曰上以責難陳善下以守正聞

邪君子仰其忠
而惜其愚焉

謝應芳字子蘭南直武進人自幼潛心理學至正初
隱白鶴溪上題所居室曰龜巢因以為號授徒講道
郡守辟教鄉校子弟先質後文指授斐然浙江行省
舉為三衢清獻書院山長不就未幾兵起避地吳中
挾其妻子宕漾一舟瀕危數四踰年而後僦室以居
時時乏絕未嘗以為憂也既而吳人慕之爭致為弟
子師差得自給明興江南平歸隱芳茂山年踰七十
好古嗜學不減疇昔每令諸孫誦原道太極圖說西
銘等篇以資玩繹年九十七而終在鄉則表鄒忠公

之墓正張睢陽之像去學宮土地祠之配變喪禮用
佛教之俗在吳中亦準是以施之嘗輯顧元公墓以
諷切張氏蓋雖倉皇播遷而一言一行倦倦以正人
心闢邪說表章儒先扶植名教為急如此著有辨惑
編三卷端辨流俗誤信神佛之失澠池人曹端最喜
讀之別著思賢錄五卷懷古錄三卷毘陵續志十卷
龜巢稿二十卷並行於世子林有文學工書法亦著
有雪樵集煮雪窩稿延陵通紀字學原委等書
華宗韓字公愷南直無錫人父幼武字彥清幼孤事
節母陳以孝聞高尚不仕著黃楊集公愷幼嗜書寒

暑靡怠尤研精易學嘗廣搜諸家傳注參覽以求其

指歸元季兵起奉其親往來蘇松間造次顛沛務悅
親心時平還錫定居延祥里遂為鸞湖華氏之始祖
勤奮耕讀以修身教家為務久之營祠堂徧祀隆亭
堦陽間五大祖墓於是斟酌古禮以冠昏喪祭之儀
可通行於士庶者條而錄之附以古人嘉言懿行總
為一帙名曰慮得集以訓示子孫洪武中累徵孝廉
明經儒士俱辭疾不就喟然歎曰吾平生志不在溫
飽成童時讀小學大學日知其味有契於心弱冠時
膝下周旋仰成嘗亦多過雖弗憚改深愧不貳之戒

近乎立年則志乎誠正修齊之學見賢則思齊見善則企及故蒙先公特垂愛焉循循然惟欲誘我進於善嗚呼先公雖棄世而諄諄之意終身不敢忘也故力學冀於成人竊揆如是達則忠君濟物窮則以淑其身奈何才疎識卑時命蹇制加之痼疾乃無一遂亦繇稟質柔弱過乎畏慎而然深省所蔽凡臨事之所當為者即奮勵自強期以必克及乎進也輒得其咎退也雖悔而無尤比比若是蓋得夫節之初九之象也審矣碌碌而無聞也尚何言哉年四十一遇冬至閉關惕然深念乃以平昔不能操執而切身之用

雜源流錄

卷二

十一

葉敘堂

者四要刊書于几日以自省曰勿貪可無悔守分可無憂堅制可無怨克勵可無求斯足槩其篤志困學矣居恒好自簡束即閒居燕坐衣冠必整肅遇事有不平能以理自遣未嘗露聲色又嘗慕效朱丹谿之為人旁通醫術多蓄善藥以施有疾者不問其值絲是名聞遠邇人多德之丁丑九月病革召別家人索筆賦詩而逝年五十七學者稱貞固先生
傅淳字伯厚浙江慈谿人家世業儒父時階以道學鳴於時伯厚能傳其家學洪武中屢詔徵召卒不就鄉人稱為退密先生所著有洪範敷言性理叢說大

學補略視志稿等編藏于家

朱右字序賢浙江寧海人光廷先生九世孫嘗游李五峰陳兩峰之門避亂隱居益力於學既而讀書有覺爰錄其尤要而切近者輯而為編名曰性理本原其書首揭河圖洛書本諸天以示乎人次敘太極圖說定性書好學論西東二銘擴諸人以復乎天後附通書感興詩而自序其首曰道之大原出於天而天亦氣化中一物耳然其所以為造化必有尸之者理而已矣故曰天生蒸民有物有則又曰體物而不可遺則理者又天地萬物之本原也是故君子即物以

雜源流錄

卷二

十一

葉敘堂

察理未嘗有無理之物即理以觀物未嘗有物外之理子程子曰冲穆無朕萬象森羅已具殆難以跡求之也蓋性理大全未作之前此書已兆其端而後人有疑朱子之格物為求向外者此序亦先破其蔽矣洪武三年詔徵天下在野名儒至京考禮伯賢與其選將行鄉人謝肅為序以送之期其復三代之禮樂比至兼預修元史大明日曆二書終晉府長史
方克勤字去矜浙江寧海人好古嗜學研究羣經及濂雒關閩遺書尋鄉先達授受原委精思力察而允蹈之慨然以為不合天人以為學非學也居家孝友

155 127 子書多日草入書第 26 反反內

備至與人交洞見肝膈自奉簡素一布袍數十年不
易日不再肉同列飲醉大詬去待之益恭酒解來謝
去矜陽爲不知者曰昔之夜吾亦大醉不識君何謝
也元末隱山谷中明初徵不就索之急乃以易試中
第二授濟寧知府爲政以風俗爲急德化爲本終日
衣冠坐堂上召諸吏授詩書法律性不喜近名嘗自
誦曰近名必立威立威必害人吾不忍爲也庭不陳
械鈕懸韋鞭楹間示無刑罰存心畏慎晝所爲夜必
告於天居五月誣棄倉灰謫役江浦子孝孺上書請
代不報遂以病卒于京台人稱爲愚菴先生同時宋
濂謂其學問得之考亭其後謝鐸亦以聞知稱之
趙謙字搗謙浙江餘姚人原名古則後因薦者言遂
以謙名宋宗室秦悼惠王之後幼孤貧寄食從山寺
與釋子同塾書克已復禮之目爲用功準的聞金華
鄭四表學有淵源在師之得其傳歸隱萬書閣日潛
心焉洪武初徵修正韻衆以其年少出爲中都國子
監典簿與同官論事不直罷歸築考古臺述六書之
旨著聲音文字通周易提綱諸書凡三百餘卷大臣
薦宜大用上曰吾欲老其才而用之復薦於皇太子
乃召爲瓊山教諭明年進所著書詔翰林博議不報

雜聞源流錄

卷二

方克勤

十一

養敬堂

復還瓊山作瓊臺布學範教化大行嶺表以南稱爲
趙夫子其於世利聲華澹然無繫直義所在目無王
公雖以此致阨窮不悔也卒于番禺年四十五
金固字守正江西新淦人四歲母口授五言詩輒能
成誦稍長能詩刻厲學問日親良師友講說遂究心
於易就質於安成劉雲章吉木夏道原兩先輩稱忘
年交其學以孔氏爲宗漢以下則曰周程張朱吾師
也洪武中臨江太守聘爲郡學訓導誠諸生以敦本
務實崇正學爲正人無徒苟事文藝爲利祿計至評
論古今人才賢否亦必準此意諸生翕然化服生平
孝友恭儉出於天性一言一行皆以誠爲主動循禮
法布素泊然家無餘蓄乙巳五月留郡庠顧謂次子
行曰明日之夕吾其死乎得微疾諸生進醫藥不飲
曰命矣手書四十字詩一章寄示長子幼孜於外書
遺命數事示行又書四十字詩一章謝素所往來者
翌日自題其神主晚沐浴更衣端坐卒年五十七所
著有潛相稿藏於家

雜聞源流錄

卷二

金固

十一

養敬堂

方孝孺字希直

一字

浙江寧海人愚菴公克勤仲子生

之夕有大星隕其家幼精敏絕倫雙眸炯炯如電日讀
書積寸爲文雄邁醇深鄉人呼爲小韓子年十五六從

父宦游齊魯間覽周公孔子廟宅問陋巷舞雩所在慨然以為彼七十子中顏閔未可幾及其餘若樊遲冉求輩使與之同時豈皆讓之但今世無孔子者出不得所依歸耳自是精思力踐進修不已弱冠從潛溪宋公游盡得其所學潛溪嘗欲甥之而不可亟稱其文名流老輩皆推讓弗及而先生方未視文藝恒以明王道關世端為己任嘗曰不以伊周之心事其君賊其君者也不以孔孟之學為學賊其身者也謂道之於事無乎不在因列所當勉者為三十一箴又作禱誠三十八章以自警謂化民必自正家始作宗儀九首家人箴一十五首

雜聞源流錄 卷二 古 彙錄

以告其族人謂先王之治先德教而後刑政作深慮十道其言多先哲所未發又自悼空言浸多絕無自得之味思一屏絕之而以顏曾所以自治者治其心為日稍久覺向時過缺愈眾其論靜則本於無欲謂能無欲雖手執筆而耳聽訟口斷曲直而目察銖兩中之寂然者未嘗少變也其論敬以撻而不失則內直內直則方外者在是而聖人之天德可庶幾而至矣其論攻異端如攻病當追求其本魁然鉅夫非自耗其元氣病何繇入之善養生者當補元氣元氣既完病即易去耳聞者咸以為程朱復出嘗臥病絕糧家人以告笑曰古人有三

旬九食甑無儲粟者窮豈獨我哉洪武中以薦召至京太祖見而異之使往見東宮錫之宴故欵所坐几以試之先生必正乃坐上喜謂皇太子曰此莊士也當老其才以輔汝試靈芝甘露論論遣還家會警家得罪獄詞株連有司籍其家械送闕下上識其名特釋之使奉其祖母挈其妻子家屬還鄉鄉人感發以為盛事越五載又以薦召至上方任名法為治曰今非用孝孺時乃援漢中府教授先生入蜀日與諸生講明聖學蜀獻王聘為世子師曰方先生古之賢者也先生初號遜志獻王為名其讀書之廬曰正學人因稱為正學先生丙子典應天府鄉試取中劉政等二百四十人建文帝立召為翰林博士晉侍講學士侍經筵備顧問凡大政議輒咨之帝好讀書有疑必召使講解當臨朝臣僚奏事面決可否亦必命就晨前批答時修太祖實錄及類要諸書命為總裁官靖難兵起日召謀議詔檄皆出其手燕兵渡淮及江畫策堅守誓死社稷預作絕命詞及燕師入城帝潛遜去宮中火起傳言帝崩即杖衰經號哭闕下鎮撫伍雲執以獻文皇怒命繫獄猶遣人諭之再三不從姚廣孝計欲服天下請召之草即位詔乃出之獄中及見悲慟徹殿陛文皇降榻勞曰先生何自苦余欲法

雜聞源流錄 卷二 古 彙錄

周公輔成王耳先生曰成王今何在文皇曰渠自焚死
先生曰成王即不存何不立成王子文皇曰國賴長君
先生曰何不立成王之弟文皇曰朕家事先生何自苦
置之左右授筆札曰詔天下非先生草不可先生擲筆
於地大哭曰死即死詔不可草文皇曰汝不顧九族矣
先生奮然曰殺我十族亦無若何且罵且哭文皇大怒
令以刀抉其口兩旁至耳割其舌磔之聚寶門外罵聲
不絕至死乃已年四十七門人廖鏞廖銘兄弟拾殘骸
瘞之聚寶山麓瘞畢而廖氏見收死之夫人鄭氏已先
縊遂誅其宗族親朋八百四十七人焚滅其先人墓毀

雜聞源流錄

卷二

七

彙敘堂

棄其文集詔天下有敢藏一字者罪必誅有溧水人魏
澤者以刑部尚書謫寧海典史匿其幼子於上海余氏
冒其姓方氏得不絕魏澤字承恩有過方先生故居詩
云荷與衝雨入侯城經過令人感
既生黃鳥何人空百轉清猿墮淚只三聲山中自可全
尚節天下難居是盛名卻憶令威千載後重歸華表不
勝文皇每言及先生憤憤頓足不能平久之與近臣閒
論不覺心屈曰孝孺是箇忠臣仁廟亦謂羣臣曰方孝
孺輩皆忠臣也詔從寬典方氏遺族始有赦還鄉者因
立私祠祀之成化初遺文始行今所梓遜志齋集四十
卷是也寧海令郭紳實任梓事併新其祠萬曆初詔復
建文年號優卹殉難諸臣後有司始上言先生有遺裔

在雲間命錄之於是雲間亦立祠及崇禎末追謚曰文
正先生和粹貞亮天性忠孝年十三居母喪三年不肉
食父守濟寧被誣謫戍江浦上書請代不報潛溪葬夔
州自漢中走荆榛往祭墓且言之蜀王卹其孤發與王
紳林佑郭璿鄭居貞劉剛王琦鄭楷趙象葉見泰王叔
英許繼諸名士友善每以書往復切劇道誼聞風者莫
不興起斯道爲之復振蓋其學術源流于伊雒其文章
大類蘇氏而正論過之自三百年來論革除忠臣者必
以先生爲稱首而理學反以氣節掩雖說者或少其格
心之學應務之才與夫善死之道要之成仁取義立儒

雜聞源流錄

卷二

七

彙敘堂

廉頑正不以胡廣中庸易也近世已有議及文廡一席
者論定可俟矣所著述自遜志集外有周易枝詞周禮
考次目錄武王戒書注宋史要言帝王基命錄文統皆
以厲禁不傳謝鐘傑贊曰我台之學考亭是師建於愚
菴實問而知愚菴之子是曰正學益擴而
弘上沂伊雒如麟在藪如星在辰旁觀一世絕類離
倫潛溪之門盡天下士驚咤起立謂莫敢比心實希
聖自視歎然銘盤書神襟誠倦倦家人有篤宗儀有
紀謂道之行莫先於此學以氣充磅礴四行孰顧孰
思禍福死生迄宋及元士氣益下有復古初不在作
者愚按建文通臣題詩嘖嘖有云一箇忠臣九
族殃全身遠害亦天常嘗論而細玩之則方正學先
生之以十族死固非中道也然獨不得爲狂狷耶又
先生嘗言曾子子夏可以爲篤實而未至於光輝李
谷平氏識之謂真是不知曾子似其所學尙粗未到
精處也然未得爲入室獨不得爲升堂耶祀之文廟
當於振刷士氣匡扶人倫不爲無補或又以其凶死

為疑則古有結縵而死君難者不疑然十哲之列耶
論語稱殺身成仁春秋書及其大夫此吾方先生記
也

王叔英字原采浙江黃巖人初冒母姓陳後乃復王
篤志力學洪武中同方正學楊太中葉見泰林佑並
徵至京固辭還鄉因與正學友善相切劘賢名籍甚
既而應辟為僊居訓導久之改德安府學考滿擢知
漢陽縣著惠政遇旱禱雨與神約三日不雨至四日
則自減一食五日減二食至六日不雨當絕食飲水
以俟神之顯戮不忍見斯民飢死而已獨生是夕即
大雨連三日不止慮其為潦也復禱晴於神如前誓

雜聞源流錄 卷二十一 王叔英 桑敘堂

是夕果開霽邑人大悅建文元年正學柄用欲復井
田原采貽書力阻之略云方今明良相遇千載一時
但天下之事固有行於古亦可行於今者如夏時周
冕之類是也亦有行於古而難行於今者如井田封
建之類是也可行者行之則人之從之也易難行者
行之則人之從之也難從之易則民樂其利從之難
則民憂其患此君子之用世所以貴乎得時措之宜
也尋召為翰林修撰上資治八策曰務學問謹好惡
辯邪正納諫諍審材否慎刑賞明利害定法制而卒
論創守相成寬猛迭濟之宜識者器之預修太祖實

錄未成靖難兵起奉命募兵廣德未幾燕兵渡江郡
人皆散去兵部尚書齊泰來奔原采疑其貳志令州
人執之既至泰告以故乃釋泰圖再舉已而臥病僧
寺知事不可為乃起沐浴具衣冠賦絕命詞曰人生
穹壤間忠孝貴兩全嗟予事君父自省多過愆有志
未及竟奇疾忽見纏肥甘空在案對之不能嚙意者
造化神有命歸九泉嘗聞夷與齊餓死首陽巔周粟
豈不佳所見良獨偏高踪遠難繼偶爾無足傳千秋
史臣筆慎勿稱希賢復書於案曰生既久矣竟何補
於當時死亦徒然庶無慚于後世遂自經死時年未

雜聞源流錄 卷二十一 王叔英 桑敘堂

四十死後妻死於獄二女死於井天台道士謝希年
受遺囑葬之廣德城西五里祠山之麓原采自少以
孝行稱既出仕好獎拔善類嘗表薦楊士奇於朝士
奇繇此召用正統中士奇題碣曰翰林修撰王公原
采之墓而祭以文略曰先生之學聖賢是師先生之
行綱常允持先生之心金石其貞尤生之道霜雪其
明又追稱之曰先生學醇行正子道臣道終其身無
一毫之苟忠孝二字蓋足以當之成化間莆田周瑛
守廣德嘉靖初安福鄒守益謫州判皆修其墓崇禎
末補謚文忠

周是修原名德以字行江西泰和人少孤貧值元季
亂奉母逃難苦行力學從游鄉先生胡渚樵以孫妻
之又從國子學錄蕭執受詩往反十餘載學成不仕
洪武末始舉明經授霍丘訓導高廟召問汝年幾何
對曰四十有四又問家居何爲對曰教人子弟讀書
爲善耳遂擢周府奉祠正建文初年有訴王府不法
者官屬皆下吏是修以嘗進諫獲免改衡府紀善預
修纂翰林數陳論國家大計及指斥用事者誤國用
事者怒衆共挫折之屹不爲動燕師旣渡江駐金川
門宮中悉自焚明日是修畱書其家別諸友人付以
雜閣源流錄 卷二 彙教堂

汲誘導人善人有過失多爲之隱以是無少長貴賤
咸樂親之性知人所薦士如梁用之劉叔恭皆知各
當世初靖難兵急翰林諸人有與是修約同死義者
後皆負約惟是修如其言楊東里爲立傳且贊曰是
修之學雖間未純然於明綱常爲世道計必身履之
而不徒託之空言豈非卓然特立者歟蓋愧服之也
所著有詩小序詩集義詩譜三卷論語類編二卷廣
衍太極圖一卷綱常懿範十二卷邇言四卷家訓十
二卷又菟菴集進思集十餘卷藏於家崇禎末補謚
貞毅

後事晚具衣冠入應天府學拜先師畢爲贊繫帶上
自經於尊經閣下時壬午六月十五日年四十九御
史言其不順天命宜加追戮文皇曰彼食其祿自盡
其心置不問是修內貞外和孝友忠信非其義不苟
取襟懷坦明灑落而冲澹悠然其學自經史百氏下
至陰陽醫卜之說靡所不通爲文章未嘗締思援筆
立就而雍容雅贍詞理條達稍暇著述吟哦不虛寸
晷嘗曰忠臣不以得失爲憂故其言無不直貞女不
以死生爲慮故其行無不果取先代近世忠節遺事
輯爲一書名曰觀感錄朝夕省覽卒成其志居恒汲

卓敬字惟恭浙江瑞安人性孝且敏年十五讀書寶
香山晨昏定省之禮雖遠不廢嘗風雨夜歸迷失道
得一兒牛馮之歸比入門引燭放之乃黑虎也學成
於天文地理律曆兵刑靡不究悉尤邃性理著書五
十卷發明周子通書邵子皇極之蘊洪武戊辰登進
士除給事中嘗言諸王服飾逾制宜早辯太祖笑而
納之遷宗人府經歷進戶部侍郎建文帝卽位燕王
來朝惟恭密奏曰燕王智慮絕人酷類先帝夫北平
者強幹之地金元所繇興也宜徙封南昌以絕禍本
夫萌而未動者幾也量時而爲者勢也勢非至勁莫

能斷幾非至明莫能察帝覽奏大驚袖之翌日召見
 榻前曰燕王至親卿何得及此對曰楊廣隋文非父
 子耶帝默然良久曰卿休矣事竟寢及燕師入京惟
 恭不往迎首以奸黨捕至抗聲不遜下之獄文皇猶
 憐其才使人諷之受官姚廣孝啣其素薄已力勸殺
 之遂不屈而死臨刑從容歎曰變起宗親略無經畫
 敬死有餘罪神色凜然經日猶如生遂誅三族所著
 遺書詩文共一百卷門人購而藏之他日文皇嘗曰
 國家養士三十年惟得一卓敬宣德間門人黃朝光
 作年譜行狀後朝光子養正攜其小像併書至京求
 傳侍講安福劉球為作傳且以忠貞私謚之崇禎末
 補謚忠貞

程本立字原道浙江崇德人少有大志讀書不事章
 句與海鹽沈壽康友善壽康執手告曰世之學者爭
 務科舉以經學為名而無實吾所不取子之質近厚
 年且富當志於聖賢之學自是篤志修檢聞金華朱
 震亨兄弟得考亭正傳於許文懿公之門乃往從學
 寓金華最久造詣益深更從同邑鮑恂貝瓊游資其
 開發洪武丙辰舉明經秀才擢秦府引禮舍人改周
 府晉長史丁卯從王來朝坐累謫雲南馬龍他郎甸

雜聞源流錄

卷二

忠貞

三

秦敘堂

長官司吏目雷家大梁從一僕之任會死可伐煽誘
 百蠻為逆遂單騎入其巢諭降之是冬諸蠻復變西
 平侯沐恩布政使張統共屬以兵事徧行各縣且撫
 且禦遇民飢處即便宜賑濟歷勞九載邊方晏然戊
 寅建文帝立用薦徵入翰林預修高廟實錄尋擢僉
 都御史作御史箴以自勵俸入外不通餽謁辛巳以
 失誤陪祀改江西按察司副使未行聞燕兵入金川
 門知事不競自經壬午六月十三日也越三日文皇
 即位詔追奪恩典家無遺貲人皆歎曰清御史所著
 有吳隱集十卷藏於家後百三十年郡人福建布政

使吳昂刻行於閩邑人相與祀之學宮愚按華除忠
臣載建文策

編者不下二百人入金陵表忠祠亦百餘人茲錄
 僅存其平素知學者數人非敢舉此廢彼凡以為
 吾道增光為後儒立法云爾其間方先生不顧十
 族死最剛周是修拜別先師死最正程原道自經
 於燕師入京之頃死最忠王原家卓惟寅死雖不
 同而各從容引罪死最忠皆所謂見危授命臨大
 節而不可奪者也嗚呼謂非君子人與其方氏門
 人之死而有傳者附列一二又以敬師友授受之
 符焉武問他人不以學名而能死節者何如曰吾
 夫子因言之矣志士仁人無求生以害仁有殺身
 以成仁蓋志士得之至性仁人無學而熟成則
 一未可以優劣論也弟吾人不僅為一節之死不
 可為卒然之死即守死而或未必善其道然
 則求其生死盡道者所貴豈不在學也與

胡子昭字仲常原名志高雲南大足人性方介富經
 術遠游漢中從方遜志先生學蜀獻王知其賢賦詩

雜聞源流錄

卷二

忠貞

三

秦敘堂

贈之以明經儒士薦為榮縣訓導建文初擢翰林檢
討轉山東按察僉事與叅政鐵鉉等誓死守濟南力
禦燕兵出奇計擊走之軍聲大振以功晉刑部左侍
郎壬午九月坐奸黨死臨刑詩曰兩間正氣歸泉壤
一點丹心在帝鄉時年四十一父母年八十餘及子
五人皆謫戍正德中巡按御史熊相立祠祀之濟南
人作七忠祠位次第三崇禎末補謚介愨

林嘉猷原名昇以字行浙江寧海人與同邑鄭智行
六千里至漢中求正學先生師焉方氏之門四方學
者至無虛日而正學獨以得二子為喜相勗以進於

雜聞源流錄

卷二

五

彙敘堂

聖賢之道曰匡我不及者二子也洪武丙子嘉猷以
儒士校文四川蜀獻王聞其賢與智同名至成都薦
為府僚訝其名字不相符為更名良顯建文初辟嘉
猷入史館為編修智為監察御史而嘉猷累遷陝西
按察僉事用忠節化民燕府嘗召入居處最久得二
郡王情素傾世子以告正學於是上遣錦衣千戶
張安持書詣燕許世子王燕燕內使王儼引見世子
計且得行世子竟先發事遂洩壬午六月內難平坐
方黨逮至京大慟謂僚友曰大丈夫見義勇為九月
中遇害智字叔貞力學好古工文詞友嘉猷而師正

學以賢良舉當官吏事精敏持法不阿至是亦論死
初嘉猷事邑人王琦琦坐累家徙雲南姻族無一人
顧恤者獨徒步千里追送贈遺涕泣訣別人高其誼
卒死方氏之禍蓋始終義士也

俞貞木初名楨以字行別字有立南直吳縣人祖石
澗翁瑛元末老儒邃易學著書百卷貞木少聰敏善
屬文年十五篤志問學欲以力追古人既冠念學業
未成弗肯娶從永嘉陳公麟受易多所開悟及陳公
宰慈谿不遠千里復往卒業值元季兵亂始辭歸杜
門不出研精雜聞探奧義文居閒十餘年視天下榮

雜聞源流錄

卷二

五

彙敘堂

利泊如也洪武中始以薦授樂昌令尋丁父憂服闋
改都昌令甫下車即捐俸倡修周元公朱文公祠因
以禮教其民翕然從化未幾政舉惠行郡將上其績
於朝丁母憂歸以親族犯法例弗起遂息交絕游屏
棄世故間作為詩文以陶寫性情夙秉誠確之資潛
心為己之學故其與人處雖甚和易而中峭厲不可
犯晚節益樂恬靜安陸姚善來守蘇郡折節下士數
延致於庠行乞言禮值靖難兵下勸善舉兵勤王文
皇既立被逮至京以疾卒有遺集藏於家

雜聞源流錄卷二

終

雜聞源流錄卷三

無錫張夏纂

門人婺源黃

昌衢 昌佩 技

謹按太祖定鼎於南而南學最盛一時正儒非溯
閩宗即揚發派尚矣文皇遷都於北而北學遞興
澠池河東伊雒之接武也蘭州師弟關中之餘響
也似地靈亦應時而轉者嗣是百年間而其徒與
東南之英遙為倡和何其純粹中和無少瑕釁乎
是時在南方則有劉臥廬之篤學焉有吳聘君之
倡道焉又有若何椒丘之樹立陳布衣之奮跡與
夫楊文懿兄弟之並起焉愚竊以為此太祖崇正

雜聞源流錄

卷三

十一

彙錄堂

之效也說者謂文皇首命儒臣纂修四書五經性
理大全書成表章之功軼元續宋用是四方嚮風
名賢踵出則末學竊見其不然夫濂雒之學傳至
南渡後不無駁雜得朱子為之摧陷廓清錄伊雒
淵源而始正輯近思錄而始醇所謂集羣儒之大
成也後人誠謹守勿失即可免岐路之悲自殘宋
入元漸復乖離私改宋史者尤為無識其纂道學
傳於周程張邵諸子之後遠躋陸於朱上異同混
編令人適從靡王又屈安定康侯東萊北山魯齋
諸子於儒林屈西山鶴山諸子於列傳分其塗轍

雜聞源流錄

卷三

十一

彙錄堂

斷其脈絡比而論之竟同倒置幸其書未行眩惑
者鮮種病雖淡猶可救藥當明運新隆固釐正之
機會也假令文皇能體太祖之心修太祖之教諸
臣亦能以憲章為己任一循宋學成法筆則筆削
則削期於整壹眾庶準式來茲然後頒布學官庶
幾千載一舉而聖人之道如日中天矣不知出此
乃狹小前度博採諸家務為參互前而臨川眉山
後而金谿橫浦凡經先賢繩削者莫不標舉收入
論規模類依大注詳首尾間涉異端遂使後來入
室之戈易班之蒐得豫窳其跡何其誤也意者文
皇非學問中人非制作之主徒借此以欺世盜名
諸臣亦皆迎附靖難之徒故爾餽釘舊籍苟且成
書耶惜哉是書不修于洪武建文而修于永樂之
初朝無貞臣有負大典也且吾觀簡首纂修姓氏
詞林部曹而下又旁及廣文教人當日徵才不為
不廣然按開局修書之日正月川教霍之年試引
而問之必大有是正何未之及也豈非真儒難進
當事者交臂失之耶抑吾道當明於下不必明於
上有數存焉耶故愚嘗謂明儒學脈初盛之守正
太祖實首其功中葉之趨邪文皇當任其過彼反

欲歸美文皇譬如未有濂雒關閩不曰藝祖讓天下之詒而曰太宗殺弟姪之報又可信乎雖然饒人朱友季嘗詣闕獻書端詆宋大儒之說文皇從楊士奇言斥其為儒之賊特差行人押還本籍令有司聲罪杖遣盡焚其所著書此聖政也使當時無此一番懲戒新學之禍不待成弘後始熾矣從來功過原不相掩孰謂文皇之於吾道無尺寸功

宋史朱熹在道學傳陸九淵入儒林傳至前平湖馬氏移改宋史列陸於節子下朱子上

曹端 川先生 郭睿 倪峻 李時勉

陳敬宗 楊鼎 尤文 吳訥

雜聞源流錄 卷三 主 葉敬堂

彭勗 薛瑄 敬軒先生 閻禹錫 張鼎

喬縉 李景 衛述 楊益所 張傑

劉誠

曹端字正夫河南澠池人其先本姓楊氏居山西曲沃間村五世祖嗣以父命出繼舅家曹氏又四傳至敬祖始居澠池屈陀里娶邵氏以洪武丙辰春正月感修竹之祥而生先生自少特異於人與羣兒游必拱立不妄戲謔言笑知敬飲食必讓父母兄長出入先後必候長者父母器之曰儼然老成端人因名曰端七歲從父遊學宮見有觀河圖雒書者問曰此星子黑白不同如

何其人異之曰分陰陽也白是陽黑是陰歸畫圖于地問父曰與書上相似否父益奇之一日見風雨雷電虹霓問父曰是從何處起父無以答益知他日當大有成就明年始入里學讀孝經曰不如是不成人子嘗曰人生上戴天下履地參兩間而立者不能以忠孝立身非大丈夫也至十五盡讀大學中庸論語孟子尚書詩禮周易春秋能通其義曰六經四書天下萬世言之經墨也不可不使之先入于心然後徧讀通鑑綱目諸子史百氏之書以考覽得失而定其賢否雖周公孔子之聖猶且朝讀百篇韋編三絕況常人乎因建勸苦齋以陳經籍年十八為邑弟子員明年娶陳氏初讀游或編而好之至是志意堅定始卓然以斯道為己任時有僧者謂先生曰秀才勤學篤孝但不信神佛未善先生曰事之如何僧曰佛主輪迴神主禍福事則報本先生曰物本乎天人本乎祖人能敬天而不違尊祖而繼志是謂報本若事神佛而言行違理何云報本且佛法自漢明帝時始入中國漢去開闢數千年豈漢以前無輪迴獨漢以後有輪迴哉神如關李等皆漢世人豈漢以前無主禍福獨漢以後有主禍福哉僧曰輪迴不可逃惟佛教度之禍福不可逃惟神默佑之先生曰人氣聚則

雜聞源流錄 卷三 田 葉敬堂

生氣散則死猶晝夜之必然安有死而復生爲人生而復死爲鬼往來不已爲輪迴哉且使人皆事佛不夫婦乾坤內不過百年無人類矣佛法將安施乎至於作善降祥作惡降殃禍福之來人爲感之使人不積善而詣神求免神本至公豈受枉法之賄而倒禍福之柄乎天道福善禍淫鬼神不能移也書曰惠迪吉從逆凶鬼神何與僧曰秀才說鬼神佛不足事歷代何以立教門崇祀典乎先生曰佛出西方本以導化外國外國事之中國可乎至若神之有功德于民者其祀典亦不敢僭禮天子祭天地諸侯祭封內山川大夫祭五祀士庶入祭

雜聞源流錄

卷三

五

彙錄堂

其祖先上得以兼下下不得以僭上今一郡神祠數百一鄉神祠數十家祀天地人祭山川甚者昊天上帝與五嶽及忠臣烈女同坐一室共饗一祀悖禮瀆倫不可勝言魯公三望春秋譏之季氏旅泰山孔子非之况庶人乎古者民不祀非族神不歆非類彼釋氏妄說輪迴惑世誣民滅天理矣棄妻子離父母滅人倫矣雖事神佛無以救背理亂倫之罪况能報本耶舍中國先生之法從事外國空寂之教舍劬勞罔極之恩周旋釋氏悖逆之像謂之忘本可也如欲報本棄而幼習歸而故家拜父母於堂上饗祖宗于地下娶妻生子思以繼續宗

祀上供賦稅下守禮法所謂出幽谷而遷喬木也報本之道舍是何以哉僧默然久之曰秀才言是也恨年老不能從學耳當是時先生因父好事神佛家用巫覡族人葬用地師之術兄弟有欲析居者乃作夜行燭十有五篇以勸正之謂佛氏以空爲性非天命之性人受之中民秉之彛也老子以虛爲道非率性之道人繇之路民用之常也其言辨析甚精父好之卒向學復作家規輯畧十有四篇建祠堂于家依文公家禮以奉先世神主置祭田二十畝祭帛取諸蠶桑爲籍印識使子孫奉行焉乃上書邑宰請毀淫祠百餘所爲設里社里穀壇

雜聞源流錄

卷三

本

彙錄堂

使民祈報惟存夏禹雷公三廟而已永樂戊子舉鄉試第一明年會試登副榜第一授山西霍州學正戊戌歲以內外艱去壬寅補蒲州學正洪熙乙巳春吏部考績霍蒲二州學者上章爭留之復補霍州學正宣德丙午典陝西試己酉壬子連典試陝西甲寅夏六月丁丑卒于霍先是州大夫入問疾先生曰諸大夫能寬一分則民受一分之賜吾無遺憾矣諸生入問疾先生曰賢輩尊所聞行所知吾無遺患矣召諸子語之曰吾平生不喜佛老不悅齋醮惡其害道亂正也我死爾曹當以我葬考妣之禮葬我母我污也至是正衣冠而卒年五十九

葬霍城東子琇塋廬于墓側其後天順間學士黃諫遷之澠池故里當先生之爲霍州學正也教人以踐履爲主始至得李德同升講席久而愈敬霍州饑則分俸濟諸生貧乏者勸州守發倉賑民多所全活司訓張睿死爲之主其喪具棺以禮歸葬給其老母幼子于家時有樵者鬻薪誤得金釵明日歸其主或曰辛苦得金何歸也樵者曰曹郡博有道人也以有道者倡教吾霍可不知化乎先生聞之曰十室之邑必有忠信訪其姓氏入郡志中高文質者霍州士也與同輩觀樂中途返曰此行曹先生得無知乎如知何面目相見縱不知終當自愧卒不往歸語人曰觀曹先生書籍聽曹先生言論餓可以忘食寒可以忘衣可輕其身從流俗耶先生在霍最久州人士從而化者不可數計蒲霍之間人服先生之教行家禮毀淫祠者數十百家先生之補蒲州學正也與州人王士希爲友凡所以行已教人一如霍修學宮解舍不避太歲不計土旺諸生有欲作佛事葬其親者以道諭止之司訓周敏在京師其妻死于蒲先生主喪事不用浮屠毋惑其妾不肯服衰責以大義使服之敏歸大悅曰篤朋友之義嚴妻妾之分斥釋老之教一舉而三善備矣其自蒲而復教于霍也嘗築拙巢于霍

雜聞源流錄

卷三

七

葉敬堂

庠時薛文清公方爲大理卿與先生善乃原元公拙賦之旨爲之記晉定王過霍延見先生曰今幸識曹先生矣爲建頌書閣以貯上所頒經籍聚學者講習其中而四方來學之士日益衆及於沒而相與悲哀之如喪考妣門人蒲坂謝珺志其墓謂鄒魯河雒之教復見于秦日師道得人先生一人而已先生居喪苦塊飲水形容哀毀杖而後起弔祭者迎送卒哭無少息一如家禮不徇風水齋醮遠近觀者幾千人旣葬廬于墓所三年不游其間人皆稱孝感每遇考妣忌辰終日哀慕未嘗飲食言笑接見賓客親沒後遇已誕日亦不受賀倍恭祠堂凡九族之喪聞訃必依制行之素服蔬食未嘗少間父幼孤養于外舅邵氏家邵氏無後故與曹氏合祀迺別立義祠以祀之自奉甚薄衣取蔽體食取克口出入不騎乘喜稱人善惡言人過言語謙和禮貌恭肅未嘗以賢智先人雖隆冬盛暑不冠帶不見諸生有所叩問輒據事理以應之故賢者慕其誠雖婦人女子走卒樵夫皆知稱先生名而樂道先生之德焉居家夜分乃寢鷄鳴而起諸子侍立終日肅恭不怠兄愛弟恭和順親睦諸婦皆知禮義饋獻整潔無故不窺中門出入必擁

雜聞源流錄

卷三

八

葉敬堂

蔽其面皆先生至誠之心所化也可謂醇儒君子矣所
 著有四書詳說孝經太極圖通書西銘諸述解性理論
 存疑錄儒家宗統譜夜行燭家規輯略等書及語錄行
 于世其序四書詳說曰夫四書者孔曾思孟之書所以
 發六經之精義明千聖之心法也語其要分之則論語
 曰仁大學曰敬中庸曰誠孟子曰仁義合之則帝王精
 一執中之旨而已矣其序孝經述解曰性有五常而仁
 為首仁統萬善而孝為先蓋仁者孝所繇生而孝者仁
 所繇行者也是故君子莫大乎盡性盡性莫大乎為仁
 為仁莫大乎仁孝其序太極圖述解曰太極者象數未
 形而其理已具之稱形器已具而其理無朕之目是生
 兩儀則太極固太極兩儀生四象則兩儀為太極四象
 生八卦則四象為太極推而至于六十四卦生之者皆
 太極焉蓋孔子而後論太極者皆以氣言老子道生一
 而後乃生二莊子師之曰道在太極之先列子渾淪之
 云漢志合三為一之說所指皆同微周子啟千載不傳
 之秘則孰知太極之為理而非氣也哉是後有增周說
 首句曰自無極而為太極則亦老莊之流有謂太極上
 不當加無極二字者則又不知周子理不離乎陰陽不
 雜乎陰陽之旨矣亦惟朱子克究厥旨遂尊以為經而

續開源流錄

卷三

九

葉象堂

註解之真至當歸一之說也又以朱子語錄為未成之
 書混于注解之文因作太極辨異文其畧曰周子謂太
 極動而生陽靜而生陰則陰陽之理係乎太極之動靜
 而朱子之解極明備矣其曰有太極則一動一靜而兩
 儀分有陰陽則一變一合而五行具尤不異焉及觀語
 錄却謂太極不自會動靜乘陰陽之動靜而動靜遂謂
 理之乘氣猶人之乘馬馬之一出一入而人亦與之一
 出一入以喻氣之一動一靜而理亦與之一動一靜若
 然則人為死人而不足為萬物之靈理為死理而不足
 為萬物之原理何足尚而人何足貴哉今有活人騎馬
 則其出入行止疾徐一繇乎人馭之何如爾活理亦然
 不之察者信此則疑彼矣信彼則疑此矣其作通書楚
 解篇中論孔顏之樂有曰孔顏之所樂者仁也非是樂
 這仁仁中自有其樂耳孔子安仁而樂在其中顏子不
 違仁而不改其樂語曰仁者不憂不憂非樂而何周程
 朱子不直說破欲學者自得之耳其作西銘述解大意
 在明理一而分殊為分經布註以解之其作性理論凡
 經史之疑難性理之奧旨皆詳著為論其序存疑錄曰
 天下無性外之物而性無乎不在性即理也理之稱名
 曰太極曰至誠曰至善曰大德曰大中名不同而道則

續開源流錄

卷三

十

葉象堂

一第... 丹... 卷三

一也六經四書之後闡明開示至當歸一之論惟周程張朱真得孔孟宗旨是以於講授之餘信手錄其所說首太極以闡造化之源次陰陽以明造化之流而後刻其成象成形有涯有泐或動或靜在幽在明之久之暫之所以然與其所當然之故及夫道統之傳異端之辨以實造化理氣之無窮則吾道一以貫之無遺焉其序儒家宗統譜曰是儒家之真源正派也真源乃天地人之所自出正派乃皇帝王之所相承所以參天地而盡人極然其大目則曰三綱曰五常而其大要則曰一中而已三皇儒而皇五帝儒而帝三王儒而王皐夔稷契

惟閩源流錄 卷三 十一 葉敬堂

伊傳周召儒而相孔子儒而師然則孔門一帝王之教耳帝王一天地之道耳儒家者所以相天地宗帝王師聖賢心公天下萬世之心也道公天下萬世之道也朱子謂釋氏出于自私之厭老子出于自私之巧夫彼豈可與此同年而語哉嘗言學者須要識得靜字分曉不是不動便是靜不妄動方是靜故曰無欲而靜到此地位靜固靜也動亦靜也又言吾輩做事件件不離一敬字自無大差先生著書立言之意大率具此嘗自稱伊維後學以志私淑二程晚年有得於太極之精旨為川月交輝圖以喻其妙其圖天上一月川中九月詩曰天

月一輪映萬川萬川各有月團圓有時川竭為平地依舊一輪月在天所以喻夫統體各具之太極與萬感之俱寂而一理之常存也因更號月川子學者稱為月川先生李德字紹賢霍州人先庠師虛席公請為賓師及聞月川先生除任遂辭去月川至命諸生請之同堂講論兩意大洽文教振于晉陽間霍人稱白雲先生

惟閩源流錄 卷三 十一 葉敬堂

樂甲午鄉舉任南城兵馬指揮尋聞父喪徒步奔歸以不及治葬為痛遂廬墓側有白兔穴於廬次馴若家畜月川作歌以表章之

倪峻字克明一字維岳南直無錫人生元至正庚子少游邑儒陸士弘之門諱以道載元儒攷畧受蔡氏書傳學識醇正及應洪武庚午鄉舉遂魁其經署教鄆城訓諸生先德行而後文藝居八年中州俊秀負笈從遊者千人擢令泗水永樂初改沙縣專以禮讓為治修起了齋豫章二先生祠為之記講學於其中閩士雲集親自飭勵誘進之以政最召為兵科給事中尋長其科廉正守道上書諫佛事時人擬諸韓表文廟怒左遷行

人司行人遣使外國以折之後先浮海者垂十二年
初占城王欲召見與之辨賓主正君臣力折驕王俾
損萬乘郊迎而後宣詔王聽命惟謹凡三至占城而
執禮彌堅訖正天朝使臣之禮歸過沙縣父老擁車
拜泣扳留百端七日不得去厥歷三十載得俸盡以
分親族貧交既艾請老家食不給日與弟子講伊雒
之學於東林性好鼓琴詠詩優游十餘年卒蓋錫山
東林有宋五賢而後楊時 陸九淵 朱熹 李祥 蔣重珍明初當絕續之
介其得中延一錢者非無繇也所著有靜寄集行於
世子恂以孝友著孫敬字汝敬中進士官御史亦以

惟聞源流錄

卷三

七

葉敬堂

諫顯於正統景泰間有月樓文集

李時勉名懋以字行一字古廉江西安福人少有大
志甫成童每自勵曰顏曾希聖四勿三省永樂甲申
進士改庶吉士預修高廟實錄永樂大典初授刑部
主事改翰林侍讀十九年三殿災詔求言條上十五
事皆切中時弊有旨允十四事施行之是冬復言事
忤旨繫獄二十一年以學士楊榮薦復職扈從洪熙
改元言事觸諱忌仁廟震怒命武士以金瓜撲十數
下脇斷曳出大學士楊士奇灌以燒酒得不死乃下
錦衣衛獄先是折脇內向不相著及用挺杻斷骨忽

自後宣德初上幸萬歲山恨其言懋觸仁考怒令使
者縛束面鞠之已又令王指揮縛斬西市王指揮出
瑞西旁門古廉已為先遣使者縛入端東旁門門中
相左王指揮至獄知古廉入亟走還將縛送西市古
廉已入見上得赦矣上曰汝何激怒先帝對曰臣言
制中不宜御妃嬪太子不可遠離膝下至第六事止
不言上再問對曰臣不能記其詳上微笑不復問且
索諫草在否曰焚之矣上遂憐其忠愛命立脫桎梏
復原官預修兩朝實錄成進侍讀學士一日上懷金
錢至史館撤於地縱諸臣拾取古廉獨正立上呼之

惟聞源流錄

卷三

七

葉敬堂

前以袖中餘錢賜之上嘗御文淵閣賜諸學士飲顧
謂曰卿非朕安得飲此酒古廉頓首謝曰臣蒙再造
恩不勝感激正統初兼經筵官每進講上必傾聽聞
者莫不稱善以為范滂夫其人也進學士六年遷國
子祭酒倣胡安定教條隨材造就之督勵嚴甚每旦
五鼓命膳夫提鈴諸生門即起誦讀夜終二鼓方聽
就寢或時潛行以察勤惰無燈者且罰治之尤禮待
諸生病給醫藥死助棺殮未娶者使有室師生間恩
義浹洽不啻父子疏請改建太學太監王振奉命
來視古廉與之抗禮振生日又獨不賀振即之坐以

擅砍文廟古木爲不敬命置百斤枷枷號國學前司業趙琬掌饌金鑑皆予罰有一枷特重數斤振爲古廉設也金曰鑑年壯當荷此古廉曰僕雖老筋骨甚堅卽以自荷諸生司馬詢等數百人伏闕請宥而石大用者獨上章乞身代之始獲釋尋致仕去諸生滄泣走送觀者塞途商賈爲罷市又明年北狩報至北面頓首號慟上疏言選將練兵迎還車駕數事景泰元年卒年七十七謚文毅成化間贈禮部侍郎改謚忠文

陳敬宗字光世浙江慈谿人永樂甲申進士選庶吉

雜聞源流錄

卷三

李時勉

五

葉敬堂

士預修高廟實錄永樂大典授刑部主事復預修五經四書大全徵入史館預重修高廟實錄書成改翰林侍讀內艱去宣德改元起復修兩朝實錄未及竣遷南京國子監司業精察積弊首疏三事上之九年秩滿晉祭酒光世矜嚴好禮儀止端莊當會食諸生稍有失儀卽令待罪或有所對嚴若對君每遇丁祭豫齊十日於箱房宿焉久居太學力以師道自任不少厭倦申立教條痛革舊習日勵諸生進學成德有違犯者扣除坐堂月日悉爲虛曠預示而堅守之諸生以是畏憚不敢少恣是時嘗宗之政嚴于朝典遇

諸僚屬槩不假借間以此致怨弗恤也有挾私念誣

奏之者法司將覆請逮理或謂宜上疏自辯屬筆者

詞多遷就光世曰不可被誣罪小欺君罪大具實以

聞事得竟白時關中楊鼎發解試禮部下第疏乞入

南監從光世學詔從之鼎至監清苦力學後舉禮部

亦第一廷試第二仕至戶部尙書其能得士心而成

人材如此素善飲共客酩酊尤自儼然若未嘗飲者

人皆服其養平生剛正介潔不見喜愠官太學二十

餘年諸生多位至卿貳光世獨久不調處之裕如可

以微量可以觀守矣時北監李古廉先生約束諸生

雜聞源流錄

卷三

李時勉

六

葉敬堂

身故亦嚴世稱南陳北李云景泰元年引年致仕既

退家居不輕出入望重朝野天順三年卒年八十三

謚文定著有澹庵集行于世

楊鼎字宗器陝西咸寧人家貧好學手不釋卷歷治

詩禮易三經宣德乙卯鄉舉第一明年試禮闈下第

時南監祭酒陳公敬宗學行動朝野乃上疏請入南

監就教上從之比至監清苦力學修行陳公試其文

察其行歎曰閉戶端居甘人所苦雖簞瓢不是過也

正統己未舉會試第一擢廷試第二在翰林迥然自

異累陞戶部尙書持正不回嘗書十思于座隅以自

省曰量思寬犯思忍勞思先功思讓坐思下行思後
名思晦位思卑守思修退思早未幾加太子少保致
仕卒年七十六贈太子太保謚莊敏宗器天性直諒
見事明決確然有守死生禍福舉不足以動其心居
家冠昏祠祀遵用古禮致仕後築靜善書院延師以
教里中子弟歲饑悉出所蓄以賑親舊嘗語諸子曰
吾平生無可取者但識廉耻二字耳因自號耻庵又
言吾學問得之南雍為多著有助費稿二十卷及奏
議五卷行于世子時暢由進士歷學士少卿時敷舉
人嘗親喪廬墓弘治初旌表

惟閩源流錄

卷三

七

葉敘堂

尤文字務樸

一字文達

南直無錫人文簡公表十世從孫父

味萊翁卜居東郭迺溪里有願生文人不願富之語及
生務樸因命名曰文自少博學洽聞傾其同輩弱冠讀
程朱遺書與遂初先生集慨然向慕潛心精究直探淵
源以復性立命為指歸以持志養氣為途徑謂學者必
先於天理人欲關鍵剖決分明纔有入手處屹然有千
駟弗視一介不取之思洪武中舉明經秀才俱不就晚
益超邁獨悟天則之妙奉母隱居致養為樂若將終身
焉永樂十七年詔天下方面官保舉孝廉又詔吏部訪
學行並優者取來於是吏部以馬麟等十五人具奏列

樸名第二上特遣行人盧玉齋勅書徵之大吏爭臨
門勸駕以母老疾無他子力辭時麟等被徵至京以明
年閏正月朝見授布政七人參政五人賜釋褐一人其
不至者獨務樸與梧州吳貞簡鶴耳貞簡有足疾故不
行以布衣敝屣棄二品人並高之徵書有云爾尤文生
於詩書孝友之家實出理學名臣之後志懷堯舜行合
閔會既篤事親之淡誠必抱致君之遠略累舉明經嘉
遜丘壑朕欲資啟沃心渴儀型特遣行人聘爾入朝用
展致知格物之學共成時雍於變之休端有望矣毋耽
釣築過佚前光當時眷注之意如此務樸弗為動也厥

惟閩源流錄

卷三

七

葉敘堂

後尚書胡澹巡撫周忱等復薦之終不出及卒門人私
謚曰恭靖先生著有語錄二卷行于世閩人陳真晟序
之謂議論切實學術純正與有宋五子書相為表裏非
後儒可並自務樸紹明文簡之緒而子諤孫弼曾孫晉
玄孫瑛五世孫鏗六世孫之濤代以文學科名顯諸孫
賢且貴者祀世德祠得十二人南方稱家學之盛者鮮
與比埒焉思按吾邑務樸先生不肯事靖難之三二泉
先生不欲立議大禮之朝乃其辭召命也皆
以養母為言以存全忠亦以忠成存世人無絲毫見
心事惟其身不出而倫教賴之矣何粹夫嘗論不義
而富且貴於我如浮雲浮在不在富貴竊謂兩
先生斷斷不屑就亦衡之於義而已故吾儒遇辭身
庶處即當擇中
庸辨學者辨此

吳訥字敏德號思庵南直常熟人七歲能背誦五經正

文長而力學尚義兼善醫術父遵道沅陵主簿誣繫

京師乞身代事未白而父沒治喪如禮以學行聲聞

江東郡縣薦為教官不就永樂末舉醫生至南京所

居鄰有癡婦少而美夜穿壁將奔之敏德亟排戶冒

大雨出旦日即遷他所時仁皇帝以太子監國命教

功臣子弟洪熙改元拜監察御史巡按貴州恩威並

施還三都所遺贖金題之詩曰蕭蕭行李向東還要

過前頭最險灘若有賊私併土物任教沉溺碧波間

清而不激若此再差巡按浙西表陸宣公里修岳鄂

雒陽源流錄

卷三

九

彙錄

王墓斷秦檜所立大學碑以扶植綱常為務廉直敬

慎持正不撓歷遷南院副都御史為人端重純明履

方居約不以窮達易所守其學務遵儒先為文根據

理義有裨世教致仕日子其為巡江御史至通州因

南望親舍止一水逕渡歸敏德怒甚不容見所居離

城三里縣官聞之皆來迎謁為之所請再四乃許入

門跪庭下良久大數其私歸之罪立遣渡江不容升

堂也外孫錢昕初赴舉送以詩云阿昕今喜赴科場

南北奔馳日夜忙昔日曾聞先達語一憑陰德二文

章蓋因其父而規之也及昕報捷命執掃除之役以

折其少年英氣其後昕卒為循吏敏德卒年八十六

賜祭葬謚文恪所著述有小學集解性理羣書補注

晦庵文抄北溪字訓草廬文粹文章辨體詳刑要覽

歷代名臣諫疏思庵前後續集行於世錢溥曰公嘗

高弟豈有荀况所謂愉儒憚事無廉耻嗜飲食之

譏蓋荀去子游幾二百載其時子弟鄉人或狃于

俗習遂乃譏及子游晦庵嘗記于游祠使此邑之

人百世之下復有如公者出一灑其談今公自處

雅儉粗衣蔬食不混流俗而又淵源其學本立而

用行蓋陵楊文貞公當代儒碩慎許可至論公著

雒陽源流錄

卷三

十

彙錄

像而秦檜記之有精神未純儒術頗馳狙詐僥倖

功利等語蓋指當時阻和議者曰此正勝處所謂

邪說誤國罪萬死不足以贖者也即命磨去及還

都憲始至留都道習儀朝天宮謂下忠貞墓見其

偏隘立命道士歛垣屋還所侵

地若先生者可謂功在名教矣

彭勗字祖期江西永豐人生有異質七歲日記數百

言嘗從鄉父老入佛寺獨不拜寺僧強之不從反叱

之曰彼佛不既不衣冠我何拜為人大奇之年廿六

登永樂乙未進士念親老乞改教便養得南雄府教

授分考雲南鄉試正統初元少傅楊士奇薦之召拜

御史提督南直學政教條畢立寬嚴得體已未廷試

三甲魁選悉出其門至今論南畿提學必以彭公為

第一以內艱去起復拔授吏部考功郎中更定條例考功為之一清已補山東按察副使已巳之變廷議以其才可用乃勅簡練軍壯固守城池督造軍器送京營於是出入宣勞屢疏兵事抗直無隱居四年自陳得歸時年六十四祖期所至毀淫祠寢齋醮而表章先賢祠墓甚多嘗上言堯舜禹湯文武周公之道非孔子刪述六經垂憲萬世則其道無傳所謂集羣聖之大成也濂維關閩之學非朱子註釋六經而稟集諸子之言則其學不明所謂集羣賢之大成也今朝廷於孔子至矣而朱子建寧舊宅有祠無祭子孫

雜聞源流錄

卷三

主

葉敬堂

身服役誠非所宜乞定議褒崇幸甚疏入公論是之所著述有書傳通釋讀書要法山東郡邑通志勝覽等書及詩文集行于世

薛瑄字德溫山西河津人生有異質五臟露如水晶智發隣神七歲通語孟十二能詩賦既而聞魏范淡於理學乃禮延於家供子弟職日與講習性理周程張朱諸書久之歎曰此道學正脉也魏范字希文高密人時與薛瑄皆以首儒成王田先生奉父教師之三子皆不敢當禮遂焚所作詩賦求理學至忘寢食處恭執敬氣象儼若成人父貞司教鄆陵時例庠乏科貢職教者克戍父慮之因強先生補鄆陵諸

生永樂庚子中河南鄉試第一辛丑成進士擢御史時楊文貞公士奇在閣求一識面不可得差監湖廣銀場手錄性理大全全帙不下數百萬言晨夜玩讀潛思有得秉燭疾書淡探密玩或通宵不寢正統元年初設提學憲臣出為僉事視學山東首明理學以淑人土人稱為薛夫子大璫王振問于三楊吾鄉誰可為大臣者皆薦先生召為大理右少卿三楊以此舉出振意欲先生一見振先生正色曰安有受官公朝而拜恩私門耶振聞而憾之已而遇諸塗衆行跪禮先生獨不屈振益不悅會有獄夫病死其妾欲嫁私人王山山振姪也正妻

雜聞源流錄

卷三

主

葉敬堂

不許妾嫁妾遂誣妻毒殺夫下御史獄坐妻死先生辨其冤益觸振怒其黨誣先生受賄棄律出人罪族言官劾奏論死先生怡然曰辨冤獲咎死何愧焉獄中日手周易誦讀不輟將刑神色自若會振家一老僕哭於廚下振怪問之曰聞今日薛夫子將刑耳振問何以知之曰鄉人也備述其賢振意動而止尋大臣申救又家人乞代死有詔赦歸田居家六年閉戶不出造詣益邃十四年用侍郎江淵給事中程信交薦起大理寺丞分守北門禦警景泰改元督川雲轉餉貴州遷南京大理寺卿蘇松饑民貸粟富民不得遂火其屋竄匿海中朝廷

遣都御史王文在案坐謀叛連五百家先生抗章力辨
獲免文謂人曰此老崛強猶昔是冬御史劉孜薦先生
粹學飭行乞召置館閣俾講學輔導必有裨益上不許
守備中官與安袁誠時無抗禮者午節饋扇先生曰此
朝廷禮不敢受於是益加敬憚太監金英奉使南京諸
公卿共餞江上先生獨不往英北歸言於人曰南京好
官惟薛卿耳四年秋召入爲大理卿裕陵復位擢禮部
右侍郎兼翰林院學士入內閣一日召入便殿上服小
帽短衣先生不入上遽易服始命入見所陳皆正心誠
意之說及出上語左右曰此正薛夫子也時有矜迎復

雜聞源流錄

卷三

圭

彙教堂

功者先生曰許魯齋不陳伐宋之謀凡事取必于智而
不循天理之正非聖賢之學也尋典會試錄首序以正
學復性爲言或請易答曰平生所學惟此事竣晉禮侍
左會欲遣使徵獅西番先生持不可弗聽又見曹石等
竊美朝柄歎曰君子見幾而作豈俟終日乎遂引疾致
仕石亨來視疾曰先生旣不留願爲先生請勅卽家塾
數教且有以資養答曰昔許魯齋去位元世祖賜勅書
爲教魯齋懸之屋梁終不以示人若資其養曷若不辭
官耶亨歎息而去歸至直沽道遇風雨舟不前餽糧俱
匱日中猶未食從者皆慍先生歡然吟詠歸家八年四

方學者從游甚衆先生倦倦以復性爲教曰此程朱喫
緊爲人處而永叔言性非所先誤矣六經四書性之一
字括盡孟子以後道不明只是性不明學者明此性行
此性而已爲人剛方正大一以聖賢爲師學務力行不
尙辭說處已接物不詭隨不屈撓辭受取與必揆諸義
一毫不苟出處大節光明峻潔於富貴利達泊如也居
家孝弟忠信對妻子如嚴賓及至接人和氣可掬不語
人以其所未至有所誨迪不出存誠主敬反身窮理數
端歸之復性初無甚異於先儒之所言而洞徹下上傳
諸無弊曰聖賢千言萬語皆說人身心上事誠能因其

雜聞源流錄

卷三

圭

彙教堂

言反求之身心擺脫私累則身心皆天理矣曰萬物不
能碍天之大萬事不能碍心之虛曰一身萬物皆天地
公共之器非己所能私曰格物只格個性曰無欲非道
入道自無欲始皆徹語也晚年涵養純熟至卒之日作
詩曰土牀羊褥紙屏風睡覺東窓日已紅七十六年無
一事此心惟覺性天通時爲天順甲申六月十五日壽
七十有六計聞贈禮部尙書謚文清學者稱敬軒先生
嘗言自朱子後性理已明正不必著書程明道許魯齋
皆未嘗有所著作而言道統者必歸之故於諸經亦無
所注述有讀書錄續讀書錄行于世河汾集藏于家劉

文安公定之首請從祀文廟嗣後言者又數輩隆慶初
 詔允從祀稱明儒第一嘉靖已亥御史論薛文清應祀
 欲祀孔廟猶無汗馬之勞而欲配帝享於義不稱中
 允秦鳴夏疏爭曰與王之業固有不盡待于汗馬者
 而況吾道之於著述耶自秦火烈異端熾諸儒之傳
 經守正有足多者時也迨夫理學既明家論戶曉枝
 葉滋蔓我害本根瑄獨反躬實踐厥斥支流迥尋正
 脉使學者曉然知所趨向此其功大於著述矣臣以
 為昭代必欲崇異從祀以風示來學非瑄不可鳴夏
 字子亨號白涯臨海人嘉靖壬辰進士萬曆甲辰東
 林書院九日首會山陰劉念臺講克復章畢坐中尚
 翁微不滿于薛文清無錫高存之請故念臺徐曰易
 儲一事文清時以大理卿理餉雲南歸而不諱猶曰
 位不在也于忠肅臨刑文清時在內閣建言云天子
 新復辟不宜誅戮以傷天地和氣于初擬極刑因文
 清言從新此事為憐心否千存之曰論至此却不能
 為文清解可見後世眼可畏不為你絲毫隱漏也念
 臺又曰所以文清不久去位以為曹石之故非也只

雜聞源流錄

卷三

五

藥敬堂

閻禹錫字子與河南洛陽人性純孝九歲時哭其父
 幾至滅性正統甲子年十九領鄉薦乙丑會試中乙
 榜授昌黎訓導丙寅以母喪歸廬墓終制有強暴見
 化白蟻出集之應有司以聞詔旌其間既而聞河汾
 薛夫子講明程朱之學遂謝舉業往從之游得其大
 指而歸起補開州訓導遂以其所得為教四方從者
 日衆學舍幾不能容州氓無少長皆化之曰無取聞
 先生非刺也稍涉不義即相誡曰無令閻先生知之

正身飭行望者心釋人以比司馬端明之在雒天順
 丁丑內閣李文達公賢薦為國子博士尋遷監丞諸
 生之事干謁者悉不得行不遂者或以買怨癸未謫
 徽州府經歷諸生詣闕奏留者至再甲申遷南京國
 子監助教復轉監丞掌京衛武學事世祿子弟悉知
 讀書繇禮踵登甲科而號為儒將者亦多出其門四
 典文衡尤稱得人久之超拜御史提督畿南學政子
 與感知遇慨然以造就人材為志勵名節敦士風抑
 詞章之習明本原之學取周子太極圖通書為諸生
 講明之一時人士皆粗知性理又疏場屋數十弊奏
 上皆賜施行時論稱快焉成化丙申無疾卒于官士
 子如喪考妣公卿大臣皆惜之宦游三十年清苦蕭
 索如寒士每去任囊無一錢死之日諸門人屬吏相
 與致賻始克殯所著有自信集所纂述有晦庵要語
 二程全集薛文清公讀書錄河汾詩文等編行於世
 張鼎字大器陝西咸寧人父廉為山西蒲州知州大
 器少從父之任受學於河東之門用是日加勤勵一
 稟于程朱正傳文清淡許之歸補西安郡庠景泰癸
 酉以易舉于鄉成化丙戌成進士授刑部主事遷員
 外郎砥持清潔推謙詳明甲午出知山西太原府太

雜聞源流錄

卷三

五

藥敬堂

原爲省會劇郡故稱難治大器游刃有餘循良弁三
晉郡人德之不忍其離去故九載考績晉山西參政
仍署府事又四載始遷河南按察使振肅紀綱奸貪
斂迹弘治改元擢右僉都御史巡撫保定等府時畿
內多事盜賊充斥行旅戒嚴乃築牆植樹自內丘直
達京師繇是道路肅然久而賴之值歲大稔給糧賑
濟民免流亡辛亥晉戶部右侍郎尋以病歸大器爲
人仁厚敬慎事不苟爲非義一介不取終身恪守師
說不敢稍有踰越文清公沒其文集散漫不傳爲之
搜輯較正凡數年稿始克成乃爲序梓而傳之至今
學者尙論文清必以大器之言爲徵信弘治乙卯卒
于家年六十五所著有仕學日記自在詩文燾齋博
稿行於世三原王端毅公銘其墓云理學傳自文清
公高名可並太華峰世以爲確論
喬縉字廷儀河南洛陽人少穎敏薛文清公見而奇
之授以毛詩及太極西銘諸書成化壬辰登進士丁
艱歸服闋授工部都水司主事督理山東泉源時諸
泉湮塞或爲豪宦侵匿漕運屢梗於是行部得湮塞
泉四百有奇侵匿泉二百有奇合六百餘泉會于沈
汶泗沂四水漕運大濟大司空以績奏改兵部職方

雜聞源流錄

卷三

三

葉敘堂

轉員外郎弘治四年出補四川參議至任有馬湖知
府安鰲殺敘南衛千戶曹明獄久未決廷儀一訊卽
服尋以征貴州苗督餉有功拜文綺寶鏹之賜久之
不調蓋怨者尙以治泉之故從中尼之也廷儀知之
遂上疏乞歸年七十二卒所著有性理解惑及河南
郡志行于世
李景山西安邑人景泰丙子舉人授清水縣學教諭
恭勤博覽嘗從學薛文清公而德行粹白時人多以
理學師之
衛述山西蒲州人受學薛門得其傳忠信無偽可透
金石其門人楊瑩字大潔官參議年四十餘以清正
忤執政引疾歸誦習遺教益礪介操
張傑字立夫陝西鳳翔人生有異質穎悟過人稍長
入郡庠卓然以聖賢自期年二十一領正統辛酉鄉
薦乙丑會試中乙榜以親老就山西趙城訓導居官
六年惟以講學教人爲事一日薛文清公過趙城共
論身心性命之要文清歎服而去立夫之學繇是益
浹景泰辛未聞父工部公之訃徒跣奔歸喪葬悉以
禮先是里俗多用浮屠法立夫一切屏去鄉人化之
服闋以養母不出天順癸未母棄養旣禫有司勸駕

雜聞源流錄

卷三

三

葉敘堂

立夫蹙然曰吾少也力學以明道祿仕以養親今吾親終矣而學無所得尙欲仕乎遂不復出因賦詩自責曰年幾四十四此理未真知晝夜不勤勉遷延到幾時益大肆力於學居恒瞑目端坐至於移時起則取諸經子史朗然諷誦或至丙夜後已最愛涵養須用敬進學在致知二語因大書揭座右弟子從游日衆乃拓家塾以五經教授學者稱五經先生亦稱默齋先生巡按御史疏薦爲提學僉事不報成化乙酉應天聘典文衡辛卯叅臺馬公震聘攝城固縣學事俱謝不往與臯蘭段先生堅趙侍御英河東李學博

雜聞源流錄

卷三

无

彙敘堂

景秦州周布衣蕙往來論學而段尤稱契厚或勸以著書答曰吾年未艾猶可進也俟有所得爲之未晚乃竟未及著書而卒年五十二立夫篤于孝友事二親曲盡子道與兄英爲異母同居五十年無間言姊早卒撫其子若已出教之成立御子弟一以禮法內外斬斬嘗自題曰讀孔孟書學孔孟事知有未真行有未至惟日孳孳以求所無負也其勤勵若此沒後郡守趙博白兩臺卽塾左建祠祀之

劉誠字敬之北直鷄澤人弱冠登天順丁丑進士擢翰林簡討輔導德王尋遷秀王府長史以禮輔王多所啟沃作千秋日鑿錄以獻及王就國汝寧在途淹留上章懇諫王卽兼程以進旣抵國羣小欲毀孔子廟以廣王宮力諫不可廟得不毀改寧國府同知遷湖廣叅議分守湖南凡化民振俗動引古誼不加笞罰或譏其迂曰吾道如是也居官廉俸祿之外毫不妄取初從國子監丞閻子與學易得河汾嫡傳旣登第窮探力索務求四聖之旨嘗謂焦贛易林箴取納甲飛伏非聖法廼作周易衍辭又取漢唐宋詔誥章表可爲訓者作典謨遺旨採楚漢以下詞人之作散見諸書得三百之旨者作風雅遺音又謂邵子皇極

雜聞源流錄

卷三

无

彙敘堂

嘗以公事蒞施州久不見母一日方治文書忽潛然不自勝從吏請其故曰吾思吾母不得見耳兄早喪事寡嫠敬而有禮其孝友蓋天亶也成化庚子六月疽發於背慮遺母憂有問者輒曰無傷也疾亟以手拊牀曰我死不足惜第念老母不獲終養耳遂卒年四十八卒之日囊無寸帛幾不能殮賴僚屬賻之始克歸其喪

雜閩源流錄卷三終

雜閩源流錄

卷三

三

藝敘堂

雜閩源流錄卷四

無錫張夏纂

門人婺源黃

昌衡 技

段堅

王鴻儒

周蕙

薛敬之

王爵

李錦

劉觀

夏寅

何喬新

吳與弼

鄭伉

謝復

婁諒

任泰

陳真晟

梨峯 彭韶

李宗枳

楊守陳

楊守陞

段堅字可久陝西蘭州人人生而剛方穎異讀書即知正學年十四為郡諸生見鞏山陳先生書銘於明倫堂有羣居慎口獨坐防心之語酷愛而敬誦之遂慨然以為

雜閩源流錄

卷四

十

藝敘堂

聖賢可學而至年十七王父沒白其父治喪不用浮屠法凡當世宿儒宦游於蘭者無不師之於經史蘊奧性命精微不究其極不止也動作不苟人以伊川擬之正統甲子領鄉薦明年下第歸鄉之士大夫多遣子弟就學可久以師道自尊教法嚴而造就有等士類興起已已英廟北狩應詔詣闕上書不報乃裹糧買舟南游繇齊魯淮楚以至吳越求友訪道踰年始歸學益有得景泰甲戌登進士以文名徵纂山西志明年志成復命尋移疾歸讀書於五泉依巖作洞以為會友講習之所有得即形於詩天順己卯選山東福山知縣福山故僻邑

可久以德化民刊布小學諸書令邑人誦復以詩歌興之必欲易其風俗繇是陋習丕變風氣乎有絃誦風既六載以李文達公薦超擢知萊州府召郡縣官師與燕俾言志詠歌用申政教未朞月萊人大化以憂去既禫不遽北上乃訪周廷芳於秦州訪張立夫於鳳翔相與講學久之復補南陽在南陽慨近世學者以讀書媒利祿階富貴眇知聖賢之學遂倡明周程張朱與古人為學之意建志學書院聚郡庠及屬治諸生親授講說又以民俗之偷繇未預教乃遴屬治童蒙授以小學孝經文公家禮諸書俾之講習又創刻二程全書胡致堂

雜聞源流錄

卷四

二

秦敘堂

崇正辨侯盈科者給課士習翕然改觀復創節義祠祀古聖母烈女以風勵羣俗尤嚴逆巫尼不使假左道傷風化治南陽八年郡人戴之如父母其敬畏之至若家有一段太守者治行為天下第一以直道不能諧時竟致政歸結廬蘭山之麓扁曰南村曰東園授徒講業徜徉吟咏以自樂性孝友治父母喪一遵古禮居家嚴內治崇禮教儼然為鄉邦典型其學近宗程朱遠遡孔孟而功夫一本於敬所至從游者衆多所成立如同郡董學諭芳羅僉憲睿彭少保澤孫孝廉芳秦州周布衣蕙山西董僉憲齡福山張同知嶽南陽柴尚書昇王文莊

鴻儒熊少叅紀張孝廉景純皆門牆尤著者成化甲辰卒年六十六門人私謚曰文毅先生初號栢軒後改容思著有容思集栢軒語錄行於世

王鴻儒字懋學河南南陽人少奇穎工楷書為諸生提學副使克菴陳公試其文驚曰是經世之文非舉子業也郡守容思段公更以所學授之成化癸卯舉鄉試第一丁未成進士除南京戶部主事遷員外郎推稅淮安鳳陽皆著廉績遷山西提學副使抑浮崇雅先行實而後詞華品藻不失因才開發終日面命不倦多士歸心焉孝皇一日與劉大夏論人才曰如

雜聞源流錄

卷四

三

秦敘堂

山西副使王鴻儒他日可大用大夏對曰此人才行不易得誠如聖諭歷遷吏部左侍郎以甄拔為己任官至南京戶部尚書嘗曰濟天下事惟誠實者能之趨名者亦趨利無益也於書無所不讀大要以窮理致用為主雖一字之異同亦必求其原而審其義之所安故其所得弘博與衍交發互益其於六經沛如也善論斷諸史尤明習國家故事學者稱凝齋先生卒謚文莊同邑張景純字文粹受業於太守容思段公領成化丙午鄉薦凡性命道德之旨天文地理之學無不精究曉悉著書立言名重一時文莊每歎服

一書第 7 版又下

之未仕而卒

周蕙字廷芳陝西山丹衛人初名檜後改今名徙家秦州少爲臨洮衛卒戍蘭州守墩年二十聽人講大學首章奮然感動始知讀書問字聞容思段先生集諸儒講理學時往聽之有聞卽服行久之諸儒令坐聽旣而與坐講旣而以爲畏友有疑與訂論焉容思勗以聖賢可學而至教示進爲之方遂殫力就學究通五經篤信力行慨然以程朱自任衆亦翕然以爲程朱復出又受學於清水教諭安邑李公杲求薛文清之傳造詣益遠總兵恭順侯吳瑾聞其賢欲延教

雜聞源流錄

卷四

四

彙敘堂

其子廷芳固辭或問故答曰總兵以軍士役某召之役則往役召之教子則不敢往聞者歎服吳侯不能強遂親送二子於其家以受教廷芳始納其贊時肅藩有二樂人鄭安鄭寧者啓王願除樂籍從周先生讀書其感發人如此及隱居秦州之小泉因爲號著深衣幅巾爲容成紀之人薰化其德稱爲小泉先生嘗游西安與介菴李錦論學介菴繇是大悟遂爲關西名儒渭南薛敬之教執弟子禮遇人輒推誦之秦州守數造其廬舉鄉飲賓謝不往巡按杜公禮徵求見請講太極先天二圖不覺前席嘗正冠昏喪祭

之禮以示學者秦人至今遵之成化戊子容思至小泉訪之不遇畱有歷盡巉岨君不見一天風雪野梅開之句又贈以二詩云小泉泉水隔烟蘿一濯冠纓一浩歌細細靜涵洙泗脉源源鼓動維川波風塵些子無繇入寒玉一泓清更多老我未除塵俗病欲煩洗雪起沉疴白雲封鎖萬山林卜築幽居更深養道不干軒冕貴讀書採取聖賢心何爲有大如天地須信無窮自古今欲鼓遺音絃絕後關閩濼維待君尋蓋師弟間期許良至也迨老以父游江南涉險訪之沒於楊子江人皆稱其孝而又重悲其阨焉門人

雜聞源流錄

卷四

五

彙敘堂

甚衆薛敬之王爵最著薛敬之字顯思陝西渭南人生有異狀長身美髯左膊一黑文字深入膚裏腹有七赤痣五歲愛讀書十一解屬詩文稍長言動必則古昔稱先賢鄉人呼爲薛道學屢爲學使所賞鑒應鄉舉至十二次不錄成化丙戌以積廩充貢入太學太學諸生接其言論咸爲歎服自太學歸而父母相繼沒徒跣奔墓值大雪盈尺兼滄淺泥濘亦不知避後遂病足遇冬月輒發母嗜韭母沒終身不忍食韭成化丙午謁選山西應州知州首勸民耕稼紡績時當東作巡察田野民艱

於耕種者資以牛種民貧負租及不能婚葬者皆助之買犍畜數十給糞氓令孳息為養又務積絲粟不三四歲粟至四萬餘石乾蔬數萬餘觔尋歲飢應民賴之免於流亾其既窳而復歸者三百餘家皆給子衣食補葺其屋廬以安之於是屬邑聞風復者沛然更立義塚以瘞流民之死於道者弘治戊申秋南山有虎患為文祭之旬日間虎死於壑已酉春蕭家寨北平地有暴雨湧出一寨幾陸沉亦為文祭告木卽下洩聲如雷鳴遂息漂溺之禍雅重學較數至學舍切切為言孔孟之道應人士始知理學奏課第一遷

雜聞源流錄

卷四

六

彙敘堂

應天府同知東南學者如陳聰輩數十人皆摠衣門牆居二年致仕生平嗜道若飴老而彌篤好與人講說學問即其人不樂聽必強語之諄諄然不自休又好靜坐思索凡有所得如橫渠法即以劄記呂文簡公嘗遇之於長安開元寺因敬叩之答曰蘭州軍周蕙者字廷芳躬行孝弟其學近於伊雜吾事以為師入太學時道經陝州陳雲達忠信狷介事無小大持敬遇之吾取以為友凡吾所以有今日者多此二人力也初從周先生學嘗雞鳴而起候門開灑掃設坐及至則跪以請教又嘗語人曰介菴李錦關西之豪

傑也甘貧守道好學至死不倦今亾矣夫蓋能自得師沒有餘慕若此卒年七十四著有思菴野錄道學基統洙泗言學錄爾雅便音田疇百詠集歸來稿及演作定心性說等書行於世

王爵字錫之陝西秦州人自少潛心力學長從周小泉游而知操存郡守秦公與語悅之時與講操存之學及教後學切切以誠敬為本弘治初以國子生仕為保安州判出納公會計當日不憚勞民服其治後秦公總督原州聘錫之至鎮居三年交如一日及歸贈以揚州鹽引數百石力辭之而惡衣菲食坦如也

雜聞源流錄

卷四

七

彙敘堂

州人咸稱之
李錦字在中陝西咸寧人九歲失恃如安成依舅氏韓智韓為擇師教之端坐終日不逐羣兒嬉讀書知大義日見英發比成童歸咸寧為諸生受易於鄉先生董德昭每試輒為學使所稱賞及遇秦州周小泉講學得聞先儒要旨遂棄記誦詞章之習端以主敬窮理為事自號介菴與渭南思菴薛氏咸陽西郭姚氏同邑誼菴雍氏麗澤講習規勸弗弛濟南尹恭簡公為通政時使秦聞其名延與語而驚服之天順壬午舉于鄉成化戊子游成均祭酒邢讓深器之令諸

子受業諸子稍不恭輒遣去後邢坐事下獄在中倡
六館士伏闕抗章明其無罪義聲大著居家事親色
養備至執喪盡禮力絀異端不作佛事居憂時巡撫
余肅敏公欲延教其子在中以齊衰不入公門固辭
余益重之後余知其喪不能舉賻以二槨乃卻其一
曰不可因喪射利也郡大夫有與之厚者賻米數十
斛以詞命無俸米字辭之所居僅蔽風雨茹澹服疏
雖屢空終不輕有所取性剛介不妄交接不苟要約
義之所在確然自信不以一毫挫於人與後學解經
平正通達不爲鑿說諄諄忘倦再訪小泉于秦川印

雜聞源流錄

卷四

人

葉敘堂

證所學設疑辨難叩應不訛小泉歎服而去小泉嘗
難之日
有人親病劇思食一梨求諸市不得隣人有種者非
痛不獲將齋之乎答曰辱身以及其親非孝也小泉
是
數上春官不第謁選松江府同知職親戎牒夙夜
精勤奸無所售有脫役垂四十載者始察而發之卽
令補伍雖權貴居間莫能奪也拘於官守未究厥施
踰歲卒於官年五十一貧無以殮僚友賻之始得歸
骨其爲學務窮性理體之身心不好立語言文字以
故沒之日遺稿無存沒十年而楊文襄公督學關中
以執友靈寶許襄毅公之命特表其墓而督學虎谷
王公賦詩弔之有云化如和叔詞章外貧似原思草

澤間聞者以爲知言後數十年而有渭南李錦焉傳
見後卷

劉觀字崇觀江西吉水人學博才高行文奇逸不可一
世正統丙午舉鄉試第一已未成進士尋以疾告歸丁
內艱服除遂堅臥不起杜門謝俗以讀書養性爲事四
方求學者日衆隨材造就縣尹劉成爲築書院於虛丘
山題曰養中取劉子受天地之中以生能者養之以福
之義因箴以見志所居四壁書儒先入德造道修己治
人之事以備觀省復列責志恒心二圖置座右又大
書誠明敬義四字各爲箴以剖其蘊嘗語學者曰小學

雜聞源流錄

卷四

九

葉敘堂

一書是教做人樣子到老須以此立脚又曰吳文正公
嘗云一舉作狀元便謂事業了當者鄙人也斯誠確論
又曰吾幼見青紫赫奕知進士之貴輒慕爲科舉之學
既臥病京師讀儒先諸性理書乃知科舉上更有此學
又輒慕爲之今殊覺進士非貴也或請著述曰朱子吳
文正之言尊信足矣復何言間取勤儉恭恕作四箴以
教其家取呂氏鄉約表著之以教其鄉冠昏喪祭悉如
朱子家禮家有孤嫠不能自存者隨力周養之崇觀爲
人尚賢行終其身飯脫粟服浣袍澹約不異貧生每旦
祇謁先聖畢卽凝坐一室竟日無懈容隆冬盛暑不少

較嘗有詩云願做好人清節苦要圖快活令名污吳康齋誦其言以語人曰即此足以知其操矣書院之退居曰臥廬學者因稱為臥廬先生

夏寅字正夫南直華亭人正統戊辰進士除南京吏部主事進稽勳郎中拜江西按察副使專董學政崇雅黜浮鑒別悉允復文信國祠葺白鹿洞書院修陶侃讀書臺以風勵學者遷浙江叅政處州民有苦虐政走聚山谷者同官招之不聽曰須夏叅政來乃可爰下檄即散復業進山東右布政使嘗疏論國家之勢在離合合則安離則土崩今兩京並建其勢宜常

雜聞源流錄

卷四

十

彙錄堂

合以制天下徐州地連山東飢饉無聊宜賜賑卹臨清乃南北咽喉或暫梗焉為害不小宜選大臣有實望者鎮守訓兵屯田示天下形勢有旨出白金四萬兩賑徐而命都御史賈俊鎮臨清焉他所論列若文廟禮樂之數正風俗立紀綱崇文化作人材之類雖不盡用識者韙之正夫自幼岐嶷有巨人志日記數百言稍長益肆力問學居官公暇杜門讀書不輟誠心直道無黨無援自筮仕為郎二十年為副使十六年未嘗以淹屈降志嘗語客曰君子有三惜此生不學一可惜也此日閒過二可惜也此身一敗三可惜

也聞者以為名言後學稱止軒先生所著有紀行集備遺錄政鑒東游錄史詠等書行於世

何喬新字廷秀江西廣昌人吏部尚書文淵之季子少穎異年十一修撰周旋見而奇之問所讀何書曰陳子經通鑑續編又問其書法若何應曰先輩著述非後生所敢議然呂文煥降元不書叛張世傑溺海不書死節曹彬包拯之卒不書官紀義軒則採不經之談書遼金則失內外之辨此其書多可議者旋大驚服問質其父曰趙普沮立德昭是逢君惡也死可書爵乎宋舉人吳澄仕元何以從祀父奇之景泰庚午姑蘇韓雍巡按江

雜聞源流錄

卷四

十一

彙錄堂

右欲私見之辭不往及入試天台章振得其文擢置第一鑒察御史周孔明以其父方秉銓衡懼招物議乃移置第六明年會試亦以主司避嫌改列乙榜至父致仕遂登甲戌進士授南京禮部主事改刑部歷員外郎中數辨冤獄錦衣官較有犯輒坐以法不少貸啣之者輒嗾其黨捃摭無所得繇是相戒不敢犯擢福建按察副使擒盜曠賊奏減曠課捕通番者奏立歸化縣民無得恃遠逋賦修龜山先生墓復其書院籍廢寺腴田百畝以給其子孫遷河南按察使辨溺河民冤開封大飢力賑貸之轉湖廣右布政使會荆襄大水漂溺千家為拊

循發粟俾葺民居遷都察院右副都御史巡撫山西兼督兵三關屢立軍功名為刑部左侍郎小王子寇大同圻輔震驚奉勅巡邊經畧戰守為必搗老巢之計寇遂遁走奉命賑飢請發內帑併准鹽銀勸貸穀粟所活三萬人招回復業者十四萬人附籍者六萬餘戶播州宣撫楊友誣其嫡兄宣慰使楊愛反交通唐王以狀聞廷秀受勅往訊諸受友賂者悉為游說必欲去愛廷秀至獨搜友子毋奸惡罪條上曰愛無反謀華友宣撫削官銷印遷之保寧播州遂定孝廟初晉南京刑部尚書奏還畱守所奪民蘆洲請給精微批以革官較私出駕帖

雜聞源流錄

卷四

十一

彙敘堂

文定公葬父廣昌子孫貧欲鬻其墓地眾謂此吉壤謝日暴人父而葬吾父吾不忍為人以此推其厚德所著有周禮註解左傳擷英宋元史臆見椒丘集行於世初第進士奉使淮西巢令圖殺以嘗師其父彙卒公贈以白金文綺廷秀卻之殺曰吾以壽吾師非贈君也答曰子以壽吾父因他人致之則可因吾致之則不可卒不受為湖廣布政使時都指揮俞事武成感其不答已贈以犀帶銀器數事廷秀笑曰我知君若何壽併獻文梓可為棺者廷秀一無所納或言可受廷秀曰戒之在得正在今日沒後有司請誥謂其仕也有功有烈處也亦有德有言信道之篤既無愧于薛瑄著述之多實可此平丘濬宜謚文肅聞者以為稱其

雜聞源流錄

卷四

十一

彙敘堂

吳與弼字子傳江西崇仁人國子司業溥之子

溥初為修撰以

初嚴薦為司業在國學教人恒使致力本原曰事口耳以取近利非士也每晨五鼓坐堂上視諸生所習為之講說懇懇不倦而華其涉躐蹈襲之弊終日危坐人不見其怠容在翰林國學二十餘年操守如一日未嘗一涉足權貴之門初名夢祥別號康齋幼時讀書鄉較疑然有立年十九讀伊雜淵源錄心慨慕之及覩明道亦嘗有獵心乃知聖賢必可學遂棄舉業絕人事獨處小樓日取諸經傳語錄玩味之不下樓者二年餘或謂之迂拙或謂之怪僻皆自以為見之未明行之未力也後漸有所得作詩曰九初始一簣千里方跬步又曰神當通鬼神志當貫金石父官京師日往省粗衣敝履人莫之識父命還鄉畢姻而來及親迎後不行台卷之禮與妻另舟

赴京拜父母畢始入室嘗謁父執胡儼到門卽四拜及見乃長揖儼訝問之對曰恐勞長者答拜故先之且面辭則不必拜也他行執古禮多類是久之名聞中朝正統景泰間僉事何日學等屢疏薦閣學士楊溥甚重之景帝遣行人徵之凡兩召不起或問之太息曰宦官釋氏不除而欲天下之治難矣吾庸起何爲必除之吾可出至天順初以忠國公石亨薦上命行人曹隆齋暨書束帛造其廬乃應召上聞其將至喜甚召閣學士南陽李賢曰與弼至當何官賢曰今東宮講學宜老成儒者司輔導莫如宮僚宜問何職曰庶子諭德皆可上曰

雜聞源流錄 卷四 奏敘堂

諭德善賢贊曰幸甚第始至乞召至文華殿賜顧問俾得望清光上曰然朕當以束帛禮之賢請爲授館具餐是日命下朝士聞者莫不灑然驚異動色相語以布衣乃一旦遭逢至此也康齋至上疏辭官不拜召見文華殿以野服見上命之前乃前上曰久聞高誼特聘卿煩輔導東宮毋辭爲也對曰微臣少賤多病杜迹無行能爲聖明過聽禮名臣臣實內愧謹力疾謝命臣今年六十八實不能供職上曰宮僚優閒何必辭賜文幣牢酒既退上顧謂賢曰人往往言此老迂不迂也其趣令就職時南陽首以賓師禮遇待康齋公卿大夫士屣履擁

門而謗忌萌起一日於南陽所坐上坐適尹編修直入側侍尹艷然不平南陽問下學上達康齋曰今未論上達且論下學事蓋欲令自得也尹不省謂殊疎不能條析乃如此出大肆訕而中官等見其操古禮屹屹亦羣訾姍笑之士大夫以爲言南陽爲之解曰凡爲此者所以礪風俗使奔競干求乞哀之徒觀之有愧也諸君成人之美可矣康齋旣三辭不得命稱病篤不起上諭賢曰與弼至不就官者何必欲歸姑受命需秋涼而遣令祿之終身顧不可乎卿爲朕道意賢諭旨康齋辭益堅賢乃具爲言上曰果爾亦難強留允其辭康齋表陳十事以謝一崇聖志二廣聖學三隆聖德四子庶民五謹命令六敦教化七清百僚八齊庶政九廣言路十君相一德同心首舉程頤謂言人便以聖爲志言學便以道爲志伊尹耻其君不爲堯舜伏願陛下斷然以堯舜自任雍熙自期勿貳勿疑次言願博訪儒臣知此道者講而明之臨行上再召見慰勞復賜璽書遣行人王惟善護送還鄉命有司終身公養比歸道遭風幾覆舟衆皆駭怖康齋獨正襟危坐舟定人問其故曰吾守正以俟耳過南京士大夫有候之者多不見有問者曰先生何爲不致君而還但搖手曰吾保性命而已未幾石亨敗

雜聞源流錄 卷四 奏敘堂

凡與亨交者悉被重譴而康齋不及人始服其先見居鄉動必以禮中歲家貧躬親稼穡手足胼胝四方學者至約已分少飲食教誨之束修皆不受師道尊嚴議論英發喜啓迪人聽其言者莫不踴躍思奮恒勵學者進修不可躡等必先從事小學以立其基然後進乎大學以極夫體用之全論語則以博文約禮爲要孟子則以收放心克四端爲本中庸則謹乎存養省察之功以致中和之極明太極以知性之原究西銘以識仁之體易宗程朱而鄙新奇之說書則古文雖致朱子之疑或以爲僞而刪之然義理精深固不得而去取也朱子詩解

雜聞源流錄

卷四

朱

葉欽堂

已無餘蘊春秋則本程子而資胡氏之發明三禮講而習之以見聖人品節之精其他異端襍說不接於目惟程朱之言不忍釋手病宋末箋注之繁故不輕於著述云胡居仁陳獻章皆其門人後獻章自立宗統流爲別派亦不敢忘師承也獻章自廣來就學日晨光初動康齋手自鋤稻子從作獻章未起大聲呼曰秀才若爲懶惰即他日何從到伊川門下又何從到孟子門下又一日出穫爲腰鎌所傷血出不止視傷處大聲曰何可爲物所勝乃竟獲如初其克勵若此而胸次灑落務涵養性情有孔門陋巷舞雩之風晚造詣益深嘗視種田問

學者曰此爲何日種田因微笑曰非也此贊化育益觸處洞然矣成化己丑十月十七日考終年七十九所著有康齋日錄及文集行於世嘉靖中江西巡撫陳洪謨疏請祠額祭典詔賜祠名崇儒

陳公甫曰康齋以布衣爲石亭所薦以故不受

職求觀秘書與開悟主上惜南陽不悟以爲實然言之上令受職然後觀書殊累康齋遂決去賀陽亨曰吳康齋自說七十三歲方知戰兢臨履三句有味蓋是時年滿高德彌邵心與理合只有一箇恂恂故謂其有味按康齋先生歸後絕不言官以民服力田終身時無守張躬首攻數年康齋拒不見張恃京貴有忌康齋者欲壞其節行每加侵侮令人訟之邑民無應以嚴法令他人代弟訟之縣人即遣隸拘之門人明叔心輩勸以官服往不聽終以民服從拘者至庭守仍慢侮已而竟以禮遣康齋無愠色亦心諒非其弟意兄弟相好如初然則尹憲齋項繼錄所載正坐此誣曉耳非實事也其應石亭之薦亦猶繼錄由

雜聞源流錄

卷四

朱

葉欽堂

由蔡京之薦非淺于求固無玷辱惟爲亨跋家譜自署門下士雖其文寥寥無諛語御不免枉道徇俗之失士林耻之而持清議者至此之同流合污斥爲僞學謂非自貶伊感手稿謂愛康齋者決不容寬其責備毀康齋者終不能掩其道德如康齋之安貧之賢位因當求諸古人中况倡學之功無窮乎後生慎無輕也

鄭侂字孔明浙江常山人年十三治舉子業文理蔚然二十爲博士弟子及省試一再不合棄之曰顯親揚名恐不在是也先走豐城拜丁潛軒之門求踐履實學時年三十餘矣乃復見吳康齋於崇仁康齋曰此間功夫非朝夕可得恐誤子遠來對曰此心放逸已久求先生收之耳敢欲速乎因受小學日自驗於

身心徐得聞四子六籍之要久之於道若有見焉乃歸築室於龍池之上日取諸儒論議一切折衷於朱子凡古載籍鮮不讀但不讀佛老之書嘗謂其毀肢體滅人倫即不容誅又何待讀其書而後辨其謬哉一時名公若蘭溪章楓山開化吾文山南昌張東白皆與相可否執親喪極哀祠墓殯葬一本之家禮設義學立社倉事事皆著實地自顏其室曰敬齋以自勵所著有易義發明卦贊讀史管見觀物餘論蛙鳴集凡數十萬言惜燬於火僅存什一

雜源流錄

卷四

本

葉錄堂

謝復字一陽南直隸門入自幼聰敏性復純篤嘗從父游文廟問曰儼然而肖像者非聖賢與夫非盡人之子與父奇之稍長受春秋於翰林竹坡先生即了大義已歎曰學以謀道滯心文義以干祿吾弗為也於是潛心經史以古人自期聞康齋先生講道小陂遂棄舉子業不遠千里往從之凡有得於講授者必心體力行以求自得三閱寒暑弗少懈康齋喜曰吾道有望矣既歸益修躬行日率其弟嘉侍親側饌具必躬治坐立不敢南面退與其妻葉氏相敬如賓與弟嘉敦友愛親沒不御酒肉益孝友之至發自天資垂老如一又率族人即城南建祠祀始祖唐金吾公

以下冠昏喪祭悉遵古禮為鄉人倡平居寡言笑接人和易有問應答如懸河其為學自踐履入嘗聚徒南塘每開迪以孝弟為先窮年一室討古論今遇感有作多悠然自發其所養弘治中與修邑志太守幸菴彭公深敬禮之造詣既久遠近知名葉畏齋問學曰知行並進否則落記誦訓詁格矣令鄭公問政曰辨義利則知所以愛民勵已時以為名言世居庠西晚徙築西山之麓學者稱為西山先生曰南塘漁隱曰廢翁曰無慮子則皆其自號弘治乙丑卒年六十五所著有西山類稿高陵呂氏為序而行之

雜源流錄

卷四

本

葉錄堂

婁諒字克貞江西上饒人早歲從吳聘君游朝夕劇切稱為純篤力行拔俗教孚妻子取聖賢經傳語心學者編之曰心學要語嘗任成都府學訓導以母老棄官歸養屏居玩理久而彌精與餘干胡叔心南昌張廷祥嘗會於弋陽之龜峰餘干之應天寺發明學術於時後進從游者輒抗師道臨之得聘君家法其教人大要以修身正心為主日用應酬一切納之於禮見人有過輒面折之務令改圖然後已四方學者稱爲一齋先生愚按一齋長子性與王陽明父海日翁同成化辛丑進士聯居京師陽明年十七入闈過廣信奉其父命從一齋問學一齋以心傳告之次子德官司訓十年不下樓居蓋皆

8

淳賢君子也然羅整菴嘗言一齊以作止爲道因取禪家搬柴運水則其流傳之失似亦一齊早示之隙矣又嘗見莊定山寄一齋詩云江門風月詩速培木花趣安得二先生傾倒鬻湖寺又云朱學本不煩陸學亦非簡先生一笑中皓月千峰晚蓋定山與白沙同道欲通之於一齋也夫一齋既已作陳之合安得不開王之先耶明儒學脈之岐實開於此

任泰字亨伯浙江嘉善人苦學勵行嘗大書敬字於壁中夜起坐對期不愧屋漏成化乙未第進士授上饒令時婁一齋諒稱名儒屈體事之爲政知大體增置學舍親爲講授立法清田以杜爭訟早則教民盡力陂塘使得灌溉作浮梁增社倉有古循吏風滿六載召入卒于京

雜聞源流錄

卷四

壬

彙敘堂

陳真晟字晦德改字剩夫福建鎮海衛人年十七八即能自拔於俗厭末作之蠹心而棄之惡異端之害道而拒之端心致志以儒爲業業成薦於有司至福州聞有司防察過嚴無待士禮乃辭歸自是不復以科舉爲事務爲聖賢踐履之學初讀中庸做存養省察工夫覺無統緒繼讀大學始知爲學次第乃以大學爲據及讀大學或問見朱子博採主敬諸說以補小學工夫始知敬者乃大學之基本也及求其所以爲敬見程子以主一釋敬以無適釋主一始於敬字見得親切實下工夫推尋此心之動靜而務主於一靜而主於一則靜有所養

而客念不復作矣動而主於一則動有所持而外誘不能奪矣嘗語人曰大學誠意爲鐵門關難過主一二字乃其玉鑰匙也蓋意有善惡若發於善而一以守之則所謂惡者退而聽命矣又嘗語人曰人於此學若真知之則行在其中矣蓋以知之真則處善安循理樂其行甚順然其氣稟有偏勝嗜欲有偏重二者用事甚順而易者反逆而難矣此聖門論學於博學審問慎思明辨之後又加以篤行也先生持論之精實如此天順二年用伊川故事詣闕上程朱正學纂要其書首採程氏學制次採朱子論說補正學工夫次作二圖一著聖人心

雜聞源流錄

卷四

壬

彙敘堂

與天同運次著學者心法天之運次乃言立明師補正學輔皇儲隆教本數事以終上文圖說之意書未上疏乞召見而陳其說不報及書上得旨禮部看了來說時侍郎鄒幹掌部事不知其說云何其事竟寢既而家居讀提學憲臣頒行勅諭教條有主敬窮理修己治人崇正學迪正道敦尚孝弟忠信禮義廉耻等語喜曰此學較正教也然學校雖崇正教而科舉不定正考雖有正教不行也因採勅諭中要語參以程氏學制呂氏鄉約朱氏貢舉私議作正教正考會通定考德爲六等考文爲三等各有案例可據而行又纂長書告當道諸君子

諸君子終不能推行其說其事亦寢先生學有所得者至是皆無所遇每四顧徬徨不能自釋聞臨川吳聘君名欲質之乃貨其家之直得五金攜其兄之子一人以行戒之曰我死即瘞於道題曰閩南布衣陳某墓足矣行至江西張太史元禎止先生宿叩其學所得大加稱許曰禎敢僭謂斯道自程朱以來惟先生得其真吳許二子亦未是草廬如聘君者不可見亦不必見也遂歸鎮海初創戎壘莆人雖多讀書家自先生為學而儒術始正自先生與莆人李文舉諸前輩講行文公家禮而風俗始正先生丰格高聳神氣肅清望之非塵埃中人

雜聞源流錄

卷四

五

藝敬堂

生於鎮海遷於龍巖晚定居於漳之玉洲卒年六十四著有稊稿藏于家名布衣存稿後十年提學僉事周五中祭以文郡守彭桓立石官道旁題曰大明闕下兩上書請補正學泉南布衣陳先生墓提學副使姚鏞祀之漳州鄉賢祠

彭韶字鳳儀福建莆田人為學務清明其心以求聖賢氣象終日端坐非繙閱經史即省察性情處已待人一於誠敬中天順丁丑進士除刑部主事以前後論劾憲臣外戚兩下詔獄俱以言官申救得宥氣不少挫遇星變上言漸不克終者四事一曰正家之禮

未終二曰防微之意未終三曰持儉之德未終四曰用人之道未終轉四川副使晉廣東布政使屢裁抑中貴忤旨調貴川擢副都御史巡撫蘇松踰年召為大理卿未上坐前論貢獻事改右副都御史巡撫順天復陳時政及議漕運孝廟初以薦歷刑吏兩部侍郎庚戌冬彗星見天津應詔言四事曰厚根本曰減役錢曰正近侍曰慎官爵又請復午朝廷見大臣面議政事上嘉納之晉刑部尚書言皆切直德望日隆顧自處退然如無所有屢疏乞致仕比歸林下終始欲以質儉起頽風進修之功老而不倦未卒前數月

雜聞源流錄

卷四

五

藝敬堂

簡所知云抵家半載村居寡學所存所行一故吾而已何諒可善其後而滅夙咎哉卒謚惠安其後邑人林俊疏請易謚文如文忠文正為宜竟沮不行所著有滯稿天曹日記北岳代行稿秋臺錄名臣贊錄及續莆陽志成都志等書行於世

李宗栻字敬甫江西安福人家武功山中好古而苦學童子時與羣兒戲父怒之取紙一幅畫為百空格跪之祠下責之曰汝即不願學遣汝農願則書百願字敬甫乃蒲伏握筆作九十九願字而署其尾曰學未就不敢盡書遂自勵於學題讀書處曰單鎗匹馬

做去無靠他人烈火紅爐煉成方為已物蓋治心語也入縣庠歎息曰先王設庠序以明倫復性豈徒為科舉發跡即思近裏著已以求放心為宗扁其室曰寤室深潛奧伏自容止食息倫理必以古聖賢為則而尤篤於孝其事親動循古禮服勤浣濯必勞力不敢委諸人日有錄以自省取必思義怒必思愆而兢兢於慎獨日求放心於朱子格物義所謂察之念慮之微考之事為之際者為多竟與顏同天人咸惜之楊守陳字惟新浙江鄞縣人方妊母夢星落懷中及生天廷有黑子七如北斗五歲即端恪如成人稍長善古文詞其祖栖芸先生誨之曰聖賢之學以靜思力踐為要博聞強記輔之而已遂大有所悟入作致知力行持敬三銘以見志景泰庚午舉浙江鄉試第一辛未成進士改庶常授編修歷官至吏部右侍郎成化初開經筵每進講必積誠納忠冀開悟上心一日講武成篇曰魯論稱舜無為而治周書稱武王垂拱而天下治後世人主有深居禁中委政內侍者乃名望夸之禍有居高無為肆情嬖艷者乃啓祿山之變何也蓋舜之無為者繇其封山濬川以至舉相去凶無一不盡其道武王之垂拱者繇其列爵分土以至崇德報功無一不究其心皆

雜聞源流錄

卷四

青

彙錄堂

嘗憂勞以有為乃始逸樂而無為也後世人主則孟子所謂安其危利其蓄樂其所以亾者耳此聖在治亂所以異也上為聳聽孝宗登極詔集議祧廟禮官請祧懿祖而以德祖比宋禧祖百世不遷惟新上奏曰禮天子七廟祖有功宗有德此乃孔子之言凡號太祖者即始祖必祀之以配天若商周之契稷皆以功而非論其本統也宋之僖祖及我德祖可比商報乙周亞圉非契稷比議者所論大宗徒有取于王安石之說而不從孔子遂使七廟之中既有始祖又有太祖太祖既以配天而不正南面之位名與實乖若謂降而合食為非禮則王者既立始祖之廟又推始祖所自出而祀之固無嫌也今憲廟升祔請并祧德懿僖三祖自仁祖以下為七廟異時祧盡則以太祖擬商周契稷而祧主藏於後寢祫禮行於前廟時享則尊太祖祫祭則尊德祖各不失尊廢無悖禮時不能從弘治戊申復上疏請日御經筵及午朝聽政大略謂一日之間居文華殿之時多處乾清宮之時少則心清理明聖德日隆矣優詔嘉納焉修憲廟實錄為副總裁兼理部事尋命以吏部侍郎兼詹事府丞史館供職如故嘗言建文時事皆湮沒不傳及今米輯尚可補國史之闕景帝已復位號而英廟實錄猶

雜聞源流錄

卷四

青

彙錄堂

書邨兵王附是宜改正故事章疏畱中者雖有可傳皆不得書乞宣付史館擇而書之疏未上病卒贈禮部尚書謚文懿惟新博學多識嘗奉命教內侍有德之者欲援之謝曰吾接婦也守節三十年今老矣豈以白首改節耶所著述有三禮周易尚書詩孝經大學中庸論孟私抄凡數百卷皆正其錯簡更定其章句詮擇諸家傳註而傳以已見晚年屢加刪定雖大儒之說不苟雷同也弟守陞自有傳從弟守隨幼從學受易仕至工部尚書謚康簡按文懿議祧廟禮謂德祖不可比稷契固是而以太祖比稷契可乎當時禮臣謂國家自德祖以上無可復推則德祖當視后稷太祖當視文武並百世不祧餘皆從文懿議

雜聞源流錄

卷四

五

彙錄

楊守陞字惟立浙江鄞縣人母孕甫八月夢大星懸於庭覺而生六歲受業於祖栖芸先生即通經傳大義十五從父宦泉州習古文詞景泰辛未以父喪歸得取正于伯兄惟新公學益邃成化乙酉舉浙江鄉試第一中戊戌會試第四廷試賜及第授編修歷官至南京吏部左侍郎晉尚書致仕卒贈太子少保方從兄守隨為左道李孜省所中傷併出惟立為南京翰林院侍讀至則掌院事時惟新方掌翰林士論以兄弟俱發解又南北分典詞垣稱為斯文盛事弘治改元召還纂修憲廟實錄尋侍經筵極言進君子退

雜聞源流錄

卷四

五

彙錄

小人為治亂之機言甚激切孝宗改容聽之實錄成擢左春坊左諭德賜白金文綺先後同考禮闈主應天順天鄉試俱務黜浮崇渾稱為得人遷南少宰奉詔各舉所知以郎中陳鎬評事王紀上後皆不負所舉署兵部遇星變言事皆切時弊上納之考績詣闕特畱較閱大明會典居五月書成賜晏禮部晉左侍郎支正二品俸資寶鑑羊酒甲子考察南京諸司官屬去取允協明年遂乞休不俟命而歸惟立孝友天至事兄惟新恩義倍篤及謝世為位於室朝夕哭奠目為之昏輯其遺文付梓以傳守隨以瑾誣繫獄罰出米數百石輸邊乃罄所積為助以產償之不受於書無所不讀必以六經四書為宗其學不專事文藝敦大本勵行簡精思力踐期於深造其誨子弟生徒皆率是道居常端坐靜默與人論說義理則氣和色溫聽者忘疲致政家居凡可及民言於所司賑荒捐稅停無益之作陰受其惠者多所著有集程朱議論碧川文抄二十九卷困學寡聞錄十卷雜文儲稿若干卷詩二十卷一日書數語于遺稿曰學文師韓吏部學道師程伊川官同吏部二品壽過伊川二年文章可得而聞望道而未之見困學勉行老而不倦守

正嫉邪至死不變越五日卒壽七十七

雒閩源流錄卷四終

雒閩源流錄

卷四

終

天

彙錄

雒閩源流錄卷五

無錫張夏纂

門人發源黃

昌喬校

明儒首崇敬軒嘗言自朱子後性理已明正不必著書或請臥廬著述謝曰朱子吳文正之言尊信足矣復何言又其後楓山亦言儒先之言至矣盡矣刪其繁蕪可也觀諸先生述而不作不謀同然豈其聰明學問不若人哉前不敢求加於古人後不忍滋惑於來學也且夫述作之功未嘗不均也至於白沙氏出其為說獨不然白沙曾往從康齋留半載而歸不聞其學康齋之學乃苦心索者三年閉戶嘿坐者又十年而後有得豈向在康齋所一無所聞乎豈宋元儒先之學盡在雲霧中無能啟發我乎抑敬軒臥廬諸君子之言舉不足信乎分明別鑿戶牖各儒實禪其言曰靜中養出端倪蓋致虛守寂與周子之言主靜立人極異其徒之言曰隨處體認天理蓋指心為理與程子之言天理二字異不然亦稱述焉程足矣奚為是於張之云乎當是時有明一代道化風馳人材林立又陽極陰生之會也在白沙已有糟粕經籍蔑棄典章之意顧猶初開蟻穴未決鯨波既而陽明氏作

雒閩源流錄

卷五

一

彙錄

白沙生宣德戊申陽明生成 佛之揚之輒敢肆詆
化壬辰王後陳生四十年

宋庶日程朱為異端抑且輕量孔門遜會有為支

庶而悍然躬任孔孟嫡宗其生平文章氣節事功

固有可聳動一世者愚俗貴耳賤目賢智厭常喜

新於是靡然從之殊不知其所謂良知依毘圓覺

揆諸孟子之言良知良能似是實非也且其為說

彌變彌巧既已主子靜而奴元晦又顛倒早晚著

朱子晚年定論以逞其陽朱陰陸之私既已右明

道而左伊川又創稱堯舜猶萬鎰文孔猶九千鎰

欲暗翻賢于堯舜之案雖欲不謂之橫議不可得

雜聞源流錄

卷五

二 彙敘堂

也學者不幸當此猶能守正安常始終不惑固繇

淳樸未散亦賴王澤未亡而於此有人焉出而距

諛放淫以立砥柱于中流以自為功於天壤則孔

孟程朱實式靈之愚嘗歷按其人有與白沙為友

者有與陽明為友者有後先起于陳王間而與其

徒為友者無論絕附和雷同之弊而吾聞盡心直

告不聞面從退言也聞始岐終一不聞倏彼忽此

也今其問答緒論具在從而譜之觀我之所以攻

即彼之守有堅皆瑕矣觀我之所以決即彼之波

去逆從順矣是誠兩家對治之藥而吾黨今日得

藉以為照夜燭指迷車者嗚呼豈非天之未喪斯
文以有斯人也哉

胡居仁 登登生 余 祐 夏尙朴 陳 選

張元禎 姚文灝 張 銳 羅 僑

謝 鐸 羅 倫 劉 彬 何 屋

史 英 吾 嘯 王 啟 周 瑛

丁 璣 周孟中 鄒 智 鍾附 陳 騏

宋端儀

胡居仁字叔心江西餘干人自幼穎異有大志得鄰家

所遺物即還之鄰人驚異七歲從學家塾言動類成人

塾師畏之年十七八從安仁于同知學舉業既而聞吳

聘君講學崇仁遂棄舉業而學焉卜隱邑之梅溪謝絕

人事人無知者專用心於內隱微幽獨之際愈嚴愈密

每日必立課程詳書得失以自考力窮晝夜志不稍弛

歷久有入於是以至忠信為本以求放心為要以聖學

成始成終在於敬因以敬名齋動靜語嘿出入起居常

以 居仁 居日以悅親為事父病醫禱備至兄疾亦

躬調藥篤宗族訓子姪不倦執親之喪初則水漿不

入哭踊每絕方蘇久則柴毀骨立非杖不能起三年不

入寢室祠堂月朔之薦四時之祭及總功之小悉遵古

禮

禮

雜聞源流錄

卷五

三 彙敘堂

禮時喪禮久廢獨先生毅然行之識者知其爲特立獨行之士而不知者咸非笑之然縉紳間知有先生實由茲始時年蓋三十餘矣嗣是處家庭若朝典對妻子如嚴賓應接士友淡衣草屨終日儼然至一器一物亦區處精密沒齒不相沿亂家世業農衣食稍有餘則推以與人不償亦不較厥後家益窘雖簞食瓢飲處之泰然或爲之籌則應之曰以仁義潤身以牙籤潤屋足矣雖蹈矩履規端莊凝重而性度寬和議論臺臺四方士樂從之游生徒既衆乃築書屋以居之語學則曰惟爲已則所從不謬語治則曰惟王道則能使萬物各得其所

雜聞源流錄

卷五

四

彙敘堂

至其用功大指原本程朱亦能察其精微而未嘗盡阿所好嘗語學者曰第一怕見得不真第二怕工夫間斷多有質美者好高入於禪騁詞失於矜不知堯舜之道不外乎孝弟孔子之道不外乎忠恕而士之游情高遠者非也故自孟子後獨推尊二程子朱子以爲得其正傳於佛老之說尤搜剔根蠹而深闢之鄉有彭姓者以非辜坐論死則不避嫌而白於當道竟得脫其罪里東原坂田高病旱區畫水利十條達於憲副夏公寅命有司行之以利民間與一二弟子適聞歷浙入金陵沈彭齋而返所至豪傑相迎資其啟益頻年與上饒婁一齋

永豐羅一峰南昌張東白相與麗澤會于弋陽之龜峯餘干之應天寺南康太守何濬隆禮幣請主白鹿洞書院教其後提學僉事李齡提學副使鍾城繼之又其後弋陽進士姚文灝請入桐源書院爲師表寓饒城淮王請講大易併爲作願僊說待以賓師之禮索其詩文壽梓辭曰尙需少進鄰封進賢安仁貴溪縣尹聞其賢餽幣或受或卻皆處以義餘干尹請講明鄉飲古禮悚聽而行之所著居業錄敬齋集大率躬行之言也別著易春秋說未脫稿其論敬曰聖賢工夫莫切於敬敬有惕然自畏慎意思敬有肅然自整肅意思敬有卓然精明

雜聞源流錄

卷五

五

彙敘堂

意思敬有湛然純一意思故聖學此之爲本萬事萬化具由此出又曰古今聖賢言敬曰欽曰寅曰恭曰畏曰翼曰戒慎恐懼曰戰兢曰齊莊言雖人殊其實一也臨淡履薄出門如見大賓使民如承大祭可謂形容至渙切矣程子言整齊嚴肅是敬之入門言主一無適是敬之存主謝氏常惺惺法是敬之精明尹氏收斂身心不容一物則敬之純一也敬齋箴備矣毫釐有差則入於禪定故朱子有三綱九法教之戒其論窮理曰讀書得之雖多講論得之尤速思慮得之最淡行事得之最實又曰理義強窮探便有滯碍惟涵泳體驗默識而心通

之其論治體曰論治須識體如修德建極化導臣民精
 擇宰相分建衆職者人君之體也致君澤民精選人才
 進賢退不肖者宰相之體也宣布上德設立政條分任
 有司察訪民隱以施勸懲黜陟者監司之體也愛百姓
 施惠澤明教化慎刑政均賦役理冤訟者有司之體也
 識體此識治矣又曰處天下須識其體要如君擇諸司
 之長長擇其僚自然得人則天下之事自理如太
 極兩儀四象八卦實理自然非可安排得也嘗謂陳白
 沙倡勿忘勿助之學為亂苗之莠而莊定山豪放之士
 且使學者流於曠蕩之歸其欲求本實以貞體驗如此
 雜聞源流錄 卷五 六 葉敘堂

成化甲辰三月十二日卒年五十一學者尊為敬齋先
 生萬曆己酉追謚文敬從祀孔廟 先生嘗言陳公甫
 說不繇積累而至者不可以言傳則四書六經不足以
 載道矣公甫云靜中養出端倪又云藏而後發是將此
 道理來安排作弄都不是順其自然公甫言纔覺便覺
 我大而物小物有盡而我無盡是物我有二理矣公甫
 亦窺見得些道理本原用下面無循序工夫故遂成空
 見蓋敬齋與白沙同師事康齋而所學迥異故歷數其
 失如此

門人余祐曰先生弱冠時奮志聖學在游康齋
 先生門退而藏修于家讀書窮理存諸心者不
 以一時或息反諸身者不以一事或遺久之則知益
 益于益固養益裕而所得益淡矣居業錄者先生道

明德立無可告語事有感於外而無可施行故筆之
 於冊取易修辭立誠之義其間論聖賢德行經傳指
 趣學問工夫政教基本性命淵微不一而足至異端
 佛老之學尤渙辨詳開惟恐其陷溺人心變亂士習
 蓋亦有為而發故其詞煩而不殺焉

余祐字子積江西鄱陽人自幼穎異始入小學即慨
 然有求道之志聞餘干胡敬齋先生潛心踐履徒步
 往師之敬齋一見謂其器可以遠到以女妻焉成化
 丙午領鄉薦弘治己未成進士授南京刑部主事轉
 員外正德戊辰勳臣有爭鬪者子積署其案忤奄瑾
 意落職瑾誅薦起知福州府愛人郵獄事先大體鎮
 守內臣豪買市物不予直又以二百金強府令為市
 改機若干子積入其金於庫泣慰市民而遣之將以
 狀上于朝鎮守懼稍戢求以事撓之會天旱衆請禱
 雨鎮守曰余知府自謂愛民必能感動天地則使之
 獨禱子積齋戒出郊雨隨應鎮守大慚愈忌之遣人
 構于厥衛必欲去之媒孽竟無所得會遷山東按察
 副使乃解丁父憂未上服除補山東徐州兵備有南
 京進貢內臣多挾商貨索夫馬價至數倍知州樊準
 以告子積命詰其私貨入之誣逮錦衣獄謫廣西南
 寧府同知稍遷韶州知府投劾去世宗登極詔復副
 使遷河南按察使屢與撫按爭可否平反冤獄按黜

雜聞源流錄 卷五 七 葉敘堂

巨賊以數十計當其據理以爭詞氣棘棘聽者至不能堪乃因考察橫中之其劾章云心慕乎古氣失之偏子積聞之笑曰偏則有之慕古吾豈敢也坐調廣西按察使四轉至吏部右侍郎報至而病卒年六十四贈吏部尚書子積學務有用不事空言發端於敦齋先生而推其本原以爲出於程朱之書故於程朱尤究心焉嘗曰程朱教人倦倦以誠敬爲入門學者豈必多言惟去其念慮之不誠不敬者使心地光明篤實邪曲詭譎之意勿留其間不患不至於古人矣其時公卿間有指主敬存養爲朱子晚年定論者乃雜聞源流錄卷五八 彙錄

撫朱子初年之說以折之謂其入門功夫非晚年乃定又輯朱子書之切治道者爲經世大訓其論及文章詞翰者爲游藝錄見其學之備體用兼大小非近時所謂單傳妙訣者可擬也學者稱訥齋先生

夏尚朴字敦夫江西永豐人初就試鄉先生以詩戲之輒應聲曰青雲萬里應非遠更有人間第一層及聞胡敬齋先生講學餘于往從之篤慎躬行毅然以性學爲己任歷官太僕少卿逆瑾橫甚遂退居嘗與王伯安守仁交友各商所學王有詩云悠然舍瑟春風裏點也雖狂得我情敦夫答之曰孔門沂水春風

景不出虞廷敬畏情其後郡人夏言秉政敦夫數以詩招隱其詩有云寵利絲來是禍梯功成身退便爲宜萊公不識乖崖意一值澶淵禍便隨貴溪不能聽卒及于難

陳選字士賢浙江臨海人父員韜嘗巡按福建辨活沙寇之脅從者數萬人官終右布政使士賢自少沉靜端慤不妄言笑從鄉先生陳璘游早有文名日誦習一室中敝衣糲食人不堪其清苦而安若固然比長遂篤志聖賢之學潛修默識不求人知思以克己求仁爲要因自號克庵讀書不資于文詞遇格言卽手錄於冊爲力行之助其學識粹然一出於正其操履恪然一歸於誠天順庚辰會試舉第一超拜山西道御史一疏劾學士倪謙錢溥倖進而寢其命再疏劾尚書馬昂諸大臣不職而移其權舉朝凜然憲宗嗣位疏言君子小人進退治道所係不可不慎言甚剴切會修撰羅倫論時宰奪情請官乃抗章留之不報出巡江西風紀大振不以刑罰立威官吏相戒不敢犯咸頌爲真御史督學南畿學者競爲浮華之文欲矯而變之先頌冠昏喪祭射儀令生徒歲時肄習徧歷郡邑居宿學宮默然端坐以身爲教徐行諦視周旋罄折絃誦俎豆雍雍翼翼也比入夜

雜聞源流錄卷五九 彙錄

齋館燈燭如白晝伊唔之聲鋤然時以二燈前導省勤之或引同飲饜如家人焉謂聖人之道必自小學入手注以宜論學者循此以達於四書五經諸生翕然學化轉河南副使仍督學會倖奄汪直被命巡郡國威伴人主都御史以下爭匍匐趨拜士賢俟其至獨自公署中道入長揖不跪直問曰何官應曰提學直大怒曰即提學寧大於都御史耶士賢曰提學何可比都御史但宗主斯文為世表率寧死不可屈節直見其詞氣嚴正而諸生且集署外不可犯遂改容曰先生既無公務相關自後不必來見矣士賢除步出密疏直專擅罪迫直

雜聞源流錄

卷五

十

彙敘堂

歸上問河南好官為誰直以陳選對上出疏示之益敷德屏威推明正學兩地士風皆為之變擢廣東左布政使猶眷眷舊徒刻宋史道學傳以貽之白沙序謂誦言而忘味六經一精柏況采諸儒行事之述與其論著之言白沙當日持說堅而肆口易若此比蒞廣除徭役罷和買備賑濟皆務為惠養計數辨冤獄尤不畏貴倖中官有弟逼娶寡婦為奪還之提督市舶中官韋泰者倚進貢為好利役戶苦於供需特裁減之又發海商詭稱蘇門答剌國之偽時撤馬罕使貢獅子欲更市滿刺加士賢言此西域賈人為圖利使墮其術必貽安南諸邦之笑因體所關甚非細故韋泰既蓄減役之怨又素

利進貢及是屢為阻抑怨益深乃誣奏稱矯制發粟意在侵欺褒獎屬官志圖報謝論罪當徒就逮赴京廣人數萬擁留之號訴于詔使在道病作行至南昌卒于石亭寺年五十八初泰之構獄也賄士賢所黜吏張聚使誣證之聚死不肯從至是反為上言訟冤奏入不報天下相與悼惜之平生言若不出口見所當為則勇於行之處事緩而詳御下嚴而恕至於言動端莊雖家人見其終身然也既歷貴顯燕會惟服先人舊袍帶客至瓦盆蔬食相對無慚色自河南聞喪還行李蕭然車一輛而已泊之官粵東騎驢出都門其清約有寒士所不及者俸餘則以置祭田贍貧族嘗曰居此官必盡此職行此事必盡此心所注小學孝經冠祭禮儀等書傳于世學者稱克庵先生或稱丹崖先生正德中贈光祿寺卿

雜聞源流錄

卷五

十一

彙敘堂

諡忠愍金貢亨著台學源流以郭慎方弄儒陳選合為釋程朱之緒以扶名教振邪人使復知有周公仲尼之道厥功不既偉歟楊軒韜述需時介潔成性遜志卓識大觀死生不取克庵秉禮自嚴趨義如渴設在孔門暢軒其商之守乎遜志其賜之達乎克庵其錄之果乎吾聞暢軒端用靜中工夫則未加其所謂靜中之物所謂靜觀未發氣象者何如也此儒釋毫釐之地也吾聞遜志過魯問陋巷無琴所居在陋然願學則未如其所謂遜志過魯問陋巷無琴所居在陋然願學何如也此適道之要津也吾聞克庵學以仁為要而錄格言以助力行則未知其所謂識得仁體實有諸已而求經義以栽培者何如也此吾儒內外之所

朱之堂宛周公
仲尼之奧矣

張元禎字廷祥江西南昌人生而穎異五歲出語驚人
寧獻王召見命爲韵語有心定萬事定之句王甚器之
書元微二字貽之因以名稱長補諸生都御史韓雍奇
其文謂有長江千里之勢爲易今名字曰廷祥謂當爲
國家祥瑞也天順己卯舉鄉試庚辰成進士改庶吉士
詞臣教養讀中秘書外惟習韓柳歐蘇文廷祥獨有見
於儒者之學不在乎記誦詞章乃日取近思錄及周程
張朱全書潛心默諷教者或笑其用心之左弗顧也久
之授編修會憲廟卽位上疏請行三年喪又陳治道大
雜聞源流錄 卷五 葉錄堂
本大原四事曰講學曰聽治曰用人曰厚風化不報以
病告歸家居二十餘年益研求正學作易詩春秋要語
四書集要太極圖說要綱目近思錄家語解要多未脫
稿弘治戊申召同修憲廟實錄進春坊左贊善上疏勸
行王道反覆幾萬言辛亥實錄成遷南京翰林院侍講
學士癸丑乞歸養母戊午召修大明會典爲副總裁遷
翰林學士侍經筵日講時孝皇雅意向廷祥廷祥身矮
特設低几就聽之旋以母憂去服闋進南京太常寺卿
召修歷代通鑑纂要克總裁官改太常寺卿兼翰林學
士仍侍經筵日講併侍東宮講讀甲子命掌詹事府事

乙丑人內閣掌誥勅上疏略曰帝王所以隆治化同天
地者其說散見於五經四書求其直指根原提挈要領
使一覽卽知其槩莫如周子太極圖張子西銘程子定
性書朱子敬齋箴尤爲切要皇上萬幾之暇焚香默坐
靜養天和則主靜主敬之學亦既有本而得其要矣日
講之時復令內閣將此諸書命臣等進講紬釋熟復優
游厭飫庶於聖學少裨萬一東宮則當勸講小學孝經
詩經上嘉納之亟索太極圖以觀大喜曰天生斯人以
開朕也將大用之會上不豫竟不果正德初遷吏部左
侍郎兼學士爲實錄副總裁屢上疏乞致仕優詔弗許
雜聞源流錄 卷五 葉錄堂
丙寅十二月卒于官年七十廷祥少侍父疾籲天請代
喪禮尚古事母色養惟赴召時不及躬殮恨之終身仕
籍四十有七年在朝不滿九載勤學好問力探經傳贖
隱所交陳士賢胡叔心陳公甫羅彛正陳剩夫妻克貞
諸公皆以道學稱于時其間不能無異同之見獨崖然
中立不樹門戶而多所獨得好面折人過議論揚揚剛
直不屈前後林居日久士大夫日望其起然譽之者多
而尼之者復淡以故事卒齟齬不克行其所學費宏所
謂磨礪渾璞益見光瑩也學者稱爲東白先生
姚文灝字秀夫江西弋陽人少讀書恒達旦及娶獨

行親迎禮流俗咻之不顧父喪極哀毀內翰張東白
謂人曰是子可以語道矣勵志問學能忘其貧比成
進士授刑部主事迎母就養京邸母沒乃扶喪歸葬
廬墓終制先在刑部纔三月坐累當調外或謂任淺
當自白秀夫曰職既在是即一日亦預有責敢獨免
乎言者愧服至是補常州通判水政先諸郡召入為
工曹陳水利六事曰設導河夫曰發濟農粟曰給修
閘錢曰開議水局曰重農官選曰專農官任朝議行
其四事又繪水道圖集水利書及自著事宜一編皆
行於時及歸大巖下益事著述已復有督學之擢慨

律淵源流錄

卷五

古

彙錄堂

然以作人為己任其立教條大要本聖賢之學而參
以時制痛革浮靡考較極公自謂毀譽不入請託不
行賄賂不通聞者以為信然性方嚴純正在官無二
志在家無嬉容友諸弟兼有恩義臨事剛毅推其志
雖死生在前弗恤也諸書皆有辯論或欲更訂大學
章句秀夫謂宜守程朱定本愚按古本大學即朱子
所云舊本頗有錯簡者
也業經程子考定而朱子因之依經次序各得其
所矣後人不察程朱費幾許苦心必欲復古本以
廢宋儒遂以知本知至二語連綴經末而首提誠
意以該一書之要無論入係混經傳不可為訓
而繁洪澳烈文二詩于誠意之後於義安乎或又
不得已而穿鑿其同有欲改二詩為經文者是蛇
足非體裁也有欲移如止二節台聽認為一章以
解本末者是未復古本先裂聖經也翻案紛紛幾

千家各有大學一本推其意不過謂格致無傳為
補傳者非原無經傳分章句者非為臆說以掩之
云爾然大學一書本古者大學所以教人之法豈
若是其紊序路空述誤後生也哉今姚秀夫氏獨
毅然謂宜守程朱定本則於所謂其序不可亂而
功不可闕者已確然無疑不惟足以救正姚江而
其識其力在谷平
所云三家之上矣

張銳字抑之陝西秦州人成化初舉於鄉父敏以國
子生為江西布政司照磨從父之任受學東白張先
生繇是學益有得乙未登進士授刑部主事歷員外
郎郎中遷江西吉安知府在吉安政教兼舉士習聿
典民用安業坐忤權貴調湖廣漢陽六載以兩郡令
譽晉山東左叅政後致仕居鄉日進執經諸弟子於

律淵源流錄

卷五

古

彙錄堂

庭講學不倦鄉間薰德焉隴西學者稱為張夫子
羅僑字維升江西吉水人初為邑諸生有文聲是時
諸生拘制義咸有門戶牽綴試日窮年不得休息而
南昌東白張公以道術鳴維升往從之居半載盡得
其說以歸自是授生徒輒以收放心為言弘治乙卯
舉鄉試已未成進士癸亥授新會知縣正德己巳召
補大理評事會逆瑾擅王命用淫刑囚歲早上封事
首言陛下日昃不朝戲狎羣小殆非所以承大業次
言文法太濶誅求太急盜賊公行流移載道而宰執
諫官禁不為語及論劉人夏潘蕃罪謫之非奏入瑾

大怒處以極刑賴西涯相公力解得免官歸是年秋瑾敗明年以前疏復原官病作告歸已卯宸濠反都御史王守仁起兵吉安討之聘維升居守吉安事平敘功臺諫交薦擢知台州府至台首延布衣張尺置上坐訪民間疾苦尺具以所聞對繇是誕布德政吏部奏最天下第一上賜製衣半醴旌異之癸未二月用巡撫延綏都御史姚鎮奏遷廣東左叅政八月卽以故事引年致仕既歸杜門謝客日對書史著潛心錄以貽其子謂學須寡欲則心中無事嘗曰每見青天白日便看吾心光明何如每見雲影蔽日便看吾心昏蔽何如每見草木生意便看吾心生意何如每見禽獸自適便看吾心自適何如又云人於一日自朝至夕自興至寢不可有一毫惡念惡念一萌卽斬絕之使根株悉拔不可一息無善念善念一萌卽克廣之使若泉達火然大抵原本東白而足發之者也時東廓鄒氏講學青原山中數與往來議論而洪先居喪不廢業維升獨以爲不應古禮責以書學者稱爲東川先生

謝鐸字鳴治浙江太平人天順甲申進士選翰林庶吉士授編修奉旨較勘通鑑綱目因上疏言宋神宗喜通

雜聞源流錄

卷五

七

葉敬堂

鑑理宗好綱目而不能推之政治惟求賢講學以史冊質經傳窮理義則大本立而萬目自隨矣復條上西北備邊事宜陳搜套之策及債帥積弊進侍講入預經筵嘗發明誠之者人之道謂務虛名而不實用工夫如漢武帝內多欲而外施仁義唐太宗外行仁義而內多慚德便是不誠又如梁武帝酷好佛法唐德宗信任盧杞不能明于治道之邪正人才之賢否是不能擇善也唐元宗初年勵精圖治幾致太平後乃窮奢極欲溺於所愛唐憲宗初年發憤志平僭亂後乃好神僊迎佛骨有始無終是不能固執也時純皇帝頗有偏好故以此諷

雜聞源流錄 卷五 七 葉敬堂

諫反復推說皆人所難言連丁兩艱及終制引疾不起曰初心冀祿爲親今無及矣苟仕非義也弘治元年薦起修實錄三年遷南國子祭酒上疏請增楊時從祀而黜吳澄復疏修教化擇師儒慎科貢廣載籍復會饌均差遣六事明年以師道難盡請致仕十二年以累薦卽家拜禮部侍郎掌國子祭酒事力辭不允鳴治先後在國學律已率人嚴立規約兩監中故有夫皂便役羨金籍之於官均贍僚屬構書樓東西庑諸經史刻北雍廟衢湫隘益市地闢其斜側又市廬舍三十餘區居博士助教諸學官以省儉直諸生貧困者有給死者請京府

致賻給驛歸其喪凡所建白皆師古義持獨見不徇俗
 希世也十六年預修通鑑纂要是歲請致仕特予告正
 德三年瑾勒致仕五年卒年七十六贈尚書謚文肅學
 者稱為方石先生鄉人方正學先生抗靖難殞身滅族
 敢藏其一字者有禁嗚治不避忌諱收綴遺文為遜志
 齋集梓而行之羅一峰致書曰遜志一編則天地正氣
 沉鬱百年而幾泯沒者一旦遂得其全以顯行于當世
 執事之功大矣所著有桃溪集續真西山讀書記伊雒
 遺音伊雒淵源續錄四子擇言元史本末宰輔沿革國
 朝名臣事略尊鄉錄赤城新志忠諫錄祭禮儀注諸書
 雜聞源流錄 卷五 大 彙敘堂
 及方石文集赤城詩集行於世

羅倫字彞正江西永豐人性慷慨樂善不疑人欺遇事
 無所回避有不可輒面斥之郡守張瑄嘉其學行而惜
 其貧命有司周之謝弗受景泰丙子領鄉薦癸未赴春
 闈遭火患呼曰吾生平無毫髮得罪於天今乃至此奈
 吾親何須臾火滅僅獲免成化丙戌登進士對策大廷
 頃刻萬言指切時弊拳拳以格君務學為說奏名第一
 授翰林修撰會梓試策策中引程正公人主一日闕接
 賢士大夫之時多親宦官妾之時少執政欲節其下語
 彞正不從直聲振于時未幾內閣大學士李賢遭喪朝

廷留之臺諫皆不敢言彞正請其私第告以不可李公
 始以其言為然既數日復上疏歷陳古今起復之非是
 且曰如其不然必準富弼故事終喪劉珙故事言事反
 復數千言一本於天理人心之正疏奏遂落職提舉泉
 州市舶司時彞正雖見逐而天下士論益榮之明年召
 還復修撰改南京尋以疾辭歸開門授徒日以注經為
 業垂十年卒于金牛山書院中成化戊戌九月二十四
 日也年四十八謚文毅學者稱一峰先生嘗欲倣古置
 義田以贍族人或助之堂食之錢謝不受或衣之衣行
 遇乞人死于途輒解以覆之客晨至留其飯其妻謂其
 雜聞源流錄 卷五 大 彙敘堂
 子曰瓶粟罄矣之旁舍于之比舉火日已近午亦曠然
 不以為意嘗曰習俗之溺人如醉者之酣于酒寐者之
 酣于夢所貴乎君子醉而能醒寐而能覺又曰舉業非
 能壞人人自壞之耳聞者多興起方其貶而復召也李
 賢新卒商輅復入閣實為上言之適廬陵陳文亦卒士
 有為詩悼之者末云九原若見南陽李為道羅生已復
 官士林爭傳誦之以故終彞正之世大臣未嘗有起復
 者所著周易傳中庸解禮記集註所刪訂三禮考証俱
 藏于家其一峰文集今行於世

劉彬字素彬江西永豐人貌癯骨秀心術純正五歲

而孤母張撫育之聽巫語用甕匪關於祠案下謂十
五出關時破甕名曰破關祈可長生素彬默用石碎
之母怒乃跪啟曰壽夭在天非巫可求天感母德兒
自可生母宜安心勿惑異端舉進士授潮州程鄉令
痛俗薄惡撤賭場禁酒肆逐娼優出境民不復破產
民有誣軍數年而蒙雪者以黃金十五兩包香茶中
跪送立揮去之考績赴部而鄰邑饒平賊發城陷奔
屯程鄉溪谷中官民大懼時素彬過家臥病聞之明
日卽力疾陸趨四日及境四野歡呼因白行軍布政
陶魯軍衆邑小乞散之鄰邑以紓民困陶擒賊五百

雒陽源流錄

卷五

三

彙敘堂

餘真僞未辨素彬力爭民命不可輕陶不聽且曰君
不亦當立功乎正色對曰吾爲民父母坐視子弟命
絕何謂立功乃白巡按御史雪其無辜者過牛九年
考滿方伯劉大夏署曰無能事之虛名有牧民之實
惠旣去邑人塑像立祠遷雷州府同知以疾解官民
謠曰知府似爛泥通判似豆腐去了劉同知倒了雷
州府後卒于家年七十七初與羅一峰同塾及同受
春秋於鄧表年所或經年乃一歸以德業相勵鄉俗
目爲迂儒且有欲破其交者一峰詩有浪拍洞庭君
山不動之語素彬笑曰君山豈足喻吾交君山靜而

不動吾交動靜不違一峰嘗告之曰科名文詞皆淨
洗而痛決之不使亂吾之念慮一意從事聖賢之學
必至於成人而後已榮華與道謬永貽身後唾胡可
以有盡之身而貽無窮之辱乎仕止久速各當其可
此孔子所以聖也故素彬於出處之際亦曰吾不敢
負一峰云

何屋宇朝舉江西新城人幼自力於學以聖賢爲必
可至與鄉人鄧康羅倫游有省歸而日夜淬于慎獨
克己之功至終夜不就枕窮年不出山蓋專苦如是
家故裕仲兄豪主家政而家落有勸分者拒不答兄

雒陽源流錄

卷五

三

彙敘堂

所責逋括所有代之償無愠色母喪苦塊晝哭不絕
言動羣祭一於禮哀毀幾不能生廬墓側者三年第
進士官戶曹出納精嚴正德間逆瑾聞其有古琴一
張諷欲得之朝舉曰琴非所惜惜毀吾行耳竟不與
出知程番有反火屏虎之兵歸授徒著書忘寢食不
厭尤遠於易多所自得後進士徒質經疑義不違應
必從容玩諷竟日乃竭兩端以告問者心厭而返平
生無虛言飾行嚴義利之辨毫介不取仕三十年蕭
然四壁及卒篋無遺金剩帛子孫貧不能自存
史英字廷珍山西稷山人少爲諸生恒以薛文清自

期待成化戊戌第進士初授棗強令未視篆俄報賊
騎至率兵即日擒斬後冀州盜相繼反獄皆勦平之
於是賊不犯境其為政首先禁抑誣訟而督課學校
周卹歲凶尤為懇至凡上官橫科不便於民者皆拒
不聽擢御史按江南有周駙馬兄為蘇州同知貪聲
大著卽據法首黜之他奸宄皆望風屏跡在臺中諸
條有所論列多各有所托獨謂山西無托廷珍曰吾
大有所托顧諸君不知耳衆問為誰曰托天天有仁
心不受賄賂人有敬畏天命可托衆改容謝他日臺
中糾一勢要疏成已印鈐矣至午門前猶豫不進適

雜聞源流錄

卷五

史部

三

彙敘堂

遇廷珍問何以處之慨然曰疏至公所宜進不宜退
遂進之遷河南按察副使丁外艱歸服除不復出閉
戶讀書不與人事平生不食兔肉有餽生兔者輒命
放之以其父兔屬生也每夕必焚香告天為民祈福
壽獨未嘗通私書每曰已不容人囑知人亦不從已
以故官府多不能識其面張學士天瑞嘗以真理學
稱之操守素嚴顏其所居庵曰庸曰拙以白況所著
有就正一得諸稿其言多主居敬窮理嘉靖五年臘
月尅日考終壽七十八
吾學字景端浙江開化人通書易春秋以鄉舉入太

學與蘭溪章懋安福劉戩四明楊守止交責善輔仁
多所裨益既而三子皆貴顯而景端獨不第就江浦
教諭迨其父就養以敦本力踐為教學東有隙沮如
鑿池種蓮亭其中曰求樂邀莊定山景至日陶永焉
提學御史及諸憲使並以爲有道賓禮之久之乞終
養歸朝夕侍側諸可以娛親心者靡不力致執親喪
一於禮老猶毀頓與弟陳怡怡友愛始終無間言追
復遠祖祠田當祭掃必大合族其學尚在爲已不溺
於記誦詞章之習自江浦歸家食餘二十年郡邑子
弟及四方來學者履常滿輒書太極圖說西銘示爲

雜聞源流錄

卷五

史部

三

彙敘堂

學本原及舉管子思之思之又重思之之語爲窮理
之要又謂學者曰學欲有用須養氣氣克卽天下事
無不可辦者時人卽其所居稱為文山先生
王啟字景昭浙江黃巖人弱冠登成化進士告歸婚
娶授霍丘知縣有兄弟爭財訟不息者以宋人所著
兄弟吟令誦之使立廳事朝夕對揖久之乃悔讓其
所爭而退一邑皆感化弘治間擢御史疏言皇親張
鶴齡家奴生事及守備內官董讓不法人皆偉之秩
滿轉江西按察僉事修白鹿洞濂溪二書院及文丞
相祠堂毀淫祠四百餘所政暇則事讀書間有所見

則隨手筆記著正蒙直解周易傳疏周禮疏義及編
古文類選大學稽古衍義等書進本司副使擬改山
東提學會以事觸奄瑾怒不果降廣西容縣令又罰
米三百石輸之官已復罰米二百石待命未報遇赦
免久客梧州著邇言等書墜敗自蓬州守歷遷江西
右布政使奏罷寧王宸濠私貞新茶新笋數事轉廣
西左布政使以征蠻督餉有功晉副都御史巡撫雲
南輯綏番漢地方以寧著撫滇翊華錄赤城會通記
尊鄉績錄義峰記王氏族譜等書甲申遷刑部右侍
郎詳慎刑辟丁亥以大獄免歸日事耕讀足跡不至

雜聞源流錄

卷五

雷

彙敘堂

公府重修會通記及元鑑年統居八年卒學者稱東
瀛先生遺著詩文甚多論者稱其性好著述而不甚
刻意衣冠食糲略無懟怨卓然有前輩風格焉思錄
曰百家罷而四子出而六經尊訓詁罷而
近思錄出近思錄出而四子尊上下歷下餘歲絕
續更十餘傳所言愈演而愈約其言愈近而愈遠
矣粵自夫子刪述六經而伏羲堯舜禹湯文武周
公之道寓于易詩書春秋禮樂如天之不可階而
升夫子恐人好高而反失之也故其為教博文約
禮之外性與天道罕言而論語一書不出問答思
辨之間當時會子傳其學端用心於內其作大學
則曰格物致知猶吾夫子也曾子傳之子思其作
中庸則曰擇善思誠猶吾曾子也子思傳之孟子
其作七篇則曰知言明善猶吾子思也惜乎其書
存其人亡其徒不能傳其道其端之說始熾後以
百家之言則于其間統紀不一學者莫知所宗矣
幸而四子之澤未泯漢董子思所以禁之首請罷

黜百家以尊孔子其後始置五經博士四子得列
講師而百家不致與六經抗衡矣然亦多訓詁之
儒而無究精微之實積久生愈釋氏因得以近似
之言亂之雖唐韓子知尊孟氏以闢佛老其作為
文章則見道未真而由其生於訓詁之後無自而
知也至宋周子明道學作太極圖通書以授程
子其書始於教人尋仲尼顏子樂處四子之蘊一
矣程子受於周子作經說諸書教人窮理觀物其
書始發明顯子好學處四子之蘊又去矣張子與
程子共語道學之要作正蒙等書教人知禮成性
其書始發明中庸文字章四子之蘊盡去矣其徒
守其書相傳既久而不能無失天欲啟斯文之歸於
是朱子始出紹其道而正其書既授于釋經四書
集註矣復次輯其編蓋所以修宋之一經大伊
洛而宗四子明其傳之有在也旨哉編乎不由是
而見矣其義云何洪範曰思曰睿睿作聖思睿思
之人能收放心則必將求道將求道則必有所思
有所思則必有所通有所通則必有所不通以所通
者而推未通者其相去也不亦近乎其為知也不

雜聞源流錄

卷五

雷

彙敘堂

亦易乎譬之爰炭其生矣也必有初矣處譬之望
月其生明也必有初明處皆相因而不可相越也
若無所通即強欲通有所通不能類通皆蔽也彼
釋致知者曰推極答近思者曰類推其義何居乎
建安葉氏曾公集解國朝文明之久雖列學官然
窮鄉僻壤出猶罕敢自守官以來始得此書讀之每
日擊心融處輒手疏各條下庶幾錄累寸積幸異
思為名蓋欲人默識心通而得之也故亦不敢為
姑書以俟來者思按此序知東瀛識正而力勤矣
周瑛字梁石福建莆田人少時與廣寧賀克恭新會陳
公甫為論學之交且期終隱嘗贈克恭詩云黃門仙客
歸遼左少室山人憶嶺南我亦塵埃難久任木蘭溪上
浣青衫其後宦京師公甫次韵戲之中成化己丑進士
授廣德州知州轉南京禮部儀制司郎中遷撫州府知

府調鎮遠府歷四川右布政使致仕年五十七自敘履歷以授諸子曰我他日卽棄子子無粉飾吾事以誣天下後世但謀葬我壺山之巔以此納諸幽足矣其畧曰期年過四十姑仕庶幾觀斯道大全而求見夫子所謂一者及領鄉薦遂汨沒仕途而初志始爲奪云又言居官行已頗知畏天命凡事每自檢於心求合於天而人有所不及知者惟人不及知而暗合於天則恒自喜曰此吾學之得也初在廣德念民惑鬼神著祠山雜辨又念民不知葬祭法及溺殺女子著教民雜錄在南京與人講邵氏蔡氏學著經世管鑰律呂管鑰又苦字學無師承乃博采諸說爲字書管鑰其他詩文有水雲稿金臺稿金陵稿桐川稿臨川稿共若干卷藏于家初號蒙中子又號翠渠後因以名其集時白沙首倡習靜之說一時學者樂其說之新奇而梁石獨非之有嘉魚舉人李承箕學於白沙得其說歸遂居大崖山以老謂靜極則心虛心虛則理見故視六經若土苴視形骸若仇敵視聖人所以立禮義之防若纏束網縛欲撤去之梁石亦與李氏游爲題其義學曰白沙予友也二十年前日相往反瑛見其神清氣完心地定疊往往以其靜觀天下之動竊以爲古閉關人也今世卿從白沙游不知其說

雜聞源流錄

卷五

五

彙敘堂

果出白沙否果出白沙則吾當盡已之說不當祖述其說而申告之也瑛聞人心無外以爲有外者非也聖人靜有以立天下之大本動有以行天下之達道繇體及用一以貫之其餘爲學皆繇博以返約博者萬殊也約者一本也求諸萬殊而後一本可得一本旣得則所謂萬殊者亦可推此以貫之矣瑛請得以言其功程次第蓋始學之要以收放心爲先務收放心居敬是也居敬則心存聰明睿知皆繇此出然後可以窮理所謂窮理者非謂靜守此心而理自見也蓋亦推之以極其至焉耳孟子曰萬物皆備於我矣此言人心無外也不卽物以窮理其能盡此心之體乎故自性情之微以及形骸之粗自食息之末以及綱常之大自六經之奧以及天地萬物之廣皆不可不求其理求其理謂求其自然與其當然又於自然當然求其所以然積累旣多自然融會貫通而於一本者亦自得之矣一本固非學者所敢言然聞之中庸有曰喜怒哀樂之未發謂之中又曰上天之載無聲無臭至矣此譬如穀種雖自塊然而根苗花實皆聚於此又如雞卵雖自渾然而羽毛背爪皆具於此及其發見於行事在聖人體用一貫在學者未免差互蓋在已者有所拘蔽故所發不無偏重之殊在外

雜聞源流錄

卷五

五

彙敘堂

者有所搖奪故所執不無遷就之異然而既見本源則於處善亦安循理亦樂至于患難事變雖以死易生亦甘心爲之此聖學之大略也今不務此乃塊然靜坐求畢體用之學吾見其難矣此文見集中蓋梁石之學以居敬窮理爲要以知天命爲歸先以敬收斂此心然後博物以窮理而反約以治博造請爲至當故與白沙稱素交而持論不爲苟同如此

丁璣字玉夫南直丹徒人父元吉學行高古隱居教授與南海陳獻章友善學者稱易洞先生玉夫幼服庭訓巖然早悟弱冠舉進士授中書舍人成化末以

雜聞源流錄

卷五

丁璣

无

彙敘堂

星變應詔疏治道本末時政得失反覆數千言而根極於正君心諸如教東宮振綱紀正風俗慎用人重名器蘇民困理財節兵皆切時政未言方士釋老宜斤遠語涉萬貴妃疏入憲皇怒以他事逮繫命擊齒落而挺然不爲動謫普安州判官普安去中州萬里非人所居獨從一僕怡然長行弘治初入賀三原王公怒爲太宰雅重玉夫延見坐語者竟日明日復召不赴奏記言今日大本無急於正君然非一人一日之力宜早堅主上嚮道之志開進言之路庶本正源清制治保邦之務可次第而舉太宰避其言欲引爲

吏部爲忌者所撓不果轉廣西通判猶伍以怨誣鄰民爲盜斷其舌斃之獄污鬻其妻女竟按如律同官坐事者處之曲有恩至丐印易牒執不可曰某平生惟辦此一片心事君敢爲欺耶內服闋倪文毅公岳掌銓卽家起儀制郎中尋以副使提學廣東入賀道清遠峽山水暴發衝急舟欲覆卽闔牕與妻子俱沒翼日得其屍衣冠端整如生存玉夫充養淡粹居圓運方身不踰中人而任道好古崇正闢邪有萬夫直前之勇羣吠衆譟不震不竦有百煉不磨之剛嘗以儀禮周公之典久廢不行家居冠昏喪葬一取衷之其教人先命之正容端坐澄定良久使踈釋慮消方與開講其爲政務先教化而一以誠意將之民有去後思室廬不庇風雨子女踰期無力爲嫁娶而愛君憂國一出天性蓋其爲學一以考亭朱子自期待魯齋臨川而下不屑也故其所造若此竟死于溺命矣夫所著有補齋集八卷大學疑義一卷洪範正誤一卷四禮儀注四卷行于世其中庸語孟說未脫稿大學士靳貴少從受學尊事之終身其他門人唐侃俞燦輩多以學行顯

周孟中字時可江西廬陵人成化乙酉領鄉薦江西

雜聞源流錄

卷五

周孟

无

彙敘堂

學使李公齡與教白鹿洞書院聘以為師取程端蒙董銖所為學則併朱子洞學舊規嚴率諸生皆翕然知所向方來學甚眾尋與南康守不合遂罷歸己丑登進士授南京吏部文選主事戊戌轉僉事提學福建端士習培士氣一以攷於白鹿者施之品藻進退付之至公不為權勢所撓於宋諸儒祠墓徧加修葺甲辰改貴州僉事丁未遷廣西提學副使作興有道士咸嚮學弘治初歷轉至廣東左布政裁抑海舶中官使不得為商民厲民間昏嫁後期喪葬不舉皆有禁俗為之變致仕抵家越四月病卒年六十六其學

維閣源流錄

卷五

辛

葉敘堂

本於主敬窮理以朱子晚年謂敬字之義惟畏字近之故號畏齋以天性過剛恐褊急害道取西門豹佩韋之意別號韋庵性至孝太安人晚病風痺寢興湯藥躬視弗懈俸祿所入舉以建先祠置祭田周宗戚平生砥礪名節為詩文必有關係發明不苟下筆有畏齋稿藏于家

鄒智字汝愚四川合州人年十二能文章讀經史一目不忘嘗居龍泉庵聚樹葉夜焚之以照讀書成化丙午纔十五舉解元郡人聚觀汝愚馬上口占曰龍泉庵上苦書生偶竊三巴第一名世上許多難了事

郡人何用太相驚時有鄰省元年名相若者汝愚初意其為同志特訪之坐未定其人遽問四川解首坊金比他舉子多幾倍即拂衣起赴會試過三原謁尙書王公恕曰智此行取甲第非所急所急者扶陽抑陰此疏不可不上也王公微哂而罷丁未成進士選庶常尋皇御極御史湯胤當侍班糾儀汝愚造其私第告曰祖宗朝御史糾儀得面陳政務得失近年遇事惟退而具本此君臣之情所繇間隔不通也公以言官奏對幸值大政維新之日請效故事此太平機會也冢宰王恕徵至京又迎謂曰三代而下人臣不

維閣源流錄

卷五

壬

葉敘堂

獲見君事多壅蔽願公弗受職先請見君政之可否歷陳於前庶其有濟一受職再無可見之時矣王公善其言弗能用汝愚甚惜之是歲冬星變應詔抗疏極論扶陽抑陰之理請黜萬安劉吉尹直而用王竑王恕彭韶又言君子所以不進小人所以不退大抵宦官陰主之疏人不報聞者為之懼汝愚意坦然由是名愈重然性孤介寡交與為人所忌弘治三年言者証知州劉槩御史湯鼎妄議朝政株連下錦衣獄身親三水神色自若供詞略云智與今湯鼎等往來會聚或論經筵不宜以大寒大暑較講或論午朝不

宜以一事兩事塞責或論紀綱廢弛或論風俗浮沉
或論生民憔悴無賑濟之策或論邊境空虛無儲蓄
之具議者欲處以死刑部侍郎彭韶辭疾不判案內
閣徐溥亦力言吾輩不可使朝廷有殺諫臣名始獲
免謫廣東石城所吏目在獄詩云人到白頭終是盡
事垂青史定誰真夢中不識身猶繫又逐東風入紫
宸辭朝詩云盡披肝膽知何日望見衣裳只此時但
願聖朝無一事孤臣萬死更何悲遂毅然就道衣結
履穿幾不能存親識餽遺堅卻不受過閩蔡介夫清
贈詩曰此行如遊學十年觀造詣炎荒無友生神交
惟閩源流錄 卷五 葉敬堂

僉事發奸摘伏有能名分巡嶺北民病瘴以藥活之
者至八百餘人勘虛糧明經界均徭役民不敢欺巡
九江以南火燬學宮文昌祠凡清出虛糧十八萬三
千餘石儲贖罪穀備賑濟至二十一萬六千石有奇
以各道罰罪銀市材倩工修理學宮祭品及正聖賢
像服之不如制者七十八所毀淫祠九十七區晉雲
南副使時鎮守太監錢能家人不法每爲夢祥所抑
能中傷之計奏落職家居年八十餘卒嘗謂白沙之
學之雜禪也著論正之學者稱益庵先生
宋端儀字孔時福建莆田人幼嘗侍父助教公較文
惟閩源流錄 卷五 葉敬堂

方遜志蓋勉之淡也至石城視事甫兩月廢政悉舉
奉總督檄董修醴書因寓廣城交陳獻章處困若亨
進修不怠居四年暴病卒年二十六卒之日囊無百
緡方伯劉大夏同年順德令吳廷舉致贈歸其喪所
著有立齋遺稿行于世方居石城有順德人鍾曉師
事之後歷御史知府卒有立以風節稱
陳騏字夢祥廣東南海人少喜技藝工畫能醫有司
使視重囚入獄中穢不能忍耻之乃學舉子業爲邑
庠生時年二十七矣三十一舉於鄉連登進士拜大
理寺評事晉左寺副修撰羅倫以剛直許之遷江西

江右時御史天台陳選監場屋因私試以文渎器之
父爲安州學正每令預堂試諸生皆歎服以爲弗如
也舉成化甲午鄉試第七人辛丑會試第六人拜禮
部主事歷主客員外郎凡四裔朝貢之使以方物贊
見一毫不苟取其或有所求請必條舉典故辨析開
論使心服而去久之遷廣東提學僉事既至嚴立教
法方勵精有爲遇病卒自其少時已有志泛濫羣籍
尚友古人凡鄉之先輩皆考究而知其邪正賢否郡
守青田潘琴以郡學所祀鄉賢多弗稱典禮乃發策
詢於諸生惟孔時所對策考論精審潘大加歎賞其

在禮部署清務簡尤留意程朱正學嘗考正宋史道
學傳進程氏門人呂大臨謂其淺潛縝密當不在劉
李尹謝游楊之下又以程氏師友淵源朱子已有錄
以示後學而朱子門人亦多哲士尙未有表著之者
因集黃勉齋以下及私淑有得如真文忠諸公凡若
千人爲考亭淵源錄又嘗修祠部典故廣東通志略
宋行朝錄皆未脫稿其修道南三先生遺書朱子事
類鄉賢考證莆陽遺事莆陽舊事偶錄立齋閒錄立
齋稿高科考宋氏族譜等書藏于家


雒陽源流錄卷五 終

雒陽源流錄

卷五

三

彙敘堂



雒陽源流錄卷六

無錫張夏纂

門人發源黃

昌衢校

章懋懋先生程昌黃傅應璋

董遵陸震凌瀚章拯

黃仲昭張吉李汰邵珪

王雲鳳蔡清清先生陳琛琛先生邵寶寶先生

楊廉談縉張綬陳鳳梧

邵清劉玉楊文

章懋字德懋浙江蘭谿人天順壬午中浙江鄉試易魁
成化丙戌會元列二甲改翰林庶吉士授編修甫閱月

雒陽源流錄

卷六

一

彙敘堂

會元宵舉放燈火內閣分題命館局賦詩先生草疏與
同官莊杲黃仲昭連章諫止忤旨同杖闕下謫外先生
得臨武知縣時稱三君子先是羅倫論南陽謫官又稱
翰林四諫云未行給事中毛弘等申救改南京大理寺
評事遷福建按察司僉事毅然以振風紀爲已任勘獄
牒別吏蠹陪官邪滌民瘼招通番貨以便商聽民採礦
以絕盜認納海田虛稅計擒泰寧尤沙諸盜善政卓然
考績赴部乞解官吏部尚書尹旻勉畱之曰不能軟不
貪酷不老病如何可退答曰古人正色立朝其則罷軟
古人一介不取視民如傷其則貪酷年雖未艾鬚髮早

白可謂老疾堅請得歸時年四十一人以爲難既歸固窮守道奉親外閉門讀書體認實學而言必根志志必先用用必副功提挈綱要所得益深家貧力耕以自給不入城府士風爲之一變四方弟子執業者雲從名卿隱士接軫於門乃刈蔬脫粟而餉之或諷爲文章曰小技爾子弗暇請著述曰儒先之言至矣盡矣刪其繁蕪可也詎當附益哉林居二十餘年公卿屢薦弘治辛酉召爲南京國子祭酒母喪力辭詔增設司業以編修羅欽順爲之聽終制赴官癸亥服闋再辭弗允始就列首厲教化明道術肅儀軌六館之士翕然向風姑蘇尤樾

雜聞源流錄

卷六

二

藝敘堂

母病不得歸省先生許之或謂無例曰吾寧以違制受譴不忍絕其母子之情也再上修學政陳弊政二疏正德改元陳言勤聖學隆繼述謹大婚重詔令敬天戒五事疏入上乞歸未幾劉瑾擅權公卿多遭斥辱人皆服其先兄久之起南京太常寺卿再遷南京禮部侍郎俱辭用科道會疏以舊學者德詔賜存問世廟初特晉南京禮部尚書仍致仕辛巳冬卒年八十六贈太子少保諡文懿學者稱楓山先生先生自少潛心大業慨然有范文正公之志于書無所不讀身體力行涵養深至居常龐朴和厚不爲異同至臨大事決大議則據經援古

確乎不易且寡嗜好謹出處筮仕九轉至八座居官不過十年歷俸僅滿三考難進易退之節世尤高之當家居日命諸子親農事邑令來見諸子輟耒跪迎在南監時其子自家來省道逢巡檢笞之已而請罪先生笑曰吾子垢衣敝履宜爾不識又何罪焉嘗言人形天地之氣性天地之理須與天地之氣理同其廣大天地之用同其周流方可謂之人論學者須大其心胸蓋心大則百物皆通必有窮理工夫心纔會大又須心小必有涵養工夫心纔會小不致狂妄論學術程朱後又大壞矣必須真聖賢出方能救得論政體第一是格君心收人

雜聞源流錄

卷六

三

藝敘堂

才固民心爲本然後政事可舉而行也論世道惟唐虞三代之盛皆是聖人在上致中和下此則一泰一否祇憑氣運推盪耳論家法如鄭義門兄弟讓死篤義如此其家安得不悠久乎論風俗須倣橫渠復古之志行藍田呂氏鄉約庶可一變而厚論吾發有三巨擔自何王金許沒而道學不講自忠簡默成逝而功業不彰自吳黃柳宋謝而文章不振後學可不勉哉論居常處困每誦伯夷叔齊餓於首陽之下民到於今稱之語便覺自警拔論居敬自謂於專一上見功覺得心中無甚放僻邪侈之襍論窮理自謂於精義處得力見進退辭受之

節頗分明不敢放過其持論篤實大指若此所著有楓

山語錄聞然子集行於世後人以其書續呂東萊及王

何金許之後稱金華六先生楊廉曰儒雅如黃未軒豪

邁如莊定山公敘華就實

獨立其間風節如羅一峰習靜如陳白沙公既博復

約自成一家至于收四海無瑕之譽靡五福無疆之

不為危言之叔度在宋鬱湖不立異同之伯恭公之

請矣愚按楓山問白沙曰人來就學者如何開發

之白沙曰今人陷溺于名利汗濁之中先令他看浴

沂章以洗其心胸楓山曰今日也浴沂明日也浴沂

合殺拍流入老莊去白沙曰使擺脫得開方好向進

此亦僅一時之弊也又按羅整菴曰章楓山嘗為予

言白沙為學本末固以禪家日之然則楓山蓋和而

立異同豈其然乎

程昌字時言南直祁門人甫冠領弘治間鄉薦謁章

雍閩源流錄 卷六 四 葵敘堂

楓山先生於南都受學而歸登進士授蘄水令時逆

瑾有事湖湘官較駱繹徵索時言不為休以最擢御

史陳十事上嘉之駕將南巡率同官伏闕二日諫止

巡按福建會南靖羣醜倡獮率兵討平之詔慰勞晉

一級繼巡廣東殄滅新會新寧劇賊賜白金彩幣在

臺九年風裁獨持如一日嘉靖元年與郊壇監禮及

侍經筵尋議大禮援引經典反覆數千言出為湖廣

四川按察使謝政歸閒居二十年餘惟闔戶著書未

嘗一刺候公門歷官雖久不置妾媵不蓄財貨卒祀

鄉賢祠著有和溪文集發蒙近語大學古本註什宗

譜家規等書

黃傳字夢弼浙江蘭谿人生而穎異讀書過目輒成

誦長從楓山先生游遂潛心理義之學以名節自礪

登弘治庚戌進士授江陰令江陰稱難治夢弼初至

兩月示以恫愿一日升公堂盡發吏弊于是興學勸

禮威強梗惠良善毀淫祠釐祀典精敏稱神明奉詔

當行民奏留之三年擢御史朝貴聞其風裁相戒敏

避不久以病歸病劇無殮費其家人尤之夢弼徐吟

曰病餐藜藿神尤旺臥死溪山鬼亦清著有白露集

及 臨縣志

雍閩源流錄 卷六 五 葵敘堂

應璋字德夫浙江永康人宋少師孟明九世孫嘗學

於楓山先生一見語以黃勉齋所云真實心地刻苦

工夫德夫佩服不懈先生稱其純篤焉以貢授徽學

訓導補長樂再遷羅源教諭正己率人士皆樂從其

教致仕歸年九十終學者稱為東白先生所著有四

書索微尚書要畧等書

董遵字道卿浙江蘭谿人受學楓山先生之門潛心

理學專志力行學使江右東洲胡公禮為浙東奇士

貢入禮部試居首選授南昌府學訓導值蔡虛齋邵

二泉兩先生相繼視江右學徵主白鹿洞書院轉深

...

陽教諭遷江浦知縣立積散法爲備荒計在任一年百廢具舉因疏乞近地便養忤當道意調知廣東感恩縣懇請得終養歸居家風雨不蔽擔石寡儲而事親曲盡孝道所著有金華淵源錄及文集若干卷從子輩以孝養聞三喪九年不御酒肉不入內寢雖衰經已除而哀慕不替爰以貢格異等拜思南府推官水滌之操六年如一日人以一門二孝廉稱之

陸震字汝亨浙江蘭溪人從楓山先生學慷慨有大志以名節自砥礪舉正德戊辰進士授泰和令威德並著民立生祠名爲兵部主事轉員外郎時江彬怙

雒陽源流錄

卷六

六

羹敘堂

權伺發車駕多游幸汝亨抗陳仁義之疏幾獲重譴以大臣申救得免已卯春彬復誑上南巡命下中外洵洵懼變莫測汝亨曰事急矣旣不能去又不能言吾何以祿爲遂與同官黃鞏疏陳六事請斬江彬以謝天下彬銜之矯詔下錦衣獄逮繫月餘拳桎跪於廷五日三訊三杖而死時霾霧四塞晝晦如夜水溢南海子玉河七鐵柱齊折如斬而駕亦不果出初汝亨在獄時瘡病方劇慷慨賦詩有惟有梅花入夢香之句又與黃公講易九卦以明處憂患之道其從容就義如此嘉靖初詔贈太常寺少卿遣使諭祭脩其

子有司爲立專祠祀之

凌瀚字德容浙江蘭谿人性端方沉毅弱冠卽負大志不規規於科舉學早游章門得其標的言行必期信果步趨必繇規矩閒居正襟坐雖盛暑不去巾襪對朋友自朝至夕無惰容尤嚴義利之辨嘉靖乙酉以易魁兩浙益肆力學問凡天文地理名物象數以至禮樂兵刑漕運水利之類靡不究心四方從游者日衆各因其材造之旣謁選授泰寧教諭日與諸生講明理學立爲條約以正其趨貧不自給者則分俸資之九年如一日士習丕變在任兩應聘典山東廣

雒陽源流錄

卷六

七

羹敘堂

西試遷周府紀善堅不欲出從游者強之就道至則剛直自持輔王以禮其所上崇德講學等啓詞嚴義正王甚敬焉以疾卒於官著有羣書類攷太平策略邵武泰寧等志金華正祠錄諸書章採字以道浙江蘭谿人少時從伯父文懿公受易輒能潛思究繹至夜分不寢履繩蹈矩非禮勿行登弘治壬戌進士授工部主事改刑部以決囚不覆手奄瑾坐復命遲慢下錦衣獄數日謫判梧州瑾敗擢南京吏部稽勲主事歷官至工部尚書所至皆著聲績其爲河道都御史適當河變二三喜事之臣欲開

新河獨抗言河性靡常悍猛難制豐沛之淤塞因黃河之旁衝黃河之旁衝因上流之未濬宜即疏支河以殺其勢築長隄以防其衝然後挑通漕沛自無淤塞之患不過費十萬緡自可成功焉可輕費朝廷之錢糧絕閘之地脉變丘陵以為下舍川澤以為高哉朝議不協以盛公應期代之竟不底績及潘公省曾用其議而工始集尋以少司空督造顯陵廷議計費六十二萬有奇以道殫心研慮僅用銀二十六萬而大工煥然告成上賜白金文綺明倫大典以旌之已亥秋聖駕南巡登純德山徘徊稱善且深惜其去

雜閩源流錄

卷六

八

彙敘堂

位初內閣桂萼延六卿議行海運以道言其不便萼遂止庚寅夏言建議分郊復以勞民傷財極諫上意不憚會以請建仁壽宮事忤旨用事者乃令冠帶間住以道雖去而時論益重之其學得自家庭兼通天文地理醫卜百氏之術家居二十年而憂國之心彌篤每占天文先事多驗徹夕不樂卒年七十謚恭惠學者稱樸菴先生
黃仲昭名潛以字行福建莆田人年十五六即專意古學凡先聖先賢一言一行無不究極淵微必實踐而力行之於周程張朱之書及韓柳歐蘇諸家下至

農圃醫卜之學無不徧覽其為詞則崇宗朱子焉天順已卯福建鄉試第六人成化丙戌二甲進士選翰林院庶吉士丁亥授編修甫三月有旨命翰林賦烟火等詩預為元宵賞玩之具仍出舊格令擬述進呈詞多不經無異俳優因與同官編修章懋簡討莊景各上疏極言不可用事者大怒取旨逮至午門命衛士各撻二十斤補外得湘潭縣知縣刑科給事中毛弘御史陳壯等上言三人者出自草茅初居翰苑不顧一身敢言直諫實盛時事也乞復其原職以慰人心以息物議特旨改南京大理寺右評事仲昭到任

雜閩源流錄

卷六

九

彙敘堂

悉卻舊例隸卒所入月錢其讞獄務以抑豪強伸冤抑為主凡刑部具獄失重輕者必駁正之乙未連丁內外艱四年不離苦塊食惟蔬果酒不入唇已亥終喪以二親皆逝無為祿仕遂引疾丐休家居十年弘治改元以御史姜洪薦有詔起用擢江西按察司僉事提督學校至則嚴教條以身倡率之宦家子弟未嘗假借凡經識拔皆一時名士乙卯疏乞致仕丙辰再疏始得請家居惟以著述為事撫按藩臬及郡守嘗請修志如八閩通志延平郡志邵武郡志皆出其手筆正德戊辰十一月朔卒于家年七十四自號未

軒復號退崑居士

張吉字克修江西餘干人生有美質四五歲問親命即不敢違訓之故事輒記不忘比長耻同流俗信古好義以名節自砥礪初從鄉先生學見諸生簡擇經傳以資捷徑意謂士當兼治五經今業一經而所遺如此豈聖人之言亦有當去取者耶遂歸而屏絕人事力購諸經及宋儒諸書讀之益自奮勵以窮理致知為務體之於身驗之於心在庠序為異已所嫉惟教諭鄭重光為之延譽提學止軒夏公嘗舉以勵諸生成化丁酉魁鄉薦辛丑登進士明年除工部營繕司主事時左道李孜省雜閩源流錄 卷六 十一 彙敘堂 致位禮部侍郎妖僧繼曉以符木進乙巳元旦星隕有聲詔求直言上疏勸親賢圖治修德遠邪以謝天變顯劾二人之罪其黨摺撫過失無所得踰月諷吏部尹旻貶雲南景東府通判時迫逮甚急故舊無有送者所攜惟小奚做書而已景東處西南極邊其民鄙戾土官陶氏世握郡章一仍其俗克修至下令率先以孝弟忠信禮義廉耻民以事至庭諄諄曉諭使歸相告語有不法者亦必薄示其罰約無再犯陶始見克修空囊且無室家謀為置妾不聽以銀器數事為餽一無所受已而遣子紫來學紫聞教即能善事其父遇母忌日或強以酒

肉即走避之士民繇是信服漸知中州之化地僻乏書手錄諸經葺齋舍討論其中取聖賢教人修己之要慎獨窮理改過求仁作為四箴以自勵讀呂榮公家傳作佛學論以正末俗孝廟御極覃恩轉肇慶府同知其地頻年苦潦為相度築隄長亘三縣經營勞瘁歷三載而後成復為竇以殺衝決之勢民德之以姓姓竇以號號隄弘治辛亥都御史秦公紘為總兵柳某所誣逮赴詔獄克修為疏曲直秦卒得白壬子進表闕下冢宰王公恕素知克修部見時待以殊禮欲處以提學之職不果癸丑轉梧州知府梧為兩廣鎮巡開府建節之地供應雜閩源流錄 卷六 十一 彙敘堂 極繁民多四徙不樂土著至任百凡節損且公推鹽之

利釐不均之徭于是梧民相率復業暇日則躬課諸生為講說聖賢大學之道使知所誦法尤嚴於丁祭廟樂崩壞嘗延樂師呂應禎聚諸生習之至於將事卜牲之外微而茹非皆一一徧視觀者竦然生敬戊申考績入京贊見當路惟所刻先儒學範晦菴詩略等書庚申遷廣西按察副使備兵府江申教令嚴武備其教士以射則懸金為的中者予之又以意創鴛鴦銃偏架弩倣神世衡教射青澗及韓世忠製克敵弓之法所轄沿江山川盤結林木蒙翳賊多伏其中因扼要害縱斧斤以奪

之時府江東西二賊相為犄角而東賊慄悍尤甚遂併力於東數月間斬獲甚衆西賊聞之亦皆自戢正德改元遷按察使明年遷山東右布政使已巳轉廣西左布政使二月發濟南舟中讀象山語錄作陸學訂疑會名馳驛還京將處以重任竟為逆瑾所阻降兩浙鹽運使量移河南叅政調廣西壬申轉湖廣按察使癸酉遷貴州左布政使未赴以疾告家居夙服膺同邑胡敬齋先生爰取居業錄採集之謂之要語其在嶺與陳白沙氏相往還至於論學亦不盡合嘗謂禮之大體有四其冠昏喪三者可守行之惟祭禮煞用斟酌其行於家最為精當鄉里化之居常無可喜無可怒之事及變故之來利害之際則惟義是從無所疑憚家常飲食遇二味必撤其所御布袍雖累經澣綴弗棄也誠諸子一以節儉訓之書先小學四書而後諸經謂學者不讀五經遇事便覺窒礙至於隱年就試大為不可以時方進取乃爾則他日事君可知矣居官三十三年在朝僅二載兩罹貶逐久處瘴鄉皆人所不堪者早歲微偏於剛中年充養弘裕病且革每旦必正衣冠坐倦則隱几假寐愛君憂國之心老而彌篤歲戊寅九月甲寅卒年六十八學者稱翼齋先生所著有古城集貞觀小斷等書行於

雜聞源流錄

卷六

十一

彙敘堂

世

李汰字清之湖廣蘄水人天性仁厚氣質端莊居家以紫陽家禮為節持身以金谿孝友為先少失怙終身哀慕領成化丙午鄉薦任江西永新訓導轉浙江義烏教諭並有教績聘考福建秋闈或以黃金私謁峻卻之謁者曰此腐儒耳清之聞之謝以詩曰義利源頭頗識真黃金難換腐儒貧莫言暮夜無知者充塞乾坤有鬼神其人慚而去致仕卒著有立菴稿藏於家

雜聞源流錄

卷六

十一

彙敘堂

邵珪字文敬南直宜興人成化己丑進士除戶部主事才識精敏案牘之暇輒潛心理學嘗言中庸全書只天命之謂性一句工夫從戒懼慎獨入內省不疚是真慎獨不愧屋漏是真戒懼工夫盡處即天命本體無聲無臭原無加於不睹不聞以此恒自刻勵持守極嚴屢絕潛金之私謁者至貧無以為家一歲數徙其居室人有突不黔之歎丁父艱歸益孝事母氏服闋六年不出後補嚴州守到任一月悉更弊政以勞卒於官生平豪於詩嘗賦半江帆影落尊前之句傳炙人口人因稱為半江江先生子天和字節夫由進士官吏垣尚廉直忤奄瑾謫官下獄瑾誅晉符丞歷

憲副居鄉時偕從弟天祐會友講學遠近士歸之

王雲鳳字應韶山西和順人南京戶部尚書某之子自幼端重有執十一歲時與鄉人立妓女過之拜而不答同舍生或借其扇潛與妓女應韶知之後以扇還擲之地下同舍生慚買他扇償之登成化甲辰進士除禮部主事值憲宗弗豫禮部循故事舉齋醮乃言于部尚書周洪謨曰祈禱固臣子至情第行於佛老宮非禮若爲壇於南郊隙地大臣率屬禱於天三口則可時不能用土魯番貢獅子應韶謂宜卻之尚書耿裕用其稿具奏得允歷員外郎郎中尚書倪岳因災異疏弊政用所條

雜聞源流錄

卷六

王雲鳳

十四

藝敘堂

買甕遺之於是兄弟感愧引咎歸好凡富豪謀利病窮民者必痛治之毀僧尼寺以正風俗拆太山廟以給學田禮賢講學政教畢舉遷陝西提學僉事轉副使教學者讀書自小學近思錄始次及諸經史建樓于正學書院廣收載籍以資誦覽分設四科曰求道曰讀書曰學文曰治事取人首名節次文辭斥貪殘獎正直禁止僧道師巫邪術尚嚴威不姑息士始不堪而終服其公所引進皆知名士遷山東臬使丁內艱歸家宰張綵欲起復上書力止之服闋擢國子祭酒以十有七條約束諸生時逆瑾端橫惡其一無所餽欲構以禍竟無所得養

雜聞源流錄

卷六

王雲鳳

十五

藝敘堂

行於世

蔡清字介夫福建晉江人少從三山林毗受朱易盡得其肯綮時人為之語曰欲易明問蔡清成化丁酉舉福建解元晉江之山鳴如玉磬者三日甲辰始舉進士先生自幼好學急求道略仕進病假久之講學水陸僧寺學者多從之游弘治元年以母教趣赴選得禮部主事家宰王恕稔其學行奏改為吏部稽勲主事上劄記言今朝廷之患在紀綱廢弛以至士風日敝民力日屈當大有以振作之又薦引名士劉大夏等三十餘人恕皆納用庶吉士鄒智論事下獄罪不測刑部尚書何喬新

雜聞源流錄 卷六 蔡清 七 彙敘堂

方在告先生詣喬新強之出喬新即疏救智得謫官嶺南泊丁內艱服除吏部有不悅者以補禮部祠祭司員外郎乞便養遷南京吏部文選司郎中一日心動乞終養至家兩月而父病沒人謂孝感所致每遇親忌痛哭流涕終日不御酒肉宗族內外有貧乏者恒賙卹之死而殯葬之撫其孤門外貧者亦常衣食之嘗曰天地間物當與天地間人共一介不取士當然也一介不與成未易耳蓋仕宦之久履空而不暇自計也正德改元即家起江西提學副使時寧王宸濠方圖不軌凡朔望藩臬官皆先朝宸濠次日乃謁孔子廟先生至力請其僚

同日行禮先謁廟後朝王宸濠生日命藩臬官著朝服賀先生獨去鞞而入宸濠大怒一日宴藩臬官宸濠嘲之曰公乃不能作詩先生對曰某平生於人無私蓋私與詩音相近故謬為詞以諷宸濠益銜之其後奏求護衛已得請矣先生快快有後言宸濠聞之欲誣以非議詔旨之罪先生正色對遂疏乞致仕宸濠尚陽善挽留之且欲以女妻其子竟力辭而歸會劉瑾方當權假引名士以收人心不數月復起為南京國子監祭酒朝命未至而先生卒矣先生素羸弱色澄氣和外簡內辨與人論天下古今一以禮義折斷其言剴切而精深其淵

雜聞源流錄 卷六 蔡清 七 彙敘堂

輒貞風使人安消躁息為學初主於靜後主於虛謂天下之理以虛而入亦以虛而應因以虛名齋學者尊為虛齋先生嘗為密箴不以示人積久至五十條皆自砥自鍼之詞兢兢然惟恐慚負君親得罪師友其言曰學貴養正性持正行虛心涵泳切已體察八字要訣也又曰宋儒之道至朱子始集大成朱子之學不明則聖賢之道不著故與其徒著四書蒙引易蒙引諸書皆推原朱子之意今行於世先生作密箴皆為己謹獨之事未嘗語親知後與楊月湖傾倒偶出示之嘗言程先生每教人靜坐李先生亦教人靜坐驗喜怒哀樂未發前氣象可以養心可以養氣可以照萬物而處之各得其道實造化之機又曰善言者自爾善應者自足未有多言而不妄者也又曰行道

德者不多言有信義者不多言有才德者不多言惟
細人狂人妄人乃多言耳又曰元城不妄語三字力
行七年而後成上蔡三年乃去得一字故力行難
木有不堅苦強忍而能成者又曰必使小人不忍以
其所為而疑我之為之乃為信於人又曰勿蓄半點
私終無人不知勿使半毫術終無人不識魏曉乎司
馬公之律身嚴與人忠也故能赤心質神明素行孚
走卒 章文懿負重望公卿交薦海內皆想望其復
起先生一與其所親書曰清謂先生次無意出矣向來
先生一二人高臥林下亦足以壯士風叔士類而為國
家添一人物矣易所謂不變所守乃所以益上也况
今未能以不次柄用先生而弟以纂修召誠亦不必
竟其事矣文懿果不出 刁包曰尚論諸儒必以四
書為標準四書無所不得雖經史淹貫不可以言學也
自金縢以迄姚江凡學其學者莫不厭薄朱註肆意
妄解其于四子書穿鑿决裂甚矣大全而後惟文莊
蒙引以發明朱註為主朱註四書功臣蒙引朱註功
臣

雜聞源流錄

卷六

六

羹敘堂

陳琛字思獻福建泉州人時虛齋蔡氏之學方顯士
人鮮能習其傳而思獻生稍後自以其意為宋儒考
亭朱子之學未嘗聞虛齋之說也一日虛齋得其文
於故長史李水齋所嗟異久之李曰此吾徒也虛齋
瞿然曰吾乃得此人為友足矣不敢為之師也思獻
問乃因李稟學於虛齋焉虛齋曰吾所為發憤沉潛
辛苦而僅得者以語人常不解不意子皆已自得之
今日盡以付子矣於是講為師弟子正德丁丑會試
禮闈考官尹編修得其文大驚以為出舉業蹊徑之
外大學士靳文僖反覆數四曰信然是必出陳白沙

之門不然則蔡虛齋之徒也及榜發訪之果然初授
刑部主事乞改南以便養得戶部推淮安舟稅正額
足後大開關門恣商舟來往部尚書責其弛慢答稱
數罟不入洿池若充類至盡鈔關之設不比禦人之
盜乎部堂無以難既而轉吏部考功以徽號恩得封
贈其親遂乞終養歸里一步不至城府不通達官貴
人書闢一室靜觀天地萬物之變及物理人事之顯
或迥然孤嘯或慨然太息不以告人人亦莫能測也
間自放於詩酒山水間有莫春零沂之意後以薦徵
固辭嘉靖初即家再拜僉憲提督貴州江西學政並

雜聞源流錄

卷六

九

羹敘堂

辭不赴卒于家其所著四書淺說易經通典正學編
等書卒與虛齋相輔而行世儒治經求通于朱子者
舍思獻之書若瞽者失相從僉無虞悵悵然不知所
繇也學者稱紫峰先生張襄惠公嘗贊之曰有避世
之深心而非玩世無道學之門戶而有實學崇禎末
蔣閣學德煥疏明儒曹端以下十人請補祀文廡列
虛齋名第三紫峰名第五時有林啓字仰之精易與
虛齋相次為解首仕為安陸學正諸生餽贈之無所
受而周其貧者倣胡安定法為教人士循軌安陸易
盡宗之遷國學博士及門如趨晉南京國子監丞楊

吏部攝祭酒赴召或請他攝楊曰仰之在須他攝何為見信重如此其後同安有林希元字茂貞守朱學甚固尊蔡說頗發明之著易四書存疑至今與蒙引並行

邵寶字國賢南直無錫人幼孤力學受經于邑儒俞蒿菴鏗年十九問學於莊定山臬定山答書有邵君一日千里之語未幾登成化甲辰進士知許州初至州有蝗禱于神三日而蝗去題詩曰昨日蝗蟲來今日蝗蟲去吾為吾民歡還愁蝗去處識者知其有憂天下之心在許以禮讓為治作新廟學諭諸生義利公私之辨及忠

雜聞源流錄

卷六

干

彙敘堂

孝大節聞者感動皆知所自立正穎考叔墓改曹丕廟以祀漢愍帝祠范忠宣公于襄城裴晉公于郟城毀龍骨杖妖巫尤急民事勸課農桑倣朱文公社倉立積散法行計口澆田法以備荒九年民幾無訟入為戶部郎歷遷副使提學江西以身為教先行簡而後文藝士習丕變修濂溪書院改建白鹿洞書院作諭來學文改建宗儒祠祀周程二子兼耐蔡沉以下十四人疏請特祀都昌陳澔又為永豐羅倫建一峰書院時寧府每有宴會賜儀皆固辭以所藏書畫索題詠亦盡卻之後宸濠敗有司勘理書札先生獨無片楮人服其先見累遷右

副都御史總督漕運逆奄劉瑾怒漕帥平江伯陳熊欲論殺之示意俾劾熊先生以平江功臣之後趨漕未久亦無大失拒不納瑾怒致仕熊得減死瑾誅起巡撫貴州遷戶部侍郎以母老乞終養先生年向六十日就

子舍問寢視膳不以力代久之用大臣言官薦擢南京禮部尚書以母病辭世宗繼統復申前命懇辭上溫旨褒獎令有司以禮存問其母待養終用之比終太夫人喪即具疏乞休是時江右門人桂萼方以議禮柄用虛揆席需先生入顧召益勤辭益力前後疏七上得允居三年嘉靖丁亥春初無疾一日晨起謁先聖及家廟端

雜聞源流錄

卷六

主

彙敘堂

坐而逝年六十八贈太子少保諡文莊先生之論學也一化門戶惟著程子定性書說以正新學矯枉之偏未第時嘗聚徒講學于保安寺後之東林不久址荒迨晚退門人華雲即其地重構東林書院屬王公守仁為之記厥後東林之教盈天下實自此始按舊東林在錫城林在錫城東隅弓河上乃龜山講學故址諸如作尚德書院于惠山祀李忠定公綱改建五賢祠于學東祀楊龜山先生以喻工部樛尤文簡袁李肅簡祥蔣文忠重珍配皆林居時事也先生質既淳懿學復該洽應務之才巨細皆適特不喜為矯詞飾行嘗自謙曰願為真士夫不願為假道學世

傳以為格論宇內學者尊為二泉先生所著日格子簡端錄二書巡撫吳廷舉上于朝又有漕政舉要錄容春堂前後別續四集左鑄諸書行於世其春秋名臣傳春秋節解客問燬于火後有邑士姚咨字潛菴者續成春秋名臣傳十三卷而總論十三篇仍用先生原文系于各卷首士林稱之萬曆中同邑後學高攀龍始擴行實作年譜二卷顧憲成為之序顧樞曰文莊作劉靜修序蓋在許魯齋一又崖山詩意亦然但渾然不覺耳簡端錄中研究物之說最精至以日格子自號意蓋在王文成也然無一語及良知之誤先輩立言溫而理如此愚按日格子論唐宣宗時李景讓議遷宗以下四主出太廟謂拜兄尚可拜姪不可而曰君臣之分為重則兄弟叔姪之分為輕故仲尼以躋僖

雜聞源流錄

卷六

圭

彙敘堂

為逆祀論晉徐藻議康獻諸身之喪以從嫂為母后應服齊衰亦曰有君道則有父道有父道則有母道生以事之死為之服禮也則其不滿強桂之議禮亦可知矣嘉靖初文莊堅臥不起始有不言之隱手若夫無一語及良知之誤是先正其本以勝之者也至今日在闕已倒所謂不止不行不塞不流君子不謂已起而闕之非為好辨矣庸菴此說以論二泉則可以繩整菴則大不可

楊廉字方震江西豐城人自幼穎悟過人學以六經為正宗四書為嫡傳周程張朱為正派而飭躬砥行不落塵紛成化丁酉鄉試第一丁未會試第三選翰林庶吉士移疾家居弘治庚戌授南京戶科給事中艱歸起補刑科戊午以便養請改南兵科會地震劾奏用事大臣且薦張元禎吳寬李東陽王鏊劉戩堪

充日講官宜令講大學衍義時家宰王恕被譏力言其賢所宜優禮楊茂元盛應期以事獲譴奏乞敘復又薦周瑛周孟中劉大夏謝鐸林俊等皆一時賢才屢上時政便宜及邊鎮備禦凡數十事朝廷采用幾盡嘗論宋儒周程張朱從祀之位宜右漢唐諸儒又因闕里重新請更立木主以革俗教雖未及行後人多祖其說焉庚申遷南京光祿寺少卿淹抑閒居幾三考惟潛心著述取濂雜遺言奧境多所闡發嘗入賀千秋節陳言輔導元良其說尤備蓋是時武宗在東宮性好逸樂欲預防之也正德丁卯遷太僕寺少卿回務多暇環滁諸生多執經其門徧舉先儒異論分割是非娓娓無倦容外艱服滿起南京通政司右通政遷順天府尹以文學飾吏事諸所興除悉著為令遷南京禮部右侍郎疏論交修論廟禮論巡幸諸皆剴切武宗幸舊都即奏言臣僚冠服當如朝儀又請謁太廟皆得俞旨世廟登極用廷薦晉尚書首進大學衍義節略有旨褒答大禮議起具疏同南九卿爭之報聞已而八疏乞休癸未春求去益力得允歸杜門卻掃不齒及朝事居三年卒壽七十四贈太子少保謚文恪學者稱月湖先生所著有劄記三卷奏

雜聞源流錄

卷六

圭

彙敘堂

議四卷家規一卷文集六十卷所述有伊維淵源錄
新增先天後天圖學考證太極圖纂要分類程氏遺
書二程年表西銘旁通皇極經世啓鑰象山語類洪
範纂要禮樂書皇明名臣言行錄等書二十餘種皆
行於世其皇明理學名臣錄錄薛瑄吳與弼陳真晟
陳獻章胡居仁陳選張元禎羅倫周瑛莊景黃仲昭
章懋張吉蔡清十四人論明儒者多宗之

談縉字朝章南直無錫人生而警敏長而愛敬鬢角
卓卓如成人天順初父願學公泰僉蜀臬朝章十餘
歲借弟紳隨任受學於成都郁鶴亭先生未幾奉父

維閩源流錄

卷六

三

彙敘堂

喪歸服甫闋母繼卒喪葬皆如禮時感暗疾體幹孱
倭挺然強作扶攜諸老幼不以病諉先是僉憲命子
曰吾今勤勞王事難專教子女等暫宜從師力學吾
至六十致仕而歸為怡情之所常居其中教汝明善
而誠身驗汝克順於吾然後可仕斯吾志也朝章痛
父言不遂爰即家之東園為順親堂明善誠身齋奉
親像於堂之後室不祭不薦常往則揖以順親之怡
情為多春館延師會友而兄弟自相砥礪以順親之
教子督弟習舉業食廩學宮已則謝去章句專心聖
賢之學讀西銘有得謂道不外乎仁孝尤懼無以知

過惡而賊仁孝也乃為察惡之編記言行以自檢省
未嘗輕以示人復條列所當勉戒者數事于壁其要
以誠敬為入門嘗言學者知禮則成性心正則行方
每自誦曰晝有為宵有得驛有養息有存故終日儼
然莊坐如對大賓盛暑不去冠衣及遇事則從容應
之咸中條理處造次若燕閒化強暴為恭順尤嚴於
祀先之禮扁祠堂曰著存葺遺物貯其中晨夕必謁
出入必告時食不薦不敢食也祭則三齋七戒潔菜
備牲必躬必親偕婦奠獻凜如生存忌日必慟哭祭
畢猶坐祠堂思親不置終是日白衣菜食不與慶賀

維閩源流錄

卷六

三

彙敘堂

不赴宴會夜亦異寢而復封表先隴以展親歲舉祔
祭以合族至於淫祀則毅然屏絕無能惑之者又做
義田之制以贍宗親著強恕之方以卹貧佃念先賢
虞薇山先生在宋元間能立師道有造就人才之功
定建五賢祠使後人知正學源流所在楊時傳喻榜
榜傳尤表表
舊德問其已行之實未就之志與夫朱子家禮古
今未盡符者作就正錄二十餘條以書請裁于廣信
斐一齋赴同邑楊澹成崇義會相與講學明道因事
規諫不憚直言有所與書啓二通載集中而臺使者

按部亦必謁其廬焉幼名祥麟既長不忍忘親之所命祀事必用之初號敬義一日夢負石橋而行既寤歎曰士不可以不弘毅任重而道遠其斯之謂與因更號荷橋子中年好易至忘寢食躬行日篤德業日論者以爲幾于周精程正云弘治庚戌卒年四十五所著荷橋子集太極圖通書集略家禮雜辨睦族規矩日省編就正錄諸書藏于家楊文曰自古聖非排笑詆訛則且服不敢當是豈道之一言及之也夫夫婦婦也易之居德善俗書之通可遠在茲而彼初懷玉深藏不售求諸今所謂有道德者未能或之先也奈之何世無路公題墓以明道之所

雜聞源流錄

卷六

三

彙敘堂

張綬字朝紳南直無錫人少擅才藝通今古力學好問一循儒行與同邑談荷橋楊澹成虞西溪莫南沙諸公結崇義會布席城東弓河之上相與講究切劘甚密用弘治丙辰歲薦任浙江東陽訓導嚴立講會聞王何金許之學以迪多士興起者衆正德庚午承檄分考閩閩方度嶺忽有賊挾利刃劫求關節者坦然以身當之不爲動賊驚馳去及竣事號稱得人久之當遷國學見奄禍滋蔓不欲入都踰艾即乞致仕抵家會盛中丞頤子爲其父治論榮藉詔使威令削

平旁塚以廣墓道張氏祖隴正逼其左駸駸及矣遂躬率子弟親屬卽墓所起鑪冶熱鐵以待盛氏恐謝不敢犯是役也不獨保祖隴而全他墓甚多澤枯之德茂焉先生賦性慈祥不設城府不立崖岸平居若無短長者至猝遇事變輒果毅有爲往往能化強革暴人以是服其有學術而惜未究其用晚年就家設塾聚弟子講習如故餅粟不繼詠歌晏如學者稱卓齋先生著有卓齋集十卷藏于家玄孫星有孝行力敦古道游高忠憲公之門

雜聞源流錄

卷六

三

彙敘堂

陳鳳梧字文鳴江西泰和人生五歲就社學卽能勤勉同社生祀先聖卽取古聖賢列名號祀之及長知學以聖賢爲師範不屑屑時藝成弘治丙辰進士入翰林已授刑部主事轉員外郎與同曹名士講學論文每至夜分是時或稱西翰林云遷湖廣提學僉事一以崇正學迪正道爲己任與鎮守武當太監講鈞禮以剛正聞轉山西副使仍督學政疏止撫按不得與試事兩院嚴憚之及晉河南按察使巨奄谷大用以迎立世廟道河南有副使王縉不肯行跪禮先被怒辱河南兩司聞之大懼議接見禮文鳴曰兩司方面無跪人禮在禮當雷茶話衆默然文鳴曰王公見

辱勢孤耳今吾三司俱在彼雖恃勢亦不能加至則
 長揖再拜大用果答拜茶話如禮歷官南京吏部侍郎
 郎兼右都御史巡撫應天定寧國五縣愚民譁亂及
 設法清蘇松積年逋稅俱著成勞再疏乞休歸進修
 著述無間時日卒年六十七贈工部尚書所著有修
 辭錄毛詩集解困知記集定古易靜齋奏議等書藏
 於家整卷羅氏曰公手不停披集解六經多至百卷
 旁搜約取率有定見而不為苟同近世異言滿
 耳離真失正終莫自悟後生小子或分一席寓一
 榻于斯以日聞公之緒論而弗述其所向又非幸
 歟

邵清字士廉南直江寧人生有至性母卒時纔三歲

雜園源流錄

卷六

宋

彙敘堂

置于別室號泣求往視聞者異之及長端潔好學攻
 古文詞弘治壬子舉人就江西德化教諭乙卯典山
 東鄉試擢監察御史正德初皇親張延齡恃恩奏人
 負券若干緡有旨與追清不受詔前後奉勅督抽分
 理鹽法兼管河道俱著勞績奄瑾始擅政索賄不入
 矯旨遣官旂逮至榜數十罷歸仍罰米三百石交親
 為代償乃得足嘉靖初復原官遷雲南按察僉事尋
 改廣西左江兵備所居皆膏脂不以一毫自潤會齋
 表事竣兩疏乞休得允歸素蕭然杜門謝客宗伯崔
 韜以所毀淫祠田餽之不受臨終語其子曰為已謹

獨甚難又曰兢兢業業過此生務要保全無過至慎
 目心始落耳

劉玉字成栗江西萬安人弘治丙辰進士授輝縣知
 縣力拯凋弊歲飢請賑不待報發粟已而郡官閱廩
 民恐為令累爭先歸粟擢御史因天變陳六事曰端
 治本清化原親大臣勵庶官擇內侍攘外患武宗嘉
 之復疏劉瑾等八黨扇奸宜寘之法而顧命大臣劉
 健謝遷當委任疏入瑾大怒罷歸罰輸粟四百餘石
 旋逮詔獄閱四月釋歸瑾誅起為河南督學僉事轉
 福建提學副使敦本黜浮表揚靖難之節招降山海

雜園源流錄

卷六

宋

彙敘堂

之寇內遷大理寺少卿改南京僉都御史提督江防
 聞寧審變傳檄致詞以舟師往援安慶濠尋就擒嘉
 靖改元以平濠功擢右副都御史晉刑部侍郎大獄
 事起下詔獄罷歸卒于家其學一主於誠嘗味齋戒
 二字謂動靜無間而誠乃可得故終身無浮詞詭行
 居家孝友信讓時靡間言在官一志奉公守正廉潔
 之操始終不渝所居僅蔽風雨博通羣籍長于天文
 地理至軍謀師律儀章法制亦莫不詳究其本末惟
 所用之隆慶初贈尚書諡端毅著有疏稿文集行於
 世

楊文字宗周南直無錫人少嗜學躬耕自給為諸生最久凡業三經靡不精洽嘗倡崇義會聚友講學務遠勢利而期于責善輔仁邑中賢士咸與焉會規極嚴後生不悅同志者勸更張其法以調之宗周卒不顧而人亦徐服弘治己酉魁鄉薦庚戌聯第需次家居會江南大水下捐租令或以二千畝所捐利之謝曰我無水田安得有此已而掌教金華上治道八事入為國子監丞應詔陳言深切時弊監有餘饒若干主者分致拒不受未幾遷長史引疾歸仍即家授徒尤以師道自尊門人華景已官方伯偶過門不入亟呼至切責之景長跼請罪良久乃解時論兩賢之廉正守道至死弗渝學者稱為澹成先生

雒陽源流錄

卷六

三

藥敘堂

雒陽源流錄卷七

無錫張夏纂

門人

黃

羅欽順

蒙生

王承裕

汪循

徐問

汪昶

張邦奇

胡鐸

馬卿

樊淡

魏技

汝渠先生林烈附

王敬臣

金洲

韓邦奇

韓邦靖

張岳

沈霽

羅欽順字允升江西泰和人弘治壬子解元成癸丑進士賜第三人授翰林編修累遷南京國子司業父用俊時為助教例當迴避先生送父歸家因乞終養吏部不與題奏留家久之劉瑾用事嚴補職之禁除名為民瑾誅復原官先生之為南司業也此缺懸而不補者七十年監規積弛士多放佚每遇差撥爭論紛然先生謂放心宜收非管攝之嚴不可爭風宜息非稽考之精予奪之公不可持此三者甚力始而怨謗交集終亦安之六館肅清繼轉吏部右侍郎攝篆不動聲色別白忠邪條奏咸當人心有寅緣內監以求進者奏論其交通害政請付法司定罪竟沮之世宗即位轉左遷南冢宰以父病乞休詔許歸省尋改禮部尚書會父沒服闋起用復奏辭不允都御史席書自湖廣馳疏請起楊一清總制三邊吏兵二部議如所請先生曰遠庵舊相即起必以

雒陽源流錄

卷七

一

藥敘堂

禮辭征反須數月今邊報孔亟李亞卿方在彼行事利害所繫恐宜三思一清繇是不果起先生謂人曰遠庵素知予尊仰之但入京逾年物論籍籍今所言非惟事體當然亦欲以忠于知已耳俄改尚書吏部時張璠桂夢用事先生耻與雷同懇疏乞休許之居二十餘年考終于家壽八十三贈太子太保謚文莊先生自幼不識禪學在京師遇一老僧訪求心要遂為之邁思徹夜不寐一日攬衣將起恍然有悟流汗通體證之禪書如合符節自以為至奇至妙天下之理無以加於此矣後取五經四書濂雒關閩諸書讀而玩之漸復有疑久之

惟園源流錄 卷七 藥敬堂

乃喟然歎曰昔兩程子張子朱子早歲皆嘗學禪皆究其底蘊及於吾道有得始大悟其非吾今乃知前所見者此心虛靈之妙而非性也遂發憤卒業追悔年幾四十始志於道雖粗見大意自謂可不負此生而官守拘牽加以善病工夫不專故力辭冢宰之命杜門謝客足跡不涉城市潛心二紀乃曰道在是矣大要以精言性以神言心以變言情以合一言理氣以道心謂性以人心謂情以理一分殊明理氣之合一性體至微故道心以為微惟精所以審其幾情用至變故人心以為危惟一所以存其誠統體一太極故曰理之一性之靜也天

命之初也人皆可以為堯舜也各具一太極故曰分之殊情之動也率性之道也剛柔善惡生其間仁見為仁智見為智百姓見為日用也釋氏一家之言有見於心無見於性其所謂覺第知覺之覺不能要于天命之本來而徒以空寂靈妙為境界是以格物致知皆弁髦之無用遠之陸象山楊慈湖近之陳獻章王守仁其學皆原於此則何以使物我俱融內外兼照盡已性以盡物性以達經世宰物之用著有困知記三篇其於性情心意之蘊學問之原辨極芒忽而皆出於苦思妙契之餘蓋親見新說橫流末學昏瞶毅然以衛道為已任聖賢

惟園源流錄 卷七 藥敬堂

諸書未嘗一日去手於禪學尤極探討發其所以不同之故自唐以來排斥佛氏未有若是之明且悉者嘗曰自昔有志於道學者罔不尊信程朱近時以道學名者則泰然自處于程朱之上然究其所得乃程朱早年學焉而竟棄之者也夫勤一生以求道乃捨先賢所棄以自珍又從而議其後不亦可歎耶三寓書于陽明力排其說陽明強答之而已顧其為學不開門授徒有請益者則開示之是以世人盡趨王氏學家居禁足一小樓惟已丑秋祝季弟西野公病及喪墓一再出不下樓數載以終端意著書明道本分之外一無所預家人子弟

守其家法兢兢一步不敢肆嘗作行誨以授其子諄諄於忠信篤敬之說每訓諸子曰勢位非一家物須要看得破又曰愛好人窮貪嚼不爛人以爲確論仲子謁選大學士嵩故出其門方柄國請以書見先生不許瀕行酌卮酒命之曰前程有分定惟安義命便是比授官有期欲圖南方以便音問乞先生一達所知先生曰數字本不惜但惜乎信命欠確耳竟不之與又嘗自歎曰人立身居業必先打破義利關否則擾擾直到底其教人亦不出此先生有第二人欽德欽忠先後舉進士號羅氏三鳳欽德按察使欽忠都御史父栗齋翁壽時三子

雜聞源流錄

卷七

四

葵敘堂

此金針之譬亦出佛氏以喻心法也誰撥云者蓋以領悟者之鮮其人而深屬意於甘泉耳觀乎莫道金針不傳與江門風月釣臺溪之句其意可見註乃謂淡明正學以闡釋氏之非豈其然乎溥博淵泉而時出之道理自然語意亦自然曰藏而後發便有作美之意未可同年而語也四端在我無時無處而不發現知皆擴而充之卽是實地上工夫今乃欲於靜中養出端倪既一味靜坐事物不交善端何由發見過伏之久或者忽然有見不過虛靈之光景耳朝聞夕死之訓吾夫子所以示人當汲汲於謀道庶幾無負此生故程子申其義云聞道知所以爲人也夕死可矣是不虛生也今顧以此言爲處老處病處死之道不幾于侮聖言者乎道乃天地萬物公共之理非有我之所得私聖賢經書明若日星何嘗有一言以道爲吾爲我惟佛氏妄誕乃曰天上天下惟我獨尊今其詩有云無窮吾亦在又曰玉臺形我我何形吾也我也証皆指爲道也是果安所本耶則所謂纔覺便我大而物小物有盡而我無盡正是惟我獨尊之說姑自成一家可矣必欲強附於吾聖人之說難矣哉 又論甘泉曰湛甘泉嘗輯遵道錄一編而自爲之序云遵道者何遵明道也明道兄弟之學孔孟之正

雜聞源流錄

卷七

五

葵敘堂

所也夫既曰兄弟矣而所遵者獨明道何耶上天之載無聲無臭其體則謂之易其理則謂之道其用則謂之神其命于人則謂之性此明道之言也物所受為性天所賦為命此伊川之言也中庸測于天命之謂旁注云命脉之命難語又加一語云命門之云雍語又曰於穆不已是天之命根凡此為遵明道耶遵伊川耶余不能無惑也定性書有云聖人之喜以物之當喜聖人之怒以物之當怒是聖人之喜怒不繫于物而繫于心也雍語乃云天理只是吾心本體豈可于事物上尋討然則明道之言其又何足遵耶名為遵道而實則相戾不知

雜聞源流錄 卷七 續修四庫全書 本 彙敘堂

後學將何所取信也 按甘泉輯遵道錄本意欲抑伊川耳中庸測雍語亦皆其著書名也

又論王湛曰王湛二公學術之誤所以安于禪學者只為尋箇理字不着偶見如來面目便成富有而其才辨又足以張大之遂欲挾此以凌駕古今殊不知只成就得一團私意而已嘗見傳習錄有云於事事物物求至善却是義外至善是心之本體又云至善只是此心純乎天理之極便是更于事物上怎生來以此知陽明不曾見理字又嘗見雍語云天理只是吾心本體豈可以事物上尋討以此見甘泉不曾見理字二子平生最所尊信者莫過于明道其遺書具存緣何都不照勘乃爾

相反明道曰所以謂萬物一體者皆有此理只是都從那裏來生生之謂易生則一時生皆完此理人則能推物則氣昏推不得不可道他物不得有也又曰萬物皆備我不特人物皆然都是這裏出來只是物不能推人則能推之詳味此言便是各正性命之旨便是格物第一義斯理也在天在人在事在物蓋無往而不停停當當也若但求之於心而於事物上不理會厭煩而喜徑欲速而助長則其回光反照之所得自以為千古不傳之秘者圓覺固其第一義矣 林希元曰先生自發身詞如精全美玉無得致疵辭吏部一節真是鳳翔千仞故學者服其行而信其言焉 愚按高子遺書於有

雜聞源流錄 卷七 續修四庫全書 本 彙敘堂

明先儒獨著薛羅二傳蓋高子之所私淑者惟二先生也其著薛傳在結末存臨卒時一詩見敬軒能聞道其著羅傳在開端敘遇老僧一段見整庵能辨道讀者急宜着眼

王承裕字天宇 號平 陝西三原人父恕歷官官保冢宰贈太師謚端毅稱成弘名臣第一有七子而天宇最少以成化元年乙酉生於河南巡撫公署方兒時即重厚如老儒恒端坐不妄言笑七八歲作屋隙詩曰風來梁上響月到枕邊明又作先師孔子木主朝夕拜之春秋丁日具香果齋而祭乃為齋銘曰齊不齊謹當謹萬物安百神統聖賢我古來昭齊不齊謹當謹太夫人廉知之以白端毅公公喜曰此兒足繼

父志矣十四五時在南都從莆田蕭先生學蕭令侍
立三日一無所授歸告端毅曰蕭先生待兒如此謂
不足教耶公曰善哉教也真汝師矣天宇繇是益尊
師力學丙午年二十二舉于鄉丁未奉宗登極端毅
公應召隨行讀書偕一時名公游而學問益進癸丑
第進士會端毅公致仕天宇亦予告歸廼開門授徒
講學于釋氏之刹堂人衆至不能容復講于弘道書
院其爲教以宗程朱爲階梯祖孔顏爲標準師道尊
嚴弟子咸知敬學自樹成名者甚衆久之授兵科給
事中有時政先後等疏皆切中時弊兩使藩國餽遺

雜聞源流錄

卷七

人

莫敬堂

一無所受歷吏科都給事中正德初逆瑾端政羣工
多出其門天宇違之又上疏乞進君子退小人及言
瑾諸不法事瑾怒罰粟三百石輸邊恨猶未已以外
派去始免服除瑾誅起原官遷太僕少卿晉正卿南
太常卿時上南巡天宇夙戒牲帛祭品待祀或曰上
方用武無暇於祀焉用備爲弗聽及上至泰祀皆行
之言者媿服癸卯宸濠叛欲趨南京大臣分城以守
天宇得通濟門乃與家人訣別登城誓死守會有逆
黨藏甲兵于郭以應賊者發之立服上刑都城肅然
壬午世廟卽位改元論禦賊功賜金綺癸未遷戶部

右侍郎提督倉場世廟重之特賜獻皇帝睿筆清平
正直四字丁亥晉南戶部尙書己丑致仕林居十年
惟以讀書教人爲事當時稱其濟美方諸范文正之
有忠宣論薦者無虛日嘉靖戊戌五月卒年七十四
賜祭葬謚康僖性篤孝悌能悅親養志故端毅公鍾
愛特甚諸兄皆殊常友之時序祀先惟謹誨子姪以
道與人交愛敬兼至久而勿替自始學好禮終身繇
之故教人以禮爲先凡弟子家冠昏喪祭必令率禮
而行又刊布藍田呂氏鄉約鄉儀諸書俾鄉人習之
三原士風民俗至今貞美天宇之功居多所著有論

雜聞源流錄

卷七

九

莫敬堂

語近說論語蒙讀談錄漫語星輶集考經堂集諫垣
奏草草堂語錄三泉堂漫錄厚鄉錄童子吟稿婚禮
用中進修筆錄動靜圖說等編所述有橫渠遺書太
師端毅公遺事等書皆行於世
汪循字進之南直休寧人天性剛正自信以聖賢爲
必可學窮五經之理卽體諸身觀史則法其善行嘗
從莊定山遊凡天下士有德望者均禮爲師友獨與
王伯安論學諄諄反覆謂不能無疑者四足爲妄詆
朱子之戒蓋其學以涵養踐履爲主立身行道生死
不移者也登弘治丙辰進士宰永嘉行呂氏鄉約毀

淫祠幾盡創鹿城書院祀溫之理學先哲凡忠節皆表章之為政惟誠心愛民上人之所嗜好而責備者不一置念以故三年不得考滿四年無薦書及人覲擬疏興利除害十一事未上以憂歸上司始知其賢服闕補玉田令旬日遷判順天正德初應求言詔陳時務十策朝議推之值逆瑾亂政復上裁減中官疏語甚懇切不報遂乞養歸為石礮小隱日夕奉母安貧樂道家居十餘年未嘗一謁郡縣凡為文務關世教折衷古今人物不輕許可後學從遊者隨其資質所近而誘進之其後瑾誅僉推起用部檄至撫按有

淮閩源流錄

卷七

十

彙敘堂

司促迫上道交章申薦竟辭疾不起學者稱為仁峰先生所著有正學辨帝祖萬年金鑑錄日錄仁峰集等書行于世

徐問字用中南直武進人廉靜自飭學以紫陽為宗弱冠中弘治壬戌進士除廣平府教官召為刑部主事歷郎中值權倖縱橫獨持法吃不為動出知登州調臨江以方略擒獲大盜數百人尋遷長蘆運使以刺史轉運司人多不樂用中欣然受命曰吾將以薄躬清是官也居數月轉廣西叅政累遷廣東左布政適上遣中使採珠不中程御史欲下令責諸費用中

日珠池有禁不趣賈為盜耶事得寢乃坐是被部叅上亦不問亡何入覲以廉吏受賞尋擢都御史撫貴州黔俗獷悍喜相毒噬爰建貴陽書院祀濂雒關閩諸賢羣多士而訓誨之於是黔俗漸歸禮讓矣以擒獨山土酋蒙鉞功賜璽書褒勉晉兵部右侍郎自謂於此道雖勤勤注念未有豁然水釋處因請告歸棲遲芳茂山下杜門掃軌潛思力究凡十年起南京禮部侍郎遷南京戶部尚書甫數月復乞歸用中登第四十有八年家無長物田不滿百又割以膳寡嫂其學以窮理致知為入門以敬義直方為實際以滌除

淮閩源流錄

卷七

十一

彙敘堂

習氣還其本原為工夫恬退澹潔則其天性也所著有讀書劄記山堂萃稿行于世卒謚莊裕學者稱養齋先生

汪禔字介夫南直祁門人幼就塾即莊重若老成人讀書過目不忘嘗題梅花云自是天姿異何心要占春葉逸齋一見稱異以女字之年十三聞薛文清吳康齋之為人心竊慕之既誦濂雒關閩諸子書作而歎曰古今第一流人物謂是已為持身儼以自勵家貧母孀無以養活勉就逸齋受舉子業既冠補諸生以學行知名遠近子弟爭執經從遊已而惕然曰

吾年三十有一去仲尼而立之年則漸遠耳乃悠悠然以舉業累吾幼志何爲乎從此併心聖賢之學揭箴銘牆柱悉標先哲格言堂懸夫子像朝夕焚香如親聆欬吐坐立不敢少背嘗悟齊明盛服之說製先正冠服服之患心難持製敬恕木簡置袖中出入手握之以自提省患坐不直體難羈束倣古人置劍椅旁之法製木板繫之胸臆患體羸好睡寓處備鐘鼓時令童子擊之其堅苦刻勵皆此類也祁學自環谷以來湮塞已久介夫特起倡興人方謗議沸騰笑排叢至乃奮迅直前不少顧避嫉俗尙浮屠按文公家

雜聞源流錄

卷七

主

彙敘堂

禮及丘嫂山所著儀節參之祁俗著爲砭俗編設館于里中揭白鹿洞學規爲教又諄諄誨以昔人二業合一之法二日看道理一日做舉業使不墮于一偏家遭回祿宗祠未建率族人鳩材築祠祀先祖以下及衆子所同出者於私寢立四親祠歲時祭祀朔望謁告一如事生奉母孀居三十餘年孝敬兼至嘗揭古人事親規于壁每進見有禮雖貧每日不缺肉養出外經宿返拜家廟畢卽再拜母戒外內子姓入歲以下及僮僕無得窺中門遇妻甚嚴小不然則厲聲諭之化羣從兄弟十數輩以道伯父病率此兄弟臥

雜聞源流錄

卷七

主

彙敘堂

牀下不解衣帶旣卒寢不離喪次又以宗法不立倫序無定乃考綜今古裁爲宗法議以詔族屬凡接朋徒欵親故溫溫有古人風從容周悉各罄其情而後已行道旣久鄉邑漸化出入坊市整容徐行不問老稚咸知指稱先生掌教高敦古輩屢以學行薦聞郡守臺司無不願交求見顧不以此萌一毫祿仕意嘗曰吾學誠敬爲入門踐履爲實地正容謹節窮理盡性吾自信吾所見不差前人門路顧憾無所造未能克吾一息尙存之志卽入山恐不幽耳奚以仕爲又曰著作出於有心者不可有發于無心者不可無故

爲檠庵先生

張邦奇字常甫浙江鄞縣人少沉澹好讀書少長游神高朗耻與妮妮者伍弘治乙丑舉進士入翰林授簡討作觀頤錄記過自序曰予生二十有五年矣而三畏未知九思或忽內之則氣能吾勝外之則習能吾奪間非無介然之懼懼焉而志之弗堅屢作復仆以今歲除追惟一年之事昔之所期百無一償可勝悔耶年漸長而德不加修能不重有懼耶然旣往之

恧孰能無懼懼已復然與不知懼等耳今日之懼吾
又懼其復為前日也取札素日惟過舉而詳書之曰
觀頤錄以自驗且防焉嗚呼思出汝心言出汝口繼
自今忘善弗為為自欺掩惡弗錄為自欺人之欺已
已則惡之乃自欺而弗之惡也可不戒夫其苦自刻
勵若此正德中以養親告歸躬耕且讀藜藿不厭薦
刻屢上力求便養授湖廣提學副使出教示諸生曰
學不孔顏行不曾閱文如雄褒無益也與諸生談學
根極理要必人人悟暢乃已謂人性無不善謂聖賢
必可師澄神一志以釋洙泗濂洛之旨嘗曰知書之

雜聞源流錄

卷七

十四

葵敘堂

為我也則書即學矣如以書而為學也則學非書矣
又曰譬之權焉權勝物則物輕物勝權則權輕故在
我者苟重則靡麗崇高靡不輕矣在我者苟輕則小
物末技靡不重矣尋自免歸單精載籍有終焉之志
嘉靖中起春坊庶子兼侍講作昭事錄從事於畏天
時保之語陟南國子祭酒迺德勸善不設夏楚士雍
雍喜得師已遷吏部侍郎攝部事務持大體不斤斤
小苛居九年不調諸所銓注往往位已上泊如也後
兼學士掌翰林院詹事府進禮尚書以母老乞終養
弗允改南吏尚書便養改兵尚書卒謚文定初戶部

以國經用不給議鬻爵度僧常甫嘗言二事害政不
可行而欲足費莫若省費昭儉德者其本也裁濫賞
汰冗食者其末也因條經畫鹽法屯田二事以上給
事中夏言議創園丘方澤以二至祀天地如周官常
甫抗論主合祀而極推高祖敬天祇畏罔敢怠忽之
心以為之本世廟以大禮故頗庇武定侯郭勛其後
以給事中高時論劾逮詔獄且獎時盡言乃獻納言
勸忠頌以廣上意諸匡矯甚多是時諸儒論學者患
學流于二氏至謂靜無所措其功動用乃有之常甫
懼其無本也著論言大學言心以無所忿喜憂懼謂

雜聞源流錄

卷七

十五

葵敘堂

之正中庸言性以喜怒哀樂之未發謂之中此心法
也心之發動者意也視聽飲食者身也正心之功非
屬于意非屬于身者也事物未交恂慄而已凝然中
居而萬誘不敢干也忿喜憂懼一無所有而吾心之
本體翼如也易曰艮其背曰介于石曰寂然不動曰
退藏于密皆心之義也後之儒者以靜歸佛以虛歸
老譬則舉家珍而委之地也言及靜虛則以為疑於
老佛而避之譬則家珍為人所竊欲復之而以為嫌
於盜也瞬目而不敢一盼豈不悲乎陽明王公倡致
良知之學遠近輻輳頗欲假一世以從已而常甫與

鄧人聞冢宰淵余通政本汪都憲玉友善沉思力踐
殫意古學卒各有以自立方常甫編修歸省問贈言
時甚少陽明目以為聖資臆所學而贈之曰古之君
子有所不知而後能知後之君子惟無所不知是以
容有不知也常甫報書謂吾何敢言知吾何敢不知
古之君子曷為其無不知若此知遠之近也知風之
自也知微之顯也是知之始也及其至也質諸鬼神
而無疑百世以俟聖人而不惑是時已卓然有主矣
中歲每發憤曰髫齡幸有聞今顛毛種種矣行邁屢
稅誰執其咎題座右曰為子當以父母之心為心為
人當以天地之心為心戒慎不覩恐懼不聞仁孝之
道立矣羅文莊嘗稱其德如金錫學探大本諸經說
別玄暢鬱其傳可必云

雒陽源流錄

卷七

張師

七

藥敘堂

出諸口而志在守正排異痛時之宗陸子靜者倡知行
合一之說作異學辨首曰象山異其所學好靜厭動是
內非外心不盡而欲其存性不知而覲其養此學之所
以為異也是以老太極墨西銘蔽錮伊川支離晦庵又
曰昔列禦寇託為孔子告顏淵之言曰用志不分乃凝
於神欲其不分所以不用也不用則不知而自以為無
不知也象山亦曰人須要用不肯不用又須要為不肯
不為而又繼之曰人皆可以為堯舜可以不用不為也
孟子曰奚有於是亦為之而已夫不用而不知以用近
於二故不用也不知而不為以為近於用故不為也其
功惟在於不用而已謂之知行同功可也謂之知行合
一不可也然非吾儒之學也堯性之者也名其德者但
曰克明之而已舜於禹始以惟精惟一告之大學之格
物致知即惟精也誠正修身即惟一也傳說之告高宗
又以非艱惟艱別之孔子之告哀公又以三行三知別
之是固顯然而明較者烏得而泥之嗚呼古之人惟恐
人之不知而今之人惟恐人之有知其亦老氏非以明
民將以愚之之意歟諸如涵養致知力行並進之序物
我內外偏全似是之分皆有確論詳具全辨中

雒陽源流錄

卷七

七

藥敘堂

與陽明同邑同時而絕不為其說所惑又痛闢之
真豪傑之士克自振立於流俗中者較之整庵清淵

尤為不可及矣異學辨中屢舉象山不及陽明隻字立言忠厚於此可見

馬卿字敬臣河南林縣人弘治初年十七舉鄉試兩上春官不第卒業太學時臨清王佑以貢至敬臣察其博覽有行遂偕張士隆田汝籽輩講易於王氏乙丑會試中式廷對謂政事之柄握于司禮刑法之權移于廠衛大學士劉健覆閱卷奇之改庶吉士正德二年授戶科給事中歷官浙江右布政使以裁抑織造中官被誣奏逮詔獄敬臣惟引為已罪御史疏救得謫鶴慶知府至滇見鎮守中官不答禮敬臣立而言曰吾不過再繫而已矣中官改容謝之政暇則教

維南源流錄

卷七

大 莫敘堂

授生徒講授大學中庸且論之以文曰古之學者首之六藝近事也繼之六行崇本也至六德考厥成矣今習課試之文科第為志官祿為功及幸一第筮蹄盡廢名曰舉業之弊綴砌為文俳偶為詩拾古人之餘敝一生之力不足以覆瓿名曰詩文之弊晚宋陋儒凌伏羲之畫轉濂溪之圈不反身心但求毫楮今又齊其糟粕以自述名曰理學之弊宋之四子翊道之功大矣造詣淡矣乃有入室操戈之徒訾張詆邵右陸左朱肆怪僻自高而忘其履之卑此過門不入吾不憾焉者也有已則不學端以非人凡人之善

維南源流錄

卷七

大 莫敘堂

鍾皆推服之正德甲戌內宮災以御史疏陳闕失坐謫訕外謫稍遷郡守副使卒同時有張璉字伯純澤州人官御史幾為逆瑾所中出為河南提學僉事寺人廖鵬害之改陝西河外收糧遭誣構下獄居三年得白內閣嫉其輕已復坐不遜除名屏居山中讀書談道考訂古義得失自六經四書程朱氏外不屑師焉著有遠言程朱心印藏于家

懋淡北直河間人忠厚正直以聖賢為師當王氏學盛行獨不受其波靡宗主程朱著西田語略嘗言主靜要居敬居敬要窮理揆存是靜時敬省察是動時

一第二第 戶部 卷七 〇 〇 〇

敬窮理之功無往不在其大者莫過讀書天下道理不外乎五倫古人之學不過明此而已其出而有為不過推此而已又曰古者家有塾黨有庠故人未有不入學者三老坐于里門出入察其長幼揖讓之序口誦心維莫非理義之言可見古人成材之多雖係于氣質醇厚亦本當時之教有所成也蘇州司李徵入諫垣累遷至通政使

魏拔字子才南直崑山人其先本李姓長洲人曾祖琳為崑山姚家魏氏養子迨魏自生子而琳不復歸宗故子孫皆蒙魏氏祖元律嘗愛伊川格言自檢束則日就規矩注其下曰誠上達君子纔放肆則日就曠蕩注其下曰真下流小人命孫書置屋壁以自儆父奎代父受苦役不惜頻死以純孝稱先生生而穎敏一目四行下弘治甲子魁南畿乙丑成進士授南京刑部主事歷員外郎郎中每訊重囚齋居默念務期得情會審監刑衆皆采衣卽事事畢宴飲為樂先生獨慘然澹服是日不飲酒食肉時奄宦劉瑾擅權其黨劉瑯守備南京倚勢作威臺省官望塵奔謁先生獨不往瑯復忽視法司或時判狀莫與為抗京邑有淫歷姚元者從子利其富貴誣以奸罪貶瑯陰為之地必欲寘元於死屬先生訊之

雜聞源流錄

卷七

魏拔

手

藥敘堂

竟白其枉瑯亦莫敢誰何也暇則與崔子鍾余子積夏敦夫王純甫諸公商確學問不輟正德九年召為兵部職方郎會江彬握重兵居大內而寧藩亦有反謀乃移疾家居端意講學辛巳世廟初服擢廣東提學副使力以師道為己任課士先行後文盡改部下淫祠為社學嚴禁火化從禮葬粵俗為之一變又達摩所傳衣鉢歷代所寶藏者悉取而毀焚之扶正嫉邪執理甚嚴於是

雜聞源流錄

卷七

手

藥敘堂

有謀中傷之者適丁外艱歸服闋補江西兵備改河南督學施教一如在廣東時且申行冠禮境內有伏羲畫卦臺久為牧豎所湮沒亟命有司鼎新而表識之少林寺有達摩面壁九年影石世以為神書冊記之先生親至其處見洞石與影石形類不同遂命登封知縣侯泰召石工微鑿其痕以驗其偽而立案存照候修志之日特與改正怪妄始息甫三月晉大理少卿轉國子祭酒兼經筵講官故事將進講先期呈講章於內閣先生獨不然時宰不悅遽改太常寺卿提督譯館時天地分祀之議興因撰郊祀論大略謂上帝至尊無可並者以社配郊則可以北郊對南郊則不可議與時違卽致政而歸自少教行孝友每風興卽省其父母夜則就寢所晤語無恙迺安或疾則累晝夜目不交睫致政時母張

老矣日依依侍食於側嘗具疏請復祖姓李以成先志
 會沮格不果行平生篤志聖人真猶飢渴之於飲食其
 學始博終約主於立本研幾謂當以涵養仁心為本中
 年以後純如也天下賢士大夫翕然宗之質疑問難者
 常滿於門稱為莊渠先生蓋歸林下而教化益行焉所
 著有體仁說大學指歸六書精蘊遺書師說語錄文集
 行於世卒贈禮部侍郎謚恭簡有司立祠祀之先生之
 在粵東也東筦舉人林烈以師禮見遂志理學自學論
 歷遷戶部郎中俱著勤慎出為福建運同釐政大理在
 任毀淫祠興社學朔書院日與諸生講習其中又聯什
 雜聞源流錄 卷七 幸 彙錄堂

伍郵孤貧置義阡立鄉厲壇修養濟院教養並敦一做
 莊渠行事及卒民巷哭商罷市共為建祠烈字孔承歷
 官三十年儒素如舊子培坦城俱鄉薦培最知名 李
 獻吉晚與先生論學自悔見道不明且曰昔吾汨于詞
 章今而厭矣靜時恍有見意味迥然不同則從而錄之
 先生曰錄後意味何如獻吉默然良久驚而問曰吾實
 不自知纔劄記後意味便散不能如初何也先生與之
 極言天根之學須培養深沉切忌漏洩獻吉因問平生
 大病安在曰公才甚高但虛志與驕氣此害道之甚者
 也獻吉曰天使吾早見二十年詎若是哉 先生答崔

子鍾曰自陽明之說行而慈湖之書復出禍天下殆天
 數耶兄與湛年兄辭而闢之意則甚善但名未正耳何
 謂名曰慈湖之書逆天侮聖人之書也昔孟子名楊朱
 曰無君名墨翟曰無父慈湖之行未必過墨與楊而邪
 說則甚以其為佛學也其嘗謂佛氏無天今慈湖既已
 叛聖人而從佛親為之奴矣而又訶佛罵祖陽主聖教
 欲高出一層其敢於侮聖人之言者蓋學很和尚棒喝
 禪宗呵佛罵祖家法無天莫甚焉此書不焚不知顛了
 無限後生某每思之未嘗不為痛心疾首也又一書曰
 留都一別且也三十餘年矣遐想年兄進德日以精淡
 雜聞源流錄 卷七 幸 彙錄堂

欣仰欣仰某也下士晚聞道聊以拙自修而又未能也
 亦太不勇矣近世講學者日以多道其復明矣乎道其
 復行矣乎吁憂方大耳虛志驕氣欲一蹴至聖人而言
 行判若兩截此恐即是談天衍彌天道安之流耳近見
 序文淡斥陸學愚意陸學且未可非彼其工夫雖粗却
 是實做也淺見如此不識高明以為何如 愚謂合二書
 生開陸學甚嚴其所以開假陸學者意更嚴矣非先
 操切而後寬縱也 近時有思先生之學而欲毀其
 品者謂桂萼大禮疏出先生手余問此何所據曰見
 首輔傳及取首輔傳細考之無有也後余讀莊渠全
 集有代桂公經筵講章斥萼臣諫疏是以天下為重
 天性為輕而稱世宗欲歸德李母即大舜惟欲順父
 母視棄天下若敝屣之心此為去利懷仁義蓋代桂
 公口語則將順大禮無足怪者而不知其昧公私之

辨矣先生殆亦有過然當日僅爲講章而毀者竟以大禮疏草坐之君子一舉筆之間可不慎與

金洲字士瀛南直嘉定人嘉靖丙戌進士天性孝友母常病不食卽亦不食居喪哀毀骨立比葬築廬墓側哭踊如初喪有白鵲遶其廬不去父性頗卞有過必幾諫繼之以泣弟邁危疾竭力營視不寢者兩月既貴其塾師病爲執使令百日無倦容知永康縣以廉肅稱病自改國子監助教生平惟師事鹿城魏莊渠先生而友夏敦夫蔡希顏王純甫嘗曰寧無偶不可與匪人爲緣又曰居業必自近克己當先難聞者以爲名言卒祀鄉賢祠

雜聞源流錄

卷七

五

彙敘堂

王敬臣字以道南直長洲人始孩喪母體羸甫十齡值時序清明書几曰天何以清人何以濁天何以明人何以昏宿儒皆驚異年十四隨父庭宦京師誦四箴誼悟孔子求仁之旨歎曰學在是矣由是居處必以禮自準雖燕褻必正襟危坐無惰容旣而父命應舉泣不忍離強之歸家貧鬻書自給有饋食者卻去題壁曰不食嗟來食寧爲溝壑夫十九補諸生謁魏莊渠先生考道焉時士子爲文爭尙奇詭以道獨謂學不聖賢雖凌厲道上君子不貴也父叅藩江右致仕歸百端娛侍備極色養父出飲夜分必迎於門風

雨則迎於塗子殤父爲置媵不欲父曰若虞燕女溺志而不虞我一綫息哉乃勉諾數年遣之父老得醫眩疾臥榻下目不交睫微聞聲咳輒躍起視安調諸藥餌以進事繼母郁如事父郁性卞急滅獲稍拂意卽沈憤擊牀毀器以道跽解不得蒲伏戶外嘗竟夕不起又母心不善其媳以道獨居不御內者十三年母竟蒸蒸底豫督學耿公定向察其純孝俾越次超貢趨入試以親老不行惟以坊金分貽族屬無兄弟友愛諸從昆姪輩闈館舍勵之學婚嫁必任自奉則攝食布袍五十年如一日嘗命僕以銀器質典踰年

雜聞源流錄

卷七

五

彙敘堂

取歸誤與金器促還之典家以布勞僕僕不受曰主行德而我顧爲利乎嘗謂議論不如著述著述不如躬行故遇人多杜口不譚自見天臺督學後謂聖賢無獨成之學遂以橐鑰後進爲事從遊者四百餘人咸刻厲相責然學惟慎獨爲本而指親長之際旣席之間爲慎獨尤以標立門戶爲戒曰學者不可標立門戶門戶若立增長言詮爲弊滋大又曰六經文之本爲文者舍六經而效子史本之則無於是學者知有正鵠矣世稱少湖先生晚以撫按交薦授國子博士不赴卒年八十五蘇人建祠以祀號王孝子祠所

著有家禮纂婦訓及遊武夸記行於世

韓邦奇字汝節陝西朝邑人幼俊爽志于學治尚書著蔡傳發明禹貢詳節以諸生就歲試學使虎谷王公語衆曰律呂之學今雖失傳然作之者既出於吾人則在人亦無不可知之理特未有好古者究心焉耳聞之怡然退而搜集羣書凡涉於樂者靡不叅攷精篤嗜雖疽發至潰亦不自知遂作律呂直解久之悉其作月之實作志樂其爲書多言馬遷班固蔡子周禮所未及而備錄先儒世儒之圖論用資探討書成授梓是日有九鶴來舞于庭弘治甲子舉鄉試第二正德戊辰偕弟邦

維閩源流錄

卷七

韓邦奇

三

彙敘堂

靖同登進士值劉瑾擅政朝士奪氣同年多往謁者而兄弟卒不往爲時所欽拜吏部考功主事轉員外郎辛未考察都御史某私袖小帙竊視汝節曰考覈公事有公籍在何以私帙爲乃奪其帙封貯不簡都御史爲遜謝衆皆失色調文選太宰托意爲官擇人欲發視缺封汝節執不可太宰啣之會京師地震上疏極論時政闕失謫平陽通判甲戌遷浙江按察僉事分巡抗嚴時逆司錢寧以鈔數萬符浙易銀當事者斂餽恐後汝節檄知縣吉棠散其斂卒不餽宸濠將舉逆命內豎假飯僧于杭天竺寺汝節立爲散遣濠又以儀賓託名進貢假

道衢州汝節召儀賓詰曰進貢當沿江而下奚事假道歸告爾主韓僉事在此不可誑也後三年濠果通鎮守欲襲浙江賴前事發奸不竟逞凡織造中官有所求爲率裁抑之積忤既久而富陽縣產茶與鱒魚進貢採取時民不勝煩擾汝節目擊其患作歌曰富陽山之茶富陽江之魚茶香破我家魚肥賣我兒採茶婦捕魚夫官府拷掠無完膚皇天本至仁此地獨何辜魚兮不出別縣茶兮不出別都富陽山何日頽富陽江何日枯山頽茶亦死江枯魚亦無山不頽江不枯吾民何以甦鎮撫撫奏之誣以阻絕進貢誹謗朝廷逮下詔獄放爲民

維閩源流錄

卷七

韓邦奇

三

彙敘堂

初被逮時杭府縣贈以路費揮去又斂贈官旂多金祈途中寬挺斥之曰死則死耳若輩奚爲意氣不少屈釋歸卽家講學四方學者負笈日衆世廟立起山東叅議尋乞休甲申大同巡撫激亂遇害事勢孔棘以薦起山西左叅議分守大同人皆危之汝節聞命卽行將入城去二舍許逆者使二人露刃迎且故殿叅將宅以憚之汝節奮然單車入時諸司無官鎮人聞汝節入皆感激泣下人心少安旣而巡撫蔡公天佑至代汝節親率將領令盛裝戎服謁蔡于代蔡驚曰公何爲如此對曰某豈過于奉上者大同變後巡撫之威削甚大同人止知

有某耳不身先降禮何以帥衆蔡爲歎服會遣戶部侍郎胡公瓚提兵問罪鎮人聞之復大譟汝節迂侍郎于天城以處分事宜馳白巡撫諸軍聞言出於汝節信之始解翼日首惡就戮汝節謂侍郎曰首惡既誅宜速給賞以示信庶亂可弭寧不然人心疑懼將有他變侍郎不聽汝節遂致仕歸先是弟邦靖嘗以是官威行惠懷甚得士民心及汝節繼任士民環告曰前使君之治誠善願使君守而勿失感慕咨嗟有泣下者故終任所行一無改于舊民甚德之而後事卒如所料戊子起四川提學副使改右春坊右庶子兼翰林院修撰其秋典試順天因命題爲執政所不悅喉言者謫南太僕寺丞已丑再疏歸尋起山東按察副使大理寺左少卿以左僉都御史巡撫宣府時大同再變王師出討百凡軍需倚辦宣府悉力經理有備無乏乙未入佐院事未幾巡撫山西躬歷塞外增飭戰守之具拓老營堡城垣募軍常守以代分番政益嚴肅守益儉樸間日以廩米易肉一斤有司供餽悉拒不受廳事惟一二青衣侍立三司官入揖議事數語而畢庭清似水不聞履聲諸王府總兵武衛官俱相戒不敢犯四疏乞休得歸甲辰復用薦起總理河道遷刑部右侍郎改吏部右侍郎晉南京兵

雜聞源流錄

卷七

天

彙敘堂

雜聞源流錄 卷七

部尚書在留都廉靜寡交六卿同列亦罕往反每拜表聖誕令節赴禮部禮畢子然獨行內外守備議事外語不及他杜門晏坐間授其徒以古今理數之學道望蔚然五流致仕是在己酉益修舊業倡導後生居七年乙卯會陝中地大震卒年七十七贈太子少保謚恭簡學者稱苑洛先生其學以精一爲宗以培養夜氣爲本以修明禮樂爲要復旁通天文地理太乙六壬奇門兵陣諸家嘗以授容城楊繼盛氏語具楊傳中性極孝友事父蓮峰先生及閭恭人終身不違顏色與弟邦靖交相砥礪友愛切至汝節疾于廬幾一載汗惡之氣人咸不堪邦靖侍側未嘗少離飲食必親奉湯藥必分飲士大夫立券命碑爲鄉閭式後邦靖病亟汝節日哭泣不解衣不滋味者三月餘形且瘠邦靖嘗曉之泣謂曰吾弟憶東坡詩乎來生之因尙當爲兄弟也及邦靖卒屢廢寢食哭絕衰經疏食祥而弗懈嘗謂其友樊恕夫曰世安有司馬遷關漢卿之筆能寫吾思弟痛弟之情吾當以此身報之故恕夫碑文曰自有兄弟以來中間道德之高功業相映亦多矣至相愛之淡相信之篤所見之同如公兄弟可謂曠世少有矣論者更推其胸次灑落大類堯夫而論道體乃獨取橫渠識度涵養並可方敬

雜聞源流錄

卷七

天

彙敘堂

四七一

軒云所著有苑洛語錄苑洛集苑洛志樂性理三解易占經緯易說書說毛詩喻諸書行於世

韓邦靖字汝慶陝西朝邑人邦奇之弟生而靈異三歲能誦古詩百餘首四歲通孝經五歲讀論語文王至德章掩卷若有思者父問之對曰即如是武王非矣八歲攻舉子業十四舉于鄉二十一成正德戊辰進士已巳拜工部主事奉部檄十庫監收庫官官不為禮汝慶自坐前席宦官怒給曰部尚書至因起撤坐汝慶詰之答曰公無與庫事止一飯耳汝慶曰然則吾當去矣答曰當署案汝慶曰豈有署案而不與

雜聞源流錄

卷七

三

彙敘堂

庫事者乎竟前席坐署案又監收黑窰廠主廠者宦官厚燕接殷勤之懽汝慶不顧自起視秤分毫無所假宦官雖怒甚然無可奈何未幾抽分浙江先是抽分部使者往往避嫌乃重取於商為羨餘以自白汝慶乃下令曰非巨木若竹木成器者不稅其稅課舊領府幕官乃奏改寄布政司庶杜侵漁隱徇之弊又奏抽分司刑獄宜下按察司以防出入詔皆可故事抽分司餽鎮守太監歲千金是時鎮守劉太監為巨庵谷大用黨汝慶故不予金劉怒後知其為人愈益敬之會宦者從京師來索抽分錢甚急劉從旁勸曰

幸無求韓主事我當有以贈公也及代去有同年趙司李以屈安人病無子買女婢遺之拒不受趙曰此越女有色者汝慶笑曰正恐若此耳壬申南北畿內山東河南諸郡盜起天子命將征勦工部官例一人前除當前除者數人皆懼不敢往言之部尚書有泣下者次不及汝慶部尚書知其素勇可使數目汝慶汝慶毅然請行行竟無害比歸遷員外郎奉部檄清察直隸山陝諸路匠班銀兩既見其民貧乃奏議罷徵是時急于用財不許後以乾清宮災罷之上因災異詔求直言汝慶上疏極言陛下即位以來朝政不

雜聞源流錄

卷七

三

彙敘堂

修經筵罔御盤游無節狎近羣儉摧折骨鯁之臣閉塞諫諍之路百度乖違庶事叢挫府庫空竭閭閻流散盜賊災異薦至迭興危亡之形已成社稷之憂方大疏入上震怒下錦衣衛獄給事中李君鐸率眾論救之得奪官為民嘉靖改元起為山西左叅議分守大同革奸平獄權豪斂跡是時天子修定策功封爵太濫而高山陽和諸衛軍士奉例開墾草場數千餘頃皆為豪家占種前後上疏論列皆不報未幾大同歲饑人相食又奏議請發內帑賑濟不許為之憮然泣下輟食復抗疏論列累千餘言不報乃上疏乞歸

都御史張公文錦奏留之而歸志已決復上疏不待
命卽行西歸之日軍民遮留道上以萬計號泣不忍
捨去至家稱觴壽母與諸兄弟燕會終日甚樂也亡
何病卒年僅三十六蓋汝慶父諱紹宗繇成化戊戌
進士歷福建副使稱善教有四子伯邦彥舉人知縣
仲爲苑雜先生叔卽汝慶季邦翊亦知名父子兄弟
以學問相師友爲關中罕儷而太史王敬夫銘汝慶
墓稱爲曠世之英全德之士焉嘗自號五泉子著有
五泉集及朝邑志行於世

張岳字維喬福建惠安人正德中舉進士官行人值

雜聞源流錄

卷七

三

藝敘堂

武宗不豫臥豹房疏請以九卿科道入直嘗藥防他
虞已上南巡同諸司疏諫下獄予廷杖調南國子監
學正嘉靖初召復行人歷主客郎中時議禘禮所自
出之帝無主名輔臣張孚敬欲遷合當之維喬曰是
不可強知獨以皇初祖設位儼然必有在乎其位者
張不聽議上御批署皇初祖位如岳言孚敬忌之欲
羅致門下不可出僉廣西學憲坐所貢士廷試黜落
七人貶廣東鹽課提舉歷轉知廉州時朝議討安南
維喬具言不可狀疏入不報尋遷去而莫福海遣人
叩關言往張廉州安在是欲以恩信撫我也何可忘

語聞詔參政廣東諸經畫所爲受降之策皆仰成而
安南平已征崖黎攻破罷萬諸洞上再賜金幣擢僉
都御史撫江西轉副都督兩廣軍討平封川融懷馬
平連山諸僮尋以兵侍郎右都御史開府沅討苗蠻
卒于軍贈太子少保謚襄惠方鎮沅時邊臣競饋遺
用事者以自全而維喬頗爲用事者所扼或諷之少
貶維喬曰無以爲也寒骨稜稜第欠馬革一張已耳
其他吾分自定人如之何居恒弘毅淵默讀書過目
成誦終身不忘貫串百家精徹隱蹟忠信孝友之行
得之天性論學以程朱爲宗尊信傳註出入以度凡

雜聞源流錄

卷七

三

藝敘堂

一切談說性命皆指爲籠罩能侗排之甚力一時賢
智莫之能屈也作學則首以存養之要繼以動作禮
義威儀之節而求端未發以爲之本曰心纔靜卽覺
清明學須靜多於動至動而未始不靜庶矣爲文章
氣象弘裕謹繩墨根抵道要不規規於作者町畦而
平正通達得於考亭爲浚著有小山類稿聖賢正傳
恭敬大訓載道集藏于家
沈霽字子公南直華亭人少有美質夏方伯寅奇之
以女贅年二十一始補諸生從胡敬齋章楓山兩先
生講程朱之學歎曰此道學正脉也何以詩賦爲遂

專心正學至忘寢食值江南病水區畫水利六條送於俞都憲行之以利吳民中正德辛未進士授行人擢御史分司留臺扁其居曰山水之間每公事暇讀性理大全書一有所得即記錄味而玩之嘗奉命按視江北路出全椒辯冤獄甚異好事者立碑記其事疏請發粟賑饑活者數十萬逆藩謀不軌先露章劾之不報迨駕幸南都屢疏請回鑾言極剴切更念儲嗣未定疏請建宗室之賢以繫天下之望諸若備邊任將修德省愆親賢遠佞救災安民及興利除弊旌善糾惡崇正學闢異端廣言路疎內宦整紀綱前後

雜聞源流錄

卷七

音

彙敘堂

合即睡臥不安天明即更其失如事已處而不可更者則書此事於壁後不敢再失也其刻勵不自恕如此自號東海老人雅有著述不自表暴一日簡舊所著書悉焚之祇存語錄四卷閱之曰自量精力未衰尚冀少有進耳嘉靖乙巳忽遘疾強起正衣冠坐定日嗚呼死矣哉於心固亦無媿言畢而瞑壽八十五

雜聞源流錄

卷七

音

彙敘堂

附錄許誥字廷綸河南靈寶人襄毅公進仲子機神警明十歲能屬文弘治中第進士授戶科給事中據此則直遇事斤斤斷決命清延綏倉勅中貴出者貪縱狀過人頌之正德初襄毅入本兵廷綸引嫌避言路改翰林檢計闕禍作矯旨奪襄毅公官併竄廷綸於全州襄毅卒奔喪歸靈寶終制閉門掃軌潛修遂覽受徒論道泊如也以交薦起為尚寶丞復引病歸十餘年嘉靖初起南通政司參議一時江南人士爭趨講席已被薦除翰林學士入侍講據經引史出入仁義陳古昔興衰治忽瞭若指掌上沅聽焉上釋熙聖學四事一曰則圖書以明道原二曰王聖經以求道是三曰辨諸儒以祛道惑四曰屏雜說以防道害尋擢太常卿掌國子監祭酒事弘熒風節細華抑競以經世為士筮以尊德為學軌太學生有遐方旅不歸者三十人歲久各字漫滅乃出公幣金購地瘞之嗣其貧者弗給者數十人奏罷教職不稱者二人以災異應詔言大君為天下神人之主情中節而和即用人行政咸順天和上納之初文華殿左室列三教之師世宗即位撤爨像易孔子像以木主至是進綸為上其言皇帝王師之統上大悅於是尊皇王入師正禱東向周孔二師臨殿北向如所議嘗侍上講中和及同奉臣在無逸殿南風亭具陳殿中宗天命自度之義上皆稱善擢吏部左侍郎屬百司入覲疏絕貨賂肅政紀京師一清遷南京戶部尚書卒益莊敏廷綸素孝梯少學於伯兄詔兄卒四十年每臨諱必哀又學於張僉事張卒於南貧不克塋為葬之又恤其孤娶事襄毅公雖宦學成後桌桌惟謹上塚必慘惻不怡其治經折相治之利言獨出已見

謂宋儒介理氣為大謬謂聖人以用世傳心法謂聖人之教務學也在動弗在靜聞者聲異之者有補通鑑正圖書原性學序道統申原道等篇為王司馬廷相崔侍郎銑所稱愚按正嘉間學者多厭薄宋儒或高談性命而病其解格物致知之淺膚或質任躬行而病其為圖說經詰之繁碎兩家立說雖相反而宋儒則內外受攻矣豈自知其一失之空一失之滯而均失之于粗乎如王端毅之千平川公許襄毅之子函谷公並以家宰子位大司徒並能言學庶幾哉元說世美乃函谷喜逞應說遠不及平川之醇正甚至以太極圖說為周子之真贋實犯是何言也夫宋人析理氣惟分故合最為有功其言觀未發氣象主靜立極的為傳授至訣奈何遠欲一筆勾銷此弊決不可斷襲當屏弗錄第據原傳其人亦有所長且竟置之便無從設辨故附注之是卷之末以見當時新學之外又有一種野學若此要其病痛易破非若新學之端惑高明而樹壘堅固也

維閩源流錄卷七終

維閩源流錄

卷七

美 彙敘堂



維閩源流錄卷八

無錫張夏纂 門人婺源黃昌衡校

昔孟子言闢楊墨而申之曰我亦欲正人心論孔子惡鄉愿而申之曰君子反經而已矣此皆修其本以勝之者也新學禍人得諸君子力匡於前而其徒之賢者亦知磨礪去障於後宜若可以無患然浸淫四五十年而訖躋庶席割俎豆其黨至創為新建世家以張之欲抗孔子以赤幟於天下黃鼓乎後世隄防一決狂瀾莫回何哉愚嘗論其世而伏思之蓋人心失正大經反常公論之不明非

維閩源流錄

卷八

彙敘堂

一日矣方嘉靖甲申大禮議起諸臣迎上意圖富貴者爭倡為繼統不繼嗣之說夫既繼統矣又安得不繼嗣弟以孔子春秋躋僖公書法證之片言可折彼欲借正名二字以行其私徒知以家人言世宗於興邸聖母有本生父母之名不知以廟次言世宗於孝廟武廟有祖禰一例之名迺竟伯孝宗兄武宗而考興獻遂令武宗無子孝宗無孫而斷其後嗣既復號睿宗入太廟儼然列孝之次升武之上至令獻帝無君世宗無父以殄其大統吾不知孝宗恭已仁民久承宗廟武宗雖曰失德克

收桑榆何罪於天下而為臣子者忍報至此猶且
 誅鋤異已俾滿朝諫臣或死杖下或錮終身爰顛
 倒罪狀頒明倫大典一書恣為矯誣夏嘗痛憤此
 舉謂之小靖難而日璉等輩為道衍再生非激論
 也時陽明居越既不能上章極言上正一代典常
 下明大臣分誼而其門人若方獻夫席書黃綰王
 誠甫等阿附邪議者最多又不能正言裁止之即
 來問亦不答夜坐碧霞池有詩曰無端禮樂紛紛
 議誰與青天掃宿塵是明知其失而故縱成之也
 其後召修大典又勸給等往成之而曰議禮本諸
 君始其事中間萬一猶有未盡正可因此潤色調
 停是顯徇其謬而欲彌縫之也其所謂良知者安
 在也張桂等奸既售益自負知禮率意紛更以自
 掩覆於是以濮議之牽合祀廬陵以陸學之立異
 祀金谿二子皆宋儒也前人不祀而明人祀之夫
 固謂自我作古腐儒何知即春秋經傳可翻定陶
 安懿之迹可掃也豈料其為梯引姚江一氣翕聚
 乎桂嘗奉旨勘陽明功罪謂宜申禁邪說而出自
 伎忌雖公實私故愈撲愈灼愈塞愈流至隆慶朝
 華亭當軸喜招學徒以立名譽見王學方熾遂欲

雜聞源流錄

卷八

十一

彙敘堂

援陸氏以祀陳王猶復有畏中止沿及萬曆初禩
 申吳縣乃背廷議取中旨而陽明竟祀竊謂此一
 役也非良知之營壘高而大禮之窟穴分也非理
 泉之佈置密而見山之防範疎也獄有歸矣嗚呼
 陽明惟知保全功名故貪昧隱忍不言大禮之是
 非張桂惟知獵取爵位故舉動煩擾積成濫祀之
 極禍其論學也似相反其害禮也實相成要之病
 禮即病學矣夏嘗見世宗採張璉議釐正孔廟典
 禮御製文追罪程頤名為傳道之儒而不欲英宗
 父濮王加以是可忍孰不可忍之語忿忿然痛心
 疾首言之當時朝廷之上持論固若此未有黜程
 而尚能信朱者也未有退程朱而猶不進陸以及
 王者也然則公論不明自大經不正始大經不正
 自人心不正始人心不正自功利陷溺始故愚錄
 明儒至此凡議禮貴臣皆絀而不書即霍渭崖氏
 曾著象山學辨亦弗之取其諍禮諸儒若呂文簡
 崔文敏以下數公學術素正又有功於禮則亟進
 之以揆於正心反經之義嗟乎君子則阨下位有
 言不信而使彼相騰其口說所謂以燕伐燕授之
 口實耳易繫曰忠信所以進德也修辭立其誠所

雜聞源流錄

卷八

十一

彙敘堂

以居業也學者無誠心而欲修辭難矣哉

呂 柟 字野先 崔 銑 馬 理 舒 芬

祁 勅 薛 蕙 王 思 鄭 佐

劉 瑞 何 瑋 華 金 李 錦 字

周 滿 呂 潛 郭 郭 字 王 材

呂柟字仲木陝西高陵人祖柳卿墓日壙中有聲如雷

卜者以為當顯六世後六傳至溥生先生資性穎悟始

就傳習幼儀識者以大器期之入縣學時尚未總角即

志聖賢之學危坐朗誦小屋中祁寒酷暑不踰戶限已

受學孫行人昂充然有得督學楊公一清王公雲鳳拔

入正學書院嘗夢明道東萊親為指授而義理愈精踰

寇中鄉試刻文為式明年下第入太學與三原馬伯循

秦世觀榆次寇子惇安陽張仲修崔仲鳧林縣馬敬臣

輟舉業而講理學習古寇昏士相見禮孝廟賓天順天

府髮臨衆惟具禮先生獨涕淚交下通國異而誦之弗

恤也孫行人昂沒為之服衰拜送弔客正德戊辰中會

試第六人廷試擢第一授翰林修撰受祿祀先祝稱某

之子某聞者羨其知禮時先生與馬理康海齊名關中

劉瑾以鄉故欲引用之遜避不與來往且上疏請上入

宮親政事庶禍本潛消宗社可保瑾憾甚欲中以禍遂

雜聞源流錄 卷八 四 彙敘堂

引疾去瑾遣官較偵其過於途中不得會敗迺已起供

舊職上勤學疏謂文王緝熙敬止咸和萬民斯享臺沼

之樂元順帝廢學縱慾太祖一舉而取之可為深戒人

方之賈山至言上亦不罪乾清宮災復應詔陳言六事

其遣去義子番僧取回鎮守太監尤人所不敢言以言

不行乞歸居恒力田養親左右惟謹父或因小失責次

子梓必跪而同受責俟父怒解始起當父病侍湯藥夜

衣帶不解晝履無聲及卒痛哭嘔血將葬大雨如注跣

擗踊蹈泥淖中執喪不少殺墓畢廬于中門外旦夕不

輟哭自成服奠墓遷柩題主以及卒哭三虞大小祥禮

雜聞源流錄 卷八 五 彙敘堂

斟酌損益各有儀注其時名家多做行之鎮守大監廖

鐙賻以金幣立麾去服闋屢薦不起嘉靖初應召入朝

壬午與修武廟寶錄充經筵日講官講期值仁祖淳皇

后忌辰因當御口奏宜著慘淡之服罷酒飯之賜朝論

蹇之先疏陳帝王之學與韋布不同須克己慎獨上對

天心親賢遠讒下通民志遂疏諫大禮復以十三事自

陳得罪下詔獄降解州判官知州缺署州事迺恤孰獨

減丁役勸農桑築堤以護鹽池開渠以興水利已又集

耆民鄉長講讀教民榜文行呂氏鄉約及文公家禮察

孝弟節義者標題其門求子夏後訓諸學宮建司馬溫

公祠正首陽二子墓訂關壯繆侯集遠近來學者日衆
 御史爲闢解梁書院以居之集民間俊秀子弟習小學
 之節歌風雅之詩民俗士習翕然改觀居三年御史盧
 煥等以王佐才薦遷南宗人府經歷晉南吏部考功郎
 中尚寶司卿太常少卿公餘閉門讀書兼設教鷲峰精
 舍久之召入爲國子祭酒以身植教自貴試法監中乞
 差爭撥之風頓息有以敷教在寬規者答曰寬非縱肆
 之謂乃日刮月剝而不責效于旦暮間云耳然曰敬敷
 則曷嘗不嚴古稱師嚴道尊道尊而民敬學今人才不
 古豈古今人真不相及哉內則祭酒外則提學率多因
 循姑息而不知人才日下也訓諸生以正心修身忠君
 孝親爲本文優者授之梓德著者揭之榜而問疾賻喪
 曲有恩意間取儀禮及爲詩樂圖譜分日講解聲教溢
 然又言之吏部謫一監丞兩廳六堂諸屬罔不清恭既
 而奏減歷日以通淹滯疏條監規若干事及言儀禮一
 書乃成周致太平之具乞飭該部重刊儀禮併造禮樂
 諸器以便諸生游業皆報可論者以爲自宋吳李章四
 祭酒外罕見其儷遷南禮部侍郎同諸公卿謁孝陵衆
 將著緋先生曰望墓生哀宜青衣角帶衆從之署吏部
 疏薦文武士可備將相之選者數人初先生在南尚輿

雜聞源流錄

卷八

六

桑敬堂

永嘉相應詔道出南都有醮禮爲賀者託以官卑倖薄
 拒之其甥有王通政者轉北祭酒通國送之江上亦獨
 不往永嘉銜之欲乘機罷其官不果至是永嘉歿僚長
 霍公走簡斂祭復峻拒之且云一變而爲正人有何不
 可其伉直敢言如此世廟將躬視承天陵屢疏勸止畱
 中不報入賀萬壽節禮畢值天變遂乞致仕歸事繼母
 侯淑人敬養備至不殊生母事叔父博如父姊適劉家
 貧嘗分財濟之待母黨宋氏悉加優厚繼母病頭風怯
 寒親製艾褥奉之乃安後卒哀毀亦不殊生母未葬而
 病以壬寅七月朔卒年六十四是日有雷火日食之變
 雜聞源流錄 卷八 七 桑敬堂

有大星隕于華陰高陵人爲罷市者三日解梁及四方
 學者聞之皆設奠位持心喪訃聞上爲輟朝一日賜祭
 塋謚文簡先生敦勵躬行本原經術與姚江同時而不
 喜良知之學其教人專以安貧改過爲說在書院中嘗
 夜隨擊柝者以觀號見安逸或寢者旦必切言責之聞
 者莫不感發有疑陽明之學者則曰講其學而行非勿
 信可也不講其學而行是信之可也有効甘泉之學者
 則曰聖君在上賢臣在下豈可使明時有僞學之疑有
 問朱陸同異者則曰初時同法堯舜同師孔孟雖入門
 路徑微有不同而究竟本原其致一也亦何害其爲同

雜聞源流錄

卷八

七

桑敬堂

哉學者不務力行而膠于見聞以資口耳竟於身心何益聞者俱服李立卿曰陳白沙幾乎崇效天薛文清幾乎卑法地矣先生曰智崇亦繇禮卑禮卑亦繇智崇易曰一陰一陽之謂道夫二子之道柁未之能習也然而嘗聞其大節矣白沙狂而未足文清循而有餘繇孔子言之皆可以入道始學者如趨焉文清其正矣時天下之言學者不歸王則歸湛其能獨守程朱以反身實踐不變者首推江右羅整菴先生次即先生蓋天下不數人也學者稱涇野先生或稱高陵夫子至歌之曰天下有道惟涇野所著有四書因問易說翼書說要詩說序

雜聞源流錄

卷八

人

桑敬堂

春秋說志禮問內外篇史約小學釋寒暑經圖解史館獻納宋四子抄釋南省奏稿涇野詩文集行於世厥後李楨趙錦周子義王士性蔣德燝諸臣前後疏請從祀孔廟下部議未及行 何廷仁言陽明子以良知教人於學者甚有益先生曰此是渾淪的說話若聖人教人則不如是人之資質有高下工夫有生熟學問有淺深不可槩以此語之是以聖人教人或因人病處說或因人不足處說或因人學術有偏處說未嘗執定一言至於立成法詔後世則曰格物致知博學于文約之以禮益渾淪之言可以立法不可因人而施 東郭子曰我

初與陽明先生講格物致知亦不肯信後來自家將論孟學庸之言各相比擬過來然後方信陽明之言先生曰君初不信陽明後將聖人之言比擬過方信此卻喚做甚麼莫不是窮理否東郭子笑而不對 何廷仁言程子張子之心無些物我之間如張子方與弟子說易聞程子到善講易即撒鼻比使弟子從程子講易程子方與弟子論主敬之道見張子西銘則曰某無此筆力可見二子之心甚公先生曰此正是道學之正脉如孔門之問答虞廷之告語皆是此氣象可見古人之學絕無物我之私他如朱陸之辨不免以已說相勝以此學者不可執已見 先生曰予癸未在會試見一舉子對道學策欲將今之宗陸辯朱者誅其人焚其書甚有合於問曰且經書論表俱可同事者欲取之予則謂之曰觀此人於今日迎合主司他日出仕必知迎合權勢乃棄而不取因語門人曰凡論前輩須求至當亦宜存厚不可率意妄語 問今之講學多有不同者如何曰不同乃所以講學既同矣又安用講耶故用人以治天下不可皆求同求同則諛諂面諛之人至矣 問近讀大禹謨得其意思曰且不要說堯舜是一箇至聖的帝王我是一箇書生學他不得只這不虐無告不廢困窮日

雜聞源流錄

卷八

九

桑敬堂

用甚切如今人地步稍高者遇人地步稍低者便不禮他雖有善亦不取他即是虐無告廢困窮 臯陶說九德皆就氣質行事上說至商周始有禮義性命之名宋人卻尚言性命謂之道學指行事為麓迹不知何也

先生曰曾子易箦的去處真是妖壽貳他不得的時許象先在旁語及尹和靖出處進退甚是分明先生曰彥明曾亦應過進士舉來策問中有議誅元祐黨人即歎曰是尚可以干祿乎哉遂不對而出看和靖這出處去易箦事亦不遠了人之身只有箇出處進退死生壽妖而已諸生做工夫過得此等關餘處皆易矣 先生曰

雜聞源流錄 卷八 先生曰

夫子自謂吾志在春秋行在孝經予謂夫子之神存論語乎 馬理曰野子為漢之文賦懷其史才傳其經學而無駁雜於道之失工晉人之書唐人之詩宋人

以上之文而多純實之語醇如魯齋而著述則多確如文清而居業則廣蓋其學詣周之精同邵之大得程張之正與胸菴朱子匹美者也 馮從吾曰深野先生教學者多以安貧改過為言此最切近亦最深微即顏子之學不過如此 此正下學上達之旨也 崔銑字子鍾更字仲鳧河南安陽人五歲口占成誦稍長博極羣書講太極圖通周易弘治戊午領鄉薦庚申入太學謝文肅公為祭酒歷試居首奇之壬戌下第在京與三原秦偉馬理諸子相友善約明經修行母慕高虛母溺訓誥母耽詞章母 毅然以

洙泗為志乙丑登進士改庶常正德丁卯授編修預修孝廟實錄戊辰同考會試幸執欲私其子以託子鍾拒不可竟出他房時奄瑾當權羣臣多屈膝子鍾與修撰何瑋獨長揖不拜瑾怒謂其黨張綵曰翰林後生多輕薄崔銑尤甚瑋聞之謂子鍾曰吾兩人不可易節對曰銑安義命久矣是歲實錄成瑾矯旨史官遷級調部屬州縣練治理改南京吏部驗封主事瑾誅召還史館辛未復同考會試輔臣方治文藝子鍾上書勸以及時悟主救民薦賢理財強兵母事瑣末餒餒千餘言癸丑差封周藩卻厚餽還京會御史

雜聞源流錄 卷八 先生曰

王廷相下獄瀕死亟請執政曲救之丙子侍經筵啓上以擇相輔德納誨去讒頑戒逸豫值權倖錢寧錢安慶鵬在側大銜之秩滿晉侍讀丁丑春罷經筵引疾求去少傅梁儲素重子鍾固畱之乃三為會試同考事竣得歸稱觴二親時父母年皆八十餘矣已卯作后渠書屋董耕授徒刪定二程遺書作郡志世宗嗣統薦起修武廟實錄仍侍經筵癸未講論語開陳治本啓沃懇切尋擢南京國子祭酒開誠心崇正議明教條嚴祀事獎雋彥警輕惰與諸生朝夕問答不倦加以賙貧伏老問疾賻喪士林大悅逸尹梅繩者

南謫時友也抗瑾奪官貧病垂沒其母自鬻書屋子
鍾矜之分祿以養為治棺殮甲申議大禮抗言近者
主事張璉等以先後獻議超遷大學士蔣冕尚書汪
俊修撰呂柟編修鄒守益御史馬明衡等以直諫罷
斥御史段續陳相吏部員外郎薛蕙至下于理舉錯
失宜仰惟皇上求備禮於本生至孝也然當詳稽禮
意大順通情今獨任己意亦曷其有極伏願勤聖學
辨忠邪以回天變自分必速已而報休歎曰天恩浩
蕩復見老父幸矣諸生愕然如失怙侍歸囊無江南
一物惟攜古書數篋因自笑曰人言金祭酒我今若

雜聞源流錄

卷八

主

彙敘堂

水矣公卿及諸生送者千餘人從而渡江者又數人
子鍾乘醉登舟歌曰故園菽水知堪養捷徑南山保
未曾歸見父愉愉如也日讀書涇上折衷羣言而斥
越學為霸儒為邪說嘗言孟子曰良知良能知能心
之用也愛敬性之實也本諸天故曰良今取以證其
異刪良能而不挈非霸儒歟又曰學必宗聖人聖人
之道載於經道在日用愚者與能邪說曰博者約也
聖賢過今人遠矣必曰文行邪說曰求之吾心而已
四方來學者眾悉卻其幣每提三言教之曰道在五
倫學在治心功在慎獨丙戌罷父艱哀毀甚家居垂

十六年著松窗寤言中庸凡演士翼政議中說考文
苑春秋等編已丑立皇太子始起為少詹事兼侍讀
學士貴溪相贈詩云一字不曾通政府十年今始見
先生蓋紀實也晉南禮部右侍郎署戶部會有言句
容朱家巷實皇祖故鄉墳址具在請營表者旨下覈
實子鍾至相度以為事久遠無從考信乃上言與王
之基難可臆斷失實為誣祖且勞費不貲事得寢尋
進賀萬壽節值有風霾之變遂自劾得溫旨慰留冬
過家疾作杜門調攝著讀易餘言辛丑擬乞休未果
病劇卒贈禮部尚書諡文敏子鍾生平博學善談從

雜聞源流錄

卷八

主

彙敘堂

游者多所感發門人如吏部郎中王與齡輩皆日依
之不能舍去嘗訂古本大學所著諸書及文集多行
於世學者稱后渠先生或稱涇野先生
謂好奇者浸義於象流為鑿而尚占之法又久失
不傳夫皇義盡卦文王周公繫辭孔子作翼一也
謂易道加詳焉可矣乃日有義易有文王周公易
有孔子易支矣或作周易餘言于詩謂毛之說關
睢也日憂在進賢不淫其色無傷善之心美哉訓
乎周之后妃廣於求助情在得媛未得而求之已
得而樂之協象善以事一人志在相夫忘其躬也
樂乃有與畧於色也是關雎之義也後之說關雎
者異焉日宮人樂得淑女以配君子則宮人當於
何屬之豈文王未納室先畜嬖御與又言詩大序
微粹非卜子不能即小序猶之不可廢也作詩解
其論尚書日孔子刪書為百篇今存者伏生二十
入篇傳信可也晉人晚出之書傳疑可也書錄事
之大與變者平世小節無與焉堯典禘也甘誓世

也湯武伐也盤庚遷也大誥攝也顧命防也呂刑
 衰也文侯之命亂也王德而霸與故秦誓終焉書
 始堯典咨于四岳終于秦誓榮在一入其聖道之
 要乎其論春秋曰春秋以王律霸將以復書之政
 焉故知書與春秋之旨可以裁世變議本末又曰
 唐虞禪夏后繼湯武放代世久而道降物豐而變
 起然代天理民不以富已其道一也春秋主威奪
 而臣橫侯政夸而國痠無能任湯武之事者霸乘
 其隙假各義以主盟天下幾欲改物霸又衰則舉
 一世胥盜而已夫子刪書與詩又作春秋標前之
 盛著後之衰申王之純正霸之詐定是非垂勸戒
 而說者求奇說博刻核于一字未哉未哉其論諸
 篇于隋取王仲淹作中說考于宋宗二程子朱子
 述程志述二程文略述晦菴文抄處相臺者十年
 非聖人之志不存非翼經之文不閱作樓儲書取
 考經四書易書詩春秋儀禮周禮小戴禮曰此本
 言也取程易傳程志程文略曰此韓言也取左傳
 溫公通鑑宋元綱目文章正宗陶詩選詩曰此支
 揮性術訓訂經史申正理駁說見作士翼四篇又

雜源流錄 卷八 五 葵敘堂

慕王氏續經之意取漢帝伐楚之語述明祖伐元
 之傲作文苑春秋謂三代而下阡陌郡縣其民散
 故道易行三代而下阡陌郡縣其民散故道難成
 作政議十篇曰均田曰嚴舉曰重輔曰簡侍曰省
 官曰師曰田曰本末曰修禮曰訂學曰通議制道今
 道從古合諸人心不激不隨期于可久其士翼論
 學篇曰天生蒸民物必有則故學躬修九容行采
 九德心不強操而存守不徑趨而約矣又曰常情
 聞毀則憂而思思則勉勉於善矣聞譽則喜喜則矜
 矜必放是毀益而譽損也學者不聞規過之直寧
 受毀可也無觀善之朋寧遠譽可也又曰覺心之
 放即求也知我之病即藥也矜已之是即非也妬
 人之長即短也論經篇曰五霸者政之終仲尼者
 而代私情非可以行雅談而首後傳也夏蟲疑水
 君子不費詞焉則衰而人逞其技未衰而人駁其
 學夫游定夫張九成楊簡之經禪也陳傅良葉適
 之道法也陳亮之功力也王安石之政利也背孔
 氏之道而襲儒名亂程朱之學而立士的夫傳本
 訓經箋復釋傳其文彌重其旨彌離苟以譯世取

寵而行弗給焉况乎複言而慢稗說而讓古士所
 惡童子羞稱或乃班之作者為後之程難矣伯牙
 之絕絃悼知者之難遇也孟軻之放淫俟後聖之
 復作也愚按后渠考析經解及繩取南宋諸儒
 處多有發明獨其訂古本大學未免為時說所移
 惑此訂誠可已而不已也後來幾亭陳氏又附之
 高子遺書中吾不識何意豈高子曾取此故備存
 之與抑陳氏傳會之筆與大抵守正之儒既已合
 道而或耻隨舊詰逞辨術才便是一

馬理字伯循陝西三原人弘治戊午舉人正德甲戌
 進士初授吏部稽勲司主事尋調文選甫一年即謝
 病歸後屢薦起以送母及身病屢告歸最後歸既十
 年起為南京光祿卿至即引年致仕嘉靖乙卯十二
 月十二日夜地大震而伯循以是夜卒年八十二學

雜源流錄 卷八 五 葵敘堂

者稱谿田先生幼敏慧醇雅如成人年十四為邑諸
 生即稱說先王則古昔研究五經旨義多出人意表
 弘治癸丑會王端毅公致仕康僖公以進士侍歸講
 學於弘道書院伯循受教講下得習聞國朝典故與
 諸儒語錄一切體驗於身心與同門秦西澗偉作文
 告先師共為反身循理之學以曾子三省顏子四勿
 為約進退容止力追古道康僖公深器之遂菴楊公
 督學關中見伯循亦歎曰馬理之經學天下士也既
 如京益與海內諸名公講學其意見最合者則陳雲
 達呂仲木崔仲息何粹夫羅整菴諸君子於是學日

純名日起所在學者多從之游其教以居敬窮理為主又特好古禮儀時自習其節度至冠昏喪祭禮則取司馬溫公朱文公與大明集禮用之居父喪與嫡生母之喪關中傳以為訓而於進退出處持節尤高嘗曰身可絀道不可絀見行可之仕惟孔子能之下此者須自揣分量守經可也在告時安南貢使謂部郎黃清曰遠聞馬道學名所願一見今不在任列何也黃曰先生高志不欲居官貢使嘉歎以去朝鮮國王奏乞頒賜主事馬理文使本國傳誦為式其名重外邦若此主事時上書諫武宗巡遊者二後伏闕諍

雜聞源流錄

卷八

其 彙敘堂

益力杖于廷員外時值議大禮率百官伏闕進諫世宗震怒命開伏闕者姓名伯循名居首逮繫詔獄復杖于廷尋復官郎中時奏寢莊禪之奏即執政言亦不從考察力罷執政私人彭澤廣東人非幸力主被劾調用魏校蕭鳴鳳為正人卒不改官朝野推真考功嘉靖丙戌分考會闈所取皆宇內名士世皆稱其藻鑑居恒喜接納賓客汲引後生年七十居商山書院來學者遠近踵集縉紳過訪求詩文者無虛日伯循媿媿應之不倦山中野服鶴髮童顏望之飄然若仙不談佛老不觀非聖書其執禮如橫渠而論學則準於

程朱然亦時與諸儒異同所著有四書註疏周易贊義尚書疏義詩經冊義周禮註解春秋修義及詩文集陝西通志行於世隆慶間追贈副都御史賜祭葬初伯循與黃鞏等伏闕諫南巡並受廷杖鞏死復避後起官病卒及伯循還南通政赴任過河池見驛丞貌類鞏問之乃其弟舉叔開也泣然淚下厚禮之贈詩云六年復觀先生面為過河池見叔開三復此詩則知伯循於君臣朋友之間真不減古人氣誼矣舒芬字國裳江西進賢人六歲授孝經論語等書輒了大義年十二郡守祝瀚修封泚至邑獻馴雁賦大奇之薦列諸生督學虛齋蔡公試輒首語人曰此天下士也正德丁卯舉鄉試至丁丑中會試廷對第一

雜聞源流錄

卷八

其 彙敘堂

人官翰林修撰值武廟不時巡幸心憂之明年上隆聖孝疏再上謹車服疏五上乞終養疏不允已卯春上將以三月十九日警道東巡祀岱宗歷徐揚抵南京下蘇杭復溯江浮漢登太和山且徧中土繁麗時辰濠久蓄異謀待隙生變國裳具疏於十五日早先上請畱駕有曰痛哭泣血不忍為陛下言者江右親王倡吳淞之計大臣懷馮道之心語極激烈而濠黨故造為惡語謂主上聞直諫便舉刀為自刎狀且曰今撤賴矣國裳弗聽乃邀考功夏正勝儀制萬潮太常陳九川至寓舍酌之酒殿言曰匹夫不可奪志遂

連疏入時人稱江西四君子明日諸部曹疏入又明日百工疏俱入至十九日駕遂不果出二十日上命舒芬等百有七人於午門外跪五日未辰而入終西而退國裳嚴整無異平時迨第五日命各褫衣杖三十以疏首杖特甚死而復甦是日水溢內海子四五尺至不了橋衝折鐵檻大柱七根若斬然上心動得謫福建市舶副提舉卽裝創就道至閩講學不倦生徒日衆六月中濠果反且敗庚辰秋聞父艱慟絕兼程而歸居喪哀毀骨立一循朱子家禮癸未服闋應世廟恩詔復官翰林道濟入謁孔林行釋菜禮有東

雜聞源流錄

卷八

七

葉敘堂

極圖亦則河圖與伏羲同功而不滿先儒本於易之說貫串經史百家而於天文律曆尤所究心謂康節粗得大意而不能建律運曆將舉禮樂必宗周公觀大司樂則律曆備矣居常端坐終日未嘗晝寢夜必計過自訟寤卽告人凡視聽言動必準諸禮不敢少失尺寸與同志相劇切無幾微矯飾每語學者曰士當爵祿不入於心溝壑不忘於念又語同館友曰心術與學術相符者也懷居與懷利相因者也怠勝敬欲勝義則其心死其學偽吾儕格君其豫在此酷好周禮詳加訂正嘗推爲至誠盡性之書惜漢儒多傳

雜聞源流錄

卷八

七

葉敘堂

觀錄至京上辭升俸級疏甲申正月度上意將偏崇本生會昭聖慈壽皇太后聖節上乞命婦朝賀疏繼三上疏乞致仕養母不允乞改選亦不允詔議大禮國裳執議謂爲人後者爲之子不得顧私親三疏固爭不得乃率朝臣慟哭于廟上震怒命杖如前幾

楚罰俸三箇月是歲奉母就養京邸明年母卒扶柩歸葬國裳自幼以聖賢自期嘗悼異學之謬曰空言無補不若修其本以勝之因取周子學聖有要數語書之座右緇流羽客率毅然絕之至於權倖奄宦拒之亦如釋老於諸儒最喜濂溪稱爲中興之聖謂太

德益文節

時方尊陽明之學國蒙曰必窮天地之高厚必參百王之憲章必極禮樂之中和語

鬼神之情狀與夫萬變之所以應萬物之所以名然後可謂之道問學此則有不可偽為者矣今才智之士飾虛聲教後進則尊德性之說易掩覆也竟陸者特竊其一節異未者未睹其大全非心為道者也

祁勅字惟允廣東東莞人五歲通論語諸書十二為

詩文有奇語十五明春秋踰冠魁鄉薦即藏修不出

慕濂溪延平二賢為之贊師其心學克養日粹後進

多出其門久之聞逆瑾誅始會試成正德丁丑進士

歸省庚辰拜刑部主事會季兄政上春官沒于塗即

移疾護其喪歸督學魏莊渠先生至邑臨訪與語稱

雜聞源流錄

卷八

手

藁敬堂

重之因論師生宜以為矜式嘉靖甲申七月伏闕評

大禮得罪獲釋三載以積最聞歷員外郎郎中平反

公恕都人頌德公餘益砥學問名其齋曰日新作箴

以自警戊子主廣西鄉試事竣取道歸省有司致贊

一無所受尋出知饒州值少保桂萼家居來相開問

而未嘗私謁治行推諸郡第一奉旨燒造郊壇磁磚

限無過七十日或獻計謂以土為胚而飾以磁庶可

速成惟允曰是欺君也俾工匠如法為之竟以違期

逮獄謫貴州發川典史南還感疾卒年五十三

薛蕙字君采南直亳州人正德甲戌進士授刑部主

事值武廟南狩抗疏力諫禍將叵測冥然安之尋調

吏部驗封主事嘉靖初元自文選主事遷驗封員外

又明年遷考功郎中太宰喬宇倚任之及大禮議起

迺撰為人後解為人後辨凡數萬言入奏下獄既詔

令復職權貴人不悅給事中構其罪爰上書自訟以

病免丁母憂服除吏部移文趣起之時權貴人勢焰

正盛乃歎曰斯尚可俛首以就湯鑊哉遂不出後屢

薦亦不就家居十八年卒州人士祀之鄉賢祠君采

七歲習舉子業十二名能詩題隣舍三教圖曰斯道

有三教聖心無二天陰陽動靜機活潑一圓圖試問

雜聞源流錄

卷八

手

藁敬堂

一歸何處此理玄之又玄中歲好養生家言收斂耳

目澄慮默照如是者數年久之乃悟曰此生死亡障耳

不足學反而證之六經及濂雒諸書至於中庸未發

之謂中曰是是矣故其學以復性為鵠以慎獨為

括以喜怒哀樂未發為奧以能知未發而致之為竅

蓋深造而自得之卒逃釋老而成名儒居鄉絕不肯

為人干請至戚里有疾恒親為製藥嘗脫衣施凍者

或曰焉得人八而濟之曰吾不媿此心耳所著有約

言西原集及老子集解行於世大寧齋目錄五經襍

說藏于家

野復君采東云約言甚精有裨政教良多然其深遠處亦未免一涉于禪老賢

哲立言寧近世遠寧粗母精使人人可守而行之
如何 愚按君采題三教圖病根未消淫野復東
藥之矣

王思字宜學江西泰和人太保文端公直之曾孫八
歲能詩十歲能文弱冠舉於鄉及卒業南雍手書矯
輕警惰四字於座右朱子遺像奉以出入丁外艱
祭不愆于禮正德辛未第進士入翰林每試必先同
列獨不喜為應酬文字甲戌上疏以為孝宗敬皇帝
之子惟陛下一人當為天下萬世自重宜親享太廟
孝養兩宮總攬乾綱緝熙聖學豈可嗜酒以荒志好
勇以輕身惟是任喜怒移威柄弛紀綱摧士氣召天

惟閣源流錄

卷八

王

藥兼堂

變言極痛切忤旨貶潮州三河驛丞便道省母挾二
僮至貶所郡守闢景韓書院以居之一時俊傑咸從
之游陽明王公鎮虔臺檄使贊軍議宜學即借通衢
驛丞李子庸行會寧藩變作審裳宵赴軍門功成亟
歸口不言勞庚辰再入朝請業者益盛諸生錄其語
成帙嘉靖改元自三河召還翰林補編修預修先帝
實錄同考癸未會試充經筵講官甲申大禮議起與
同列疏諍不報既而文端公諭瑩有木患得請改葬
將歸七月之望預伏闕號諫下詔獄杖朝堂十四
日而斃其居不售無以為殮公卿僚舊共賻而殮

之以歸年四十四

鄭佐字時夫南直歙縣人正德甲戌進士授南京刑
部主事數讞疑獄庭中稱平改禮部奏立新安文公
後博士世宗入繼大統抗疏諫大禮又極陳清寧宮
後殿災變之繇出為福建按察僉事轉副使尋備兵
饒州前後誅閩饒宿寇機發屢舉奏功浹辰間遷本
省左叅政冢宰又將擬殊擢上副封執政執政固以
議禮貴向與為忤者愕曰朝列中尚有此人耶乃徙
之貴州時夫即上疏乞解職養母歸益究心濂洛諸
書與弟子講論不輟懸車二十年悉謝賓客當道累

惟閣源流錄

卷八

王

藥兼堂

疏薦郡邑造請訖不就及卒鄉人即其所建水口公
屋祠祀之所著有春秋傳義周易傳義四書語錄五
經集義及詩文稿行於世
劉瑞字德符四川內江人十歲能詩文父時數鍾愛
之為作五清書舍期以聖賢之學因號五清主人成
化丙午鄉薦第六弘治丙辰成進士入翰林授簡討
屢有建白武宗初立疏陳十事正德丁卯逆瑾擅權
亂政朝臣嘗言事者咸得罪自度不免即上章謝病
既出京之明日瑾矯詔斥大學士劉健以下五十三
人為朋黨勒令致仕與各其中聞之恬然奉其母行

在歲暮峽險至澧州依親以居時太和陳鳳梧視學湖南檄諸郡邑士子從講學既而臨江蔡潮續視學因以州後開舍更爲澧蘭書院延講授院中尋鳳梧參湖藩復檄辰守戴敏創崇正書院請主之四方聞風來者甚衆壬申詔起爲山西提學副使以內艱弗行服闋改浙江提學副使毅然以復古明道爲已任其造士先德行而後文藝有一行者必旌以廩食若行簡虧缺文雖工必黜於是定冠昏喪祭鄉飲鄉射之儀著名宦鄉賢之祀教以釋奠歌舞之節教化大行會宸濠不軌鎮守者潛通逆謀其勢洶洶爰與按

雜閩源流錄

卷八

三

葉兼堂

臣藩伯共定扞守之策兩湖以安用薦三歷卿寺晉南京禮部侍郎甲申元日地震條六事以進言至剴切時大禮議起廷臣以辨諫下獄謫罷者殆數十人復率南九卿諍之草疏極論帝王受命受終之道大宗小宗之義及漢唐宋以來入繼大統之典引經援史凡數千言當時主正論者凡九百餘疏惟德符之言簡明深切上雖不能從亦未加罪其卒之日晨尚入部視事既退疾作端坐而逝年六十五其學以程朱爲正脉以居敬存誠爲本以窮理致知爲要病世之以心學名者空自大而卒流於禪也故操存嚴密

德器深厚平居無戲言情色雖退食必冠帶終日未嘗傾倚食無兼味衣無鮮綺尤寡嗜慾室無媵妾學甚博積書數萬卷口誦手披無斯須廢至老而彌篤雖刑名度數邊情民隱靡不周知惟痛絕佛老異端之說每遇國有齋醮輒疏諫止其督學及在禮部禁約尤嚴性至孝早孤事母田淑人愛敬備至既沒哭踊幾絕哀毀踰禮歸塋經萬流驛遇風舟人錯愕起焚香願天風卽止忌日進奠尤極哀痛家廟時祭齋戒必誠牲醴必豐潔纖悉一遵於禮宦游雖千里必載木主以行聞族人物故必爲位而哭持服視禮爲

雜閩源流錄

卷八

三

葉兼堂

隆殺近世士大夫未之及也作文必本六經一洗浮靡險怪之習所著有童觀錄幼學稿澧蘭錄講習錄教奏稿禁垣奏稿讀漢書改本併雜文詩稿藏於家何塘字粹夫河南武陟人生而端凝不事嬉戲人以為癡七歲時入郡城忽見彌勒佛塑像乃抗言請去之聞者敬異十歲始讀書十九入郡庠必期以聖賢之學爲學嘗曰許文正薛文清二先生世未遠而居又甚近於此忘所師法學其謂何故於一言一行必求聞於父老力索於遺書有得則忻然忘寢食而從之弘治辛酉鄉試第一壬戌成進士改庶吉士闈試克已復禮爲仁論

以全才待天下士子其意良厚矣所慮全才不可多得用違其長則王良操弧后羿執轡非惟無成且以敗事是故不可不深長思也時人稱為雷京兩篇文字晉本寺正卿再晉南工部右侍郎奏革神帛堂各官監機戶夫匠料銀歲省以數萬計歷改工戶禮三部再以病乞歸言者累疏請雷詔許在京調理又晉南院右都御史掌院事竟辭去是時南有陽明北有函谷皆以理學鳴天下而粹夫默如獨與關中呂仲木儀封王廷相書問印證日事二親躬營菽水率其家之子姓及鄉間後生以修孝弟忠信非其義一介不取予瘠田茅屋取足優

雜聞源流錄

卷八

夫

秦錄堂

游兩執親喪皆衰毀瀕死若不能更生居常非涉日用躬行者絕不形於言凡行已教人切實精實仲木嘗以方孔門由賜門人有問太極陰陽之說者曰只以伏羲八卦橫圖豎而觀之則易之所謂太極動靜之所謂有常更易簡可見而周子可無事於圖矣有問律呂之說者曰只以舜典詩言志歌永言聲依永律和聲十二字而驗今俗樂之詞曲及唱詞曲時必吹竹彈絲相應與夫宮尺上工合四為板眼之遺法以求之至明白可見而蔡氏可無事于新書矣有問一貫約禮之說者曰儒者未得游夏之十一而議論即過顏曾以聖賢心法為

初學口耳此道聽塗說之最可惡者門人婁樞王西星嘗請梓文集謝曰聖賢之道昭在六籍如日星後學愧不能知而行之自宋以來儒者之論方苦太多此吾之所深懼也故惟均役糧二論家譜家訓二篇儒學醫學管見有切世務者門下得哀集之或謂先生真可謂銖視軒冕塵視金玉粹夫曰此後世儒者輕世傲物之論也金玉自是金玉如何塵視得軒冕自是軒冕如何銖視得此何異于老莊芻狗飄瓦西星輩曰如是孔子何以謂富貴如浮雲曰不義而富且貴於我如浮雲浮在不義不在富貴也以是篤遵古誼雖世局屢更終不受

雜聞源流錄

卷八

夫

秦錄堂

染家居十餘年薦揚三十餘疏不出嘉靖癸卯九月夜半有星隕於郡城西流光如晝是夜卒年七十賜祭葬隆慶初用科臣張由疏補謚文定贈尚書學者稱栢軒先生愚按邑山張氏嘗讓何瑋管見專拈擊通書正信太過敢於非古人如許函谷華耶抑或別有微旨如所謂自宋以來儒者之論方苦太多欲一裁正之耶三書非可指擊之書愚未詳管見語意云何竊謂善讀者不可以辭害志而未讀其書者尤不可輕徇人言而懸斷其得失也華金字子宣南直無錫人生而端靜博通經史刻意程朱之學務身體而力行之奉邑先賢喻玉泉尤遂初李小山蔣實齋四小像於一室朝夕敬事如師禮

蓋四先生續承龜山楊先生之傳者也登正德辛巳進士除戶部郎以不附權貴出為雲南叅議著廉謹稱遷副使備兵天津復不能卑事巡察遂乞致仕子宣事父母極孝待庶弟友愛平居無一妄言詖行初舉于鄉例得免糧役獨請受役如故既第例當入朝接疏取旨送科諸進士未瞑即退子宣於中夜猶莊坐以待俄而邊警至循候命不去世廟察其賢勞出上方供賜之太宰陸完之室子宣之姑也同官京師足不及其門完黨逆濠事敗得無坐廼為卹其孤同榜進士張孚敬驟貴用事邂逅于朝謂曰華兄獨不

雜聞源流錄

卷八

手

彙錄堂

能與吾共事乎子宣正色曰公為相當以天下為度乃私其同年耶孚敬大慚而罷歸林後貧約不異諸生時家產日挫諸孫析箸兄弟交讓鄉論美之有孫敬夫者竟以貧死然人知其廉吏而不知其真儒也視世之愿儒口伯夷而胸盜賊以牙籌厚遺子若孫者亦大有間矣卒祀鄉賢祠學者稱嵩峰先生所著語錄名少微堂稿藏於家

渭南李錦字仲白陝西渭南人少潛心理學為諸生時西蜀龍灣高先生儔署高陵教事仲白越疆從學與涇野呂先生同門相切瑳正德庚午領鄉薦既而

知宿遷縣著勸農勸孝二文以化俗繇是邑多孝子又以稅餘金買牛給民耕墾荒地宿遷人稱為百年來一人擢知海州致仕初赴州時不能具一花帶呂先生遺之一圍後去州抵家猶是帶也嘉靖丙申卒於家呂先生銘其墓先是咸寧李錦以理學著姓名並同故其後長安馮仲好著關學錄於仲白以渭南李錦別之

周滿字謙之四川廣漢人嘉靖壬辰進士授南京戶部主事監浦口倉仕不廢學尋莊定山讀書處拜墓葺祠刻其遺集於邑齋既還都聞高陵涇野呂先生

雜聞源流錄

卷八

手

彙錄堂

躬行君子也內修外文進止可範乃折節事為師朝夕聽其討論退而證諸實廸以自稽省事必求無忤于夢寐乃已復與諸僚友為山寺之會以行藝相質勉戊戌擢知雲南府首濬海口大利民田以內艱歸起補鞏昌力行教法首選學官弟子經學道義有師法者列之便坐口授經書訓以性命人倫之要學必繇橫渠張子以志於聖人教必遵藍田呂氏鄉約以復於三代鞏昌人繇是知向往尤加意旌表貞孝存問耄孤故歲入俸餘亦隨手盡乙巳遷廣西副使以去鞏人立碑思之比蒞廣西當徑寇猖獗思殄寇必先

養兵養兵須同甘苦遂減膳省役開誠布公日開其兵而練之閱五月勦撫互用山南三洞悉平戊申丁父艱歸庚辰補山東副使專驛傳屯田水利已改督宣大五鎮邊儲遂赴鎮盤閱細大不遺叅論總兵都指揮使以下侵匿之罪邊鎮肅然嘗誦劉綯募兵不如養兵擺邊不如合戰數語乃上疏請留北直隸民兵平居操練遇秋應援其山東河南山西者使相挈貼以俟後舉一以蘇徃戶之困一以精武士之選至如南直隸者勢須槩罷但解支費以給北戍是以兩省給一軍兩人併一騎也以壯為衆以飽為逸計莫

雜聞源流錄

卷八

三

彙敘堂

便於此上從之歷官臬藩晉右副都御史巡撫汀虔四省提督軍務至贛勤團練明賞罰遂平勦大埔上杭諸賊疏請于所轄嶺北嶺東漳南嶺南四道並崇設分守一人又請復如成化間例仍設叅將會昌節轄四省詔俱報可未朞以病致仕自聞涇野躬行之說端以四教三省為存主務日有可見之業為尊聞行知每歎世儒徒哢哢認識本來反洗洋而無益于歸宿也可謂不墜師傳矣所著有文集續集二百餘卷行于世

呂潛字時見陝西涇陽人父應祥嘉靖壬辰進士為

禮科都給事中以論宮寮事奪官為時名臣時見幼穎敏讀書即解大義嘗密書克己銘懷袖中時為展玩稍長師事涇野呂先生言必宗之動必法之學使者重其文行拔入正學書院以風多士嘉靖丙午登賢書明年下第卒業太學時都門有講學會每聞其借計至亟延致之時見刻意躬行遠聲色慎取予一毫不苟尤嚴于禮冠昏喪祭咸遵文公惟謹先是母栢氏病于京奉母西歸劑醫百至母病革以時見且弱冠命之娶時見不得已娶而不婚日夜苦處喪次既襄事廬居墓所服除乃始成婚事都諫公與繼母

雜聞源流錄

卷八

三

彙敘堂

張氏曲盡孝養都諫公病至嘗糞以驗沒則哀毀幾絕都諫公封事故未畱稿乃走闕下錄原疏請銘馬文莊公文莊亟稱之侍叔父待諸弟情文備至每歲時祭畢燕諸族人講明家訓又率鄉人行鄉約人多化之親黨有窘乏輒憐而周焉與人交平易款洽每面規人過而未嘗背言其短嘗與友人蒙泉郭郭讀書講學谷口洞中四方從學者甚衆聽者津津有得咸曰得涇野之傳者愧軒也愧軒蓋其自號云撫按張公社等以名上聞遂辟入京特授國子監學正會馬文莊為祭酒蒙泉亦為助教乃與蒙泉議以涇野

祭酒時所布學約請文莊力行之繇是講之聲徹於橋門調工部司務尋卒年六十二

郭邦字惟藩陝西涇陽人幼與呂愧軒同師塾長為諸生有名二親繼逝凡侍疾居喪竭力盡瘁家計故窘而區處優然益攻苦學問邑令樊公高其行延居講席或有以千金求居間者拒不納嘉靖戊午領鄉薦辛酉冬以會莖業師龍山呂公遂停公車與愧軒讀書龍巖洞中學益有得負笈從游者甚眾既就獲嘉學諭遷國子助教值馬文莊公為祭酒教規肅然與有贊助焉時年已五十六例不得入臺省同列諷

雜聞源流錄

卷八

書

彙敘堂

其隱年應選笑謝曰臺省寧可不入吾年不可少隱轉戶部主事權稅九江處脂潤中燿然不滓弊剔奸鋤商旅胥悅萬曆庚辰出守馬瑚躬先禮讓互用恩威郡人愛戴之未幾聞有循子之感念伯兄年老獨居即投牒歸歸二十餘年自著書講學外他無所事壽八十八無疾考終學者稱蒙泉先生私謚曰貞懿所著有自警俚語山居雜詠語略仰鄭堂集行於世同邑張節字介夫號石谷受學呂門與愧軒蒙泉為友困場屋四十餘年自以老謝去序貢日坐南園草屋中讀書觀理培養本原視惡衣糲食無厭意又有

咸寧李挺字正立性孤直有義義不隨時俯仰為西安郡學生循故事捧詔下屬邑贈遺一無所受嘗自誦曰生須肩大事還用讀春秋先從涇野先生游後又講學於谿田馬公所往來三原路中以盜死人皆惜之

王材字子難江西新城人由進士歷官南京國子監司業嘗與同官尹臺營救楊繼盛之死相嵩既諾而復背之時王湛二家之說盛行增城官南太宰稱湛氏學矣子難往造業投刺見闕者擲筆抵掌歎蓋歎之也問焉指尺牘曰是赫蹏所請請書院地直累千金者也子難

雜聞源流錄

卷八

書

彙敘堂

曰亟反吾刺是於所謂天理何居乎不見而反王門高第弟子官郎署名王氏學有聲子難造焉於彈碁時得其人慧而多機歎曰即多機而慧名良知弊安所極哉亦竟謝不復往於是就高陵呂先生於奉常邸學焉呂先生世所稱篤志力行如宋司馬君實者也而呂先生得子難歎以為任重之器歸闕室石堂寒暑一裘葛博綜約守直于學不厭造請盡絕泊如也嘗折衷王湛為之論曰餘姚信本心之知已過故增城以為空知增城以勿忘勿助之間即為天理故餘姚以為虛見然餘姚言致知未嘗遺問思辨行專之者過遂以為空知增城

言勿忘勿助時天理自見語固未嘗不確也蓋權衡已
 審而世有求端於一悟謂即悟皆真有觀察即為外馳
 有循持即為行仁義則痛闢之以為蔽陷虛蕩妨教而
 病道曰以吾從諸名哲後不敢不力也比退居中澹外
 融益遠詣千古學隆禮自度造次言動必於禮家冠昏
 喪祭具如禮其言曰常存戒慎恐懼勿任意必固我則
 物宜自順問智曰先自知問仁曰先自愛問勇曰先自
 強而以毋自欺為致知如惡惡臭如好好色為格物尤
 昔人所未發所著有稚川集行於世


稚閣源流錄卷八終

稚閣源流錄

卷八

美

彙錄堂



稚閣源流錄卷九

無錫張夏纂

門人婺源黃

昌修校

金貢亨

漢漢附

朱裳

張芝

寇天敘

曹深

李中

檄大經

吳穆

呂賢

毛憲

胡明焱

步勇附

楊爵

楊繼盛

柯維祺

葉夔

高璣

薛應旂

王燁

吳汝憲

華附

陳建

金貢亨字汝白浙江臨海人初從高姓通籍最後始復

本姓中正德辛未會試至甲戌殿試歷任江西福建貴

州三省提學官至副使為人清粹醇和剛介端毅得於

稚閣源流錄

卷九

一

彙錄堂

天稟既知學問大指毅然以聖人為必可學動止作息
 語嘿酬應務與學俱嘗愛橫渠一時放下則一時德性
 有懈初學當以心為嚴師及伊川整齊嚴肅則心便一
 之語日用工夫莊敬嚴密言動有記細過必錄蓋踐履
 既實德性堅定矣及畱曹謁告屏居數月取明道延平
 書反覆潛玩乃知工夫過苦責效太迫反入于銳進助
 長之病其於澄然真體似未有悟入處於是默坐澄心
 體認天理一意涵養於明道所謂不須防檢不須窮索
 延平所謂灑然水解凍釋處超然有解以是居官行政
 大抵主於崇禮教敦俗尚端蒙養維世淑俗之意惻如

也在揚舉行四禮修釋奠新樂舞斥大僚之目祀鄉賢者黜無行士之夤緣援例者在閩發明晦菴之學本之延平豫章龜山明道具有本末端緒乃闢道南書院以崇祀五先生復詮次其人如明道之表裏洞徹莫見瑕疵如龜山之終日不言嗒然而飲人以和如豫章與人並立而使人化有若春風之發物如延平之水壺秋月瑩澈無瑕如晦菴之心度澄瑩無渣滓特為表章參驗考證源流明揭書院中且疏請祀羅李二先生於文廟在江右優選志行之士羣之白鹿書院中親與講論聖賢為學次第明濂溪過化之繇究鸞湖異同之旨所以

雜聞源流錄 卷九 續修 二 彙敘堂

開發成就者極其惓惓居家則百行純備鉅纖不苟後學咸稟其身教焉當是時新學盛行鄉人方假其名以張聲焰而汝白存誠守正一宗程朱嘗答應容菴書以覲未發一語為程門相傳指訣極辯時說戒懼即慎獨作一事看之誤謂戒懼比慎獨其功尤難其事尤要而連引程子語以證之又作主一辯大指謂如昔人讀書不覺麥漂乃是心役于物不可謂一凡學者須是收其放心易曰無思也無為也寂然不動感而遂通天下之故其一之本體歟孟子曰心勿忘勿助長也其一之要道與子思子曰篤恭而天下平其一之全功與曰無適

主不在也曰無欲客不入也舍茲而學高則虛卑則支不足言一矣因自號其居曰一所學者稱一所先生所著有學易記學庸議道南錄台學源流及詩文集定海縣志行於世子立愛立敬立相俱成進士立相繼其父視閩學乃重梓父所頒伊雒淵源正續二錄以迪諸生當汝白致仕日江西巡撫都御史陳洪謨重修白鹿洞復聘至請主洞事以風俊秀因疏請特祠先儒吳與弼及邱少宗伯楊廉以重抑中官吳猷被訴放歸先知漳州府復芝山書院祀朱夫子以陳北溪黃勉齋蔡九峰配訂大成樂譜行呂氏鄉約每蒞一任於儒教多所修

雜聞源流錄 卷九 續修 三 彙敘堂

明洪謨字宗禹湖廣武陵人弘治丙辰進士官至兵部右侍郎壽八十二贈尚書王中嵩述古答金世龍書曰昔提學高汝白之諸父隱君子也雖則教汝白以舉子業每嘆曰可惜可惜假令得狀元亦自枉過一生其後汝白舉進士以書督責之曰汝得一第吾不為喜而以為憂此後必駸駸放肆可錄逐日言行寄我汝白嘆曰吾終日在側豈不我知而憂我哉試問一老人家曰此舊漸不同矣乃警懼置一簿錄其所為試自簡點其過不可勝書乃大激勵為學卒為善士愚按此書則汝白之為學自登第後始固困勉一流人惜其諸父名氏無傳所學竟不可攷然即其教亦可以知其學矣世之隱君子衡學而名不傳如金氏諸父者豈少也哉朱裳字公垂北直沙河縣人正德甲戌進士擢御史差巡山西鹽法拒錢寧差官市鹽疏奄鑑八罪以脫同官王相于獄還朝諫止南巡數嬖人熒惑之禍嘉

靖初守鞏昌舉天下卓異第一以清苦特賜宴勞歷
浙江臬副晉藩伯吏私書其案曰清如水難到底公
垂手續之曰如水清飢殺僮遷副都御史總督河道
艱歸起仍前任晉右都卒于官年五十八諡端簡一作
端性故質直目所見必行言雖久可復少時自號安
貧子既舉于鄉則曰堯舜君民孔孟師友所願也先
以御史按山東連旬茹菜東人誤傳以爲長齋居鄉
時其妻就館公垂敝衣冠執爨收生媪至以爲傭也
自都御史守制歸寒約如素士居無賓堂土壁蕭門
自奉亦止一菜而知友服其無市名之意居官鑰戶
自奉亦止一菜而知友服其無市名之意居官鑰戶

雜聞源流錄

卷九

四

彙敘堂

遠嫌堂室如寺妻子甘菲惡益窮經探曠以聖賢自
飭謂尊德性道問學其的旨也衍而成論具集中

張芝字廷毓南直歙縣人幼師邑博士海陽周成得
聞性學時方童丕被服儒術造次不設嬌容成重之
呼爲益友弱冠舉正德進士授大理評事上章多見
施行嘗因論事極詆奄瑾專擅罪狀已外補僉事艱
歸廬墓起督學廣西爲一編書條刺伊洛微言導示
教本務獎士節振集詬之風值蒼梧搖蕩反充監軍
討之穽匿深穴中乃以計盡其矢石舉種就俘尋得
疾乞休不許擢荆南副使命下而卒年四十一無子

家故貧守官廉苦一介不取身沒之後夫人至仰給
縣官以佐食廷毓雅志師法聖賢欲以天下爲己任
其奏疏前後數十上皆崇論確議關國家大計有以
非言官止之者答曰一職所効有限言而見聽惠益
無窮他不足計也與蔡介夫楊方震友善及卒介夫
悼之曰廷毓死天下之人無福所著有宗祠考經緯
書易講草經世績卦及詩文稿大理廣西諸志行於
世

雜聞源流錄

卷九

五

彙敘堂

寇天敘字子惇山西榆次人幼卽不喜嬉戲五歲時
母病久髮弗櫛家人欲剪之謝曰是不可毀傷及卒
哀毀如成人禮長舉於鄉卒業大學與馬伯循呂仲
木崔子鍾切劘聖賢之學以躬行力踐爲本正德戊
辰第進士授南大理評事歷遷寧波知府應天府丞
署府事時寧庶人反武廟親征駐驛雷都權嬖怙寵
提督江彬尤鴟張所過率以重賂免守臣亦諷賂之
對曰與其行賄敗節寧得罪何傷彬洵洵每務持迫
之子惇獨不賂且多所諫止每以事觸其怒彬令人
偵之迄無短可持偵者乃勸往謝彬竟不往其他權
嬖所需直卽之曰俟面奏與卽與爾皆莫能誰何上
北旋諸守臣送之維揚卽得還獨子惇以無賂迺還

于淮上是時江南諸郡皆緣迎駕名目厚斂民而乾
沒其間駕駐留都凡九月費且不貲一一出經畫而
民不知亦不病也治應天四年賑飢救疫民甚賴之
嘉靖甲申遷左僉都御史巡撫宣府改撫治郎陽尋
又改甘肅甫蒞任邊警突至立命將出師斬渠帥脫
脫木兒及部落三十六級威名遂振回人士魯番初
侵軼酒泉郡復譯文求和詞涉背嫂衆欲許之子悖
議當先討後撫則搵縱在我而不在彼庶可恃以無
虞又總制軍門欲遣使傳檄詰責土番送出哈密或
聽選擇一人主理國事子悖獨執不可以為祖宗間

雜園源流錄

卷九

六

彙敘堂

關立哈密而欲世世守之雖被占據猶我地也若廢
置繇之則地彼有之矣豈春秋正侵疆之意乎况倉
卒遣使而為彼羈留如國體何乃削去聽爾選擇立
王數語即付進貢回使持示之疏請御經筵親羣儒
講求治道又以嚴清戎謹備禦廣屯種添京衛處物
料增軍器分部官七事為備邊要務皆請行之丁亥
遷右副都御史巡撫陝西守禦固原盛有斬獲捷聞
屢書褒異加級厚賚戊子春會織造太監至行部之
臣議奏罷之子悖曰意則美矣但初到遽奏恐即不
罷將益張其焰爾事各有機姑待之可也是歲大稔

陳乞廣捐糧額大發帑銀兼支引鹽皆得請喜曰吾
民生矣迺夙夜皇皇周咨長慮講求善法手提其綱
簡庶僚而分任之所全活無算然後疏織造太監非
荒年所宜設非飢民所能供果得報罷其精于慮事
如此歷遷兵部侍郎以疾在告雲中變作猶力疾上
疏極陳別善惡懸賞格諸方略竟卒年五十四性至
孝友在太學梓聞父病裹糧而馳歷六晝夜跋涉千
餘里抵家躬視湯藥疾遂瘳自是無離左右宦游所
在必迎養痛母早卒每言輒嗚咽忌日痛哭如初喪
高陵呂先生嘗稱其行已省身可與神明質而借其

雜園源流錄

卷九

七

彙敘堂

功用之未究
曹深字文淵南直歙縣人都憲南峰公子也生有奇
質方四歲母沒即知哀痛如十數歲兒稍長誦習小
學諸書日記數千言事繼母周尤極愛敬周病嘗祈
天請以身代父遣之師事岑山程先生求聖賢之學
即知居敬窮理用心於內及為舉子業輒出人意表
弱冠游郡庠與沙溪汪以正為莫逆交講學白蓮別
墅造詣日深時都憲公方知寶慶府屢奉書必勸以
牧愛為急無怵禍福又曰大人清白蔭及子孫後必
有食其報者他勿計也正德丁卯魁應天鄉試戊辰

成進士時宦官八黨方熾而劉瑾尤橫遂率同年百
人抗疏乞正瑾崇權之罪有旨罰跪午門前者五日
時方酷暑而素體弱自是益羸瘠矣已已授南京兵
部主事於是南峰公卽以其往日所寓書次第授之
曰兒惟不忘乎事我者以自處吾無慮矣聞者交賢
之蒞任卽裁抑進鮮快船及舉行清理屯田數事部
堂甚器重之適汪以正卒業太學染疫疾鄉人莫肯
往視文淵獨馳至其居躬治湯藥與同起居者半月
汪病亟泣曰吾僅一女奈何應曰當聘爲吾兒棟婦
君後事有深在無慮也卒皆如其言尋亦以染疫卒

雜聞源流錄

卷九

人

彙敘堂

于雷都官舍年纔二十九

李中字子庸江西吉水人遠祖有次魚者以道鳴于
宋南軒晦翁皆善之稱復齋先生子庸生有異質不
假訓習而穎悟絕人五六歲未識書解爲聲偶數試
之不能窮入歲讀書忘寢家故貧早喪母束修不常
繼至年十四始授尚書習舉子業十九拜同邑玉齋
楊先生之門玉齋名珙貧甚無子未嘗見戚容子聞
庸之母歐陽氏其甥女也因稟學焉
義利說始志於學二十四訪大父寓舍如隨州薦爲
增廣生又二年始受室無資市書一日見一峰文集
手錄歸嘆曰大丈夫不當如是耶旣而得月廩則以

分給鄉之寡人獨不假人詞色州守遣其子弟來學
意不合輒麾去之正德丁卯舉鄉試第一至甲戌成
進士楊少師一清爲吏部將舉臺諫數召試不往六
月授刑部主事時武宗縱西僧出入禁內宦官居中
用事子庸憂之上疏切諫有曰今日大權未收儲位
未建義子未革紀綱日弛風俗日壞小人日進君子
日退士氣日靡言路日閉名器日輕賄賂日行禮樂
日廢刑罰日濫民財日殫軍政日敝天變于上地變
于下此道之不明不行繇陛下之心惑於異端故也
其他指斥忌諱語尚多上覽疏震怒將杖之子庸素

雜聞源流錄

卷九

九

彙敘堂

坐飽食待罪從容以當道救解得免逾月忽出內降
謫惠州通衢驛丞乃奉父至通衢關愛梅亭讀易其
中居三年病移長樂學官會陽明王公鎮贛州檄子
庸與王君思議軍事及至贛而宸濠方謀不軌時論
煽播王公問計于庸預策必敗引古爲證力贊其決
變作王公邀以助已平居不屑自敘語莫得聞世宗
卽位有詔敘復未行壬午擢廣東僉事歷廣西叅議
遷本省副使提督學政子庸憫俗學支離喪失其性
凡教一本於身不事言語嘗曰墨書所載迪正道崇
正學此吾職也又曰感於此應于彼不行而至自有

以潛奪汗俗興起善心誠之不可掩固如此於是擇諸生聚處五經書院每五日登堂講說敷悉自晨至暮不休人多嚮之踰年丁繼母憂歸諸生追送有泣下者丁亥起復補前任粵西人士聞者交賀歷遷廣東臬藩以平法革賂與撫按不協坐誣當罷朝議奏其廉節才望應留用以責後効而時宰復以無關說為慢竟謫四川叅政督糧儲初子庸在粵聞彈章欣然且歸答同官書曰此事於余無損益但恐仕者以予為懲創則薄俗日流於苟媚世道何賴及是入蜀無悻悻意至官數月乃具疏乞休人有問者復之曰

雜聞源流錄

卷九

十一

彙教堂

士君子行止自有孔門家法不可苟焉自小也所謂家法吾心天理是也進退遲速莫非天理之流行泰以毫髮意氣不免為過高之病皆私也同官力阻乃止明年告之兩臺不允丁亥明堂禮成得推恩三世自念方感國恩未可言私尋遷浙江按察使未上擢都察院右僉都御史巡撫山東庚子春至歷下始謁學廟見車馬取道屏外瞿然曰是不可徒行耶命撤之曲阜三氏學生舊無廩創議增給為定制歲大歉蝗蝻且起飢者流離道路子庸會計郡縣不足乃取泰山祠金以待賑命流民捕蝗子穀捕蝻數倍又慮

盜賊將城下令郡縣募驍勇練民兵以備官軍所不及河南關繼先者劇盜也能散金帛得死力嘗被擒鉗鎖加三木守衛之其黨竟穴地入脫去不能得遂流劫燕趙韓魏間數十年無敢當者至是繇燕入青子庸授計部下設伏禽之而燕之撫臣攘以為功子庸不自言辛丑晉副都總督南京糧儲往時運艘泊江轉搬既為市民所紿而官稽程期鮮不獲罪乃命自木門入庾次又令監視者毋先放衙毋使庾人侵羨病諸役者人皆使之明年卒于官年六十五子庸受學玉齋而傳之門人羅洪先與湛元明王伯安高

雜聞源流錄

卷九

十一

彙教堂

汝白鄒謙之諸公皆有書問商略問學載集中嘗言愛不足以盡仁惟公可以盡仁惟中可以盡仁說者謂其真能識仁又言知易則知權而曰天地之用一易也自然之權聖人之用一權也當然之易非知道者孰能識之說者謂其真能識權又曰生生之謂仁存存之謂學則其言本體工夫一以貫之矣家居谷平里學者因稱為谷平先生所著有疏草目錄書問詩文七卷行于世

朱學問答曰嘉靖甲午夏五月子庸問臥病隨州報恩寺一日學子請問曰朱子之學何學也子曰聖人之學也曰何如朱子曰云云天由且默仲尼欲無言動植各生遂德容自清溫彼哉夸毗子庸徒歎喧但勝言詞好豈知神鑒昏曰子昧前訓坐此枝葉繁發憤永刊

落奇功收一原曰神鑿曰一原朱子之學可知矣曰或疑其釋大學何如曰此學必論大頭腦處如明明德此大學大頭腦也朱子以虛靈釋明德不可易也明之功則曰因其所發而遂明之以復其初也夫至簡易也何疑之有曰或疑其格致求於外也何如曰此不得朱子之精也朱子曰本明之體得之於天終有不可得而昧者是以雖其昏蔽之極而介然之項一有覺焉則即此空際之中而其本體已洞然矣當時有問介然之項一有覺焉則其本體已洞然矣須是就這些覺處便致知充廣將去朱子曰然如擊石之火只是些子纔引著便可以燎原蓋介然之覺一日之間其發也無時無數只要人識得操持充養將去此朱子之精孔門求仁之學也學者當默而識之學子日然遂記之思按谷平與學子論朱學至精至透足破影響之詭矣集中如答羅達夫書痛言慈湖掃蕩存之害答鄒謙之書直辨大學古本三家之非正論黎黎皆一時藥石然予細讀其日錄間有自相矛盾處如云朱子之致知一向做向外面去又云慈湖看母意句有味故極得力母意便是克己工夫豈當日嘗與王湛輩往來未免漸染耶抑亦未定之論耶其全集係羅文恭手編文粹則鄒忠介所定二公皆崇新學故筆削未當然二公之能不盡悖乎正固以其淵源在此耳讀者詳之

雜聞源流錄

卷九

主

藁敘堂

撤大經字守道北直廣宗人正德丁卯鄉試第七人少聰慧日記數千言篤志於學以聖賢自期家貧無書走借于廣平崔尚寶家未幾還之曰吾已得其槩矣以病尋醫京師上書少師西涯李公西涯稱其才曰海內人豪也甚禮重之嘗讀書郡東官舍郡守高其人往見之值母忌不出接守怒揚言欲以官舍與人守道即移歸守道人謝之不去又召其弟兄再三

謝終不去其方介若此平生著述甚多皆未脫稿與士夫書惟勸以聖賢為準歿年三十二
吳稷字舜鼎南直華亭人正德甲戌進士授金華府推官時章楓山先生家居講學嘗造請質疑以懲豪右拂上官意量移惠州又以逐墨令與直指左坐遷荆府左長史改徽府進賢王箴芸窗賦以寓諷久之致政歸隱東郊有司莫識其面里舉踐更役有誤報者令不知懸之榜乃在注其下曰不能為官豈能為役令聞大愧親詣謝終不見也所著有皇明正學編史綱纂要破愚錄及自得園石湖宦游諸稿行于世

雜聞源流錄

卷九

主

藁敘堂

呂賢字宗器江西永豐人少補諸生博聞強記敦善行不怠藏修于鷲峰之東南木山不慕聞達及父終母疾遂自削學籍歸養於家母歿在殯舍人失火宗器伏柩號慟流血被體燕燎鬚髯身不少卻俄風反移柩學使邵文莊公廉知之欲以奏聞乃列狀辭免治家遵禮不諂流俗時民間盛傳有神曰活佛自徽來以桃符談禍福如響所至爭具羊豕逆諸道左焚香作樂侈奉恐後宗器曰此非訛言必妖氣也力要邑人守正以待之其神寢滅里閉宴然居恒讀書期于涵泳得味尤喜吟咏客至鷲峰草堂輒與廣和有

詩曰讀書多過目養性欲忘年又曰不為草堂無戶
牖孰知天地有鳶魚卒年六十一所著有皇極經世
律呂新書正蒙洪範諸解及鷲峰遺稿行于世子懷
字中石舉于鄉以學著而流入姚江

毛憲字式之南直武進人自幼端重寡言中正德辛
未進士拜給事中疏劾大臣怙勢為奸利者數人內
外肅然又嘗申救諫官寶明極陳邊防軍政之壞災
異水旱之憂直言不避禍害尋以疾在告久之起官
冊使荆湘見民被水災即具疏馳奏及論先儒陳滸
有功禮經宜以從祀會大駕西幸久駐甘肅人情詢

雜問源流錄

卷九

古

彙錄堂

詢特疏請回鑾不報惟時儲嗣未建舉朝諱不敢發
首疏請建儲亦不報後武廟將回京有帑賜近臣式
之獨疏辭不受因謝病歸與同志講求理學考濂洛
關蜀論說同異會而通之大都以不欺為主以恕為
用以克己為工夫然每以克己為難自謂檢制二十
餘年褊性不能盡除晚年扁其書室曰三近齋蓋退
然以困勉自勵也其立身治家悉有規格歲時祭祀
一遵家禮置義田義學教養鄉族施愛孤弱自以祿
不及親扁其堂曰永思終身不御重味與人有要雖
風雨寒暑弗爽於朋徒死生患難之際情誼更篤郡

守陳實建道南書院延之主教一郡欽服稱為古菴
先生年七十七卒有司表其里曰崇賢所著有諫垣
草古菴文集毘陵正學編毘陵人品記等書行於世
胡明庶湖廣羅田人嘉靖乙酉鄉試第三人成壬辰
進士甫試政卒于京平生孝友篤學精理數嘗取邵
蔡皇極律呂二書朝誦夕思章分句解或衍為圖其
所自序又揭中與幾希盡蓋二書之旨書成各曰邵
蔡性理二書圖解併著有元溪集行於世弟明通幼
育於諸兄事兄如父領戊子鄉薦以兄疾不會試者
三科兄卒服衰經致其哀撫孤姪如子中有爭產者

雜問源流錄

卷九

古

彙錄堂

出已所有平之學宗程朱邑中弟子多師之嘗語人
曰只此居敬窮理便可詣聖賢域除信豐令賑飢撫
盜民懷其仁保留復任遷金華府通判甫一月聞母
墓崩圯嘆曰生不祿養死不表阡吾耻也遂乞致仕
家居儉約如寒士著有征邁集學者稱東郊先生
楊爵字伯修陝西富平人初誕時室中如火光起人咸
驚異之長美姿容身滿七尺家故貧年二十始發篋讀
書苦無繼畧資嘗以薪代夙夜攻苦每之隴上耕挾冊
任意思欣然兄靖以掾誤罹法伯修徒步百里外申厥
寃遂並繫獄伯修從獄中上書詞氣激烈邑令見而奇

之立出之給油薪費督之學年二十八間朝邑韓恭簡公講理學躬輦米往拜其門恭簡聯其貌行行如也欲卻之父蓮峰老人謂曰意若非凡人數日叩其學詫曰縱宿學老儒莫是過吾幾失人矣既察其語言踐履錚錚多古人節嘆曰畏友也同門學者皆自以爲不及後與楊椒山繼盛稱韓門二楊云踰壯督學漁石唐公始首拔爲邑諸生嘉靖戊子秋應試長安客館有遺金者伯修守之客至持館人急伯修詰其實付以金客謝寡取伯修不允乃敦請過家止宿焉是秋卽以書舉第三人明年已丑成進士授行人三使藩府餽贈俱讓不受

雜閩源流錄

卷九

其

彙敘堂

或以爲矯伯修曰彼雖以禮來名重天子使吾獨不自重天子使耶壬辰選山東道御史時權臣當國草疏將劾之疏且具會鄉人有以垂白在堂勸止者乃移疾歸未幾母沒毀瘠逾禮廬墓三年服闋家居授徒講學又五年庚子秋以薦起河南道巡視南城權貴斂避而目覩時事不勝扼腕辛丑春上封事娓娓數千言大約謂內而腹心外而百體皆受病足以失人心而致危亂者五一則輔臣夏言習爲欺妄翊國公郭勳爲國巨蠹所當亟去二則凍餒民營不憂恤而爲方士修雷壇三則大小臣工弗覩朝儀宜慰其望四則名器濫及緇黃出

入大內非制五則言事諸臣若楊最羅洪先輩非死卽斥去所損國體不小是時中外頗以言爲諱疏入人皆愕然大怒卽逮繫鎮撫司窮究其詞拷掠備至伯修一無所詘是日都城風大作人面不相覩都人呼爲楊御史風前此士大夫下獄未有下樞鎖者獨伯修身畫夜樞鎖中劄甚血淋漓下死而復甦蓋貴溪翊國意也戶部主事周天佐巡按陝西御史浦鉉相繼論救俱筆死獄中人益爲伯修危之而伯修處之自若刑部郎錢德洪工部郎劉魁吏科給事中周怡皆伯修同志舊友先後俱以直言下獄相得歡甚然自學問勤勉外各相戒不得言得罪事日與周劉切劘修請不少輟釋四子諸經百家研精於易著周易辯錄及中庸解若干卷又與巡撫孫繼魯取破碗書壁唱和得百餘首名曰破碗集集中略無憤惋不平語友朋相喻身世兩忘如是者五年竟不知其身在此縲紲中矣乙巳秋八月上以受釐故放伯修及周劉歸田里而三人者猶相與取道潞水講學舟中踰臨清始別歸會熊太宰以諫仙箕忤有復逮三人獄伯修抵家甫十日聞命卽日就道親朋揮淚爲別伯修無幾微見顏色身幽圓扉者又三年丁未十一月高玄殿災釋歸爲民既歸教授里中貴人莫得見

雜閩源流錄

卷九

七

彙敘堂

其面疏粥敝履怡然自適己酉冬十月十九日卒于家
年五十七病革時援筆自志惓惓以作第一等事做第
一等人教其子孫學者稱斛山先生嗚呼觀其前嘿後
諫移孝作忠處患不渝屢折不挫雖獲終牖下大節皎
皎良亦不減仲芳而臨沒囑子之言亦略相似所得力
于韓門者非淺鮮矣隆慶改元奉世廟遺詔贈光祿少
卿萬曆初補謚忠介

楊繼盛字仲芳北直容城人學者稱叔山先生七歲喪
母父賸妒使之牧仲芳從牧所見里塾學而慕之請受
學亦不廢牧十歲餘復喪父家日貧顧益攻苦耐飢寒

雜聞源流錄 卷九 楊繼盛 九 彙敘堂

治經藝遂舉嘉靖庚子鄉試至丁未第進士授南京吏
部驗封司主事初與考功郎鄭公曉游議論相洽會關
中苑雜韓先生為南大司馬爰從之受樂三月得其數
請手製諸樂器遂購刀鋸錘鑿與桐竹絲漆等物始製
管而和次及琴瑟簫笙塤箎之屬諧而合奏之若一以
復于韓先生曰未也吾欲製十二律之管管各備五音
七聲而成一調何如仲芳退而凝思廢食寢者三日夢
人舞坐于堂上投以金鐘使之擊而謂之曰此黃鐘也
覺而汗恍若悟者起篝燈促復製管至明而成者六已
而十二管成韓先生大悅曰得之矣始吾輯志樂成而

九鶴飛舞于庭其應乃在子乎迨韓先生致政歸併傳
其天文地理皇極太乙壬奇兵陣之學時代鄭公為考
功郎者吉陽何公遷結友為五日之會會則論學終日
仲芳與焉一遊會約力行之吉陽語人曰叔山之果誠
可與進道矣庚戌冬滿三載考進京道繇山東謁曲阜
孔林徘徊俎豆間久之登太山絕頂望雲氣慨天體之
不盡益有志于學遷兵部車駕司員外時咸寧侯仇鸞
有寵而驕倡兩邊馬市議將遣使矣仲芳上疏斥其不
可者十辨其說之謬者五詔下錦衣衛逮訊獄具貶伏
道典史至貶所日治典史事少暇則進邑諸生講學買

雜聞源流錄 卷九 楊繼盛 九 彙敘堂

東山超然堂基剪棘立書院前為講堂二進後為享殿
中祀伏羲神農黃帝堯舜禹湯文武前側左周公右孔
子得十二人兩壁側以顏曾思孟漢董仲舒隋王通唐
韓愈宋周程張朱五子及元許衡劉因本朝薛瑄配又
得十五人名曰道統祠俗尚佛事為設論禁華民初稱
不便久而化服縣旁地故多回人其子弟悉習梵典乃
召而約束之為立二經師而身誨其稍俊者三十人諸
生日益眾無所得食爰集邑吏搜飛灑者伏糧得三千
石而鬻所乘馬及婦服裝買民間最重賦地二千畝白
于府以伏糧予之做井田遺意割授諸生父兄使畝入

粟以給筆札及婚喪費又買城西廢圃使茹蔬而引洮
河之水以溉之教養並舉羗人日興起於學諸如開煤
山以給薪卻巡方之責褐皆功在地方居二年吏民愛
之呼楊父諸生或稱關西夫子而驚敗罪至族上思其
言半載間四遷至兵部武選司員外仲芳心自計欲報
君恩其道莫如去奸人使不得亂政遂論少師嚴嵩十
罪五奸請召二王論狀抵任之十二日疏成以癸丑元
旦上已抵關門聞上以日食之變怒逮靈臺官度與疏
意不協復趨出更十五日而齋齋三日而奏於是嵩從
中譏之下鎮撫司打問仲芳具對侃侃至斷指出歷不

雜園源流錄

卷九

三

桑敘堂

易詞詔千杖百送刑部獄坐詐傳親王令旨絞仲芳若之
將受杖也或遺之蟬蛇膽卻不受曰椒山自有膽或又
謂勿怕笑應曰豈有怕打楊椒山者及繫刑部創甚更
內畏嵩屏去藥食乃自破瓷碗刺右股出血數升已復
手小刃割左股去其腐肉旁觀咸為戰栗仲芳顧自若
在獄三年將以冬月行論從容讀書不輟乙卯十月晦
竟死西市春秋四十臨刑出所著年譜授子應箕曰後
十年可開也復賦詩曰浩氣還太虛丹心照萬古生前
未了事畱與後人補又曰天王自聖明制度高千古生
平未報慙畱作忠魂補益首章以除奸之事望後人而

次章則以制作之才深自悼惜也寓意微矣仲芳篤于
倫理初會試下第當入太學有負笈費其兄患之乘仲
芳出而強夫人以八石穀廢箸姑聽之及游太學再試
居首多得館穀歸其夫人在家亦治農有秋仲芳始為
酒名姻族奉兄觴請復其費又以公車三十金助兄納
粟得散官曰吾道近可徒也赴義前一夕手書一帙諭
妻及二子勉勵苦節考究身心以至處分家庭曲盡人
情物理嗟乎從容如是白刃可蹈中庸不可能矣隆慶
初郵贈太常寺少卿謚忠愍賜祠額曰旌忠所著有遺
集年譜傳於世其遺筆一卷梁溪秦松岱序行之又有

雜園源流錄

卷九

三

桑敘堂

擬補樂經藏於家 益智錄云椒山勅嵩原疏中有冒功
履邊何得冒教以叨世襲之典兵部尚書董豹嵩
也見而令易之遂執不肯豹嵩形于邑遂曰公請良
知之學刻語錄負盛名若林發定案公論之謂何豹
柳稿于地曰汝為君子豹為小人耳乃潛致嵩自疏
辭功而部疏不覆後豹以諫頌齋醮為世宗所厭斥
去之與狂為小人矣遂素與椒山交善左右獄中觀
然以其女許其次子應尾士皆義之迨萬曆初為戶
部尚書值議陽明從祀遂曰其曾司理紹興備知陽
明以才勝若實踐工夫難與薛文清同又言此公一
生只是作用親見其居身居家無實學止以氣魄議
論籠罩從學者又曰陽明從祀則朱晦菴呂東萊皆
不足信大宗伯沈鯉遂具疏言守仁從祀宜俟論定
不報聞臣申時行具揭以請上以中旨予之遂號繼
津北直霸州人 愚按一統人物志何遷字益之湖
廣德安人嘉靖辛丑進士歷官刑部右侍郎著有吉
陽集三十卷友問四卷又言其記問淵博多所超詣
喜談性命之學主於圓融應世余讀至此而心竊疑

之後見理學醇疵辨云世廟時京師靈濟宮講學之
會莫盛于癸丑甲寅蓋嘉靖三十二年間也時禮
部尚書歐陽公德兵部尚書聶公約吏部侍郎程公
文德皆以陽明門下主會氣勢赫濯縉紳得附以通
顯故京師學徒雲集至千人窮鄉下邑亦莫不口良
知而家心學丙辰而後三公或沒或去位其徒稍避
匿矣三十七年戊午何太僕遷自南京來復開靈濟
講壇然其名位未足以號召諸少年多無應者偶有
賈介子某欲藉講學為名高一日當赴會適與大閣
飲至醉忘之矣吏從旁忠曰盍往靈濟宮乎時某雖
醉心尚了了遂日亟牽馬來比上馬目惜惜不開吏
掖而馳至講所則學徒咸拱而候之既下馬不能成
揖第擁而即席坐坐定鼻息如雷衆不敢言亦不敢
觀比晚輟講吏仍挾之上馬去竟不知往來何事事
也明日給紳會者開然長安語曰此豈周穆王假息
而之化人國乎然而神遊此乃真學問矣聞者大笑
於是御史余瑀上疏曰天下之道三正與邪而已出
于此則入乎彼差之毫釐謬以千里邪正之間治亂
判焉苟非察於人倫明于庶物之極致確乎不為他
岐之惑者幾何不流於楊氏之無君墨氏之無父也

雜聞源流錄

卷九

主

葉敬堂

哉如此之人今世不少嘗見衰衣博帶高冠而義然
者相率號為道學倡引生徒號名黨與或匿跡于古
僻幽深之寺或招搖于通都廣眾之堂開口高談窮
搜天外穿鑿附會妄誕聖賢海內慕名從風而靡以
致優仕欲持此以謀王猷斷國是害有不勝言者臣
惟王安石文章節行高于一世非不可慕直以學術
之偏變更新法耗宋家三百年之元氣以訖于公可
不戒哉臣請陛下斷自宸衷務為區別申明聖祖學
規之戒勅令儒學科舉之士及選授進納之臣悉歸
至正敷陳王道不許縱橫曲說少有偏邪違者治罪
罷斥若有以其言纂集成帙炫惑人心遺害無窮者
即毀其板而火其書仍以非聖之罪罪之斯邪正別
而不淆矣余公此疏正當靈濟復講之歲其引安石
為喻自為王學渠帥而發意不在附和之徒也然何
吉陽在南既為五日會在北又附靈濟官必其徘徊
于正學新學之間而不為一家定解者斯以謂圓融
應世也乎况椒山先生慘死在乙卯十月晦此時天
地方閉塞歐陽輩何以講學為吉陽以戊午轉官入
都不往招西市之魂而欲煖雙江之席何為者也吉
陽此種學問不痛不癢真鄉愿鄰夫一輩人肺腸在

彼不過欺一時之君子盜姓字于儒林初無少得而
習之者遂為人心學術之禍流染成風不可救藥蓋
其無忌憚之才雖出異端下而其混邪正之罪當在
異端上宜乎余公憤然起欲一槩鋤斥之無分於首
歟

柯維祺字奇純福建莆田人弱冠中進士除南戶部主
事時年二十六即移疾歸烏石山中聚舊業而抽繹之
別滄亂訂是非會萬於一及門之士先後至四百餘人
傳授靡倦要以躬行為先慨近世學者樂徑悟而憚積
累竊禪家之說以掩孤陋作左右二銘明其意著講纂
二卷以辨心術端趨向為實志以存敬畏密摻履為實
功而其極以宰理人物成能天地為實用至於為學次

雜聞源流錄

卷九

主

葉敬堂

第懇懇致意於誠之一字謂心與理一之謂誠言與行
一之謂誠終與始一之謂誠蓋允蹈之也錄所答問釐
為心解學解經解上下傳解史解六卷多儒先所未發
著宋史新編以宋為正統以遼金附且升瀛國二王於
帝紀正亾國諸叛臣之名以明倫先道學於循吏以重
道釐復補漏擊異訂譌共二百卷閱二十載而成書作
史記考要十卷凡司馬之譏評爽實班氏之增損乖義
少孫之補綴亂真諸儒之紀載異同胥辨正之而天文
曆律發明尤詳又以莆陽文獻自嘉靖以來屢經兵火
懼其遂湮乃撰次為二十卷以接山齋鄭岳之筆曰續

莆陽文獻志與宋史新編俱以三品論人謂求道德之士於三代之下必欲如古聖賢難矣但能忠信廉潔以禮義爲進退以名節自砥礪此其根本也根本既立雖乏功業文章不足爲病根本一喪卽富貴功名鄙庸人耳何足取哉別著詩文集十卷續集四卷雜著二卷居常絕迹不入官府力耕節用躬韋布之素有餘則推以佐親黨遇倭亂廬毀於寇鬻田以築小室日危坐其中接人無戲言無苟笑聞人之短感然必爲之諱其功不與飲燕口惟疏食菜羹而已卒年七十八學者稱希齋先生

雜園源流錄

卷九

書

葉敬堂

葉夔字司韶南直武進人少力學好古甘貧守正正德末歲貢授汝陽司訓以繼母年高乞歸當事不允遽投牒而去歸臥一室銘其左曰不欺銘其右曰養正嘗曰人於義理二字辨認分明便可上達多言無益也居恒恂恂不能言語及忠孝節義則投袂而起立髮灑淚于旒至門或不報謝事關風化則力請所司如痾瘕之切身必求其濟而後已宋末死事諸臣未秩祀典奏記當路建祠祀之鄉先賢謝子蘭墓圯勸義修葺仍置祀田若干畝晚自號存齋病革手書謝上蔡人能充無欲上之心數語曰此心學之要

也所著有元史提綱景賢錄忠義錄等書行於世子金以乙科判紹興嘗從毛古菴纂毘陵人品記以卒父志

高璣字齊之南直武進人少喜讀書精研理學每體驗於事親從兄間而於程朱語錄擇其精要繕寫成帙時時玩繹學者有問亦必以是示之家故貧居之晏然於甘旨之奉必求無闕嘗有詩曰幹蠱真才子言貧是乞兒孔門多樂地殫力任耕犁又曰一夢四十年忽覺東方動宛見風光好只恐還是夢嘉靖己未詔舉經明行修之士邑人禮科給事中毛憲等力

雜園源流錄

卷九

書

葉敬堂

薦之辭以親老不就郡守連公盛遣學博詣門敦請爲鄉飲賓亦不赴久之兄某卒于潮陽官舍焚焚往迎不以遠憚也卒之日公舉入鄉賢祠薛應旂字仲常南直武進人剛勁雋爽不苟雷同悅俗窮達一致自爲諸生擅制義名尤攻古文詞淳實典雅原本經術以貢舉嘉靖甲午鄉試中乙未禮闈第二授慈谿知縣時郡守鄭方事苛黷仲常始爲令銳志撫綏有檄下縣輒格不行守大怒一日仲常以事入郡聞守欲窘辱之遂用奇自逸旋請改教時徐華亭方督學兩浙能調護之守亦罷去及仲常改教

九江則華亭又督江右學矣檄主白鹿書院尋擢南
京吏部主事轉考功郎中值掌內計分宜相憾給事
中王燁令尚寶丞諸傑貽書屬以黜燁燁端士也仲
常卽畱燁去傑而兵曹王畿方以周流講學獵浮名
亦斥不少假分宜不悅竟用言者謫建昌通判歷遷
禮部主事浙江提學副使在湖鑑明衡平士子翕然
心服以過執忤時調郟延兵備未幾被察罷歸或曰
亦出華亭意也洛川縣賚贖緩千爲路費竟卻之仲
常初從邵二泉呂涇野兩先生講程朱學後聞良知
之說頗以爲快旣而見沿是說者多不掩言乃悟曰

雜聞源流錄

卷九

主

彙錄堂

良知之學原於陸子靜陸學孟子教人之法也朱學
孔子教人之法也遂著考亭淵源錄自此議論一軌
於正雖邪說之徒多側目爲誣詆弗顧也家居垂二
十年未嘗釋卷耑勤著述每一書成凡幾易稿皆手
自抄謄點竄未嘗借力於人著有憲章錄宋元通鑑
甲子會紀高士傳浙江通志薛子庸語四書人物考
等書行於世二泉先生旣歿人有謀據其故第者仲
常不避怨禍慨然白于當事偕同門莫同華雲輩卽
第爲祠以拒絕之無錫顧憲成允成兄弟少以制義
來學攜草蓆設拜禮甚恭仲常特器之呼二孫敷政

敷教出見定交後俱成進士相與論學東林並稱名
儒蓋自二泉之歿幾及八十年爲萬曆甲辰而後東
林再闢樞其中者實惟仲常焉學者稱方山先生
王燁字韜孟南直金壇人自少讀書卽以古人自程
度力學勵行中南畿鄉試第二成嘉靖乙未進士爲
吉安府推官治獄明恕以理勸導訟者皆悅服而去
秩滿遷南京給事中敷言事初張永嘉諸人以議禮
合上意驟見大用于是上畱意稽古禮文之事並建
南北郊耕藉親蠶諸禮繼舉則夏貴谿附贊爲多遂
用張桂故事自都給事中擢侍讀學士以至宗伯入

雜聞源流錄

卷九

主

彙錄堂

閻中年上畱意禱祠謂可以永年則嚴嵩先意承順
尤極伎巧而費衆者宏之弟逆濠之姪也以不附結
濠頗得時譽而名位旣通故搽盡失三人者韜孟皆
首論之而其論嵩尤切直併及其子世蕃時嵩奸未
著而世蕃之惡人亦未盡知韜孟在吉安蓋得之先
見而所言又曲中其隱欲朝廷蚤斥遠之勿使得政
故嵩尤恨之未有以發例轉山東武定兵備僉事以
任滿赴部逾限奪官出嵩意也遂著爲例未幾疾卒
韜孟事親孝然有弟惡于象慈弗可感嚴弗可繩至
死鬱鬱仕宦有年貲產未嘗少益婚嫁葺廬多稱貸

于人邑令來問疾見蕭然一榻布被蔽體深嗟重之
臨終語人曰聖賢無自是之學問古今無自用之豪
傑谿田馬理銘其墓學者哀其遺文名爲樗菴先生
集刻傳之

吳汝憲字道卿南直無錫人自少樸茂方正言笑不
苟師事邵文莊文莊器之妻以女爲諸生試有司不
利文莊欲爲之援引道卿執不可遂謝去其兄嘗以
事繫獄恨不能卽救亦自囚一室藉草食糲一如獄
中人勸之輒泣俟兄得釋而後出常守宜賓王公誕
敷聞其名以淵明乞食魯兩生不肯行二題請著爲

雜聞源流錄

卷九

五

葉敬堂

論援筆立就王公讀之擊節不已請見亦不往自是
三十年不入縣郭邑令每行鄉飲酒禮輒致詞延之
後先十二載皆不赴治家嚴而不苛訓子弟惟務孝
弟勤儉師法古人與人交洞徹肺腑存心忠正不欺
屋漏屬續前一日以存天理三字諄諄爲後人申囑
卒年七十五友人私謚曰貞簡先生其同門友華胄
字世卿舉鄉試早卒論者謂世卿清恬溫粹貞不絕
俗似管幼安道卿愷悌雍容和不徇物似黃叔度雖
夔壽不齊各有文莊之一體焉

陳建

號清

廣東東莞人嘉靖壬寅朝議進朱儒陸九

淵於孔廟時清瀾以進士令南閩聞之憂道統將移
學脉日紊乃發憤著學部通辨以破王氏所編朱子
晚年定論其書批禍根于橫浦證變派于江門而中
間則詳著朱陸始終不同之迹閱七年戊申書成自
序曰朱陸之辨近世造爲早晚之說謂朱子初年所
見未定誤疑象山晚年始悔悟而與之合其說益萌
於趙東山之對江右六君子策而成於程篁墩之道
一編至近日王陽明因之又集爲晚年定論後人不
暇復考一切遽信而不知其顛倒早晚矯誣朱子以
彌縫陸學也道一編謂朱子晚年深悔其支離之失

雜聞源流錄

卷九

五

葉敬堂

而有味於陸子之言陽明定論序謂晚年大悟舊說
之非痛悔極艾以爲自誑誑人之罪不可勝贖皆矯
託推援陰謀取勝借朱子之言以攻朱子借朱子以
譽象山挾朱子以令後學正朱子所謂離合出入之
際務在愚一世之耳目而使之恬不覺悟以入于禪
也如答何叔京書熹奉親遺日云云道一編指爲晚
合象山陽明採爲晚年定論按朱子四十歲方丁祝
孺人憂此書有奉親遺日之云則祝無恙時所答朱
子方三十餘歲與象山猶未識面何得指爲晚合定
論耶又答何叔京書今年不謂飢歉至此縣中委以

賑糴之役後言守書冊泥言語自証証人之罪不可勝贖云云考年譜正在是年皆四十前事至淳熙已未方會象山而何叔京亦卒矣答張敬夫書在論孟集註未成之前何以爲晚合刪去學庸修過以下二處此權詐陰謀不合用之於講學答黃直卿有向來定本之誤非爲著書發也蓋論教人之事有定本云爾舊本之誤朱子初無是語陽明矯托以爲悔集註諸書之證大乖祭陸子壽文有道合志同之語道一編序首以證朱陸晚同假子壽以遮蓋象山誑甚按朱子於象山自甲辰以前時稱其善自丁未以後日

雜聞源流錄

卷九

手

彙教堂

道無繇得明建按傳習錄答門人問格物之說謂朱子不知先切已自修平日許多錯處皆不及改正此誣誣朱子一生無一是處自朱子沒後無人敢如此誣誣自古講學著書無人敢如此顛倒欺誑昔尹和靖有言其爲人明辨有才而復染禪學何所不至建爲此懼迺竊不自揆慨然發憤究心十年作學部通辨十二卷垂十萬言云云厥後萬曆中羣惑猶不解慕崗馮氏乃以是書重鈔諸木屬涇陽顧先生序高傳之書聞發志正嘉間有邑令聚諸生講新學欲講於先賢祠院則疑其所講之相戾也迺舍而之邑之紫虛觀諸生詹渭者賦一剪梅詞以寓諷有老君在上笑吾儒得罪程朱玷辱程朱之辱令志

雜聞源流錄

卷九

手

彙教堂

日爾有一剪梅吾有三等簿遂以事誣申學使點之謂復大署縣壁日一剪梅惡邪亂正三等簿假公行私後學使其屈移文來復愚按故明中樞士大夫緣論學不同激爲空黃水火殆福朝野矣詹渭以一諸生見嫉于邑令若此無怪乎荆川方山分祖龍谿遂致反唇敬菴復所同宦南都而起口語且能以察典逞禍也此等雖由旁人釀成乃客氣用事在君子豈得無過呂涇野口不同乃所以講學既同矣又安用講耶尤西川口不有益於彼必有益於我講學欲以何爲而必欲其說之自我出乎兩先生爲此言非效于莫之執中只要彼此融融客氣虛心觀理耳如清濁辨朱陸本先同後與未嘗早分晚合雖使陽明復生無家可置要之此書可與知者道而不必強不知者之寓目蓋恐以水沃石勞而無功從來敬敷在寬太著急不得也

雜聞源流錄卷九終

3 反文小

雜閩源流錄卷十

無錫張夏纂 門人婺源黃昌衡授

鄭世威 吳文光 張基 周思謙

萬思謙 陰秉衡 謝憲 王樵

李經綸 唐音 溫純 王之士

章潢 鄧元錫 東桓 朱鴻謨

范涑 呂坤 余啟元 徐三重

鄭世威字中孚福建長樂人生而端默寡言弱冠舉嘉靖己酉鄉試第六人已丑成進士會臺臣缺詔從諸進士推擇眾競趨之中孚曰才脫章句遂獵司耳目無論

雜閩源流錄 卷十 葉敬堂

躁且虞曠也初授戶部主事丁外艱起除刑部出泉廣西廣東又泉江西浙江官至刑部侍郎其泉江西時適夏言入相兩臺藩臬詣第修謁率由掖門進中孚呼闈者叱之相國尊奈何令邦大夫縮縮而還趨亟還吾刺去闈者錯愕闈中門中孚乃入汪巡撫京錫偕言有事上清宮以祝釐為名藩臬皆從比視其祝詞相君祈嗣耳佛然語其僚吾儕為相君來耶竟拂衣出言有疏聞強之署名堅不應已參浙藩言再入取道武林諸大夫皆郊迎中孚獨否言去一舍許以有所請事復留行觀其從諸大夫續來卒不至言憾之欲中之計典不果既

復以倭亂希指者妄劾會言敗得免後再以臬副蒞江

右而嚴嵩繼言柄國勢益張其族黨競豪所司不敢問

中孚數操三尺繩之不少貸或持嵩書至屏弗視嵩父

子卿憾更甚於言矣尋轉四川叅政自念嚴氏終螫已

遂投劾歸歸十年而嵩敗起南京通政隆慶元年擢僉

內臺陟南少宰入為少司寇有詔採珠及珍石疏乞納

忠諫崇節儉不報即稱疾乞骸骨懸車後環堵蕭然薪

祭不繼食指故少悉屏去僅留二三蒼頭習耕者躬為

督作時荷鋤灌畦陶陶如也客有修謁者遇之田間授

以刺曰為我通主人翁姑諾而入頃之衣冠出肅客即

雜閩源流錄 卷十 葉敬堂

向通刺者主客相視而笑然留心學問不欲以氣節自見學以濂雒為宗躬行實踐抵排異端於今儒中尊河東而斥姚江故受知於華亭徐公其脫計典亦華亭力也及華亭欲祀陽明于文廡獨力爭其不可議遂中格後至萬曆十二年申吳縣復蒙華亭之指以請廷論終未協竟以密揭得之而中孚亦於是歲卒豈所謂道不同不相為謀者耶說者謂中孚初不以華亭故少屈而華亭亦不能遽奪之其成案百世不泯也中孚遇人至誠不欺當官務為節愛在比部獄陝以西獄平反百餘人在浙江條畫鹽法減無名課數千緡在江西議清贖

緩備庾賑官轍所至皆有惠政卒年八十二賜祭葬給事中陳璧疏請賜諡下部議閩諸生數千人請祀于郡

學邑父老復以為言因兩祀之所著有岱陽彙稿長樂

乘年譜經書答問十卷行於世學者稱環浦先生葉山

曰司寇之學近則宗河東遠則宗考亭宜乎其與文

成左也夫文成獨行其是而偽者逃焉欲胥世而為

文成漢則滅頂淺亦漸衰豈非一時風尚使然哉司

寇內繫心而外繫行力排羣議即逆知已而不郵此

豈苟焉而已者尊躬行者首河東茲為司寇左袒矣

下學上達吾夫子有成訓在與其獨創無寧祖述百

廢司寇說也

晉陵吳瑞登題陽明王公傳後曰或以文章氣節動

乘為公誦而除却講學便為全人先生獨願講學今

考之救戴統作劉瑾氣節顯矣平寇亂擒宸濠勸業

著矣自泰疏之大以至序記之多文學雄矣而講學

一節獨宗象山獨誣元晦獨服膺地獄在異人之

氣象甚大而議論甚宏偉故資美者盡為所驅而不

自覺悟至於今方熾而未熄也知行合一宗之於陸

而以為即知即行然又自以為為知者行之始行者知

之成則且分而為先後矣格物之說宗之於陸而以

為格其不正然不知格物既格其不正蓋不必復言

正心其不可以此為訓矣至致良知又必兼言良能太學

不倫孟子言不慮而知為良知又必兼言良能太學

止程未之學象山非之草廬非之猶明以為非也先
 生定論編以蚤年為晚年以晚年為蚤年明若為朱
 子分疏而其實陰壞朱子不有整庵清濁考其年譜
 先後雖有智者執從而辨之乎余無暇屑屑指其
 言只據象山沒後朱子所議則蚤與晚孰然辨矣噫
 詩與春秋尚以為非孔子門舊本為魯史舊本則朱子
 之定本增監本之無而為有又序中改定本為舊本
 夫何怪焉聞之先生嘗語胡公世寧曰公可惜不
 講學胡公答之曰公可惜多此講學由是觀之必講
 學而不誣前賢斯為全人先生非多此講學也此
 而已矣

吳文光字有明南直婺源人穎悟絕倫讀書五行並
 下年十二學使者拔居首破格授增生舉嘉靖丙午
 鄉書五上春官不第除應山令初至邑方大旱悉力
 救卹以撫字為催科令民自輸自封縣官洗手以臨
 節境內晏然有婦姑訟者有明退而閉閣思過動以
 至情感泣而去性不習娣阿偶中蜚語竟拂衣歸絕
 意不出日與洪覺山垣游讓溪振得講學議論宗紫
 陽時新學方熾或譁之有明日我不敢為考亭罪人
 尤願為陽明忠臣也所著有尚書審是十卷感興詩
 解一卷祀禮從宜一卷門人答問錄四卷論稿四卷
 文集十卷晚尤好易撰周易會通學者以其會道之
 源稱為一源先生

張基字德載南直吳縣人嘉靖庚子舉應天鄉試例

惟南源流錄 卷十 葉教堂

得坊金百一日散之親族略盡當會試有顯者欲爲之地謝曰立身一敗尚欲何爲歸屬疾久困醫藥間惘然若有愆者遂究心爲己之學病亦尋愈已而念大母且耄遂逡巡不赴公車亡何大母卒其父亦卒乃歎曰母老矣誰與朝夕耶自是一步不忍離母側屏去冠服爲野人裝治一室甚潔扁曰愛日以居母手擇果實浣蔬茹嘗而進之湯粥滌灑非親調不薦也於書無所不窺而尤邃于經術多所箋纂晚益趨詣融融如矣顧其持敬日益甚自檢日益密奉母外足不踰戶婦亡不更要旁無姬侍食不葷寢恒不帖

雜聞源流錄

卷十

五

彙錄堂

席歲大稔有米數百斛悉以賑饑者而屬軍興役族皆赴行曰吾何忍獨以例免而煩族之老弱爲請于官毀家以紓之自是產益削矣頗諳內養體氣克益忽一日顧其子曰爾行何日得歸吾且有遠行遂爲日期之子大駭如期而至一夕候母安者十餘昧爽跌坐頻誦一念不生頃而目微上指遂瞑几上手書數行則皆身後奉養事也年五十九德載之學蓋自敬入故其自號曰敬塘居嘗銘座右曰勿展無益身心之書勿吐無益身心之語勿近無益身心之人勿涉無益身心之境羅文恭錄爲四勿翼云崇禎初以

新典追贈翰林官謚靖孝撫按以下各助帑祠祀之周思兼字叔夜南直華亭人嘉靖丁未進士知平度州值大稔徒步行賑且設法撫定隣民之掠食爲亂者遠近悅附擢工部郎督賑清源河將決募民囊土築隄隄成三日秋漲大發民賴以全出爲湖廣僉事有五將軍者席藩封探丸殺人遂縛其黨置之獄五將軍臂七首入因捫其臂曰毋妄動吾爲足下百口計足下乃爲此曹死耶立卻之而條上其罪詔置高牆其所奪田宅子女悉判還民丙午以疾告歸朝夕揣心問學與同邑陸宗伯平泉西吳唐比部一庵相

雜聞源流錄

卷十

六

彙錄堂

切磋惟務返求爲己以徇外爲人爲耻嘗自敘中年多疾始知學道有所聞見恐其遺忘輒手錄之以備諷詠然舉筆時即欲構思語言而爲外徇人之私乘間發焉非初志也朱子詩云藥病須還考自知和根斬斷爲人機吾欲斬斷此機宜如之何謹之密之勿以示人可也歲甲子補浙臬旋改爲督學使不赴是歲五月卒年四十七叔夜雖與龍谿楚侗及禪客往還而信服程朱獨有確見自云某若非旁求顛踣而歸豈能心服朱子之高又曰陸氏之論驟而聽之似若可喜以身體之茫乎無所用意者治心之要別有

其道而未之顯言耶抑朱子之學真有所依據而未可忽也可謂擇之精矣學者稱為萊峰先生私謚曰

貞靖所著有學道紀言五卷家訓一卷行於世

萬思謙字益甫江西南昌人嘉靖間進士繇縣令入

為曹郎久之遷光祿丞以長揖忤太宰外遷四川布

政司參議積官至福建左布政南京太常寺卿時江

陵奪情謫逐諸言者益甫貽書令召還言者輯和羣

情竟坐忤罷歸生平慕道甚早謂學術當以宗孔為

本後來支分派別各是其是未必盡符聖人初意尚

則研窮淵微淡不可窺外則儉約自持蕭然四壁至

身沒之日無以為殮諸鄉人醵金壽棺以助之

陰秉衡字振平四川內江人隱居潦園作文翰樓貯

書千卷手不停披口不輟吟平生著述倦倦於天理

人欲邪正異同之辨嘗參酌朱子家禮為陰氏慎終

錄及婚禮節要鄉人呼之曰陰孟子

謝憲字汝慎廣東歸善人不事藻飾癯然鶴立事父

母定省如禮無私財游邑庠矢志聖賢之學諸生皆

尊事之歲薦至京卒業太學歸則築室以居葛巾木

屐日攜離騷往來西湖浩歌至暮而返其學一稟程

朱而多自得嘗於臺畔折竹枝濡赤土註易訓友人

葉春及受而錄之名周易竹書

王樵字明逸南直金壇人憲副祀鄉賢臬之子留思經

術注力躬行登嘉靖丁未進士授行人使蜀使代却餽

遺不受負廉望冢宰欲識之終不在見遷刑部王事日

讀律弗輟嘗歎曰士大夫專以留心案牘為俗吏文墨

詩酒為風雅夫飽食官祿受成吏胥謂之風雅可乎數

以執法與嚴分宜抵牾悟出為兗東道僉事值歲大祲奉

詔行賑嚴督屬吏躬詣村落人覈之里胥奸不行民賦

實惠引疾歸十四年不起萬曆初起分巡浙西入為尚

寶卿未幾御史劉臺極論張江陵罪禍不測上疏請全

諫臣以安大臣觸江陵怒即以星變自陳歸里江陵敗

起鴻臚寺卿謂上淡居獨斷非所以振國勢而收人心

疏請勵精聽納急宗社大計歷太僕光祿大理卿少司

寇南總憲致仕明逸素恬默簡於酬對接大僚頰笑無

所徇至與之談經學及星候則斐亶不倦林居謝絕交

游閉門獨坐手未嘗釋卷窮經考義字比句櫛浣衣脫

粟糶邀如寒士徒步里中逢負擔爭道無忤容卒年七

十九贈宮保謚恭簡嘗作學記曰明道先生所謂正學

者以為其道必本於人倫明乎物理其教自小學灑掃

應對以往修其孝弟忠信周旋禮樂其要在誠乎身而

惟園源流錄

卷十

七

葉敬堂

惟園源流錄

卷十

人

葉敬堂

適乎世用自鄉人而可至於聖人具有節序愚以爲師以是教弟子以是學然後可以成人材而厚風俗濟世務而興太平公卿百官皆得其人如其不然而早者溺於章句高者驚於懸虛經賊文妖如晦庵朱子之所斥勤一生以求道而捨先賢所棄以自珍反肆詆焉如近日整庵羅公之所言是謂教非所教學非所學一旦居於民上非舉其弁髦而盡棄之則以其學術爲人害也謂如父母師帥之義何哉願吾黨之士勉焉無蹈斯戒蓋洞鑿學弊而訓勅之至也所著有周易私錄尙書日記春秋輯傳四書紹聞編方麓居士集讀律私箋等書

雜聞源流錄

卷十一

九

葉敬堂

行於世子肯堂登進士入詞林歷大參負氣敢言好奇博藝亦著有論語義府尙書要旨律例箋釋念西筆塵及醫科證治準繩類方等書至今人購重之

李經綸字大經江西南豐人生而岐嶷有文在其手墳起方如印章好讀書以明學爲己任游邑岸赴鄉試上書當道言當待士以禮無制士以苛法藉令峻制苛法盡革懷挾之弊而使志行之士如吳康齋陳布衣者睥睨其間避匿而不肯出謂寶輿何於是制少寬久之不薦迺棄業而大覃精於六藝作詩教考禮經類編二書義例悉先儒所未發時王湛二公以

論學名世標古本大學爲教宗天下靡然從之大經弗是也申程朱之意爲辨作術道錄及大學稽中傳其略曰晦庵之論格物也大而寡要是見條目知行之分而不見綱領知行之合也經文不言敬而敬之理備焉主一無適之謂敬其好惡之誠一者乎常惺惺法之謂敬其心之靜正者乎整齊嚴肅之謂敬其修身之始事乎以斂天人以攝動靜以篤倫理其修身之終事乎合之以敬是徒知主敬之先於致知而不知誠正修之卽敬也然其主之以敬也立本者也其言窮理也致精者也謂非孔孟中學之正傳不可

雜聞源流錄

卷十一

十

葉敬堂

也乃若象山之學則不然謂求放心卽可以擴克知識則信已不求中之病根也然猶未以明善爲非也再傳而爲白沙則知一已矣守一已矣聖人之教事物之理不言明矣三傳而爲陽明子甘泉子也則趨中而未盡者也陽明子曰知行合一者也推吾心之良知以正事物良知卽明德正物卽親民也是知致力於寔用矣然信心而不求中甘泉子曰格物者至其理也知行並進隨處體認天理至之而已矣是知言明善矣知求中而不信心矣然不以至善爲事物當然之極而謂爲吾心中正之體人心未必皆中正

也亦歸於信心而已矣蓋昔者聖人既竭目力焉制宮室以奠民居制冠裳以文人體制稼穡以養人腹制舟車以利人行制干戈曆法以經天導川畫野以緯地範金合土斲木以利器嘗草木金石之劑以制醫而天下之人能備矣傳是以教者謂之師效是以覺其事謂之學其能傳能學也固人之良知也謂天下之人率其良知而可以自能其事則天下之妄言也聖人既竭耳力焉審清濁以辨五聲定高下以制十二律備八音以極旋宮之變而天下之和氣宣矣是聖人之能事也傳是以教人者謂之師效是以覺其事謂之學夫其能傳能學也又人之良知也謂天下之人率其良知而可以自能其事又天下之妄言也聖人既竭心思焉通乎天人之故而知曰命曰性至精而不可遁也曰道曰德至純而不可瑕也其設中于心也則定靜虛明以立性之體其執中於事也則盡已盡人盡物以達情之用是故通神明之德類萬物之情于是乎造為典謨為訓誥為禮樂文章以化成天下使天下後世之修身齊家治國平天下者皆由是取法焉若是尤聖人之能事也傳是以教人者謂之師效是以覺其道謂之學夫其能傳能學也

維園源流錄

卷十

十一

葉象堂

亦人之良知也謂天下之人率其良知不窮理而可以自能尤天下之妄言也夫人心之良莫不有知但所謂良知者不中而不全耳夸惠雖聖君子不由楊墨雖賢君子所惡謂其不中也仲子知廉而不知孝王祥知孝而不知忠謂其不全也今日良知即聖也吾心之中正即天理也徒使人猖狂妄誕亂德迷心而已耳且夫六經之言學自說命始而言知行者亦自說命始傳說曰人求多聞時惟建事學于古訓乃有獲夫求多聞者於古訓而學之也以建事而有獲者得至善之理也則多聞在建事之先矣又曰非知之艱行之惟艱言君子行之為貴而徒知不足以為行也知行雖有輕重而先後之序又明矣故大舜之言曰稽于衆舍己從人惟帝時克其戒禹曰無稽之言勿聽弗詢之謀勿庸夫堯舜禹天下之大聖也而必稽衆必舍己必不可以弗稽弗詢者誠不敢信一己之聰明而壞天下之中正也夫然後道備全美允執厥中而可以為天下後世法今之言曰人心自有良知也聞見知之次也求理於萬物是義外也是蹈襲也則堯舜之稽詢傳說之多聞學古非歟他所作誠意原正心原修身原諸篇間有語疵故不錄大經

維園源流錄

卷十

十一

葉象堂

既遠詣于朱學殊自喜以爲繼在開來在已也念時無知者會羅文莊欽順著困知記闢王湛甚力辨心性之異以爲是儒與禪之所從分與大經說適合則大喜亟走書陳所學正之然羅公名德碩望方志時學好招徠引取峻自防檢不輕有容接而大經未一面輒以書辭文幅尺過倭沮抑之乃大失望走南都謁黃祭酒佐以稽中傳爲贊頗見容接亦不甚異也其後倭寇南浙聞天下洶洶益憂憤以爲是司兵者過則又條時務七事詣撫巡藩臬獻之竟不遇行詣越道中暘而李居恒矜莊好禮學潛谷鄧氏嘗與之游謂可與定禮而悲其性剛果詆近學太過以自取困蹟爲之立傳

唐音字希古南直武進人少多病父令棄儒業醫顧晝夜刻厲不肯廢書性狷介於義利大開辨之井然而絕不見圭角與從父荆川公同塾相勉學以朱子爲準的聞鄉先生毛古庵講學輒造其門又聞魏莊渠先生講學吳中往受業焉會領鄉薦當對公車竟謝不往以方專於學也讀書必反覆玩索推求古聖賢心於千載上卽兩先生言未愜于衷不強唯諾必明辨審思期於有得而後已後就雞澤令仁煦義決

雜聞源流錄

卷十

三

藥敘堂

務爲民恤力紆財未嘗以上官意指文法緩急爲向背趨舍在任二年請去者三一以上官議督民買馬一以上官爲要人建坊一以上官欲脫巨奸于獄卒行其志弗爲稍屈由是上官莫不愧避之矣一日督學使者至廣平集諸生于學宮謂之曰諸生何從學聖人乎學雞澤令卽是其見重于時若此尋以疾卒于官無以爲殮諸監司部使者賻之其子一磨循父志皆不受著有文集廿卷行于世

溫純字淑文陝西三原人嘉靖甲子解元乙丑進士隆慶朝爲給事中屢上直言時高新鄭當國出爲外藩告歸及萬曆初起官太常卿復與張江陵相左告歸建學一草堂引名士講關閩之學因自號一齋江陵沒起復晉理卿累遷至總憲抗疏諫礦稅不報遂約諸大臣伏闕泣諫上震怒問誰倡者對曰臣純也神廟爲之霽顏妖書事起給事錢夢阜受沈四明指欲陷少宗伯郭正域正域先以楚事去官而或誣沈歸德匿之事叵測淑文力白其誣且言楚宗無反狀守臣文致之以爲楚王地耳時淑文奉命掌內計竟斥夢阜而調鍾兆斗于外皆四明私人也二臣尋被中旨留用廷論譁之二臣乃借楚事訐奏以自解于

雜聞源流錄

卷十

三

藥敘堂

是少宰賀燦然兩拜之淑文致仕歸前後三忤執政大節攷然

王之士字欲立陝西藍田人父旌官代邸教授明理學有語錄藏于家欲立幼承庭訓七八歲即知學教授公授之毛詩二南輒解為諸弟妹誦之長治大戴禮兼通易為諸生有文名嘉靖戊午舉於鄉累試春官不第幡然改日所性分定聖道遠人乎哉一曲經生華藻奚為遂屏去帖括潛心理窟毅然以道學自任為養心圖定氣說書之坐右閉關不出者九年蒿

林蠲尚友千古行已必恭與人必敬飲食必祭必

誠兢兢遵守孔氏家法一時學者以為藍田呂氏復出感慕執經者履滿戶外又謂居鄉不能善俗如先正和叔何乃立鄉約為十二會赴會者百餘人設科勸糾身先不倦諸灑掃應對冠昏喪祭禮久廢每率諸宗族弟子一一敦行之於是藍田美俗復興萬曆甲戌病痺屢哭毋過哀步履愈艱終喪而聞道之心愈篤謂非博取遠游終難進道會仲子守亦與計偕已卯遂復如京是時欲立已久謝公車第日與諸同志講學都門之蕭寺崇正闢邪力肩斯道即時貴或談及一氏輒正色拒之不少假既而假道鄒魯瞻關

里徧拜先師及諸賢祠墓久之始歸由是秦關之名動海內秦關其自號也歲乙酉德清許敬庵先生督學關中會講正學書院故與欲立稱同志友因禮徵至院為秦士式秦士莫不興起復南遊講學出武關浮江漢而下迂道江右會南昌章子潢新城鄧子元錫廣信衢州楊子時喬殷子士望又東渡湖水見許先生于德清東南學者多從之游生平篤于倫理丁內外艱毀幾滅性處兄弟怡怡未五旬失偶鰥居終身其於世俗聲色嗜好一切漠然性不事家而好施喜活人或謂貧所濟幾何則曰吾盡吾心力耳置祠

祭墓祭二田為宗族置義田義倉即計畝無多寔貧士所難居恒晦迹却掃郡邑以幣交未嘗苟受輕謁至于訪道求友雖跋涉間關數千里亦不憚遠已丑

秋二子宗容念父疾客久肅迎歸庚寅八月卒于家年六十三先是南司成趙公用賢柱史王公以道相繼論薦趙疏海中三逸謂新城鄧元錫安福劉元卿及之士也請如近王敬臣故事授以京秩下廷議具履詔授國子監博士除日至卒四越月矣所著有理學緒言信學私言大易圖象卷道學考源錄易傳詩傳正世要言正俗鄉約正學筌蹄闕里瞻思關雒集

京途集南遊稿所述有先師遺訓先君遺訓四大家
要言性理類言續孟錄並行於世

章潢字本清江西南昌人操履純白學問淵淡早失

母事父盡孝待弟盡愛感激弟婦樊氏亦成節婦與

嫡母相依茹苦孝友貞節萃于一門萬曆壬辰聘主

白鹿洞書院有為學次第八條以教學者時論僂之

胡敬齋云與新城鄧元錫安福劉元卿並號江右三

士關中王之士敬訪之結交而去南昌守臣范涑特

疏薦以為徐穉之侶乞賜登擢上可其奏下詔徵焉

著有手錄圖書編四卷凡天文地理人事禮樂刑政

雜聞源流錄

卷十

七

藥教堂

邊防河道以及兵機曆數巨細畢具又著大中本言

周易象義春秋測義皆獨抒心得學者稱斗津先生

愚按江右三士潛谷學最正斗津次之若涑滿則

純于王學也當時諸儒之學難遠強同人亦兼收

之有如此斗津嘗謂心學之謬曰學不本諸身心

性命而祇尚記誦博洽以相高者無足論也然仲

尼至聖論韋編三絕好古敏求四教四科未嘗廢

文學也故說命曰學于古訓乃有獲凡六經四書

孰非古先聖賢之遺訓乎近之談學者棄在聖之

典蹟歸宋儒之成憲一切師心自用游談無根自

任穎悟頓修標宗門謂能使不識一字之凡夫

立跡聖位不曰學藝以上何書可讀則曰六經乃

吾心之註脚而謂其教者以見心術也奈何

中正純粹之歸故即其文詞可以見心術也奈何

神心學者每每遺棄人倫結侶方外或卑提直指

或一意雙修所習者寂靜功所證者真詮內典

欲混三教而一之其實視吾聖門典籍不啻糟粕

而土直之矣雖然經書自在也志格致之學者惟

莊誦聖經賢傳而抽繹玩味之學乎論世而由

友多識以蓄德則所徵不差所信愈篤凡一切非

聖之者皆得而惑之哉今夫窮經不特可適用也

實為明體之證學古不特可入官也實為入聖之

資是窮理多端而惟窮經為尤要苟曰不然試觀

千古曾有不明經典之聖賢哉潛谷則又謂言曰

王文成一出雖初學者皆覺然有輕朱之心其雄

傑者自以玄解捷徑超然獨得寔沿文成之習而

忘其所由來一毫初非自得也文成有詩云影響

尚疑朱仲晦支離蓋作鄭康成躡躑于朱加以影

響二字排詆已甚至此其弊于楊墨會見連守矩

獲之士反蹈無父無君之罪乎又云溺于見聞導

奸滋偽吾觀陽明門下與今百年流弊則口舌機

鋒而踐履多慚者往往有之若伊川晦翁之徒或

有拘守矜莊之過正無奸偽之弊也先生存日曾

覺門弟子有空談玄悟病端頗為致戒適以此遇

濂前賢殊非前賢所應受則無乃微快勝心良知

猶有或掩之慮與于偶唱和以掃謂無伊周之

澤有亦吾身犯之功謂之異端則不敢謂之正學

又未安皇明書列薛文清輩為道學別王門為心

雜聞源流錄

卷十

七

藥教堂

鄧元錫字汝極江西新城人生而穎特甫五齡塾師

試以偶句云步武有人當道可翻桓典馬立應曰惜

陰自我及時須著祖生鞭自是志廣莫羈喜博觀羣

簪比十五父南山翁疾革拊之曰吾將逝矣兒幼志

未定學業其弗克終乎汝極聞言潸然淚下跪前拜

復誓必成父志及父卒哀毀幾滅生杖而後能起時

大母及母愛獨至汝極出而講業入則侍養無少曠

年十九游邑庠會近溪羅公倡陽明之學於邑之僂居聆講者數時復往吉州謁諸老先生求證此學嘉靖乙卯領江西鄉薦第三念太母春秋高因輟北上之轍邑令具路資勸駕謝不受復走吉州就學於東廓鄒公鄒公手書曰發育峻極皆從三千三百克拓三千三百皆從戒懼心體流出辛酉冬太母強命應試始游京師與高安傅愚齋陝西王秦關相切劘時心宗盛行謂學惟無覺一覺無餘蘊九思九容四教六藝皆桎梏也汝極獨憂之謂九容不修是無身也九思不慎是無心也日早起羣諸生靜坐令收攝放心至食辰次第問當下心體如何及門彬彬各有造辛未撤所居室為先祠春秋率族眾詣祠舉禮日有參朔望有祭忌有饗修義田以供祭祀倣古社倉法以資鄉民壬申承太母憂水漿不入口者三日居喪一循古禮不用浮屠居聖室既葬廬墓三年甲戌母復卒居喪如喪太母時丁丑三禮編注釋及函史上編尚書毛詩釋春秋通成稚川王公見而歎曰天人古今之統一以貫之矣序而鐫行之名曰潛學稿戊寅釋易于廩山已卯五經釋及函史下編成時敬庵許公為郡守命五邑士就學復延至盱與論學甚契

維閩源流錄

卷十

七

葉敬堂

至以程伊川目之戊子南昌郡守范涑列其學行與南昌章潢安福劉元卿並薦于朝已而南監祭酒趙用賢請徵元錫如崇仁新會故事旨下吏部檄藩司起送部試有司臨門者再汝極乞養病未起已丑貴州侍御少拙王公奏曰如鄧元錫欲其起送部試此進賢致慎於其始甚遠慮也但臣聞孟軻有云大有為之君必有不召之臣如鄧元錫劉元卿未可以爵祿常例引致者也吏部奉旨問病痊命起送如初汝極復具疏辭時年六十餘矣壬辰直指秦公再題請吏部具復上遂以翰林院待詔徵之汝極念上以官召當扶病走中途具疏以請乃抵僂山辭太母墓而後行即日與丘厚山及諸友論學竟日臨夜作書及格物說復敬庵許公忽疾作惺然兀坐炯炯自覺歎然無復餘羨明日力疾草疏謝上併答郡守路公書語不及他恬然而逝萬曆癸巳七月十四日也年六十五汝極為人嚴毅超卓明敏博雅篤孝疏榮始終高尚巍然以其學砥立於堤潰瀾翻之會是難能也已晚自號潛谷既卒學者私謚為文統先生東桓字子威南直丹陽人隆慶戊辰貢士授寧州判州迫洞蠻乃身歷其地戒毋剽掠賊咸戢服守將俸

維閩源流錄

卷十

七

葉敬堂

功請勦爲力爭于督府督府已聽前議以會勦上聞
又心折于威之言別疏請罷兵而移罪有司悉左調
子威亦調膠州兩視高密卽墨篆數會諸生講學不
追逋賦上官檄索無礙錢糧申稱賦役有成書徵收
有實冊安所得無礙者雖報可而心鄙之卒罷歸時
丹徒殷德遠士望居曲阿月與爲會其論學以孝爭
求仁爲本敦樸存誠爲務興起後生至老不倦學者
稱懷玉先生而德遠以孝行超貢三任學博其所循
則龍溪近溪之緒也門人任光祖最知名有希顏手
抄藏于家

雒陽源流錄

卷十

主

彙敘堂

朱鴻謨字文甫山東青州人生有至性五歲喪母哭
極哀十五補郡庠督學穎泉鄒公奇其文延入衙齋
讀書會奉詔考拔貢心屬之屆期不至後問故對曰
某終不以師愛我而奪先輩名隆慶庚午舉鄉試第
二辛未成進士除吉安府推官以最擢南道御史方
兩月間江陵不奔喪杖諸言者於廷杜門不飲食淚
漉漉下草疏申救江陵欲逮之中解以嚴旨勒回籍
遂隱于朱家莊日與馮孝廉受甫講析天人經史之
蘊諸當道名人不得一望顏色居七年詔起故官巡
按江西雅勵風軌然持大體戊巳間歲稔疏請蠲積

逋減窳額俱獲允行晉光祿少卿轉太僕以會議與
重臣忤拂衣歸既而起大理少卿擢僉都御史提督
操江巡撫應天時倭事告警當事者多屑越帑藏爲
備倭計文甫獨命守要害飭兵器戢奸徒不妄支一
錢曰吾安能以未至之倭憊久安之赤子乎久之倭
寂然吳民不困召爲刑部右侍郎守法公平推少宰
又推少司馬不果用歲戊戌卒貧不能具棺殮諸大
僚贖金共助之其爲學一主於誠處屋漏儼對大廷
待公卿至走卒無飾詞尊謙維關閩矩矱如護要領
視世之新學操戈入室恨不屏逐之曰此亂吾道者

雒陽源流錄

卷十

主

彙敘堂

嘗與其門士鄒爾瞻譚輒動色相戒曰吾生卒於此
理校勘得淡吾心不動久矣子無爲所惑蓋重箴之
也爾瞻不覺下拜初中會試出趙文懿之門於文懿
論國本及救郭侍御皆密有奏記而不欲以文懿顯
名及既沒始有得其稿者善不近名學惟慊已若此
受甫稱之曰篤行似呂涇野清介似孟我疆風節似
楊斛山經濟似劉忠宣云
范涑字原易南直休寧人萬曆甲戌進士授南城知
縣行取爲南刑部主事歷南戶部郎中出守南昌累
遷浙江按察使轉右藩再轉福建左藩素持清節不

乏擔當歷任中外孤介寡合翩翩自成一家雅尚理學在南昌疏薦鄧元錫章潢劉元卿三士乞賜登擢上可其奏嘗作休寧理學先賢傳於宋取程文簡大昌吳文肅傲程勿齋若庸於元取陳定宇樸倪道川士毅於明取朱楓林升趙東山沔范雲溪準汪仁峰循共九人而黜程篁墩敏政論者稱其綜核嚴正所著有范子咤言晞陽文集及朱子語錄纂述行於世

呂坤字叔簡河南寧陵人萬曆甲戌舉會試繇吏部郎累遷右僉都御史巡撫山西謂巡撫之職在乎安養斯民乃民生不輯吏治不減也吏治不減注考失實也因申嚴薦舉連坐法一時吏畏民懷境內大治召為刑部侍郎多所平反會天道多災變上疏力陳弊政累累數千言內言廢弛壅蔽之患有曰祖宗以來有一日三朝者有一日一朝者蓋一人勵精則萬事嚴肅誰敢興邪起妄陛下不視朝久矣人心之懈弛極矣奸邪之窺伺熟矣且章奏強半留中萬一有國家大事邀截實封揚言於外曰留中矣外人知之乎萬一有詐傳詔旨匿不封還揚言於外曰進繳矣陛下知之乎臣望自今以後留中章奏每月御前發未覽揭帖一紙內開某者未批下會極門轉發各司

雜聞源流錄

卷十

幸

彙錄堂

備照庶君臣雖不面談上下猶無欺蔽而作奸之人心收矣神祖得疏雖未即行而心亦感動時鄭貴妃擅寵叔簡刻閨範四冊以諷之其書傳布漸廣戚咤鄭承恩復刻閨範圖說實不相關而科臣戴士衡者指為逢迎希冀叔簡因疏辨曰昔漢劉向作列女傳以獻成帝歎賞臣之閨範前迹經傳後列貞淑體係劉向意本關唯臣若有所希冀自可明白進呈何所回護而犯此危險之途乎上溫答謂此不必辨其後造妖書者尚借以為發端然列女傳之作寓刺飛燕今叔簡疏稱體係劉向其為規切而非逢迎固章章矣叔簡既被謗屢疏告歸閉門著述若理欲生長極至之圖身家衰盛循環之圖及筮仕要訣刑戒三十

七條慎罰十六條之類名目甚多而呻吟語一編尤為人所傳誦學者稱新吾先生

崇禎甲申三月朱公之馬列難宜府遺書云吾弟吾兄讀書須讀經世書哈囉之學無用也呂新吾先生呻吟語不可不讀我以死報國家此心慷慨朝聞夕死原無二也勿以為念觀此則知忠莊之服膺先生至矣

余啟元字伯貞南直婺源人沉靜端方而負表微繼絕之志隆慶丁卯領鄉薦萬曆甲戌成進士初授內黃令性至孝聞母寢疾告養馳歸踰井調楚闕斷事攝篆嘉魚著廉能聲擢令臨城會有敝畝新役不欲

雜聞源流錄

卷十

幸

彙錄堂


以無故紛擾苦百姓置不報時江陵相方鋤異已者
 邨之改霸州學正適丁外艱家居十五載談道緝書
 無意再出甲午起武定州學正擢國博轉司徒郎奉
 璽書監豫章漕兌罷虛耗四十萬石漕政一新尋督
 易州糧儲以清操第一擢拜光祿丞轉少卿不阿中
 貴槩破前例中貢憚不敢犯後代者欲踵其行事中
 貴羣咻之曰汝能做余少卿耶彼不食光祿魚不飲
 光祿水者也旋晉南大理丞兼攝數篆皆舉其職署
 南儲急收發省訟牒嚴郵符搜宿蠹所餘廩贖毫釐
 存帑每日惟支堂厨錢十數文煮茗消渴而已時南
 雜閩源流錄 卷十 徐三 重 圭 彙敘堂

都謠曰誰言南儲如山積余公十文買水喫遷大鴻
 臚改太常卿疏乞骸骨四上乃允詔晉大理寺卿致
 仕蓋身都九列而家無擔石年過耄耋而不輟講習
 朝野咸宗仰之邑令劉潛嘗造第乞言語之曰明德
 爲新民之本寡欲爲清心之要潛歎曰紫陽今復生
 也卒年九十一性友愛與弟泰元歡洽無間沒之日
 仍孺與弟同壙學者稱大郭先生

徐三重字伯同南直青浦人祖父世有隱德伯同中
 萬曆甲戌會試越丁丑廷試二甲授刑部主事時政
 尚綜覈獨持平恕匡矯甚多部尚書嚴清知其詳慎

使掌封事每有疑獄必咨度焉是歲暑讞冤滯咸理
 及清位冢宰欲用之銓曹而伯同亟以疾請歸念父
 老遂致其仕依親以居曲致孝養父卒慟絕而蘇少
 故博洽工詩文謝病後一切弃去潛心性命之學以
 朱子爲宗操行端潔門庭肅穆坐無雜賓卒年七十
 八學者稱鴻洲先生所著有庸齋日記信古餘論屬
 景錄采芹錄鴻洲雜著徐氏家則諸編行于世

雜閩源流錄卷十 終
 雜閩源流錄 卷十 徐三 重 圭 彙敘堂



雒閩源流錄卷十一

無錫張夏纂

門人婺源黃

昌衡 技

蓋聞易象麗澤禮說居稽吾夫子憂學之不講故大學首格物格物則必先講習討論中庸豫明善明善則學問思辨固闕一不可也嘉隆以來偽徒周流異言塞耳縉紳則若大洲東溟匹夫則為山農心隱降而旁門至有為三教林子之書者其為邪妄宜不待明者始能辨而士大夫家炫新好奇多宗尚之孰啟之隙馴致此極歟不惟君子憂之不得已欲起而過其橫流即新學中之賢者亦淡

雒閩源流錄

卷十一

十

彙象堂

恐若輩累其師傳亟思有以救其流失竊謂當是時而必樹講學之幟不以躬行正口說非為已之學也顧其人誠能躬行矣而故避講學之名冀以默識息紛囂聽其自陷自溺又豈修道之教覺世之心哉且夫以新學之賢者救之何若以程朱之嫡傳救之彼新學辭窮而遁其言良知良猶善也而又曰無善無惡是相反也於是遁其辭曰惟其無善無不善所以為至善又曰無善而至善其言良知而遺良能固重知也又以反朱子之故而曰先行後知是相反也於是遁其辭曰知行合一即

知即行蓋始終比釋氏而口吻機鋒亦純似禪家以此云救何異抱薪救火自陽明祀垂二十年而東林興端文顧子首拈性善立教忠憲高子必從格物入手而大旨並歸于依庸其為會約一遵朱子白鹿洞成規令學者繇正路入正門不獨觀雒閩未散而虞庭教胄周家造士之法次第宛然蓋即自為講習而所以闢邪閑聖之意具是矣豈不大有功於道統也哉繇是前乎此而講學者必以東林為應求後乎此而講學者皆以東林為宗主雖有邪說不得作而長夜忽復旦故君子稱之曰

雒閩源流錄

卷十一

十一

彙象堂

天泉一證而無善無惡之說自此大行二泉一證而無善無惡之說自此漸熄邪說盛衰之機正學消長之會也然則東林片席挽雜還醇塞源拔本其在萬曆中亦猶竹林精舍之在乾道淳熙間乎況仕學一理朝野相扶沿及昌啟之際國是淆而復正璫毒逞而中銷惟東林是賴雖遭削迹伐檀之厄適獲正誼明道之仁何可少也厥後兩都告變仗節死義之士多出東林門牆益信顧高諸先生培養興起之功不可泯矣議者徒見明社為墟遂謂道學空言無裨國家實用夫不咎君相之不

明而反咎儒者之無濟何其舛也或更以門戶黨籍為嫌緣一二敗類依附貽羞併疑眾正謂明之東林難與濂雒關閩同科則宋人道命錄其所以為程朱案者先謗後誦殆有甚焉後視今猶今視昔天下萬世自有公論愚又安敢以口舌爭哉

顧憲成涇先生 顧允成 馮子咸 錢一本敬齋先生

陳幼學 于孔兼 史孟麟 王述古

薛敷教 孫纘宗 陸禹定 劉元珍

張納陛 馮應京何樓聖 安希范許世廟合 程汝繼

吳從周 吳正志

雒閩源流錄 卷十一 彙敘堂

顧憲成字叔時南直無錫人家於邑東之涇里故學者稱涇陽先生少貧好學夜讀嘗至達旦書壁間曰讀得孔書纔是樂縱居顏巷不為貧父南野翁諱學先生讀遇學字輒婉轉避之父諭止之益勉以學爰偕弟季時受業於薛方山先生年踰冠始補邑諸生萬曆丙子舉應天鄉試第一旋丁父憂庚辰舉進士授戶部主事與南樂魏允中漳浦劉廷蘭以道義相砥世號三解元江陵相病舉朝走禱先生不可同官代為署名亟馳騎齋壇手削去之壬午江陵歿調吏部尋以母壽告歸讀易春秋者三年丙戌起驗封司丁亥大計尚書何起鳴在

拾遺中因許總憲辛自修先生上疏謂言者與被言者各當自反奉旨切責降桂陽州判官戊子轉處州司理在任專務教化假差歸已丑居母喪辛卯起泉州壬辰大計舉廉靜寡慾天下司李第一擢考功主事時有詔三王並封首倡吏部四司上疏諍之且與太倉相反復辨論事得寢癸巳趙高邑南星司計盡黜諸要人戚屬先生實相左右進領選事每謂吾之觀人於尼聖得五案焉進有非刺之狂猶退無非刺之鄉愿一也大受小知二也眾好眾惡必察三也皆好不如善者之好皆惡不如不善者之惡四也觀過知仁五也又曰天下事君相同心方做得其次閣銓同心亦做得一半今皆無之止有巡撫提學可選擇而使若盡得人士習民生庶幾小補尋會推冢宰復推內閣忤執政意削籍歸而季時亦以建言謫光州判官歸先生積勞成疾越丙申丁酉始漸愈病中體究心性有得戊戌會吳中同志於二泉之上與管東溟氏辨無善無惡東溟之說三教一貫而實主佛學先生謂佛學三藏十二部五千四百八十卷一言以蔽之曰無善無惡觀七佛偈了然矣故取要提綱力剖四字又以辨四字于告子易辨四字於佛氏難以告子之見性處而佛氏之見性微也辨四字於佛氏

雒閩源流錄 卷十一 彙敘堂

五二三

易辨四字於陽明難在佛氏自立空宗在吾儒則陰壞實教也其言曰自古聖人教人爲善去惡而已爲善爲其固有也去惡去其本無也本體如是工夫如是其致一而已矣陽明豈不教人爲善去惡乎然既曰無善無惡矣又曰爲善去惡學者執其上一語自不得不忽下一語也於時同志北直趙公儕鶴江右鄒公南臯關中馮公少墟輩俱以正學相屬同郡則錢公啟新薛公純臺玄臺兄弟而同邑高公景逸與公弟季時尤朝夕切磋云錫故有東林書院宋時龜山楊先生栖止講學處後廢爲僧舍正德間邵二泉先生圖修復之別建城外雒陽源流錄 卷十一 五 彙敘堂

而故址卒未復至是甲辰春先生乃偕高公及葉閒適陳筠堂劉本孺安我素諸公聞於當路葺依庸堂爲講習之所前爲麗澤堂後爲燕居廟祀先師又其旁爲道南祠祀楊龜山先生附以羅豫章胡德輝喻玉泉尤遂初李小山蔣寔齋邵二泉七先生是冬吳越士友來會先生手著會約一遵考亭白鹿洞規要在躬修力踐嘗言講學自孔子始謂之講便容易落口耳一邊故先行後言慎言敏行之訓三致意焉季時卒先生哭之慟戊申詔起南光祿少卿先生曰仕宦寧退無進遂乞骸骨時朝論紛紜顧不忿於自明每謂高公曰吾黨持濂雒

關閩之清議勿持顧厨俊及之清議於世無所嗜好敝衣粗食蕭然几榻終日冥坐以小心各其齋嘗曰語本體只是性善二字語工夫只是小心二字壬子五月卒距生嘉靖庚戌年六十三先生之幼也塾師爲講孟子養心章前請曰竊以爲寡欲莫善於養心心爲主欲爲役主強則役退聽聞者皆異之蓋天頌也而以全力用之於學故不爲一切玄虛奇妙所惑居官雖未得究其用而與天子宰相爭是非者皆關國本廟謨晚年倡道東南引掖後學論者謂其有萬物一體氣象然於邪正義利之辨毫末不少差故其後啟禎末造東林中忠節輩出不減東京風俗之美者人亦歸首功於先生泰昌初贈太常寺卿未幾璫禍作目爲黨魁追奪封誥崇禎初卹贈吏部右侍郎謚端文所著有涇臯藏稿小心齋劄記大學通考還經錄証性編桑梓錄等書行於世孫樞弱冠領天啟辛酉鄉薦三副會榜著西疇日抄柄舉崇禎己卯鼎革後與從兄樞並謝公車課農讀書不入城市 東林會約飭四要破二惑崇九益屏九損文多不載其四要一曰知本略曰知本云何本者性也竊見邇時論學率以悟爲宗吾不得而非之也徐而察之往往有如所謂以親義序別信爲土苴以學問思辨行爲

桎梏一切藐而不事者則又不得而是之也識者憂其然思爲救正諄諄揭修之一路指點之良苦心矣而其論性則又多篤信無善無惡之一言至以爲告子直透性體引而合之孟子之性善焉不知彼其以親義序別信爲土苴以學問思辨行爲桎梏一切藐而不事者其源正自無善無不善之一言始而無善無不善之一言所以大張於天下者又自合之孟子之性善始也是故據見在之跡若失之於修究致病之源實失之於悟所謂認賊作子也今不治其源而治其流非特不治也又從而益滋之一邊禁遏一邊崇奉何異揚湯以止沸如

雜聞源流錄 卷十一 七 葉敬堂

是而猶致咎于流之不澄何異疾走而惡影必不得矣陽明先生曰無善無惡心之體有善有惡意之動知善知惡是良知爲善去惡是格物其立言豈不最精密哉而卒不免於弊何也本體工夫原來合一夫既無善無惡矣且得爲善去惡乎夫既爲善去惡矣且得無善無惡乎然則本體工夫一乎二乎將無自相矛盾耶無善無惡之說仲則爲善去惡之說必屈尙可得而救正耶是故以性善爲宗上之則義堯周孔諸聖之所自出下之則周程諸儒之所自出也以無善無惡爲宗上之則曩聃二氏之所自出下之則無忌憚之中庸無非刺之

鄉愿所自出也不可不察也或曰告子曰性無善無不善專欲抹下一善字今日無善無惡是謂至善却乃拈上一善字其立言之指尙亦有不同乎曰固也惟是彼之於善也既妄意排擯以矯揉造作者當之而善之本相盡被埋沒此之於善也又過意描寫以渺茫恍惚者當之而善之本位竟爾虛懸竊恐均之不必有當於性體耳曰無善無不善塞孟子之性善者也孟子之操懿也無善無惡是謂至善通孟子之性善者也孟子之毛鄭也槩而距之得無過乎曰岐無善無不善于性善一彼一此門戶各別孟子之所性猶在也混無善無不善於性善面目無改血脉潛移孟子之所性亡矣岐性善於無善無不善一是一非稍有識者類能言之告子之說猶不得重爲世道之害混性善於無善無不善呂贏共族牛馬同曹告子之說且居然竄入義堯周孔之宗矣論至於此與其混也寧其岐也

雜聞源流錄 卷十一 八 葉敬堂

高存之曰先生之學性學也遠宗孔孟不象二氏近契元公確遵雜聞又曰先生自甲午以來見理愈微見事愈卓克養愈粹應物愈密從善如流從義如鶩殆幾於無我矣愚按溪陽先生大道爲公方信教東林尊賢容衆嘉善於不能於凡當世之附湯王學者皆欲徐徐誘進之故既辨無善無惡四字立宗之謬又因會約發知本條併闕見羅塘南諸家無善無惡是謂至善遷變牽合之非可謂至矣盡矣而不欲悉泯其功密有言曰程朱沒而記誦詞章之習熾矣所以使天下知有自心自性之當返而求者王文成也一匡天下民到於今受其賜文成其庶

幾乎竊謂斯言也針砭之微詞非駢語之俗論也且先生不自為贊而借引孔子稱管仲語者此正以霸儒目文成耳謂先生真許文成謂孔子亦真仁管仲乎昔孔子先小管仲之器次稱管仲之仁二語原不相背先生之褒貶文成亦然學者勿泥其詞而失其意斯可矣高先生有陽明說辨四首亦因辨無善無惡而推廣之者顧高無二學獨疑其於陽明有異議可乎哉

顧允成字季時南直無錫人憲成嫡弟也生有慧質頗好弄已稟師教幡然好學語其兄曰弟不學恐傷兩大人心中萬曆癸未中會試丙戌就殿試時新冊鄭貴妃季時射策數千言以內寵將盛羣小將逞為憂讀卷者驚怖而殿之會南京右都御史海公瑞為御史房寰所詆因與同榜進士彭尊古諸壽賢合疏數劾寰源流錄 卷十一 九 彙敘堂 其欺妄之罪削籍歸戊子薦起南康教授以母老致仕後再起保定教授累遷禮部儀制司主事有詔並封三王與諸曹郎岳元聲張納陞等合疏爭之謂臣寧死不忍見此舉動負祖宗二百年養士恩於地下語極激烈已而趙考功南星司內計盡公不撓忤執政被斥又與同官抗疏極諫謫光州判官先是薛進士敷教以阻塞言路劾吳時來耿定向二憲長內閣許文穆公至以貢舉非人自劾季時方里居上書力辨兵部沈思季讀而歎曰夫夫義理中鎮惡文章中辟邪也至是士論益壯之歸從叔兄講學東林持論

淡惡鄉愿嘗以狂狷自許叔時先生進之以中行對曰世之中行夫子之鄉愿也每其兄渾涵脫化處輒以毅然持之辨畢仍怡怡無間或方之二程云嘗歎今之講學者在縉紳只明哲保身一句在布衣只傳食諸侯一句又曰世態易陷人學術易誤人一日讀朱子集有曰海內學術之弊只有兩端江西頓悟永康事功因歎息謂此弊於今尤甚昔分爲二今且合爲一矣又嘗曰吾輩發念舉事須於太極上有分若但跟陰陽五行行走便不濟事或疑其拘季時曰若大本大原見得透自然四通八達誰能拘之若於此糊塗便欲融通和會幾何不墮坑落塹慎勿草草開此一路誤天下蒼生時以為名言持身端嚴不以私徇人人亦不敢于以私其謫光州當路為假差歸前後檄致積俸可千金堅卻不受曰吾敢以在假尸祿乎卒年五十四學者稱涇凡先生崇禎初贈尚寶丞所著有季時二大辨及小辨齋偶存行於世子與演貢士以端厚稱 馮子咸字受甫山東臨朐人萬曆癸酉領鄉薦再試不第退隱於冶水之上以紹明道統為已任讀書力辨以終其身初聞濂雒之學於外父龔端恪公斷以

雜園源流錄

卷十一

九

彙敘堂

雜園源流錄

卷十一

十

彙敘堂

聖賢必可爲以莊敬自持一切積習力祛之世俗所共趨力矯之曰勿自廣大爲開闊勿自放恣爲洒落尺寸寸而已世以爲拘吾無恤焉讀書于宋莊時靜坐久之自得曰道在是乎其大旨在於識心體而涵養之以推及於視身應務皆設誠而致行少失怙事母甚孝母病食不知味寢不解帶逾年卒哀毀骨立泣盡繼以血居常歎俗失化敗始於禮亡欲酌古今纂爲禮書推行宜自宗族始修家廟定祭儀立族約設好會名曰敦睦曰凡我兄弟無相遠也以傳之子孫世世春秋無使廢祀事兄長極恭撫弟姪族

雒陽源流錄

卷十一

十一

十一

義敘堂

人不然卽爲所化矣平居論學以程朱爲歸見近時喜談佛老雖舉一世從之不謂是也而其所宗以爲真是者雖百折不易也自號本軒卒年四十九友人鍾叔濂稱其貞不絕俗隱不肆志私謚爲貞靜先生所著有日進劄記自警詩錄耕餘筆談讀禮抄藏于家

雒陽源流錄

卷十一

十一

十一

義敘堂

做生平無他玩好獨潛心於六經濂雜諸書下至天文地理無不披究而尤研精易學嘗言易者象也象也者像也易有太極是生兩儀聖人首以乾坤兩畫為人儀合天地雷風水火山澤為人像而教人之實體是像不參不兩不可以為像即不可以為人皇義立象盡意不待有辭文周繫辭明像即辭即象後世得辭遺象非其辭得象失像非其象夫惟繇辭得象而後無懸空說理之病知象為像而後有神明默成之學於是作像象管見又言古今以易名家者殆數千百人隨讀隨抄凡河雜圖書陰陽造化方圓分合通知晝夜全體心天以至

雜圖源流錄 卷十一 雜錄 圭 彙錄堂

十二月三十四宮六十四卦皆列圖而繫以說庶幾參互考訂可以窺無像之象於是作像抄續抄又曰高皇帝止重儒教而異端邪說推尊釋老且欲駕二氏於吾儒之上悖矣乃直揭儒道如日中天類取古今儒學正脉別為二等迺自伏羲神農黃帝堯舜禹湯文武周公孔孟至程朱而止定為宗統作源編其餘漢唐宋諸儒訖于有明從祀四君子則以為如正之有閏作滙編又曰黽者勉也德可勉而修行可勉而至學可勉而克義可勉而奮愚勉而智弱勉而強賢勉而益賢聖勉而益聖於是作黽記他如以書九疇數衍為四千六百八爻

有辭有象占驗吉凶為範衍手錄時政大要為邸抄皆有碑世教萬曆癸丑冬門人吳桂森邀過東林講易匝月而竟易道明焉先生與高公攀龍葉公茂才鄒公期楨錢公學禮及桂森輩同賦詩記事嘗倡里中同壽同善二會勸後生學發乎至誠規人過若恐傷之意向稍善百端誘進有急難必悉力救之獲全乃已所謂以乾坤二體為量以經傳格言為律以宋儒行誼為標者也

雜圖源流錄 卷十一 雜錄 圭 彙錄堂

陳幼學字志行南直無錫人少貧力學於書靡不窺尤好紫陽綱目萬曆癸酉計偕至京江陵相聞其名以厚幣邀致左塾修其世譜拒弗應已丑成進士令確山歷中牟並有尸祝召為刑部主事郵囚畿內平反至三百餘人出守湖州惠威兼著去後數十年湖民稱述善政猶感泣不已自湖還按察副使予告歸最後徵光祿卿再轉太常卿俱不起官刑曹時有恣為新說以攻紫陽者刻四書集註刪正流染耳目人多惑之志行抗疏斥其非得旨禁飭手著正刪正以開之人始知紫陽之不可叛及歸林間偕諸賢游嚴

辨不輟見吳人又有為罪知錄以摘謬宋儒者復著
罪罪知一書與前編並行崇正關邪之志至老彌篤
癸丑冬毘陵啟新錢公談易東林志行善其說遂歸
自研勒擬成周易管窺與相質曰吾雖八十老人誠
自樂此不為疲也竟以此成疾得半稿而終年八十
四學者稱筠堂先生所著有欽恤題稿治湖實政救
荒全書三方臆斷禮樂考芸堂日錄續錄等書行于
世子正卿字並漁敦孝讓飭廉隅早與鄉薦高尚不
仕崇禎甲申春憂天下饑亂指其困語家人曰吾欲
以此賑眾則病不給欲自食之則不忍獨飽奈何從

雒陽源流錄

卷十一

五

葉敘堂

此絕粒每日噉三棗下以白湯遞減至一棗居八日

而卒愚嘗見嚴嵩鈴山堂集前刻諸家諛詞其佞人
無論文人亦不足淡責乃崔統趙貞吉作序文
呂柟洪若水穆孔暉歐陽德四子題像贊皆當世
儒者也呼此應酬之累非黨附之案也昔劉靜修
題李密陳情表云若將文字論心術恐有無邊受
屈人謂少仕偽朝之語原作荒朝晉人改之以入
史耳今鈴山堂序贊或時人假托或嚴氏潤色皆
未可知即使果真而諸儒自有生平本未嘗以一
青掩也哉然君子於此雖曲原之未嘗不淡惜之
若吾鄉邵文莊提學江西不為宸濠題書書陳太
帝與計借時即拒江陵修譜之
招洵白璧無瑕可師可法也已

于孔兼字元時南直金壇人自少事大父父母及其昆
季孝友備至中萬曆庚辰進士授九江府推官擢禮部
主事累遷儀制郎中磨勘戊子試錄疏發其可疑者數

人皆當路子駁都御史吳時來不當謚忠恪得旨奪謚
朝貴咸目憚之既而累疏爭三王並封議議竟寢及疏
救考功郎趙南星語益侵閣臣遂落職調安吉州判元
時一心浙卽投牒歸就邑西郊建志矩堂築八卦亭借
士友講肄其中而時過荆溪至錫山與於東林講席其
論學一軌程朱諸新說與舊相整者塞耳不欲聞嘗曰
學在不事空言無求頓悟惟下學上達躬行君子是儒
門真傳其訓子曰士君子能於羣譏眾詆時立得脚定
纔見堅貞能於尊官厚祿時回得頭早纔見知幾能於
主少國疑時看得命輕纔見節槩能於從容談笑時解

雒陽源流錄

卷十一

五

葉敘堂

得急難纔見才識能於淡泊冷寂時無飲想心纔見志
趣能於風波震撼時無驚恐心纔見器度汝曹識之當
沈四明一貫以妖書加害沈歸德鯉極力周旋得脫于
禍人高其誼自解官歸講學之暇營梵川與其弟潤甫
營雲林皆擅水木臺池之勝中車擢舟追逐雲月若未
嘗有牽連左官之累優游二十年以壽終學者稱景素
先生嘗纂願學齋十先生述語薛瑄曹端吳與弼胡居
仁陳獻章蔡清徐問魏
校呂柟尤時熙
是謂十先生蓋擇近儒之醇者其弁序斥王學為霸
儒置不錄別著春曹書疏及文集行於世光宗立特贈
光祿寺少卿諭祭其墓仲子玉瑞字信甫性至孝父歿

遵遺命以布袍殮終身不衣一帛手錄宋明諸儒書至七十餘不倦崇禎末巡按御史奏旌之

史孟麟字際明南直宜興人九歲能屬文長益砥志于理學成萬曆癸未進士選庶常授工科給事中知無不言丙戌皇三子生有詔封母鄭皇貴妃草疏論其不可草具偶示同鄉姜公士昌姜袖而歸署其名以上一時羣臣連起諍之章凡數十上俱被譴謫而鄭亦止稱貴妃論者稱姜翼儲首功而不知疏之出際明手也癸巳有旨三王並封內閣業擬諭以進乃同水部郎岳公元聲率省部諸僚大聲疾呼涕于邸

惟閣源流錄 卷十一 七 彙敘堂

沸于朝疏既數十上際明更綜集羣篇彙括體要為條議答問奏之大指謂中宮無待嫡之條元子無封王之例又曰有嫡立嫡不聞無嫡而待嫡無嫡立長不聞有長而虛長其詞委折詳覈俾難者無復置辨繇是並封議寢震位旋定顧政府益鄙之會際明有疏劾中貴遂擬旨予杖聞之已易囚服趨朝待命賴上知其忠有密諭終不譴言官以快近習旨竟留中既而疏救選郎趙公南星與朝議忤遂相繼稱疾歸時不識高邑一而後並出山始交善尋掌吏垣並佐察典所排擊多強貴人咸側目高邑因奉旨褫削際

明復疏救亦免歸外艱闋晉太常少卿再丁內艱服闋不補久之特起太常少卿提督四譯館初御史劉

光復嘗指斥東林又抨所交淮撫李某及戊午挺擊變作光復廷諍下獄上怒叵測際明方奉差在途見邸報奮然抗疏請立皇太孫赦光復疏入被旨切責謫降運判光復得減死惟仲公是不計昔嫌人尤以為難前後林居三十年偕同志研求濂維宗旨既捐其世業就邑中創明道書院復游錫山師事涇陽顧公友事景逸高公出其貲復東林書院相與質疑送難要諸至當詳具所著語錄中生平學不禱禪至籌

惟閣源流錄 卷十一 六 彙敘堂

燈丙夜危坐澄懷雖老衲枯禪有所不及尤喜獎誘後進出其門者多為聞人病中矻矻著書聞國是紛紜淡切牛李朔蜀之憂後竟符所億人皆服其先見天啟初補大理丞晉太僕卿未赴卒贈禮部右侍郎賜祭墓學者祀之明道書院及道南祠稱玉池先生所著有明道附言亦為堂集併奏疏行於世王述古字信甫河南禹州人萬曆己丑進士三令劇邑遷刑部主事歷郎中值妖書獄起司寇受四明相指囑令誣坐郭正域以及沈歸德信甫正色曰若是則分宜江陵再見今日力持不可比會鞠無驗立具

1 卷一 36 子 廣多日 軍 合 書 第 4 反 E 句

疏送大理諸人刼之再四禍且不測怡然甘之卒不
易原疏一字疏上事得寢未幾又當楚藩之獄司寇
以華越謀害親王當論死郭正域主使宗室當如越
罪信甫徐語之曰果爾便欲駢戮數十宗室楚宗聞
之勢必戕殺撫按大亂之起誰則爲之司寇悟事得
再寢於後戕殺撫臣卒如所料甲辰出知常州守正
抑邪諸上官大璫率爲歛屈而與武進薛玄臺無錫
高景逸共論學居三年以艱歸起補保定晉山西副
使兵備陽和奉旨會議代藩廢長立幼事信甫言祖
宗定法有嫡立嫡無嫡立長代王內助張氏不得進
妾爲妃次子鼎莎不得改庶爲嫡且引嘉靖間秦府
事例雖已奉旨乞請旨改正汪中丞用其言代議遂
定捨酋物故請封事起五路要路無算不決者五年
矣信甫力請循往例毫不增減且忠順求婚兀慎擺
腰等曾求賞其情更切榘柄在我可操可縱何故倒
授于人時五路擁衆城下不懾制府動色相加不懾
同事者以貽誤邊疆相坐亦不懾既而忠順故卜會
款降人馮大梁以故亡去浮賞盡革諸使絕望乃帖
然受封往年用撫賞八千餘金今不及三百金敘功
晉按察使再晉右藩奉旨紀錄遇巡撫缺推用會中

雜聞源流錄

卷十一

九

彙敘堂

朝門戶相軋乙卯式士之錄至有云以六經亂天下
者信甫昌言排之坐是偃蹇除日卒于陽和初好天
文律曆之學後乃邃于道嘗曰四時行百物生默識
之義也默識章是聖人做不了事何有於我與堯舜
猶病意同又曰孟子夜氣是萬古求仁時候嘗舉六
經子史疏于四書之下名曰屑考別著有易筮律筮
曆筮等書行於世其卒也高忠憲爲作行狀未讚其
一言一動皆足垂世立教學者稱中嵩先生
薛敷教字以身南直武進人爲諸生時巡撫海忠介
公卽以忠義士目之每從大父方山公閱邸報憤時
事口毗欲裂萬曆己丑登進士方觀政部中會御史
王藩臣上疏不白憲長吳時來耿定向交叅之以身
曰是欲爲執政符天下口也抗疏爭之甚力有金陵
曲學平津險陂之語勒令回籍歸三載薦起鳳翔教
授尋遷國子助教有詔並封三王具疏力諫復貽太
倉相書有東門黃犬追悔已遲之語太倉恚甚然並
封事遂得寢未幾趙高邑司計事被逐復抗疏申救
謫光州學正與多士砥德礪業一以道義相成州人
負沉寃者往往赴愬焉所全活甚多迨其沒後光人
建特祠于黃官祀之歸從東林講學痛自刻厲后永

雜聞源流錄

卷十一

十

彙敘堂

糲食有窮士所不堪者出入不假肩輿隨行祇一老蒼頭或見惡人望望而去併蒼頭亦失所在居喪不飲酒不食內服闋遂茹素終身中年婚嫁相續負郭殆盡或諷其稍通融于交際間以身從容謝曰少秉一節老而逾之辱殆有甚焉即親友問疾所餽藥餌亦稍嘗輒止不欲盡取也性至慈即蠕動不忍加害其於人則油油與偕雖遇俗客終不作分別觀獨耳目所及凶人必剪之而後已至於解人厄揚人善終日孜孜恒若不及嘗曰脚跟站定眼界放開靜躁濃淡間正人鬼分胎處又曰學苟不見性靈任是皦皦

維閩源流錄

卷十一

薛毅 孫績宗

壬

葉敬堂

不汗終歸一節又曰今人所以不講學者謂講學爲欺已欺人耳不知不講學者真能不自欺否吾謂機械變詐畢竟聞誠意之說而減靡麗紛華畢竟聞無求安飽之說而減自私自利之人畢竟聞天下一家之說而不至於十分損人害物講學何負于天下哉詩文援筆立成不事雕飾雖終身不用而望重朝野士游東林必問薛先生安在所著有浮弋集泉上雜語續憲章錄等書行於世學者稱玄臺先生私謚清端

孫績宗字克承南直婺源人向道甚蚤以聖人爲必

可學既壯造詣益深精研易理著有易說食餼於庠春秋高棄去求終養與弟友愛終身苗裔經學不習金穀年幾九十猶孳孳問學不厭代巡劉公按部至婺源敦禮而褒旌之既沒汪司徒登原弔之曰紫陽道脉誰爲後死嗚呼克承庶幾於此

陸禹定字吉甫南直嘉定人幼時見羣兒以泥塑孔子爲弄頓然曰孔聖人我師也豈可爲弄拱而拜之及長毅然以正人心挽衰俗爲已任父嘗病瘧九月思食桃吉甫繞樹求之忽得二枚母病目翳吉甫謂古人砥目日復明者多矣行之即效邑侯胡公聞其事召令一見吉甫以不見諸侯義也不在嗣後襲學

維閩源流錄

卷十一

陸禹定

壬

葉敬堂

論索書爲之書屬文與之文請見亦不在當萬曆末請於父欲以布衣獻書闕下未行嘔血數升期年而殞邑士嚴衍爲立傳門人掇其大行私謚曰孝簡先生所著有讀史隨筆二氏分合大指行於世劉元珍字伯先南直無錫人父完孺公領萬曆壬午鄉薦論績溪著教澤剛方清正爲時所宗伯先少失恃承庭訓惟謹弱冠成乙未進士歷兵部郎中乙巳大計四明相當國陰庇私人驅逐異己乃誣上盡復言官之黜者留疏不下人心憤甚莫敢發伯先抗

言乘成之人既假公以蒙上復挾威以箝下所關治亂安危非小併劾刑科錢夢臯頑鈍無耻狀疏入下九卿議四明與其黨經營百端謂不廷杖議不可息將杖之會雷震郊壇竿木上懼乃反杖旨削籍歸四明亦罷去當是時伯先直聲震天下皆曰不有此疏不成朝廷先在南曹劄築江浦城大有興革屢疏邊事中外畏之至是望益重歸十六年神祖遺詔起言事諸臣召為光祿卿值瀋陽喪沒舊贊畫劉國縉以招撫南四衛官民為名擁眾數萬入內投揭督餉侍郎令發天津登萊船南濟伯先復抗疏力破其奸謂

宜嚴內外之防固防禦之策國縉議乃寢年五十一卒於官家居從東林諸君子陳說經義有為怪誕之說者正色斥之曰毋亂我學脉尤惡掃名者謂此輩指吾黨好名以為口實其寔彼之不好名乃淡為決裂名教地耳平生慎取予重然諾嘗以孔門季路自任故護道甚力而嫉惡最嚴一佞人在其側喉間輒如物梗必吐之而後已當東林在鋒鏑中笑謂同志曰此吾輩一大鑪錘也宜各勉之所著有依庸絮語三畏堂素業湖畔逸農遺稿及文訣文衡等編或行於世或藏于家又嘗劄東林志稿高忠憲序之及卒

雒陽源流錄 卷十一 劉完 孟敬堂

忘憲為草行狀總其大都曰剛日明日忠日義學者稱本孺先生仲子明翰舉萬曆乙卯補中書舍人克定府講官甲申寇迫疏請太子出守南都廷議不決及燕京陷獨全節而歸有痛哭詩尋卒

書院也以明道也龜山先生期起於前涇陽顧先生繼起於後胡不介以乎若是有善脉在耳夫善合古今聖凡而一亦合順逆險易而一者何也善也茲脈從來遠矣自義畫剖訣厥中傳心已揭日月行中天孔子承之曰明善孟子承之曰性善善即脉也無善無脉也有宋諸儒通行茲脉而探河洛之源發紫陽之派者非龜山先生乎先生之言曰知仁則知心知心則知性又曰人性上不可添一物堯舜亦只是率性所謂率性循天理是也朱先生之言可見仁外無心理外無性即性即心是為善脈勝翁未夫于得其傳而謹守之雖以陸氏之學本于孟子而端緒稍殊輒危詞鉞死不少

假借誠恐擇善不精必至苟趨方便執善不固必至別出歧塗惟是因漸思防汲汲不容緩耳乃至今日而無善無惡之說且浸淫於人心夫象山先生直指當下未至離性善之宗朱夫子猶汲汲防之不至置說舉心體而繫之以無憑虛筴弄何所不至於是漸決而為山陰為野江甚而為姚安陽明先生豈虞其流弊至此而今人乃執告子已陳之芻狗為先生不磨之律令各為尊教而寔以陰濟其私此涇陽先生所為揚然懼也懼而思開其若修其本以勝之於是反而求之依庸者何即龜山先生所謂不可添一物者是先生特為拈出顯示蕩平正直之規陰折影誓荒唐之見期與同堂共識本心精求善脉以仰窺義淵中之秘此書院所由復講會所由興也或曰道學之為世也其正為其有善耳蓋少貶焉以混于無嗜嗜我固有人誰能去之去乎此而道義各節為貧疾且將入于彼而不道不義不名不節者乎其所不安者何也我固不道不義不名不節者乎其所不安者何也厭聞者朱夫子曰吾平生所學惟此四字及入對

雒陽源流錄 卷十一 劉完 孟敬堂

首以存理過欲為言迨至慶元黨禪樹矣此實盡
矣偽學之網極于彌天而柴中行應制獨自清司
云自幼習易讀程氏易傳未委是與不是偽學如
以為偽不願考校蓋前賢寧為時貶不肯自貶如
此今當無忌諱之朝崇理學之日家濂洛而人關
閩庶幾直尊荆榛淡入堂與留此如錢一脈常存
宇宙間所謂無古無今無凡無聖無順逆無險易
無在可容出入可容委棄者其在斯乎其在斯乎
志成漫為弁首以自鞭策矢無
負涇陽先生明善同人之旨

張納陛字以登南直宜興人生有夙慧甫四齡伯祖
書門字示之對曰門曰誰教爾曰形似無教者因以
米火等字指析其義亦隨對弗爽八歲習破題法值
臥懷中父指窓前月為題立應曰漏清光于暗室掛
玉兔於當天九歲攻詩及書翰十四郡守龍岡施公

雜聞源流錄 卷十一 彙敬堂

開龍城社奇其文拔應試十六王龍谿講學荆溪上
往聽之遂大感發自此尋師締友學日進萬曆戊子
己丑連中魁選廷試二甲回籍省母壬辰授刑部主
事尋調禮部癸巳春正月御札諭禮部並封三皇子
為王以登咤歎曰元子封王此國朝二百年來所未
有也借岳元聲顧允成合疏爭之復約同曹郎詣各
部卿懇各出疏上意動移札元輔元輔乃出三愧三
誤疏請勿王三皇子而請皇長子出閣讀書是役也
一舉而還內降扶震位人謂以登有回天力未幾以
論救趙考功南星再觸上怒斥為鄧州判一至請所

雜聞源流錄 卷十一 彙敬堂

給假歸杜門奉母日玩易不輟益以斯道自任既入
東林書院狎主講席復與同里史玉池吳徹如輩倡
立麗澤大會每歲與毘陵潤州輪舉切劘訂正務求
實益時姑蘇管東溟標三教合一之宗以登與折難
數百言管氏遂屈己酉八月疾將革日邀諸執友榻
前敘論惓惓以國事及兩郡大會為念不一及身後
事前一日索筆書知死知生何所畏懼八字付子元
鼎而手訣太母曰孀老矣復邀諸友環向坐以手書
至定二字語曰得正而斃徐斂手于胸作肅恭狀遂
逝年四十初筮仕刑曹適當典獄有點盜越獄逸實
在代事前一日例得分咎以登請獨當之曰失事在
某宜獨聽叅幸勿他及部堂壯之從輕議以是賢聲
遽起居鄉條上荆溪政要十二事當道重其言多見
施行其言學每以端本原敦寔行為主蓋純法程朱
一切虛談渺論厭弗屑也學者稱文石先生
馮應京字可太南直盱眙人才高學博早歲知名中
萬曆壬辰進士繇戶曹擢湖廣按察僉事在西楚率
紳士講行鄉約務以化民成俗心苦力勤值稅瑞陳
奉貪噬無厭先以好語諭之再嚴詰其狐鼠奉終弗
悛乃疏其違旨九事未得命竟為奉黨誣傷初僅降

謫楚士民有捐脰太府之門者有伏闕交章乞還原職者以數十萬計上愈怒逮訊下錦衣獄坐以擅殺中使罪禁錮八年日與同逮襄陽司李何棟如荊州司李華鉦講學論易參研于主靜窮理之間更詳考太祖制度而表章之時牢戶穢濕靈雨沒膝三人者皮而執卷意不知困甲辰上感天變放還里復冠帶以疾終學者稱慕岡先生所著述有朱子錄要經濟實用月令廣義等書行於世棟如字天玉上元人先世無錫人萬曆戊戌進士負才嗜學理襄郡首批稅璫之橫節甚壯既釋就南都開龍德書院會友講學

雒陽源流錄

卷十一

馮憲宗

毛

葉敬堂

寓錫山復游於東林諸公間而師事慕岡服膺終身惟謹奉其位斗室中起官至太僕寺卿更以邊事得罪瀕危得免稱豪傑士鉦字德夫丹徒人萬曆己未進士理荆時殺大猾劉襄忤湘府及力抑璫奉遂罹羅織赴闕受杖第大呼太祖太宗在上不肯妄引明日覆杖肉盡骨露屹不動爲人和平渾厚見刑威則不屈赦歸後與人言學媿媿弗倦蓋與天玉異稟而同操也天啟壬戌卹贈尚寶司卿錄其子安希范字小范南直無錫人弱冠登萬曆丙戌進士除行人當考臺省而格於年有諷以增年者不從轉

禮部主事念母請南或止之曰盍少俟共以銓郎擬公矣亦不從久之遷南驗封郎恬退自若會高忠憲疏論執政被斥上疏申救語多觸忌逮而後釋削籍歸緘口不及時事間從諸公論學東林靜掃一室讀書其中泰昌改元起廢詔下衆正彈冠獨澹然不問謂所居膠山之西林懸郭四千里塵事未絕遂命駕往吳興之菁山下菟裘焉蓋預知朝局之必變也未幾光廟賓天作詩寄憤曰執簡定應書趙盾舉朝誰請討陳恒又曰受遺元老仍增秩進藥鴻臚也賜金聞者稱爲詩史尋病卒邑士與小范同薦乙酉者許世卿字伯勳早孤事大父及母以孝聞放榜日與同志清談竟日人莫知其既捷揭安貧戒五日詭收田糧干謁官府借女聯姻多納僮僕向人乞覓省事戒五日無故拜客輕赴酒席妄薦館賓替人稱貸濫與義會出入恒指以自警惟恐其或食言偶有戚麗法持之急適鬻一婢爲輸罰緩卒不爲緩頰所居敝巷令長下車一謁後不得再覩其面常守歐陽東鳳賢而下士請修郡志一出應之每自東林歸勅其子曰人何可不學但口不說欺心話身不作欺心事出無慚朋友入無慚妻子乃爲學矣五上公車不第庚子

雒陽源流錄

卷十一

安希范

毛

葉敬堂

冬行至桃源河水堅遂返謝去傳金自號早白老人
 矢終焉之志嘗於隙地手莪萊甲曰不如是何能無
 求於人疾革囑子曰吾有某逋未償某施未報某家
 人賚未給某故人子典田所入已當其直亟取券還
 之脩然而瞑著有中解編太玄玄言露穎編藏于家
 程汝繼字敬承南直婺源人而篤學力行一洗紛
 華奔競之習前後邑令謂其道可肩古廉足範今咸
 敬禮焉萬曆丁酉登賢書辛丑成進士初宰餘杭日
 進士民相與講明孝弟禮義一時民風淳正無敢以
 奇袤進者時蓮池僧倡教西湖自鉅公以至細民尊
 信若狂敬承獨召茗民曉之曰虛無寂滅最惑人心
 慎無陷入其疆也嘗憤語倘得備員省會誓杖而祛
 之五載轉南刑部出守袁州州治相傳古冢在其下
 守是州者從不敢正位坐敬承毅然曰袁天綱術數
 士也聖賢所不道奉天子命蒞此民吾何憚為遂正
 其位卒無他在袁一以道德飭治清風善政甲於諸
 郡凡有餽遺卻之恐免囊不名一文後以介苦勤瘁
 卒于任一棺之外無餘貲其子乃稱貸以歸櫬生平
 嚴氣正性勇于任道亦嚴于衛道至其尊德樂義又
 視人善如已善也嘗著易經宗義窮極一生精力當

雒陽源流錄

卷十一

元

彙敘堂

居喪伏其先人之柩忘寢食而屬稿者三年自後身
 所歷心所至一一於易發之凡古今名說莫不精擇
 條載識者謂集易學之大成焉又著有疏義課士畧
 課兒隨筆行於世
 吳從周字文卿南直婺源人孝友樸誠學問淹博自
 為諸生時即潛心理學精研語錄繇明經司教皖城
 轉國子學正闡揚程朱卓然師表擢杭州通判臥理
 錢塘民無冤抑邑人陳俊等十年沉獄甫到郡理出
 之片言昭雪通郡有吳青天之謠尤以講學明道為
 務學者稱平沙先生所著有易經明訓春秋心印語
 錄會編諸書行於世
 吳正志字之矩南直宜興人父通政數世以上皆名
 宦之矩繇國子生中萬曆乙酉鄉試成己丑進士初
 任刑部主事纔三月上疏盡發諸要臣私狀當軸大
 怒既附重比賴臺省公救釋為宜君典史旋以差歸
 再起清河典史移饒州司李召為儀部主事疏不敷
 先諸逐臣賜環堅臥不出與遠近鄉達為會講學力
 持正論久之始轉精膳員外郎改光祿寺丞復與朝
 議柄鑿謫湖州司李擢南刑部主事晉郎中遷江西
 按察司僉事出鎮湖西能悉心吏事救荒弭盜大著

雒陽源流錄

卷十一

辛

彙敘堂

方畧而家載米數千斛濟人地方德之遇屬吏甚恭
故人樂爲用自奉極涼政暇借二三同志尋安節公
講堂舊址商畧學問而已未幾解組歸病卒學者稱
徹如先生

安節公達可由進士仕至通政從周怡學
與鄒元標友善刻楊爵劉魁周怡三忠集

雒閩源流錄卷十一

雒閩源流錄

卷十一

彙敬堂

雒閩源流錄卷十二

無錫張夏纂 門人發源黃

高攀龍 贊先先生 馮從吾 少遠先生 葉茂才 張夢時

余懋衡 贊先先生 汪應蛟 堵維常 詹時明

曹于汴 吳桂森 鄒期楨 弟期相附 孫承宗 鹿善繼附

陳仁錫 秦爾載 江旭奇 張雲鸞

李呈芬 朱蘊奇 張本德附

高攀龍字存之南直無錫人祖靜成公材令黃巖祀名
宦父靜逸公較本生父繼成公德徵代有潛德先生自
幼齋莊閒靜不苟言笑母授果餌必偃僕而承或命自

雒閩源流錄

卷十二

彙敬堂

取俟前所命數而止稍長學藝於邑儒澄泉茹公凡七
年卽湛見名理弱冠舉萬曆壬午應天鄉試時邑令元
冲李公 諱復 江右李見羅門人也與涇陽顧先生講學
泮宮往聽之聞止修之說始志於學載讀大學或問見
朱子言入道之要莫如敬遂一意整齊嚴肅持心方寸
間久之見程子言心要在腔子裏解曰腔子猶言身子
耳悟渾身是心不特方寸蓋志學時卽以程朱爲的矣
已止成進士出高邑趙忠毅公之門尋丁父憂歸謝人
事讀禮及易服闋授行人適四川僉事張世則疏詆程
朱欲改易傳註獻所著書求頒行天下先生因上崇正

學闢異端一疏得旨程朱正學崇尚已久豈容輕議高攀龍所言有關世教再疏論大本大機欲人主操心講學言極剴切趙忠毅時在吏曹因得以所學相證深味薛文清粹言至一字不可輕予人一言不可輕許人一笑不可輕假人惕然有當于心作日省錄又輯崇正編夜臥至平旦氣清即擁衾危坐一日坐久精思閑邪存誠句覺當下無邪渾然是誠先生初字雲從至是始改存之奉使金陵南臯鄒公見之謂是海內有數人物先生益歆然以身下人還謁毘陵啓新錢公姑蘇少湖王公啓新曰孔門聖脈凡事只求天知少湖曰士君子須

維閩源流錄 卷十一 葉敘堂

立得大節居鄉勿為鄉愿居官勿為鄙夫先生時時服膺斯語癸巳抵京上君相同心惜才遠佞疏語侵閣臣降揭陽縣典史甲午赴謫所自念於斯道尚未有得發憤曰此行不徹此事真負此生矣舟中嚴立課程冀有證徹潛叅苦究至廢寢食行二月登陸過汀州旅舍小樓前山後澗偶見明道有云百官萬務兵革百萬之眾飲水曲肱樂在其中萬變俱在人其實無一事猛省曰原來如此實無一事也一念纏綿軒然遂絕見得六合皆心從此方好下工夫凡在返三時自謂出門至此已三轉手勢詳具所作三時記中

陽官舍做近思錄例編集朱子節要歸過漳州謝見羅李公見羅謂修身則心意知物各止其所格致誠正不過關漏處照管先生謂大學格致即中庸明善是初學喫緊第一義學者須辨志定業此心光明洞達無毫髮含糊疑似以為自新之本然後為善去惡意誠心正身修善所以純粹而精止所以敦厚而固也條目次第自有先後不宜籠統說過其恪遵程朱如此丙申連居本生父母喪戊戌作水居於湖濱作靜坐說復七規程大意以見性為主會蘇常諸友于二泉之上辨管東溟無善無惡之非甲辰興復東林書院及成涇陽先生作學約而先生序之每會必取儒釋朱陸真修真悟之辨真切指示嘗曰勤物敦倫謹言敏行此東林八字訣也至甲寅七月先生年五十三始作困學記大抵前得力於揭陽之行後歸功於東林講習而以朱子半日靜坐半日讀書法為始終工程敘歷年進修灼然不爽丙午方實信孟子性善之旨丁未方實信程子鸞飛魚躍與必有事焉之旨又四年辛亥方實信大學知本之旨明年壬子方實信中庸之旨謂中者停停當當庸者平平常常有一毫走作便不停當有一毫造作便非平常本體如是工夫如是天地聖人不能究竟况於吾人豈有涯

維閩源流錄 卷十一 葉敘堂

際兢兢業業斃而後已云爾困而學之年積月累厥惟艱哉而不足以當智者一笑也同病相憐或有取焉是時先生道德已成矣天啓改元起光祿丞湖自癸巳去國幾三十年至是入都次年轉少卿裁諸無名費內璫相戒勿橫索會廣寧失事外戚勲貴中官之家皆奸細窟宅疏陳京師禍本不可不除請逐鄭養性誅李可灼讀孫淇澳宗伯論紅丸疏歎曰此一部春秋也因主其說不稍顧忌羣小爭欲中傷之未幾轉太常少卿疏言明理以明心明心以出治極辨忠孝歸罪方鄭奉旨切責福清相力持之得罰俸已轉大理少卿晉太僕卿適

雜聞源流錄

卷十一

四

葉敬堂

以師生不應分掌部院辭復不允入臺申嚴憲約疏請責成撫按司道下逮府州縣以安民生具條例五十餘款請頒行之懸榜通衢禁絕饋送糾一極貪御史崔呈秀寘之法風規肅然羣小滋不能容盡逐羣正於是忠毅行成先生亦削籍歸逾年毀天下書院首及東林先生屏跡湖上玩易不輟聞繆公昌期周公宗建被逮自度不免先一日肅衣冠拜道南祠至晚看花聚酌如常時夜半整衣起從容入書室作字二紙鎖篋中謂二孫曰明日以字付官旂即命暫退移時趨赴園池天啓丙寅三月十七日子時也平立水面衣履儼然先生之整齊嚴肅蓋終始如一云發篋中書一遺表謝上言大臣受辱則辱國故從屈平之遺則君恩未報結願來生一札別及門華允誠言一生學問至此亦少得方心如太虛本無生死何幻質之足戀乎質明而官旂果至崇禎初上覽公子世儒訟冤疏手褒為孤忠遂學秉節正終追贈太子少保兵部尚書諡忠憲初擬忠純特命祀郡邑鄉賢祠蓋其為學以敬律身以靜窺妙窮理則好惡自誠見性則死壽不貳退藏于密而顯仁于造次顛沛此其所以為先生也歟晚號景逸學者稱景逸先生時人競言良知言止修先生獨言學必繇格物而入每命學者

雜聞源流錄

卷十一

五

葉敬堂

先讀小學近思錄等書次令靜坐以培深厚之氣謂佛氏以心為性老氏以氣為性而極斥三教合一之說其駁禪學尤嚴謂聖人之學異於釋氏惟一性字聖人言性異於釋氏惟一理字釋氏無理故最忌分別如何可以綱紀世界扶植人倫故在武林作異端辨在揭陽作陽明說辨各四篇詞繁而不殺一則斥其誤看紫陽窮理立論偏重遂使學者謂讀書是徇外空疎杜撰一無實學再則斥其以朱子之致知為聞見之知故其為宗旨曰良知然大學致知本非不良之知非自陽明良之也又斥無善無惡之說以之明心性者十之一以之滅

雜聞源流錄 卷十一 六 藥敏堂

行檢者十之九且云學未而弊為實症學陸則流於虛症畢竟實症易消虛症難補聞者以為朱陸定論生平不二色不取一介燕居屋漏未始有情容洵所謂盡其道而死者矣前後廷臣屢請從祀文廡雖未及行公論翕然歸之所著有周易孔義春秋孔義正蒙註天完錄就正錄家訓等書門人陳龍正合奏疏語錄詩文訂為高子遺書二十四卷行於世季子世寧別繕未刻稿六卷藏於家從子世泰又合纂高子節要十四卷借世寧編年譜二卷刻之購復園池立止水祠後吳侯興祚以世泰附 兵部職方司員外郎贊本司郎中事臣華允誠題為帝上之致治本于道人臣之事君本

于學學術之邪正關係治亂甚大特懇聖明聖心儒以明正學以醒人心事臣聞天下治亂始乎人心人心之邪正歸于學術所以不墜忠臣義士之一綫所以常昭揭于宇宙而不為亂臣賊子所磨滅者恃此學以維之爾三代以前人君學道以出治三代以後人臣學道以事君自孔孟開明堯舜禹湯文武之道以開來學遂尊為萬世帝王之師孔孟而後則有宋之周程張朱為世大儒歷代崇祀而我朝若曹端薛瑄胡居仁陳獻章王守仁茲數儒者皆孔孟真脈也于今則有臣師故左都御史高攀龍焉臣師之學遠宗孔孟近法程朱其大旨以復性為宗以知本為要以立志為基以敬義夾持為功以天人一貫為至居以盡孝為基以明者千古之學術立朝竭忠所擬持者千古之綱維至其一段愛君愛國之誠寤寐不忘終始無間皆其生平學問得力天下所共仰也觀其間逮之日晡沐焚香告天告君告祖宗從容詳審無異平時遺表數言義盡仁至迄今凜凜有生氣也人知其首劫奸棍崔呈秀獨炳幾先見以為功在社稷而不知其四十年講求于孔孟程朱之學實踐于綱常

雜聞源流錄 卷十一 七 藥敏堂

名義之大成仁取義至死不二此等學術實類聖訓神宗培養以至干茲方之本朝崇祀諸儒如薛瑄輩可謂後先輝映而世道人心匡扶不小任時論者多以講學為諱甚至以東林為屏乃逆璫魏忠賢竊權專政以向來之攻東林者胥入于稱功頌德而後先死義若楊漣魏大中周順昌李應昇左光斗繆昌期諸臣皆臣師平日相與切磋砥礪共肩此學者也此觀之東林何真于朝廷而講學之功顧可泯與蓋講學一事似迂而無當實至切而不容已自天子至庶人無一人不學而修身至平天下無一事不根于學皇上以堯舜之資樂堯舜之道工堯舜之無不喜納典謨經傳無不博覽而所日夕水鏡者則又不在詩書政令之末而在幽獨隱微之地一則曰清心寡欲一則曰虛中無我即此兩言而臣有以窺皇上之深于學也斯用人行政之本也雖然欲幾易明已見難化戒懼稍弛未必無痛發之實聰明過用或下之情微隔或以猜貳為精明虛公二字殆難乎其言之而臣竊仰見皇上之心方乾乾焉日進而無疆也且皇皇焉若有求而弗得也嗟嗟使臣師而在今

日知必為皇上啓心沃心以孔孟之學而佐唐虞之治當無難者而惜乎其不遇也臣竊歎學問如臣師品識如臣師忠貞雖露其一端經綸未顯其大用徒令為成仁之達此而不能為應運之臯夔此臣之所深痛也而亦海內人心之所共痛頃者蒙恩優恤備至且特褒曰孤忠遠學秉節正終天語煌煌若揭日月臣師之身雖死而臣師之道亦幸不泯矣乃臣更比例薛瑄等以從祀請者竊謂國朝文明最盛而理學一脈先臣曹端實開其始臣師攀龍則集其成宜與薛瑄諸臣並祀孔子廟廷使天下曉然知正學之所在于以破除功利激發乘其有補于風教有光于聖治豈其微哉至東林及各處書院亦宜盡行修復蓋書院之來舊矣向毀于權相今毀于逆璫既以毀之為非自當以復之為是苟不復于聖明之世恐雷為千載遺議如必曰學宮自足以講道明倫試問今之學宮果何如也模不模範不足以講道明倫試問明者何倫而謂書院無功于學宮乎而謂有學宮遂可無書院乎功利之習中于人心舉天下不知有聖人之學章句之習以之梯榮階進則可以之輔君治世區區章句之習以之梯榮階進則可以之輔君治世

雜聞源流錄 卷十一 馮從吾 桑教室

則毫無補也于是先覺者出焉建為書院相與講習而倡明之而世道人心卒以喚醒則書院之設與學習宮正相表裏以贊襄聖化何可一日偏廢也伏乞皇上勅下廷臣會議如果臣言不謬衆論僉同即將龍從祀孔廟并將東林書院及時修復俾後來俊髦相與講習其中無負聖明之作養以無替先儒之準繩則學術可明人心可正教化可興太平可臻此皇中興第一根本之要計也風厲世俗昭垂謨烈媿美唐虞端在此舉伏望皇上曠然遠覽採擇追崇臣愚不勝激切屏營之至 栢鄉魏氏曰高存之先生天姿清虛不染嗜欲而學力有以濟之觀其一生涵養在于主靜主靜非求寂也以觀吾性之未發耳用力在于格物格物非多識也以明吾性之本善耳而其教人先讀小學近思錄其言曰中庸二字乃于聖傳心之妙堯舜禹湯只此中字至孔子添一庸字中字始有著落中不庸則中落于懸虛庸不中則庸落于迹象又曰學必歸格物而人有物有則則者至善也窮至事物之理窮至于至善處也觀此則先生博學篤志切問近思而無近日學者之失可知矣先生之方純文清而紹繼朱子無疑也

馮從吾字仲好陝西長安人先生九歲時父保定郡丞友手書陽明箇箇人心有仲尼詩命習字且命學其為人先生即知向往服膺弱冠以恩選入太學比歸許敬菴督學關中延入正學書院與藍田王泰關論學有契登萬曆己丑進士選庶吉士應館課不規規詞章曰文人何若聖人著做人說二篇惟與余鏡源焦漪園徐匡嶽諸公立會講學改授御史視中城中責有半刺通者峻卻之一疏斥司城之結首揆紀綱為厲京圻者再疏斥政府私人之以掌垣壅蔽言路者權貴俱斂避天下入覲官不敢行苞苴三疏請復朝講斥言上於酒後多

雜聞源流錄 卷十一 馮從吾 桑教室

繁侍者神廟怒下旨杖之以長秋節輔臣趙志臯救免命巡按宣大不拜請告歸與故友蕭茂才輩講學於寶慶寺著疑思錄六卷起巡鹽長蘆清課革弊行部所至必進諸生講學著訂士篇輒與要人左用他言官株累削籍歸道宿村寺屬吏供帳以候者不處也抵里日事講學著學會約若干條期於求益規過又著士戒以勉諸生著諭俗以曉眾人讀者莫不感發未幾以怔忡處一斗室足不至闕誠容刺無得通親知無得入蓋精思默證辨疑似析異同因養病力學者又九年而體漸復然後出仍會講寶慶執經問業者日益眾當道於寺東

梁關中書院以居之先生爰開天中閣詠關中四先生

許苑洛邦奇揚解山翁 關學從是復振先生雖重講

學而慮空言不足以倡率每刻厲閣修躬示之鵠膏簡

所知曰近日學者多侈異說而略躬行妄欲以身挽之

而力未逮自歸山一切時事不敢聞兩京縉紳書來一

字不敢答其餘見世諸公非有書來不敢先以書往靜

攝荒庄非公事不至偃室非赴書院會講不入城市嘗

併日而食室人交謫而不敢以貧告人也居二十年疏

薦百十上不報庚申光宗立以大理少卿召次年憲廟

改元始應詔歷遷左副都御史疏叅經撫失機喪地罪

雜聞源流錄 卷十二 楊健吾 十一 彙教堂

真之法載論紅丸挺擊二獄侃侃無少假朝論建之時

偕總憲南臯鄒公僉院龍源鍾公就都城倡立首善書

院講學其中或迂之先生曰國家多事士大夫不知死

綏抱頭鼠竄者踵相接宜喚起親上死長之心講學不

可少也而聞者忌之交章詆毀先生因疏陳講學創自

孔子而盛于孟子故孟子以作春秋闢楊墨為一治至

孟子沒千有餘年宋儒出而始有以接孟氏之傳然中

興於宋而亦禁於宋是宋之不競以禁講之故非以講

之故也伏惟國朝以理學開國我二祖表章六經頒行

天下天子經筵講學皇太子出閣講學講學二字實為

令甲臣等建立書院祇以南都各省俱有書院而京師

為首善之地天子之都反獨無之甚非所以壯帝都而

昭一統之盛況今外寇憑陵邪教猖獗正當講學以提

醒人心激發忠義奈何反所為訾議上報聞尋屢疏乞

休去又二年起總雷臺未赴即家拜工部尚書會逆閣

禍起致仕歸旋遭削奪遇疾卒學者稱少墟先生初先

生在都門嘗從顧涇陽先生游爰力駁陽明無善無惡

之說曰陽明為善去惡一句雖非大學本旨然亦不至

誤人惟無善無惡一句關係學脈不小此不可不辨何

也心一耳自其發動處謂之意自其靈明處謂之知既

雜聞源流錄 卷十二 楊健吾 十一 彙教堂

知善知惡是良知可見有善無惡是心之體今日無善

無惡心之體亦可曰無良無不良心之體耶嘗曰吾儒

論學只有一善字又曰儒佛如薰蕕木炭之不相入儒

以理為宗佛氏以了生死為宗又曰邪固不能兼正正

亦不能兼邪吾道本大何必兼二氏而見其大又嘗作

善利圖題詩曰聖狂分足處善念是吾真若要中間立

終為躐路人其精嚴如是景逸高公稱其學至明至備

至正至中非修而悟悟而徹者不能素衣吳氏著真儒

一脈敘顧高錢為東林三先生而馮先生附焉聞者遂

以涇陽景逸啓新少墟為東林四大君子蓋論道不論

地也崇禎初詔復原官謚恭定所著有疑思辨學等集

二十二卷元儒攷略四卷行于世後新安洪琮施璜同

纂馮子節要十四卷序行之附錄關中四先生誄

冊游成均馬崔同切琢射策冠時髦華何卓華懷

復世龍麟封章凌五岳講室重躬行乾坤在其握吁

嗟橫渠後關中稱先覺卓彼馬先祿聲望高山斗

富貴與功名視之如敝帚垂老學逾虛一步不肯苟

呼嗟如先生百代名難朽偉矣韓司馬造物鍾奇

異讀書探理窟著作人難企生平精樂律書成雙鶴

至立朝著筆節居鄉譚道義繁有五泉子孝悌稱昆

季嗟余生也晚景行竊自媿挺挺楊侍御直節高

今古人知直節難不知問學苦獄中究理學周錢日

揮塵歲寒節彌堅不茹亦不吐之死誓靡他淵源接

鄉魯嗟彼虛僞人敢與先生伍

孫高陽承宗馮副院詩少墟窺道域一見契予深

頌氣憐孤注春風坐滿襟天中閣上月省識平生心

雜

開去月仍在

誰堪對月吟

雜閩源流錄 卷十一 葉敬堂

葉茂才字參之南直無錫人萬曆己丑進士仕至南

京工部右侍郎學者稱園適先生家故貧少事親至

孝痛母先逝館歸必同父寢初授刑部主事甫三月

告改南工部以便迎養俗例新第謁座師有贊先生

獨於半月後致芽茶二封人多怪之既而得其清節

轉加敬服始入工曹大司空欲觀其才令攝六篆事

並治推稅蕪關一以寬郵為主胥吏以常例請默不

應請至三為詎語拒之曰無論若輩雖列四金剛擡

我不動矣去關廿里有雙港往譏防漏稅風濤不測

易為商厲立命弛其禁差竣上羨三千金助餉疏請

勿為例神祖嘉之賚白金松布旌其廉為南回卿時

有袒四明崑宣反斥言事諸臣為護奸者抗疏諍之

不報乃貽書當事謂公論明則治不明則亂明于上

則治明于下而不明于上則亂此理亂大機也聞臺

中有欲禁旁器者作旁器止器說見年例考選不愜

輿情有上鄭太宰書歸而卷懷君國則每于詩章寓

之題三朝要典後曰事有三尺童子曉然明白而聰

明特達之士反眩瞖而不能自決者何也心無偏主

雖愚必明心有繫累雖智必昏其勢然也張差一案

雜閩源流錄 卷十一 葉敬堂

劉廷元以為風癩科臣何士晉部臣王之案陸大受

以為別有主謀而神廟聖斷以張差付法司以兩內

侍付司禮俱寘極刑內外帖然矣然士晉卒不免外

補之案禁錮大受被察而廷元獨無恙也進藥一案

舊輔方從哲賞之舉朝爭之最後孫宗伯發憤極言

而可灼造戊文昇尚漏網也立后立妃一案禮臣孫

如游執奏于前科臣楊漣道臣左光斗等力主移宮

于後而當時依違其間徘徊觀望者則從哲與諸大

臣也此三案者或見于聖諭或見于章奏在朝在野

莫不耳而目之秉史筆者據事直書足矣可以人情

二字抹殺天下萬世之公論哉初偕顧端文高忠憲
 倡道東林端文卒忠憲主其事忠憲出山以主會推
 先生再拜囑曰畢竟此事為吾輩究竟此行原殉君
 親二字可歸即歸不使東林草深也先生敬諾後書
 院毀作十詩志感慨忠憲和之及忠憲被逮先夕自
 盡官旂令長行逮其子獨匍匐當道力免之而跋其
 遺表曰屈平之節先生之所優也先生之學非屈平
 之所望也識者以為與正叔之稱伯淳亡異先生于
 世泊無所嗜通籍四十餘載官臻九列布衣蔬食出
 則徒步不以僕隨所居老屋數椽絕無輝煌匾額第
 標曰三世無訟時指以訓子弟薄田百畝不殊寒賤
 仰成父志去官而家去城而鄉短轅曲笠以奉杖屨
 拊胞弟茂德極其鞠哀居恒論學以雒閩為正宗以
 守身為切務自題小像曰人生宇宙間但以形論與
 動植之物等耳有超於形者在乃能參三靈萬與天
 地相終始子懼鬚眉徒具至道罔開軀殼如斯性靈
 靡著因箴以自警曰爾貌甚癯爾性易蔽何以圖終
 夙夜自艾飢食渴飲勿等兒戲造次顛沛必止于是
 嘗講易東林門人問易道陰陽詩道性情一乎二乎
 先生曰一也陰陽理而草木蕃無言之詩也性情調

雒陽源流錄

卷十二

古

彙纂

而位育臻無體之易也蛙聲蟻寂豈曰能詩數墨尋
 行未為善易吾弗取也又曰大易不言有無言有無
 諸子之陋也蓋性一太極極本無極謂之無則太極
 也謂之有則無極也有無俱泯為物不貳不可析而
 分也嘗語所親曰斷不可輕受人恩一受人恩便為
 人所制所交顧高外若許孝廉世卿馬郡博希尹薛
 丞敷教皆白首不渝而郡博子世奇壘丞孫家更
 同時受學稱入室弟子厥後大節凜然可以溯流見
 源矣崇禎初方需召用病卒子光輔請于朝得祭墓
 如例先是天啓甲子先生請告家居時魏闡肆逆客
 妖內比賊害皇子楊中丞漣發之事尚未著適長洲
 姚希孟入朝過錫山先生登舟送之曰公行矣好語
 諸公宜思其大者請信邸出閣講學此今日根本計
 也未幾熹廟賓天思陵繼統竟除闡禍若出成算希
 孟作神道碑始表出之凡先生之善人不能悉知多
 此類也朝議擬補謚廕遇變亂不果祀崇正書院所
 著有見聞摘錄旁繫錄八貞女傳與至吟等編行於
 世光輔字潛夫貧而介從馬文肅公學契甚當以應
 得官不就鼎革後悲憤不已間登東林講座發
 俗之論聞者悚然一日肅衣冠祀先畢飄然出門
 厥明家人求之死舍後池中有遺筆志遲死之愧
 嘗著詩草數卷題曰
 與至亦吟藏于家

雒陽源流錄

卷十二

古

彙纂

張夢時原名字伯可南直無錫人早穎進止若成人

七歲工對偶九歲能詩侍塾師坐一書樓手題云

此樓去一動一言務遵聖訓下此樓去一事一念務

懍親心父叅政公異之命名大受十歲攻舉業十五

以縣試第一補諸生明年行冠禮老儒姚潛坤作字

說以贈之益自勵久困場屋入太學踰強仕始登萬

曆癸卯賢書明年甲辰同邑顧高諸公創起東林書

院復翼以左右書室約六人為祭而伯可適下第歸

首任其一解素受工遂潛心性命之與與諸公切偲

往復者二十年刻有會講商語蒲榻笑拈二編天啓

維閩源流錄 卷十二 藝錄

壬戌謁選知安吉州歷遷常德府同知山東鹽運司

運同並著廉惠將有殊擢竟告老歸草簪歸小述毫

而嗜學日讀書寸許雅喜書法日揮數幅為樂案頭

惟存彭澤香山明道康節白沙陽明數編以當尚友

每兒孫造膝必與評文論古或拈經書一二章令細

泰之次第質問移時不倦以為常居數年崇禎丁丑

自述五千言以槩一生題曰偶述客有稱其于死生

之故爽然有會遠過莊周者徐答曰爽然生死之故

從而玩之所以為莊周者流了然生死之故從而慎

之所以為曾孟者流玩以求樂耳慎則何求然而樂

莫大焉吾與其玩也寧慎客拱手曰先生真當世之

曾孟與曰曾孟則吾豈敢全要看膈月三十日屬月

日高子遺 及病革呼筆大書曰朝聞夕可千古光輝

浮生如寄視死如歸落地一靈終天敢述伯可字可

目反庶幾書訖湛然坐逝壽七十八學者稱弦所先

生

余懋衡字持國南直婺源人生有異質為學推本崇陽

精研天人性命之故而以身驗之舉萬曆壬辰進士授

永新令潔已愛民復學宮鑿石渠改邑東門築浮玉洲

江右未行官解法始請通行以紓民困至今稱便徵拜

維閩源流錄 卷十二 藝錄

御史論罷礦稅傳旨逮杖忽殿角有聲如雷上心動乃

改罰俸一年視醜長蘆一切例緩悉無所私贍貧賑飢

全活億萬計巡按陝西劾稅瑞梁永繩以法永寤賄庖

人以蠱進中蠱瀕死夢神示得解上聞之為撤永併罷

天下礦稅閱視固延兩鎮條上十事上嘉納下兵部通

行申飭掌河南道理外計列計典七條著為令癸丑詔

監會閣閣臣葉向高典試兼票擬持國請勿令文書官

入簾以遠嫌疑中使至欲入力拒之怒去誣奏御史不

容送票擬上問為誰以衡對上曰是在陝西屢劾梁永

者耶命收回本章天啓辛酉召為大理卿尋授僉都御

史協理京營戎政日訓軍實盛暑不廢操練定雙糧單糧法以示激勸晉副都御史理內計改兵部侍郎時提督巡捕郭欽為逆璫魏忠賢姻親營升都督同知駁寢之又忠賢等乞請諸璫弟姪及保姆客氏男俱世襲錦衣衛官以武職非軍功不世襲婦寺冒濫非典具疏封還兩勅璫遣人力求吃不為動既以陪推遷南吏部尚書五疏力辭遂予告歸臺省交章乞留不報明年太常鄭德泳特請召馮從吾余懋衡曹于汴置論思之地以輔聖學正士風迺起原官引疾不赴及總憲楊漣劾璫二十四大罪有南太宰北少宰皆點陪借用為逐等語

雜聞源流錄 卷十一 余懋衡 奏錄

璫益嗾焉丙寅偽學禁厲削籍為民初持國于新安之紫陽書院創興理學及令永新善鄒元標建明新書院按陝西引馮從吾闡明關學憲廟初年鄒為總憲持國與馮同為中丞復開首善書院于都門讒者業有煩言至是魏璫驅除正學御史張訥請毀首善且言海內書院最盛者四東林江右關中紫陽南北主盟互相雄長余懋衡馮從吾鄒元標孫慎行為四大頭目並宜處分遂俱削奪一切書院皆毀賣以助殿工發有三賢祠故朱子所築以祀周子二程子者亦在毀中持國廢圭田償之獲免崇禎改元詔復官誥追敘川功賜金幣復推

南銓以病卒賜祭葬部擬補謚遇國變未果學者稱少原先生所著有乾惕齋太和軒關中集語錄經翼百餘卷奏議古方略各數十卷行于世從兄懋交字全之以貢兩除學訓居恒研精易學敦行喪禮不以弟居顯要稍通于交游之際惟造就後生是務學者稱定字先生汪應蛟字潛夫南直婺源人總角能賦詩矢志聖賢之學踰冠登第授南京兵部主事以抑囑託失貴人意遂引疾歸補南客部表方正學先生墓為封碣置墓田歷副使參政遷天津巡撫晉貳司空予告歸家食十有九年體解精密力行不怠每六郡六邑大會與顧涇陽馮少墟高景逸史玉池鄒南臯祝無功桂珍吾諸公在復商證理無留解嘗曰仰鑽至欲罷不能方見卓爾敬信至篤恭不顯纔是闡然以祿入之餘置義田五十畝周贍宗族闢正經堂春秋舉會嘉惠後來重修三賢祠借馮邑侯余少原潘節菴暨諸生講學其中泰昌改元即家起南大司農未幾轉北念催徵要在養民疏愛民十八條于時奢蘭發難關中流寇日滋增餉募兵不可億計乃建議于鹽屯鼓鑄之外一切寢之且持屯田開荒永不起科之說尤力謂吾儒平居耻言桑孔奈何自蹈其轍令桑孔笑

雜聞源流錄 卷十一 余懋衡 奏錄

人起科之說遂寢阿保客氏扶求基地逾制執不予尋以老病乞休疏七上得請加太子少保辭疏中極陳堯舜敬修心學尤以敬修一語爲十六字傳心之要且箴及宦官宮妾未幾果有逆奄妖姆之禍時毀書院禁講學潛夫乃作默識解示門人嘗讀史有感作竊述編以繼春秋未就而卒崇禎初賜祭墓學者稱登原先生所著有中詮寤言古今彞語獨言蜀語詩禮學略津門疏撫畿疏計部疏病吟草九問密語鄉約記諸書百餘卷嘉善陳龍正纂爲理學經濟二編刻之

維閩源流錄

卷十一

汪應文

辛

彙敘堂

堵維常字冲宇南直宜興人敦孝行恕于書無所不讀補諸生以文行受知于常守杜公承式一無干請守敬之薦于江都宦室厚幣聘行以親老辭遺之金又辭退就村塾盡心講授嘗言孔子一生只自任爲誨二字以臆測之爲誨應非兩義力學所以爲教也己之不正何以正人推誠與人所以誠身苟誨倦卽學厭矣萬曆辛亥在毘陵得疾將革咨其子以忠孝之說子對曰顯親揚名孝也委身致主忠也冲宇曰未也飯蔬飲水無孝乎草莽氓隸無忠乎夫無念不愛孝也本之臨深履薄以來無念弗謹忠也根諸質

影盟余而達誠以吾儒一生事業文章或有時待惟忠孝兩者無待恒當下猛提終身不悔斯卽所以顯揚委致耳吾無長物遺爾惟此數語而已又曰敬身行己之道莫著切乎禮爾卽讀之其能簡束爾者此經是也命具衣冠舉筭出經盥手以授子再拜受展誦樂正子春下堂傷足一章諄諄反復未竟而暈既復蘇強起南向再拜遙別二親以不逮終養痛自咎恨遂卒年五十是時子纔十一齡書治命爲卷永矢服膺後舉進士兼樞相稱明末遺忠卽牧游先生也冲宇於詩禮春秋皆有箋未脫稿牧游因之輯三經

維閩源流錄

卷十一

屠明

壬

彙敘堂

其端屠時明字爾用湖廣黃崗人生性淳樸薄嗜寡言及長好古力行日借執友講明性道鄉里目之曰古人天啓壬戌由明經司訓常德聚生徒論學竟日夕不輟監司友白杜公折節下交尊以師禮爾用亦不讓曰師道不行久矣杜大人能倡之吾何爲不受遷論武寧釐學租解株累僉稱廉仁前後課諸生學主明理而旁暢實用曰四科三塗寧僅區區咕嗶哉擢筠連令不赴而歸與門人譚道講藝如故壽七十四學

者稱冲默先生

曹于汴字自梁山西安邑人萬曆壬辰進士與同榜
盱眙馮公應京以聖賢之學相鏃礪繇淮安府推官
入居諫垣論奏皆天下大計在吏諫掌內計佐太宰
孫公丕揚澄汰仕路一二小人護其黨羽相與摩牙
爭之久之自梁與孫公相繼引去一時眾正遂空泰
昌登極以太常少卿起家屢遷都察院僉都御史未
幾魏璫竊政羣小謀去自梁及少墟馮公會當推少
宰應屬少墟迺越次而用自梁蓋欲設械兩甚之自
梁固讓不可為吏部左侍郎不旬日堅請去家居杜

雜劇源流錄

卷十二

圭

葉象堂

門沉研理學奄黨卒不能加害人仰其見幾之哲崇
禎初璫伏誅召為左都御史身在憲府一毫不假百
僚肅然居常持重寡言人或以衰晚目之及國有兵
事戒嚴論札日數十下條對商榷不移漏刻精壯少
年皆斂手推服始知其為有用之學也尋溫體仁爭
枚卜閣訟大起自梁據法守經力為糾正既乃引年
乞骸歸而自梁之生平遂與黨論相終始矣初為諸
生時即講求兵農錢賦邊防水利之要故稱有經術
入仕後無日不淬勵于學用以守身應務嘗言小心
即大勇又言神氣嘗在凝定又曰容人者樂寡欲者

逸又曰出處輕而臣業衰取于泛而士節壞又曰
介不苟方是廉印證在臨財之際一毫無私方是公

參驗在發念之時皆自勸得力語也學者稱真子先

生

胡東渠先生貧無積粟零糶以食或請其乘騰多
羅曰違貴喫貴真子先生述其事而稱之曰當時
若言無錢便似眩清且人不之信反費嗷嗷矣前
輩老成可法如此竊謂真子之勉就少宰旬日即
歸不居讓名亦不處爭地
得免于齷齪猶是意也

吳桂森字叔美南直無錫人幼有至性父喪哀毀如成

人長從顧端文高忠憲諸公講學不倦以序貢應廷試

歸遂絕意仕進學易於毘陵錢啓新先生日夜探索幾

忘寢食錢先生沒每歲偕同志在其廬論學靜坐志築

雜劇源流錄

卷十二

圭

葉象堂

室三年之意天啓初忠憲出山為東林主會擇人拜托
葉公閒適次及叔美蓋豫屬之也尋璫難作忠憲赴止
水叔美往哭之捐金以佐官旂急費時書院已毀僅存
丘墟乃約同志鄉經會忠餘兄弟輩就道南祠班荆敘
舊相唁也已而相勗及逆璫敗奉有表章書院之旨季
美亟謀興復而摧殘之餘人情頗渙遂獨力建麗澤堂
又構小齋名曰來復講易于其中羣儒翕集稱東林再
興焉其說易也謂第一要明陰陽大分蓋陰陽非一亦
非兩其質則有大小貴賤剛柔動靜之殊其用則剛大
所以主柔小而非柔小亦不成剛大柔小所以承剛大

而離剛大便不成柔小故用九用六總之一用所以繫
辭曰陰陽合德明得陰陽大分然後看八卦八卦性情
得然後六十四卦三百八十四爻從源察流條理脈絡
一一分明而又有易中真血脈如程子體用一原顯微
無間邵子天根月窟張子一神兩化錢子卦者掛也掛
出一太極掛出一箇天地儀象于人身等語皆四聖之
真傳也每剖析易義精絕無遺蘊聽者靡不歎服晚年
充養日純粹益可挹鼓舞來學如有一言可採必筆而
藏之申誠子弟曰凡子弟有過父兄必任爲己之責卽
父兄有過子弟亦必任爲己之責如此交相勸戒家聲
維閩源流錄 卷十一 書 藥錄堂
庶幾不墜又做義門鄭氏家會及五經會聯屬宗人子
姓以爲常學者稱素衣先生卒祀崇正書院所著有像
象述像象金針易說談易隨問真儒一脈一斑錄書經
說曲禮說註釋春秋大全皇明開泰錄息齋筆記等書
行于世

就文昌閣下闢軒二架以居之度可容百五六十人如
是者歲率以爲常立文行社約三章以繩束而諸負狃
邪癖者相率匿影去語具高忠憲文社記中自是春
秋兩榜科必有人先生嘗言聖賢下語如化工肖物一
字不虛故其說書最解人願弟子之日益進以此顧獨
以爲此口耳之學非其至者因謂濂雒關閩近在吾鄉
求之有餘師矣蓋指東林主盟諸先正也一日從忠憲
商及靜坐先生曰調息亦頗有益忠憲曰不屑也聞之
愷然已而從先儒存養省察諸法徧參之最後獨心肯
忠憲所論觀未發工夫一語大率謂觀未之學以主靜
維閩源流錄 卷十一 書 藥錄堂
爲訣以主敬爲宗以禮經之九容爲把柄九容色色停
當身心內外自一齊收斂如是則終日研求經義亦裁
培本體之助非復往來憧憧之擾此其學問得力後證
嚮語也東林自吳徵君桂森重建麗澤堂後賴先生左
右于前提唱于後每歲聚學者說書堂中風雨寒暑無
愆期故講席得以不墮先生正氣強骨身列章縫而心
憂社稷聞廟堂典革進退當則喜否則憂見者寤當食
廢七箸當三案議起不勝憤懣撰爲委巷謠抒寫不平
皆愛君忠國之言及啓禎間見天下將亂著有弭亂臆
言救荒末議固人心論活井田說惜無能推而行之者

晚年涵養純熟氣象雍容接人寬樂坦易詳誨曲誘不厭往復嘗令後生小子不言意消室故懸磬值庚辰辛巳連歲大稔餽粥時絕幾持水齋日玩易一卦或編輯見聞一二以當渴飲飢食可謂貧而樂者矣崇禎壬午冬卒年七十六學者稱經畚先生門人嚴毅等私謚為懿長先生祀崇正書院所著尚書揆一一筆軒劄記鶴湖小詠東林諸賢言行錄四種行于世別纂皇明洪範經世要語國朝名臣言行錄摘等書三十餘種未刻藏于家弟期相字公寅有學行廩千庠與兄分主講席崇禎中以賢良徵就粵西州判轉衛經歷痛甲申國變感疾卒年六十嘗自諗不可與父兄師友言者不為不可與父兄師友為者不言著有易書孝經四書筆旨藏于家學者稱忠餘先生門人錢肅潤等祀之道南祠二鄒先生及門不下千人毅與肅潤皆高隱不仕覃精著述毅有東林書院志二卷吳郡姚宗典序行之

孫承宗字穉繩北直高陽人萬曆甲辰舉進士出孫文介公慎行之門廷試擢第二授編修歷官坊局在朝與關中馮從吾以性學相勵每晤言必移晷時廷臣方競門戶分異同穉繩語臺臣左光斗曰同中小人異中君子是惟寬之使其自來徐之俟其自化激

雜聞源流錄 卷十一 穉繩 穉繩

雜聞源流錄 卷十一 穉繩 穉繩

之則甘為小人而勢合光斗拜而受之尋以禮部侍郎掌詹事府值乙卯五月六日挺擊變起御史劉廷元以風癩二字蔽其獄提牢主事王之宋拷得其實疏請窮究主使上猶豫不忍發旬日後發諭於風癩之下特加奸徒二字而御史劉光復更以首功奇貨攻之宋一時羣論紛紜上下惶惑次輔吳道南以其事詰穉繩于邸對曰事關東宮不可不問事關皇后不可深問龐保劉成而下不可不問也龐保劉成而上不可深問也獨皇上能了此須中堂密揭啓之耳道南用其語以導上於是上立御慈寧徧諭羣臣而挺擊之獄遂定人不知為穉繩一言力也天啓二年拜兵部尚書大學士奉命督師出鎮山海先是遼廣繼陷險阻盡失為經畧巡撫者舉不敢窺關外一步遂有築城八里退守關門之議至是穉繩出關視師力以恢復為己任選名將分布要害練水陸精兵十餘萬拓地四百里東巡至醫無間將大興師而逆賢竊柄忌其握重兵于外汰其兵將勒回關門是時中朝縉紳被禍穉繩聞之亦遂萌去志抗疏自別曰臣故孫慎行所取士而高攀龍左光斗之所嘗薦引也義不幸指摘未及自為龔啞姑容于天下詔慰畱之

一日上遣內臣胡良輔等四十餘人齎白金蟒衣賜督臣出帑金十萬犒將士且以內府器仗給軍裨紉執奏曰中使關涉兵政自古有戒兵不可嘗典或以美而成賊例或以暫而爲久天下不明皇上過信大臣之心而或疑皇上有不信大臣之心是皆足以害政臣願皇上嚴于兵事慈飭使臣令其宣布德意無遂以此行爲常無遽以觀兵爲威福居四年竟引歸崇禎二年京城大警起鎮通州穉繩聞命卽刻抵危關收悍將復遵永四城調度諸將分路追逐指顧而定旋移鎮關門又三年復予告歸歸七年戊寅冬高陽陷竟以在籍老臣與城俱亾闔門殉難事聞于卹特謚文正穉繩自少儻英毅爲舉子時仗劍遊塞下周歷亭障阨塞訪問故將老兵遂通知邊事故雖廻翔館閣當時皆以將畧推之然竟使功不成而節獨完者則妨功害能者之罪不可勝誅也嘗曰先帝以漢武鄉唐晉國擬我我則何敢成敗利鈍非所逆觀生老病死時至則行庶幾竊比于二公乎其論學則一主程朱嘗敘馮忠齋庸緒云予讀庸緒而覺信紫陽之過也予過信紫陽與世信紫陽者異世信紫陽以其博物而予信紫陽以其非博物也予認格物

雜錄

卷十一

天

葉教堂

爲格本末之物而紫陽云窮至事物之理予遂信其事物至他日釋孟子曰知性則物格之謂也盡心則知至之謂也予遂不覺信紫陽之深矣其發揮旁通若此所著有文集一百卷學者稱愷陽先生鹿善繼字伯順定興人萬曆癸丑進士授戶部主事用便宜扣留金花銀兩以充遼餉神廟怒勒令補還持不可得旨降調奉昌初復其官改兵部職方主事天啓間高陽以閩部督師關外伯順請從詔許之時太宰欲遷之吏曹固辭高陽當關六年嘗倚之爲左右手布衣瘦馬出入亭障間延見老校退卒與相勞苦以勾稽將士察讖營壘鼓勇敢拔跣跡錄尺長理小過爲務歷武選郎中告歸崇禎時起尚寶卿轉常少復告歸丙子秋定興警至伯順方郊居以爲邑在涿州保定間背障神京慮孤城不支遂入城督兵助守城破死之蓋先高陽殉二年也事聞贈大理寺卿謚忠節容城孫徵君奇逢嘗與切脯酌酒定交楊椒山墓下及卒嘆其道力深厚後來罕儷所著有認真草學者稱乾嶽先生

雜錄

卷十一

天

葉教堂

啓新錢先生之門錢先生辭之曰此禮不輕施亦不輕受也要以他年相見無負今日面目不則勿爲煩比三在始納贊遂受易學得紫要天啓壬戌登進士廷試擢第三人授編修丁內艱服闋起補充日講官在講筵每以進忠直遠奸佞爲言魏奄聞而惡之值奄冒軍功累爵上公給鐵券明卿當視草辭不可或休以禍不爲動於是不旬日而有孫文豸之獄連坐削籍卽日就道奄發十數騎偵之無所得行至濟上有吏受奄指遣邏卒窘之執從人及舟子加箠楚舟中人皆跳去獨坐舟中忽風作檣櫓幾壞諸卒遽散得脫歸時羣小日嗾奄不殺吳門三詞林局不定謂明卿及文公震孟姚公希孟也家居岌岌懼有後命丁卯秋逆奄伏誅戊辰起原官稍遷中允典武闈試奉命宣詔三韓凡亭障徼塞險阨之處皆詳志之作籌邊圖說一書後嘗進御覽庚午遷國子司業侍經筵敷陳必切時務上爲聳聽遷諭德掌司經局事辛未分較禮闈得士爲盛有錦衣張某者奄之餘孽也中以蜚語禍且不測會其人自敗獲免尋奉命冊封周藩壬申復命假歸甲戌起南祭酒未任而卒年五十六謚文莊學者稱芝臺先生素篤人倫居父母及

大母喪皆哀毀如禮宦歸捐俸置義田以贍族於錢先生敦受道恩比沒爲木主事之題其室曰如在朝夕必拜其於經史書籍則飲食寤寐於其中至老不倦所著有四書語錄義經易簡錄淵天紹易同患淺言等書其纂述批閱諸書不下數萬卷今行于世秦爾載字彥熙南直無錫人少從葉司空受書志向純正司空嘉其能親賢遠佞已而稟學於高忠憲隨侍水居習靜坐法悠然會心因自號水菴做水居也及從游東林於大會三日外科同志數子立一小會每月十一日赴書院講習有所得輒疏記以就正于諸先生而日注其言動于籍以自糾考弗求人知嘗爲忠憲刻所接近思錄所輯朱子節要二書忠憲有心服之師一人曰茹濂有偕隱之友二人曰吳志遠歸子慕皆延于家師事之所友惟吳樹禪鍾繼馬君常世奇二公餘不妄交居家事嗣母談本生母吳交盡其孝自奉極菲而粥餒者絮凍者樁殍者歲以爲常無稍替嘗纂有經傳語錄若干卷藏于家武進薛案爲之序以爲高門之羽翼卒年三十三疾革命三子鏞錢鏐拜忠憲于榻前誠之曰自今一言一行必以吾師爲法厥後鏞卒成大儒世所稱弱水先生者

也欽鉄亦皆有學行其友恭爲晚近所希觀宗黨翕然稱之

江旭奇字舜升南直婺源人曾祖軾連州守祖一鵬知瑞昌於潛兩縣並有賢名父世科年十二以奇童舉鄉謚敬敏先生舜升幼孤事寡母余氏至孝十餘歲以家累繫縣獄從獄中上書求試主者奇之拔第一自是知名尋與三兄分田兄華闈得瘠者乃以所闈善者奉華當應鄉試值華病劇罄所領路資佐醫藥不足則又典鬻以益之小試輒冠軍久之貢入太學前後七上京兆試不錄崇禎二年正月駕幸太學

雒陽源流錄

卷十一

五

彙纂堂

御葵倫堂舜升具疏面進其所著孝經疏義兼請頒行小學疏畧曰宋朱熹八歲通孝經大義卽書其帙曰若不如此便不成人元許衡敬小學如神明臣以爲厚人心淳風俗實爲王道誠於考試間以命題則孔曾傳授之密旨與朱熹嘉惠後學之盛心爲世誦法自能培植根本延綿命脈魏李先君益人神智莫若書籍臣謂益人仁愛無如二書疏末又請祀諸葛亮張巡岳飛于文廟使萬世皆仰盛典詰旦得溫旨褒嘉下部議奏部覆以孝經小學下直省學臣命題試士而三臣從祀格不行未幾皇子誕生舜升復具

揭禮部乞慎擇保姆以端胎教部爲咨司禮監行之蓋推前疏意且有鑒于近時客妖之禍也初舜升之進經也太傅襄城伯李國楨爲板行其書一日四譯館欵待遠人有遠人跪求孝經疏義曰外國知有是書久矣館卿乃移文翰林院取給之銓司以舜升積分久資爲上所擬授清秩顧是時四方迂儒聞風希進者踵至漬奏不倫上遽厭之命御史榜禁當塗欲懲首事抑授安岳簿稍移台州衛經歷尋棄官歸越二年癸酉病卒在安岳署令篆增祀名宦高賢若干人岳俗尚塑像不列姓氏爲更置木主且立石題名系以詩作論學論俗二編以教士民在天台作天人對數十萬言則其契悟時也生平篤信朱學嘗自敘吾卽身沒後魂魄當不離朱夫子左右其論學以格致爲入門以誠正爲築基因著朱翼百卷探天人事物之原析古今朝野之故以暢其說少從同邑余懋交學教以篤睦寡營誦之終身又以從弟旭升僑居錫山往依之得游東林故手著諸書東林諸先生皆爲之序居家每不能舉火讀書自若絕不介意晚年吏隱非其所好在署日事著述不輟至鑲所佩帶以給刻工或姍笑之弗顧也所著有朱翼尚書傳翼

雒陽源流錄

卷十一

五

彙纂堂

孝經翼孝經考異孝經疏義小學衍義檀弓詮釋四書朱註詳定三國志世說廣義皇明通紀集要武經七書集注筆華齋集等書皆行於世其後從子正迎重刻傳之

張雲鷺字羽臣南直無錫人為人孝讓廉信負文名最善解經著經正錄崑崙溫陵李氏之非崇禎三年伏闕上疏曰國朝制科取士聖賢之書家習戶誦而其說壹宗先儒學者守之脈絡甚正世道昇平遠過漢唐所從來也不意神祖時有舉人罷官李贊猖狂姪恣首倡邪說所刻有焚書藏書說書及批點諸書

維閣源流錄

卷十二

李

彙錄堂

隨被叅劾奉旨拏問搜燬其書嚴禁私藏詎意天啓年間其書復行人心士習皆壞于此畧舉其一二言之如李斯者燔詩書坑儒生矯詔為逆者也而稱之為才力名臣如呂不韋李園者陰用姦謀潛移國姓此萬古巨盜大猾也而稱之為智謀名臣如曹操者弑伏后篡獻帝此亂賊之最慘惡者也而津津稱其才智如馮道者歷事五姓朝為君臣暮為讐敵而稱之為吏隱諸如此類未易枚舉至于詆毀聖賢則謂孟子執一害道又謂孟子舛謬不通又曰孟子願學孔子此吾所不足于孟子者也又謂孔子之事功非

有加於管仲又曰以孔子之是非為是非則無是非其書之妄誕悖戾一至於此乃士子見其書如飲狂藥既喜其新奇又樂其放肆舉業文字染此習氣寢入邪說識者憂之臣嘗編輯講義凡遇邪說惑人處提出點破名曰四書經正錄伏乞聖明採納疏入得優旨下提學御史查生平行止如果端謹量與獎賞部覆上准貢給旗扁時羽臣年近六十杜門養高終不謁銓士皆仰之丙子春卒別著孝經講義東林講義皆可觀又有四書尚書說統則舉業之書也

維閣源流錄

卷十二

李

彙錄堂

李呈芬字明晦南直靈璧人有將材而好理學以柔克雄以沉濟敏萬曆壬午試武科已中復落見倭將入犯著禦倭集知已知彼制勝三編總督楮公鈇素知其賢授之官令募兵船于海上以同事者非其人辭歸中軍支送應得廩糧不受時曹公于汴司理淮安聘為諸武弁約長隨材勸導不納贊幣蕭然餽粥精詣實踐為眾畏服巡按御史周盤特疏薦之大司馬田樂請於上命往征四川以都指揮行事會楊曾平移病歸講學四方如曩時布素焉

愚按志傳稱明
武人講學固是奇士第不知其所講何學耳然為
真子先生所禮聘則其學之正可知故錄之至如
嘉靖間有萬表者字民望浙江寧波人世襲衛指揮
領事晉浙闕歷掛印漕帥南都生營錦衣中府

都督會書建御後功喜談學學庸論孟皆有解義
其他著述甚多嘗與羅達夫論道于臨江達夫躍
然而歸貽書盛稱之余嘗考其言皆
說參說活張皇幽渺非愚所能知也

朱蘊奇字子節陝西右護衛人家貧甚僦屋而居與
妻子織網巾為生嘗併日而食從學少虛馮先生聽
講寶慶寺寒暑不輟敝衣破履雜鮮華中不耻偶其
子以差徭下獄會天雨不食者四日矣或憐之取官
米少許為粥以食之雖瀕死不肯食也人有周之者
必擇而後食道拾遺物輒追還其人父早喪養母曲
盡其孝母沒毀幾滅性秦俗人死多用青烏之說當
於某日時避殃謂死者之魂來辭家而家人或庶幾

雜聞源流錄

卷十二

朱蘊奇

素

葉敘堂

見之也而罹之者凶以故當避子節曰使果有此殃
也吾猶可藉此一見吾母使果無此殃也吾又何為
避之伏棺痛哭竟不避而終亦無恙年五十一以布
衣終馮先生誄之曰朱生操行如是固天性使然亦
講學之效不可誣也同時華州有張本德者寄跡工
賈亦聞馮先生講學有感遂購先儒語錄潛體密玩
每有所會即舉以告人惟恐人不同歸于善兼遊曹
十真張忠烈兩先生之門

雜聞源流錄卷十一

終

雜聞源流錄卷十三

無錫張夏纂

門人葉源黃

金 鉉 魯生 洪德常 張 采 朱之馮

馬世奇 俞汝楫 江世育 黃 廣

江彥明 李奇玉 宿夢鯉 養素 丁明俊

陳龍正 卞子靜 黃淳耀 夏學 陶 琰

華允誠 允誠 吳鍾巒

金鉉字伯玉南直武進人北京留守衛籍年十八舉天
啟丁卯順天鄉試第一崇禎戊辰成進士除揚州府學
教授日進諸生講濂雜之學燕居言行俱有規格被服

雜聞源流錄

卷十三

十

葉敘堂

造次居然老成人比之胡安定遷國子博士庚午遷工
部主事時上方銳意綜核內臣張夔憲奉勅總理戶工
兩部錢糧特建公署先生慮開交結之漸決廉耻之防
疏請罷之不報未幾檄兩部司屬謁見如部堂體又疏
夔憲妄自尊大以皇上迪簡之臣子而屈抑刑餘之下
臣委質聖朝不敢匍匐中貴之庭致干交結之條有肯
切責亡何差權枕關未任以造炮違式革職張夔憲糾
之也自此絕意仕進杜門卻掃深究性命之學初號在
六至是自題所居曰狷庵尚讀正公文公文清忠憲四
家書謂古今學脉之正無出乎此用以自究極斥姚江

無善無惡之說謂使天下日淪於禽獸嘗言欲力挽邪風倡明正學其要有二一在表程朱之學問一在窮六經之本末而其大要不過程子兩言曰涵養須用敬進學則在致知而已生平不妄交游惟與杞縣劉中允理順嘉善陳儀部龍正及妻兄朱中丞之馮友善書問往來以道德相砥礪壬午冬上御文華殿命科臣舉清官以孫承澤面薦起補兵部車駕司主事甲申二月寇從蒲州渡河晉省全陷宣府告急上使內臣杜勳往監視先生疏言撫臣朱之馮忠義素著宣府屹然可恃如遣內臣監視倘意見稍岐為害不淺不聽杜勳至而寇已迫竟同總兵王承胤出降之馮果死節三月十九日都城陷先生方巡視皇城行至御河橋聞變號慟具衣冠望闕拜又望寓拜母即投入御河從人援救嚙其臂急赴淡處時河淺俛首泥潭死之年三十五母章氏年八十亦投井死妾王氏隨之弟銓葬母三日後復投井從死是年南都廬贈太僕寺少卿謚忠節其後 皇清錫謚曰 賜公祭一壇祭田若干畝所著有語錄傳于世學者稱伯庵先生

幾亭編朱子語類其序例本木皆出伯庵倡意幾亭致書稱為字字實錄如向後世之士而親告之因復以朱子文集屬及其十之七八徵諸類例立編後未知成書否伯庵答書云數月來家君居北家母寓南途次兵荒所在見告兩地懸懸此心妹欠學帖又未暇讀肩之務第

律淵源流錄 卷十三 葉象堂

躬自料理亦不得靜坐讀書以見日新之益只得隨時隨事警醒提撕在紛擾中不敢忘改過遷善工夫遇行有不得處一意自反頗覺得力因悟千聖之學咸本修身修身之要只在慎獨千變萬化無不始終於此此亦是學問常談而第却覺是向來未見底意思不識十年來所作何事甚矣其恨之鈍也意欲從此加功日積月累將來可望有的實見處明眼導師向何以為之鞭策也 愚按伯庵先生欲求讀四家書無論不難他氏即濂溪明道橫渠敬齋尚在徐讀之列立說至嚴防弊至密此其識力豈諸儒所能及觀答幾亭書則知以修身慎獨為本要以改過遷善為工夫夫字字得下學實際使其假年淡造豈不接武薛高哉惜乎見其進未見其止也然御河之死大節凜然一門爭殉又可徵其修齊之化夫固以身驗學垂範千秋南北諸公雖與之俱學雖乎其後矣

律淵源流錄 卷十三 葉象堂

洪德常字常伯南直歙縣人少有大志薄視經生制藝嘗歎曰此碌碌者足為吾業乎文不秦漢學不程朱而自號學者雖聲聞無益也於是做朱子西山讀書分年法自十三經下逮國策史記漢書畫以歲月務彊記初輯左策史漢約選一編以為古學所自出年既三十研心六籍取有宋諸儒之說及明薛文清馮恭定諸書旁考折衷謂大易後發明性道莫先中庸著中庸要領又時與同學汪子月巖輩數會于紫陽書院一遵白鹿洞會規間參以己意而折之條為六事歸重于存誠寡過其言曰孔顏克己復禮為仁又曰約之以禮禮愈嚴則仁愈篤書四勿箴于座右又輯有周程張朱五子學約知行合一錄養正格

言變化氣質論蓋歎夫未學之無成一惑於私心冥悟而或致越閑一牽於講習訓詁而鮮能渙然自得其弊始於蒙養不正而浸淫決裂以遠於道也方七八歲時喪母哀慟如成人比長就試揚州聞父病冒風浪遄歸舟幾覆而免居父喪廬墓哀毀謹事繼母兄弟友愛時有雙竹連生馴鳥就食掌中說者以爲家庭和氣所致讀書每至夜分體稍憊或止之歎曰一息尚存吾寧已諸旣而疾大作配許太君美股進少瘳又二年崇禎乙亥卒年三十九後祀鄉賢子三琮珣球俱知名

雜聞源流錄

卷十三

四

彙錄堂

張采字受先南直太倉州人早孤事母至孝與州人張溥交若兄弟獨不系譜系共倡復社以古學振起宇內士而受先尤束身名教留心儒先嘗刊布宋名臣言行錄以見志天啟丁卯登賢書崇禎戊辰舉禮闈第三人客有勸其納妾于京邸者愴然曰甫釋褐而卽背糟糠吾不忍也篤義薄嗜類若此除臨川令下士恤民廉惠著江甸召入爲禮部儀制主事可母艱歸尋卒妻東號爲才藪擅詞章風流煽溺向或以儒冠爲怪誕以講學爲姍笑自受先起而其時同學楊燹顧夢麟二子始相與纂四書說約表章大全

蒙引存疑淺說諸編俾學者悉掃新箋復主朱註又其後陸世儀著思辨錄陳瑚著確庵文稿駁駁乎有關雒風論者歸首功南張焉沒未久而遺業彫零妻孥無倚知者悲之然真儒廉吏之澤不泯矣

朱之馮原名之喬字德正北直大興人弱冠登天啟辛酉賢書雅好程朱語錄是年見羅近溪集又好之遂參讀薛文清王文成二子書皆有悟入乙丑成進士授戶部主事丙寅督推河西務悉卻羨金入公帑與管漕中官忤具疏劾未上聞父艱歸崇禎庚午補原官疏辭魏奄所遺冒濫殿工加級忌者不悅出爲

雜聞源流錄

卷十三

五

彙錄堂

浙江布政司理問遷行人司副歷山東參議分巡青州道秩滿加副使留任戊寅冬賚表入都值亂道梗權頓家屬于濟南己卯新正二日濟南陷室馮赴井死太母李絕粒六日卒德正聞變戎服奔濟收殮之遂徒步扶柩歸葬廬于墓終三年足跡不近城市時史公道降亦讀禮城外偕金公伯玉就廬次論學問及兵法因作在疚記語詳記中而金公則少長風契先後以二妹妻之者也服闋補山西河東副使念室馮慘殉不食娶每元旦後必守太母位哭泣粥飲過十五日以太母殉難露骸半月始得就殮也會蔡中

丞懋德撫晉崇重理學德正首捐貲創河東書院集官民講聖諭六言朔望親臨講性理諸書相為倡和聞流寇自秦逼晉日備禦河干凡所以除內盜馴叛卒者不遺力壬午春應詔陳言廷中稱善擢巡撫宣府右僉都御史癸未二月抵宣受事嚴核將士効去庸懦二十一人勾補虛糜千八百餘名拜疏請纓願為天下倡上嘉之聞邊報急即督兵進居庸關防護陵寢上以為忠勤遣官賚賜金幣頒銀千兩分犒將裨以下及撤防又賜金增秩還居宣府眾軍以餉欠缺縛擁餉司鼓噪至院前勢甚惡德正與出門外以

雜聞源流錄

卷十三

本

彙錄堂

數語徐遣之翌日命中軍官執首惡七人立斬以徇眾遂定甲申二月開太原寧武相繼陷即露宿城上命分兵扼防三月朔設太祖神位于樵閣率文武紳士軟血痛哭誓以死守簡署中僅有衣被一篋出以犒軍取大紅公服一襲付中軍陳績顯曰城潰以此殫我既而監視內臣杜勳至與總兵王承胤叛附于賊勳忽款語諷降德正厲色叱之曰汝不念君恩吾斬汝矣欲以計招承胤至併誅之不果寇至親率標兵北面背城與賊砲矢相加者兩晝夜忽二叛開南門迎賊入從城內夾攻軍民驚散德正亟命轉砲內

向曰我親擊賊取火欲燃數賊露刃至前德正拔佩刀奮率家丁斫落城下左右環哭擁行大喝曰離此一步便非死所遂登北城樓易公服南望九叩發遺疏併遺書付提塘官立刻懸腰帶自經時三月十一日辰刻也年四十三遺疏勸上收人心培節義遺書訓弟于則謂呂新吾先生呻吟語不可不讀及自言朝聞夕死之意事聞上特諭首輔從優議卹後贈資德大夫都察院右都御史謚忠莊學者稱勉齋先生自少篤孝友率三弟課業一堂父沒後以時冠昏靡不盡禮居家吉凶一遵古典當官廉恕慈斷持大畧

雜聞源流錄

卷十三

七

彙錄堂

小所至民懷之臨難前與金忠節各馳手書問答諄諄期不負生平竟兩踐其言仕宦二十年田宅玩好一無所置藏書至累架雖鞅掌之餘手不釋卷工文詞不喜存稿蓋其自任者確乎有在也其所作在疚記自敘踰冠時寓蕭寺中方鈔讀大慧集一夕於花月下豁然大悟自以為奇樂越五年感觸百患迺悚然曰此虛景非實獲也又二年讀中庸至可離非道也句廢然而返乃喟然歎曰良知其謂是乎因題曰天地人物只此一生又曰全體是箇仁大用是箇禮自是隨時循省覺有安身立命地而虛景易混當機

粗心後數年喪母廬墓痛警徹骨始知變化氣質之學蓋亦如整庵羅子之攬衣將起恍然有悟流汗通體而其後漸知其是心非性者所著疏稿書札及手批程朱諸集俱佚不存惟在疚記一卷今行於世

馬世奇字君常南直無錫人父涵虛先生明經修行爲諸生時首具呈學臺請興復東林書院仕爲郡博棄官歸教其二子蚤著文譽人以三蘇擬之二子長卽先生次則世名字君闇者也先生年十九以三試第一補邑諸生久之繇序貢舉南京兆成崇禎辛未進士改庶常授編修丁丑分校禮闈已卯典江西試

雜聞源流錄

卷十三

九

彙錄堂

所鑒拔多當世知名士已而奉勅諭山東江西湖廣諸藩悉却饋遺癸未再當分校以從子瑞方應試避之瑞得中式乃推典武闈會試甲申春遷左春坊左諭德時寇警孔亟上數召廷臣問計先生奏言目前要着在收拾人心而收拾之方須從督撫鎮將約束部伍令兵不虐民民不苦兵始不然恐賊勢不可復支上以其言論樞臣勅行之未幾賊竟入畿輔三月十九日京城破是日先生方早食聞之駭箸起曰是當死其僕曰奈太夫人何先生曰正恐辱太夫人耳作書別母訖遂蕭衣冠捧所署司經局印北向望闕

拜曰臣不能報國一死以謝陛下又指印囑其僕曰上如出幸以此上行在否則投之吏部遂先視二妾從死殮訖乃從容題壁自經而絕先生自少篤志嗜學無綺靡奇麗之好好爲古文辭及評選制舉義四方士爭購讀之稱爲澹寧居澹寧居者先生書齋取以顏其選者也居恒不妄取予未嘗疾言遽色鄉邦有大利弊慨以身任罔恤勞怨所至好推獎後進扶植善良惟不喜立門戶城府崖岸一切不事嘗曰處世宜存生機勿萌殺機居官宜尋退步勿爭進步其見道深矣方差諭諸藩楚府賜宴湖廣學道王永祚

雜聞源流錄

卷十三

九

彙錄堂

乘間言曰尙有兩郡新案未發先生若不解其意者答曰此主司盡心之日也使客曷聞焉永祚慚而退及過江西學使侯峒曾以衡鑒自負揚言歲試黜劣卷四千人先生大駭曰一試黜士四千得無過當乎彼孤寒不幸遭此無論絕進路且永失館穀矣峒曾踟躕曰案已發奈何先生因教以覆試拔等之法於是收復者過半居父艱日蘇州司理倪長珩爲丁丑本房門人欲以罪贖三千金助喪及佐膳先遣客致意先生辭之曰蘇方大饑留此賑民可也長珩又請以羨金三百犒從者金至立命以原封送錫庠供修

學費說者以為此風自邵文莊後錫邑百年再見他如逐貪令絕逆宦辨非族祛左道復學基清役米倡官糴恕亂民重建西定橋以通涉作鎮力脫冤陷諸生後有登第者為德殆不勝指數少從顧端文高忠憲葉司空三先生游最親且久卒殉國難人以為不愧師傅其及門若龔廷祥堵胤錫蔡鳳威動蕭琦王漢萬發祥王錫劉渤劉日杲等皆後先死節人又謂淵源所被云是年贈先生禮部右侍郎謚文忠 皇清錫謚曰文肅賜公祭一壇祠田七十畝學者稱素修先生所著有澹寧居詩集行於世其文集忠鏡錄

惟閣源流錄 卷十一 王 龔廷祥 龔廷祥

藏于家 夏生也晚事先生日淺然澹寧居之面教及佩潛公之交許至親切矣雖垂老何日忘之

竊見先生嚴氣正性槩絕邪黨顧為東林弟子不喜傍東林門戶以是立朝居鄉並號孤立既忠且

考洵百世之師也詩集三卷向得崇巖王公付梓文集十二冊世兄丙玉珍藏篋中因顧家難日惟抱書泣血遺文未行

謂非吾黨之責乎

俞汝楫字仲濟南直華亭人仁慈樂易終身不見喜慍之色少有文名究心實學遂綜經濟之務與於東林講席顧涇陽高景逸諸先生莫不虛左迎之嘗奉大宗伯命輯禮儀志百卷以疾卒鄉人私謚為端懿先生知府方公岳貢改曰清惠

江世育字夫南南直婺源人郡諸生幼孝友居喪一

遵古禮既祥禫猶茹淡廬外與兄弟百餘指同爨尺布不私家故貧兄弟俱以舌代耕又不屑問家人生產每歲時自館歸兄弟怡怡膝下競市珍異奉堂上歡論文析義自相師友毋葉顧而樂之忘其貧且老也雖攻舉業不求宦達以古聖賢自期其為學一以治心為主養氣為輔友教諸生以身為鵠師道尊嚴遠邇推服偕同邑曹子鳴遠汪子志稷輩結會講藝以文行相砥名曰正社卓然為社中師表嘗與金太史聲書反覆儒釋之辨縷縷千萬言太史是之晚年臥疾夢中作語有詩曰大道存乎我超然生死墟胸

惟閣源流錄 卷十一 王 龔廷祥 龔廷祥

中有天地且暮且遠廬忽正襟危坐命筆書學古志道四字付二子而逝所著有四書正義十卷近居錄二卷宋王異同辯四卷藏于家

黃廣原名伯英字冠龍南直無錫人先世常熟人建文朝忠臣叔揚公鉞之後避居錫西胡埭代有著儒冠龍幼敏且恪隨父塾游涇里因登顧端文尚寶兩先生之門初命題中庸何為而作也句千言立就端文奇之及長從於東林乙丑丙寅間書院毀璫燬燬日趨書院舊址講習不輟會忠憲赴止水有司欲繫其子旋奉旨究漏洩因上臺責保狀急高氏四顧無

應者慨然要華存廉國才同署狀極陳罪不及擊之意獲免嘗奉部檄修神光惠三廟實錄綽有史法以貢除鎮江郡博合兩庠士訂三山社入我箴笈公天心書院擢令安遠甫任捐俸竣城工初邑有重囚董傳羅江譚應瑞鍾世修者讞辟候決忽流寇至斬獄釋囚脅之曰從行者賞否則誅董傳等數囚伴從之中塗給以家近孳妻子仍奔赴獄明年寇再至數囚復請願出死力守城城得不潰當事者未有以請也至是部移適下數囚在決中為力請于郵部曰囚罹法愚也不從賊志也守城功也謂罪必不可贖乎何

雜聞源流錄 卷十三 主 葉象堂

以勸後郵部疏題得開釋其識時勢達經權類若此居二年卒于官著有禮樂合編承天紀世覽及玉磬齋詩集行於世

江彥明字晏其南直婺源人幼孤受學歛儒方時化之門相與講明性道不屑舉子業年二十六承母命始應試補諸生第一與友人汪元兆讀書蛟池山究心性理大全居母憂遵禮盡制三年不入內室萬曆乙卯崇禎庚午連落副榜遂退而明道淑人以畢初志疾革語其子蕃等曰兒無憂也死生患難賢者不免顧所學何如耳言訖而卒所著述有五經圖考詩

經箋疏四書約言諸史彙抄及天文地理陰陽卜筮諸書百餘卷藏于家

李奇玉字元美浙江嘉善人幼時志趣超軼不羣甫卅擅文名偕兄奉常奇珍有二李之稱與同邑吳子往崑山歸季思友善學日進奉常先成進士召入諫垣而元美始以萬曆癸卯舉然不汲汲于進獨研思易學時高忠憲公與錢啟新先生講道東林一以孔義函象一以像象顯理各闡庖犧闢奧元美北面就正焉盡變叅微師資通吻忠憲以顯仁藏用之旨勗之曰發吾蘊者子也署教丹徒以自課者課士天啟

雜聞源流錄 卷十三 主 葉象堂

壬戌魁南宮歸奉二親諱至崇禎戊辰賜釋褐當得縣辭就武學教授轉國學歷遷兵工兩曹皆以清慎稱推守寧國假歸不就再補汝寧值中原寇熾念義不辟難驅車赴之至則劫掠城守寇隨遁去尋以簡禮失貴客歡在郡僅數月引疾歸慨然曰吾素志學道誤落塵網為纓紱所累今可究竟茲事矣於是謝客掩關發篋中所箋注與同志無錫吳叔美金壇周仲純研析疑義不釋卷不停筆者又十年而雪園易義成說者謂雜撰備錯綜舉圖書會理象融而三才總銷歸于一心能自致其精微與師說相發明云居

家儉樸是甘不異寒素終身不置妾婢卽奚僮亦無解音律者甲申聞國難悲憤欲絕哭臨三日神色忽悴得疾不旬日卒易箐時惟以易稿授二子柱槐曰此吾四十餘年精神之所存也其善藏之語不及他年七十二學者稱荆揚先生

宿夢鯉字龍吉南直無錫人萬曆丙午魁南闈高忠憲序其行卷曰無不讀之書無不了之義不持一刺不取一文爰命其三子師事家塾者積十有六年屢試不第以親老就祿令松陽先郵勾軍繼請兩臺弭三大患及上平田六大議諸廢具舉乃修建文朝御

雜聞源流錄 卷十三 南 葉敬堂

史葉公希賢祠以風勵邦人會織造監李實阿魏闢意一疏殺六君子株連黨錮龍吉在松亦幾為土獮所構亟自免歸著有易纂全書課兒說苑等書壽八十一學者稱仁寰先生同邑秦重泰字原博尚書端敏公玄孫自少以德行經學與羣從相切劘長領庚子鄉薦掌教鄆城遷長樂令力行惠政偶忤當道意卽稱足疾引歸杜戶潛修以仁讓訓率後人晚舉賓筵不赴其恬退渾惇一時與宿松陽爲伯仲故同庚相善也卒年六十五祀長樂名宦學者稱澹綠先生丁明俊字彥超南直無錫人孝友端莊表裏如一尤

存心慈惠雖蚊蚋虱蚤之屬誠人勿加害曰此宇宙生氣也自言年近三十始志於學故以困勉自勵居家一遵儒禮屏絕淫祀治喪不用浮屠每日必靜坐思過雖盛暑不弛冠服或徹夜不寐及旦終日卓然因曰莊敬日強安肆日偷二語吾試之良驗論學一宗紫陽謂四書集注一字不可移易間以象山語粹一帙授門人曰吾取其論治心工夫如刀刮鐵穿痛切不可當耳門人問朱陸異同何如曰何遽論此惟取益自淑可也家故屢空喜解推以賸貧困每歲修同善會及除夕賑不恤勞怨曰能通物我之謂仁欲

雜聞源流錄 卷十三 南 葉敬堂

求仁者莫若強恕先生稱名諸生數舉不錄嘗手錄經史古文辭不厭數過見者羨其楷法謝曰程子有言非欲字好卽此是學吾意如是每教人家子弟讀小學習古禮親善類遠匪人謂不繇是無以成人材而日憂寇禍之將至崇禎癸未四月遭病卒年四十八通邑太息及門服心喪門人惠奮飛字羽豐負大志守道寡合自幼爲先生所器隱居東亭亦中歲卒陳龍正字惕龍浙江嘉善人少師事梁溪高忠憲先生而與同里魏忠節大中同學天啟辛酉舉京闈第三入乙丑璫禍作忠節首被逮送之至錫山因謁忠憲證學

者累日時璫焰日張有疑其成篡者惕龍料其必敗作
大疑解以破之及崇禎改元天下想望大平獨微窺上
意將疑外廷而向內臣心憂之著定本說言皆驗初以
文章經濟自負自中年後悔其無本一意反求身心遂
悟天地生生之旨見得著落在人倫關鍵在存誠而推
行則在於愛人值寇迫民饑嘗散家廩千石以賑鄉人
設莊田五頃以資族衆及做行同善會于邑中當計借
北上審挾智勇士厚資之令徧歷賊巢所在偵得其地
形併魁率姓名以歸孳孳於獲真才拯禍亂年五十登
甲戌進士丙子分校順天鄉試丁丑授中書舍人以分
校事被議降二級戊寅五月焚惑守心上養陽好生二
疏規切時失六月進特闡揆職二疏申責輔臣以人事
君之義大忤執政意是冬奉使魯藩已卯再分校順天
鄉試事竣與纂修會典十月彗星見詔求直言或問當
言何事答曰言事止論一事不若格心疏畧曰語曰事
天以實不以文臣請曰事天以恒不以暫何謂實皇上
今日求言卹刑之誠是也何謂恒願皇上歲歲勿忘此
求言卹刑之心是也蓋星變有時弭而直言無時不當
受人命無時不可哀是心也豈僅觀彗星而動哉願皇
上歲歲存之日日存之疏入閣票該部知道而御筆於

雜聞源流錄

卷十三

七

彙錄堂

事天以恒不以暫及後段歲歲存之等語連加硃圈楷
筆批票曰此疏宜褒嘉改票上斯時屬意欲擢之矣未
幾立冬日大雷電雨雹上請正郊期疏謂先王以至日
閉關而後世以至日郊天於禮殊戾孔子對魯定公曰
周之始郊其月以日至其日用上辛夫冬至不恒遇辛
則用辛爲冬至之月明矣云至日者則爲冬至之日云
日至者則是日至之月而非本日也上特命閣臣會部
議奏久之會奏駁上辛之不便應仍用至日乃再進郊
期考辨疏御批娓娓數十言從容清問閣部皆恚及三
疏四疏上卒格不行惕龍遂合閣部所顯駁士友所私
疑一一剖之名郊期咨應奠此禮明于後世更著東天
民傳以見志庚辰奉命冊封輝府因假歸辛巳乞致仕
不允壬午入都應詔陳言進生財平寇禦邊三疏俱蒙
優答翼日進用人探本疏留中上嘗論諸司有利民救
時之策悉開款送內閣彙奏惕龍著有墾荒議投閣未
進而輔臣黃公景昉先述以告上一日舉姓名問他輔
至再無答者既而戶垣楊枝起疏薦諸正人復及是議
宜令繕本進呈有旨取原議入覽惕龍補疏申言金非
財惟五穀爲財與屯不足以生穀惟墾荒可以生穀起
科不足以墾荒惟永不起科可以墾荒五穀生則加派

雜聞源流錄

卷十三

七

彙錄堂

可罷加派罷則民生可安部覆卒以起科撓之又著掌上錄言兼足公私申明官府內平外卻四事而以格君心擇治人為之本錄成蔣晉江德燦請觀而梓傳之忌者摘其言以為譏切且構分闢宿案許奏惕龍竟不自辨癸未四月朝局稍轉進剖析偽學疏并研通州二相各令人道意請一見辭不往十月聞闕逆破潼關為詞衣帶間云南箕靜聽常依主北闕開居也致身甲申正月調南京國子監丞三月抵家繳憑南監求題致仕五月初聞國變驚慟屢絕遂得疾七月南都遷禮部祠祭司員外見新政不綱乞休至三始允乙酉林居臥病六月間聞南都潰載聞劉念臺先生殉節狀遂絕粒而卒惕龍居家盡道居鄉盡仁自忠憲忠節亡後與金樞部鉉劉官允理順蔡中丞懋德為學問友俱先後殉國稱能盡義嘗銘於座右曰人前屋漏日裏雞鳴得於隨處體驗者至矣丁丑始定格物正解曰天生蒸民有物有則格者即物而求其天則也格之為誰罔不患其逐物而遺心矣尊忠憲之傳甚至表章甚力及定高子遺書病其君子有黨之說累於知人害於經世著羣黨解以正之閱朱子節要刪其與留丞相論朋黨一書於陽明亦瑜不掩瑕輯為要書以存其是凡持論要于公正不為

惟閣源流錄 卷十三 葉敬堂

一偏教學者則隨材造就皆令得益而去惟不欲建院升席以矜標榜滋門戶所著有學言二十卷政書二十卷文錄二十卷因述二卷總六十二卷稱幾亭全書行於世所纂有程子詳本朱子語類朱子經說高子遺書陽明要書等編又輯皇明儒統以為本朝學術自白沙傳金針于甘泉雜禪于儒其後諸家繁興立說彌肆殊為斯道懼今盡艾其悖道之語存什一千千百使後人讀之皆足裨益身心而無簧鼓其聽視雖目諸家皆醇儒正學可也用意忠厚若此其古今大聖大賢贊文廟從祀議三篇及求言生財漕運籌邊諸議皆可傳子揆

著者省心日記二編 幾亭論諸儒曰富貴貧賤為仁者多過於退過於辭者少白沙終身不仕相知者欲為建一山房終不肯受高潔之性乎不泯矣其學涉禪其人則儒以其涉禪後故守儒規 陽明慈辨絕世有過於退快處及問之未免遁詞如論精金分兩而曰堯舜萬彙孔子九千餘自是欠確後來有以此為問者不答而自高子外惟有顧端文口筆玲利近儒醉正而精微自高子外惟有顧端文口筆玲利最醒人聽微覺太盡少蘊蓄令人思耳然其心細而虛其行端而決無黍真儒矣 心齋畧工夫龍路界行誼 任者行不掩言力未能副志也豈制欲哉龍為人中庸而後世又托有非有刺之任者何以講學為 南畢鄒氏少以直節顯後其學純尚禪而無授四子周易以傳會之講論條條此無實見無定精自以為入神而君子嫌其多道詞也 進退取予之嚴文清而下念臺劉先生獨至矣其行誼無愧真儒論學微有偏處 陽明先生泉異學透然力駁朱子朱子躬行心得持世垂教胡可駁耶問有滯語謂未

惟閣源流錄 卷十三 葉敬堂

及思孟則可亦豈真有青道而馳者自是後乃有若
王龍谿幾有若羅近溪汝芳有若周海門汝登皆尊
陽明早晦翁幾已見斥於念庵羅氏諸儒而汝芳則
楊起元奉之若神然至於混儒以入佛陰借佛以攻
儒而百方駁擊晦翁或本程門之言或傍龜山之說
恣情敲剝一詞一罵惟汝登最甚又陽明以來未嘗
有也其講學也如宰予短喪猶曲加冠履大抵輕人
倫而贊私慾得罪聖門極多予不忍存之以禍後學
故盡削之學至孔孟千百年之矣後學無狀者
少敢非孟子尤莫敢非孔子宋楊簡居身立朝清修
直節固足多其學最無狀謂操則存舍則亡孔子
本意廢操而貴舍孟子誤認而有存心存神之說又
謂孟子以正心為戒而易云洗心大學云正心皆非
孔子之言不知聖人立言各有攸當乃欲借孔孟以
證成其意見見孔子所言偶合已意則執孔以誣孟
見孟子所言偶合已意則執孟以誣孔其視周程以
下獲如也而近世周汝登遂直謂鳴佛屬祖古今一
人隱然以儒門中釋迦可奪尼山之席克其邪見將
使棄父者乃真孝背君者乃真忠其為斯道斯民之
賊不又甚於鄉愿耶自宋迄今士大夫悅禪談禪

雜聞源流錄

卷十三

三

藥敘堂

者景景矣大抵洋游恍惚未足以傾世又皆有所忌
憚未敢直非孔孟又或身負股肱考實者幾焉惟未
楊慈湖及近時周海門猖狂特異著本體似超涉無
倫樂工夫似凌厲獨步其心實抑儒以伸釋其言更
扭釋以問儒又皆品行清高使惑之者益易益操戈
入室彎弓向師誣素王排命世未有若二人之最者
也意可畏哉學聖人者廓清茲

下子靜失其名子靜其字浙江嘉善人稟性迂戀受
學高忠憲之門嘗偕同邑吳子往崑山歸季思過梁
谿侍忠憲習靜于湖上之水居客或為水居四友圖
以記之既而周旋諸公瑤禍間不少避幸無恙後遭
乙酉兵亂年已老矣竟以志節終有遺詩云并桂半
間如地墨靈臺一點倚天空又云精光不盡為銷鑠

靜坐功淡得宴如可以窺其所得

黃淳耀字蘊生南直嘉定人自少沉潛好書博學工
文詞為諸生即名噪江東每勵著書明道之志著自
監錄知過錄後更為日曆畫之所為夜必書之崇禎
壬午舉於鄉癸未成進士出周太史鳳翔之門釋褐
後寄第淵耀書曰吾廷試傳臚時見鼎甲先上人皆
嘖嘖稱羨吾此時歎息無限天地間自有為數千年
一人數百年一人者今人必不肯為數千年之一人
而必欲為三年之一人又曰近見他人品骨不如我
意思見識不如我不免有輕蔑時俗之意坐此學力

雜聞源流錄

卷十三

三

藥敘堂

不進然在寵辱場中壁立如鐵則所謂辭爵祿蹈白
刃吾自信無憾過此以往并心一向終有一立脚處
不徒然而已客中無可與語買得唐詩數冊通鑑一
部恣虛月白風急天高誦詩讀史自嗟自樂恨千載
上人不從吾遊也天下事不可為可為者惟有已分
內事勉之勉之此書可以槩其自命矣蘊生見當時
事勢已壞遂無仕進意策塞南歸杜門不出與窮交
數子砥礪益堅天性純孝家居無私財所得廩既束
脩盡以歸之親丁內憂毀瘠骨立自弱冠至登第後
不苟取一錢其友人有一親戚以官事連染屬蘊生

白免之其親戚以五十金為壽友人懷之以餽及觀面不敢出諸袖潛置書笥中經數日忽檢出大駭亟還之介捧類若此乙酉兵至訛傳父死遂同淵耀自縊于西城僧舍臨死神氣閒暇如平時題壁有進不能宣力皇朝退不能潔身自隱讀書寡益學道無成耿耿不昧此心而已等語士林聞而悲之所著有劄記二卷語錄二卷吾師錄一卷史記雜論四卷詩文若干卷藏于家後人稱為陶庵先生淵耀字偉恭邑諸生同里有夏雲蛟者字啟霖奇貧力學與蘊生同館于侯通政家講習相契一時有黃夏之稱篤行孝

雜聞源流錄

卷十一

主

葉敬堂

友精研性理以程朱自期著有豫章游草心學直指二編乙酉秋亦以兵死

陶琰字圭稗南直崑山人為人溫醇端慤特淡於性理之學雖為諸生恒厭薄時文好博觀諸儒語錄訪道不遠千里乙酉之亂有友人朱集璜字以發者居園城中拒守不下及城破赴水死時圭稗居雞鳴塘去城二十餘里躬率其徒奔救至中途聞城已破徬徨久之乃還日以發其死矣後之哉是夜距戶自經死

華允誠字汝立南直無錫人少從其兩兄汝翼汝正學

踰冠稱諸生萬曆丙辰偕汝正因族叔詡庵以師禮見昆陵啟新錢先生受源編滙編及管見像抄始識學脈之正閩尋赴東林講會讀忠憲高子靜坐說心性說更知心學性學之辨氣靜心靜之殊遂以復性為宗是年始從兩兄舉家會荆溪儲恕行氏邑中忠憲素衣兩公咸與焉以三九月為會期歲舉不廢天啟辛酉冬赴會試聽講于首善書院時關中馮少墟吉水鄒南臯兩先生主其事少墟有言曰身不妄動易心不妄動難汝立聞言當下反躬體認曰心不妄動不易身不妄動尤難壬戌成進士假歸復因詡庵執贄于忠憲且言私淑雖

雜聞源流錄

卷十一

主

葉敬堂

久不如親傳忠憲乃授以主靜之學甲子忠憲還朝因隨行謁選至淮陽隨講學於王心齋祠至寶應隨講學于范文正公祠在途寓書于家自幸得所依歸有云所謂無行不與今乃益覺親切而忠憲貽素衣書亦云鳳超整齊嚴肅殆若性成此天成道器一路受其益不少又許為生知安行宛然性象其相得若此鳳超者別字也及京除工部主事值魏奄用事馮鄒諸賢俱放逐拂衣歸崇禎己巳起補與笄我箴李荆揚劉康谷章格庵諸公論學轉營繕司員外督琉璃廠卻羨以萬計其冬北兵入塞都城戒嚴諸曹郎分守各門上微行察勤怠

多被譴逮有杖死者而汝立守德勝門獨完所製懸簾
修廣如式上霽頰差賞頒白金二十兩加俸一年辛未
調兵部職方員外協贊郎中事乞休不允疏陳三大可
惜四大可憂內言國家罷設丞相用人之職吏部掌之
閣臣不得侵焉今次輔冢臣以同邑爲朋比惟異已之
驅除閣臣兼操吏部之權吏部惟阿閣臣之意綫索呼
吸機關首尾庇同鄉則逆黨可公然保舉排正類則講
官可借題逼逐又言喪師誤國之王化貞宜正法潔已
愛民之余大成有可矜疏入奉旨切責回話再疏直糾
次輔溫體仁冢臣閔洪學罪狀二臣亦各疏辨奉旨再
雜閩源流錄 卷十三 華光城 三 彙敘堂

登第出相國賀文忠之門文忠在闈夢神語曰明日閱
第一卷真士也因得汝立卷後先殉國固非偶然而忠
憲之臨止水也特書一帖以授曰心如太虛本無生死
夫固以後死嫡系屬之矣汝立十六失怙太安人訓之
嚴歸養日母老患心痛每夜伏于床以氣噓之旦必露
禱請代三閱月病良已伯兄既喪固邀仲兄同居侍母
盡其歡至于置役田葺祠修宗譜廣同善會尤造福
族里方忠憲聞逮自溺有詔根究汝立既借郡守曾公
輩周旋其間又轉托都人多方調護高氏得無恙論楚
時以在京不及送比歸特補奠墓下知地不吉卽代營
雜閩源流錄 卷十三 華光城 三 彙敘堂

着回話三疏欲追理洪學所旨之軍功追奪洪學所叨
之恩蔭極言體仁紵臂塗顏廉隅掃地通衢露布徧體
瘡痍上察之止鑄俸未幾以終養歸上尋釋余大成于
獄寘王化貞于理皆前疏有以啟之也里居十年餘當
甲申南渡召爲吏部驗封司員外郎署選司事至京閉
門謝客貴陽相投刺竟不報先是荆溪再召過錫投刺
且托人致意欲以京堂市亦未嘗報謝也見時事日非
在署僅十三日謝歸乙酉後以舊冠衣杜門日惟飾巾
待盡戊子四月寓壻家爲游兵執至金陵始終不屈遂
與從孫尚濂同死神色陽陽如平時年六十一初汝立

改墓纂高子年譜一卷特詳于爲學入道之序誠高子
嫡傳也在兵曹草疏二千言力請崇祀謂國朝理學一
脉先臣曹端實開其始臣師攀龍則集其成宜與薛瑄
諸臣共祀孔子廟庭使天下曉然知正學之所在疏既
具因杜掌科先言之而未允不果上會仲兄書來曰高
先生崇祀一疏真吾弟身上事然斷非今日所宜言亦
斷非一疏可了設使言之今日無論側目者必以門戶
相詆卽在同志中有灼然確見以爲當然者幾人哉區
區之意以爲吾弟既身任之又必博求而密訂之察二
三同志中淡知先生之學者相與極力表章使先生之

學大著於世而後可議及此比之目前一疏為力更難
 擔子尤重所以謂今日且作歸計休養精神以圖不朽
 可耳非畏首畏尾之言也汝立得書喟然自此敦勵益
 至蓋汝立之學為能得統高子者家庭劇切之力居多
 晚年擬作易解細讀周易孔義輟筆歎曰吾無贅矣淡
 有味乎介石之義乃更號豫如學者稱鳳超先生所著
 有春秋說四書大全參補藏于家汝翼名允謀踰冠舉
 萬曆庚子鄉試下第後游東林一見錢顧高吳諸先生
 汗出浹背竟夕不寐反顧盟心務屏習心遠習氣洗滌
 磨礪簡押清苦尤研精於易一卦一爻莫不反求諸身
 惟園源流錄 卷十三 葉敬堂

心立家會率子弟興起於學天啟壬戌就寶應教諭以
 身植範諸生中有爭地終歲不解者至是化其教各讓
 不取爰即其地築典讓堂集諸生講習其中嚴立規條
 以正人心辨是非為急曰是非明而好惡公好惡公而
 賞罰當賞罰當而勸懲備從善惡反正易邪之念決矣
 初到任請祀劉駕部靜之于鄉賢祠五選賓筵惟劉學
 博春宇一人先於天啟末卒高忠憲志其墓稱燕超先
 生汝正名允誼號龍超晚更後庵與同邑呂誠之高彙
 旃嚴佩之祺先輩會講東林著有三像粹精春秋傳戴
 記纂疏等書訥庵名貞元卒俱在汝立殉節之後別有

傳茲錄不載 門人張光家曰光家夙聞華夫子得高子
 之傳丁亥正月十五日偕弟光庭過鵞湖
 奉家伯父書請執弟子禮夫于謙讓久之止齊受四
 揖仰見夫子肩背疎直目不妄瞬我冠修髮袍袖雍
 然真偉人也坐定首問靜坐之法夫子曰以定心氣
 耳勿思勿動純則目則游思易生只用垂簾為是次
 問為學之方曰高子遺書盡之矣問經學曰大易是
 聖人之體春秋是聖人之用近時易解惟管見說得
 親切因論時事曰逆案之定朝廷最為失着既知其
 逆即當誅而不赦矣赦而不誅又存其案則國法未
 伸徒以毒小人之心而翻後日之案甚無謂也留飯
 用五盞酒止三行情甚和洽時方率子姪輩節錄春
 秋傳義多主公羊說傍晚告歸夫子曰遺書管見二
 快即當簡出為贈明晨將發則二書已送至舟中矣
 其樂于引掖
 後進如此

吳鍾巒字巒釋 一字 峻伯 南直武進人初讀陽明傳習錄
 悅之繼讀釋氏壇經及聞養生家言又皆悅之弱冠
 惟園源流錄 卷十三 葉敬堂

奉父教受業端文顧公公亟賞其文時四方來學者
 眾每課試必列第一載從忠憲高公游聞其講論始
 悟向來所悅之皆非學術一軌于正一時名碩若孫
 文介張清惠繆文貞馬文忠相得甚歡而李忠毅應
 昇借兄應吳北面問業幾于無言不悅當忠毅觸璫
 被逮親戚交游俱避匿不敢送緹騎自江陰過郡城
 巒釋乃出逆于道舍之家論學數日訂婚姻然後去
 比忠毅就獄慘死輯其前後詩文書札為端友集以
 表之其後巒釋以貢試至都門石齋黃先生負重望
 在詞林一見喜曰吾雅慕李仲達恨不得見今見先

生如見仲達矣相與飲酒竟日而別巒穉二十補諸
生至五十八崇禎甲戌始繇光州學博連舉進士選
為長興令方赴任在途述孫文介困思抄為守身法
以自省在長興靖盜安民暇則與諸生講德考業浙
士爭師事之獨念旱潦相仍地方憔悴催餉不中額
丙子分考浙闈得士錢肅樂等已卯中使崔麟以巡
察鹽糧出其見郡縣體與撫按同巒穉矢志不肯屈
膝為時人所忌遂中蜚語罷歸庚辰家居讀易朝夕
不輟時四郊多壘士爭談經濟巒穉曰不明于死生
必不能忠義不知忠義必無經濟作勸學說與同志
雜聞源流錄 卷十三 吳錫 天 彙敘堂

未則曰吾願其見危授命不願其偷生事仇其示閑
亦嚴矣居海外時親友有以書招其歸者作止歸說
謝之吳之先本無錫人洪武間始祖肇以徵辟官御
史建文遜位棄家從亡後遇赦還托醫藥為業戒子
孫勿入城市三遷至武進之橫林鎮卒葬其鄉及巒
穉歸骨從墓基側論者謂吳氏祖孫忠節與明代相
終始學者稱霞舟先生所著有周易卦說大學衍註
霞舟携卷語錄雜著若干卷藏于家 呂高培曰聞之
先大父曰吳儀
部遊東林時年甚少端文忠憲兩先生相引重
而孫少宰相潭公讀其文以其甥女劉氏妻之亦
具眼也哉至吳氏之門多節義先死瑤禍者為江
陰李侍御仲達同死海外者為浙東錢員外希聲
雜聞源流錄 卷十三 吳錫 天 彙敘堂

未仕而守死善道者為吾錫顧孝廉所止固不愧
一脈也高培又按都人士並師顧高而死者備
部與馬文肅最著又有華學正紫梁諱白滋者明
末為養利州學正值交趾人寇城陷乃登明倫堂
其衣冠拜闕題詩自經妾姜氏撲殺三歲兒亦益
于堂西事在戊子十二月初八日與其家吏部公
同歲死人謂之華氏雙忠吏部公者即鳳超先生
師高而淑顧者也吾師之為是錄端主理學不偏
收氣節故不及悉著錄中然合而觀之可以
見端文忠憲之澤未亡功在各教亦大矣

雒閩源流錄卷十四 江門

無錫張夏纂 門人婺源黃昌修校

陳王二家之學端相引也然邈陳之本初固與王
殊科陳雖尚靜悟喜簡佚而極守規矩厲廉隅孳
孳矻矻以躬行心得為務從未敢顯肆一言詆賢
侮聖降至王而决裂太甚前斂後放亦判然矣惟
中間變為王湛此曰難靠書冊彼曰不須讀書此
曰有覺無覺彼曰無善無惡雖挾持非一而欲盡
掃宋儒直接義孔之意見則不謀而同為其徒者
又出入二門互相推贊遂牽而合之有若所謂湛

雒閩源流錄 卷十四 一 葵敘堂

先生之體認天理即王先生之致良知者噫白沙
當日不過欲救俗學解粘脫縛云爾豈料再傳而
後有此逗漏又有此浸淫流弊無窮也哉雖然未
可一律論也惟荆川子有言陽明津路宏濶求濟
者或迷其所白沙一綫之津得而守之問渡差易
此言近似亦語向陳而意推王者愚則請以宋人
斷之蓋白沙猶康節也陽明猶象山也昔朱子輯
近思錄祇取周張二程不採康節及錄伊雒淵源
乃躋康節于四子之列或嚴或寬義各有取而象
山未有與焉茲錄于陳王又可以竟削乎又可以

無差別乎爰取江門師弟子另編一帙見陳氏主
靜之教有若此病根在剝禪紊儒先正具摘之彼
亦不能自掩而其為教能使一時學者啟展功名
富貴以自致于君親之際可狷可狂而必不可為
鄉愿清風高節亦何可及也若夫增城之傳為獨
盛而其習顧寢偷觀涇野稚川二子致訾之言可
見崖畧猶幸晚年進修表伊川議象山稍砥越學
故其門下多篤實之儒啓歸正之漸不可謂無功
於江門矣愚故併著之嗟乎若斯人者本原則潔
品地則高學術則獨偏使得聖人而裁之磨明洗翳

雒閩源流錄 卷十四 二 葵敘堂

絕似求真其所就豈止此而已哉
陳獻章 莊 梟 賀 欽 陳茂烈
李承箕 承合傳 陳 庸 張 詡 林 光
李孔修 謝 佑 何廷矩 湛若水
區 越 梁 儲 丁 積 朱伯驥
馮 裕 方重杰 何維栢 霍 任
唐伯元 劉秉鑑 洪 垣 方 璣
謝 顯 潘子嘉 汪尚寧 鄭 燭
林挺春 郭 棐 鍾景春 蔡 駿
顧應祥 韋商臣 唐 樞 許孚遠

王愛

陳獻章字公甫廣東新會人宣德戊申生于都會村父先一月卒母林氏夢白龍入室其光如晝翌日公甫生幼秉奇悟讀書一覽輒記弱冠中正統丁卯鄉試再上禮部不第歸而歎曰學止於舉業而已乎天下必有知道者聞江西吳康齋講學臨川遂棄舉業而往學焉康齋師道尊嚴教人多舉伊維成語公甫至絕無講說惟使之斷地植蔬編籬作宇則使研墨客至則使接茶居半載別歸竟未知入處歸而杜門讀書徹夜不寢少困則以水沃其足久之歎曰夫學貴乎自得也然後博之

雜聞源流錄

卷十四

陳獻章

三

養敬堂

以典籍則典籍之言我之言也否則典籍自典籍而我自我也築一臺名曰陽春坐其中需求所以用力之方令家人穴壁饋飧幾至心病蓋自臨川歸苦心考索者三年閉戶嘿坐者又十年而後有得見此心之體隱然呈露常若有物於是渙然自信曰作聖之功其在是乎是時年近四十矣故其教人以主靜為先嘗曰為學須從靜坐中養出箇端倪方有商量處未可全靠書冊成化丁亥復遊太學祭酒邢讓試和楊龜山此日不再得詩覽之驚曰龜山不如也為颺言於朝以為真儒復出諱是名振京師羅一峰章榘山莊定山輩皆與游賀欽

時為給事中聞公甫議論即日解官去公甫既歸白沙

四方從學者日益眾與門人講學或至漏下疊疊不倦楚人李世卿來學築楚雲臺以居之進士姜麟使貴州特取道如新會以師禮見出曰吾聞人多矣未有如先生者至京師或問公甫何如人對曰活孟子活孟子庚子江西布政使陳偉輩修復白鹿洞書院致書幣聘為山長謝不往成化壬寅以廣東布政使彭韶都御史朱英薦赴京師召試吏部辭疾不往越數日赴試至部復以疾驟發引退卒不就試上疏乞歸養憲宗親閱再三明日特授翰林院檢討許親終疾愈仍來供職上表謝

雜聞源流錄

卷十四

陳獻章

四

養敬堂

不辭而去至南安知府張弼問出處曰康齋以布衣為石亨所薦以故不受職求觀秘書冀開悟主上惜南陽不悟以為實然言之上令受職然後觀書殊賴康齋遂決去獻章以聽選監生薦又疏陳始終願仕故不敢飾偽詞釣虛名或受或不受各有攸宜耳時年五十六自後屢薦不起事母甚謹時或在外母有念輒心動馳歸果然母信浮屠法及病命以佛事禱從之始懼學者障于言語事為之末也恒訓之曰去耳目支離之川全虛罔不測之神其後懼學者淪於虛無寂滅之偏也又恒訓之曰不離乎日用而見鸞飛魚躍之妙或勸之著書

不答別號石齋既老號石翁身長八尺目光如星右臉

有七黑子如北斗狀固異人也弘治戊午遭疾庚申二

月卒年七十三門人湛若水服心喪三年所著有白沙

集學者稱白沙先生萬曆初從祀孔子廟廷賜諡曰文

恭公甫嘗以周易疑義質康齋康齋曰過清江可叩龍潭老人龍潭老人者陳海濱也公甫如言往謁海濱老

人無至者與之對榻信宿辨析疑義公甫歎服而去

海濱因語其子曰吳康齋非愛我者呂涇野曰陳

省官同請對坐即坐無辭此儘朴實有所養陳清

淵曰白沙之學專主靜坐明心而以經書為糟粕與

程朱異尚當時若章楓山懋何叔丘喬新周翠渠瑛

胡敬齋居仁張古城吉羅整菴欽順陳益菴驥皆有

名言譽其為禪愚於學部通辯亦已辨之至尹塞齋

項綴錄則詆訾已甚詎實相半尚論君子識焉

莊泉字孔賜南直江浦人自少穎異長益不羣貌古而

心和學博而志曠與陳白沙同道交善世稱定山先生

登成化丙戌進士選庶吉士授翰林院簡討同編修章

懋黃仲昭上培養君德疏諫止上元燈火忤旨予杖謫

湖廣桂陽州判官未幾言者論救改南京行人司左司

副尋丁母憂會父質菴公感風疾臥病五年孔賜在憂

苦中延醫選藥扶持不少離父終哀毀逾禮既免喪以

疾不起移居浦子口值江流吞迫遷入定山所居諸峰

環抱依高為亭鑿卑為池兼具竹木花卉之勝巡撫王

恕入山訪之欲以白金十五鎰佐理做虛固卻不受聚

徒講學垂三十年弘治甲寅被薦召用巡撫何鑑躬詣
勸駕入京謁吏部三揖不跪冢宰耿裕起揖延之茶令
四司送出部門孔賜謂人曰第令不失已官職外物耳
內閣徐溥言當復官翰林而丘濬等持之吏部乃題復
行人司副乙卯內閣李東陽語吏部曰留都根本之地
定山還當官此遷南京吏部驗封司郎中到任十二日
偶病遷延野寺中以病告丙辰春不待報允而歸司察
者注以老疾蓋終忌之也孔賜生平持身慕伊川法度
接人慕明道和氣嘗曰天生聖賢為世道計也孔子六
經諸傳註喚醒聾聵所以引其不及者至矣今世降風

移學者泥於聞見至淪胥以溺非制其過可乎故進而

當行道也吾義所安不違道以干譽退而當明道也吾

志所存不立異以求名其持論率若此每厭俗學膚淺

不足以濟時通治故經濟之志多見于文字間雅好為

詩趣多自得獨踵唐人風格說者謂詩之變自定山

始所著有定山集行于世時白沙為學渙然于本心定山與之同趣每言當于經書

傳注外超然自得爰作活木溪雲亭以見意而丘瓊

山公博學多識聞陳莊語學驟異心嫉之又惡其皆

不仕曰率天下士夫背朝廷者二子也是不為君用

當誅蓋國初嘗立是法然申嚴祖訓中而丘言至此

已甚矣其時又立異為名高發之會試策問及丘

柄因莊再薦不得已而起竟敗名雖見幾少濡忍亦

行止之路固狹耳愚按甘泉序定山集有曰定山

雜源流錄 卷十四 五 彙徵堂

雜源流錄 卷十四 六 彙徵堂

雜源流錄 卷十四 七 彙徵堂

雜源流錄 卷十四 八 彙徵堂

雜源流錄 卷十四 九 彙徵堂

雜源流錄 卷十四 十 彙徵堂

雜源流錄 卷十四 十一 彙徵堂

雜源流錄 卷十四 十二 彙徵堂

雜源流錄 卷十四 十三 彙徵堂

雜源流錄 卷十四 十四 彙徵堂

雜源流錄 卷十四 十五 彙徵堂

雜源流錄 卷十四 十六 彙徵堂

雜源流錄 卷十四 十七 彙徵堂

渠老筆須終勁周子通書自不同蓋以周子謂白沙而以橫渠自謂也記定山祠有曰先生之學宜與白沙先生同而白沙先生嘗語我曰定山人品甚高恨不曾相與問學不知其後問林緝熙否緝熙又何以告之此猶若有未盡然者何耶竊以為此陳莊大同小異之槩也至于定山之將致仕白沙寄詩曰欲歸不歸何遲遲不是孤臣托疾時此是定山最高處江門漁父卻能知則又規頌皆寓其中矣予故于陳莊連類書之

賀欽字克恭遼東廣寧人少穎敏沉厚好學偶得近思錄朝夕玩讀得其旨要遂厭俗學成化丙戌舉進士授戶科給事中聞陳白沙議論歎曰至性不顯寶藏猶靈世卽用我而我奚以為用卽日抗疏解官去執弟子禮惟謹既歸肖其像懸室中有大事必啓焉弘治初薦起

雜聞源流錄

卷十四

七

藥教室

為陝西布政司參議撫治商雜以母老病上疏懇辭陳四事一曰資真儒以講聖學二曰薦賢才以輔治道三曰遵祖制以處內官四曰興禮樂以化天下因力薦獻章天性高明學術純正乞任之內閣經筵俟大政養君德疏入朝廷允其辭而所陳四事黜以浮汎罷之正德己巳逆瑾括民田東人驚疑思亂義州以守臣貪故遂先發聚眾縱火劫財城中大擾相戒無驚賀公鄉人請克恭往撫之眾皆羅拜乞生路克恭曰渠輩既知悔卽不殺人猶可活鎮城有體勤人來渠輩但乞命毋殺人已而體勤人果至須臾人報發軍來勦眾復呼謀相

聚曰賀公素無誑言再往問之克恭曰城中擾亂至此鎮城焉得不發兵兵雖至爾等第不殺人無害也衆唯唯退城中竟不傷一人克恭家居杜門潛心理學不務博覽惟讀五經四書小學靜思嘿識反身實踐冠昏喪祭遵用家禮每教人讀白鹿洞規雖嘗尊信白沙及白沙謂賀子少自得宜誦佛書毅然弗之從也晚好易究心象數手不釋卷清修篤行鄉人化之稱曰醫閻先生及卒祀之陵溪釣臺子士諮鄉貢士博學慎行嘗陳十二事論王政不報辭病歸終身不仕

中

雜聞源流錄

人

藥教室

陳茂烈字時周福建莆田人世隸興化衛戍籍少喪父補總旗晝入公署夜歸讀書祖母憐其孱弱亟止之乃韜燈默誦不少輟年十八慨然歎曰善學聖人者莫如顏曾顏之克己曾之日省學聖之法也作省克錄以自考嘗赴會試道遇盜剽貫盡亾獨友人所附金在畢歸之附金生請分謝曰我金去君金存何謂分乎弘治丙辰登進士奉使廣東因從白沙游教以主靜退而作靜思錄終身佩其教初為吉安府推官持大體開至誠郡守嚴擊強豪能輔以寬當道尚深刻徐開解之得和霽信孚上下豪家利寡婦財誣許婚斷從守志妻有夫死

而嫁其孕妾者既生子歸承其業族人爭之驗類其姊爭者愧服考績歸至淮幾凍死所知覆以敝裘救之拜監察御史敝衣羸馬身若無官劾罷尚書侶鍾尋以母老乞終養母進甘旨妻子服食粗糲躬治畦隴以給出則手執小油蓋入臥破席無惟人皆不堪獨泰然自足一女適彭惠安公孫嫁具涼薄亦不以自嫌也侍母之暇日坐斗室究極經書體驗身心隨得隨錄嘗曰儒有向上工夫詩文特土苴耳正德中吏部以其孝養清苦奏改為晉江教諭資其祿不拜復援侍郎潘禮事例奏給月米上從之制曰陳茂烈清苦可嘉着有司月給米

雜聞源流錄 卷十四 李承其 九 彙敬堂

三石以資孝養又具疏辭不允時周以母年九十未有嗣息日夜為憂方抱疾而母卒強起號哭寢于地親負土石成墳疾轉亟亦卒遺命立族子遠揚為後鄉達林俊為治殮都御史王應鵬奏稱茂烈廉約如石守道而所養獨純孝行如徐仲車而所處尤困請卹之詔表其里曰孝廉祀之鄉賢恤其家學者稱梅峰先生愚按白皆以心悟勝狂能包循也醫問梅峰二子最服膺白沙之教而莫不尚躬行稍善學往也是四子者進于道矣愚故於此並進之夫別之於門派而尊之於位置非有二也以道為衡而已

李承箕字世卿湖廣嘉魚人幼有大志不喜舉子業好古文辭非禮不言動初赴成化庚子鄉試考官蔡

悅首選其卷監臨者不從而罷悅乃上書政府論薦至丙午與兄承芳同登賢書每上公車定以元旦不忍以令節違親已酉除夕兄弟侍親榻至中夜母歎曰今夕有二子在明夕當何如世卿聞言即泣下不忍去勸兄就道已畱奉親遂棄科名不復言祿仕久之兄棄官歸相與日夕奉母怡愉一堂及母喪寢苦枕塊不離喪次凡再入粵訪白沙事以師禮讀書大崖之峰因號大崖家徒壁立家人告不給適兄弟對坐相視曰吾道非耶後竟以學行名天下世卿為人寡言笑終日端坐人莫窺其所存為詩文下筆立就

雜聞源流錄 卷十四 李承其 十 彙敬堂

若不經意工草書人爭傳之所著有大崖集卒配享濂溪祠承芳字茂卿幼穎異生七月以筋畫灰作土地二字年十四伯父中丞公田指鄉富貴者示之曰兒志及此乎對曰富貴不淫貧賤樂兒志也成化庚戌登進士授大理寺評事居官清苦嘗謂人曰予得俸錢三十緡可津而南矣及遷寺副遂謝病歸與弟偕隱以講學為業其論治以教化為本所著有東嶺集

陳庸字秉常廣東南海人力行好古舉成化甲午聞江門之學在師事之白沙深取其德量年踰五十親

友強之仕補荆門州同知蒞任五日不能隨時俯仰拂衣歸足不履城市督學王弘請與相見竟謝不往友人謝佑卒貧無以塋罄囊助之病革沐浴更衣設白沙像焚香再拜而逝年八十六所著有東峰語錄其徒多以科第顯倫文敘最著

張詡字廷實

號東所

廣東南海人少負經濟好探名理

不爲口耳之學莆田彭韶見其所作詩美之曰嶺南孤鳳也因陳庸以見白沙或詢詡爲人白沙曰余知庸庸知詡何問焉成化甲辰登進士移疾歸久之授戶部主事尋丁艱歸隱居二十餘年弘治辛酉巡按

雜聞源流錄

卷十

張詡

十一

彙教堂

御史費鑑疏薦部書下有司速駕以疾辭不起正德初御史程材王旻前後疏薦部書再下堅辭如故既而吏部及巡按御史累疏學行以聞有旨起用甲戌拜南京通政司左叅議乃先具疏引疾勉赴南都拜孝陵而歸不閱旬卒年六十

愚按白沙門人張東所稱釋尤深卽白沙嘗嘗

之見整菴甘泉問答書中

林光字緝熙廣東東莞人自少苦學不懈博綜經史父彥愈嘗手書范文正畫蓋粥事爲勗已復購文正全集畀之年十七補邑諸生讀吳草廬論學諸書益大感悟建得趣亭日讀書持敬涵養其中成化乙酉

領鄉薦己丑會試拜白沙於神樂觀語大合遂從歸

江門曰吾得師矣白沙亦深期之父聞而喜手錄朱

子語類至四十三卷課之曰汝學能立吾啜菽飲水

死不恨矣紆青紫耀閭巷何有於我哉蓋父子間自

爲知己如此既而築室欖山與白沙往來問學者二

十年巡撫朱英勸之仕報曰夫人幼而習之於小學

必求所以事上長而進之於大學必求所以治下善

學者不汲汲於施爲成敗利鈍之際而汲汲於吾心

權衡尺度之間寧學成而不用未有不成而苟用者

也父艱服闋母強之出甲辰會試中乙榜授平湖教

論以身爲教勉學者反躬修行探本窮原上敦風化

養廉耻疏得旨飭行巡撫彭公廉其賢待以賓師之

禮丙午分考福建弘治己酉主考湖廣是年總修浙

藩憲廟實錄辛亥修嘉興縣志壬子復同考順天凡

三較文僉推添鑑部使者以卓異薦遷兗州府教授

會內艱歸起補嚴州府教授按察使孫需疏薦擢國

子博士作正學解教胄子解諸生翕然宗之會孔廟

災上疏言孔子之心必不安于天子禮樂之祀宜題

木主曰先師孔子時論避之三載乞休不允尋遷襄

府左長史進中順大夫遂致仕邑大夫歲時請爲鄉

雜聞源流錄

卷十

十一

彙教堂

飲賓皆不應日惟靜坐讀書嘗言所謂問道者在自得耳讀盡天下書說盡天下理無自得入頭處終是閒也別號南川自師白沙外遠與定山為友見愛重亞于白沙詳見定山集中壽八十一

李孔修字子長廣東順德人僑居廣州之高第街混迹闖閩人不識也張詡識之薦于其師白沙及見白沙亟稱之賢名始著嘗輸糧于縣縣令異其容止詢姓名不答第拱手令叱之曰何物小民乃拱手耶再拱手令怒答之五竟無言而出有庶母父沒改適誣子長奪其產縣令鞠之即操筆置對曰母言是也縣

雜聞源流錄

卷十

三

彙敘堂

令疑焉徐得其情乃大敬禮之敝廬薄畦蔬食不繼未嘗一顰其眉詩字不履前人自為戶牖或觀山水歸而圖之見者爭愛而酬之平居皂帽深衣入夜不違二十年不入城閩惟攻周易城中兒童婦女皆稱曰子長先生吳廷舉縣令為藩臬在粵最久與為布衣交兩人高風在塵埃之表粵人嘗道之此兩人亦相成也自號抱真子卒無嗣憲使李中少參王崇教經紀其喪尚書霍韜墓之西樵山西樵人祭社以子長配東莞祁衍過其墓有詩不見高人李抱真清風巢許必為隣歲時伏臘村翁事芳草婁婁又一春

謝佑字天錫廣東南海人嘗從白沙游一聞主靜數祭遂築室葵山之下栖焉宴甚併日而餐襪不掩履晏如也塵世名利不少罍胸臆病中寄友人湛若水詩曰生從何處來化從何處去化化與生生便是真元處未幾卒後若水祀白沙于白雲山以天錫配何廷矩字時振廣東番禺人為郡諸生以文行為督學胡榮所器重見白沙即棄舉子業從之游會將秋試時振毅然謝去胡公遣人乘馬追之謝曰泉石疾已在膏盲矣遂不復出所著有禮意大全三卷存半錄十卷皆本周禮云

雜聞源流錄

卷十

四

彙敘堂

湛若水字元明廣東增城人性穎敏自少知好學弘治壬子魁書經尋從白沙游即以隨處體認天理為說白沙曰此子參前倚衡之學也自是潛心默會日有所得遂焚去路引誓不復出後以母命出赴南雍祭酒章懋試晬面益背論甚奇之乙丑會試南昌張元禎為主考無錫呂元夫為同考拔置第二賜二甲進士選庶常授編修時王守仁在吏部各用其說倡道京師聲望日著而元明場屋所取士修撰呂柟主事王崇輩又交和久之使安南冊封國王黎嗣悉卻餽遺正德乙亥奉母喪歸墓荷塘廬墓三年墓產

瑞瓜既而卜築西樵多士來學支與日給錢米命就禮舍至齋戒三日習禮成而後聽講講必端坐觀心不遽與言嘉靖初以侍讀遷南京國子監祭酒開講院刻心性圖說門人在監者永康程文德武陵蔣信最著皆極力薦拔後至通顯俄遷禮部侍郎先後有勤聖學等疏凡數十上彙為獻納編又做大學衍義補作格物通以進累遷南京禮吏兵三部尚書置新不三山二莊講學于其間他如江都休寧貴池等處皆建有書院元明在南都久春時勸農躬詣田畝憫俗侈汰定喪祭之制頒行之有劉公廟聚眾燒香為律聞源流錄 卷十 四 葉敬堂

沉其像於江以絕眾惑貧者或以火基乃買田四郊為漏澤園以處之且置田供時祀費盡私創書院僧尼勒令歸俗後生子多以湛名者蓋久而沙化大行秩滿奏績上以論七十許致仕平生志力勤無處不授徒無日不講學從游者殆徧天下斯時天下學徒不歸王則歸湛謂之王湛凡足跡所至必置書院祀白沙山莊亦然嘗至衡山特築白沙書院置田五頃歸復取白雲山為白沙祠其所論率本師說而參以己學甚闡陽明子之言空聽者心折焉學者稱甘泉先生或稱增城先生庚申四月卒丁所居

小禹洞年九十五有大星隕于廣州之河南其聲如雷所著有遵道錄樵語古文小學四書測二禮經傳測春秋正傳古易經傳測學庸訓測及前後詩文集數百卷行于世謚文簡

涇野跋甘泉書白沙語曰右言也益見道之言也夫其曰道有以言傳與否者以人言也甘泉先生書白沙先生數語言也有由積累而至與否者以學論也人品有上下故於賜則欲無言於回則言之終日若認道不可以言傳則異矣人學有生困故義黃為生知堯舜已就業若認學不由于積累則誤矣是故志學耳順積五級而後得詞不可已舉六經而始備故曾子即禮而問于諸疑顏氏竭才以事於四勿觀是書與言者當求之意表不可泥之辭中辨甘泉先生之門生也因章科之問遂注釋其後以歸方氏

區越廣東新會人少游白沙之門正德初由進士知嘉善縣性慈祥政務簡靜得親民體以最名人為戶部主事平居無疾言遠色以涵養稱

梁儲字叔厚廣東順德人成化戊戌會試第一殿試居二甲首改庶常授編修正德初歷冢宰兼學士崇典誥勅掌詹事府事為逆瑾所紉瑾敗召復官遂入閣為大學士歷加少保少傅少師兼太子太師華蓋殿大學士請召還舊輔楊廷和至則遷居其下前後諫止武廟游幸命草勅自稱大將軍巡邊及于秦籓救地入寧王世子居守俱有回天功後受遺詔迎立興邸是為世廟事具國史晚號厚齋別號鬱洲居士

律聞源流錄 卷十 四 葉敬堂

著有鬱洲集卒年七十七贈太師諡文康少及白沙門未悉其授受本末蓋講師弟子之禮而自立者也白沙諸高弟在粵者以重望莫若厚齋以廣教莫若甘泉此外又有鄧德昌易德元者品槩清高皆南海人

丁積字彥誠江西寧都人成化中除新會知縣聞邑中有白沙陳先生喜曰吾得師矣請白沙門人梁編修儲李主事祥為先容既至事以師禮月分其所得俸給之白沙謝不受有所聞行之惟恐後其為政以風化為本而主於惠利申洪武禮制參以文公四禮

雜聞源流錄

卷十四

七

彙錄堂

儀為書擇邑老成人主之月朔進問于庭優禮其能者嚴賭博竊盜之禁榜門示耻良家子游惰不作業者聚廡下使日誦小學書親為講解以需變化于是表邑中節義祠墓各置田立守及時蒞祀諸上下往來非經之餽一切杜絕盡罷向來民間私斂當月錢其甲首納均平錢畢自歸田弛然無復事白沙賦樂歲詩曰長官願似丁明府甲首終年不到衙蓋其實也歲大旱春盡種未入土彥誠深憂之築壇山頂晨夕齋沐伏壇下禱得疾卒歸德里有一嫗夜哭而哀或問之曰來年當甲首丁父死吾何以聊生其得民

如此

朱伯驥湖廣通山人成化癸卯舉人築室溪南耑精墳典與俗違尚就選廣州府推官一見白沙接緒論即浩然有歸志退而上書論古今人才不相及白沙以為知言遂棄官歸橫經講學時放歌自適自賀欵至未伯

驥共十五人皆白沙門人

馮裕字伯順山東臨朐人以先世戍遼東生于廣寧少孤貧刻苦讀書聞義州賀醫閭倡明理學在師事之輒充然有得歸而密叩身心動靜語嘿雖微必謹家無積書借覽以資見聞精心經學雖箋注隻字必

雜聞源流錄

卷十四

八

彙錄堂

窮研洞豁然後已正德初舉進士授華亭令時逆瑾煽禍邑人張文冕任近侍為瑾腹心以家托之及至邑一無所私冕怒愬于瑾將逮繫之伯順知禍在旦夕略不為動已而逆黨伏誅歷蕭縣令晉州牧所至多惠政去後民見思遷戶部郎出納一循法制數忤權貴權貴潛遣人偵之踰歲無所得其人歎服再拜辭去出守貴州遷按察司副使後先七年屢建平蠻功嘗一言解關南裔以寧後解官歸青州不治生產僦居十餘年力不能酬其直囊無遺鏹瓶無遺粟弗問也性重厚剛介人不敢干以私居官居里凜凜自

持非義一毫不染晚年端坐陋室手不釋卷與諸同志結會講道嘗為醫閭先生集序疾亟猶更定字義命筆皆正俄而整冠斂衽卒子四惟健惟重惟敏惟訥俱登第醫閭門人

方重杰字思興廣東南海人尚書簡肅公之冢子幼著孝行母病額天割肱和粥以進母啖之尋愈父沒廬于墓側有朱蛇盤旋廬舍中弗去者旬日臺司行檄獎扁其門受業于東所張子搵養漸充正德己卯舉于鄉再上春官不第遂脫迹名場潛心道與甘澹泊絕嗜好以顏子淵程伯淳為架獲妙契疾書根極

雜聞源流錄

卷十四

方重杰

葉敬堂

要領著希明錄以見志後病嘔血卒屬續之日令其子講疏食飲水章歌歸去來辭自作挽詞至死不亂大理卿黃鞏贊曰簡肅之有思興猶張忠獻之有南軒也東所門人

何維栢字喬仲廣東廣州人少游三水庠見同舍生臨祭而隼輒引避以為辱已眾皆愧服嘗慕西樵泉石之勝負笈讀其中值湛文簡霍文敏亦山栖與語多所默契登嘉靖乙未進士選庶常授御史疏止沙河功德二役省費百萬再疏罷征安南極論毛尚書伯溫奪情上亦納之尋謝病歸西樵與劉模王漸達

王激衷在來論學復補御史出按八閩賑恤飢民存活計數十萬因條救荒十策著為令首發少師嚴嵩罪狀比之李林甫盧杞上震怒遣官逮繫所過士庶遮道攀留緹騎持之益急諸生大哭喬仲謝曰此子慮定而後發人臣之義自當如是何哭為逮至幾死杖下竟削籍歸屏居僧舍聚徒論學隆慶改元復原官屢遷至左副都御史協理臺務萬曆初轉吏部侍郎前後疏請修聖德勤聖學飭羣工語多切中會少師張居正遭喪奪情眾議保留尚書張瀚私叩之答

曰天經地義何可廢也語泄見忌出為南京禮部尚書次潞河遂乞骸骨歸角巾野服恣遊名山關天山書院聚講發明白沙宗旨薦紳之士即皓首猶北面就弟子列卒謚端恪所著有易學義禮經辨太極圖解天山存稿及編陳子言行錄行于世

雜聞源流錄

卷十四

王

葉敬堂

霍任字尹先廣東南海人少同兄韜讀書僧舍衣冠相對即暑夜不違人服其端莊兩試不遇遂潛心理學以主靜為根宗絕玩好斷戲謔於聲色名利澹如也父母沒哀毀成痞齋素三年廬墓西樵服闋因移家墓下兄方歷顯要秉銓衡而尹先托迹溪谷間與白沙高弟鄧德昌輩泉石自娛不與世事然赴人之

急甚於其私有被誣殺人罪者初未識面聞其冤輒為雪釋其人致百金謝庵不納歲稔令家人減食以賑見債負苦累或代償焉有兩田更闢乙不勝毀甲先隴以洩忿甲將訟于官諭之不聽乃具脯醢往拜其隴躬飭之甲驚曰吾世田更何以當此遂不復訟矣栖西樵垂四十載山民父視之比卒聞者莫不流涕著有心性說解宙山剩言

唐伯元字仁卿廣東澄海人萬曆甲戌進士知萬年縣改泰和俱有惠政秩滿晉南京戶部主事去兩邑民並祀之後為郎進石經大學上雷覽焉以言官謫

推爾源流錄 卷十四 禮元 主 彙纂堂

其詆斥新學貶判海州叵何轉保定推官擢禮部主事疏請端大本間引世宗遺詔語極忠劄上為感動辛卯典湖廣試得士備一時之選歷遷吏部文選郎中上方督過銓衡同官懼罪兢兢仁卿一意剔弊銓地清肅會太僕少卿闕太宰薦入未下兩疏乞休歸踰年卒年五十八仁卿學本誠意為文根極理要所著述有醉經樓集禮編易註太乙堂采芳亭稿白沙文編二程語類諸書以上三子白沙後學劉秉鑑江西安福人早孤勵名檢壯益嚮學出甘泉洪公之門與呂涇野鄒東廓為友惜陰會起盛暑靈

雨必赴其兄沮之曰子事母孝事兄悌奚以講學為從容對曰兄觀吾外謂可免怨尤吾觀吾內猶有未真切者兄拊掌曰審若是老夫當率以聽嘗為副使兼理河道忤巨璫賴義誣逮謫判韶州

洪垣字峻之號覺山南直婺源人十六補諸生嘗取顏氏其殆庶幾者苦心探求久之而恍然有悟既登第及甘泉門論學相得繇永康令考最拜御史按視兩淮鹽政巡按廣東主考在臺七年疏諫巡幸選宮嬪

推爾源流錄 卷十四 禮元 主 彙纂堂

華餘鹽清選法黜貪汙討篡逆前後章奏累百出知温州四載致仕居官務行其所學絕不以寵辱介意宦轍所至捐俸各立書院創膳田羣人士講論即下逮氓庶吏胥亦令環立而聽欲以斯學徧醒人心既歸林日與同志論學切劘卒年八十七著有歷朝史說周易玩詞理學要錄緒言聞言應迹言等書方瓊字時素號明谷南直婺源人聞甘泉講學南都往師之奉命指導國子諸生勤心晝夜不避寒暑甘泉曰吾道不孤矣爰相從北上比歸以所學策勉同志遠友來學有不給者輒贖之坐是屢空無怨意後甘泉還廣城遠造請益返而同行友王子墩罹瘴死舟中例不載屍乃秘不發同屍寢數日至詔適有故人

一書 卷十四 禮元 主 彙纂堂

為韶守始發喪得賻殮歸載借洪垣往粵卒業甘泉喜名其所居曰二妙樓督學胡植按部聘入試不舉遂絕意仕進居家敦行孝弟卒年四十五門人彙錄其遺言名正學存稿

謝顯字惟仁南直祁門人生而沉慧異凡兒稍長苦志問學家貧甚或勸之治生惟仁曰治生孰若治心窮冠抗顏為人師嚴毅方正不徇時好聞人有謔混語輒不悻鄉里敬憚之博綜經史尤邃于易嘗自誦曰欲為天下屠龍手肯讀人間非聖書會甘泉講學南都往質焉屢問而屢不答茫然自失覺其始之所

雜聞源流錄

卷十四

圭

養教堂

學猶外也退乃於靜中求之久而有得甘泉器之歸構神交館與謝莘方瓊等日相究竟嘗言人一念差一言差則天地萬物為之解體又曰精神須醞釀得到又曰此學如過獨木橋相似絕無羣貼倚靠有立脚處卒年四十九所著有聖諭演易說併文集諸編潘子嘉字汝亨南直六安州人鏗之子幼承家學穎異老成聞甘泉開觀光館于南雍負笈往從問學甘泉曰在問道問道曰在立志必真知而後志立志也者其聖學之基乎問道曰道天理也心之本體也子能知本體之自然則知道矣問自然曰心之本體

不假人力故知勿忘勿助之間無所用力者斯得之矣問忘助曰忘助皆私心也滯于物勝于事皆忘也矜持欲速皆助也問勿忘勿助之間曰無在無不在也中正而不息易所謂神而明之存乎其人聞之頓然有悟乃與蔣道林沈艾陵諸子日夕研究歸聞當道有惡人講學者遂謝去餼廩讀書山中越六年聞人督學廉其恬退命有司以禮致之強令復學與歲薦未幾歸病卒汝亨居家孝友事繼母不違顏色待異母翁推財讓產壯年失偶不再娶皆人所難著有惺菴集

雜聞源流錄

卷十四

圭

養教堂

汪尚寧字廷德南直歙縣人嘉靖己丑登進士歸將受室聞甘泉以列卿居雷都在學其門乃抵里成昏授行人司副歷官至副都御史撫南贛開周濂溪祠羣諸人士講學其中大猾僭號稱王勢漸張授方略誠渠散從事平或請疏聞敘功竟置不言久之彗星見詔議罷諸大臣坐免歸時年四十七父母俱在怡然子舍絕口當世壹意問學年七十卒著有周潭集廣資錄日錄及四晚抄事物圖說諸書鄭燭字景明南直歙縣人少嗜學補郡庠游甘泉東廓二公之門歸而講業郡邑及門者數十百人持論

一稟中庸或有據先哲遺行發人隱者問輒不答敝衣糲食潛心遺經前後學使者衡文行並首舉之貢入成均選河間府判主密雲餉嚴出納謝耗美間左便之改判辰州守官如故暇則進諸生講學咨決所疑以身下人尋奔父喪歸時年六十餘哀泣羸憊至不勝喪踰年卒自號遠齋著有石田稿

林挺春字少和廣東順德人少從甘泉學事親至孝藩臬旌其門謝不受以舉人教諭僊游悉取田租散諸生嘗自作蓮豆禮器或謂有主者曰學佛乃捨其身吾何惜錙銖而儉夫子遷知零陵調南靖值兵燹

後洪水又至乃改邑于大帽山下首正經界均田賦招流移撫凋瘵南靖大治遷知霑益州以親老不赴持身醇謹罷官益貧為士紳師表

郭棐字篤周廣東南海人弱冠繇儒士領嘉靖己酉鄉薦師事甘泉與聞心性之學壬戌成進士授戶部主事改禮部會穆宗即位次日傳封七夫人御禮篤周力諍納還曰方今先帝廟號未尊中宮母儀未正而遽有此舉何以示天下事得寢與新鄭相語忤遂

請歸養祖母疏陳十事如設史局官錄于謙後進薛瑄陳獻章從祀皆允行既而出守夔州作仰高夔龍

二書院選郡邑士躬董教之兩較蜀閬所得皆知名士尋以湖廣屯田副使改四川提學時執政方行汰士法篤周守正不阿去取公恕歷遷雲南右布政加光祿正卿致仕居十年卒平生外絕攀援內屏聲色自講學之外一無所事著有粵大記夢菊全集嶺海名勝記廣東四川通志齊楚滇蜀諸稿

鍾景星字叔輝廣東東莞人少習舉業聞甘泉講學西樵遂受學焉久之相從至都下與陳謨郭肇乾相策勵終日正襟未嘗少懈如是者數年充然有得飭躬砥行毅如也家最貧然毫不苟取雖往來諸名公

間終身未嘗有所干人以此益重之卒年七十四何端恪公銘其墓

蔡鑿字天章北直真定人初從甘泉學甘泉稱其體認力行不尚言語時講學者共推為會長及為御史以言事罷歸建浚濱書院聚徒講學立論純正不盡

襲湛氏之說嘗曰天下無性外之理亦豈有性外之道吾心具此仁義禮智信之理是以有君臣父子夫婦長幼朋友之道君子之所以異於人者以其能盡性也異端邪說既不明性之為理焉能盡其性耶又曰古之君子窮達皆樂易曰樂天知命故不憂道德

在我窮達之遇如寒暑風雨之序而已不與焉又曰
朝廷以教化爲先上君子以廉耻爲貴士君子奔競
之風息斯朝廷正而教化行風俗厚而天下治士節
不立教化不行求治於典章文物末矣時人稱爲汶
濱先生

顧應祥字惟賢浙江長興人弘治間進士僉廣東憲
時有擒勦海寇功累遷都御史巡撫雲南多所建置
更定添設永昌等府學較師儒申明射禮晉刑部尚
書奏定大明律例致仕歸嘗從湛王二公游然不其
傳依其說大指以孔子豈自愛其聖必晚而後施之

雜聞源流錄

卷十四

顧應祥

毛

羹敬堂

曾氏吾驟而語以由天德之知彼嘒嘒然而以天德
之知自命而卒未離聞見知也且性命非空懸而無
寄者吾日愧於倫物而談性命得無爲識者笑耶其
所持衡足破世學之陋而不爲門戶及教授諸生以
故無傳者語散見惜陰錄中卒年八十三贈太子少
保著有人代紀尚書纂言歸田詩選授時曆法測圓
海鏡唐詩類鈔明文集要等書

辛商臣字希尹浙江長興人嘉靖癸未進士釋褐時
值甘泉在都倡道往侍教席毅然有希聖之志甲申
授大理寺評事會言事諸臣多被罪遂循職掌上疏

論救愷切忤旨謫靖江縣丞丁亥量移德安府推官
屢辨冤獄郡中稱神明乙丑遷河南僉事分司汝上
帥兵討平永寧巨寇捷聞壘書嘉勞伊府莊王無嗣
濟源王入繼以宿忿虐殺其妃及其戚屬四人寃久
不伸廉得其狀悉論如法奏上報可乙亥轉四川左
叅議以執法忤權宦中察罷歸明農課子之暇高臥
一小樓不下優游以終

唐樞

號一

浙江歸安人少卽矢志求道從甘泉游中

嘉靖丙戌會魁授刑部主事以忠勤勿欺自勵服官
半載讞獄者三必求情罪允當以疏論李福達事件

雜聞源流錄

卷十四

唐樞

毛

羹敬堂

旨罷職歸是時年二十九益奮詣聖賢之學以討眞
心爲宗從游者甚衆監司直指及守令每式廬請益
爲創一菴書院于湖城中來學益廣許司馬孚遠王
比部愛錢武選鎮輩皆出其門陶鑄賢才不可指屈
一卷見地既高而飭躬實踐一言必有著落一介不
苟取予尤畱心經濟身歷各省險遠若川廣黔滇以
及九邊躡屨茹草以游一生淡泊至七十三易簪篋
床竹籠而外別無長物是歲學使直指各爲文致祭
檄祀學宮又卽其講堂爲齋祠春秋祀之所著有木
鐘臺集三百卷續集一百卷藏于家

愚故王以致良
知爲宗港以隨

處體認天理為宗立宗已近禪門矣至一卷唐氏更以討真心為宗語益不推而舉世附之何邪然真心固不可失討之是也嘗考陳王宗古其初無大相遠也而得江門之傳者多輕富貴任實直沿姚江之流者多嗜功利用機權則心之真假所由分焉耳中庸曰不明乎善不誠乎身此二家者皆未善也彼善於此吾寧取江門焉 自

許孚遠字孟中浙江德清人少負不羣志中鄉舉後從歸安唐一菴學登嘉靖壬戌進士授南京工部虞衡主事督龍江關瓜儀河道皆著廉仁聲調南吏部考功在留都盛講學調北稽勲適文選郎中胡汝桂方錚錚自附講學每引之款語諸僚忌之以為必議流品各遣人竊聽無所得疑卒不解更調驗封陞慶

雜聞源流錄 卷十四 許 彙教堂

改元移疾歸後三年新鄭高文襄起吏部以與華亭有隙痛抑講學者起考功主事即推廣東僉事值廣有倭警乃發十策大約以水陸夾攻為要領先後遣使諭賊及身航海抵賊舟擒降甚衆又建善後十二議擬開詔賜金旋移閩臬當內察會前忌者掌考功乃謫兩淮運司判官自閩歸將遂終隱往問於一菴一菴曰我二十九建言歸今七十四矣此四十六年中未嘗一日忘起也惟枉已則不可耳今子雖暫挫然前途自平坦但踏實地行何害異日追悔晚矣遂之官萬曆初擢南太僕丞遷南文選郎中又明年請

告歸繼丁內艱服闋補車駕郎中時江陵當軸頗知重孟中而忌者復構之出為建昌守在郡廉謹不廢講學居二年鄒給事元標特疏薦之遷陝西提學副使以身範士考核肅然擢應天府丞築高淳堤成會李都御史材以滇事被逮孟中投揭諸司申救免其死而南道以此疏劾降二級調外歸數月丁外艱服闋補廣東僉事轉廣西副使遷右通政晉右僉都御史巡撫福建疏請罷倭乞封弛商海禁及定飢民之亂免呂宋之罪閩人皆德焉在閩二年擢南大理卿尋晉南京兵部右侍郎是時倭尚未靜當事者以

雜聞源流錄 卷十四 許 彙教堂

其熟倭情改北兵左然其在南都以聞曹講學與禮部楊起元俱以部堂為領袖持論不同旁觀者頗起口語將借講學中以外計孟中行至清源聞之稱病乞歸五疏得允居家不殖生產孜孜以講學為務生平質直無飾言飾行事至立斷一以至誠無欺待人萬曆甲辰七月卒壽幾八十賜祭葬贈南京工部尚書學者稱敬菴先生著有敬和堂集行於世 高子曰 學以無欲為主自迥別于世儒然不必以大學論 離合也當時濂溪之學亦主無欲但其時大學未 學欲執此以病彼氣象便局促耳 王愛字體仁浙江秀水人生而孱弱十齡外始受書

輒能解大義尋補諸生聞唐一菴講學苕溪負笈從
游受討真心之旨又因沈給諫石雲問學於龍谿爰
悟良知真心詞異指同嘉靖癸卯領鄉薦公車往來
徧交宇內名流推明師說游南雍值故人永康松谿
程公爲大司成倡會雞鳴山屬爲都講風動金陵歷
六試成已未進士就順天府學教授晉國子監並舉
其職擢刑部主事曰高皇帝律令卽堯舜欽恤心法
吾學所爲致用也有相公二客犯禁逮治之不少貸
又不諳相公謝相公怒有謫言自是有去志尋以遷
壘得請歸遂不起故業蕭然益好言學至老不倦借

雜聞源流錄

卷十四

三

葉錄堂

諸同志朝夕研討凡真文湖之會天真在杭城墟
文湖在秀水
必至特不爲標榜懸八戒於堂中以自警上虞同年
徐公學詩以論劾分宜削籍貧甚至不能爲子娶婦
乃罄橐中百金以給之臨沒神色不亂顧謂諸子曰
我生平無善狀惟於此學稍有窺見庶幾得全歸以
無負爾祖父之教從容詠黃鶴詩而逝以上二子
一巷門人

雜聞源流錄卷十四終

雜聞源流錄卷十五

姚江一

無錫張夏纂

門人婺源黃

昌衢校

愚聞之子高子曰姚江之學與濂雒之脉絕信斯
言也茲錄於陽明及陽明之徒固不得列也夫陽
明詆朱子比于楊墨侮孔子不及堯舜而謂蘇秦
張儀其說不窮亦是窺見得良知妙用處其自處
當在何等所謂雜聞源流必其鄙爲最下乘不樂
居者也奚列之有其徒初傳爲山陰泰州再傳爲
山農心隱三傳爲盱江溫陵浸淫而爲大洲東溟
決裂而爲海門石簣而連約掎搆于其間者且合
江左右而徧楚粵焉非掃工夫謂世有無階級無
門路之絕學卽掃文字謂世有不讀書不識字之
大儒非掃行檢謂嗜慾卽是天機好色貪財不過
應迹卽掃儒宗謂三教同一源本成僞作佛祇是
證心一唱百和如狂如醒至其後遂相與捏神美
鬼膜拜伽文而顯然移尼山之統於弟子之位噫
欺天侮聖惑世誣民至于此極不可復語于儒者
况其以雜聞云乎哉嘉靖中禩莊渠與后渠書有
云近世講學者日以多憂方大耳蓋爲陽明之徒
發也雖然猶是天也猶是人也則亦猶是道也以

先聖賢之傳法加以其時數大君子之竭力匡正
 口燥唇乾而謂此中無學者焉固無是理平心而
 論陽明言無善無惡非也而其言良知是也其言
 先行後知似顛倒也而其言致良知則固易知簡
 能也是以別徑造道者也為其學者有真有偽其
 偽者弊極徒玷陽明其真者類能反躬克治信心
 直入足以挽緣飾倚藉之私滌支離膠固之累而
 其切磋于師友間也亦未嘗不虛已受人固莊渠
 所謂陸學雖粗却是實做者也視學者揀取何如
 耳嘗考其及門一時人物若東廓南江彭山晴川
 三吾諸子皆在朝立節在野淑人光明俊偉有功
 名教載攷其後學淺之善于制偏淡之變而得正
 有面規二王子者矣有辭闢盱江以下諸人者矣
 其後來成就便足植忠孝輔道德不著其本末於
 策又何以見濂雒之脉雖絕而有不終絕者耶嗟
 乎以夏之固陋敢於陽明存其真而削其訛於其
 徒則不嫌引進十之二三者非謂新學可從也所
 以明舊學之不絕於斯人而匡正者之功不可泯
 沒而已矣世之君子黨同伐異知邪正不並立不
 知玉石可相攻知毫差不容混不知片善不容棄

雒陽源流錄

卷十五

二

彙錄堂

必疑吾言為調停為寬假而滋蔓而引寇矣是泥
 高子之言而反失其心也大道為公其謂之何今
 自陽明子而下錄及門為一卷二十五人錄後學
 為二卷共四十餘人

王守仁 鄒守益 季本 徐愛

魏良弼長壽 陸澄 王潼 徐樾

唐愈賢 歐陽德 穆孔暉 南大吉吉

王道 路迎 馮恩 歐陽瑜

劉陽 劉魁 周銜 梁焯

蔣信 劉文敏 劉邦采 黃弘綱

何廷仁 朱得之

雒陽源流錄

卷十五

三

彙錄堂

王守仁字伯安浙江餘姚人父華成化辛丑狀元仕
 至南京吏部尚書母鄭氏妊十四月生伯安少有才
 名年十八過廣信謁婁一齋謂聖人必可學而至心
 契之始志於學平素善謔至是遂習端坐語人曰吾
 昔放逸今知過矣踰冠舉鄉試連下第登弘治癸丑
 進士上言邊務八事歷刑兵二曹與湛甘泉若木共
 倡學京師正德初劉瑾亂政南京科道戴銑等以諫
 忤旨下獄伯安首抗疏論救乞誅瑾瑾大怒縛杖闕
 下幾死謫貴州龍場驛丞學乃進初伯安效宋儒作

窮理工夫而心不喻也

舊傳有思先儒謂一草一木皆涵至理須是格因官署中

多竹即取竹格之等語

遂遇疾姑隨世就詞章之學已而出入

二氏者十餘年漸悟其非尚未有得至是謫居力學

幾忘其為疾病患難因念聖人處此更有何道忽中

夜大悟格物致知之旨寤寐中若有人語之者不覺

呼躍從者皆驚始知聖人之道吾性自足向之求理

于事物者誤也乃以默記五經之言證之莫不吻合

送著五經臆說伐木構龍岡書院日玩易於其中明

年提學副使席書聘主貴陽書院始舉知行合一之

說瑾誅量移廬陵知縣始教學者靜坐尋遷南京刑

雜聞源流錄

卷十五

四

彙敘堂

部主事調北京吏部分考辛未會試薦鄒守益第一

是年極論朱陸異同癸酉以後游登卿寺在滁陽金

陵端一教人存理遏欲用省察克治工夫曰吾年來

欲懲末俗之弊引接後來多就高明一路以救之學

者漸有流入空虛為脫落新奇之論吾甚悔之擬諫

迎佛疏不果上擢僉都御史巡撫南贛汀漳等處至

任置二區行臺前榜曰求通民情願聞已過時寧王

宸濠蓄逆謀江西上流山谿中劇盜四出劫掠焚官

府築獄囚廣東湖廣江西諸撫臣相觀望久之積至

數十萬濠又輒與諸賊通曲護賊伯安疏請提督軍

務以便討賊兵部尚書王瓊請於上許之即予兵符

先已平濠寇兩年間西攻橫水桶岡東襲三洲九連

寇次第平之為開縣興學三奉勅獎賞賚遷副都憲

予錦衣百戶加副千戶疏辭不允伯安雖出入賊壘

而與門人薛侃歐陽德等二十餘人聚講不散謂朱

子大學章句非聖人本旨乃刻古本大學以明原無

經傳之分亦無關傳可補又謂集註或問屬朱子中

年未定之說至晚而悔悟未及改正爰採集其語刻

朱子晚年定論寇既平四方學者輻輳修濂溪書院

以居之是年薛侃刻徐愛陸澄所貽傳習錄于虔十

雜聞源流錄

卷十五

五

彙敘堂

四年宸濠將反令其黨安福舉人劉養正來說曰寧

王尊師重道有湯武之資欲從門下講明正學伯安

笑曰殿下能舍去主爵否既而遣門人龔元亨先在

講學以探其意元亨至語矛盾濠怒遣還密使人殺

元亨於途不果至六月濠舉兵反伯安適奉詔勘事

福建中道聞變急返吉安與知府伍文定謀起兵討

賊先遣謀行間以疑宸濠使不敢犯南京或走蕪黃

趨京師俟其出兵攻南康九江安慶即進兵擊破南

昌還擒宸濠將獻俘而諸奸佞導上南巡欲攘其功

議將縱宸濠於鄱湖俟上親與禦戰擒之而後奏捷

行賞連遣人追至廣信伯安不從行至錢塘遇太監張永與夜話大悅知其無他即以濠等付之會有兼巡撫江西之命遂返明年正月上在京召入見太監張忠定邊伯許泰等復矯命拒之蕪湖欲加讒害伯安不得已入九華山每日燕坐草庵中上遣人覘得之曰守仁學道人也召之即至安得反乎訖七月中重上捷音武廟回鑾是役也論者不難其成功而難其處變焉嗣是在江西始揭致良知之教嘗曰其於此良知之說從百死千難中得來不得已與火一口說盡只恐學者得之容易把作一種光景玩弄不實

落用功負此知耳又曰吾良知二字自龍場以後便已不出此意只是點此二字不出與學者言費却多少詞說今幸見出此意一語之下洞見全體直是痛快不覺手舞足蹈學者聞之亦省却多少尋討工夫學問頭腦至此已是說得十分下落但恐學者不肯直下承當耳尋命錄象山子孫送金谿學肄業以彰褒崇之意大會諸門人於白鹿洞勉以共明此學世廟登極始錄擒濠功封新建伯兼南京兵部尚書參贊機務遣使迎至京宴勞諸忌者復嗾言官論沮之不使人朝未幾外艱去服闋竟不召讒謗益起屢形

龍淵源流錄

卷十五

六

葉敬堂

奏牘癸未南宮發策斥為異學伯安語門人無辯且當反求諸己會門人南大吉守紹興數問學闡嵇山書院請主之諸門人復立陽明書院于越城學者因稱陽明先生嘉靖五年用大臣薦命兼左都御史總督兩廣征思田寇臨發門人王畿錢德洪論本體工夫各持一偏不能決請問伯安命移席天泉橋上交箴之因曰二君以後與學者務要依我四句宗旨無善無惡是心之體有善有惡是意之動知善知惡是良知為善去惡是格物以此自修直躋聖位以此接人更無差失

舊傳有今既說破亦是天機該發洩時等語疑非真今削去

又問

本體透徹後於此四句宗旨何如伯安曰人心自有知識以來已為習俗所染今不教他在良知上寔用為善去惡工夫只去懸空想箇本體一切事為俱不着實此病痛不是小小不可不早說破是日洪畿俱有省然其後只單提致良知三字而四句宗旨竟不復道伯安於此已寓罕言微意矣行至南昌講大學於明倫堂至吉安會士友於螺川驛及至梧州奉勅兼巡撫兩廣遂開示恩信班師撤旅岑猛遺目盧蘇王受等自縛來歸乃薄示懲罰遣令歸農即用蘇等與永順保靖土兵還自嶺南者潛師倚角轉平八寨

龍淵源流錄

卷十五

七

葉敬堂

嶺表以寧捷奏以病乞致仕還至南安疾革家僮問何所念答曰他無所念學問方纔見得數分未能與吾黨共成之爲可恨耳門人南安推官周積問遺言答曰此心光明亦復何言遂卒年五十七值朝議日林盡停卹典伯安天直忠直材雄文武方上宸濠僞檄未謂陛下在位一十四年屢經變難民情騷擾尙爾巡幸不已以致宗室黜者謀動干戈與竊大寶且今天下之覬覦何特一寧王天下之奸雄豈直在宗室與言至此悚骨寒心昔漢武帝有輪臺之悔而晚節莫安唐德宗下奉天之詔而士民感泣皇上宜痛自刻責易轍收絃罷繙奸諛以回天下豪傑之心絕跡巡游以杜天下奸雄之望則太平尙有可圖臣民不勝幸甚既又上言宸濠發謀之始逆料太駕必將親征先于沿途伏有奸黨期爲博浪荆軻之謀今不旋踵遂已成擒法宜解赴闕門式昭天討然欲付之部下各官誠恐潛布之徒乘隙竊發或虞意外臣死有餘憾蓋爲危言以尼駕出羣小見之滋不悅故事後百計構之若其用兵如神伐謀制勝機密算淡對客笑談萬衆遺集擒渠斬馘獻凱轅門左右尙不知也以良知立宗而未嘗不預防其弊嘗謂學者曰良

雜聞源流錄 卷十五 九 葉象堂

知之妙真是周流六虛變動不居顧假以文過飾非爲害大矣見好談僞佛者則警之曰二氏之學其妙與聖人只有毫釐之間故不易辨惟篤志聖學者始能究析其隱微非測億所及也聞摘議晦庵者則戒之曰有心求異卽不是吾說與晦庵時有不同者爲入門下手處有毫釐千里之分不得不辯然吾之心與晦庵之心未嘗異也若其餘文義解得明當處如何動得一字或問異端曰與愚夫愚婦同者是謂同德與愚夫愚婦異者是謂異端皆格論也當大禮議起伯安居越中霍韜席書黃綰王誠甫輩前後以書問俱不答夜坐碧霞池有句云無端禮樂紛紜誰與青天掃宿塵衆莫能測厥指論者謂其敘古本大學則倒置經文集朱子晚年定論則遷就歲月至以金喻聖以金之分兩輕重喻聖人才力有大小而謂堯舜猶萬鎰文王孔子猶九千鎰禹湯武王七八千鎰又謂蘇秦張儀其說不窮亦是窺見良知妙用處其立言固有失之太險太恣者焉初伯安少游江右鐵柱宮遇一道士靜坐與語悅之遂相對終宵後謫龍場恐瑾使人暗害之托爲投江死者逃入武彞山中遇前道士指示間行赴謫所又嘗歷險訪地藏洞

雜聞源流錄 卷十五 九 葉象堂

異人其言曰周濂溪程明道是儒家兩箇好秀才論者以為此其入門本色而左籠右罩以神其說不虞底裏之卒露也然則象山白沙猶其借徑矣所著有陽明全集居夸集五經臆說大學古本旁註及門人所記傳習錄則言行於世隆慶初贈新建侯謚文成賜祭墓補給誥券許子孫世襲萬曆初詔從祀文獻

愚按陽明年譜載陽明少時見宋儒解格物遂格及官舍中之竹幾成心疾天下豈有此癡學問哉不過借此以形容宋儒之室耳今為此傳為陽明存真有美行不取掩有疵言不能匿而於此等傳訛及夸誕處皆竟削之即天泉證道四句宗旨余嘗疑為龍溪緒山贊設之詞但此一段乃越學大

雜聞源流錄 卷十五 嘉靖 葉敬堂

徒方欲躋諸濂洛之上列諸鄉魯之闕必不肯甘服要亦其年譜自為低狀如此非敢虛加之也又按嘉靖間首疏請祀陸九淵再疏請祀陳獻章以為祀王守仁地者守仁之徒行人薛侃也陸慶初主祀守仁而不果者輔臣徐階也至萬曆初而卒成之者內閣申時行及宗伯萬士和也其申請之不遺力者御史耿定向也意薛耿二子自以為功在王門矣豈知其助焰揚波足以燈程濂朱也與觀於侃之以妄言獲罪及定向之晚年廉節其言又何足據與方時議之請祀守仁也給事中蔡汝賢獨上崇正學祀真儒一疏乞以羅從彥李侗名為祀羅李正欲尊朱以抑王耳然朱學所自來後疏祀羅李者如福建提學金貞亨輩不一而足至萬曆四十一年提學金事熊尚文上疏侍讀學士何宗彥等博議禮部侍郎孫慎行主其事覆疏以程朱擬孔孟謂孔有曾思而後孟子接其傳程得羅李而後朱子衍其緒羅李之功與曾思等宜將二賢列宋儒楊時之下入廟崇祀詔從之而國家所以尊朱者亦云備矣乃考慎行之學終不免

雜王殊失諸臣初意則信乎時染之難離也與或問子為是錄於陳王取之淺矣乃於陳則進諸羽翼之列而於王獨否何也余曰陽明豈無獨得處但其所得不中不正且自信太過語言之失甚多上得罪先賢下開誤後學訖今禍尚未艾如何混進得他

鄒守益字謙之江西安福人父賢繇進士歷福建僉憲精春秋學謙之年十七舉江西鄉試正德辛未陽明王公為會試同考薦會元殿試賜第三人授編修踰年告歸壹意問學嘗讀中庸歎曰程朱補格致傳而中庸首言慎獨不及格物者何耶會陽明開府虔臺在叩之論辨反覆間風疑水釋曰道在是矣自是從於擒宸濠周旋兵間者久之嘉靖初起官復謁陽明於越留月餘別

雜聞源流錄 卷十五 嘉靖 葉敬堂

去陽明謂門人曰曾子所謂有若無實若虛犯而不較謙之近之矣入都諫大禮忤旨下詔獄謫判廣德州在廣德惟務以誠心感民願發奸摘伏一境稱神每自訟曰如保赤子愧未能也撤淫祠建復初書院延同門王良輩暨諸賢講學興禮風動隣郡達江左右丁亥遷南禮部主客郎中逾年聞陽明訃服心喪辛卯請告趨越哭陽明存撫其孤聚同門講學于天真書院戊戌補南吏部考功郎中己亥召入為司經局洗馬克經筵講官應詔上薛文清公從祀議俄遷太常少卿兼侍讀學士掌南院蓋當事者忌而遠之也尋改南監祭酒乃遵成

憲申章程立號冊俾出入相友淑慝相勸歌詩習禮大
館士爭慶得師居亡何九廟災大臣當自陳謙之疏中
寓交傲意譏者因中傷之竟解官歸前後在兩都歷廿
年與湛文簡若水呂文簡栴徐文貞階羅文恭洪先唐
襄文順之輩劇切互至而主陽明良知之學嘗語學者
曰人心之靈萬古一日目分黑白口辨甘苦臭別香臭
今之人有異三代乎是非在人猶黑白甘苦謂人無是
非之心誣其心者也夫孩提而知愛敬人井而知惻隱
嗜蹴而知羞惡又豈待學而後能哉自謙自欺在已而
已又嘗曰順逆境界只是陰晴出處節度只是語嘿此
中潔淨乃無在不潔淨也又謂求安求飽是千罪萬過
之窠曰持論平實類若此居恒與學者接不言而使人
意消得春風和氣遺意學者稱東廓先生壬戌九月寢
疾召家人訓飭之諸子扶坐正衣冠而卒年七十二隆
慶初贈南京禮部右侍郎謚文莊著有文集行于世子
善太僕卿孫德涵按察僉事德溥太子洗馬皆論學能
世其家

愚按大學聖人條目首先格致非程朱強為
補傳也中庸首章先原性道教之謂即明善也
而格致致知在其中次言戒懼慎獨即誠身也而誠
意正心在其中末章亦先說為已知幾引入內省敬
信分明先格致而後誠正則是學庸二書論工夫原
無詳畧頓漸之殊也自陽明去章古本大學必謂格
物是誠意工夫而欲駁去程朱補傳以為多事則亦
將以聖經格致為贅語乎況存養省察雖日一中事

惟閩源流錄 卷十五 葉敬堂

而子思子必說戒懼及慎獨向要分靜動節次也
有謂戒懼即慎獨者便畧却靜中一段工夫一所有
先生嘗詳闡之矣而謂中庸不及格物與首言慎獨
可乎東廓之疑是當時王門設疑固如此東廓亦因
而疑之未有的解云爾及在叩陽明所謂辨論反覆
風疑水釋者度不出復古本首誠意之說而已矣然
欲以此強合學庸而反支離學庸欲以此復大學之
舊而反夫大學之全抑何不思之甚乎愚竊以為大
學心有格致補傳則其第五五章乃明善之要第六
乃誠身之本而大學合于中庸矣中庸不曰首言慎
獨則首明道之本原出于天而不可易其體備於
已而不可離次言存養省察之要終言聖神功化之
極而中庸亦不異于大學矣蓋大學格致屬學誠意
屬修未有即修以為學者中庸言格致屬學誠意
顯屬知言戒懼慎獨屬行未有不知而可行者合之
則一轍未子章何何可易也東廓於陽明師生之分
異于他人既而稟學宜無桎梏不必以此一端論離
合而其發明良知兩字參合孟子特為醒確宜其前
評大禮後陳交徹直行其是非之本心白刃可蹈爵
祿可辭進退語默不違乎道也而又好善忘我若無
若虛與於言自信自在者迥異竊謂東廓承傳家學
且嘗參究于涇野谷平諸君子間大持調劑取益弘
多矣於王門之士吾必以東廓為巨擘焉安可概目之哉

惟閩源流錄 卷十五 葉敬堂

季本字明德浙江會稽人少受春秋於其兄木遂以
經名諸生中弱冠舉于鄉尋丁父母憂家居十二年
未嘗一日釋卷於書無所不讀每讀一書必竟其顛
末乃已已而師事陽明獲聞良知說乃悉悔其舊學
而一意六經潛心體究久之既浸溢懼學者驚于空
虛欲身挽其敝著書數百萬言大都精考索務實踐
以究陽明未發之緒又見學者多以自然為宗而厭
拘檢因為龍惕說以反之以龍喻心以龍之警惕而

主變化粉心之主宰常惺惺其要歸乎自然而用功則有所先問以質諸同志或然或否卒自信其說不為動始以進士理建寧盡心平反及召為御史以論禮謫浮沉者二十年止長沙守其為政急大節畧小嫌絕不知有世情卒以是齟齬而歸歸二十餘年家徒四壁立借居禪林以著書談道為樂卒年七十九疾革猶進門人於榻前講易不輟為人表裏洞達無城府人人樂親之稱為彭山先生沒十餘年鄉人思慕不已相與建祠禹蹟寺西林顏曰景賢買田以供祭祀所著有廟制考義春秋私考讀禮疑圖四書私存孔孟圖譜樂律纂要律呂別書著法別傳說理會編詩說解頤易學四同凡十一種百二十卷或行於世或藏祠中愚按嘉靖朝自偏崇本生之後諸俊臣托於非禮以為禮其成甚多而進太宗尤為恃逆罪在不赦今觀彭山為御史以論禮謫未詳所論何禮殆有守正違時者歟第余嘗讀其春秋私考一開首即以仲子為隱毋殊覺武斷其論閔僖逆祀既左氏矣又疑公穀昭穆之說其為書大都逞臆見喜翻案鑿空杜撰下本前人不忌後人適成其為王門習氣者也聞潮州文起祠祀昌黎以彭山景逸配廟謂三千先後以直節貶固同而學術醇疵迥異若彭山者或可屬於韓之旁恐難安于高之右矣

徐愛字曰仁浙江餘姚人正德戊辰進士出知祁州值劉六劉七之亂有保障功疏陳十事多見採納遷

南京工部員外歷郎中廉勤克舉其職請告歸卒年僅三十一日仁娶於王蓋陽明之族妹婿也弱冠領鄉薦適陽明請龍場歸論學於嵇山往聽而悅之遂納贖稱弟子後數年壬申陽明自考功遷南大僕日仁亦自祁遷南工部同舟歸越論大學宗旨益踴躍痛快如狂如醒者數日傳習錄即是時所編也其自序曰愛因舊說汨沒始聞先生之教實駭愕不定無入頭處其後聞之既久漸知反身實踐然後始信先生之學為孔門嫡傳舍是皆旁蹊小徑斷港絕河矣如說格物是誠意工夫明善是誠身工夫窮理是盡性工夫道問學是尊德性工夫博文是約禮工夫惟精是惟一工夫諸如此類皆落落難合其後思之既久不覺手舞足蹈當陽明官南都時四方同志雲集至不能應每令日仁分接之咸得所欲而去及卒陽明哭之慟後每語及輒傷之愚按陽明傳習錄極有仁信編之又自序先疑後信蓋以其身為世說法與堅人信向之心斷其疑根塞其悔路後來吉州胡直嘗論陽明之非見東廓念庵而悅總是一箇絲槐堅執程朱之說見兩峯兄弟而悅總是一箇絲徑於是耳食之徒中本無主闢其言莫不踴躍附矣為禍至此安得不重作備者之罪耶又按紹興府志徐愛季本二傳後孫鑽跋曰自文成倡道嵇山一時從遊之士無論四方即再越且百數十人今所為傳僅徐季兩公何寥寥也蓋兩公者省志邑志之所已載且其人沒久而論定矣其

徐愛字曰仁

浙江餘姚人

正德

戊辰進士

南京工部員外

歷郎中

卒年

僅三十一

他賢者固多而舊乘未載固未敢遠入也乃若錢
江錢先生德洪山陰王先生畿兩先生者及門故
先聞道又最早始以從學既復以奔喪兩停廷試
不意于進取已又為之值遺孤攝家政不啻若父
于文成沒數十年而良知之緒綿延不絕天其水
西創祠聚徒若文成之未喪其尊師衛道之功安
可泯也而王先生壯年斷然勇於上蔡其所見解
尤超玄入微不落階級兩先生皆有會語數十卷
雖途徑稍別要于師門宗旨各有承不信心必
傳後無疑者顧余拘儒也終未敢破例而為傳解
有俟于後之君子焉愚因思孫氏以越人而向論
其知先生顧持論若此於錢王二氏竟闕如是必
有真見且有所受之矣而宇內之為越學者輒盛
稱龍溪緒山何為乎無亦徒炫于生徒著述之末
而未考知詳乎緒山吾不得而知竊謂龍溪欲究
竟此學老不廢游既分居家出外為兩截而又從
事于詞甚至關說謀利大不厭乎人心豈陽明之
教固爾耶聽言觀行詎可忽諸然如徐季二子品
雖正而學終偏又非孫氏之所能知也故愚於是
錄凡越學之不錄者視錢王而已其人錄者視徐
季而

魏良弼字師說江西新建人當陽明撫江右倡新學

時直指唐公龍督學邵公銳皆領守舊聞與諸生言
王公天資高難學諸生各習常業母奔謁為虛譚聞
者頗憚避王門而師說獨借其弟良政良器良貴趨
受學焉師說性資剛毅操履方嚴自縣宰陟諫垣屢
進讜言受廷杖亦屢復職每杖患甫愈又以直言拜
杖下獄雖獄卒為之流涕直聲滿天下隆慶初晉太
常少卿致仕人稱水洲先生良政字師伊孝友敦樸
渾然天成聞道最早燕居無情容嘗曰學問頭腦既

明惟專一得之氣專則清精專則明神專則靈又曰
不尤人何人不可處不累事何事不可為發解江省
乃遂卒水洲嘗言夢中見良政流汗浹背其生前可
知矣良器字師顏良貴字師孟兩人亦多所自得
陸澄字元靜浙江歸安人始謁陽明於留都月一至
已益親後請掃廡下之堂而旦暮侍焉性故豪邁後
日雍默自持慊慊然自以為不足也其記陽明語首
云持志如心痛一心在痛上豈有工夫說閒話管閒
事蓋其篤也已欲屏絕文字端于學又以多病頗學
養生陽明皆論止之詳見語錄中元靜官止尙書郎
執父喪哀毀失明矯湖俗於禮陽明為表其父墓

王潼字本澄浙江錢塘人幼嗜學讀朱子語錄遂絕

意于進拜陽明于嵇山留受教陽明嘉其篤志命輔
其子仲肅為學亡何配任氏卒本澄年甫三十餘念
任有淑行遂不再娶性好遊嘗歷齊魯燕趙登泰山
覽日觀西望太行薄遊都門循海而南道吳適越東
下武昌訪竹樓赤壁之勝悉以其所得發諸詩畫說
者謂有沂雩遺風焉亦勤著述於陰符經程張諸書
皆有補註
徐樾字子直江西貴溪人早師陽明與聞良知宗旨

後卒業心齋之門登嘉靖壬辰進士繇部曹出為貴州提學副使一見儒士孫應鰲大奇之許必解額榜發果以禮經中第一人時應鰲年十九卒為名臣世以此服其衡鑑嘉靖壬子簡任雲南左布政使值南滇那賊篡立奉命聲討子直奮不顧身直入沅江仗義撫勦不意那賊詐降縱兵象衝突遂遇害學者稱波石先生其為學陶鑄二王至傳之趙內江而其說益荒矣

唐愈賢字子充湖廣沅陵人幼穎敏比長有大志從陽明遊而歸充然有得修業桃溪山中登嘉靖丙戌

雜聞源流錄

卷十五

九

葉錄堂

進士知寧海縣政教並舉民建生祠擢御史疏劾奸黨抗言時政遂引病回籍道過武穆祠題詩曰奸邪何代無秦相忠孝誰人似岳家一日與門人論學畢衣冠升正寢召親友環坐對食盡歡自歌而逝

歐陽德字崇一江西泰和人弱冠舉于鄉聞陽明公論學走虔臺上書師事焉研窮剖析至忘寢食不赴春試者再嘉靖二年舉進士知六安州適歲稔捐俸倡賑隨地設粥活數萬人擢刑部員外改翰林編修尋擢南京國子司業日以道術誨迪在監諸生遷南尚寶歷常少鴻臚丁外艱與鄒文莊羅文恭輩聚講

于青原梅陂門人益進薦起南太常卿召入掌國子祭酒事晉禮部左侍郎改吏部兼翰林學士掌詹事府事教習庶吉士謂庶吉士號為儲相不宜直攻文詞而已也時聚一堂析理論政究極聖門明體適用之實際丁內艱服闋召拜禮部尚書踰月遂召入直與聞大政當議建儲二王婚禮雖時上章忤上意上察其持正卒優容之字度弘粹孳孳講學務以真知實踐為主接引後進如恐不及在官措施皆當事理協人情可傳永久以疾卒于官年五十九謚文莊刻有南野遺集行於世

雜聞源流錄

卷十五

九

葉錄堂

穆孔暉字伯潛山東棠邑人淳懿溫恭早負文望弘治甲子陽明主山東試舉第一乙丑成進士改庶常授簡討正德間宦瑾擅權卿僚皆伏謁跪拜伯潛與崔子鐘何粹夫獨長揖瑾怒矯旨調南京禮部主事瑾誅召復翰林遷南司業尋以左庶子克經筵講官因慮所得愷惻規切嘉靖初進學士掌翰林事以忤權幸改南尚寶卿科臣葉淇上言孔暉昭代醇儒留之左右足以裨益聖德不聽轉南太常卿致仕平生無疾聲厲色變故粹至神色怡然或擬諸程伯子居官三十年茅茨僅庇風雨研精六籍返證一心而於

二氏諸書亦時擇其精者詳說之曰吾性原無分別相則其偏蔽也卒贈禮部侍郎謚文簡著有讀易錄尚書困學諸史通編大學千慮等書

南大吉字元善陝西渭南人正德辛未進士為陽明分考所得士幼穎敏絕倫稍長有言懷詩云誰謂予嬰小忽焉十五齡獨念前賢訓堯舜皆可併弱冠以古文詞鳴當世入仕尚友講學漸薄詞章猶豪曠不拘小節嘉靖癸未由戶部郎出守紹興值陽明白江右歸因從卒業得實踐致肯綮處乃大悟曰人心果自有聖賢也奚必他求由是時就請益開嵇山書院

雜聞源流錄

卷十五

主

葉象堂

請陽明主教聚八邑彥士躬勤講習與為倡和偕請同門錄陽明講語為傳習錄付之梓其治郡以循良稱有學士侵王右軍謝太傅故地悉割歸其主坐是賈怨而當事者更以抑陽明故斥之中察典去既歸益以道自任啟濟水書院以書抵馬西玄諸友闡析良知惓惓于慎獨改過之訓出其門者多篤行士卒年五十五著有端泉集及紹興志渭南志弟逢吉字元真九歲通戴記大義領鄉薦後因兄元善師陽明已舉進士歷副使以條奏邊事忤執政意罷歸居家敦行孝義不忘卒年八十一著有姜泉集越中紀傳

及註解會稽三賦刻于越

王道字純甫山東武城人未冠舉於鄉正德辛未成進士選庶常時山東盜起將奉祖母避地江南疏改應天教授召為吏部主事歷考功文選郎中閣臣方獻夫薦其學行醇正可任官寮擢春坊左諭德引疾固辭三疏允歸而聲望益重居一歲遷國子祭酒端軌申約諸生翕然向風人比之宋仲敏拜吏部右侍郎閱月病卒贈禮部尚書謚文定純甫英敏絕人精擇強記於書靡不究其要指已厭博反約紬繹聖經嘗師事陽明執友皆一時名儒不欲標門戶自表暴

雜聞源流錄

卷十五

主

葉象堂

久之神解渙然自信盡破世俗拘攣之見著有易詩書春秋大學億持論多前儒所未及路迎字賓陽山東汶上人正德戊辰進士授南京兵部主事與堂邑穆伯潛武城王純甫同師事陽明端務講學以相切劘轉郎中歷知襄陽松江淮安三府愷悌廉平政先惠養至制馭胥吏操切獨嚴治稱第一累官藩叅臬使擢僉都御史巡撫宣府晉副都巡撫山西召入三遷至兵部尚書上疏乞休得命從容就道祖餞屬路莫不歎其知幾卒年八十馮恩字子仁南直華亭人嘉靖丙戌進士以行人差

江右勞軍見陽明薦束修為弟子陽明甚器之已推御史疏論當時分建南北郊欲令皇后出蠶北郊二議非是已忤權幸意會彗星見東井抗論冢宰汪鉉為腹心彗及張孚敬方獻夫二相宜亟罷復做范希文百官圖例悉品諸大臣得失上震怒逮下詔獄當會審向闕跪不為問官所屈觀者歎其鐵膝鐵口鐵膽鐵骨有四鐵御史之稱署律當斬上閱其子訟冤疏悟其忠得減戍雷州後赦歸雷人祀之十賢堂以配宋寇準李光諸公子仁廢後置田贍貧為德於鄉甚備隆慶初晉大理寺寺丞年餘七十不起再加朝

雜聞源流錄

卷十五

五

葉象堂

列大夫晚號南江著有菊蕘集

歐陽瑜字汝重江西安福人自少端慈鮮嗜慾從陽明學雅見器異將別請益陽明曰常見自己不是此吾六字符也汝重奉師教終身力踐之既舉于鄉歷數科不就公車曰有老親在王天下不與易也丁外艱守制不處內者三年既葬廬墓側虎每環廬而嗥不為動服闋授通州學正萃諸生論學值州守缺署篆數月雪冤抑獎良善輕罰節費民甚安之遷南監博士大司成松溪程公故重之與為忘分交轉南大理評事釋大冤十數晉本寺正擢雲南僉事艱歸起

補廣西清積贖逐娼優禁龍舟審捕真盜釋冤獄二十餘人歷左江兵備四川叅議拂袖歸歸而壹意講學以勵後進雖隆冬盛暑不輟席而槩不為奇僻語更謙虛受人後生來學有所陳說亟稱賞不容口性寬厚鄉人或侮之至詬辱絕不為較其自持甚堅少時人有欲敗其守者誘致妓館中鑰其門去汝重燃燈達旦動以羞惡本心妓亦感泣具道其不得已之故及明其人啟鑰視之燈瞳瞳未滅妓含泣道故其人愧謝不已陸宗伯稱之曰宦廿載恒產不及中士年九喪守身恒如處子皆實事也

雜聞源流錄

卷十五

五

葉象堂

劉陽字一舒江西安福人兒時端重若成人耻私食食必廣坐年十三請焚先世積券弱冠如處見陽明稱弟子陽明視其修幹疎眉飄飄有世外之態顧謂諸生曰此子當享清福已又語之曰若能甘至貧至賤者斯可為聖人嘉靖四年舉鄉試任碣山知縣居四載九被薦拜御史時世廟改建萬壽宮為永僖僊宮百官表賀諸御史推主筆一舒毅然曰此當諫不當賀已而廷臣有密促賀表者謂天威叵測眾咸洵洵歸過一舒曰卽有譴請獨當之卒亦無恙故事部院接疏中官持疏南面一舒乃謂同列曰疏在中官

手北面可爾既授疏猶倏然當尊謂朝廷何竟東向
揖中官中官雖甚恚然訖不敢出一語官舍蕭然日
恒蔬食尋引疾歸執親喪墓棲三年既祥被召陪點
光祿少卿辭不起日與邑士人談學不倦嘗會復真
羣公夜講罷門弟子就一舒遮牀跌坐退若有得也
體氣清癯嘗登太山絕頂及遊衡岳夜半坐祝融峯
披羊裘觀海日晚闢雲霞館於三峯翠微坐半雲洞
天與諸同志講道悠然樂之發爲詩文自成一家言
皆根極理道關切人倫與人言依于踐履嘗曰美堯
舜之孝弟而無稱于鄉黨小溫公之誠實而不踐其

雒陽源流錄

卷十五

五

蔡象堂

然諾言獨言幽乃無忌于可視可指言著言察乃未
及平行之習之蓋力破學者之隱疾而戒之也又每
語人曰孔子之學率十年一進藉令其壽加乎七十
又當有進於從心所欲不踰矩者及卒鄉人相與祠
祀之稱爲三吾先生

劉魁字煥吾江西萬安人嘉靖間繇舉人判寶慶五
年守鈞州七年同守潮州遷工部員外郎上時務十
事皆嘉納有詔徙雷壇禁中煥吾上疏諫自分獲譴
先授家僮囊金三兩治後事疏入上震怒杖之廷人
獄創甚有百戶戴經者藥之得不死日與同繫楊公

爵周公怡淬礪以不能積誠意感悟自責而門人尤
子時熙官北雍日候牢戶質疑義答之如常是年八
月得旨釋放爲民未逾旬復遣逮逮者至煥吾猶在
道先繫第元北行煥吾至螺川得聞卽買舟馳赴武
勸且潛歸煥吾不可賦詩寄家人有孤臣此日勞明
主萬里何心保此生之句抵京復上疏稱願獻愚衷
以死報國其言指切執政奉旨仍舊監着明年祈雪
不應獄禁加嚴不得食有較尉楊棟者食之得不死
又明年宮禁火赦還煥吾自幼稟父訓躬操古行既
學于陽明子堅志返觀動有依據至放歸後蕭然一

雒陽源流錄

卷十五

五

蔡象堂

布衣鄉邦共倚重之稱爲晴川先生
周衝字道通南直宜興人髫歲以孝聞雖甚暑至毋
榻不敢裸體稍長從仲兄衡受尚書篤志力學聞善
必從年二十四領鄉薦明年中會副司訓萬安日會
士課藝談經不倦旌孝子劉靜以勵風教刻孝經刊
誤養正羣書以代口授擢應城令朔望召耆老詢利
弊效陽明門設二扁署一日疏通民情一日願聞已
過立十家牌創常平倉建謝上蔡祠而刻遵道錄上
蔡語錄心政政諭頒訓民間專務以德化民民爲立
生祠以耳疾改邵武教授其政視萬安加密復鄉賢

游先生祭菟集遺書付其裔孫景壽督學端峯邵公
 銳與論學而重之尋遷唐府紀善屢以正學啟王先
 上定志修學以防逸豫又上修德裕後十二事而明
 聖學近正人二條尤切時王世子以讒間者十餘年
 道通乃徐動以慈孝至情王大感悟愛世子如初閱
 歲念母老假使事歸省在途得疾將療矣聞母計一
 慟而絕年四十七學者稱靜庵先生初在萬安聞陽
 明講學于虔即在受業得聞致良知之說自應城之
 京復從甘泉遊得聞隨處體認天理之說覃思精研
 卒會於一故王湛亦交稱之陽明日吾門穎悟莫如
 徐曰仁篤實莫如周道通甘泉則曰知行博約究其
 指歸及沒而其友古庵毛憲為之誄稱其不溺于禪
 不流于俗

龍圖源流錄

卷十五

五

葉敬堂

梁焯字日孚廣東南海人正德甲戌進士過贛從陽
 明學辨問居敬窮理悚然有悟拜禮部主事己卯三
 月與葉龍等十七人疏諫南巡上怒罰跪五日大杖
 三十車駕遂行會佛郎機加必丹未等三十人入貢
 江彬領四家兵馬從上遊豫導引火者亞三謁上喜
 而留之比入京師入四譯館不跪日孚執而杖之又
 番人寫亦虎先與其甥米黑兒馬黑麻以貢獻事誣

陷甘肅文武大臣皆被桎梏幽囚而倚彬等為比日
 益驕橫亦以法約束之二番人相謂曰天顏可即主
 事乃顧不可即耶彬聞之將以凌虐駕下人員執奏
 遇武宗晏駕彬及二番人皆伏誅得免嘉靖初陟職
 方郎告歸養卒

蔣信字卿實湖廣常德人少克諸生居身有法處約
 不移年二十五始與同郡莫惟乾論學嘗曰釋氏只
 悟得一空即根塵無安脚處吾輩體認天理若見得
 時則私意自退聽矣又嘗論大學曰知止當是識仁
 體惟乾躍然而起曰如此則定靜安慮即是以誠敬

龍圖源流錄

卷十五

五

葉敬堂

存之當陽明起自龍場寓郡西湖音闕因借在受學
 陽明語惟乾曰如卿實便可作顏子矣偶養病道林
 寺閉目跌足默坐澄心晝夜不就枕席一日忽香津
 滿頰一片虛白炯炯見前冷然有省而沉疴立脫戊
 寅冬葬母槩不用時日方向拘忌之說嘉靖癸未應
 貢入京謁甘泉於邸舍相語而契丁酉入南雍甘泉
 時為祭酒試學者須先識仁論契益淡戊子中應天
 鄉試壬辰登進士年已五十矣授戶部主事歷遷四
 川按察僉事庚子監鄉試性學一策出其手筆有道
 士以妖術憑愚民武奪于通衢官司使人攝之莫敢

近獨卿實使呼之道士作術如初禁不復驗遂實之
法遷貴州提學副使作聖諭衍訓以崇約束置陽明
祠田若干畝有土曾匿黥民烏合其衆止城外演武
場聲言欲爲變撫院謂當招撫之卿實力爭謂寧亂
而斃我無撫而損威卽遣牌嚴逐諸酋戢衆而歸按
院趙公薦于朝請畀以宮輔成均之任不報癸卯奉
督撫檄委抵辰沅議邊事而言者以擅離職守劾遂
奉旨回籍聞報束裝以正學書院記未脫稿遲二日
乃行撫院劉公見之歎曰先生方作文字耶可謂真
道學矣去之日貴人士皆號泣持輿不忍別因留詩

雜聞源流錄

卷十五

末

彙錄堂

易之甲辰聞甘泉遊南岳往從之一切家事不問至
巳酉春始歸十月卜築精舍於桃花岡學徒大集乃
作訓規以示之遠方來者卽以精舍田所入廩之惟
四孟祀先一歸城居餘日端坐慎獨中心堂大觀樓
與諸生究極微言或臨池或陟阜席地坐命諸生歌
詩一二首而時自詠乾坤二卦文孟子牛山之木生
我所欲數章以寓警發進修遊息各有節度巳未冬
感痰疾門人環侍孜孜屬以進學此外一無語有勸
以服藥者答曰古聖賢如孔子七十三明道五十四
晦庵七十吾德不逮而壽過之俟命足矣更何藥爲

疾近殆而神氣爽然談笑自若賦詩曰歸住青山十
六年歌游多在萬桃間萬桃如我浮雲耳請借西風
吹上天又曰吾儒傳性卽傳神豈向風塵滯此身分
付萬桃岡上月要須今夜一齊明越二日漏下四鼓
瞑目端坐而逝年七十七學者稱道林先生

劉文敏字宜克江西安福人幼就塾竟日劬書無少
嬉惰比長與族弟邦采共學思所以自立於天地者
或至夜分不能卽枕謂邦采曰學苟小成猶不學也
已讀傳習錄所論格物致知之旨與宋儒異展轉研
思未能融貫乃歎曰非親承師授不可卽買舟趨越

雜聞源流錄

卷十五

末

彙錄堂

中見陽明執侍門牆在復三歷寒暑歸而與邦采砥
切於家一以致知爲宗殫精畢志揅存克治瞬息不
少懈出而偕東廓念庵諸公交修共證嘗七宿松原
與念庵極論盡洩底裏念庵初覺未一巳乃傾信旣
別貽以詩曰歎息卓爾域千載能幾詣目擊中有存
意會言無乖其淡契如此早謝諸生試布袍疏食歲
光晦景沒齒不求人知學使存齋徐公欲召之貢竟
辭焉卒年八十四踰月卽祀鄉賢祠學者稱兩峯先
生及門王時槐而下若陳嘉謨賀湜王育仁皆其高
第弟子

劉邦采字君亮江西南昌人初為邑諸生即厭舉業
銳然以希聖為志曰學在求諸心科舉非吾事也趨
越中謁陽明稱弟子陽明嘗稱之曰君亮會得容易
下外艱疏水廬墓哀誠篤至服闋遂不復應試嘉靖
七年秋當鄉試學使趙淵檄縣強起之固勒始出及
見學使下席延之君亮以棘闈故事令諸生脫巾露
體而入非待士體某不願入也於是巡按御史儲良
材令十三郡諸生並得以常服入闈免其檢察比揭
曉得中式已乃授壽寧教諭以所學迪士士多興起
以薦擢嘉興府同知尋棄官歸自陽明倡道後學者
承襲口吻浸失其真君亮嫉之乃極言痛斥以揣摩
為妙悟恣縱為樂地情愛為仁體因循為自然混同
為歸一者之非謂心之體曰主宰貴知止以造於惟
一心之用曰流行貴見過以極於惟精是謂博約並
進敬義不孤性命兼修之學如車輪鳥翼不可偏廢
後學能領會者蓋鮮晚乃著易蘊二篇詞旨淵奧實
發其所自得每諸生叩請能以一語開其宿痼令人
豁然比疾亟門人朱調問曰此際視平時何如答曰
夫形豈累性哉今吾不動者自若也第形如稿木耳
少頃遂卒年八十六學者稱師泉先生

黃弘綱字正之江西雩都人丙子鄉舉第七人下第
歸丁外艱往兄弘彞墮父貲不能償父怒將杖之正
之代措三百金以解陽明聞而異之嘗謂士人曰道
君來何遲也既小祥始上謁居三日而悟心理合一
之旨從陽明去虔至歸越不忍相離者四五年戊子
冬陽明道卒門人做築場義歲擇一人紀其家正之
居守二年甲辰授福建汀州府推官執法明峻能聲
漸著戊申召為刑部主事自庚戌之變邊臣多逮西
臺務為淡刻以希上旨正之獨持平不輕進退往往
忤同官意以故讒者四起辛亥考察例當謫調乃上
章請得原職致仕報可既歸與同志論學不倦嘗曰
以意念之善為良者知為有意之知覺為有意之覺
臭腐元氣同為本領江右人稱為黃洛村
何廷仁原名秦以字行別字性之江西雩都人為諸
生時友人黃正之以所聞陽明之學盡告之廷仁曰
我昔與子恨不及白沙之門意斯道不復有聞于後
也由今所聞又奚他求是不可不聞于管義泉義泉
者亦其執友也于是同趨虔臺至則陽明方提兵桶
岡又相率趨南康執贖焉是時廷仁有繼母之喪斬
然以衰服見陽明曰是可謂不學以言而學以躬也

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

嘉靖壬午與義泉同領鄉薦已而陽明在南浦則左
 右于南浦在越則左右于越陽明沒後辛丑始謁選
 為令得新會喜曰茲非白沙先生之鄉耶數十年夢
 寐今始及門至則掃祠宇召諸生為期而會設條而
 教久之聲教溢然乙巳遷南京工部主事辛亥卒江
 右人稱為何善山與黃洛村齊名廷仁亦嘗學於涇
 野呂氏之門有問答詳見涇野語錄中

愚按涇野先生語錄所以
 曉廷仁者甚悉有二條載第八卷本傳後一言良
 知是渾淪說語非聖人因人而施之教一言程張
 二子交讓正是道學正脈無物我之私學者不可
 執已見不知廷仁當日亦稍有省否余嘗思東廓
 善山輩業稱王門高弟而復遊於高陵似有墨者
 夸之求見孟子之意其時呂先生往往隨機旋導
 之然不聞其無然受命也先入為主耶抑風尚使
 然耶如近世幾字陳氏初固並推王高及晚年乃
 定格物正解尊高獨至謂薛非不悟而修居多王
 非無力而巧偏重一修悟一巧力惟吾先生其人
 彼俗儒或圖於方所而欲曲護其邪先正或怙其
 成說而不肯一旦幡然舍已從人而幾亭氏皆不
 然斯誠豪傑之士也

朱得之字本思南直靖江人幼學時能於傳注外時
 出意見尤好說中庸疑朱子格致之學而未知所從
 入有傳陽明傳習錄至者披閱連晝夜曰此濂雒之
 流也走越執贄焉究極良知宗旨比歸陽明為書修
 道說貽之後聞陽明歿于粵走數千里至南安迎之
 哭之盡哀平生勇於為義而孝友天至羣從諸弟多

不相能為之隨材誨化皆成善士

或問王學院有弊
 而特進東鄉念庵
 西川雲浦四子抑其師而揚其弟絕其源而續其
 流亦有說于余應之日君子與人為善昔者金沙
 于氏嘗述十先生語斥王學而錄西川則東廓念
 庵雲浦視之矣且以難學之陽明而四子善學之
 是猶幹壘之子補過之臣也設拘師弟子授受之
 成權而禁誦非則俱非否則又疑是則俱是豈因
 衡付物盡空
 衡平之謂哉

雒閩源流錄 卷十五

朱得之

三

藥敬堂

雜聞源流錄卷十六 姚江二

無錫張夏纂 門人發源黃昌傑校

羅洪先 胡瀚 劉澗 尤時熙

薛甲 張榮 游震得金得附 余世儒

周怡 張緒 來知德 孫應鰲

王時英 萬吉 王漸達 殷士望

詹一麟 查鐸 胡大賓 劉週

雜洪先字達夫江西吉水人年十一讀古文慨然慕羅

一峯之為人十五聞陽明王公講學虔臺私心嚮往遂

早視舉子業比傳習錄出奔假手抄玩讀至忘寢食二

雜聞源流錄卷十六 姚江二 葉象堂

十二舉於鄉歲丙戌鄉達谷平李公方家食趨拜受學

嘉靖己丑廷試世廟親閱所對策鄉批曰學正有見言

黨而意必忠宜擢之首者賜狀元授修撰其舅氏賀之

曰幸甚我甥成大業也達夫面赤曰丈夫事業無涯此

舉三年遜一人得耳何謂大業是日猶自袖米詣蕭寺

論學抵暮而歸明年告歸侍養父訓飭不殊童稚言動

少錯詞也必厲客至令衣冠行酒拂席授几忻忻從事

焉已而居憂哀慟淡至苦塊疏食不入室者三年一日

讀楞嚴經得反聞之旨遂覺此身在太虛視聽若寄世

外友人觀其顏貌而驚服之忽自省曰得無誤入禪耶

乃反求諸孔孟與同郡鄒東廓守益輩切劘無虛日召

改左春坊贊善值世宗久任西內遂與同官唐順之趙

時春因辛丑元旦朝會預疏請定東宮朝儀忤旨罷為

民歸就里中闢石蓮洞居之間出會講于雪浪閣贛江

水漲宅舍漂沒妻子假宿田家巡撫馬公檄縣出向所

卻坊價數千金為構室助固辭會荆川以兵事起官約

借出達夫曰天下事為之非甲則乙某欲為未能者得

兄任之即比自効可也奚必我出時相亦貽書致意答

書願畢志林壑年踰五十謝客屏居止所製半榻默

坐榻間不出戶者三年事能前知人或訝之答曰是偶

雜聞源流錄卷十六 姚江二 葉象堂

然不足道比荆川訃至哭始下榻邑當造賦冊念詭灑

重為民病戒里中按畝收賦督冊憲使即以邑冊請主

之於是宿弊頓革貧者歡若更生及疾作子世光適赴

省試家人問何言答曰兒歸但語以莫厭窮窮固自好

諸生環侍以意示令扶起危坐正巾斂手端默而逝年

六十一達夫之學始致力於踐履中歸攝於主靜晚徹

悟于仁體嘗言聖學正脉必遵濂溪無欲之旨無欲故

靜是一切染不得一切動不得無然畔援無然歆羨故

能為立極種子若是認幽閒暇逸以為主靜便是有欲

即使孤潔自守一隅其與未學者何異壬戌龍谿王氏

以專靜不達順應為疑訪於松原達夫與極言動靜合
一工夫且曰世間豈有現成良知良知非萬死工夫不
能得也今人誤將良知作現成看不知下致良知工夫
奔放馳逐茫蕩一生有何成就又曰吾輩所以必須學
者皆緣習氣作梗要得消磨蓋自有知以來積染成習
如油入麪未易脫離誠不可以平日虛見為得手須是
終日應酬終日收斂不使習氣乘機潛發始不負一生
耳語具所作松原志晤中癸亥序陽明年譜末云善學
者竭才為上解悟次之聽言為下世有持妙悟而不知
反躬至不副夙期者多矣蓋溲乎有矯偏救弊之思焉
自陽明倡良知說學者始知舍聞見而求知於心然其
傳始訛也語心體而遺工夫則墮虛而無益其又訛也
以欲為理以任情為率性以戒懼為戾於自然併心體
而失之達夫憂之切故其為言曰近時學者語知矣而
不必良語良矣而不能致其病且甚於晚宋支離之失
又曰陽明良知本之孟子故嘗以入井怵惕孩提愛敬
平旦好惡為證然言怵惕必以擴克繼之言好惡必以
長養繼之言孩提必以達天下繼之其意可見矣雖其
宗主陽明始終回護而不靳苦心斡旋開口剖白有若
此此其天資極美使無見異而遷得醇儒而終事之豈

雜聞源流錄 卷十六 王 藥象堂

不亦入聖人之室乎達夫始歸田攻苦澹鍊無寒暑晝
夜躍馬彎弓考圖觀史大若天文地志儀禮典章清餉
邊防戰陣車介之事細逮陰陽卜筮靡不精覈至人才
吏事國是民隱彌加諏詢曰苟當其職皆吾事也後觀
時事日非乃絕意干進而饑渴由已捷市引辜之衷則
未嘗一日忘天下士想望其出以下治平而竟不果莫
不惜之初在京師與唐趙二僚居相比唐甚推服趙尚
未淡信一日邀達夫出遊屬其內子謁曾夫人窺室中
啟敝篋一無所有乃曰羅君內外矚然如此歸後以先
世所遺田宅盡讓二弟石蓮洞中嘗絕糧處之豁如也
雜聞源流錄 卷十六 王 藥象堂

贈光祿卿謚文恭 愚按忠憲先生推服念庵甚至而余
不知陽明之失然與陽明之徒王龍溪輩淡信篤契
悉於孔孟正學終有未達處楊繼玉亦言念庵於禪
玄俱不能無染抑愚竊有說焉聖賢立言豈能一口
說盡只隨時指示自前後相發本體工夫總離一不
可有令言本體工夫者如大學說明明德是也因為
無弊其他語益之中有時專說本體使人見心有時
專說工夫使人用力亦不為一偏若孟子說良知原
以不慮而知證其為本然之善以孩提知愛稍長知
敬證其為不慮而知而陽明所以提出此二字者亦
正欲洗俗儒記誦詞章之習耳今念庵乃曰良知非
萬死工夫不能得無乃欲矯現成良知之病而掩不
學不慮之真乎微其說而不得而其徒為之解曰學
是學此不學慮是慮此不慮知得不學不慮脉路任
人只管學只管慮幾于不成語矣其云近時學者語
知而不必良語良而不必致却自說得清楚正不必
挽萬死工夫反使人疑本體之明頓息若已失而復

得也至于雙江聶氏又以良知為性體善良知辨其與歐陽南野書謂良知本寂感于物而後有知知其發也不可遂以知之發為良知而忘其發之所自也引陽明集中良知是未發之中寂然大公之本體二語為證併良知二字亦改換面目且似以知為已發良為未發竟不成語矣豈非其所謂良知非孟子之所謂良知而其所謂未發之中亦非子思之所謂未發之中而實假儒以逞禪乎詞愈淫則指愈僻令人何所適從憶念庵品地非雙江比其論良知必以擴克長養達天下為言固不離孟子之宗特其萬死工夫一語使學者驟聞之必有過求高遠流入異端之失非特帶工夫掩本體而已總之宗主一差即救正皆差竊意忠憲所以推服念庵者只不欲沒其善云耳設因其近正而過躋之則其救正處似是而非未能破良知之偏而其宗主處愈堅愈僻適足增亂德之障認賊作子為害匪小如序陽明年譜而曰善學者竭才為上解悟次之藝言為下語皆未免惑人然則良所組玉之言豈刻論哉

胡瀚字川甫浙江餘姚人七歲端重如成人一日問

塾師曰學孔孟以何為入門塾師大異之其從父支

湖公召語之曰孺子願學乎學在心不以不欺為主

川甫唯唯著心箴圖就質于陽明王公公喜曰吾小

友也時龍谿緒山皆與為忘年交嘗會講天真書院

諸學者各持異同爭辨未決川甫曰考亭當註疏附

會之時不得不類精茹粹以發蒙陽明當支離割裂

之餘不得不指點頭顛以證世俱正法藏雖異而同

學者服之晚年以貢得華亭訓導尋轉崇明教諭歸

築今山署曰松篁小塢靜坐其中觀喜怒哀樂未發

氣象憬然自得病革為詩示兒孫神色恬正所著有

今山文集一百卷行于世

劉瀚字君東江西泰和人生時父太僕策齋翁為慈

谿令故名五歲能受西銘九歲問天地窮際日月往

來之故年十二讀書駕部齋閣時椒山楊公以幼好

相坐罪死西市終夕遶屋空行至夜半聞已死慷慨

歎曰楊公千載有餘烈矣始冠著尚志論隆慶改元

舉鄉試試南宮下第大學士李公得其遺卷心奇之

欲致一見君東謝不可曰落第書生豈可呈身相門

耶後張江陵欲致之東閣亦拒不相見荆王太傅李

九標為孝廉時相善李無子有一女杯酒修好未聘

維開源流錄 卷十六 六 藥後堂

亡何李死女之母亦死人謂李氏一門衰落兩家子

女尚幼且無媒妁盟必寒矣君東乃折東告親友曰

使李君未嘗見吾稚子而許之吾猶當撫其孤女也

矧言猶在耳淪之不義遂迎李女歸至長乃婚其子

及李氏爭產起訟太守欲以半產予女獨辭不受曰

吾成盟為義也若分其產豈不反吾初心乎太守義

之八上禮聞不第遂懸車投牒不仕構終慕堂築自

怡園辛丑建太子覃恩詔天下舉人不仕者授都察

院都事予冠帶友人勸就之軒然曰吾真者已弁髦

之假者何為嘗感時事欲入燕上書過少宰鄧公勸

沮之歸構焉文館以見志其學極尊信姚江或徵其
 其說則曰吾家大人得諸先生長者不敢忘也直指
 桐城方公欲表其間且疏薦于朝乃託友人力辭之
 大宰羅文莊公學宗程朱為西昌理學宗自世講良
 知而文莊之學湮君東曰程朱一脉豈可遂廢較編
 文莊集行于世學者耳目為之一新末年謝交遊廢
 登臨一意默坐讀先儒書信文成益至萬曆甲寅七
 月卒年七十一學者稱約堂先生愚按當時川甫為
 父教推尊王學極至於朱子整庵皆並存之而後
 世之祖述陽明者必襲其口吻相與詆朱融羅不
 已此不可曉也或曰川甫尊朱不悖其家教君東
 表羅不沒其源遠是皆予之所取與余應之日二

子之得失迥然不作也夫支湖先生異學辨苦心
 若曰不啻詳切矣川甫為其從子顧舍置之而從
 于天真之會出調停之詞為一時風氣所驅即非
 素傑士況為子弟而不率教是舍家求野下喬入
 谷者也若君東所處則又不然昔韓魏公知歐公
 不信文言繁辭未嘗與辨而亦終身相對不言易
 友道尚然況父子之間乎君東既守父教宗陽明
 矣而又表章羅文莊編行其遺集彼因知記三篇
 中言言王氏藥石也蓋然寓裁命之奪焉此君東
 不以言傳而後人當以意會者也其權衡至微矣
 故二千相似而君東為得川甫則失之或曰然則
 君東其遂足法乎日未也如會子之於曾哲以
 臨溪履薄履浴沂風雩斯大孝斯足法矣然曾氏
 父子同師孔子故能得變化豈可望之父子學陽
 明者

尤時熙字季美河南雒陽人先世本吳人高祖某從軍
 謀河南衛父錦母姜氏生母王氏季美生而警敏不羣

稍長為諸生輒有聲弱冠舉於鄉是為嘉靖壬午計偕
 入京讀陽明傳習錄即厭棄詞章一意聖賢之學壬辰
 除元氏學諭甲午丁父憂服除補諭章丘尋晉國子學
 正時徐華亭為祭酒特重之令六館士俱師焉壬寅年
 四十因念古人道明德立語自詰曰我今道明否德立
 否不覺淚下謂學無師終不能有成乃以師禮見晴川
 劉先生晴川陽明高弟也適以建言逮獄則書所疑契
 時時從狂狷中質辨不少較甲辰遷戶部主事推謙暨
 關纖毫不以自污自奉澹若人弗堪也長洲令某負氣
 與部使者抗季美廉其人實賢者初不與較他日代推
 者至問吳中令孰賢季美首稱長洲代者曰此非抗君
 者耶季美曰吾儕論人惟其賢何至以細故雌黃其間
 耶以母老乞終養歸歸三十餘年明道修德足不履公
 門郡守以帖二張遺官地若干畝峻謝不受居常坐小
 齋見後進來學喜甚啟迪不倦其所問答隨人淺淺要
 歸于提撕其本心令問者各有所省其為說大率祖良
 知而得於所自體驗者為多齋中設陽明位晨起必焚
 香展拜來學者必令展謁迨其晚年病世之學者崇虛
 見而忽躬行甚且誤認不良之知而越繩墨以自恣慨
 然歎曰孔門教人必以孝弟為先忠信為本其慮淡矣

又曰夫良知無終始無內外安得更有一層故其
 議論必依乎中庸切於日用而不為玄虛隱怪之譚說
 者服其善學陽明而能救其末流之弊陝洛間士聞其
 風簪笄笈而至者百數十人士大夫道洛者咸以一觀
 顏色為快孟我疆秋稱其溫和純粹有明道之風孟雲
 浦化鯉其門人也稱其衰然為一代真儒鄉人號西川
 先生萬曆庚辰九月卒年七十八沒時含殮不具子孫
 貧乏不能舉火有司祀之鄉賢又築祠特祀所著有從
 學小記聖諭衍行於世萬曆末金沙于景素述明儒十
 先生語錄斥王學不與獨以西川為殿古絳辛復元寄

雜聞源流錄 卷十六 九 葉敬堂

詩張抱初曰三川同浩蕩五岳並嶙峋三川者謂伊川
 月川西川也天啟三年鄉人呂維祺揭稱西川及雲浦
 上衍洙泗之傳中接伊維之派宜從祀廟廷謚典殊缺
 因著尤孟二先生謚議陳之兩院四年三月鹽臣李日
 宣等具題請謚奉旨下部未及行恩按涇陽少墟景述
 獨未嘗開良知涇陽謂陽明特揭良知超然自信獨
 在獨來自是痛快駁之者不敢為然少墟七十自壽
 詩云謙哉我之師人心有仲尼考亭嚴主敬姚江致
 良知尋道困學記云此道絕非各言可形程子名之
 曰天地陽明各之日良知蓋良知二字出于孟子指
 點最妙又指合大學致知而曰致良知立言亦工今
 西川先生切指良知以為無終始無內外辨向上一
 層之非服奉梯忠信之教自修自證山已及人其從
 事新學卒成真儒所謂青出于藍藍謝青斯固王門
 之所不能侖東林之所不能外也于景素氏述十先

生語列諸莊渠養齋之次豈無見而然乎又按西
 川語錄多敬語不可殫述內有云古今人我本同一
 性載籍言行即是師友但須忘我乃能受益又云
 是公共的心雖相背實相成是偏黨的心雖相合實
 相負玩此二條亦可以愧王學之我慢
 真高飾非拒善與夫各迹相象者矣

薛甲字應登南直江陰人嘉靖壬午舉于鄉己丑成
 進士擢兵科給事中時方士邵元節用事乃連具四
 疏指斥甚力邵黨劾之謫湖廣布政司照磨歷轉寧
 波府通判保定府同知四川敘瀘兵備僉事晉江西
 副使備兵于贛又以忤分宜父子解任而歸雖經遷
 謫而職無不舉在蜀解蒙撤累世之仇靖禾播方萌
 之患其績尤偉歸後杜門靜養斷掃家事一切無得

雜聞源流錄 卷十六 十 葉敬堂

關白其學初以紫陽為準的載復取象山陽明遺書
 而參伍之益有所得故其言曰格物即所以致知慎
 動即所以存養成物即所以成己無暴即所以持志
 與夫一在精中貫在一中約在博中恕在忠中此意
 了了則六經四書與夫大而乾坤細而毫芒無非此
 理皆可一以貫之此學所以為易簡而非遺棄物理
 之謂也論者以其言精實寡弊羣推為姚江後勁所
 著有易象大旨四書口義心學淵源錄心傳書院講
 義藝文類稿續稿併文集行于世學者稱畏齋先生
 錢十峰曰登陽理學寥寥前推孫大雅後稱薛畏
 齋乃大雅為儆介之宋景濂所讚許至黃文弼而

勉之去其邪賢不可曉也而畏齋之學亦不其顯
傳聞難念庵自江右來訪及門見高岸不入而反
以此為時所貶然良齋自敘平生受益固從貧病
患難中來近得憚遜庵先生序年譜而論定矣

張槩字士儀號本南直涇縣人幼聰穎異常嘗聞雞

聲忽呼其母曰小學云雞初鳴咸盥漱今雞鳴矣何

不起母笑曰汝纔讀書便曉其義耶對曰我欲為此

豈徒曉而已八歲就外傳十一徧治諸經十三遭父

喪朝夕哀悼不離喪次執禮如成人年十七督學北

江聞人公首拔應試嗣是屢試居首而守已嚴介毫

無私請中丞澤江歐陽公撫江南延為塾師越二歲

歐陽文莊公為南祭酒往師之文莊與之語即言下

雜聞源流錄 卷十六 詳甲 要案 十一 藥敘堂

領會因服習其教累年不歸繼復從鄒文莊公遊學

日益進廣德張守聚徒百餘人敦請主教未數旬多

士翕然興起臨行以百金為贈辭曰吾得英才而教

之足矣堅卻一無所受產不及中人或勸為子孫計

笑曰終日營營為子孫謀吾實耻之事母董氏至卒

母卒哀痛逾常築永思山房守墓不離尤敦睦宗黨

著張氏家規歲值荒歉多方賑貸倡建水西書院迎

諸公歲臨主會合併論學涇人士津津有典者繇是

水西之會名天下

游震得字汝潛南直婺源人初為諸生發令曾公汴

授以良知宗旨繼游歐陽文莊之門參證于湛文簡

鄒文莊兩公間克然有得中嘉靖戊戌進士授行人

擢給事中侃侃言天下事議東宮禮請講學疏尤切

直論方士禱祀焚惑羣臣阿附非禮世廟震怒逮廷

杖劓臥讀易所著怡悅錄即此時筆也復與分宜語

左亟求外補備兵南贛參政湖廣所至賑災恤役歷

楚臬閩藩晉右僉都御史巡撫福建以倭陷興化引

咎代還隆慶初起原官總督南京糧儲言者喋前事

不已遂歸里內外交薦不復起嘗謂近日學者喜妙

悟而疎踐履崇虛譚而鮮實用惓惓以躬行未得為

雜聞源流錄 卷十六 詳甲 要案 十一 藥敘堂

訓創建虹東書院以永講習著有周易傳義會通三

書附註性理纂要談藝要錄湖北民隱錄藥囊膚言

等書第再得字汝見少讀近思錄遂發憤于學與伯

兄自相師友嘗作四箴為伯兄規兄欽容謝之壯年

謝去諸生敦行益力屢主郡邑大會闡釋經傳言皆

簡易真切學者稱兄為讓溪先生弟為連山先生

余世儒字汝為南直婺源人八歲能文一日中兩試

瑞麥表下筆立就辭無複者年十六領鄉薦即與周

都峯共研性學載訪東廓緒山兩公師事之後以親

老渴選得瑞安令時兩浙有倭警乃內撫疲瘵外瞻

軍興民倚之若慈母丁父憂歸再起南康令更役法
 課士移風分校得人最聞推恩所生擢守合州遂謝
 病不赴歸築中心精舍與同好講業越五載遵疾且
 劇適母諱旦猶強起奠如禮已而考終後祀鄉賢兩
 邑名宦汝為幼時見俗學泥古今人不相及者幾言
 曰然則後世遂無聖人耶斷然以堯舜可為自信又
 嘗言文章為立身岐路詞翰為行已外篇吾人安身
 立命當在何處人生百年如石火易滅一念悞違大
 事去矣故孜孜體解力行無怠湛然神明于酬應之
 間著有幼學稿未信稿破蟋蟀集行於世學者稱念
 菴周源流錄

山先生

卷十六

主

菴敬堂

周怡字順之南直太平人少負奇氣居常以丘壑不
 忘自礪聞鄒文莊倡道南都徒步從之游兼師事龍
 谿王公登嘉靖戊戌進士授順德司李以治狀徵拜
 給諫疏論內外大小臣工幾數千言而大指則劾
 嵩嵩鑿市恩修怨私許背詆大敵在前而文武構釁
 非國之福上志疏中有陛下日事禱祀而四方水旱
 未銷語嵩以重螫已間入詔廷杖下錦衣獄借御史
 楊爵員外劉魁同繫五載乙巳採箕僊語釋之閏月
 復被逮丁未二殿災復釋之既歸猶及事母湯藥數

菴源流錄

卷十六

主

菴敬堂

日未訣人謂忠孝所感歲丙寅居陽羨山中時與二
 三知己商訂學問隆慶改元召用擢太常少卿遣祭
 岳瀆瀕行疏陳定君志重詔命敬大臣擇左右勤朝
 政五事件旨調山東海右道僉事轉南國子司業明
 年晉太常少卿提督四譯館未任卒于家其論學以
 大同為旨以至誠無息為宗以不愧屋漏為要而尤
 以曲成後學為萬物一體之驗居恒未嘗特立門戶
 卽以忠諫顯卒未嘗自居其名嘗言吾讀孟子尹士
 語人章羨其惓惓愛君之心直是無已彼一激而去
 者不過尹士者流耳卽斯言以推蓋其忠義之氣駸
 駸至道矣卒後臺臣張佳胤郭莊檄縣建祠祀之郡
 人私謚曰莊簡學者稱訥溪先生有訥溪文集二十
 七卷行於世

張緒字無意湖廣漢陽人生九歲隨父佃於中川劉
 翁家翁課以偶句對云千年賢聖轉身來翁奇之養
 為已子曰劉燧弱冠登嘉靖庚子賢書時有欲危劉
 翁二遺孤者恐無意為之庇迺百計中之賴朱廉憲
 曰其事得俱無恙自念既報劉恩不可身居疑地由
 是復姓名歸其宗游學四方師鄒文莊赴會試初場
 為母忌日先不欲入為同輩強入涕泗終日而出次

科不就試就桐城諭轉南監博士歷吏部司務戶部員外自以為與江陵相年友也謁之據上坐無屈江陵謂太宰曰其郡太守缺可起補之無意曰故人知君君不知故人太守稱二千石予奪在上口威福以私德怨此介谿所以敗也江陵怒而起椅隨身折無意曰椅折乃我與公已矣不謝而出降五級諭繁昌移德陽令鄖撫見羅李公迎主講席未幾拂袖歸會見羅被誣逮下獄臺省救之弗聽爰手一疏擬請代將上而獄已解乃止家居論道垂二十餘年萬曆癸巳秋忽自齊安徧辭諸門人及所識冒風濤亟歸漢

雜聞源流錄

卷十六

五

彙敘堂

上語兩子曰生死事吾自師文莊後便已看破且其身久已許見羅先生今死遲也言訖遂瞑年七十四學者稱既山先生私謚介肅愚按先王制禮不敢不母忌嚴初易得無念母而廢事君子設其當官執戎祀大事亦以母忌格詔令乎此舉似有近名之意若大抗權宰甘降官最為介特矯矯可風視同時黃梅聘君之所為真邪判矣論者慎無嫌其沽也來知德字矣鮮四川梁山人中嘉靖壬子鄉試頻上公車不第以父母春秋高不復試南宮留家侍養二親繼沒葬祭廬墓一軌諸禮既葬後遨遊五岳求友四海往來峨嵋太華太和廬山之間老而歸隱梁之

金山坐九喜榻作八關詩畫三戒圖又有入聖工夫理學疑心學晦明解省覺錄省事錄河圖雜書論皆叩心著理其訓格物則即以君子三戒當之謂先格去三大物欲不盡同程朱說也已而研窮易道端注易象猶嫌金山紛沓乃去梁之萬縣求谿山中絕來行捐形骸反復思維夜以繼日二十餘年超然悟伏羲負圖之為錯文王序卦之為綜以錯綜二字盡易象之變發十翼奧旨闡四聖微言巡撫郭子章親禮其廬知其學宗孔孟之傳軌接嚴光邵雍之侶會總督王象乾交章論薦上俞允授翰林待詔疏辭不拜

雜聞源流錄

卷十六

六

彙敘堂

時年已七十八矣學者稱瞿塘先生愚按格去物欲之雖非格物正解而有功于人至瞿塘指出三戒尤令人有下手處第君子有三戒分少壯老豈格物亦分三時耶此遵陽明宗旨而變化其說者其以錯綜說易更稱卓識雄辯學易者所宜詳玩孫應鰲字山甫貴州清平衛人生之日適衛人饋六鯉因以名幼就塾日誦數千言正襟危坐求解大義年十九以儒士應鄉試督學波石徐公一見大奇之許必解額榜發果以禮經中第一人嘉靖癸丑成進士入翰林改戶垣出補江西僉事流賊起捍禦有法一道晏然九江三百人誤坐賊黨一言出之尋轉陝西提學副使實意作人身先為範遷四川叅政土官

薛兆乾執參將賀慶以叛或疑討之必為慶禍都御史谷公以問山甫曰昔英宗北狩于愍肅公數語國威益振卒返乘輿今者豈惜一參將耶谷從之擒兆乾而慶不害隆慶改元以僉都御史巡撫鄖陽疏請勤學勵政親賢遠奸等十事及劾奏太和宮提督巨璫罪狀上皆納之已而致仕萬曆初起仍前任授恩詔懇卹建文死事諸臣舉朝目為昌言召入為大理卿晉戶部右侍郎改禮部掌國子監祭酒事在監申飭監規倣涇野先生遺意極言舉人回籍自便之非及至愚不肖入貨汗蠶之弊皆得旨著為令丙子八

惟閣源流錄

卷十六

餘英

七

養教堂

月駕幸太學進講虞書無教逸欲有邦上稱善命坐賜茶以病予告築學孔書院於西城之陽晉南京工部尚書卒賜祭葬謚文恭所著有易談四書近語教秦語錄雍論彙稿續稿春秋節要律呂分解等書行於世

余時英字景淳南直婺源人九歲時聞日者言母命不永與姊相持泣每夜靜拜天祈母壽十二三讀書餘閒習種植樵採事喜曰今而後能紓二人憊矣尋從洪垣及兄鏞講性學十九冠貧不能行禮取冠禮冠義莊誦之二十二婚首以善事二人厚其弟與婦

惟閣源流錄

卷十六

餘英

八

養教堂

一龍命取二布民間將成衣以獻聞之愠甚罰令一龍及子婦跪於前而責之立反之其訓廉類若此萬曆丙戌抱微疾命童子開聽語諸人曰吾心之明有如此月遂逝年七十九徽六邑學者祀之於會所著有孝經集義行於世其經子性鑑諸書纂抄十七種藏于家

萬吉字克修南直宜興人為人方嚴剛峻自禮義廉耻大防至于拱揖進趨冠履飲食之節畫綫而蹈不失毫髮見者望而知為莊士事親盡孝居喪中禮弟善病與其寢食三年不懈弟病愈然後入內室至老未嘗異錢帛教諸子先志行後文藝諸子雅飭孝謹

一如其父以貢爲桐廬訓導夙夜勸課力明義利之辨時舉釣臺故事以激發諸生桐俗頓振未幾致仕歸其爲學宗尙程朱初聞陽明致良知之說於同邑周道通意不甚契及交唐荆川聞其議論乃歎曰道通愛我今荆川子語多與之同固未嘗悖于朱子我恨不及道通之存也晚而和易如冬日薰人人樂親之稱爲古齋先生

王漸遠字鴻山廣東番禺人父傳爲泰州學正隨之任時年十歲卽知潛修默誦未幾扶父觀歸年十九登嘉靖丁丑進士假歸娶室授刑部主事告歸侍母

雒陽源流錄

卷十六

九

彙錄堂

至十二年有旨凡養病三年落仕籍久之以薦復原官至都疏陳四事留中不報因引疾乞休執政嫌其言直罷之歸奉母諱值寇亂避之省會館于小雲谷之精舍就右溪倫氏與古林何氏解疑辨難所得益淡著觀水記正學記四書通言學庸釋畧讀經記春秋集傳嶺南耆彥傳王氏宗禮青蘿集等書其讀五經自得尤多於春秋淡辯周正之非於詩多從小序之指謂易非因河圖而作謂書當以安國爲宗嘗謂學者當體得吾心之生意生意卽性也仁也求之古聖賢如孔子之樂在其中顏子之簞瓢不改曾點之

舞雩詠歸子思之無人不得孟子之萬鐘何加皆是也孔門教人求仁莫先於此千載而下惟周程得之其次李延平云其於近儒則尊慕白沙陽明二氏其所與王龍溪項既東二書中要亦不盡同也卒年六十一隆慶初卹贈光祿寺少卿

殷士望字德遠南直丹徒人性通敏孩提時得菓食必先奉二親朝夕數問安否五歲誦經史七歲能文章遠近爭欲識其人稍長益盡孝嘉靖間倭犯丹徒縛其父去德遠奔救倭將加刃卽長跪呼號請身代甚哀倭曰此孝子也兩釋之曾學御史耿公嘉之

雒陽源流錄

卷十六

十

彙錄堂

遂不次以附學克貢亡何家被盜盜縛其母欲撻之時德遠先出遊學其女弟名金者亦呼號請代甚哀盜亦曰此孝女也又兩釋之耿公並爲奏于朝下有司建坊旌表題曰麟鳳尋由壽州訓遷新建諭又遷衢州教授三任學職朔望同州縣官鄉先生羣諸生講學不倦以老乞歸年八十一偶疾忽起肅衣冠拜二親木主畢因正色危坐召門人子弟言曰吾將安靜以養微陽父母之身今得全而歸之性學斷續則在二三子矣微笑而逝學者稱同仁先生其生時宅傍先後產二麟人以爲祥瑞云

詹一麟字孟仁南直婺源人性本豪邁而學甚淳厲言動一準於禮孝孚宗族信重鄉閭補諸生食餼就歲試學臺極鑒賞其文以缺論發令補作回稱不記題目不敢欺心學臺怒乃降等抑之孟仁恬澹自若從海內諸有道訂正學脉不憚跣步千里家故貧取給筆耕歲暮館歸遇一人受人責償阨之急遂傾修補助之空橐歸室如懸罄不以介意晚益透悟指歸本根不落枝節嘉靖丙寅徵修郡志從遊者日益盛樂平太守軫光其高第也學者稱東鏡先生

維園源流錄

卷十六 查鐸

主 藥敘堂

查鐸字子警南直涇縣人為諸生兼攻道藝嘗曰匪學胡文匪聖胡學嘉靖己酉舉于鄉報至猶偕同志聚講抵暮而罷如弗聞也數下第成乙丑進士授德安府推官徵拜刑科給事中轉戶科右再轉刑科左屢疏勸經筵獲邊功定營議舉人才言皆切要休暇輒從海內名碩結會論學以為常未幾新鄭起相兼冢宰勢張甚欲修舊隙庇私黨而子警向中會試出其門連執不從遂大相左出為山西叅議適當表賀疾不行撫臣迎新鄭意論罷之及新鄭免以薦補舊任定為葬儀勒民互察遂革蒲東停喪敝習有妖似網能匿形而人言多煽惑出示驅之妖謝相知者曰

查公正人吾不敢犯為避去遷廣西副使丁父艱不行後領廣西驛傳纔三月移疾歸中丞郭公六下札留之不可遂翩然東返為復水西書院倡明理學其立說篤信陽明致良知為三字符更闢然自修不事表暴最後疾作族兄秀視疾問曰心得無動乎曰能病吾身耳吾心何病旦起索衣冠端坐移時遂瞑年七十四學者稱毅齋先生

維園源流錄

卷十六 查鐸

主 藥敘堂

胡用賓字晉卿南直婺源人少補諸生試輒第一嘉靖己酉薦賢書即從鄒文莊呂中石諸公遊透悟姚江良知之奧而不詭于紫陽丁內艱疏食墓廬者三年登隆慶戊辰進士授樂清令以父老留妻子侍養僅挾二蒼頭在日再食脫粟每公出裹飯蕭寺中人不知為官也與利別蠹造士維風靡不殫慮樂人德之四載以召行檢俸餘僅十六兩行李一肩士民即潘簡肅祠祀之額二賢祠選南御史巡按江西獎廉去墨江旬風清事竣乞終養歸夜抱父足而臥居被火恐父驚悸給以他故躬負之出室燼而父不知父歿哀毀羸憊不異喪母時服闋起補北臺歷遷南太僕少卿即乞骸骨奉特旨進太僕卿致仕嘗上疏請祀鄒文莊惓惓崇躬行證慎獨救空談之弊甚切所

著山間漫語於中和真體慎獨真功體驗至精密而
儒釋真似同異之辨更足以開世迷又著有觀俗庸
言皆平實語汪司徒登原狀其行稱為純孝純忠至
廉總目之曰慥慥君子

劉遇江西萬安人為人好澹素惡聞喪媒卑鄙語事
母李以孝聞重諾輕財諸焚券已責者甚眾晚聞越
中致良知之學肫肫服習建梅陂書舍以待學者後
談學者言徑超喜頓悟陋持守羣然和之週兀兀眾
中獨求寡過若已訕然已而言頓超者多踣躑相率
愧屈而週一未嘗自多聞人過急為掩覆弗忍出諸

雜聞源流錄

卷十六

五

彙敘堂

口也人以篤行稱之

愚按王門德態百怪千奇不可名狀徐愛羅暉
語以與顏同德同壽是以顏子自處也王畿送王
正德而曰我黍師門一雅參是以曾子自處也錢
德洪與錢德盛師墓三年是以尹貢自處也徐珊不
封會試策而出是又以尹彥明自處也做孔門任
門徒不成徒為王通之董常王安石之馮解陸九
淵之程簡而已至於王良篤車行教則又竟以孔
子為若之不疑自以為是故其門下多疑為甚
小怨歸真村歌野唱時謂巫風李贄謂大道無分
男女真悔澹然為會贈詩相昵說書中時謂洋
氣吉州人何心隱承新入顏約師生奉殿事發抵
刑時謂亂風且何心隱本梁氏子名汝元字子期
忽自更為何心隱尤屬不經此輩亦何足汗吾黨
之半獨怪夫事之以師禮未之為姓友者皆世所
謂賢士大夫耳原其自來則陽明似有假借之失
焉吾傳王良見陽明于江西服古冠履梳木簡賦
二詩為贊其踐履與董澹似此最便淺可耻乃
陽明不能拒而有吾倫宸濠心未嘗動今為斯人

動之語是何言耶抑傳之者妄耶大抵稍涉游詞
便成標榜流俗無識聞陽明重良而併重良之徒
待以師友非無因也吾於此輩既盡削去為王學
洗穢而欲為君子者失言之戒故不得已而噴及
之後之君子
可以鑒矣

雜聞源流錄卷十六

卷十六

五

彙敘堂



雒陽源流錄卷十七 姚江三

無錫張夏纂 門人婺源黃朝澗授

李材 余澤 朱英悅 賀時泰 辛全

張後覺 孟秋 張元汴 孟化鯉

劉元卿 李天植 鄒元標 方大鎮

孫慎行 施弘猷 蕭自麓 蔡懋德 笄繼良

呂維祺 蔡懋德 劉宗周 黃道周

李材字孟誠江西豐城人嘉靖壬戌進士授刑部主

事歷兵部員外郎萬曆初出為廣東僉事尋轉副使

以論學兼立功稍見忌于當路遂引疾求退精學問

者十年癸未起官遷雲南參政乙酉冬晉按察使管

金騰兵備事值緬賊內訌洞蠻黨逆孟誠謂此可計

間難用直搗密令把總寇崇德等橐金攜其交蠻果

悔禍而反攻緬謀至令把總杜杖等間道會擊爰有

遮浪之捷師還諸弁論功請賞有差而孟誠得擢僉

都御史撫治鄖陽丙戌春夏間事也明年丁亥以滇

事為勦功者所奏上怒逮問諍者愈恬上持愈堅繫

獄至六年刑部郎中高從禮奏曰材用曾攻緬不無

闡國之功據揭申文自抵罔上之罪會按滇御史馮

應鳳在地方廉得其實亦疏白之始得減死出戍遇

雒陽源流錄卷十七 姚江三

救得還時毫矣猶講學不倦四方學者尊為見羅先

生嘗患世之學者每以朱王兩家格物致知之說爭

衡聚訟其流至於身心割裂知行離叛為斯道病因

揭修身為本一言以明孔曾宗傳所在欲使學者皆

知反求諸身即吾彛倫日用動靜出處之間實修實

踐精神收斂心志凝一更無恍惚支離則其道乃有

補于天下國家又曰知止即知本知修身為本而止

之乃為止于至善格致誠正修齊治平皆所以止乎

至善之實事本末終始一以貫之者也於此參究分

明合下知得止於至善則大學之樞紐在我故曰知

止而后有定此其闡學大指自以為直扼一貫宗傳

與足以劑救兩家偏弊者也然謂通篇格至善似矣

而欲散置格物於八條之中說者病其失之於支焉

所著有大學古義道性善編論語大意崧臺講義觀

我堂摘稿教學錄經正錄等書行於世其門人成名

者甚多有南昌徐宗濬字鏡源萬曆癸未進士仕至

宮保尚書篤志講學宇內推為領袖著有易義隆砂

證學記馮亦定最稱之

卒感熊氏曰致良知三字無

病陽明說得有病修身為本

四字無病見羅說得有病

愚按羅說欲救陽明

之病而其言亦有病者不是

症源相反乃其經絡

傳變也見羅謂果明宗果知

本真有心意知物各

止其所而格致誠正總付之

無所事事此正不脫

良知窠日耳所以輕視條目次第作大段工夫況
堅主無善無惡是謂至善之說其伏病在胎裏安
得不東滅
西生也哉

朱英骸字賓桃楚府宗室昭王六世孫鎮國中尉思
泉公長子少築共學堂延四方僑彥講貫其中江夏
則有賀陽亨段煥然孫善長李文臺諸子黃陂則有
武臯守拙兩黃子又與其弟賓桂賓極互為師友年
及三十有衡陽甯太虛未陽曾金簡至楚會檄十五
郡人士聚共學堂商確見羅李氏止修之旨賓桃爰
與往復印証舉廿年攻苦一旦豁然由是四方學士
不貴虛悟敦摯躬修者咸奉之既而兩臺疏其奉行

雒陽源流錄 卷十七 三 彙敘堂

神祖旨下嘉慰尋有詔建宗學博求可為宗子師表
者御史宋公賢從眾請以名應詔報可遂拜大宗正
居十五載楚宗協化數登賢書念生母選配盧氏年
屆九十拘例未封乃問關數千里叩闕陳情上報曰
念宗正綱紀諸宗多年多勸其特封爾母盧氏為恭
人他不得比例又念宗正老賜几杖馳驛護送以歸
歸而拜母上壽人莫不手額稱孝賓桃旋病革惓惓
以盧母為子姪囑卒年七十一所著有河西務悟道
詩四十首問道書札若干卷

附錄毛成字侶鶴北直玉田人萬曆間為內官甘
貧篤志手不釋卷潛心濂雒參讀薛文清王文成

諸君子之書更留意六書音韻天性剛介未嘗趨
謁顯要蓄書甚多壽七十餘卒葬玉泉山麓生時
自題其墓碣曰於呼蓋田耕夫之墓 愚按此條
見劉若愚酌中志觀成自題墓碣此於耕夫其諱
耻刑餘之意著矣彼為僧道讀儒書而悔悟可立
反初服為內官且奈之何使其果賢則寺人孟子
詩固錄之呂強揚光復張承業綱目取之正不必
論其品類今成別無表建弟恐若愚同列邪璫或
此輩好名粉飾未可知耳存此亦可想見當年
道風之盛至於其人其事闕疑可也故附之

賀時泰字叔交湖廣江夏人嘗遇歲除家貧不能具
一杯羹以一母雞豆二升易米七升五合支度歲三
日糧賦詩自礪曰清苦丈夫志風霜善自持陽和非
不愛義命貴安之是時長子文忠公尚幼風度端整
屹如老成莊士叔交目顧而心許之自是益樂饑課

雒陽源流錄 卷十七 四 彙敘堂

子年二十七患耳聾自念奉親遺體曷由全歸乃簡
閱古今經籍遇有關身心秩序者即手錄之箕開盤
贖久之成帙題曰人模樣讀者方之念臺人譜及文
忠既貴即大書聯句堂前云當年雞豆未忘志此日
兒孫莫妄思其訓廉成忠若此又著思聰錄一卷首
條云王陽明致良知三字道破古今次條云有本體
有工夫有効驗良知本體自家認透徹了只下致字
工夫去做効驗自在其中此其了當語又云士人所
守若未能定先從鄉黨中尋一箇真節婦人做樣子
便不難了又云若愛一文錢不值一文錢從來有名

士不用無名錢其學其守俱可見矣與古絳辛復元
手書商學交最善學者稱陽亨先生別著三世事小
錄及文箴二十四則藏于家文忠公即諱逢聖以在
籍輔臣死癸未獻寇之亂者也

辛全字復元山西河汾人稟厚修純居家力行孝弟
不求聞達于世以諸生老與洛陽九季美江夏賀叔
交革為學問友著有樂天集養心錄二書高忠憲公
與曹子真札以吳康齋許之亦為良知之學而進於
信實者

張後覺字志仁山東茌平人事父母至孝居喪哀毀
雜聞源流錄 卷十七 五 藥錄堂

骨立三年不御私室早歲得姚江之傳于顏博士鎰
屏去舉業淡思力踐雖隆冬盛暑不爐不扇久而行
獲嘗曰耳本天聰日本天明順帝之則何慮何營又
曰真知是忿忿自慙真知是忿忿自窒慙忿如沸釜
抽薪室慾如紅爐點雪推山填壑愈難愈遠當時門
人孟秋趙進趙維新獨契宗旨海內名流道在山者
征征紆軫請益督學鄒善郡守羅汝芳兩建書院集
齊魯諸生延之升席使為山長以歲薦任華陰訓導
視邑篆起仆弭亂境內晏然歸之日士民遮道泣送
里居教授著有弘山教言時恩縣有王牧者字汝謙

領已酉鄉薦官溫州府通判一介不取與志仁友善
辨析仁體任復數千言卓有深詣東阿陳職邢文舉
二子亦相與月旦聯會並著賢名愚按德念室慾所
以修德求仁也可
而後獲是為難說不可執此以廢彼故先備推
山填壑之喻當以用功言弘山抽薪點雪之喻當
以成功言使不務先難而遂思化難易泥先後此
其言亦中聽不中
用耳學者思之

孟秋字子成山東茌平人早歲從外傳受毛詩至鄭
衛輒棄去更治尚書已聞張弘山講良知之學執贊
受教下帷發憤慨慕前修家貧甚嘗撤屋瓦習之以
供膏薪提學鄒公善講道濟上召與語大悅曰功利
雜聞源流錄 卷十七 六 藥錄堂

之俗孰能不波不意乃有孟生登隆慶辛未進士知
昌黎縣政尚清惠萬曆初遷大理評事尋轉職方主
事守山海關當關政久弛之後嚴譏察裁供億竟為
前官所忌中考功法調外轉刑部主事進尚寶司丞
少卿卒子成雅志澹泊嘒嘒聖真貌癯然若不勝衣
遇事神閒氣定萬夫莫能奪與人交樂引其所長而
覆其短晚年徧質四方同志問學洞徹其論中和已
發未發犁然有當于中庸之旨鄒爾瞻張子蓋並讀
而善之曰此孔門嫡派臺省文章請易名格于例未
果所著有二明一脉經翼行于世愚按許敬庵曰遇
張秋訪孟我疆之

廣盈丈之地瓦屋數椽其旁有茅舍倍之此風味
大江以南所未有也觀此可樂我疆之品矣又蓋
智錄曰王龍溪在吳中與蔡春臺講學語及陽明
龍溪曰先師已造位神人焚之火而心不與俱焚
溺之水而心不與俱溺者也人而心之正我疆日
到此地方知此旨觀此可窺我疆之學矣然蓋智
錄中多刻詆王學之言吾
不知我疆果有此語否

張元忭字子蓋浙江山陰人總角時聞楊忠愍公諫
死遙為誄詞慷慨泣下霑襟父大奇之隆慶辛未賜
進士及第第一人授翰林修撰萬曆初元上疏直御
史某且請進講列女傳于兩宮以修二南之化不報
久之遷左春坊左諭德兼翰林侍讀尋克經筵講官
每當直講喁喁然盟心待對真有所感格焉初父太

雒陽源流錄

卷十七

七

葉敬堂

僕公嘗副滇臬擊武定叛會有功後中蜚語革問時
子蓋方舉于鄉披父萬里赴逮自越如滇復自滇如
燕未怠也通籍後遇上御曆覃恩即疏白父冤請以
恩及已者移復太僕公冠服至是復申前請忤旨格
不行仰天泣曰吾不可以下見吾父矣居常念父功
罪未明願以身代父報國而卒且徵國恩報父故終
其身有緹紫之恨竟以此鬱鬱致疾疾革顧弟子呼
陛下者再又曰朝廷亦多有人乃瞑子蓋故江陵所
取士方江陵盛時不隨不激有以自守嘗語同門曰
某門人也皂囊白簡之事當以待他人若乃喪請留

病請禱其即死弗為矣性至孝友侍父母疾湯藥非
口嘗弗進比卒樂樂柴瘠喪葬悉遵古禮盡革燕賓
崇佛諸做俗拊異母弟二人恩禮隆備身飯脫粟衣
浣補而賑施宗黨若不及學宗姚江然不空事口耳
端務以實踐為基謂朱陸同源而未流乃岐之非是
手摘考亭所論著與陸王意符者彙觀之題曰朱子
摘編學者稱陽和先生愚按陽和朱子摘編分詩文
各一卷敘稱定論未必盡出
晚年而摘編則皆平時之言此欲為陽明掩過道
以著之者也使朱子平時所學既不偏即早晚皆
無差矣彼象山往來紛吹之辨與
陽明集中分祖之說又何為者哉

雒陽源流錄

卷十七

人

葉敬堂

孟化鯉字叔龍河南新安人其先有好古者洪武初自
秦中始遷新安五傳至秋娶衛氏衛氏夢有光如日大
於斗遂誕叔龍蓋嘉靖乙巳閏正月念四日也幼而警
敏長而端摯修度美髯見者識其非常人兒時嗜讀小
學八歲讀孝經論語十三讀易旁通經史及左國秦漢
比為文自構一格不傍人籬下十七補諸生即慨然以
古道自任歲乙丑既冠往師西川尤先生讀擬學小記
曰濂雒真傳具在於茲凡西川所言手自籍記成帙會
督學試文行皆置第一已巳膺恩貢第一監試第二有
友郭青螺黃慎軒孟我疆而我疆尤密聯會講學癸酉
中河南鄉試第九故事同年具呈坊價叔龍瞿然曰吾

輩方將起家清仕路抑奔競乃先行請託耶獨不列名
 卽計借驛金亦峻卻不受庚辰成進士授南戶部主事
 時相欲致叔龍爲重終不往謁尋丁父艱起補戶部主
 事筭銀庫痛革宿弊出榷河西務口不言錢惟與子矜
 耆老講聖諭六言發明正道比去士民肖像祀江干丙
 戌江南山左大饑奉命往賑哀益稽核全活無算尤厚
 資善士是年改驗封主事會母卒歸前後兩艱哀毀骨
 立喪制一準家禮斟酌合宜可爲法式不茹葷不入內
 不安言笑居恒孝事兩尊人無間或慍則率婦長跪請
 過父易簣時叔龍方之留都任在途以兩叔父視舍殮
 葬淮開源流錄 卷十七 九 葵敬堂

比襄事每朔必稽顙曰見兩叔父卽見吾父母也起復
 補稽勳歷文選郎私念用人本朝廷公典而或干以私
 豈不上負君下負所學故一意孤立雖大貴人氣焰薰
 灼不少徇徃例銓法多先白政府然後補贖叔龍不爲
 動中璫請託毫不假借勅守闈勿通一刺凡諸舞文吏
 所得自行其意者搜剔殆盡內外率側目張可庵棟以
 都諫建言國本論時論建之弗敢用也叔龍疏起之上
 業令票旨政府封還陰陽其詞遂忤上調外以中外力
 救再削籍叔龍神色自若猶夙夜治文書付所司始跨
 蹇歸歸之日簪紳絡驛出祖于郊見行李蕭然家奴徒

步皆歎曰賢者去國我輩尸位獨無愧于心乎郡邑長
 吏率求一見不可得或負弩津途問選君何進而叔龍
 已微服過矣初從西川遊歸而設會講學寒暑不輟多
 所興起西川每對人曰吾道西矣嗣與我疆諸公講學
 京坻又於川上建兩賢祠西川後爲宗賢樓聚圖書羅
 俊又四方士聞風負笈若陝澗嵩永雒孟汝羅秦晉聯
 翩而至無慮數百人至是歸諸弟子迎於黃河之湄歌
 詠之聲遏雲振木而叔龍於道益精進所發明益開朗
 澄澈非獨擴良知之緒矣叔龍所至孚格在樵清食墨
 之風在銓抑奔謁之塗在籍則以恬澹古樸爲里俗先
 故其里不用聲歌不曳綺羅婚嫁不論財非嘉燕不用
 鼓吹人咸謂新安有古昔遺風雖窮鄉幽谷之人無不
 稱曰孟師孟師云叔龍精神強毅每漏下五鼓卽起課
 諸子弟夜分伊唔不倦亡何疾革弟化鯨侍藥猶孳孳
 勉以爲學口占詩云靜室焚香理病身琴書手卷日相
 親胸中自覺無他物但聽啼禽報早春又云養德從末
 卽養身如今二豎苦相親捺存未到和平地漫說宮中
 六六春聞者以爲有聞道未足之意遂與門人相向哭
 失聲城爲罷市澗有老嫠婦聞而悲之曰天下無福耶
 其感人之深若此時萬曆丁酉正月念六日年五十有

三壘城東函谷之阜其學以無欲為宗其教人則端以
孝弟忠信慎獨為要不為高淡幽渺之論平實易簡進
于純粹門人王參君以梧者自總州師事最久尊信尤
篤贊曰仕以達道學本無欲紀實也卒之明年祀鄉賢
大中丞鍾襄惠公疏請從祀未允先令有司建崇祠春
秋致祭天啟壬戌贈光祿寺卿所著有已千錄尊聞錄
讀易療言諸儒要錄理學功臣言行條名賢卓行條焚
黃堊冠儀注文集八卷及摘句通鑑增減性理音釋四
書五經並行于世其易訓大都以心體立說與程朱訓
異虞城楊東明讀而訝之答曰易萬古心學之源也而

雜聞源流錄 卷十七 十一 藥象堂

觀象玩占淺孰甚焉故謬歸諸心俾學道者知所原本
耳學者稱雲浦先生 楠錄讀近溪集應言九條 本來
知也若近溪云云則良知又有個面目矣似失之鑿
且何必究論此等處况四字又出釋子語乎此葛藤
何時是斷絕期耶 孔子開口便只說謹言慎行孟
子開口便只說存心忠信此非當下即只在當下亦
釋氏語 善緣功德報答等皆釋氏之流弊也可稱
述乎 近溪說出啞啼一聲不若孟子赤子之心之
言為雅 孟子曰仁人心也言仁即是心仁即是仁
非有二也 程子曰義禮智信皆仁也隨出異名總是
一仁仁則只是此心而曰心視仁義等宏且淡不亦
鑿乎 靈妙即是心而曰心視仁義等宏且淡不亦
以靈妙而生則心為死物靈又是靈心又是心矣有
是理哉 既云赤子之心渾乎其天是有善無不善
矣却乃云無善無不善而實無不善不亦自相矛盾
耶所謂程之善成之者性也若混耶 天命原
只是善 孔子言學即是大學明明德於天下之時
日時習者學無間斷之謂如必曰時即聖時之時時

習謂習乎聖時則當云學時而習之矣得無好奇之
過乎 楠錄已千錄七條 嘉靖甲子歲曾夢與友人書
自為七言律詩一首當時未習為詩既寤尚能全編
夢中句心頗異之迨旦止記首句云翠竹麒麟錦馬
敲又三年為丙寅西川先生側偶述請正意先生必
有妙解先生曰但曰夢也音旨嚴重于言下有悟者
心體未明畫已屬夢而又夢中說夢且欲求解於不
可知之鄉宜先生之不我與也自後有夢亦不復識
聞陳司敗議其黨自以為幸此是孔子好學處氣
象心術何等平易何等真實何等廣大如今被人規
過便求解脫且不論其過只解脫便是最惡的念頭
便不是真切好學與孔子氣象心術奚啻萬里不
絲真之心之端而別為功利之緒此真異端也 學者
纔說習氣纔說相稱便是欺心此但可以恕人自修者宜
痛者猛克也此正今日切要之功 見人講論定要
出已見說向前一步此是粗心洋氣若反到自身上
尋證修服方是為學 以善服人尚不可況未善而
責人乎 陳實夫一日意欲出門因書爾出幹甚緊

雜聞源流錄 卷十七 十一 藥象堂

要事七字于門頂是後暗之即無出門之意念此藥
傑之士便有這等見識便有這等方法似此用功決
無有不進者愚三復其言為之欽祇 顧氏小心
齋劄記云孟叔龍德宇溫然而其中甚介罷官歸家
中丞仁軒張公饋之而不得也又云孟叔龍與孟我
宦其地者欲踪跡之而不得也又云孟叔龍與孟我
強徒步過從飲食起居悉共焉時人稱爲二孟陽和
太史作二孟歌記之 愚按雲浦先生性理論仁即
是心仁即是仁直印程朱心統性情性即理也二語
正解而禪墜洗矣已千錄論人求解脫必出已見兩
樣惡念頭不獨被盡象山告子不得於言勿求諸心
之病且善寫聖人好學心事好學氣象其得於西川
先生者淡矣造詣變化至此宜其為顧張諸公所推
服也安得復 以王學議之
劉元卿字調父江西安福人少時入吉安為青原遊
與夫語曰昔之青原挾妓酒人歌新聲達旦自兩鄒

公子入遂絕響聞之惕然而懼兩公子即僉意汝海
宮洗汝光也時自東魯歸嘒嘒然以家學倡諸里人
謂父入山汝海試與語喜動於心歸而陳諸宋儒語
錄堆案盈几玩而三思汝海退與汝光心畏者久之
時周太守鶴阜羣諸士試得其論大奇之以為真儒
再出入闈遂魁江右仍偕師友輩以學相砥切隆慶
辛未業入穀主司以其策多憤激語姑置之江陵聞
而大怒下禮部以飭多士甲戌下第遂抹其引杜門
不出從遊者日眾調父於諸先輩語淺生厭淡生疑
乃出而謁蘭溪徐太常聞其言機稍動再謁黃安耿

惟蘭源流錄

卷十七

劉宗周 李天相

三

藁敘堂

司農得生生謂易一語始欣然信心而於所創復禮
識仁中道一德諸院歲有常會西鄉習俗故稱健訟
至是皆化於其德無一字更犯官府南昌守范冰嘗
列其名與鄧元錫章潢並薦于朝調父卒不出卒年
六十六學者稱瀟瀟先生所著有山居草還山積草
大象觀諸儒學案賢奕編六鑑舉要國史舉凡畧語
淵言思問編何莫編先正義方禮律數要明賢宗解
葵江證學大學新編等書
李天植字性甫南直廣德州人少聞良知之說恍如
夙解復從鄒文莊諸公商證融徹中隆慶辛未進士

授平陽府推官徵拜吏科給事中疏數十上皆天下
大計時江陵相當國奪情議起排眾昌言曰異日謂
羅一峰何如人既吳公中行趙公用賢艾公穆沈公
思孝及鄒公元標先後具疏有旨杖斥遂上疏論救
備極詳懇江陵恚甚計中之無何有旨選淨身男子
若干人又力陳儒生進學數少中貴選用太盛兩事
倒置語攻政府益急遂借年例出分守江西饒南值
江陵議毀天下書院阿意者欲併廢白鹿洞膳田力
持不可且捐餼增益之羣諸生講習其中所興起其
眾閱二歲遷湖廣副使鎮長寶二郡延張太史元汴

惟蘭源流錄

卷十七

李天相 鄭元標

古

藁敘堂

講學岳麓借陰兩書院湖南人咸知向學癸未楚大
饑日夜籌畫捐俸薪及贖錢賑之全活無算尋參政
四川調曹濮兵備屢忤當道亟引歸累薦堅不起卒
年七十二於易禮二經皆有疏義
鄒元標字爾瞻江西吉水人少好學幽居局戶集程
王六子語以自勗萬曆丁丑登進士方觀刑部政疏
劾江陵相奪情拜杖戍貴州都勻衛直聲震天下江
陵敗擢吏科給事中約同志集於演象所月有講會
執政亦過而問焉復以內廷火進言忤旨降南京刑
部照磨歷遷兵吏二部主事吏刑二部員外刑部郎

中嘗循職掌請褒解縉羅洪先諸儒及論朝儀久曠
儲位尚虛言極剴切引疾家居遭艱不起建仁文書
院聚徒講學其中光宗卽位起大理寺卿天啟初遷
刑部右侍郎歷都察院左都御史特疏請卹先朝廢
官一百二十人詔從之命南北三品京堂在添注以
疏淹滯餘着酌量敘用請追錄江陵相十年輔弼之
功補身後卹典天下尤服其公又請亟修光廟實錄
以進藥一案議論紛紜宜早定信史也上允而未行
其後卒有要典之禍人以是服其先慮適長安馮公
從吾爲副院並以講學名重一時諸侍御因共建首

雜聞源流錄

卷十七

五

葉敬堂

善書院於西城牆下兩先生每出署後不拜客不赴
筵輒入書院講學都人士聽講者無不虛往實歸衆
心興起而忌者亦從此始於是邪黨競相訾議爾瞻
上疏辨得旨慰勉尋告歸亡何卒卒後璫禍始烈削
奪官誥崇禎初贈太子太保謚忠介學者稱南阜先
生爾瞻雖從事首善奏記東林而初偕郭子章從胡
廬山遊其學主於自得歸之實詰嘗作許敬庵祠堂
記曰自朱陸分馳步趨朱氏者嚴關鍵飾藩籬人無
得而問之而或病其隨事格物未免棄內徇外之弊
河津餘干確守其說至新會陳氏悟自然之宗餘姚

王氏發良知之旨大抵宗象山而王氏雄鋒明暢足
以發抒其蘊於是學者盡宗新學其弊也乃至闕累
躬行吾謂學無可見見之於行敬庵恪守先程方正
篤實其不必與餘姚合者乃其有功餘姚也作陽明
祠堂記曰予讀先生格物之說謂格其不正以歸於
正戒懼慎獨之語謂本一體工夫非有二事恍然會
心先生倡道當時如清風披拂學者各得其性之所
近於世亦有所補獨怪夫萬物一體圓融無礙之說
倡而學寢以僞也夫先儒之一體也合天下以成其
身後儒之一體也借天下以濟其私先儒之圓神也

雜聞源流錄

卷十七

六

葉敬堂

本之方以智後儒之圓神也流於詭與隨藉口交道
接禮之說無論宋薛齊七十五百鑑皆可受矣藉
口委曲行道之說輟環列國爲是不稅冕而行非矣
藉口獵較猶可之說和光同塵爲是先薄正祭器非
矣藉口中庸之說鄉愿賊德味道摸稜皆所不計矣
藉口汎愛衆之說孔子不必殺于陽貨孟子不必
示默于王驪矣流弊至此夫豈先生之教使之然哉
蓋欲兩救其弊故不偏持一說若此又嘗答友人曰
學問中一段機權詭譎之術先賢決無此家法又曰
學人不可先橫一是非同異之心在胸中惟當自參

自悟久之自不言而喻又曰世多虛談害道者皆繇實學者鮮不足以轉移之若實學者多則虛者自消皆自得語也而自少矜厲名節既而投荒萬里遐野三十年涵養銷鎔幾于冲粹其實詣尤不可及矣所

著者有存真集願學集及奏議若干卷行於世愚按萬曆諸賢

之仙學也大夫嚴干程品而寬於辨脈方東林初建顧高為倡宗未開王乃其大指然依庸堂記及

淫陽誌文皆出南學手筆豈計其道之不同哉不唯是也百善書院之役鄒馮共事一堂亦各講所

學其為說不相侷亦不相背豈當日以同調參參不欲於同中立異耶抑和而不同正欲於此徐求

併一耶以愚妄臆相蒙若其小人忌之既滋門戶標榜之說其後學或之亦有徘徊歧路之患傳

日毫差干謬是以君子有弗辨辯之不明弗措也夫南學產自螺川早染新學亦天挺豪傑破除尋

雒陽源流錄

卷十七

友類

七

葉敘堂

常吾鄉高忠憲公嘗述其在刑部堂上望見罪囚便高聲念佛畧不知有儒釋之防而武塘陳幾亭氏覆其全集謂其學純尚禪而輒援四子周易以傳會之講論俟彼俟此無實見無定指多是遁詞論謂南學以無修無證為說謂之正人則可謂之醇儒未也學者其慎擇諸

方大鎮字若靜南直桐城人萬曆己丑進士居官公

廉惠愛所至有聲尤尚風節崇理學初授大名府推

官加意平反一案至活百三十人壬寅拜江西道御

史以病乞歸丁未起浙江巡鹽釐醴弊免白糧稅商

民交頌戊申請告壬子按河南福府莊田四萬屢奉

嚴旨比例執奏竟減其半且疏請儲講差未竣而移

病天啟壬戌起按京畿計臺資已閱二十餘年遷大

理寺丞晉左少卿虛心評駁凡出死囚十三人奉命

使蜀陞辭疏請經筵四事併請召用諸理學正人時

憲臣鄒南阜馮少墟兩公建首善書院於都門聚同

志講學君靜與焉及還自蜀羣小方排斥理學毀書

院兩公皆去位君靜筮得同人於野遂乞休自號野

同翁隱於白鹿山與門人講學不輟有詔起為南京

光祿卿不赴難進易退始終一致天下高之嘗言性

善徵諸仁義仁義根於無所為而為之心此為至善

此為良知此為窮理居敬作論六篇力排異學他所

著有聞斯錄桐川講義易詩禮說等書鄒馮兩

雒陽源流錄

卷十七

友類

大

葉敘堂

公嘗歎曰方魯岳天下士吾道中一人也其學亦出

入鄒馮間在臺時嘗上疏為陳簡討獻章胡布衣居

仁請謚又請褒崇先臣鄒守益顧憲成等則其所學

之廣博持論之和同見一斑矣性至孝太恭人沒君

靜年垂七十禮惟衰麻在身獨哀毀廬墓朝夕孺子

泣竟以過傷及禫而卒學者私謚曰文孝先生

孫慎行字聞斯南直武進人萬曆乙未進士廷試一

甲第三人授編修妖書事起時宰有所逞憾欲窮其

獄聞斯抗疏言宜存國體時論雖之前後以艱歸冊

封歸請告歸歸輒鍵戶著書不通一客累遷禮部侍

郎視篆有福王之國事時神廟靜攝久典禮廢弛乃疏關治亂者數事因及之國期率十日一請而堅持莊田如潞府例奉旨切責訖不顧又連請東宮出閣已而上命所司擇吉忽內降更期後年時福清當國皇恐持未下聞斯擬伏闕爭而亟以九卿公疏候命闕下者二旬每與諸大臣旅會詞氣慷慨輒曰今日是其死所還向福清曰今日是相公死所九卿相顧感激爭出危言佐之聲朗朗徹大內於是福王自請減莊田以行而大典告成如期然忌者不免以居功相目矣他若慈聖太后廟號王貴妃藏主諸王選婚

雜閩源流錄

卷十七

七

彙教堂

諸禮皆守正力爭楚獄久冤議爲平反釋其幽滯者數十人代藩廢長立少念其事正與東朝相類亟正之以杜小人窺伺者而庚戌科場之弊卒按法持之以其暇請祀羅豫章李延平於文廡千秋曠典一朝得補在部逾年請告去竟被京察得旨照舊調理昌啟聞再召爲禮部尚書遂首論紅丸事先是光宗大漸有鴻臚丞李可灼進紅丸服之明且駕崩廷臣交章劾可灼首輔方從哲票令引疾去從哲亦引疾聞斯上綱常大義一疏引春秋書許止弑君之事謂從哲與聞乎故得旨下九卿科道議議上詔奪從哲一

官而成可灼二三逢內者意不懌尋以爭秦藩封爵非例忤旨告歸會楊忠烈漣劾逆賢二十四大罪瑣恨甚諸修門戶郤者附瑄爲虐大起詔獄忠烈既擄死而聞斯以論紅丸坐戍得寧夏極邊合之少司寇王公之家爭挺擊忠烈爭移宮爲三大案復修三朝要典布告天下坐諸臣以罔上不道之罪禍且不測聞斯坦然就道而上晏駕瑄伏誅得解戍復故官未幾以原官協理詹事府事召高臥不起崇禎八年有旨擇在籍堪任閣員者廷議交推奉旨特召聞斯時已病疏辭不允扶曳應命甫至都而卒天下惜之年

雜閩源流錄

卷十七

七

彙教堂

七十一贈太子太保謚文介學者稱淇澳先生初喜誦佛氏書旣而曰儒衣破綻不可以袈裟補也遂一意宗儒年四十六始受易有初易二易三易四易題曰周易明雜義又以中庸慎獨與易相表裏作慎獨義百餘章嘗言知止可盡大學慎獨可盡中庸忠恕可盡論語性善可盡孟子卽變化氣質之說猶以爲出入荀孟間作困思抄百餘篇日以五事自課一靜坐二玩易三文藝四書史五不廢臨池晚乃一切屏去端求之反躬一路歸于知止因以止躬顏其齋時時體驗而有得焉表章諸儒以朱晦庵陸象山王陽

明三先生為依編選合若干卷蓋聞斯為荆川外孫沾濡有素故雖身遊東林而學兼陸王若此又因諸史舊文作事編以才節兼全者為上其次節勝才或才勝節又其次則節不足而才堪裨用者亦荆川之餘緒也顧庸庵云程朱易至矣近世若孫文介明維義倪鴻寶見易黃石齋易象正皆吾所不解施弘猷字允升南直宣城人少即砥礪名行年二十六師祁門陳文臺履祥得聞良知之緒締六邑會四郡會十四郡大會開一賢人雖甚風雪必吐哺而馳之年三十七始列諸生郡守西華金公礪延入高齋五子社御史楊公表其居曰理學醇儒已酉冬得疾

雜聞源流錄 卷十七 施弘猷 主 彙敘堂

瀕危文臺為齋戒三日作祈命詞謂繼在開來不可無施子禱於神願以餘年贖禱畢果愈未幾文臺應歲薦卒於京訃至為位朝夕哭服齊衰迎觀邦上要同門會葬雲山創崇祠以祀終心喪三年假館白下講道場廬間有性習之辨性無善惡之辨無極太極本末之辨又因門人吳允清允齡著問答一卷首性善篇次無惡篇則既直宗孟氏而徹無善無惡之障矣嘗辭嗣產開義塾置義田為亡叔舉四喪嫁三女其費悉取諸典貸終不肯鬻義田施族賴之卒年四十六鄒忠介志其墓所著中明子集語錄行于世

子嘗譽並有學行晉字曾省早卒亦著有語錄及巢林集藏于家

蕭自麓 或云名梓 廣東潮陽人以主敬為學出羅念庵之門而最服魏莊渠之教萬曆甲午冬高忠憲謫尉揭陽至潮特訪之自麓出念庵諸書與觀之款以五簋盡祛繁儀忠憲將別請教自麓徐言曰公當潛養數年不可發露先輩皆背地用一陣堅苦工夫得成就耳既而與書極論敬一之義末謂學貴含蓄滾固最忌洩漏某嘗自思維只用功不密洩露太早敬為執事誦之無若某之徒老而自悔也其門人陸粹明字

雜聞源流錄 卷十七 蕭自麓 主 彙敘堂

古樵新會人居恒清苦澹然終日靜坐或閉戶至經月不出偶訪學吳越間與嘉善吳子往為友是年八月先借子往遇忠憲於武林因謂曰只要立大本一日有一日之力一月有一月之力務要靜有定力令我制事毋使事制我忠憲旨之遂介其書以交於自麓焉

宜繼良字我箴南直丹徒人生之日父夢楊忠愍至其家因名以繼盛及萬曆乙卯舉鄉試父曰吾願汝為良臣也為更今各少與華鉅劉覲文徐大用王孫雲輩結鳴合社以文章節義相勗勉而潛心良知之

學初署寧國教諭作廟祀考禮樂考二書示諸生又
上黃宮六議于學臺遷鉛山令講易鵝湖書院晉守
絳州申揭祖訓弭靈丘宗藩之闕絳民以寧方半載
左遷上林良牧署時魏奄勢正熾附之者擬置祠上
林我箴執不可尋轉順天判遷工部郎董北河稱底
績總河都御史請加銜久任魏崔惡之不報魏忠節
大中觀過張秋我箴為文弔于河干哭甚哀聞闈大
怒矯命以東林邪黨削籍崇禎改元起戶部郎首上
賦役便民議奉命監海運新太倉核省倉儲溢額二
萬出守汀州值閩寇鍾成旺鍾凌秀嘯聚汀之石窟
巖我箴入境即倡義勇擊賊一捷於冠朝再捷于綺
岡賊遂遁未幾晉副使分守河東執政者以異已排
擠遂歸歸而鎮江守印司奇即潤城南郭築天心書
院朔望設座請臨教巡撫張公國維巡漕盧公世淮
皆會郡邑博士弟子從者數百人一時絃誦彬彬梓
有天心說尤精于易著鵝湖讀易十二卷身忤逆奄
遭黨錮於剝復遜臨之義三致意焉卒年八十一祀
汀州名宦 潤州何梁曰武川子錄明儒於我丹徒得
四人焉一為下先生玉夫一為華先生德
夫一為殷先生德遠一為篋先生我箴玉夫為人
以考亭朱子自待真足稱繼聞後學其為中翰日
送無錫邵文莊守許州勉以半日讀書工夫與錫
山道脈本同而德夫之先由錫山徙居又世傳東

雒陽源流錄 卷十七 續錄 五 葉敬堂

林之學者也宜為菰川子所取若德遠之從龍絡
近籍遊也學以主靜為本頓悟為宗我箴固嘗繫
籍東林然大意亦主良知為是與前二公不無少
異至求之立身行已問其宗族至今稱服為孝子
而篋以不媚魏闈削籍者節一時蓋其生平誠敬
篤實行言相顧卓有足法者按諸丁華二公似所
謂殊塗而同歸者耶錄中列玉夫德夫於前續德
遠我箴于後立法嚴而用意厚觀者可以興起矣
呂維祺字介孺河南新安人父孔學事節母孔氏以
孝聞詔書兩旌其門母孟氏夢月入懷生介孺萬曆
癸丑進士授兗州府推官清執有名歲饑設賑全活
萬眾交故無保甲法介孺始行之卒以此弭蓮妖之
亂乙卯分考陝西戊午分考山東徵入為吏部主事
歷稽勳驗封考功文選四司光廟上賓請見嗣君于
慈慶宮門中貴導駕幸小南城抗言梓宮在殯大寶
未登不宜動屬車輕萬乘正色當階仗出中止再疏
調護起居禁近侍干政請選侍移宮按問諸醫侍疾
無狀語直而公人多側目天啟間歷遷驗封郎中告
歸山居學道不干世事適天中建逆祠發募簿勅令
鄉紳助工介孺曰如此士風掃地矣卒不與璫聞而
啣之先喉御史疏詆後矯旨考察吏部將中以危法
會熹廟崩中寢崇禎改元薦起尚寶卿改太常少卿
尋陟為正提督四譯館上敬陳堯舜之道及保泰防
微八事二疏上嘉納之庚午遷南少司徒兼僉院總

雒陽源流錄 卷十七 續錄 五 葉敬堂

督糧儲先是上以南糧逋欠日多特賜總督侍郎勅
 一道有侵欺錢糧者五品以下就便提問介孺念勅
 簡甚重乃大破有司急北緩南之習釐窻戶積逋虛
 報之弊先疏湖廣原留黔餉一十三萬石歸之南部
 復條具十事二十四弊以聞與其屬講求區畫定期
 會之令以趣辦除導行之費以勸徵有司累息奸吏
 歛手又請開鑪鑄錢而申薄小錢之禁更法凡兩月
 三鑄令鑄速而私錢少舊例糧米交倉三節三曬而
 交場則不曬以給軍士謂之水兌故倉耗加一場耗
 加二五介孺示各解戶有當交倉願改場者聽仍薄
 准水兌每年得耗數萬石以佐軍儲之乏以建文忠
 臣卓敬曾為戶部侍郎疏請立帝祠聞上遣內官監
 視四出又上疏切陳自古中貴典兵之禍不報未幾
 拜南京兵部尚書乙亥賊自汝寧來走鳳陽犯皇陵
 折而西陷巢廬江一支北出潁州都督趙世臣守關
 山之兵潰走烏衣南都大震遂上疏自劾致仕歸與
 同邑邢紹德輩開院講習介孺之學原本躬行多所
 自得而以遜世無悶為密功以成仁取義為顯効方
 在南中作豐芑書院雖日籌兵核餉與諸生談學不

惟閣源流錄 卷十七 彙敘堂

輟家居則著孝經本義或問大全三十餘卷表請進
 經筵端溪教頌諸學宮為永法有芝生于庭十有八
 莖如顏本篇目之數門人共建芝泉書院以表之最
 後乃著存古十二篇士戒七則其說歸于敦本訓俗
 因世示教其他奏議纂述及考正六書之文不下百
 餘卷居七年辛巳以慮寇自新安入雒從福藩屢勸
 王出帑助軍不能用及城陷被縛道遇王奮首呼曰
 王死生命也名義至重無自辱遂大罵賊以死事聞
 贈太傅謚忠節學者稱豫石先生
 蔡懋德字公虞南直崑山人萬曆己未進士授杭州
 府推官以廉平稱秩滿內徵同邑相國某以銓部相
 餌公虞謝之止授儀曹郎崇禎初擢江西提學副使
 獎恬抑競崇雅黜浮士風為之一變已厥歷浙楚齊
 豫寧前所至以勞績聞嘗上疏勸學言極剴切上知
 其才召對稱旨擢僉都御史巡撫山西時流寇警報
 疊至即悉力防禦壬午冬方扼守河上忽北方震動
 遂整旅勤王旋奉命扼防龍固至癸未夏始撤防回
 省其秋闈賊臨河立拜疏南馳駐防蒲澤會督師孫
 傳庭以數十萬眾敗于潼關三秦瓦解長河二千五
 百里之防山西獨當之南北策應挫賊者再大將高

惟閣源流錄 卷十七 彙敘堂

傑復縱兵擾晉百姓苦之乃諭以大義約束甚備至冬保德州告急馳歸省城守河道將聞警奔潰平陽遂陷公虞欲自將往援爲宗紳士民所尼留守太原俄奉旨革任聽勘或勸乘此解任或移鎮候代皆不聽立誓衆死守甲申二月初賊大至馬步號五十萬公虞登陴禦賊殺傷甚衆裨將朱孔訓牛勇戰死已而城東南角樓砲裂焚燬風霾陡作對面莫辨公虞知事不可爲草遺疏藏衣幅間翌旦聞城猝破乃出遺疏授贊畫知縣賈士璋引佩刀欲自刎爲衆所奪曰吾封疆之臣應死封疆汝輩自去遂至書院三立

雒陽源流錄

卷十七

劉爾

毛

彙敘堂

祠南向自縊中軍應時盛在旁候氣絕亦自殺未逾月而京師陷矣公虞固爲良知之學而在江右梓胡敬公居業錄以迪諸生在浙西與幾亭陳氏爲學問友問答累編不悖於正卒能成仁取義豈不偉哉南都賜謚忠襄錫特祠以應時盛附學者稱雲怡先生劉宗周字起東浙江山陰人萬曆辛丑進士丁內艱甲辰授行人歸養辛亥補原官旋告病至天啟辛酉起禮部儀制司主事時逆賢初任用外庭未有言者起東首發其奸狀未幾果竊柄亂政如所言遷光祿寺丞累遷太僕少卿以病歸甲子起右通政未赴而

冢宰趙南星等斥朝局變迺疏辭陳人臣進退之義有旨削籍居家潛心理學立身清介持正人不敢干以私面折人過郡邑皆憚之士林望如山斗崇禎初復官起順天府尹策一蹇就道其子隨之徒步而已甫蒞任卽以直諫被黜丙子起工部侍郎屢進昌言會太僕寺馬價告匱內閣溫體仁等請捐助起東極言其非忤旨引疾歸行次天津補疏論體仁罪狀以爲大奸似忠大佞似信窺其用心無在不出於身家利祿陛下往往不察而用之則聚天下之小人立於朝而陛下亦有所不覺矣又言今天下卽乏才亦何

雒陽源流錄

卷十七

劉爾

毛

彙敘堂

至爲一二寺人下而每當緩急必倚以大任此在前日已成覆轍乃者三協有遣通津臨德又有遣蓋重其體統等之總督中官總督將置總督于何地總督無權將置撫按監司于何地是率天下而奔走於中官也於疆事必無幸矣上怒斥爲民壬午起改吏部左侍郎陳聖學三篇晉左都御史上言建道揆貞法守崇治體清伏奸懲官邪飭吏治六事請復首善書院及社學罷嚴衛上意頗嚮之以申救諫官熊開元姜燦忤旨罷歸甲申之變聞信卽赴杭省跣足衣麻被髮勸浙撫勤王不允請卽舉哀或欲俟哀詔至起

東曰豈有子聞父喪不躡踊之理詔至再奉行未為不可也弘光立起原官未至都特疏先告不署銜自稱草莽孤臣謂封疆諸臣宜誅謀國諸臣之不忠宜誅典禮諸臣宜誅又表勸親征併劾四鎮淮撫戰守失宜之罪時宰惡之復見逐乙酉六月山居聞變不食卒學者稱念臺先生其學以慎獨為功以知天為歸而本之敬誠極推頌姚江顧力能鎔鑄之嘗曰象山不差慈湖差陽明不差龍谿差此其折衷大槩也啟蕺山書院從游累千人梓所述人譜以授學者游于東林與高忠憲為執友先後以其身殉道方絕食

待期訓門人曰吾比靜坐小庵中胸中渾無一事浩然與天地同流又曰本來原無一事凡有事皆人欲也若能行所無事則人而天矣殆亦忠憲所云心如太虛者與所著有劉子全書百餘卷及諸著述二十種門人毘陵惲日初先輯劉子節要十四卷附年譜

行於世愚按念臺道統傳自薛文清而下皆有貶詞五既沒越千餘年而有宋大儒起而承之使孔孟之道復明又三百餘年而有陽明子又謂周子再生之仲尼明道不讓顏子橫渠紫陽曾思之亞陽明子見力直追孟子故以周子太極圖張子西銘東銘程伯子定性書朱子已發未發說合以陽明也雖不至軒王軀朱見解亦偏矣然觀其未後一着斯何愧躬行君子也哉

黃道周字幼玄福建漳浦人不詳其師友淵源其論學大指不離閩宗而嘗言欲為姚江刮垢磨光則又自鑿一戶牖者也自少耐攻苦尚氣節為文典奧原本經術登天啟壬戌進士改庶常除編修崇禎庚午典試浙江轉右中允屢有建白為上所知壬申告歸乙亥補原官丁丑分考會試隨具奏乞休不允時五日內繫兩尚書幼玄疏請慎喜怒以回天意再上求言省刑疏謂方求言而建言者輒斥方清獄而下獄者旋聞言極切直尋遷左諭德兼翰林侍講具疏自劾三罪四耻七不如再擢詹事府詹事與修玉牒克

日講官戊寅楊嗣昌奪情視事抗疏劾之及召對與嗣昌爭辨上前犯顏諫諍不少退沮旁觀者莫不戰慄直聲震天下黜為江西布政司都事未幾巡撫解學龍以地方人才薦上益疑為黨併逮入京予杖百下詔獄將殺之戶部主事葉廷秀太學生徐仲吉相繼申救並杖戍既而嗣昌敗周延儒再召與蔣德璟乘間勸解始得旨赦出載命復官堅辭不赴後以抗節死于金陵之笄橋有中書樞雍蔡繼謨從死未死前閉一室中絕粒不食有求其筆者輒書孝經一兩章予之人甚珍之時當事勸降良切故特寬其桎梏

而幼玄卒不奪也論者謂其三黜不辭剖心一生強
半廬墓國亡與亡實爲一代完節之臣所著洪範明
義月令明義緇衣集傳儒行集傳四種表進御覽其
三易洞璣易象正季經百種大滌函書榕壇問業奏
疏文集刻行于世又詩畧正春秋表正解齊環若干
種藏于家學者稱石齋先生

愚按右三卷通錄王學皆近正與得正者也此外
法當嚴絕者則有二種一曰侮聖一曰諱禪侮聖
者著道統正宗而始代義終姚江著聖學宗傳而
始伏義終肝江中間雜以苟況楊雄敢立異幟非
聖無王罪不容誅矣諱禪者謂陽明原闢佛氏學
之者過焉而禪不罪教者而罪學者又彼法中所
謂改頭換面訶佛罵祖者也此其據爾巧而堅矣
其餘口頭良知同無足同欲正侮聖之罪前有奇
雜敘堂

雜聞源流錄

卷十七

主

彙敘堂

高之源編編後有柏鄉之知統錄翼錄及良所
之傳道編欲破諱禪之疾前有整庵困知記支湖
異學辨清瀾學節通辨涇陽證性編高子陽明說
辨後行和陽之辨道錄季感之閑道錄及月巖之
應斷兩若之正王諸書具
在有志正學者盍取衷焉

雜聞源流錄卷十七終

雜聞源流錄卷十八

補編一

無錫張夏纂 門人婺源黃昌衢校

是錄以康熙壬戌刻於京江館次淡自病其掛漏
見例言中書出問世有謂不當續一人者以是錄
人雖未備而緒論已具欲搜盡羣儒勢固有所難
能也然余見聞之所及何忍輕棄且其言其行有
關吾道可無表章乎有謂錄中某某當亟刪者蓋
欲尊一代文獻之傳則寧嚴無泛也然鄙意善善
宜從長既槩居儒林之列其等自辨何爲是紛更
者乎有謂錄中某某當亟增者曰善鈞從衆未可
執獨見而抗衆論也然一出一入有吾例在與其
失續貂寧失遺珠吾何敢用游移而毀防閑乎於
是載檢熊氏學統孫氏益智錄何氏閩書等集取
向所已見而姑闕與向所未見而遲至者選錄其
得五十八人題曰補編分爲二卷其次序一遵時
伐而學脉附辨其中焉讀者試合全錄觀之固可
以驗吾之編衷焉耳戊辰清和既望

朱善 孔克表 王沂 許繼

程通 黃寬 林雍 胡九韶

車泰 饒烈 趙復 張廷芳

金道寓 金道器 趙珪 吳宗周

潘府 劉閔 王廷相 黃鞏

徐灝 張璿 李楷 何唐

冀鍊 嚴紘 蔡元偉 陳交

王宗聖 宋劾周 楊應詔

朱善字備萬江西豐城人少穎敏好學九歲通經史

大義能屬文當元末隱居纂述以聖賢道學為已任

事繼母李氏甚孝避兵扶母竄匿者十餘日相失復

全人謂孝感所致明祖既定天下開設學校乃以豐

城仍舊為富州州守強憲中請為訓導教有成劾南

雜聞源流錄

卷十八

藝敘堂

昌守許方奏之遷郡教授洪武八年徵赴京廷試第

一除翰林院修撰署院事兼知制誥踰年以家屬註

誤謫教遼東略無愠色在塗著遼海集未至賜還鄉

語子遂掖曰汝力耕以供賦役我取汝祖所著皇極

經世等書而考證之因買地一區為終老計方往經

營聞老翁哭聲甚哀問之乃翁子嚮此以償公帑翁

老無休故悲耳以券還之不責直十七年召授翰林

待詔上疏論婚姻律略曰臣聞國重世臣家重世姻

今民間婚姻之訟甚多兩浙江西尤甚問之皆舅姑

兩姨子若女葢以法不當婚故為仇家所訟或已聘

而見絕或既婚而復離至婚嫁已久兒女成行有司

尚爾逼奪使伉儷分離子母永隔冤憤抑鬱感傷嗟

歎議律不精禍一至此按律尊屬卑幼相與為婚者

有禁若謂父母之姊妹與已之身是謂姑舅兩姨皆

名尊屬已不可以卑幼匹之若已為舅姑兩姨之子

彼為舅姑兩姨之女門地相耦長幼相若嫌靡尊卑

美儷鈞敵為子選婦為女選婿安莫先此昔成周之

時王朝所婚不過齊宋陳杞數國而已故當時稱異

姓大國曰伯舅小國曰叔舅列國之君齊宋魯衛陳

鄭秦晉亦各自為甥舅之國降及後世如晉之王謝

雜聞源流錄

卷十八

藝敘堂

唐之崔盧潘楊之睦朱陳之好無不世婚為重其顯

然可證者如温嶠之玉鏡臺此以舅女娶姑女也呂

榮公夫人侍制張昱之女而侍制夫人即榮公之姊

此以小姨子娶大姨女也乞解此禁上從之十八年

命較禮闈超遷文淵閣大學士五月上御文華殿備

萬進讀心箴讀畢復詳言任人圖治之道上優納焉

九月侍經筵進講周易至家人卦稱上旨忽得危疾

告歸卒年七十二卒之前夕有星如虹墜于所居者

有詩經解頤詩經輯釋史輯行于世正德中補謚文

恪

孔克表浙江平陽人至聖五十五代孫博聞篤行尤精史學嘗登元至正戊子進士洪武六年徵至京授翰林修撰時太祖畱心經籍深病從來傳注詞繁旨深反掩經意之害乃詔克表偕御史中丞劉基秦府紀善林温等取羣經要言析為門類以恒言注釋之使人皆得通其說而盡聖人之蘊又恐儒臣未達注釋之式親製論語解二篇以賜俾取則焉克表注四書五經成書進覽上悅賜名曰羣書類要由是篤眷之凡有著述拜獻咸稱上旨愚按克表以元進士改節仕明學行無大過人處其可考見者惟奉詔注經一事耳然親為至聖裔孫故特補錄之以附于春秋書曹會之義

雒陽源流錄

卷十八

許繼

四

葉敘堂

王沂字子與江西泰和人幼讀孟子即明義利之辨長從師受易有得徧研六經及濂雒關閩諸書旁通百氏蓄富察精於凡天人治亂之故皆能言之明而履之確歲時葬祭悉循古禮燕處深嚴未嘗啓口談人過失而軌範自然不繩削而合當洪武間辟舉皆不就

不以平險易其操不以貴賤貳其節學者稱為竹亭先生

許繼字士修浙江臨海人兒時即有大志以古賢哲自勉善賦詩言暢而旨深一時名流咸歎賞而自修不以自多玩心天人窮蹟探微將博稽約守以為致

用之地與方遜志友善切磋罔間然士修甫壯得病病三年而遜志每見之未嘗不覺其獨進也先遜志蚤卒卒時神志不亂洞然於晝夜死生之故云程通字彥亨南直績溪人少有至性非禮不動初讀書即勵志聖賢之學洪武間以縣學生貢入太學聞父喪徒步歸葬廬墓下三年哀慟毀瘠妻子至不相識先是祖父平謫戍延安至是已老彥亨乃上書言臣壯而無父祖猶父也臣祖老而無子孫猶子也更相為命願代其役詞極懇切上歎曰孝哉若人命兵部除其籍驛送平還鄉彥亨尋舉應天府鄉試授遠

雒陽源流錄

卷十八

許繼

五

葉敘堂

王府紀善以祖喪免歸復廬墓三年服闋進左長史從王之國靖難師起朝廷使人告急彥亨草上封事數千言進之文皇既入立知有封事指斥詔械詣京師死之家人戍邊錄其家得田數十畝遺書數十卷而已

黃寬字浩中江西崇仁人幼孤弱冠始知學問中更苦節慕先正吳草廬之為人自號曰希吳與人談每樂道吳之學於書無所不讀而易尤深恬默自守不慕紛華晚年卜居近郊地極幽曠遂課子讀書於其中糧屢絕而意色充然及卒吳聘君與弼表其墓

林雍字萬容福建龍溪人景泰甲戌進士初授行人以母老乞歸養終喪起就職憲廟初上疏勸修德格天親賢講學復請進周敦頤程顥程頤朱熹於顏曾思孟之後列為八配又請祀陳淳兩廡不報遷司正再遷駕部郎中未幾乞歸命下欣然就道長安縉紳仰其賢相與歌詠之歸與陳布衣日聚徒講學謀於林僉憲克賢姜太守諒建祠芝山麓以祀陳北溪先生又與鄉人月為一會修藍田呂氏鄉約累徵不起年七十餘卒陳布衣真晟稱萬容之學始終本末有序有要督學周孟中稱其居官水蘗未老乞歸清風

雜聞源流錄

卷十八

林雍 胡九韶

六

羹敘堂

高節海內傾仰漳人謂北溪之後得正學之傳者布衣萬容二人而已尊之為蒙菴先生

胡九韶字鳳儀江西崇仁人性重厚刻苦學問動循規矩少從吳齊學即不習舉子業以道自期康齋器之雅相親禮諸生從遊者恒令先往見及康齋沒門人多轉師之鳳儀為人卓然醇正家庭之間怡然孝悌其詩文務典雅不樂華藻年七十餘卒有文集藏於家
車泰字子謨江西金谿人與兄弼宗弟亨俱受業康齋之門而子謨最久篤信力行師交咸稱之康齋應

聘辭歸遺詣闕表謝時楊守陳丘濬輩皆有贈述期其用世竟不仕而返子謨之學以小學為階梯而要歸於禮尤邃於易春秋其大書絕類康齋詩文亦平實渾澹以敦復名齋有敦復遺稿存於家
饒烈字丕承江西臨川人神童鑒七世孫世業春秋後與姪嶽同遊康齋之門潛心經學理欲之辨甚嚴嘗揭聖賢法言於軒楹間以自警策康齋為題其几硯之處曰麟經軒為之記晚遷居父墓側時偕其門人子弟輩班荆坐論緩步行歌翛然自得也自號巢雲著有巢雲稿行於世

雜聞源流錄

卷十八

饒烈 趙復

七

羹敘堂

復妻諒三人今檢撫志補錄右三人其姓氏見舊志者則不錄蓋即是可驗其作人倡學之功矣噫世風惡薄人無不諱言道學尤以康齋迂腐為笑端誰復數門下諸子叩其造詣深哉

趙復字無疾福建晉江人隱邑之孤山博通經史不求仕進泉俗冠昏之禮率敝於侈靡喪葬之禮多壞於浮屠無疾惓惓以古禮為之倡人多化之卒年九十五門人私謚曰莊節先生
張廷芳福建晉江人世居方山下父謙齋以文學召為石井書院司糾廷芳世其業以講明理學為已任冠昏喪祭一遵朱子家禮自號退密翁嘗著易經十翼章圖蘊義十卷未上卒於家

金道寓字晴嵐南直潛山人少孤以學行著聲性落
落不事生產構竹浪館率諸弟姪讀書其中晚年精
心濂洛之學著有朱陸異同解竹浪館文集弟道心
端謹謙厚不苟言笑亦醇雅士也

金道器字達生南直潛山人幼性穎敏好學博極羣
書與人談上下數千年事竟日夜娓娓不倦散千金
產積書三萬餘卷朝夕沉涵其中初慕陸子靜學以
簡易悟入為宗後豁然曰無戒慎功終屬影響自是
崇讀朱子諸書因知德性不能離問學而耽空守寂
墮入禪趣不特背程朱之門庭亦非象山之初旨也

雜聞源流錄

卷十八

金道器

人

藝敘堂

故晚年於正學深有得云

趙珪字德用福建晉江人宋宗室懿王德昭之後成
化乙酉鄉薦第一明年第進士授官刑曹同考會試
擢廣東提學僉事卒於官德用幼孤力學妙契疾書
身體力行造詣淵邃為人重名教尚氣節其擢廣東
時便道過家值羅一峰謫官泉中造廬談學豆肉孟
羹終日乃去至廣東訪陳白沙之居質以學問往來
詰難不苟為同白沙論學謂禮文雖不可不講然非
所急德用貽書浙人正以胡餘干不教人習四禮為
疑何得輒開斯路白沙更號海雲亦移書亟止之以

其流於禪號也其同考會試得謝文正公遷卷真選
首以郎故為翰林諸公所壓乃批謝卷曰狀元宰相
必斯人也後果然

吳宗周字子旦一字良弼南直宣城人宋左丞相潛七世
孫明員外郎恒之季子生四歲忽夜呼火燒者再衆
驚起而旁舍灾藉以撲滅遂能識字性篤孝母疾為
嘗穢割股母卒廬墓有馴虎白鵲伏牛反火之異有
司具其事以聞詔賜旌表子且少志於學以明道關
異端為已任宅東北故有丞相祠左右為梵宮甚壯
麗久而祠圯祀廢迺請于當事苾僧復丞相祠而自

雜聞源流錄

卷十八

吳宗周

九

藝敘堂

授生徒祠中日諭僧以人倫庸德之要與儒釋同異
之辨僧智泰等皆感悟去蓄髮為民子且復上書巡
撫何公毀其剝取諸材入官為厥解而他寺觀僧智
慧道士福寧等聞而改悔者十餘人還其牒郡縣曰
吳孝子有父母我獨非人子耶其感動人若此弘治
壬子舉鄉試丙辰成進士方觀政吏部會張皇后弟
壽寧侯張鶴齡者兄弟怙寵時出入掖庭從上飲上
如廁脫冠鶴齡戲戴冠奉御帷宮監何鼎素仇直叱
而撻之疏劾侯大不敬皇后怒繫鼎掖庭獄給事中
龐泮御史黃山論救鼎詔罪其妄言子且上疏諫畧

曰鼎因言下獄言官論救非有私也陛下不鼎宥而併譴言官夫求言而反罪之無乃欲入而閉之門乎非所以光聖德也疏入不報除行人使岷府岷王饒金百鎰弗受武崗苗叛為建策平之已遷南戶部郎毀淫祠治倉庾勞最著又建策平江賊施天太等奉詔陳言六事熙聖學教太子尊老臣興禮樂化異端擇守長皆切中名實出為臨江知府臨江故有佛老宮參文廟而居坊曰三教下車日立命毀之易名崇儒改葺二氏宮為學舍以居生徒令僧皆蓄髮勒尼配之籍為農華林賊寇臨江臨江城故圯賊猝至民

雜園源流錄 卷十八 吳宗周 十 羹敘堂

念道不行于朝廷必式於鄉黨宗族爰建廟祠修墓域輯譜乘著家約示其子姓所以貯俸置義田義倉義學由是終其世宛上之人無諍于室無閱於牆里門無婦人跡士無或譁張神鬼而禳醮者喪無或召緇兒而修佛事者民無敢失業而酣且博奕者媒媼比丘尼無敢闖入於閭者蓋化於其德匪但服於其教也卒年七十二學者稱石岡先生所著有廣崇正辨周元公全書原泉集石岡詩文集等編行於世

雜園源流錄 卷十八 吳宗周 十 羹敘堂

大擾子旦遽率吏民出禦設伏與巷戰擒其渠帥熊俊仔斬首二十七級賊潰去是時夫人金氏誤聞兵敗挾印投井中井智出之卒悸而死子旦亦弗恤也未幾福廣賊寇屬二邑移師討平之又討平甘劉二源及新淦玉笥山賊招撫樂安諸劇賊於是集鄉勇教戰陣嚴保甲遂城臨江工竣更集生徒講學延闈儒陳璉等講五禮圖式郡大治以介直忤部使者部使者尼其破賊功遂乞休歸家居年七十持禮嚴雖燕處無惰容尤謹事其季兄嘗輿入公門迫未下返而詣兄兄走入內舍臥即長跽稱罪候歡解乃已嘗

然而仲尼之徒之所痛疾而深耻也石岡先生之守臨也治蹟卓然余尤以易三教坊為崇儒開政體甚大臨志宜載勿載而吾宜近志粗列羅肝江往事關志學書院延東平及先古林數公講學其中是矣復迎金陵僧守愚開堂景德寺何耶可以勿載而載者也

潘府字孔修浙江上虞人弘治辛丑進士仕至提學副使乞終養不出後以薦晉太僕寺少卿改太常寺少卿致仕府性至孝嘗疏請天子行三年之喪及上聖學淵源中興治要諸疏居家有篤行好著述鄉評重之間論温公不當庶祀其畧曰温公孝友忠信恭儉正直其學無所不通一時師儒賴之領袖其居政府尤有旋乾轉坤之功惜乎所見畧偏不無可議如

非孟子而好楊雄則扶持聖教之功有歉矣黜蜀漢而帝曹魏則羽翼聖經之功有愧矣俾之從祀孔子吾恐其進無顏以見孟子退則諸葛亮文天祥之徒皆以無功著述不得同享焉其心亦將有不安者矣持正論若此嘉靖初卒巡按御史潘倣爲請乞祭葬禮部復言四品文臣例有祭無葬上以府孝行可嘉令有司量與營葬蓋特典也著有孝經正誤等編行于世

劉閔字子賢福建莆田人家甚貧孝事其母母或怒則衣冠跪牀下竟夕不敢起以父與祖母二喪不克

雜閩源流錄

卷十八

劉閔

十一

彙敘堂

葬遂斷酒肉遠房室訓徒隣邑朔望必奔號于殯所如是者三年隣族憐之爲助其葬母沒廬墓側衰經蔬食終其喪祭祀必齋沐率男婦奠獻一如朱子家禮閨門嚴肅妻失愛於母出之終身不復娶林少保俊起畱臺疏于朝曰劉閔學行高古雖詞藻不逮而德宇道風人自難及宜徵侍青宮不報御史宗彛知府陳效又薦之詔授本縣儒學訓導前後按部大人及守令率與鈞禮時致餽以周其乏著有家禮考注昭穆圖宗子說孝經刊誤五倫啓蒙行于世王廷相字子衡河南儀封人丰姿奇秀讀書日記千

言十二歲爲邑庠生文有英氣詩賦雅暢登弘治壬戌進士選翰林庶吉士與李夢陽何景明崔銑號爲四傑授兵科給事中條論時政不避危忌父疾疏歸既歿哀痛踰禮正德中起服謫判亳州陞高淳知縣選御史巡鹽山東裁勢豪私販諸弊巡按陝西憲度益振鎮守太監廖鑾煽虐關中于衡隨事禁革鑾殊誓憾提學京畿中官王劉納賄屬事于衡焚其書適鑾有誣奏王劉合力構之下詔獄謫贛榆丞轉寧國

知縣松江府同知僉事四川副使山東皆提督學政敦士節振萎習諸生翕然化之嘉靖初歷湖廣按察

雜閩源流錄

卷十八

于衡

十一

彙敘堂

使山東右布政使丁內艱服闋遷副都御史巡撫四川沙保向汎倡亂日久于衡舉何卿故事以勵諸將遂勤平之宥降散衆邊境以安進兵部右侍郎尋轉左陞南京兵部尚書改左都御史兼兵部尚書領十二團營以臺政分條類奏上允行之六年考滿加太子少保扈蹕幸承天加太子太保賜玉帶厯馬亡何郭助坐罪下獄上詰其領營敕事坐以失奏革職爲民給事中劉繪疏救不允于衡歷事三朝以忠誠不欺爲先遇事當爲毅然必行自謂大舜鷄鳴而起周公坐以待旦不予過也又嘗自言知道以來仰觀俯

察二十餘年言積數萬其於仲尼之道衛守之嚴不敢異端雜之雖曰行不掩言亦可謂篤志矣所著有禮樂雜論四十篇夏小正解十三篇答天問一篇雅述慎言十五篇

黃鞏字伯固福建莆田人登弘治乙丑進士歷兵部武選郎中時武宗有南巡之命伯固疏諫畧曰孔子曰名不正則言不順言不順則事不成陛下無故自稱威武大將軍鎮國公自輕如此則誰為陛下者天下不以陛下事陛下而以將軍公事陛下天下皆將軍公之臣矣古天子有號為獨天有欲為匹夫而不

雜聞源流錄

卷十八

黃鞏

十四

藥敘堂

得者臣切為陛下懼也近者復有南巡之命南方之民流離奔踣爭先挈妻子避去即今江淮饑父子兄弟相食天時人事如此重以蹙之幾何不為盜賊速之死也奸雄窺伺待時而發變生在內則欲歸無路變生在外則望救無及陛下斯時悔之後矣居位大臣用事中官親暱羣小豈有一毫愛陛下之心哉皆欲陛下遠去而後得擅權自恣乘機為利也其不然則袖手秦越不涉休戚者也陛下宜翻然悔悟下哀痛之詔罷南巡撤宣府行宮發內帑以賑江淮之饑散邊軍以歸卒伍斥不御之女使還其家夫自古

未有小人用事不亾國喪身老也江彬行伍庸流兇狠傲誕陛下賜姓封伯托以心腹付以總督京營使其外挾內擁此騎虎之勢亂之道也天下切齒唾罵皆欲食彬之肉陛下何惜不以謝天下哉陛下春秋漸高前星未耀祖宗社稷之託懸懸乎無所寄方且遠事觀遊屢犯不測收置義子布滿左右獨不豫建親賢毘承大業臣謂陛下倒置也伏望豫選宗室親賢養於宮中待他日誕生皇子之後俾就外藩此宗社無疆之休四海之望也上怒甚下鎮撫司嚴治三加訊杖坐繫一月除名為民

雜聞源流錄

卷十八

黃鞏

十五

藥敘堂

在獄相與講易賦詩伯固釋而震竟死震即楓山門人傳在第六卷以詩遺弟曰不用汝謀方至此須知我道固當然蓋死不悔也及歸杜門著述貸米留客日中未爨處之晏如嘗謂人曰人生仕至公卿大都三四十十年惟立身行道斯千載不朽世之人顧以彼易此何耶嘉靖改元起大理寺丞至京病作而卒行人張岳疏稱其趨向至高學術甚正有定心養性之功故氣節剛勁而不激有格物窮理之學故論議持正而不詭加以清修之苦才具之優使天假之年効忠未量不幸數奇身亾中外相弔伏望博采公論量予卹典士氣民風必有所補詔贈

大理少卿與祭一壇後天啓中補謚忠裕

徐灝字子淳浙江錢塘人正德辛巳進士授南京刑

部主事練達刑名數剖疑獄顧耻以刀筆自居折節

講學慨然慕明道晦菴之為人素儉不羈高論殊

出人意表至是一變頓為沉默簡重意氣雍如也晉

員外郎郎中就署內建澄心亭暇輒靜坐其間丁父

憂服除起原官少宰唐公龍薦為儀制司郎中嘗建

議天下歲貢生得附試京府著為令出守臨江夙興

勤政五年不調考績行過家病卒年四十二性敦孝

讓少時善飲酒父誠之絕口不飲及燕鹿鳴以未奉

雜聞源流錄

卷十八

徐灝

七

藝教堂

父命僅一舉釋而已父嘗患怔忡疾不帶衣者半歲

及父沒而養母躬備甘脆家事必稟進止有弟三人

廩祿資財悉委付而均通之

張璿號恒山北直晉州人由進士仕至南京都察院

右僉都御史林居講學接引後進師道嚴肅動有準

繩惟以性命夔倫為教嘗曰今日閒居講學他日見

諸行事期無相負縉紳士雅相敬重安陽崔子鍾嘗

稱為當代殊絕人物每諄諄於先行後文之訓故士

出其門者多尚行檢寧晉蔡爨受學十八年得其傳

後登第繼事范洛甘泉二公乃即浚瀆書院建三先

生祠以報祀手勒文記之而敘恒山為首文具浚瀆

集中恒山亦著有家藏集等書惜未通行

李楷字邦正江西吉水人少即勵志正學嘗與弟棟

赴同邑羅念菴講會聞知行合一之說而深有契焉

念菴故谷平李氏入室弟子實一脉相傳也家貧夜

讀乏油即燎薪以代因穿其几母曾孺人命藏之曰

此可以示來世子孫嘉靖丁酉舉於鄉屢應會試不

第謁選得浙之湯溪令未至丁母艱服闋補青田蒞

任以節用愛人為政值歲旱齋戒虔禱徒步烈日中

請罪社壇詞極哀雨立應往青田之俗非善地不葬

雜聞源流錄

卷十八

李楷

七

藝教堂

非富女不娶邦正勒令民早葬親及重溺女連坐之

法舊風一變是時倭氛徧東南乃預為義倉積穀居

六年積及六千石以為守禦資既而倭果至又念青

田無城可守遂乘其未至身禦於沙埠之溪賊不得

渡以去於是始城青田不數月城完倭又奄至邦正

身乘城與賊對矢石者十日日殺賊數人賊氣大挫

而道倭難既平就邑中闢書院延龍溪王氏來講學

每旦視事畢即造龍溪所危坐終日相研悅以為常

其為學不事言說一以躬行實踐為主故見於政事

行誼皆卓卓可紀偶失分守使者歡誣詞中之比人

親銓部善全其間改令昌樂客有言昌樂不可治者
 邦正曰吾姑治之攜二僕三蹇驢以往未及城半里
 見一吏呼之曰若入縣言新令至矣前令猶在治聞
 之怫然邦正入即據案視事悉屏謝吏手勒文移上
 司無弗稱善歲蝗命以粟易蝗民爭捕至盡治聲比
 於為青田時適鄰邑有都要津者漁獵各邑邦正不
 為屈也及壬戌再入覲輒疏自免還過昌樂取家屬
 士民耆老皆號泣遮道裹粒送至宿遷羅拜而別者
 五百餘人歸即以犁田為事或笑之荅曰吾故歸田
 耳其善處約若此晚年優游里居深造自得悉取生
 平著述削其稿蓋融會於太平念菴間而龍溪贈平
 後矣一日感微疾賦感懷詩一章已復留絕筆五章
 不復語踰宿而逝先是自號凍陽及葬之親于五株
 之山瞻望流涕易為株山用志永慕學者因稱為株
 山先生著有青田紀言傳於世

龍溪源流錄

卷十八

七

葉象堂

得乃易錢以周九市之巧曰吾代直指為惠耳後因
 事忤中貴告歸不入城每除夕騎驢抵邑元旦謁文
 廟不投刺有司有致餽者皆謝之作日省錄夜則
 披閱自省因以省名齋學者稱省齋先生

冀鍊字 山東益都人嘉靖間進士少好學讀諸
 大儒遺書博綜經史凡無關正學者悉罷之其學以
 誠為主以敬為宗舉止語默皆有成法登第後官常
 治專以孝弟訓民省刑簡訟民化從之累官都御史
 巡撫河南擒巨寇督河工受上賞移巡撫保定加兵
 部侍郎告歸告平以禮義自持不為矯矯之節居家
 不問有無及歿幾不成殮子孫售產襄事既而藉公
 道得聞於朝乃詔賜祭葬諡端恪有臨朐孝廉馮子
 咸稱館甥能傳其學

嚴紘字仲周南直江浦人受學定山莊先生門得其
 傳父良仕唐府紀善早逝仲周歲時悲悼不忘事母
 備極孝養登弘治壬戌進士授歸安縣令仁明廉介
 以最擢陝西道御史疏劾逆瑾幾被中傷出守南昌
 極辨宸濠僭越非制喬莊簡公力為推引得兵備九
 江及濠反遂整兵從王師戮力討逆敘功上等歷陞
 江西左布政使歸休三十年杜門養高見邑民困於

龍溪源流錄

卷十八

七

葉象堂

欽騎馬丹江稅衛人困於月銀悉白當事者祛其弊
軍民莫不感德其他一無干謁有定山之遺風焉壽
九十有四考終集石巖三體詩行於世後祀鄉賢祠
入江浦志理學傳

蔡元偉字伯瞻福建晉江人總角受學著孝弟稱既
補諸生授經官室見程端禮家塾日程皆宗晦翁教
人之法歎曰學當如是即手抄服行慨然有求道之
志領嘉靖辛卯鄉薦不干有司舌耕為養居十年論
羅田學擢德安令一以節愛為政本每退食取小學
近思錄本朝薛胡二子粹言揭觀成誦即升堂亦袖

雜聞源流錄

卷十八

蔡元偉

三

蔡敘堂

以出曰非曰忘之誠慮心官少放行事過差以此當
嚴師良友耳遷判杭州署令錢塘再遷撫州同知奉
憲委督樂安通糧不用鞭笞而民化其德相繼輸納
樂安復有劫庫之變再被委往拊值流寇焚掠鄰邑
縣故無城勢甚危急乃練士整兵設險扼隘以待之
賊聞不敢近縣獄久壞風寒莫蔽囚遇雨荷蓋立被
繫者復不以時問遣至滿不能容於是謀作新獄縱
囚歸命獄成乃至獄成囚並如期至既而署崇仁復
有卻寇功丁外艱歸喪葬畢以泉中倭棘募建寧有
考亭遺風遂移家居之其為學尚程朱而重躬行致

力於飲食衣服男女居室之閑密察于動靜語默辭
受取子之際或提縶少軼過失復生輒撫膺泣下長
跪自罰作考德錄以自省克而敘其端曰氣拘物蔽
鞭策不前悠悠作輟出入是懼於是是有是書之作又
曰居常服膺晦翁之言以為世間事須臾變滅皆不
足寘胸懷惟有窮理修身為究竟法賴天之靈幸有
所知好學性生至老彌篤歷官雖久此心淡然中屢
遭家難備嘗變故每自嘆所遭之窮而此志終顛撲
不破晚年閒靜之中咀嚼益旨行以不息之誠加以
未死之年不有得于今必有得于古不有合于人必

雜聞源流錄

卷十八

蔡元偉

三

蔡敘堂

有合于天則所謂不知不愠之地或可幾萬一焉自
號松莊子著有四書折衷易經聚正二書行于世
陳交字汝同南直常熟人幼就傳即儼然自持舉止
不苟同舍生有竊玩淫書者奪而焚之曰慎無壞人
心術嘉靖初舉于鄉屢試不第授武康令一以誠心
為治下不忍欺裁驛費剖疑獄散土寇之黨革溺女
之俗全活甚衆改知興寧預薦當遷竟以念母引歸
兩任自奉皆取諸家辭俸卻羨世未有也內行純備
嘗以財產讓伯兄更厚植其孤歸之金卒業南雍時
鄰女奔之明日即徙其寓亦不以言於人鄉人有冤

獄為白於當道釋之後以女為謝正色拒之平生絕無姬媵見人畜嬖倖心惡面斥不少貸年八十餘病革命其子啓篋視有書冊五皆平日手錄名儒粹語誠曰以付吾孫令熟識之所著有心說主一稿藏于家

王宗聖字汝學浙江義烏人由進士除興化府教授遷國子助教正己率人大司成古冲李公雅重之累官福建僉事倭寇猖獗調遣有功致仕歸築室繡湖之濱督學屠公禮聘講學於邑之明倫堂與邑令趙公大河發明經權忠恕之義聞者推服著有濱河稿

雜聞源流錄

卷十八

王宗聖

王

彙敘堂

權政記太極圖跋等書行于世

宋効周字肇斯福建莆田人嘉靖辛酉舉人授海陽學諭自持方謹遵行憲綱擢知容縣復乞教職以便養不允旋丁內艱服闋補和平和平盜鄉至則以德化之皆感激無復出剽掠會制府徵索煩苛肇斯移文規諫遂被劾致仕家居絕迹公門教人以經書小學為常課謂向往須擇中守正造詣須積漸致精工夫須循常務實所著有恠恠子蹶蹶言日格子正俗編等書學者稱斯齋先生

楊應詔字邦彥福建建安人弱冠謁朱子祠仰而歎

日他日不俎豆是非夫也及壯舉嘉靖辛卯十上春官不第卒業南雍見奉常呂涇野先生遂師事之歸而倡道宗堂華陽山祠祀孔子及顏曾思孟周程張朱諸賢而耐以涇野揭涇野所嘗著教于壁間日與叅對年友溫陵蔡元偉亦自泉往建相聚琢磨四方賢哲若魏莊渠校章介菴衰莫不聞而心契焉其學以寡慾正心為立本以不愧于天為歸的而於古今壯猷奇烈忠義慷慨之事一往激發寤寐寂矢之作衛道錄以闢禪作日史以自記又著有五經辨疑四書要義閩學源流錄困學錄等書

雜聞源流錄


卷十八

楊應詔

王

彙敘堂

雜聞源流錄卷十八 終



無錫張夏纂 門人婺源黃昌衡授

楊道會 許象先 王獻蓋 鄭守道

沈亨 倪復 張淇 吳中立

方學漸 鄒觀光 蘇濬 吳瑞登

陳朝棟 劉觀文 洪猷 王任重

薛敷政 王永圖 余玉節 卓樟

汪康謠子鼎和附熊祚延 劉理順 李邦華

郭正中 戴思孝 儲澹

楊道會字惟宗福建晉江人隆慶戊辰第進士令黃

雜閩源流錄 卷十九 楊道會 藝敘堂

嚴擢南戶部以省母歸毋服闋起補工曹差權南關

臨行江陵相獎譽之因授意令伺南方人情向背以

告至則第報視事日期無他及權商寬而稅額縮亦

第如額報不慮縮額違相指取督責也久之相病部

尚書各率其屬出金為相禱惟宗請自削名相竟不

起時論高之出守安慶再守台州在台定飢民掠粟

之變及鎮訛言倭寇之攘民甚德焉遷廣西按察副

使與粵撫語忤投檄歸居二年起為其省提學使者

兼攝諸篆事皆治討平府江岑溪諸徭尤有功遷湖

廣參政提督太和山兼撫民反分守下荆南道治鄣

襄太和山故有香璫習與地方官為難惟宗獨善馭

之得其心適稅璫陳奉止即旬日有所誅求香璫乃

遣人諷使去奉至襄樊恣為貪虐誑于朝逮襄通守

司李棗陽令各一人惟宗馳襄樊慰解之三人復無

恙奉去之楚楚民大譁毆擊其人沉之江有旨撤奉

還使趙司馬可懷出鎮而遷惟宗按察使分守武昌

尋攝其使篆司馬窮治璫黨下訟牒至三百因入言

奉黨不過百十人其為世所指名者大抵已長繫其

餘或殛或溺否則首鼠竄似訟牒如許率斷斂有力

批引夙費者也司馬收還牒以何部運入淮乞歸休

雜閩源流錄 卷十九 楊道會 藝敘堂

不許時朝旨已轉右轄矣而楚宗獄起趙司馬死焉

遂即家趨命倍道之官至則楚諸宗已就檻諸司尚

日夜治楚獄惟宗力請免株連以弭他變乃同左使

列上罪狀為數等得旨施行又語楚撫誅戮之後空

停楚刑一年以示恩寬楚撫奏上報可以何轉左轄

庚戌入覲乞歸許之需後用惟宗為人貞而不諂和

而不流平生不齒榮利未嘗一失足權貴入門論為

官曰官非身有行則為姤姤遇也止則為復復故也

論馭吏曰不受餽論待民曰無擾之論治官曰與華

弊莫若興利與嚴下僚莫若詳自治論學則曰古人

學問隨地精察大德不踰據德也小德出入游藝也
取性理精言採入程朱全書近思錄為性理抄依春
秋綱目例纂成歷代史自作論贊發前人所未發愈
稱為好學君子焉

許象先南直歙縣人補諸生以聖賢為必可學篤修
實行不尚浮靡父沒於淮奔喪歸葬三年不入內室
有同門友為撤貳守禮待優渥皇木商以百金求為
寬限族兄弟相訟賄以求理皆嚴拒不納嘗從呂涇
野先生游問答甚悉見涇野語錄中歸而潛心體驗
率族人為家會講明正學務期折衷至當無詭師指

律聞源流錄

卷十九

王

秦敬堂

母病旦夕侍側服藥必先嘗後進及母沒痛甚半月
卒于苦次有司申請祀鄉賢祠

王獻蓋字德忠南直歙縣人父兄皆顯宦德忠天性
孝友人無間言杜門自守以成父兄之德族有千金
之產乏嗣以繼議及者引義不就自少希慕聖賢動
循矩矱博覽墳典尤嚴心於三傳著為論說發明聖
人筆削精意居常惟下帷授徒聞呂文簡公講學留
都在師事之其學以躬行為先以經世匡時為務未
及施而卒

鄭守道字用行福建侯官人嘉靖戊子鄉薦第三以

道望推主白鹿洞教事著太極圖說意并易乾坤上
下繫辭解大學講章深思精詣能闡周程之秘既而
令夏津扶弱抑強風節凜介復書院與諸生講析一
時文學之士誦誦興起擢徽州府通判徽人亦服其
多聞

沈亨字體敬福建晉江人潛心大道篤信躬修尤于
義利公私之界精察嚴辨無少寬假嘗云心術上要
致其光明氣質上要矯其偏倚嘉靖乙卯以貢除新
會訓導作庠諷以訓士作劬勞歌以興孝作卦畫圖
論孟辨太極解啓蒙疏以發先賢之蘊士尊尚之擢

律聞源流錄

卷十九

四

秦敬堂

論空山教如新會未幾致仕歸貧甚有二孫不能給
衣食寄養于女家

倪復字汝新浙江鄞縣人性端謹嚴毅少力學無間
寒暑讀書不摘章摘句而窮索幽渺務得指歸嘗曰
士生程朱後已幸有坦程矣更欲立門戶與抗耶故
其說經談理止按先儒成法會而通之尤邃於鐘律
平生篤於孝友親喪哭泣遂成目疾弟子束修之饋
不入私室盡以資於弟檢身以禮市肆優場一不履
其足人嚴憚之所著有易繫辭解中庸解正蒙發微
皇極經世書通解鐘律通考閒居漫讀記東巢雜著

壺齋問答救災集議禘祫議濬湖議見閩欄楯觀古錄畏菴稿藏於家

張淇字子期南直無錫人曾祖愷由進士歷官醴使以廉正稱與邵文莊同年友善子期髫歲事陽湖邵公聞陽明致良知之說及壯從方山薛先生游益勵學已乃亟稱考亭曰畢竟盤不過此老十八補邑庠二十食餼試輒最其曹晚預歲薦待選都下申吳縣迎致邸塾甚嚴重之以是乞訓吳庠艱歸補休寧遷諭英山不藉吳縣一言汲引其門人顧憲成允成兄弟官清要負重望從未向貴顯前一齒姓氏會休寧

雜聞源流錄

卷十九

五

葉教章

令祝世祿考績至吳下或告之大為嗟服語人曰真高品也性至孝友為諸生授經得寸絲一粟必以奉親逾壯而母氏性嚴間子羹楚輒嬰啼受之每館歸必侍寢榻下不入私室至于婚弟嫁妹拮据備具纖悉曲到務愜親心然後已三任學職所至以身為教禮賢育才恤窮伸枉諸生莫不信愛一日題齋壁曰靜中自念常憂國夢裏思親輒過家遂拂袖歸歸而與弟偕隱課孫為樂及病革子楷請遺言曰做人須收拾身心吾儒致中致和實不外此薛文清讀書錄吾家祖業也交付兩孫遂瞑壽七十二初號原雒晚

年專意懲窒改損齋學者稱損齋先生萬曆庚子秋子期年六十八視及門二顧子于涇上論學彌日因言邇來異說橫行始而侮朱終而侮孔其害真酷于戎翟禽獸遽掀髯起曰恨予不作魯司寇磔此奴于兩觀之下須臾飲盡一斗仰天而呼噫吁不已後叔時志墓而詳著之然則二顧之學之正有自來矣又述其自序有云忠信孝弟出自天性謹守繩墨不敢妄為所得於吾儒義理性分為多論者謂之實錄吳中立字公度福建浦城人登隆慶辛未進士疏乞歸養父沒服闋遂絕意仕進以著述為事結廬武夷

雜聞源流錄

卷十九

六

葉教章

山中十有七年越中張太史元汴直入山訪之微諷以仕則曰士各有志萬曆十五年南禮部尚書袁洪愈給事中周邦傑巡按御史楊四知表其修節詔郡縣起送赴部辭乞終隱貽相臣書曰昔唐元和進士費冠卿以祿不逮親永懷國極隱於池陽九華山長慶中御史李行修薦舉冠卿力辭竟許終隱愚願效之吏部覆疏言聖世禮賢首崇恬退必使清節之臣虛被寵榮乃可以廉頑立懦風勸士人詔授禮部儀制司主事俟病痊錄用後推尚寶丞報至公度已逝矣所著有易詮古本學庸大旨論格物書性說氣諸

篇

方學漸字達卿南直桐城人自少沉毅穎敏敦孝友
 攻文藝兩親先後沒柴毀廬基適張甌山署桐城論
 倡道作人遂首稱弟子毅然以聖賢為必可學尋天
 臺耿公督南畿學政下白衣應舉令甌山乃言於邑
 令欲以達卿應舉竟逃匿不出久之始籍郡諸生從
 是試輒高等餼于庠凡七試南闈不售越癸巳以明
 經對大廷而長子大鎮業登進士司理大名矣達卿
 過大名遇塗揆字郡伯論學語及潛見之際因罷謁
 選先後受封如子官歸創桐川會館顏其堂曰崇實

雜聞源流錄

卷十九

方學漸

七

彙敘堂

所趨歸居恒被服一仍寒素密處一室聞若無人至
 對客談名理則粲粲如懸河即宵分不少倦於人不
 妄交交即披肝膽破城郭急難周乏傾囊不吝又善
 規人過脫不盡如棘在喉間不吐不休聞人善亟為
 掄揚恐弁抑無知者四方學者鱗集莫不一體視之
 或以不類請者輒曰老夫不敢以不肖之心待人時
 趙太學承玄鴻賜童布衣靜齋自澄皆以學問著聲
 人稱桐川三老云伯兄伯兄廢箸後貧甚達卿割宅
 迎居割畝田為膳二十年怡怡無間庭有杞楓二樹
 連理者三人以為孝友之祥伯兄沒作連理賦哀之

雜聞源流錄

卷十九

方學漸

人

彙敘堂

後復喪其二姪大慟感疾卒臨革惟囑子曰汝無忘
 會事祠事幸好為之壽七十有六晚號本菴及卒學
 者以其學宗性善私諡為明善先生所著有七論二
 解百八銘崇本堂集通訓桐廬庸言一言孝經繹先
 正編二十餘種藏于家子三大鎮大鉉並進士大欽
 廩生而大鎮別有傳見第十七卷中

史孟麟曰宋傳
 道學區心學理
 學而二之何以哉嗟乎心理之判學術所由分岐
 矣朱子言窮理未嘗離心學人即事即物以為理
 而不求當於心王文成捐良知未嘗離理學人無
 善無惡以為心不求安于理豈天下有非心之理
 而學人有非理之心乎蓋余讀天泉證道語而疑
 之謂是無善無不善告于誠詞何當于良知文成
 旨乎其言任子為請生時能豁過制論學深以
 生之謂性為不刊語欲為告子作辨則證道編或

龍谿自謂微悟語而托之文成抑文成晚年以龍谿之見接龍谿而龍谿遂以為傳心之密耶善乎明善先生之言曰文成既以至善為心本體乃何以無善為上根密傳可謂陽明功臣且龍谿以是密傳標悟門夫談虎色變乃為真知先生困諸生間不欲以白衣應舉非孟子所稱不欲不為之心體歟善耶非耶非苟知之實允蹈之信心而行無所之而非是悟耶非耶則先生之明善乃先生之真悟哉

鄒觀光字孚如湖廣雲夢人四歲解諸書大義九歲補諸生十歲餼食十八歲舉萬曆癸酉鄉試第四人庚辰成進士授中書舍人與同榜顧涇陽先生友善以學行相鏃礪丁父艱歸三年間人無得見其一面起除銓部粗衣糲食每策羸馬入署手不釋書久之

雜聞源流錄

卷十九

九

彙敘堂

遷郎中壬辰筭計事先發諸吏偽增減文書得拜官者數百人抵罪部弊一先及計典出黜陟公允越明年癸巳趙公南星繼之論者稱雲夢計外高邑計內為天下兩絕時新進士顧允成諸壽賢鼓尊古以上書訟海瑞寃幾廢黜乎如獨拔用之有兩舉子以冒籍被桎梏乎如念是雖躁進律以無分民之義固無大罪遂白免之歷四司所具疏上具報可偶有所陳請不合即乞歸養母潛心正學嘗歎曰今教化翔洽家性命而人堯舜而議論愈精世趨愈下維世君子惟當以躬如立教斯救時第一義乎爰顏其講堂曰

尚行精舍而屬涇陽為之記在告十餘年始補南職方郎無疾卒卒後數日遷貳回鄉聞者咸慨惜之學者稱大澤先生所著有讀大學衍義補尚行錄先夏燕抄鄒子衡言皆素堂草草乎如全集雲夢縣志諸書行于世

蘇濬字君禹福建晉江人萬曆癸酉鄉試第一丁丑成進士授南刑部主事丁外艱補工部董慈寧宮先薄正材中貴人不得拘掇為奸利江陵有疾九列為祝釐部尚書以青詞命之弗應也癸未分會試薦李廷機第一尋改禮部出為浙江提學僉事闈門試士

雜聞源流錄

卷十九

十

彙敘堂

士卷未竟君禹閱已編鑑賞收拔刻破常調上初駭怪久乃信服遷陝西參議領商洛道歷廣西副使蒼梧兵備桂平道參政所至政尚簡易興文化俗商洛有礦盜數百列柵旅拒移檄諭之皆解及岑溪徭變起廢將陳遵以吳廣為先鋒身自督戰旋討平之擢貴州按察使以病辭歸君禹不設道學之名而深造自得居家以孝弟為宗當官以義利為防廉不沽名介不絕俗仕無擇官官無闕捷作雞鳴偶記皆躬行心得之言讀者謂其可與虛齋密箴相表裏著有四書辭醒易冥冥編及廣西通志行于世

吳瑞登字雲卿南直武進人性淳厚為諸生熟于講授勤於著述以貢授光州訓導薦入六館續修憲章錄大學衍義補獻闕下校讐繕錄晝夜不輟致疾而終嘗與秦關王之士論學而合相與取嘉隆以來正儒辨析新學之詞萃為一編而折衷以已說明嚴公恕讀者識其為有德之言常守歐陽東鳳要諸賢修毘陵人品記尤嚴於近人獨採鄉評錄雲卿傳入記

中有題陽明傳後語一條見第十卷鄭環浦傳後

陳朝棟字礪石南直桐城人賦性凝重初解論語孟子即謂聖賢可學而至其師笑而異之工制藝長而

雜圖源流錄

卷十九

十一

藝教堂

輝精宋儒理學諸書以為大道務在躬行苟操履弗篤即得程朱正傳僅從事于議論著述之間亦未免文多實少也生平孳孳以求寡過無一事不可告人而事親純孝父有愛姬憐其無出援他人子為姬後礪石曲體父意悉舉產殖推與之而自取其瘠者緣是得貧終身怡然不少悔老於諸生而望重山斗所著清越樓日錄三易露牋等書皆發明聖賢心要後學皆宗之及卒私謚為孝醇子

劉觀文字叔熙南直丹徒人叔熙十五補諸生十七食餼萬曆乙未魁會試沈四明欲召見置之首甲拒

不在遂殿二甲除開州守有令政居八月丁艱歸服除入京候補見礦使恣害乃上書數千言痛陳時政得失言四方之民成必反之勢者有八不可不早為宗社計疏入待罪朝房十三日不報補汝州蠲滌煩苛而以禮法繩豪右一州肅服汝故無城乃搜贖緩得七千金倡諸士民范土程工不暮月而城成初叔熙有友十人交砥躬行華德夫宜我箴徐行甫最著及蒞汝遂以倡明絕學為已任創建二程書院集兩學俊秀之士課業其中遠近學者聞風日至適德夫

雜圖源流錄

卷十九

十一

藝教堂

司李荆州以忤稅瑞被逮過汝叔熙出郊迓之慷慨灑酒曰好為之慎無負所學德夫敬諾由此抗節彌堅人無不稱兩人之能始終以道相成也屬歲旱禱輒雨逾年旁數郡皆大旱鄰民成走控監司願得劉使君代禱監司檄召之為露寢三日上章告天果大雨千里他郡民有流移入境者輒墾荒田以處之給其牛種凡活千餘人又倣古立社倉法設粥廠十餘處以施飢民詳載闡荒蘇民錄中時所在稅使怙奄人勢橫甚奸民又以礦利相煽惑叔熙一切繩以法且上章暴其罪狀稅使銜之亦上章誣以他事禍且巨測弗為動治汝六載舉卓異擢禮部主客司員外

在部務柔遠人悉卻四方貢使私餽獨念有司用刑之慘小民受禍之深上疏請寬恤刑獄蒙特旨嘉納尋奉蠲書存問申相國時行於家使事畢乘間說相國以匡時報主為言相國器之請為昏姻謝弗就吳撫請以海賈所致四萬餘金贖行力卻之有詔即家拜為山東學使未任得疾卒年三十有七叔熙仕不廢學所至民懷開汝皆立生祠後聞其卒率老幼聚哭祠中如喪考妣著有文錄奏疏詩賦共若干卷藏於家

雜聞源流錄

卷十九

洪猷

主

彙敘堂

洪猷字文振福建晉江人家貧力學授徒取陳布衣心圖蔡虛齋密箴為士誦之解咸艮二卦謂艮者止也君子思不出其位則靜而非虛矣咸者感也君子虛以受人則動而非實矣萬曆十七年應貢授南安府訓導教諸士曰此濂溪授圖二程處也時於講藝中指點身心之學間遇名勝攜二子吟咏借樂有沂雩氣象居一年卒學者追慕之

王任重字尹卿福建晉江人隆慶戊辰進士授廣州推官歷雲南右布政以疾乞歸予太僕寺卿致仕尹卿慈淳樸直浮沉邊徼悉心官理在滇中先後削平逆酋助贊為多自為諸生慨然紹濂洛關閩之學常

粘太極圖西銘于壁及守曲靖值江右李見羅分憲金騰遂以學相質往復衍繹而踐履益真至其虛心受善擊節詠歎不啻已出每夜就枕必誦孝經小學二章曰陶情願性淺而實深近而實遠雖耆耄不能廢也

薛敷政字以心南直武進人少偕弟敷教同稟學於大父方山先生經介絕俗食淡衣粗同氣一德為世家子所難後弟十八年而後舉當萬曆甲辰東林載建時以身敷教字已在謫籍以心方滯公車遂共肄講

雜聞源流錄

卷十九

薛敷政

古

彙敘堂

林間議者方之二顧兄弟居三年成丁未進士除永新令砥礪清勤久之舉卓異入覲舉天下廉能第一擢御史天啓改元奉差巡按四川會土司奢崇明殺撫臣徐可求等攻陷夔慶諸郡是時兵權無主合省震驚以心馳入軍門收撫臣勅印圖籍立題請左布政朱熒元為巡撫乃以便空調勁兵倡義同守成都晝夜登陴捍禦出城督陣躬冒矢石大小百餘戰連挫賊鋒三月餘矢盡糧竭斗粟至累鎰不可得以心吞布絮充飢腹三軍感泣忍飢願効死力遂檄石柱土司女官秦良玉內外夾擊擒斬無算賊奔潰復灑血誓師以大義勉良玉等恢復州郡道路始通卒平

賊成再造功忌者掩抑之僅遷太僕寺少卿而卒後按臣陳睿謨到蜀廉其實具陳戰守狀得旨予卹典以後人貧厄竟中格而道南之祀亦以晚仕後未獲與以身並侑公論惜焉學者稱純臺先生

王永圖字惟懷新一字南直宏興人父彝敘為諸生時

借無錫顧端文入郡守龍崗施公龍城社名齊志合以貢仕為馬平令同邑若史孟麟吳正志張納陞皆

出其門惟懷年甫十四德性醇密端文一見稱之曰

此子疑道之器也許妻以女攜至涇上親自課教之

爰以錫籍補諸生尋食餼越十載領萬曆庚子應天

雜聞源流錄 卷十九 藝教堂

鄉試甲辰從端文興起東林書院交字內賢豪印證

學麻其為學以澹泊為宗而自信則在勿欺不爭四

字故處鈍處後見者靡不化服久之選冀州學正歷

國子博士戶部司務所在有績遷刑部員外郎會魏

奄以冒功磨茅土封京官爭題楔諛之同列請署名

惟懷笑謝曰吾若列名于是有愧元祐石工多矣堅

不許後瑞敗諸署名者皆得罪獨得無坐人始服其

先見崇禎初晉郎中奄黨若五虎五彪諸獄悉屬攷

案為之引繩披根無所枉撓其案呈凡數千言奏下

之日輿論大快至如改勅關節兩案事係國體尤持

論平允大司寇倚重焉出守韶州數辨冤獄敷惠政韶人畏愛交至俄罹謗賴廷議得白當調以病乞假歸道卒居恒孝友廉讓事大父母死生協禮事繼母得其歡心為宗黨所稱著有儉齋文集藏于家其書法最有名

余玉節字聲子湖廣大冶人幼稟奇穎十齡應里選

即以答策該雅見重於有司既長博覽羣書留心世

務所居宮臺里在山谷中來問字請文者屢恒滿未

壯膺貢旋中萬曆丁酉鄉試登辛丑進士放榜日聞

父訃慟絕而蘇馳騎奔喪啜粥寢苦揮淚盥面行三

雜聞源流錄 卷十九 藝教堂

千里無一人識其為新貴聞者知求忠於孝矣服闋

授戶部主事差推臨清關稅處脂弗潤寬商束胥僅

求及額而止差竣空橐還家守先人田廬未嘗少益

尺寸久之起刑部郎屬瑞焄方張刑獄多濫獨能執

法弗阿平反積案用以抑雅保正一時有徐杜之稱

奸黨咸側目因力求補外得江右吉安府吉故鄒爾

瞻居里方在籍講道聲子至則率治屬士紳赴白鷺

洲書院從爾瞻析疑問難娓娓忘疲而兼與東林眾

正郵筒論學日有商確以措於政事士民交頌之未

幾逆瑞矯旨徧毀天下講壇白鷺尤所指斥催檄日

數至又所在官紳爭議祠璫聲子念毀此立彼世道
治亂攸分慨然謂僚屬曰先儒舊跡詎可滅也設有
罪禍吾自當之耳竟寢閣不報時各處書院削伐騷
然而白鷺得歸然獨存吉人懾其嚴正亦遂無敢以
祠璫請者崇禎初璫誅廷議將召用適妖賊狂逞嶺
北撫按爲地方擇人奏改爲蕙州兵備參政專畀以
討寇之任是時小民承晏旣久聞風股栗將懦兵弛
無不法戰思走者衆官皆主撫聲子獨主動受事之
日不別妻孥單車就道訓兵揀將清野足糧諸城守
斥堠號令賞罰方略所布如宿帥然兵民始有固志
不浹月遂蹙賊壘討平之詳具佐虔制勝編中提聞
擢都御史候代未上以勞疾卒于虔署自袍服圖書
外笥無長物同官入視者莫不歎息流涕居恒有才
弗揚收斂恬默及臨事遇變輒能不顧禍福死生毅
然以身當之惟義是赴而大節有光人以爲識明瞻
定皆由學問之效學者稱振衡先生

野獨負大志每嘆曰學者非徒咕嗶已也必將上窺
洙泗下接關閩耳時德清敬菴許公標王敬之學講
道東南爰從之游刻意問辨微詞與義多所發明同
志若錫山高存之同郡黃貞父葛水鑑諸公咸爲之
延譽萬曆癸丑詔求經行之士首應詔充拔貢旣入
對闕經學榛蕪諸儒補輯扶衛專門殊軌究未扶聖
賢旨要乃縱橫今昔改正傳註作寓庸書意六經訓
註二大編而於四始尤爲精析其長子發之嘗言吾
翁以忠厚和平四字訓子孫真詩教也又著負劍日
箋海錄碎事家禮纂要卓氏家譜等書皆切日用裨
人倫儒苑競傳之壽七十五學者稱入齋先生

異第一推漳南參藩適魏崔肆焯崔為同門友嘗授
 意招致澹衷不從守漳三載迄不通一字崔銜之大
 中丞周起元坐贓數萬下漳州籍沒士民洶洶泣訴
 澹衷泣謝之乃閣其事不累漳一人益忤璫意推陞
 疏上遂矯旨削奪聞命遄行窘甚至鬻藏墨以佐行
 李去漳三載民思其德奉祀朱文公祠額曰新安兩
 夫子崇禎改元擢福寧兵憲時閩海多事為之廣升
 伍集亭障嚴接濟嘗以元旦馳師賊不及備斬賊無
 算且謂使功不如使過海弁有驍勇絕人者重囚有
 謀勇出死力者破格用之屢奏奇功寇平以疾告歸
 雜聞源流錄 卷十九 崇禎 十九 葉教堂

日講學天泉還古兩書院精治尚書原本朱子之意
 而為之註借諸兄弟立約按季出錢用資貧乏名曰
 借與會宗黨賴之自初仕以至宦成從未至郡邑干
 謁歷官二十餘載清貧如故見地靜定遇死生利害
 絕不以動其心年六十八卒所著有書傳刪補棗漪
 園宗閩獻漫紀行于世學者稱鶴嶼先生子鼎和字
 公調事繼母孝撫諸弟友從學余少原鄒南臯兩先
 生崇禎間以明經舉賢良方正至京上精鑒別防墜
 蔽二疏皆深中時弊尋辭官還籍坐所居焉文章堂
 日會友講學亦著有薛文清讀書錄發明小學闡義

諸書

熊祚延字所公湖廣孝感人自幼莊重寡言笑弱冠
 補諸生畧文藝而志道德恒自念賦資魯鈍不敢矜
 敏悟真捷獲求如孔門曾氏以魯得之而已爰哀集
 曾子生平言行編為一帙題曰希曾錄朝夕展玩事
 父母色養兼至母病篤額天請代至嘗糞以驗平復
 交友則然諾重於金石急人之急憂人之憂見義勇
 為雖責育不能過也四方學者造門請益每教之日
 聖學無過求仁仁道至大其體無方其用不息學者
 求仁誠非弘毅不為功彼三氏之謬妄百家之支離
 雜聞源流錄 卷十九 崇禎 十九 葉教堂

正坐不弘不毅耳復著弘毅解以示諸生揭諸齋壁
 以自警勉其讀書先博後約自經史外如天文地理
 河渠兵法禮制樂律一切經濟實用之書靡不洞悉
 原委而尤究心世務默坐澄觀籌度百不爽一崇禎
 甲戌流寇蔓延秦蜀楚豫間所公角巾儒服亟詣當
 道上勦撫二策大約謂秦蜀利用勦楚豫利用撫媢
 媢數千言當道不能用因歎曰世事不可復為矣遂
 孳家避難于邑東之白雲山將為終老計既而寇漸
 迫鄉里諸父老匍匐涕泣來請倡義共保宗族墳墓
 所公初不欲行衆請至三激以仁不避難之美乃不

得已隨衆出山糾集義旅旬日間得萬餘人爲之布
部伍申約束立營寨器械軍務略具隱然成一重
鎮賊黨知有備潛引去相戒勿犯熊公里初所公謝
絕試場人有勸其應舉者輒大言曰天下將大亂何
以應舉爲迨歲庚辰錫山高公世泰督楚學蒞鄂城
首遴通省賢士興起濂溪書院修明正學所公聞之
始攜弟祚永出就試遂入室而考道焉嗣是益有見
于濂雒之宗直接孔曾之脉粹然一臻於正歲癸未
夏獻寇破楚會郡縣悉潰里左有陽附義而陰通賊
者忽勾引賊衆大至爲亂與戰失利竟被執脅之降
雒源流錄 卷十九 藥教堂

都下與同年金公鉉陳公龍正考究身心不厭往復
已卯典試福建其程式皆深於理學湛於道德之言
癸未分考禮闈遷左春坊左中允兼翰林院侍讀時
內外交訌闕獻分突楚豫秦晉連陷寢逼燕京復禮
無兵戎之責而時與金陳二公私憂之甲申三月十
九日在圍城中聞召肅衣冠入平旦門未啓忽報賊
騎入城衆官相顧愕然尋傳上崩于煤山復禮撫膺
慟曰理順荷上特簡生不能出一奇珍亂致逆賊披
猖國家淪喪臣之罪也亟還寓北面再拜自縊妻萬
氏妾李氏子聖箴庚午舉人及婢僕數人死之題壁曰成
仁取義孔孟所傳信公踐之吾何不然既授魏科豈
可苟全三忠祠內不愧前賢初復禮報狀元鄉人題
其門曰天從人願至是有河南賊數十人下馬入寓
呼曰公居鄉厚德吾輩感恩未報今同來救護何圖
公竟若此言訖相與痛哭羅拜而去是年贈詹事
府詹事諡文正贈萬氏淑人 皇清錫謚曰 賜
祠田若干畝至康熙初丹徒張公九徵提學河南有
文表間修墓併行祀縣查明子姓俱加優卹云學者
稱湛六先生
李邦華字孟閣江西吉水人萬曆癸卯與父諫同舉

鄉試甲辰成進士令涇縣有能名擢御史直言無隱
 奏減福王莊田趨之國巡按浙江聲望尤著孟閻嘗
 師南臯鄒公受萬物一體之學故羣小攻東林者忌
 及之丁巳例轉山東叅議病免久之起廢籍為光祿
 少卿未任遷都察院僉都御史巡撫天津尋入為兵
 部侍郎協理京營戎政時奄黨崔呈秀等欲舉諸名
 賢一網盡之作天鑒同志點將等錄皆列名其中樞
 輔高陽孫公擁重兵在關外請入朝 奏邊事魏廣
 微唱言朝堂承宗興晉陽之甲李邦華召之來耳瑄
 懼甚矯旨勒孫還鎮倪文煥遂疏論削籍謫瑄嶺南
 雜聞源流錄 卷十九 崇禎 彙教堂

崇禎改元起原官尋遷本部尚書己巳之變日夕練
 京營兵焦勞備至然竟以是免己卯起南京兵部尚
 書憂去壬午起原官掌都察院事癸未南北告警大
 帥左良玉擁重兵有跋扈之形潰而東下陵京震動
 孟閻先移檄正告動以大義開陳禍福約勿過安慶
 一步乃飛騎會皖撫發九江關庫銀十五萬以餉之
 遂得帖然翌日親入其營慰勞將士良玉具橐鞬立
 鵠首以見是歲獻賊破武昌駸駸及江右因上保東
 南裕安攘一疏謂長江衣帶非僅僅守九江守安慶
 可恃無恐也為今日計安增兵以扼險江撫駐九江

懃撫駐吉安以壯虎豹當關之勢往來策應責在監
 司上嘉納之會掌院缺特旨簡任凡大事大獄許不
 時入奏禁廷天語商確多秘莫聞甲申春寇兵犯關
 孟閻知勢危急有密疏請太子南遷撫軍併請永定
 二王分封江南立撤關寧兵入衛而主意則在發內
 帑待外援以戰為守君臣効死勿去上心是之以語
 泄羣譁不果行三月十九日辰聞城陷急叩大內闕
 門堅閉不可撼趨拜文丞相祠返寓閉門書版曰堂
 堂丈夫聖賢為徒忠孝大節誓死靡渝臨危授命庶
 無愧吾君恩莫報鑒此癡愚仍入祠繫帛信公坐櫓
 雜聞源流錄 卷十九 崇禎 彙教堂

自經而絕是年郵贈太保吏部尚書諡忠文 皇清
 錫謚曰 賜祠田若干畝學者稱懋明先生前後
 林居時多父比部老無恙讀書談道篝燈布席依然
 兩書生以是益邃于學晚年修講堂定教條立宗祠
 恤繇役惟論諸生誦法孔子於儒釋門庭未遑斤斤
 區別也子六人長士開次士國異母而特友愛以試
 事同舟行士國墮水湍迅急條忽失所在士開欲救
 不能乃號哭赴水遂兄弟俱死先奉旨建坊旌表鄉
 人劉同升為之記

郭正中原名字大來浙江海寧人踰冠中萬曆乙卯

副榜入太學天啓甲子舉順天鄉試值高忠憲公爲御史大夫受業其門遂于無欲故靜之旨日事體貼久之有獲崇禎甲戌在北都著困學記丁丑謁銓得四川廣安州滇人馬乾得山西代州乾親老不能遠離大來援以柳易播之義力請相易未赴推舉纂修曆法時言曆者四家原設大統曆及回回曆別有西洋人湯若望爲西局布衣魏文魁爲東局彼此攻擊言人人殊大來念諸法各有短長離合請會通四家而求無差之定法西人欲主西法而以中曆爲佐大來則欲主中曆而以西洋諸曆爲佐曰自堯舜訖今

雜圖源流錄 卷十九 曆法 彙教堂

歷歲四千二百七十四年其間修改七十餘次創法十有四家未有端從外教而毀棄中法者故西人作崇禎曆書既成而頒朔仍行大統者皆其力也大來雖在曆局不屑以史祝自處慷慨論列皆天下大計首疏日月頻食京師地震此冤獄所致空因熟審之例廣爲寒審清貴人之獄先及罪宗再疏天下之亂由於貪吏欲懲貪吏莫若顯清望名臣令其表率百寮風厲有位因薦劉宗周李日宣黃道周華允誠等又言銓政之弊官吏皆出頂首之金當令方正大臣保舉銓司及郡縣官保舉胥吏則頂金可及言衛

所之軍宜隸有司民壯之設非供役使上皆報聞惟論奏先儒當庶祀者九人上以輕議大典斥之戊寅六月抵代聞京師戒嚴請提兵入衛督撫壯其言而不之許居一年自劾歸後舉邊才起山東沂州兵備副使甲申乙酉間條上封事皆四鎮輩所不便因被訐奏尋經喪亂播通閩粵不知所終著有疏集同困學記行於世

雜圖源流錄 卷十九 義舉 彙教堂

戴思孝字永言南直婺源人少端靜不逐羣兒戲甫受經輒通大義弱冠補郡庠臺試屢冠軍與同邑十子締正社以正學相勉勵謂吾儕居近紫陽歷世未遠雙湖雲峰少原登原一脉相承忝爲後死不應聽其中絕由及新安士行爲之一變踰壯舉明經見當世已亂遂棄去以授徒著書終其身於經書大全性理綱鑑及經濟百家之言靡不研究其極居家事父母及繼母盡孝處鄉黨謙謹特至臨子弟一嘯笑不苟雖盛暑不廢衣冠族姪其母貞子孝爲特請于當路表其閭從弟怡孝蚤世無子婦矢靡他爲立祠分羹給之自少至老嗜古尚義病中強起自銘其木曰爾德不類爾名未遂讀聖賢書有懷汲汲越數日而革惟以積行讀書二語貽二子年六十七學者稱

2120118

S
Z121.5
15a

續修四庫全書 史部 傳記類

華渚先生著有四書解壁經解閱史隨筆編年家訓
及文集六卷藏于家

儲漑字剛甫南直安與人少為諸生有聲受學于錢
啓新先生遂棄舉子業專心理學人以為迂獨浙江
章宸一見執弟子禮無錫鵞湖華氏延之家敬問業
焉崇禎初巡按御史祁彪佳聞其名請見必欲得所
著書將薦於朝剛甫以疾辭乃表其門曰理學真儒
所著有易疑諸書


雜聞源流錄卷十九

雜聞源流錄

卷十九

三

華渚



ZW 21101000583058